

UTL AT DOWNSVIEW




D RANGE BAY SHLF POS ITEM C
39 10 10 04 03 011 1

DR
471
A35


'Alī Kemāl
Pāris muṣahabelerī

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY



Digitized by the Internet Archive
in 2010 with funding from
University of Toronto



Ali Kemal, 1867-1922

Pāris muṣāhabeleri

علی کمال بک

ایسر مصباح

برنجی جلد

معارف نظارت جلیلہ سنک وخصتیلہ

اقدام غزته سنک پارس مخبر مخصوصی (علی کمال) بک افندی نک
مذکور غزته ده مندرج اولان مقالات نفیسه متنوعه سی کتاب
صورتندہ دخی باصلمق قارئین عثمانیه جه مطلوب و ملتزم اولدینی
کریک اوخصوصه دائرآلن ان مکاتیبک مطالعه سندن، کریک شفاها
وقوع بولان افاداتدن اکلاشلدیغندن بونلری غزته صحیفه لرندہ قالمق
کبی برضیاعدن محافظه — اولجه طبع اولنان (ادبیات حقیقیه)
ایله (قادی ن مکتوبلری) مستثنا اولمق اوزره — جلد جلد اوله رق
ایریمجه ده تمثیل ایله ک

درسعدت - اقدام مطبعه سی

DR
471
A35



1004472

في ٨ ايلول سنه ١٣١١

جريدة فریده لرینه مخبرلک ایتک لازم کلدی. اولهبا!
على العموم اوروپا غزته لرینک هر طرفده بلای باشلی
مخبرلری وار ایکن (اقدام) کبی آز زمان ایچنده عالم
مطبوعاتجه بیوک بر موقع اشغال ایتش بر حقیقه کزینک
پارسده بر مخباری اولمامسی روا کور یله مز. ارباب
مطبوعات مخبرلکی محرر لکدن ده کویچ بر وظیفه عد
ایتدکاری ایچون مشاغل آره سنده شو خدمتک بحق
عهده سندن کلک برپارچه کوزیمی ییلدیر ییور، خیلی
زماندر بونیتمی موقع اجرایه قویدر میوردی. فقط
اقدامک کوندن کونه کسب ایتدیکی رواج وترقی ازدیاد
شوقه بادی اولدی. حالده بوکا یاردم ایتدی. آرتق
تردد وسکوته محل قالمادی. بیوک بر خواهشله قامی اله
آلدم. شو برنجی مکتوبه، باشلادم.

هر وظیفه‌نك اجرا سندن اول برخط حرکت تعیین
ایتمك ، برپلان یا عمق کر کدر . بنده بو خدمته قبل الشروع
اوجهتی عرض وایضاح ایدیم . پارسدن بر در سعادت
جریده سینه مخبرلك درلو درلو اوله بیلور . معرفت
بونلرك مفید اولانی انتخاب ایتمکدر . مثلاً مخبر صباحین
قالقار قالقماز تان ، فیغارو ، دهبا ، ژورنال . الخ
غزته لرینی کوزدن کچیرر . بر مقاله ، بر مکتوب ترتیب
ایدر . در سعادت کوندریر . فقط بوکا مخبرلك دینمز .
بوعادتا محرر لکدر که پارسه حاجت قالقمازین استنبول دده
ایفا ایدیایر . چونکه او غزته لر عینیه ، حتی مخبرلك
مکتوب سندن اول در سعادت کیدیور . مخبر مطالعانی دکل
مشاهداتی تصویر ایتمی ، قلمه المیدر . مطالعه اوزاقدن
اولور اما مشاهده اوله ماز . بونك او یاندر دینی حسیاتی ،
القا ایلدیکی تأثیراتی او بری حصوله کتیره مز . احوالده
مخبرلك وظیفه سی او یله غزته لری اوقویه رق دکل ، فقط
مملکتی ، وقایعی کوردرك ، تدقیق ایدرك یازی یازمقدر .
بوبله اولورسه مخبر لکدن مطلوب اولان استفاده
حصول بولور .

ادبیانه ائد مخبرلكه کانهجه : بونك چوزده برایکی ادبی
محلیه ایله مناسباتده بولمقی ، بیوك ادیب لرك اثر لرینی ،

حالی رینی کورمک ، تمقیب و تدقیق ایتمک اقتضا ایلرکه
نسبه قولایدر .

ادبیات و سیاسیانہ کیرمین شئونات عادیہ ایسه علی-
العموم مخابر لر ایچون حقیقی بر جولانکاهدر . مخابر
بویولده ایستدیکی کبی کورور ، کورونور ، یازار ، هر
طرفه قولی یتشیر . هرجهتی آجیق بولور . بالفرض
کیل قسالتک رسم کشادی اجرا اولور : مخبر صنعتی
حسبله اوجعیتمده بر موقع ممتازاشغال ایلر . دوتالری ،
اشخاصی ، آناری یکان یکان مشاهده ایدر .

مشاهداتی تأثراتنه کیره قلمه آلهرق همان غزتهسنه
یازار . بویلهجه حصوله کانمقاله ، مکتوب اومشاهدات ،
اوتأثرات اولماییدی قابل دکل ، یازیله مازدی . ایشته
مخابر لکک فرائد ومحسناتی بودر .

طبیعی هرزمان بویله بیوک وقایع ، مراسم اولماز . ضرری
یوق . اولرله انتظاراً مخابر مملکتته عائد مشاهدات سائره سنی
شویلهجه آز چوق فائده لی برصورتده نقل ایده بیلیر :
تیاتروی سونلردنم . اوردبده ، او تزیینات ،
اوفانوسلر ، او وسعتنا سالونلر خوشمه کیدر . ثاباً
بیکلرجه آدملرک ساعتلرجه او یله ساکنانه و ساکنانه
طورلری ذوق سکوتپرستیمی اوقشار . بونلردن ماعدا

اويونلرده، كي حكمت ادبيه ، ياخود نكته حكيميه فكر
 وادراكه لطيف برغذا اولور . چونكه بنجه ادبيات ايله
 حكيماتك اڤارلاق ، يوق اڤه آسوده جاوه كاه وصالي
 تياترو صحنه لريدور . ممكن اولسه هر اقشام تياترويه كيتمك
 ايسترم . بونكه چون هر اقشام بتون پارس تياترولرينك
 اعلاخي كوزدن كچيريرم . مع مافيه هفته ده ، حتي آيده بر
 بو نعمته نائل اولامام .. اكرتيا كوچك تيارولري ،
 طبيعي ده اوجوز اولدقلى ايچون ، تفيش ايدرم .
 بونلرده بعضاً پك كوزل اثرلر صحنه تماشايله ينه پك كوزل
 صورتده وضع اولور . مثلاً دون اقشام اعلايه باقدم .
 بويله نسبة كوچك تياترولردن (آميكو) ده (شانوده
 غراندير) ديه بردرام اوينانورمش . اثره مؤثردن
 استدلال ايتك عادت اولديغدن مؤلفه كوز كزديرديم :
 « او كوست ماكه » آلكساندر دوما كي واودورده كلش
 بر رومانچي . مطلوبه اولدجه موافق . بر قولتق بياتي
 آلدوم . او اقشام پارسده كي لايعد ولايحصي تماشا كاهلردن
 برينك ايلك صفى اشغال ايدنلردن برى ده بن ايدم .
 استفاددن خالى اولماديني ايچون اويوني شوراجقدم
 خلاصه ايديم .

« وقعه ١٧٩٨ ده جريان ايدييور . مادام لاباون

(غرانیر) ۱ (ترز) و (بانرامین) نامندہ کی ایک قیزی
ایله برابر اقامت ایتدیکی شاتو بو عالمک فخره دوشمنه
مبنی صاتیلیور . بیکبائی (موراندال) اسمندہ مرد بر
ضابط بوشاتونی ساتون آلیور . بر ایک ساعت سوکره
محاربه کیمه دن اول موراندال ساتون آلدینی یری
کورمکه کلیور .

صاحبہ خانہ نک نازی مشتریک اضطرانہ بادی
اولیور . فداکارلق عادی اولدینی ایچون بو حاله مردانه
بر چاره بویور . عودتندہ اولنک اوزره (ترز) ۱ ید
ازدواجنی طاب ایلیور . (ترز) والدہ سنه محبت
و حرمتدن ناچار بو تکلیفه موافقت ایدیور . چونکه
کندی میرالای (دومه نیل) نامندہ برینی سویور . اوکا
نشانی کی طورییور . میرالای ایتالیاده محاربه ددر .
یکرمی آیدر بر خبری آلیور .

(ترز) بوبله زوز زورینه ، محضا حسب الوظیفه بو
ازدواجه رضا کوستره رک عقد اجرا اولندقدن سوکره
قوجه سنه وداع ایله اوه کلیرکن میرالای (دومه نیل)
میدانه چیقویریور . ماوتی بهت ایچندہ آکلا یور .
نفسنه قیقم ایستیور . (ترز) عقانی غائب ایدیور .
میرالایه تسایم نفس ایلور ، والدہ اولیور . بوسری

همشیره سندن بشقه هرکسدن صاقلایه بیلور . فقط
برکون همشیره سی احتیاط سزلقله چوجنی (ترز) ه
کوسترمک ایچون کیزلیجه شاتویه کیریور .

تصادفات مدهشده دن اوله رق (مورندال) اوصرده ده
محاربه دن عودت ایلور ، کلیور . ایکی قارداشی بشکک
اطرافنده بولیور بنترامین قارداشی قورنارمق ایچون
نفسنی فدا ایلور . چوجق کندینک اولدیغی سویلیور .
بو وجهله شانلیسی (ریمون) ک حقارتنه هدف اولمق
تهلکه سنه دوشیور .

(مورندال) ، (دومه نیل) محاربه میداننده
بر برئرنی بولیور لر . (مورندال) (بنترامین) ک
سویلدیکنی صحیح عد ایلور . قیزک ناموسنی تمیزلسنی
(دومه نیل) ه تکلیف ایلور . (دومه نیل) نیپاه جغنی
شاشیریور ، سری فاش ایده میور . میدان حربده
فدای حیاته قرار ویریور . محقق بر تهلکه یه القای
نفس ایلور . بر دشمن طایه سنه هجوم ایدرک جیخانه
ایله برابر هوایه صیچرایور .

(مورندال) شاتویه عردتنده قاریسنی پک زیاده
مکدر بولیور . بوکا بر معنا ویره میور . (ترز)
همشیره سنک فلا کته بادی اولدیغی ایچون محجوبیت

وندامتہ دن کنڈینی زہر ملک ایستیور . (بنژامین) ہونی
اکلائیور ، مانع اولیور . اوزمان (ترز) ارتق تحمل
ایده میور . حقیقتی تمامیلہ (موراندال) . اعتراف
ایدیور . (موراندال) برچوق ملاحظاندن سوکرہ —
ولوکہ بر حس عالیہ جنابانہ ایلہ اولسون — بو ازدواجہ
قیزک حسیاتی اکلامقیزین سلمہ السلام کیریشدیکی
ایچون نفسی معاتب ایلیور سہدہ فکرینک عصمت ونجابتہ
مبنی زوجہ سنہ عفو ایلہ مقابلہ ایلیور ، وحقی مادام کہ
(دومہ نیل) اولدی ، چوجغہدہ بابالق ایده جگنی بیان
ایدیور . فقط شو وارکہ (دومہ نیل) اولمہ مش واو
تہلکدن خارق العادہ اولہ رق قور تولمشدر . ایشتہ او وقت
(موراندال) بیوک برعلو جناب ایلہ همان طلاقہ موافقت
ایدرک اورتہ دن چکیلیور ، اوسعادتی رقیینہ ترک ایلیور . «
بودرامک خلاصہ مالی بوایدی . (موراندال)
روانی اجرا ایدن مشہور بر آقتور ایدیسہدہ دیکر لری
هنوز مبتدی ایدی . ذاتاً کوچک تیاتر ولردہ ہپ بویاہ
اولور . کوچک عد اولنان بوتیاتر و الکتریک فانوسلریلہ
حرین ، ایکی ، اوچ بیک کشی استیعابنہ کافی ، مطمئن ،
مشعشع بر تماشا گاہ در . اویون اثناسندہ یا نمدہ کی یاشلی
باشلی بر آدم دقتلہ یوزیمہ باقیوردی . ایکنجی پردہ دن

صوکره صبر ایدمدم . حریفله کورشمکه باشلادم . برآز
صوکره النده کی (ردهو و آنسـ یقلوپه دیق) نسخه سنی بکا
اوزاتدی .

— باغکز ایچنده ترك ادبیاتنه دائر مقاله وادیلرك
رسملری وار .

دیدى . شویله جه برکوز کزدیردم . احمد مدحت
افندی حضر تلرینك ، اکرم بك افندی حضر تلرینك ،
ناجی مرحومك ، شیخ وصفی افندینك رسملری نظریمه
ایلشدى . بوذات ایله برپارچه فرانسـه ادبیاتندن
وادیاتمزدن قونوشـدق . پرده آچلدى . صوکره
اویون بیتدی . دها زیاد، مباحثیه وقت قالمدی . بوصباح
اونسخه دن بر دانه ایدیندم . مقاله یی کوزدن کچیردم .
اولدجه مفید بولدم . خیر خواهانه یازلمش . مع مفیه
اطلاع و تعمیق جهتله قصوردن خالی دگل .

کنجلمزدن احمد راسم ، نابی زاده مرحوم ناظم .
سزایی واقدام مؤسس و محرری احمد جودت بککر
ایچون محقانه مطالعه لر بسط اولمش . خالد ضیا ، صفا ،
وفا ، حسین رحمی ، مصطفی رفیق ، نجیب عاصم ،
سلانیکلی توفیقی ، علی فرخ بککرده ذکر جمیللری سرد
ایدلمش . خاتمه ده دخی بعض مطالعات انتقادیه دن صوکره

ادبیات بحی ، بونک اخیراً بیوک بر فیض و ترقی به مظهر
اولدینی کوزل بر صورتده کوسستزلش . هر حانه بزم
قارشی بر سعی مشکور ابراز ایدلش .

بومقالهیه دائردها زیاده تفصیلات ائق ، محالعه
یوروتمک ایستهینلره اوغزتهینی کوزدن کچرمکی توصیه
ایدرك مکتوبمه خاتمه ویریرم .

کچن مکتوبمده تیازولردن بحث ایتدمدی . پارسه
تیارو تلذذات ادبیهنک اک بیوک قسمی تشکیل ایلر .
ادیبلر ، ادبیات مراقیلری ، نوهوسلر اک کوزل ، اک
منید صحائف مطالعهینی بوتاشا کاهلرده بولورلر . فی الحقیقه
بر حکایه نك ماهیت حقیقه سی تیازویه تحویل اولنوبده
نکته علم وادبه آز چوق آشنا بر عامیه عرض ایدیلانجه
میدانه چیقار . ختمک بومیانه ، بو حسننه بناء درکه اک
بیوک حکایه نویسار ، اک ایلری کلن ادیبلر دائماً تیازولرده
شوق موفقیت آرارلر . بر مؤلف بر حکایه نشر ایدر .
بو حکایه نك موفقیتی ویا عدم موفقیتی آنی اولماز . آرهدن
ایلر ، هفته لر کچملی ، غزتلر اوزون اوزادییه بیان رای
ایتملی ، خلاصه بر چوق کشمکش اولمادی ده صوکره نتیجه
آ کلاشلیملی . تیازوده بونتیجه آنیدر . اوامتحان بر

سرعت برقانه ايله اجرا اولنور . بونك ايچون مؤلفلرك
حيات ادبيه لرنده اك هيچانله كچيردكلري برقاچ دقيقه ايلك
دفعه اوله رق موقع تماشايه قويديردقلري ائرلرينك نتيجه سنه
انتظار ايتدكلري مدت جزئيّه ايچنده در .

۱۸۸۱ سنه سنده كانون ثانينك ۲۹ نجى جمعه ايرتسى
كونى مشهور برحكايه نويسك اك مشهور بر اثرى ايلك
دفعه اوله رق موقع تماشايه قونيليورمش . بوتماشاده حاضر
بولنان براديب اوكونكى خاطراتى شويله قيد ايتمش :

« بوكون (نانا) ايلك دفعه اوله رق موقع تماشايه
قونلدى . حاضر و ن او يونى دقتله ديكليوردى . تلذ و استفاده
ايتك ايسيتيوردى . اوچنجى فصلدن صوكره مادام
(زولا) نك لوجه سنه كيتدم . ايلك او كجه قارالتيدن فرقته
واره مدى . بالا آخره كورددم . قادي نجغزك كوزلرى يشار -
مشدى . كنديسنه اترك عامه جه حسن قبول كورمكده
اولديغنى سويلدم . « حسن قبول ديديك كز بوميدر ؟ اويله
ايسه ، سزده هيچ مشكلاپسندلك يوق » ديه جواب
ويردى . بويله دقيقه نرده بر مؤلفك اقرباسنده ، زوجه -
سنده ، اولادنده حصوله كان تهيجات عصبيه ي تشریح
ايتلى كه نه مؤثر بر محصول اولور كورملى . صوك فصلده
نتيجه غايت تأثير انكيز اولدى : (غراند اوئل) ده اولوم

دوشکنه اوزانمش اولدیغی حالده (نانا) نك صو ! صو !
 ديه انزوا ایچنده جان چکتمسی ، حال بوکه اطرافده
 بالولرك ، موزیقهلرك اوهای وهوی غلیان آره سنده اعلان
 شطارت اتمسی قلبلری المله طولدیردی . پرده اینرکن
 هرجهندن آلیشار یاغوردی . مدیرک او طه سنه کیردک ،
 هرکس (زولا) نی تبریک ایدیوردی . مادام (زولا) ایسه
 « نیچون قهوه آتی نی اولدن اصمارلامدک » ديه قوجه سنی
 مؤاخذه ایلور ، اوده « طوغریسنی سـویله یمی ، بنم بویله
 شیلرده وهمم واردر . اگر اوکجه دن اصمارلاییدم ، اثر بو
 موفقیتی قازانمازدی . دییوردی . »

*

* *

بومطالعاته بناء درکه بوهفته پارسک الک مشهور ، شو
 صرده ده الک پارلاق حکایه نویسارندن برینک ، اسمنی ذکر
 ایدیم ، (پول هرویو) نك (قیصقاج) نامنده بر
 تیاتروسی (قومدی فرانسه ز) ده ایلك دفعه اوله رق
 اویناندی . برقاج زماندن بری بو ذات موفقیات ادبیه سیله
 پارس صالونلرینی ، غزته لرینی اشغال ایتدیکی ایچون هرکسک
 نظری بو او یونه معطوف اولدی . (قیصقاج !) اسمده
 شایان دقت ! دییورلرکه مؤلف بو اثرده ازدواجدن بر
 فلسفه یاتمش ، کوزلی چیرکینی کوسترمش ، برعائله نك حیاتی .

نه آجی شرح ایتمش ! او یون باشند باشه انسانك اعصابی
 کریور ، عادتاً قیزمق درجه سنه کتیریور . برنجی ، ایکنجی
 تماشا بر موفقیّت عظمّا اولدی . بوایلک تماشا کرده یر بولمق
 قابل اولدی . نه-ایت دون کیجه المه بر بیلت کچدی ،
 طوغری کیتدم ، موافق بر یره او طوردم . (قیصقاج)
 باشلانمەدن اول کوچک بر قومدی اویناندی . بونی اهمیتسنز
 بولدم ، بالاستفاده باشند اشاعی تفتیشه قویولدم . سراپا
 خلق ، هرجهت خنججا خنج طولو ، قادینلر ارککلردن
 چوق . پرده ایندی . صالونه چیققدق : قپودن کیررکن
 صاغ طرفده (وولتر) ک بیوک براستاتوسی ، اطرافده
 فیر طولای برچوق ادبا استاتولری ، اک زیاده نظر دقتمی
 (ژورژسان) ک تا دیبده کی بیوک بر هیکلی جلب ایتدی .
 اوقادین سیاسنه ، اوقادین طورینه آباق آباق اوسته آتمش
 بروضیت مردانه تحف بررنک ویریوردی . خلق ایسه
 فوج فوج بریاندن بریانه کزیورلردی . غرببدر . اواننده
 « قیصقاج » هیچ خاطرمدن چیقما یوردی .

او یونک بنده حاصل ایلدیکي تأثیری بیان ایتمەدن
 اول وقعەنی خلاصه عرض ایدیم .

کنج ، کوزل ، فقط صوک درجه عصبی و متحسس
 بر قیزینه کنج ، اولدقجه یاقیشقلی ، باخصوص زنکین

لیکن عصیتدن تحساستدن بی خبر بر آدمیه مقتضای حال
ازدواج ایدر. قیز او آدمی ازدواجدن اول سومامشدی.
صوکرده سومز، پک ییسانخی بولور. حریف بویولده
حسیاتی هیچ اکلاماز. ازدواجی بر مقاوله، برحق،
بر شرطنامه صانیر. بو ضدیت طبایع موسیو و مادام
(فرغان) ک آرملرنده بیوک بر اختلاف قیوسی آچار.
مادامک کندنندن بیوک بر همشیره سی بو حالی حس ایدر.
فلاکتک اوکنی المق ایستر. قرداشنه نصیحتلر ویرر.
فقطقابل دکل. او عصی قادین بونصایحه مقابل: «نیایدیم؟
نه اولورسه اولسون. هیچ بر قصوری اولسون، بنانی
سومیورم، سومیورم، سومیورم، ایشته بو قدر» جوابی
ویرر.

مادام (فرغان) ک کوچک ایکن (میشل تاورنیه)
اسمنده بر مکتب آرقداشی واردی. بونکله کیده کیده
آرملرنده بر عشق، بر علاقه پیدا اولیدی. فقط بو
چو جق زنکین اولمدیغی ایچون قیزی اکا ویرمدیلر.
موسیو (فرغان) ه تزویج ایتدیلر. (میشل) ده عشقنی،
یاره سنی تداوی ایتک ایچون اختیار غربت ایلدی.
قالقدی آتیه کیتدی، اوچ سنه اوراده قالدی. شمدی
کلیر مادام (فرغان) ی بو حالد، بو حسد بولور. طبعی

اواسکی علاقه ، معارفه آرملرنده دها شدتله اشتعال ایدر .
 اوغلان یالاندن آتنه یه عودت ایده جکنی سویلر . مادام
 رجا ایلر ، « کیتمیکنز ، کیتمیکنز » دیر . میشلک عرفانه ،
 فلسفه سنه ، طبعنه عاشق اولور ، حیران اولور . فقط
 نفسنی سقوطدن محافظه ایلمکه ، عصمتدن آیرلامغه عزم
 ایدر . بو عزمی ده اوکنجه بیلدیریر . مع مافیله مادام که
 عاشقنه رام اولیور قوجه سندن مجتنب یاشامغه قرار
 ویریر . بو قراردن بر مدتیجک صوکره موسیو (فرغان)
 ایچری کیرر . قاریسنه رفق ونوازش کوستیریر . لکن
 مادام زوجنی رد ایدر . تحقیر ایلر : « اصلا ، اصلا » دیه
 قیوی یوزینه چارپه رق اوطه سنه قاپانیر . حریف قیزار ،
 یومروقله قویه اوریر ، « کوریرسک سن » دیه باغیریر ،
 بومنافرت صوک درجه یی بولور . کیتدکجه دیرلکسنزلاک
 بیور . قادینده تحمل قالماز ، رجا ایدر ، همشیره سنی
 قاندریر . قوجه سندن تطلیقنی طلب ایتکه کوندریر .
 بو ائنده (میشل) او عاشق ، افاضل ، اولطیف ، کنج
 ایچری کیرر . مادام (فرغان) بوکنجه قارشى اشتیاقنک
 آرتدیغنی کورور ، سقوطندن ، ذلندن قورقار ، (آتنه) یه
 عودتنی نیاز ایلر . بوسفر اوغلان راضی اولماز . شدت
 عشقندن بحث ایدر ، طایانه میه جغنی سویلر . مادام کیفیت

طالاق بیلدیره رک: «صبر ایدیکیز. برسنه قدر باسه بریتیزک
اولورز» دیر. وجد و نشتمیه کایر. «بن سزک نشانایکیز»
دیه باغیرر. لیکن موسیو (فرغان) طلاقه قطعاً راضی
اولماز. ایلاک اوکجه بالایزینه، سوکره یوز یوزه قاریسینه
سویلر: «زوجه مسک، بکا اطاعت ایده جکسک. ازدواج
دینا، قابوناً مصدق بر مقاوله نامه در. بونی کیفی صورتده
فسخ ایده مزسک.» یولنده برقاج سوز سویلر. قادین
فریاد ایدر، قلمندن، حیانتندن، عذابندن بحث ایلر.
بو حیاته تحمل ایده میه جکئی بیلدیرر. قابل دکل حریف
راضی اولماز، قیزار باغیرر، حقوق زوجیه جبراً رعایت
ایتدیره جکئی، وقایه عفت ایچون پارسدن انفکاک ایدرک
ساکن بر محله نقل خانه ایده جکئی، زوجه سنی دائماً
محافظه التده بولندیره جغنی ده آچیقجه سویلر. (ئیرن)
یعنی مادام (فرغان) بو تهیدیک، بو ضربه نک تأثیریه
کندی غائب ایدر. فنا لاشیر. قوجه سی کیدر کیتمز،
استمداد ایچون قویه طوغری قوشار. قارشینه عاشقی
(میشل تاورنیه) چیقار، آراتق بو قدر صدمه اوزرینه
طیانه ماز. «بن سنکم» دیر.

اوچنجی پرده ده سوزشلیدر. آرەدن اون سنه

کچمش (میشل) ورمدن وفات ایتش . موسیو (فرغان)
 قارینی ولایتده برکوشه یه قیامش ، محافظه آله آلمش ،
 او یله جه عمر کچیرمش . فقط اوده اودیرلکیزلک حالا
 باقی . شو قدرکه مادامک کوچک برچوچنی دنیایه کیش ،
 بونکله فکری ، املی ، قابی برپارچه متسلی اولمش . (رهنه)
 اسنی طاشییان بوچوچق قادینجغزک روحی ، حیاتی ،
 جانیدر . بوسفرده قاریله قوجه آرمسنده بوچرجغک
 تربیه سنه دایر منازعه ظهور ایدر .

قادین : « چوچق نچیندر ، وجودجه مضطربدر ،
 مکتبه کیده من ، اوده تحصیل ایتسون » دیر . حریف :
 « نه ایچون مضطرب اولسون ؟ سن صاغلامسک ، بن
 صاغلامم . ایکی صاغلامدن خسته نقلی چوچق طوماز »
 دیر . عصبی قادین قیزار . اعصابنه مغلوب اولور : « اوت
 خسته در . اولادیمدر ، بنم حیاتمدر . مکتبه کیمیه جک ،
 کیمیه جک » دیه باغیرر . موسیو (فرغان) : « کیده جک ،
 همده برساته قدر کیده جک یالکیز سنک دکل ، بنمده
 اولادیمدر » دیه حایقیرمق چوچنی حاضر لایمق ایچون
 قبودن طیشاری فیرلارکن (ئیرن) : « پدری دکلکیز »
 دیر . حریف طوکه قالیر . قاریده جرمنی میدان قویار .
 او چوچغک متورماً وفات ایدن (میشل تاورنیه) دن

اولدانی . بولور . درم ارق اولدی انسون (دمه) لك
 مختدن بونگمچون قورقدانی اكلار . موسیو (فرغان)
 بهمش اولور . آكلار . صزلار . (آتق) ديه اوستك
 یوزینه قارنی باغیریر . نه یاپاجنی شاشیریر . ملاق تكللف
 ایدر قادین رد ایلر . « شمدی بتمه هیچ برامل . هیچ
 برامید قلمی . چوجمك صحافنه ناموس واقبالی ایسه
 بی طلاق قبولدن منع ایلر » جوانی ویریر ، حریف :
 « نه یاتلی . بوندن سوكره سنككه نصل یور یوزه یاشاملی
 بو عذابه تحمل اولنورمی » ديه نظم ایدر .

قادین : « بن نصل شمدی یه قدر تحمل ایتمهسه
 سزده ایتمیسکمز . بزاکی فلکیزده یز » ديه برده قاپیر .

*

**

ولو بك جوق یرلری مبهم اولسون . ولو ستمه بر
 نتیجه ویرمسون ، بواویون بكا بك جوق ناییر ایتمی .
 هنه بوعسوك سوزلرله بوقاریده كچن . (سز آنك پدری
 دكلسكمز) اعترافی . برده (بن سزك نشافلیكیزم) نریادی
 باخصورص ایلک حیرت آرا او یونجیلرله آغزاندن بیتمنجه
 انسانی هیجان ایچنده براقوردی . بیلمم بو حسیاتی نه
 یولده تصویر ایتملی .

صنایع نفیسه و تطبیقاتی

ادبامزدن بری: « بر تیمور یوانی بر شعره ، بر تابلوی
یعنی بر لوحی ، بر تصویری بر باقیه تحویلنه ترجیح
ایلمکی فکر م اصلاروا کورمز » دییور . پک طوغر بدر .
فی الحقیقه بوکا جواب ویرنلر : « بر چولمه حیرت آرا
بر شعر سویلرک ، شعرك نه قدر پارلاق اولورسه
اولسون اورانه حفر اولنه حق ، اوقور اراق ارضی حضارته ،
میاهه ، حیاته غرق ایدمك بر جدوله ، بر قاله بدل
اوله بیایرمی ؟ » دینلر اولمش . فقط بر صنایع هر هانگی
مسلكه سالک اولورسه اولسون نقطه کماله ابرمك ایچون
بر سهیله ، بر تربیه محتاجدر . بو تحصیل و تربیه
اك پارلاق جهتی ده صنایع نفیسه یعنی شعرلر ، نابلولر ،
هیکلر و سائره تشکیل ایایور . بونوع تحصیل و تربیه
فرانسه ده پک مکمل صورتده جریان اییدیور . بوکا
مخصوص مکتبلره اك کوچك اشخاصدن اك بیوک
ذواته وارنجیه قدر هر کس ایستدیکی زمان ، ایستدیکی
ساعته ، ایستدیکی صورتده کیدیور . اجنبی ، فرانسه ،
چو حق ، اختیار هپ متساویاً قبول کوریور . بو مکتبلر
صنایع نفیسه ، آثار عتیقه تشبیر کاهی دیدیکمز موزد لر در که

صباحدن اقشامه قدر طولار ، بوشالیر ، دنیانك درت
 گوشه‌سندن قورشوب كان بیکارجه طلبیه فرض ویرد .
 بونجیالک سورت حریانی کورمك اینجور پارسلك ان
 مشهور موزهلرندن ایکسینك ، یعنی (لوکس-بورغ)
 و (لوور) موزه لرینك رسم سالونلرینی و تأثیرات و تطبیقاتی
 کوزدن کپیردلم . (لوکس-بورغ) بونام التمدی کی بهنجیه نك
 بر طرفده كان کوجنك بر موزه در . برجهتده بیکار ،
 بر یانسه ده نابور واردر . رساملق قدیمدن بری متعدد
 مسنفلره ، مکتبلره منتسم اولدیغندن (لوکس-بورغ)
 موزه سی فرانسه مکتب حاضريله بعضی اجنبی مکتب
 حاضره نك رساملرینی شاملدر . فن رسنه کسب و هوف
 ایدن بر شخیص بر تابلویه باقار باقار آنك هانلی مکتبه
 منسوب اولدیغنی او ساعت اکلار . مکتب حاضره نك
 محمولاری خیالدن زیاده حقیقه میل ایدر . روحانیتدن
 زیاده جسمانی کوسستر . وقایعی عادتاً انسان کوزی
 اوکنده تجسم ایتدیرر . فرانسه نك حالاً ان مشهور
 رساملرندن (ده نای) نك (لوکس-بورغ) موزه سنده
 (خیال) نامنده بیوک بر تابلوسی وار . عرض ایتدیکی
 قوت حقایق ، مشابیه حیات ایله انفاری مستغنی حیرت
 ایلیر . بوتابلو : سلاحرینی چاتمیش ، یره سر یامش

اویو پور بر بولک فرانسیز عسکرینی کوستریوور . فقط
 سلاحدارک ، موقعت ان کو چاک نکسته لریده اراده اولمسنندن
 صرف نظر عسکرلرک سیالری ، لسان حاکمری ، امل
 وخیالگری او قدر پارلاق تصویر ایدلمش که انسان تابویه
 اوزون اوزادی به عملب نگاه ایدنجه نهایتده بهتدوشیور ،
 طور یور ، دیکه یور ، قولاغنه لوحدن بر سس کلدیکنی
 ظن ایدیور . اینته هر کج کرک اکال تحصیل ایدرکن
 وکرک بهدات تحصیل متظماً بوموزده دوام ایلر . بوبشایی
 تسلیم ایدر . اکلار . حتی مکاتب لیلیه طایفه نی هفتده بر
 ایکی کره بوموزده کنیرلر . اولو حاکمری سیرایتیررلر ،
 بوقماشادن هر ملک صاحب مستمید اولور . چونکه
 او نفاست تصنیفاتی هر دیلو صنایعی ، علمی ، معارفی
 شاه ایدر . (لوزر) موزده سی هرجهتجه اولدینی کی رسم
 خصوصنده دخی دنیاات ان زانکین تشهرکام نفائسنددر .
 هر سنه پارسانه ایکی بیولک صانوان کشاد اولنور . ان
 مشهور و ساملر بر سنه ظرفنده کی محصول ایدی
 مهارتلینی بوراده عرض ایدرلر ، مسابقه چیقاریرلر .
 صنایع نفیسه اربابندن متشکل بر هیئت میزه بومسابقه نی
 اجرا ایدر . الراج معروضه دن بر قاجنی مظهر تقدیر
 ایلر . بوناری ایجابنه کوره حکومت صانوان آتارق اولو

(لوکسبورخ) موزئسنه کونددر . اوراده بر مدت شهر
ایله صانعک و هنرین اون سنه سوکریه یا ولایت موزهلرندن
برینه ، یاخود (لوور) موزئسنه ارسال ایلر . بناءً علیه
(لوور) ده بر حیات رساملرک نابولوری یوقدر .

فقط جهانانه قدر مشهور رسام گلش ایسه جله سنک
شهر آناری بوموزهدن کچمشددر . بر چوغی ده اوراده
قالمشدر . (لوور) موزئسنده یالکز بر مکتب . بر صنف
کورمزسکز . اسکی ویکی بتون مکتبلرک ، بتون صنفلرک
محمولی بومعرض کزیندهدر . یالکز رسم صالونلری
بر کیلو مترو طول تشکیل ایده بیایر . ایکی بیکی متجاور
نابلو بوسالونلری تزین ایدر . بونلرک ایچنده ایتالیانک
(رافئیل) ، (لئوئارده ونچیی) (تیتین) کبی الک مشهور
رساملرینک شهر آنارینی کوربررسکز . ایتالیا مکتبی بک
مشهور ، یاک معتبردر . (فلورانسه) نابولوری صنایع نفیسه
مفتونلرینک معشوقه افکاریدر . بوتابلولر رنگجه ،
منظرهجه مکاتب سائر محصوللارندن تفریق اولدینی کبی
معناجه ، روحیهده تمیز ایدیلر . ایتالیا آثارنده بر
روحانیت میلی ، هوسی واردر . بونلر زمیندن زیاده سمایه
طوغری یا نلاشمق ایستلر . اربابجه خزینهلر دکن
بونفاسقی بشقه موزهلرده بوله مزسکز . ایتالیان بشفقه

آلمانیا مکتب قدیمک ایکی مخصوصی ده بوموزمک زبده
 تریناننددر. فقط برنجی وایکنجی (فلامان) مکتبلرینه
 کچر سه کز او ثروت خیاله ، او قدرت تصویره مهوت
 اولورسکز . آلتشر مترو طولنده ولا اقل دردر مترو
 عرضنده الواح نفیسه کوریرسکز . هولاندا مکتبی
 (لوور) ک اک پوراق محفوظاننددر . بومکتبده کندینه
 مخصوص بر غرابت ، بر فوق العادهک وار . بوکا بر
 طرفدن تابلورک قویو سمارنکی ، کوی عالمی منظره لری
 دیگر جهتدن تصویر اولنان جاده لک ، شخصلرک عجیبکی
 سبب اولسه کرکدر . بویکی خاصه آره سنده کی آهنت
 اتحاد ، اثرده کی درجه طبیعت ایسه بیوک بر مهارت ،
 بر فطرتدن نشانه در .

فرانسه مکاتبی (لوکسمبورغ) و (ورسای)
 موزهلرنده دها کوزل ، دها مکمل عرض اولمشدر .
 مع مافیله (لوور) ده دخی بومکتبلرک نفائس آثاری یوق
 دکادر . (فرانسوا میله) ک (اکین طوپلایجی قادینلر)
 عنوانلی تابلوسی حقیقه بر بدیعه در . اوکوبلی قادینلرک
 حالی ، وضعی اکینی یردن طوپلمه لری ، بر برلرینه باقمه لری
 نه قدر نکته تی ، رقتی ، دقتی شاملدر . میله ک (انژدوس)
 عنوانلی دیگر بر تابلوسی ۸۰۰ بیک فرانسه کچلرده


آمریقایارده صاتلمش ، صوگره ینه دها بهالی اولاراق
 اشترایدمش . چونکه بونابلوی آمریقایه ادخل ایچون
 (مق کیلی) قانونی موجبیه (۸۰۰) بیک فراق
 گرك رسمی ویرمک اقتضای ایندیگندن قبل الادخل
 آمریقایار صاتمغه مجبور اولمش . فرانسه مکاتبات سائر
 بک چوقه صولی ینه بوموزده نظر پیرادر . بونفصیلاتدن
 مقصدم صنایع نفیسه معرضلرینه دائر بر فکر ویرمکدر .
 یوقسه (لوور) موزه نی ، دروننده کی نقاش آثار
 تعریف و تشریح ایلمک دگادر . بویکنجی وظیفه ایچون
 اول امرده بر رسام قلمی ایستر . بن ایسه رسمی دنیالر
 قدر سوسه ده طوغریجه بر چیزکی چیزمک مقتدر دگلم .
 بر تابلوی تماشا ایله تلذذ اولورم . چونکه شعری سورم ،
 حتی ازه صره شاعرلک بیله ایدرم . بنم بیاری بوموزده لره
 کایرلر ، فکراً ، معنأ تلذذ ایدرلر ، بعضأ بر شعری بر
 تابلو ایله قاریشدیرلر . مثلاً کچن کون (اطالانک)
 هزاره نقاشی کوسستن بر لوحه نی تماشا ایدرکن فکرم
 طالیدی . بولطیف حکایه ده ، بر قلم کزیده ایله لسانمزه
 نقل اولنان اولطیف ترجمه نه انتقال ایتدی . (شاقناس)
 فغانلری ، معشوقه سنات بوجملری بیننده طولاشدی
 طوردی . تابلو بی سیر ایدیورم ، حکایه بی وقویورم

آکلايه دم . فقط هر ايكسى ده بى مست حفظ ايتدى .
 بو طبيعته كيار بويولده استفاده لر ايدردى . رسام فطر بنده
 اولار بشقه درلو مستفيد اولورلر ، صنعتارنى اكل
 ايدرلر . سهپالري ، فورچس لري ، كاغلدرنى آلدرق
 اورايه كيرلر . او آثار مشهوره ي مشق تقليد اتخاذ
 ايدرك چايشيرلر . هر سالونده بو صورتله موقوف ساعى
 بر قاج صنعتكار كويرسكيز . كچن كون بونارله آره بنده
 بر اختيار ، التشى بولش بر اختيار واردى . بر رسمى
 نمونه اتخاذ ايمش ، چايشيوردي . قارشو طرفده ايسه
 هنوز شبانى بتيرمش بر رسام تيز مشهور برساملك
 اختيارلقده كى تصويرنى تقليد ايله اوغراشيوردى .

صنایع نفیسه مراقیلرندن بر ذات بكا دیدی که : « بر
 کدرم ، بر حزنم اولسه همان کندیتی (لوور) » آترم
 (میلو) نك (وئوس) هیکلی کیم بیایر قاج بوزنجی اولوق
 اوزره بر دها کوزدن کچیریرم . کوزلریمه بر جلا ، قلبمه
 بر فرح کلیر . « ایشته » جهانده بر کدره تصاف ایتدم که
 بر ساعتک مطالعه آنی ازاله ایتسون « دین ادیب حکیمک
 حق وارمش . فقط مطالعه یالکز کتاب او قومقدن
 عبارت ده دکل ایش . (میلو) نك (وئوس) هیکلی
 (لوور) لك نخبه فائیدر . کوزلاکک تمثال مشخمسیدر .

اوسیا ، اووجود ، او تناسب ، او اندام لطافتك ،
تصورك ، خیالك زبده كمالی ، لخبه آمایدر . هیچ بر
شاعر ، هیچ بر رسام . هیچ بر هیكلتاش حاصلی هیچ
بر فرد آنك فوقنده بر وجود ، بر اندام ، بر سیما تصور
ایده من . بوهیكل . حقیقتدن پارلاق بر خیال ، خیالندن
پارلاق بر حقیقت كه بر جوهی كرافقیمتدر . آمریقاندن
وسائرمدن بالخاصه تماشاسنه كلنار نادر دكلدر .

موزه لردن بر پارچه بحث ایدرك صنایع نفیسه نك
او قسمنه دأثر بعض معلومات ابتدائیه ویردكدن سوكره
بر نوع تطبیقاتنه یعنی مشهور (غوبان) و (سور)
فابریقه لرینه كچمك و صنایع نفیسه نك بوفابریقه لره درجه
تأیراتی كوسترمك ایستدمدی بحث برار اوزادی .
وقت فامدی بوفابریقه لری كله جك مکتوبمده بر تفصیل
عرض ایلم .



كچن مکتوبمده صنایع نفیسه نك تطبیقاتندن بحث
ایتدیكم سروده (غوبان) و (سور) فابریقه لرینه نقل
مقال ایتمشدم . بویاكي فابریقه حقیقه جمیع نفائسدر .
(غوبان) خالی فابریقه لری بر صانعك ید مهارتی تربیه

و تحصيل سایه‌سند نه عالی درجه نفاسته ارتقا ایدیه‌یله -
 جگنی کوستریور ، بوفابریقه‌لرک موزده‌سینه کیرلیدیکی
 زمان انسان حیرته دوشر . مثلاً صاغ طرفده دیواری
 بیوک برلوحه احاطه ایتش . بولوحه برصوک بهار عرض
 ایدیور . فقط او درجه کوزل ، او مرتبه لطیف بر منظره که
 وهله اولاده نظر بونی بر نقش ، فوق العاده بر تصویر ،
 نابو صانیور . اوت ، لیکن خالیدن بر تابلودر . فورچه
 ایله بویا ایله کاغذ ایله یاپلاماش ، ایپک ایله طوقمش ،
 برنساجک دستکاه معرفتندن چیقمشدر . (لوور)
 موزده‌سنده طبقی بویله بر تابلو وار . بو خالی اوتابلونک
 ایکنجی برنسخه‌سی اما یوکدن ایپکدن اولدینی ایچون
 دهها ماهرانه یاپلاماش برنسخه‌سیدر . بعضیلری بو خالیلره
 تابلولرک برر ترجمه منسوجه‌سی دیورلر . فقط برادیب
 حکیمک دیدیکی کبی « برق‌ناوه چه ایشنک یوزی بر اترك
 اصلنه بکزرسه ترسی ده ترجمه‌سینه تشبیه اولنه‌بیله جکی »
 ایچون بو خالیلره ترجمه دیمکه فکر نفاست قائل اولماز .
 چونکه بونلر برجه‌تجه ذائق الامثال بررلوحه نفاستدر که
 نظر اختصاص ودقت بونی تماشادن آلدینی استفادولذتی
 بشقه هیچ بریرده بولدمز . (غوبان) خالی فابریقه‌لری
 ۱۴۵۰ سنه میلادیه‌سنده (غوبان) اسمنده بر ذات

طرفدن تأسيس اولمىشدر . فقط كیده كیده اودرجه شهرت واحميت كسبايش كه ۱۶۶۲ ده مشهور (نولر) بوفابريقلرى حكومت نامنه اشترایامش ، منسوجات وخصوصلاتى انايه اميريهك تفریشاتيله دول اجنبیه حکمدار عائلهلرینه هدایا مقبلانده ویرلمكه تخصیص ایتمشدر . بوجهت (غوبان) خايليرينك قيمتى دوبالا ايدرك بونلرك هر برى ، كه رفائدين وسائردهن مشهور برنابلوك نسخه منسوجهسى ديمكدر ، ۵۰ بيك فراقدين ۱۵۰ بيكه قدر فيئات كتيرمكدهدر . بوفياتى استكثار ايتامليدر . چونكه بويله بيوكجه برخالى بش ، حتى اون سنهده نسج اولنه بيلور . سرجيلرايام مخصوصه سنده فابريقه . نك موزملريني تماشا ايدرك اك على رساملرك محصولات قلميه لرندن برر صورت منسوجه كوردكدن صوكره ايجرى اعمالكاهه كيريورلر . بوراده لوحه لوحه عمودى كركفار مشاهده ايدييورلر . بونلره ايلكلر كرلمش ، آرقه طرفندن ده نسج اولنه حق تابلونك صورتى قورشون قلمله بوایلكلرك اوزرينه چيزلمش . صانع ماهر كركفك بو آرقه طرفنه او طور ييور . آرقه سندهده بيوك برمودل طور ييور . حيرت آرابر صبر و متانتله نسجه باشلايور . اك اوزون كونلرده انجق ۳۰، ۱۵ سانتيمترو خالى طوقويه بيلور . سنه لرجه

بویله بر سیه وقف بدن ایتک دکه متینک کاری دکلدور. عیجا
 بوصانه اوفکر نفاستی، اومهارتی ویرن ندر؟ جدی
 بر تحصیل نفائسدرکه بونک ده مبدأ و منتهای موزه لردر.
 عیجا اوفنائس آناری، اوکزیده الواسی ساعت لرجه
 کوزدن کچر مینک فکر و قلبنده بوخصلت نفاستپرستی
 او یانه بیایمی؟ بزده بومسلکک رواج بولسی صنایع
 نفیسه مراقیلریمزی نه مرتبه انشراحه دوشوریور
 کوسترک ایچون کوچک بر مثال عرض ایدیم. برکون
 (لوکسمبورغ) موزه سنی کز رکن برای تحصیل پارسده
 بولسان طابۀ عثمانیه دن غالب بک نامنده برذاته راست
 کلدک. سهپاسنی قورمش، لوحه سنی اوکنه قویمش،
 النده بویا طاقی، فورچه، پارلاق برتابلونک عیننی
 یاپوردی. کان کچن ایسه رسامی ده، محصول یدینی ده
 بر معتاد کوزدن کچیریورلر، آلتدن آله برر حکم
 ویریورلردی فی الحقیقه بو حکم لک اهمیت یوقدر. حتی
 ادبادن بری: «اڤ زیاده صاچه صاپان سوزلره موزه ده
 شهیر اولنان برتابلو هدف اولور.» دیمش، طوغربدر.
 لکن بوسیرجیلرک ایچنده حال وقلندن واقف صنعت
 اولدینی اڤلاشیلان برذات اوزاڤلا شیرکن: «ایشته
 بوافندیده اوفطرت وار. تدقیقنی ای تعقیب ایدرسه

راصل مرام اولور . « دیدی . بوسوز بی مستغرق فخر
 ایتدی . دیمک بوتشهر گاه بدایعده برقچ سنه سوکره
 برترکات انری ده برلنه جوق ، عجب مملکت سزده یتیشه جاک
 بوبله بر مکتبک اصولاتی ندرلو خصائص علویه ایله متجلی
 اوله جوق ؛ بزده کی صفوت و خفاست ، باشلی باشنه براسلوب
 تصویر ابداع ایده مزمنی ؛ هله فیاض قدرنک مملکت سزه
 بخش ایلدیکی لطافت کزین بوبدایعه بشقه بررنک تمیز
 ویر مزمنی ؛ بوامیدلرک عن قریب حقیقت اوله جفنه قناعت
 ایتک کر کدر . حاضر بحث بوجهته انتقال ایتش ایکن
 اکمل معلومات ایده میم . صنایع نفیسه مراقی بی برکرده ده
 صنایع نفیسه مکتبینه سوق ایتدی . بومکتبک مکملیتندن ،
 فوائدندن بشقه بر مقاله ده اوزون اوزادی به بحث ایلرم .
 یالکیز کوچک بر نقطه یی عرض ایتهدن کچمه جکم . اصول
 معماری خواجه لرندن بری شرقدن اولدیغمزی اکلادی .
 شرقک ازمنه قدیمه ده صنایع نفیسه یه ایتدیکی خدماتندن
 ستایشله بحث آچدی . عربلرک اصول معماریده کی مهارت
 عال العالی سویلیدی . « امان نه ذکا ، نه قدرت ، عراقده ،
 سوریه ده کشف ایدیلر کلن بعض آثار قدیمه معماریه
 فنون حاضره یی هیجانه دوشور ییور . بصرده کائن برکر
 اک بیوک علمای معمارانمزی دوشوندیردی . تدمر

بعلبك خرابه زنده کی بدایع معماریه ایسه بر عمان فیض
 و تدقیق قدر . بونری کورمه دن ، تفتیش ایتمه دن اصول
 معمارینک تاریخی بحق تحصیل ایدلش عد اوله میور .
 بوندکچون فوج فوج سیاحلریمز هر سنه اوقاچی طولان
 شیور . « معلم بویولده دها برچوق مقالات کزیده سرد
 ایتدکن صوکره طلبه آرمسنده بر شرقلی یه راست کلک
 دائماً منونیتی موجب اولدیغنی سویلدی . بز تحقیق ایتدک
 بومکتب عالی یه طابۀ عثمانیه دن ایلاک اوکجه دخول ایدن
 سری پاشا زاده و داد بک ایمش . و داد بک پک کوزل
 امتحانلرله مکتبه دخول ایتدکن بشقه شمسی الک
 پارلاق طلبۀ معماریه دن عد اولیورمش . دها غربی
 میرمومی الیه بومسلکه بومکتبه ، کیمسه نک سوقی ،
 دلاتی ، اجباری اولقمزین حتی ابوینی بیله زور بلا
 اقناع ایله سوق طبیعینسه اتباعاً سلوک و دخول ایتشد .
 صنایع نفیسه یه ملاکمزک نه بیوک احتیاجی اولدیغنی ،
 رساملرک ، معمارلرک استکمال رفاهیتمز ، اعلا شرفمز ،
 تزین بلادیمزه نه بیوک خدمت ایده جکی دوشونیایرسه
 شبان عثمانیه نک بووادیده کی نفیضلری بر نظر فخر و انبساط
 ایله کوریلیر .

(غوبان) فابریکلرینک همشیره نفاستی عداوتنه حق

براعمالگاه وارسه اوده (سور) ده کی پورسان و صنایع
 بلوریه و زجاجیه فابریقه لریدر . (سور) فابریقه لری ده
 ۱۷۵۶ دئیری (غوبان) کی حکومتک ید تصرفیه
 چکمشدر . بونلرده نفاست و لطافتلریله انسانی مبهوت
 ایدرلر . اولا فابریقه مک موزمسنه کیرلیدیکی زمان صاعده
 صولده برچوق مشهور تابلولر کوریاير . بولوحه لر عادی
 تصویرمیدر ، یعنی قلمله فورچه ایله می یاپامشدر ، یوقسه
 بشقه برشیدنمی معمولدر ؟ اوزاقدن کشف اولنه من .
 فقط یانه کیدیلیرده رنگده اوزارق العاده جلا ، تصویر-
 ده کی اوشکل مطبوع ، لونک اومنظر موجا موجی تدقیق
 اولنورسه زجاجدن ، پورساندن اعمال اولمش ، چرچیویه
 قونلمش بر تابلونک ، بر محصول بدیعک قارشیسنده بولمادیغی
 اکلاشیلیر . بوتابلولرک هربری ۲۰ بیک ۳۰ بیک فرائق
 قیمتنددر . چونکه لطافت و نفاست جهتیه کاغداوزرینه
 مرسم امثالندن اشاغی دکلدر . اورته یرده برمترو ، ایکی
 مترو ، حتی درت مترو طولنده ینه پورسلندن معمول
 دوز و منقش کویلر ، دستیلر ، هیکلر واردرکه بونلرده
 قیمتجه اودرجه یی بولورلر . ده ها غریبی بعضا برچفت
 کوچک فنجان فیأنجه هپسنه غلبه چایور . سابق رئیس

جمهور قارنونك فابريقيه بالخاصه توجهي اولديغندن
 كوچك برهيكلى بومصنوعات مياننده معروضدر .
 رفقادن برى برخاطره اولماق اوزره بوفابريقه دن برفيجان
 آلق ايستدى . اللى فرانق فيئاتي كورير كورمز فكرندن
 جايدى .

(سور) فابريقه لر ينك كنديسنه مخصوص مصنوعات دن
 ماعدا يرلى واجنبي مصنوعات قديمه سندن مركب
 برموزه سى واردر . بوراده چيندن ، ژاپون يادن ، انكلتره دن
 يعنى اقصى اى شرق دن اقصى غربه وارنجيه قدر بالجله
 مللك پورسلان معمولاتى معروضدر . بونلك ايچنده
 عربلك پك كوزل يادكارلى اولديغى كبي تركرك ده
 نفيس نفيس محصول مهارتلى واردر . هله كوتاهيه دن
 جلب اولنان بونوع بعض معمولات قديمه اربابنك بالخاصه
 نظردقت وتقديرلر ني جلب ايتمكده در . شرق بويولده كى
 صنايع نفيسه ده وقتيله غرب دن اشاغى قالمديغى ايچون
 مهره صنعت ديورلر كه شرقىون بوخصوصده غربى
 تقليد ايدى جكارلى يردى وقتيله الارنده كى مهارتى ايلر ايتمكه
 صرف مساعى ايتسه ايدىلر شمى هيچ اولمازسه
 غريبونه ياقلاشيرلردى .

بو حكم قورى بر سوزدن عبارت دكل ، فقط تبعات

عمیقه نیدیجه سیدر . (سور) فابریقه لر نده بو آثار نفیسه نك
 نه صورتله اعمال اولندیغنی کورمك مراقی جالب ایسه ده
 اصل اعمالگاه سیرجیلره مسدوددر . یالکیز فابریقه نك
 برکوشه سنده کوچك براوطه وار . اوراده عملدن بری
 بعضی عملیات اجراییله اساس صنعته دائر بر فکر و یرییور .
 مثلاً بش دقیقه انجند برکولچه طوپراقدن برچوق
 ماکنه لر واسطه سیله بیاض کاسه لر ، لامبه لر ، صراحی لر
 یاییلور . غریبی اوپله ماکنه لر واردرکه متصل دونه دونه
 صانعك ضربات ایدی مهاریتیه گاه دوز ، گاه معوج ،
 گاه سوسلی خلاصه هر شکلده مصنوعات میدانه
 چیقارییور .

بوصنایعه دائر معلومات عمیقه و یرمك ارباب اختصاصه
 عائددر . تفصیلات مبسوطه دن مقصد عاجزی صنایع
 نفیسه نك علی العموم صنعتلر اوزرینه نه خوش تأثیری
 اولدیغنی ، خلقده نه کوزل بر فکر و ذوق سلیم صانعانه پیدا
 و پرورده ایلدیکنی کوسترمکدر .



اوليك ازدواجى

بوندن اولكى مکتوبلرمك برنده اخيراً فرانسز
تیا تروسنده صحنه تماشایه قونیلان (قیصقاج) اسمنده کی
اژدن اوزون اوزادی یه بحث ایتدمدی . (اقدام) ک
اونسخه سی محبامدن برینک معاونتیه صاحب اثر موسیو
(پول هر وییو) یه تقدیم وترجه اولندی . محصول
فکری ایچون برترک جریده سنده نشر اولان اوصاف
ومطالعات اودرجه محظوظیتنی موجب اولدی که بکا یازدیغی
مختصر، فقط لطیف بر جوابنامه ده مؤلف عن صمیم القلب
بیان شکران ایل یوردی . بو کوزل مکتوب حالا یانمده
یادگار اوله رق محفوظدر . او کوچو جک ظرف ، او اینجو
کبی یازی ، اور قیق امضا بیوک بر رقت فکردن نشانه
ایدی . هله اسلوبده کی محویت ونزاکت بر ادیب عالی
قدرک قلمنه یاقیشه جق قدر خوش ادا کورونیوردی .
بو ظرافتی تمامیه اکلامق ایچون شو مؤلفک حالاً نه
درجه حائز اهمیت وتقدیر اولدیغی بیلملیدر . اثری
اوتوزنجی بلکه قرقنجی دفعه اوله رق موقع تماشایه

قونیایور . منقدين هفته لرحه بونکله اوغراشديار .
 « محرر فکړ وظیفه يي ایجه تشریح وتعیین ایدم مامش .
 موضوع نقصان قلمش ، ازدواجی خفیججه عحا که ایتش »
 دیدیلر . کارکر تأثیر اولدی . خلق او یونی بکندی .
 انتقاد ایکنجی درجه ده قالدی . براویونی خلقه بکندیر -
 دکن صوکره محرر آرتق هیچ برشی دوشونمز . تیاترو
 مؤلفاکننده اکتساب اولنان شهرت بشقه برشهرته
 بکزه مز . چونکه پک عمومی ، پک واسعدر . اک بیوک
 طبقه یه وارنجیه قدر هر جهته عکس ایلر . مثلاً زمانک
 علماسندن ، فلاسفه سندن برنی پارس اها لیسنک انجق
 نصفی — اوده بلدکه — بیلدیکی حالد . برتیاترو مؤلفی
 بالفرض مشهور (ویقتورین ساردو) یی ینه او خلقک
 لا اقل اوچ ربعی بهمه حال طانیر . چونکه الی آی
 قیش (ساردو) نک نامی تیاترولری ، اعلانلرله سوقاقلری
 طولدیریور . عالمک ، فیلسوفک اسمی ایسه بیوک بیوک
 مجلدات آره سنده مخفی طور یور . تیاترویه کیدنلرک
 یوزده انجق اونی او مجلداتی کوزدن کچیرمشدر . حال
 بوکه بونلری اوقویانلرک هپسی دفعات ایله تیاترولره
 کیتمشدر . هم تیاترو مؤلفکی ایچون علم ، فلسفه ،
 معرفتدن بشقه مستثنا بر استهداد ، بر فطرت کرک .

طایید قلمردن بر اختیار قادین نقل ایتدی : تیاترو
 مؤلفاکی سایه‌سند شهرت و اقبالک نقطه منتهاسنه واران،
 فرانسه‌ده بونوع مؤلفلردن بحث اولندقیجه نامی همان
 جمله‌سنه غلبه چالان ، او یونلری الی نه‌ایه مظهر تقدیر
 اولدقن ماعدا (مادام سان ژن) نامنده کی صوک اثری
 بر سنه ظرفنده بیلم قاج یوزنجی دفعه اوله‌رق حالا
 موقع تماشایه وضع اولنه کلن بومشهور، معروف داهی
 (ویقتورین ساردو) اون درت یاشنه کلنجیه قدر او
 مرتبه احمق ، حیلاز ، غبی بر چوجق ایش که بابایی
 یأسندن نه یاپه‌جغی بیلمیورمش ، برکون تظلم ایتک ،
 چاره آرامق ایچون (ویقتور) ی آلمش دوستلرندن
 برینه کوتورمش ، ناقل حکایه قادین‌ده اوراده ایش .
 بوذات چوجغه کوچک کوچک مسئله‌لر صورمش . هیچ
 برینه جواب آله‌مامش . مربع نه‌یه‌دیرلر دیمش ، سکوت .
 برطوپ نه شکله‌در دیمش ، سکوت . ایکی کره ایچی نه
 ایدر دیمش ، سکوت ! نهایت قیزمش باشندن شایقه‌سنی
 چیقارمش ، ایچنه مندیلمی آتمش ، آغزینی قاپایه‌رق بو
 شایقه‌نک ایچنده نه وار دیه صورمش ، ینه جواب یوق !
 ایشته صباوتنده بو مرتبه غباوت کوسترن (ویقتورین
 ساردو) بوکون فرانسه‌نک اک بیوک آدم‌لرندن ، اک

بيوك تيارو مؤلفلرندندر . (لادام اوقامليا) اويونى معلومدر . لسانمزده پك كوزك ترجمه اولمشدر . بواترى ترجمه وفرانسزجه اوله رق بر ايكي دفعه موقع تماشاده كورديكيم ايچون برسفيلهده ، پك عالى بر قاب اوله بيله . جكنه لزومندن زياده ذاهب اولور طورور ، حتى بوعلو قلابى اويچاره لرك همان كافه سنه تعميم ايدردم . فقط برايكي هفته اولى (اولپك ازدواجى) ناميله (اوده ئون) تياروسنده بر اويونده حاضر بولندم . بونك نتيجه سى اوله رق ايجه تفكر اتدن صوكره . بوبابده كي فكرىمى خيليدن خيلى يه تعديل ايتدم . (اوده ئون) پارسك رسمى تيارولرندن بر يدركه (تيارفرانسه) دن صوكره كليز . اعظم ادبا هپ اورادن كچمشدر . اك كوزل اثرلر اوراده تجربه اولمشدر . بناجدهده عاليقدر ، لطيفدر . اورتهده كي بيوك قيودن كي ر كي ر مز تيارو مؤلفلرينك پيرى عد اولان (موليه ر) ك صورت وفاتى كوستيرير . حزين اما مهيبي و مؤثر بر هيكلنه تصادف ايدرسكز . صاغده ويا صولده كي چفته مرد يونلردن چيقكز . هر تياروده اولديغي كبي ايكي فصل آره سنده تنزه واستراحت حصر اولنان منتظم ، حزين و دائره ، دائره بر بيوك صالونه راست كليز سلكز . اطرافده زمين زمين هيكللر ، تصويرلر ؛

باقىگز صاغده تاديده (آلكساندر دوما) بك ، مونته
 قريستو مؤلفنك، اوخارق العاده حكايه نويسك برهيكلى،
 قضايك اوشكل غريبي، جبهه نك او طرز مهيبى، مع مافيه
 سيايك او ابتسامى عياناً كوستريوركه انسان عمرى
 اولدقجه اوقوسه ينه ييتمك يلمين اوجلدرله حكايله
 بويله برداهينك قلمندن چيقمشدر .

آرده كي محرر لر ، مؤلفلر بر طرفه طورسون تا
 دييده كي هيكل كزينه عطف نظر ايديكز . هيچ بر
 طرفده صاحب هيكلك اسمى يوقدر . لكن اولاقيد
 سيادن (قاموس فلسفه) مؤلفنى، (وولته) رى طانيماق
 ممكنميدر ؟ بزده كي (رند) تعيرى بو وجهه نه قدر
 ياقيشير !

بوقدر تنزه يتيشير . (اوده ئون) . كيرمكدن مقصد
 (اولميك ازدواجى) اويونى خلاصه عرض ايدرك بحث
 تفصيل وتشرح ايتمكدر .


» (اولمپ تاورنيه) عالم سفاهتك اك پارلاق فابوسلرندن
 بر قيزدر . او نامتناهى افتاده لرندن بر (قونت) ايله
 ازدواج ايدىيور . كندىنى غزته لرده اولدى ديه اعلان
 ايدىيور . قالقيور . قوجه سييله برابر ويانه يه كيدىيور .
 قونت ويانه ده عمجه سى (ماركى) يه راست كليور .

مارکی بو ائناده یکنک اصل برعائله دن مناسب بریله
 ازدواجی دوشونمکده ... فقط قوت (هاری)
 اولندیکی بیلدیرهك حتی زوجہ سنی ده کوسترنجه
 او دوشونجه یه محل قالیور. (مارکی) عادی برعائله دن قیز
 آلدینی ایچون یکنتی معاتبه ایتک، بوازواجی قبول
 ایلمامک ایسته یورسده (مارکیز) ک شفقتی، با خصوص
 (اولپ) ک خدعه ومهارتی سایه سنده ایش اولمش،
 بیتمشه دونیور، فاحشه نك منشأی پک مخفی طوتیلیور،
 پدری متقاعدیندن براختیار عسکر مش کبی کوستریلیور،
 بویله جه بر سفیله او عائله نجیبه افرادی میاننه دخول
 ایلور. فقط اوصاف، او ناموسکارانه حیات، او عز
 ورفاهیت جاتی صیقیور. حسرت مذلت، فقدان سفاقت،
 هجران سفالت فکر راحتنی پریشان ایلور. بیلدکلردن
 برعادی حریفله مناسبته باشلایه رق قوجه سنی آلداتیور.
 بوراده برمنظره وار. جداً شایان دقت! او عائله عقیفه
 افرادی میاننده بوقیز حس، فکرآ، املاً او درجه
 یابانچی قالیورکه بردرلو بونلرک طرز معیشتنه ایصنه میور.
 او یله کیجه لری اوطور مق، کتاب اوقومق، صاف صاف
 قونوشمق، کوندوزلری کمال آداب ایله ساکتانه کز مک
 جکرینی دلیور. فکری، ذهنی بالو لرده، قوجه قوجه

اجتماعلرده ، ایچکیلرده ، حورالرده طولاشیور .
 (مارکی) نك صاف ، کوزل ، بری سیرت بر قیزی وارکه
 قونت هازی یی ، یعنی عمجه زاده سنی سوییور ، بو (اولمپ)
 میدان چیقمایدی اکا وارہ جقدی . فقط اولمدی . طاحی
 یوقش نہ یاسون . سودیکنک سعادتیلہ متلی اولیور ،
 بویولده کی خاطر اتی ده کوچک بر جزؤدانہ قید ایدرک
 بونک آلتون آناختارینی بوینده طاشیور . (اولمپ)
 شوجان صیقندیی ائنادہ هیچ اولمازسه بوجوری یی
 افساد ایدرک اکنمک ایچون بوقیز جغزه عشقدن ، عاشقدن ،
 شوندن ، بوندن غایت مهارتله بحث ایدرک اوجزہ دانہ ،
 او آلتون آناختارہ ، او اسرارہ ہپ واقف اولیور .
 بر تقریب ایلہ جزدانی بیلہ الدہ ایدیور . بو ائنادہ اوتہ دن
 بری قاریسنک برودت و خشونتندن نہ بیوک بر خطاہہ
 بولندیغنی اکلایان قونت (ہازی) اغفال و ناموسنک پایمال
 ایدلدیکنی ده خبر آلیور . (مارکی) نك و (مارکیز) ک
 حضورندہ سفیل ، آچاق ، قجہ دیہ اولمی تحقیر ایدیور .
 قیزک اصلنی ، منشائی سویلیہرک عمجه سندن استغای
 قصور ، استدعای مرحمت ایلور و نائل دہ اولیور . بو تحقیرلر
 (اولمپ) ک هیچ وظیفہ سندہ دکل ، مقصدی او مناسبت
 ناروادہ بولندیغنی آدملہ (نيس) شہرینہ قاچق ، اورادہ

بر قونتس ناميله ايسته ديكي کي ذوق و صفا سورمک ...
 قوجه سنی ، مارکی یی النده کی نام ایله ، اوراق ایله تهدید
 ایدرک مرا می وجهله بر افتراق الده ایتک . حتی بو امید
 ایله بالجه اثنوایی ، اشیاسنی ، الماسلرینی بیله کیزایجه او
 حریفه ویرمک (نیس) ه کوندریور . بو حاله کسب اطلاع
 ایدن قونت ، قاریسندن صوک درجه نفر تيله برابر محافظه
 ناموس ایچون (مارکی) نک تکلیف و دعوتی اوزرینه
 (نیس) ه او آدمه دوئلو ایتکه کیدیور . (مارکی) ده
 (اولمپ) ایله کلی بر افتراق حصوله کتیرمک ایچون
 بازار لغه کیریشیور . بیکارجه فراق ویریور . او قونتس
 نامی ترک و جزدانی تسلیم ایتسنی قیزه تکلیف ایلور .
 سفيله هیچ بر زمان او نامی براقه میه جغنی سویله یور .
 (مارکی) ایله ، او اصالت ، او حسیات ، اونجابت ایله
 سفیهانه اکلینیور . مارکی میدانه بر دوزینه روولور
 چیقاریور . « بوتکلیفی قبول ایتمسه ک شوقیودن چیقماز -
 سک » ديه قیزی تهدید ایلور . اوسفیه ایسه ، بلا پروا
 قویه طوغری یوریور . مارکی « اشیکی کچه ، اولدیریرم »
 ديه باغیریور . شویله معنیدار بر تبسمه اختیاری سوزدکن
 صوکره غایت مستهزیانه بر سفاهت شرقیسی سویله یه سویله یه
 قیودن طیشاری چیقارکن طبانجه پاتلایور ، قیزیرلر .

سریلیور. مارکی ده قولارینی سایه طوغری قالدیریور.
 بلکه شوخالاصده انی بسط ایده مدم : بوفاجعه تماماً
 (لادام او قاملیا) نك ضدیدر. دها آجی بر حقیقی شامل
 اولدینی ایچون دها ده مؤثر در. انسان، صفوت ونجابه
 میل فطریسی حسبیله هر طرفه (لادام او قاملیا) لر کورور
 اویله کزیده کوکلر توهم ایدر. فقط هیسات بونك
 عکسی دها وفیر، دها زیاده واقعدر. ایشته بونلر هپ
 بر درس ادب، نمونه حکمتدر.



کیجه درسلی

کچن مکتوبلر بک برنده بر مقاله آتیه مده پارسک
کیجه درسلرندن بحث ایده جکمی سویله دمدی . هر نه قدر
فرانسه اصول تحصیل و تعلیمی تام مکاتب ابتدائیه دن
باشلا یه رق ال عالی مکتبلره قدر پی در پی برر برر تفصیل
و تعریف ایتک فکرنده ایسه مده مناسبت واقعیه بناء
بو مکتوبمی ، او مباحتدن آیری اوله رق شو کیجه
درسلی رینه حصر ایدیورم . بو درسلی نه در ؟ پارسک
هر جهتده کی محله مکتبلری یاتسودن صوکره کز یله جک
اولسه درسخانه لک هر برنده برر معلم ، متعدد طلبه
کوریلیر . بو طالبلر اکثریتله یکر می و او توز یاشلری
آره سنده در . ایچلرندن کیمی فرانسر ، کیمی اجنیدر .
کیمی قادین ، کیمی ده ارککدر . بر درسخانه ده عصر
حاضر تاریخی تدریس اولیورسه او برنده فرانسه
ادبیاتندن بحث ایدیایر . بر طرفده آلمانجه ، انگلیزجه ،
ایتالیانجه درسلی ویریلیر . دیگر جهتده اصول دفتری ،
رسم ، حکمت ، کیمیا کوسه تیایر . بو تدریسات باشند

باشه مجانآدر ، عمومیدر ، بلا استثنا هر کسه کشاده در .
 سنه نیایتمده بر امتحان اولور . بر توزیع مکافات اولور ،
 یرلی ، اجنبی الك کوزل موفقیت قازانانلر تقدیر ایدیایر .
 کچن هفته ، بازار ایرتسی آقشامی محله مزك مکتبسنده
 اصول نطق درسی واردی . مراق ایتدم ، کیتدم .
 فرانسلر قرائته ، نطقه ، پاك اهمیت ویررلر . بر اثری ،
 بر شعری اوقورکن اوضاع و حرکاتی باخصوص صوتی
 معنائك ، فكرك روشننه تطبیق ایدیورلر . اودرجه که
 بوجهتی عادتا بردرس ، بردرس ، بر اصول صورتنه افراغ
 ایتشلردر . او آقسام معلم مقدر مستعد برکنج ایدی .
 شاعر مشهور (موسه) نك « کیجهلر » عنوانلی
 منظومه سندن بر پارچه اوقودی . او پارچهیه دأثر بعض
 مطالعات ادبیه سرد ایتدی . شاعرك هویت فکریه سنی
 کوستردی . بوفکره ، بومعنایه کوره اوشاعرك لزوم
 قرائتی سویله دی . « (ویقتور هوغو) نك بر چوق
 اشعاری تیازو صحنه لرنده اوقونمق ایچون انشا ایدلمشدر .
 بونلری انسان ، اوطهیه قاپانسهده یالکز باشنه اوقوسه یینه
 ذوقیاب ادب اولور . آنجق برجهت نقصان قالیر . اوده
 شوکه اوشعر برکوشه تنهائیدن زیاده بر تماشاکاهده
 اوقونمغه یاقیشیر . حال بوکه (موسه) نك سانحاتی بویله

دکدر . بونلر صاف بر قلبه انعکاس ایدرلر سه نره ده
 اوقونورسه اوقونسون تأثیر ایدرلر . هله ساکن زمینلر
 تفکرات و تحسینات قلبیه دهها مساعد اولدقلری ایچون
 بویولده مطالعاته پک الو یریشلیدر . بویایکی شاعرك
 اثرلرندهکی فرق ، فطرتلرنده دخی کور یایر . بری محب
 های وهو و متیندر . دیکری عاشق سکوت ونحیفدر .
 اویله نجافت که غریب بر ملال ، آکلاشلماز بر کلال ایله
 ممتاز جدو . کیده کیده شاعرك بهار کالنده سبب خرابی
 اولدی . حاصلی بوملاحظاتی درپیش ایتلی ده اوسوزشناک
 منظومه لری اویله اوقوملی « دیدی . یکر می قدر حضار
 ایچنده ایکی فرانسر قیزی خواجه نك نقدیرینی بر از
 جاب ایده بیله جک صورتده درسی اوقویه بیلدیلر .
 انلرده برر قصور بولندی . بری مهارت قلبیه دن دهها
 زیاده مهارت لسانیه یه مالکدی . وجه قرائتدن عدم
 تأثیر سزلیلوردی . دیکری بونك عکسی ایدی ، ایکسیندهکی
 مهارت مختلفه بر فردده جمع ایدیلر سه میدانه اعلا بر
 نطوق چیقار دنیلدی .

ایشته هر درس بویله مطالعات و تنقیدات ایله مقید
 و منتظم بر صورتده و یریلیر . خواجه نك طورندهکی ،
 قالدندهکی آشنالق ، مونسلک طلبه یی چابوق ایصندیرر ،

مجبوبیتی دفع ایلر . شمدی بو درسارک مؤسسلری
 کیمدر ؟ بونلرک باشلیجه لری « محب معارف » نامنده بر
 هیئت خصوصیه در . اعضای هیئت حسبی اوله رق
 تدریساتی در عهده ایدیورلر . حتی انسانیت نامنه نقد آده
 معاونت ایلورلر . خیر و وظیفه نظیفه فکرینی نجبه
 حرکات اتخاذ ایدرک بو جهته ، بومسسلکده اجرای
 خیراته مساعد بر وادی بولدقلری ایچون کمال آرزو ایله
 او طرفه طوغری شتابان اوایورلر . کچن بازار کونی
 بتون افراد هیئت (صور بون) دار الفنونده معارف
 ناظرینک ریاستی آلتنده طوپلاندیلر ، اوکون بیکلرجه
 سامعیندن ماعدا بر باندوده عسکر موزیقه سی واردی .
 اجتماع تمام اولنجه ، وقت کلنجه ناظر مشار الیه سوزه
 باشلادی . پک آهسته سویله یوردی . قلده زینت خطابت
 آزدی . لکن قوت معنادر دکلدی : « رئیس وکلا
 بدنا ناموجود ایسه قلباً موجوددر . بیده باشلیجه امل
 نطقده آندن بر نشانه کوستره بیلمکدر . ماهیتی اعتباریله
 هیئتنکز اصول تربیه و تحصیل مزده بیوک بر نقصانی ابدال
 ایدیور ، مکانبه متعلق قوانینمز اطفالک اهمیتنی تعیین
 و تحصیل ابتدائینسی مکمالاً تأمین ایدیورلر . فقط بر کره
 مکتب مدتی کچدکن صوکره اوته سنه اهمیت ویرمیورلر .

باقیورلر . بوندن تولد ایدن نتیجه ، معارف ابتدائی مزله
 تماماً ثمره ویرماسیدر . مکتبی بیتردکن صوکره چوجفک
 مکتبسات علمیه سی توسع شویله طورسون . عدا تندی
 ایدیور ، غائب اولیور . بناء عالییه بو ضررک دخی
 شمیدییه قدر معارف ملیه مزه خدمات جدیه ابرازایدن
 هیئت علیه کز کبی تأسیسات خصوصیه نک همته متوققدر «
 دیدی . صوکره فرانسه معارف پروغرا ملرنده علم اخلاق
 درسنگ بوزمانه دکن درجه کفایده توسیع و تعام
 ایدلدیکندن بحث ایلدی . بو جهتک او تأسیسات
 خصوصیه ده دخی ناقص قالدیغنی سویله یه رک اکمانی
 توصیه ایتدی . نهایت هیئته علناً عرض تشکرله بویولده
 آثار خیر و معاونت الک لطیف وظائف انسانیه و ملیه دن
 اولدیغنی بیلدیردی .

بوندن صوکره هیئتک کاتب عمومیه سی بر راپور
 او قودی بوکا نظراً مالی سندن بری هیئت بو صورته
 نشر معارفه وقف مساعی ایتشدرد . پارسده محال مختلفه ده
 یوز قدر دارالتدريس ترتیب ایدرک بونلردن هر سنه
 بیکلرجه طایفه عمومیه ی تشدید کدن ماعد اولایتلرده ده
 بومنافی تعمیه باشلامشدر . مجالس بلدییه بونوع

تدریس-اتک صورت تأسیس وترتیبی کوسترمشدر .
 مؤسس ومرتبلری میانده شمیدیکی رئیس وکلا کبی یک
 چوق اصحاب همت وقدرت موحود اولدیغنی ایچون
 کوندن کونه تکمل وترقیسی قویاً مأمولدر .

بونطقلر بیتدجکه موزیقه اک لطیف ، اک دلفریب
 هواردن برر پارچه چالیوردی . پارسک عسکر موزیقه-سی
 زمانک اک کوزل موسیقیلرندندر . چونکه اوموزیقه-
 جیلرک هر بری مکتب مخصوصنده تحصیل کورمش
 بوضعتدن مکمللاً شهادتنامه آلمش موسیقی-شاسلردندر .
 اوچنچی اولهرق آیاهه قالقان خطیب مکتب حقوق علم
 ثروت مالل معلمی (بورغار) ایدی . بوذات یک نطوقدر .
 سویله-دیکنی طاتلی طاتلی دیکله-تیر . لاقیردی آرم-سنده
 دائماً لطیف نکتهلر صرف ایدر . فیکری نشیط ایلر .
 بوندن صوکره هرکس آهسته آهسته داغلدی .

مکتب ، ولوکه اک عالی درجهدن اولسون انسانی
 عالم ایتمز ، فقط فکره لذت علمی ویریر . هدف آمال
 معارفی کوستریر . بوکا وصول طریقنی ده اوکره-تیر ،
 تسهیل ایدر . مع منافیہ تعلیمک بو مرتبه-سی ده مکاتب
 عالیده اوله-بیایره . مکاتب ابتدائیہ واعدادیه-یی ، اکملدن
 صوکره ترک تحصیله مجبور اولانلر نه یاپسون اوهدفی .

او طریقی فصل او کړنسون ؟ هر کس عالم اوله منزایسه ده
 هر کسه بر غایه حیات آرامی لازمدر . بونک ایچون
 بر تاسیسات خصوصیه بر مکتب ابتدائی یا خود بر مکتب
 اعدادی شاگردی آلیور . درجه درجه کو توریور .
 اک عالی مرتبه تحصیله آز چوق ایصال ایلور . بوکا
 بناء در که فرانسه ده اک بیوک مراتب بشریده بو برنجی
 وایکنجی درجه مکتبلردن ماعدا هیچ بر مکتب کور مامش
 افاضل بولنور . بویولده تعلم و ترقی فی الحقیقه بر پارچه
 مشکل وساده ایسه ده طالبده شوق فطری ، میل وجدانی ،
 غیرت ، همت دها زیاده اولدینی ایچون ثمره هر حالده دها
 یارلاق اولور . اون بش اور آلتی باشند بر کتاجی چراغی
 تصور اولسون مکتب اعدادی یی کوزلجه اکمال ایش ،
 یا خود اکماله یا قلاشمش . لیکن وقت ، حالک عدم
 مساعدت مبنی تأمین معیشت ایچون تحصیانی بیترمه دن
 بر خدمت کیرمش . کوندوز فرصت بولدجه النسه کچن
 کتابی اوقور . حتی بوصورتله یتیشن (سقوط اوراق)
 ناظمی شاعر مشهور (میلووا) ده اولدینی کبی اوسته سی
 آره صره بو حاله دقت ایدرک « چو جق سن بورایه
 ایش کورمکه دکل ، کتاب اوقومغه کمشک « دیه
 داریلور . کیجه اولنجه او هوس کار کنج همان کندی

بویخت ایتدیگمز درساره آتیور . مراقی هانکی جهته
 ایسه اوجهتی تعقیب ایلیمور . بالفرض برکیجه ادبیات
 وتاریخ درسارینی آلیور . دیگر کیجه صنایع نفیسه
 تاریخیله علم اخلاق وفلسفه درسنه کیدیور . اوه کلنجه
 یاتمان اول اوکونکی مکتسباتنک خلاصه لپنی فکر آقباً
 کوزدن کیریور . بونلری ترتیب ایلیمور . اویقوسندن
 صره سنه کوره داتما برایی ساعتده چالهرق اولدن
 حاضرلانی بعض کنابلری مطالعه ایدیور . ایرتسی
 صباح ایرکندن کتابخانهیه کایر کلز درسارینه تعلق ایتدیکی
 ایچون کیجه فکر آطاسارلادیگی برایی اثره کوزدیگور .
 فرصت بولنجه انلری اوراده عادتایوتار کبی اوقویور .
 بوسورتله ایکی اوج سنه کچدکن صوکره کتاجی
 باقیورکه چراغنده کیتدکجه بویور بر قوه قلمیه بر قوه
 فکریه وار . بویله بر خدمتکاری الدن قاجیرمامق ایچون
 معاشنی آرتیریور . مطالعاتنه مساعدده ایدیور . کوز
 بومیور . فقط هیئات ! اوکیچ شمعی یولنی بولدی .
 نام مستعار ایله غزتهلره کوندردیکی مقالهلر منونیتله درج
 ایدلمکه باشلادی . حتی (اوقات ضایعه) دیه یازدیگی
 کوچک کوچک حکایه لره بیوک بر جریده حق تحریر بیلله
 ویریور . کتاجیباغجه حاجت قالمیور . کونک برنده محجوبانه ،
 منتدارانه اوسته سنه وداع ایلیمور . اوآنده کوزی آچیق

ایسه و سفر مؤخران کردن استعدایتمک، طایفه کی در موده
 ایله مک ایچون ینه آنک پشی برافایور، محررین حاضر مک
 حیاتی تدقیق اولنسه پک چو غنک بو صورتله تشمس
 اولدینی کور یایر . مادام که «الده استعداد اولنجه کار
 کمدین کوستریر» دینور، بر محرر مقتدرک اکتساب
 شهرت و ثروت ایلمسندہ تعجبی داعی بر حال یوقدر . فقط
 اصل نقصه حضرت کتاجی چراقلغندن او مرتبه عالییه
 ارتقاده در . بو خارق العاده روشه ایسه بر طرفدن بازار
 معرفنده کی کالای عرفانک فوق الغایه رواجیلہ برابر
 و فرقی . دیگر جهتدن اوحدو حسابہ کمر مکتبلر او تعریفه
 صغماز عمومی درس لر کی علم یا خود عالم فابریقه لر بنک
 انتظام و مکملایتدر . عصر یمزک تاریخ ترقیاتی یازییرسه
 بو اصول تعلیمک، بو منابع فیوضاتک خدمت و فوائدی
 بحق کوستریایر صایرم . ذاتاً قوانین طبیعیه دندر بر عالمک
 باشیلجه آمالندن بری ده علمی نشر ایتک، ابنای نوعه
 تعمیم ایلہ مکدر . بر ساحه که علما و فضلا ایلہ لبالب اولور،
 اوراده فضل و عرفان فیض و رواج ایچنده در، حدودینه
 کیرنلری مستتیر و مستفیض ایلر . متعلم ده عالم کی
 حیاندن مستفید و ممنوندر . «الناس قسمان العالم و المتعلم
 و الباقی همج» قول جیدی بودعوایی کوزلجه فصل ایلر .

علم ، فن ، اصول

بر قاج سنده دڼېری مطالعات حقیرانه م لسانمزه ،
معلوماتمزه اوتهدن بری تقرر ایتش بعض نقاطی مخطی ،
هیچ اولمازسه مشکوک کوسترمکه باشلادی . بوشکاک
ازاله می ، حقیقتک تعینی دائماً کوی آرزولرمدن بری
ایدی . چونکه نه زمان یازی یازمق ایسته سه م مطلق
اونقطه لرك بری قلممک اوجنه کلیور . مزایای علمیه نک
مفتونلرندیم . کیتدجه مطبوعاتمزه بر موقع کزین اشغال
ایدن جریده کزیده کزک ستونلرنده بومسانله دائریازه جغ
مکتوبلره بریر تخصیص ایدرسه کز بلکه بوسورنله
حقیقت تظاهر ایدرده ، هم لسانمزه ، معلوماتمزه خدمت
ایتمش ، هم ده بی وبنم کبی نیجه هوسکاران حقایق مستفیض
ایله مش اولورسکیز . آوروپامستشرقینک آثار و نتبعانندن
اصحاب مطالعه مزری خیر ایدن جریده کز اولدی . شؤنات
اسلامیه دن وقتی وقتنه معلومات ویرنینه جریده کزدر .
برچوق خدمات ادبیه و سیاسیه انضمام ایدن شومسئله
خدمتبلرله بورا مششرقلرنجه بیله منت و ممنونیت عظیمه یی
جاب ایدن (موضوعات الموم) کبی بر اثر عال العالمک

طبی خصوصی (اقدام) ك قیمتى دوبالا قیلدی . فعلیات ايله مؤید بودرلو لوائح صمیمه دن احتراز ایتمه یگز . چونكه اوحسی فدا کارلقلرك مكافاتی بوبولده کی تقدیرات عامه در . بناءً علیه اقدامکزی تشمیل ایدرك شو مکتوبی حرفی حرفه درجه همت بیوریگز .

اسانمزده علم ، فن ، اصول کله لرینک موقع استعمالی هیچ تعیین اولمامش ، گاه علم طب ، گاه فن طب بعضاً فن کیمیا ، بعضاً ده علم کیمیا ، علوم اجتماعیه ، فنون اجتماعیه ، اصول مناظره ، فن مناظره ، اصول تنقید ، فن تنقید دینیور ، کیدیور . حال بوکده علمک ، فک ، اصولک تعریف اساسیلرینه نظراً بر عامه فن ، بر فنه علم ، بر اصوله نه علم نه فن ونده بونلرك عکسی دینامک لازمدر . کافه تبعات او چ نتیجه مختلفیه منجردر .

اولا : بونتیجه لرک برنجیسی بر علمک تاسی ، تشکیلدر . بونک ایچون تدقیق اولنان حادثاتک تعمم ایتسی ، سببیه نتیجه آره سنده کی مناسباتی ارائه ایلمسی ، دها واضیحی وضع قوانین قیلمسی لازمدر . بناءً علیه بوصورتله اجرا قلنان تدقیقات نتیجه سنده یاخود مقنع محاکات فکریه استناداً فلان فلان شرائط آلتنده فلان حادثه نك حصولی مطلقدر ديه حکم اولنور . ایشه بوقاعده یه مبنی علم هیئت

دیملی بز فن هیئت دیاملی بز . هیئت بر علمدر ، چونکه قوانینه موضوعدر مستنددر .

کذا حقوق بر علمدر . زیرا قواعد عدالتی میدانه قویور .

ثانیاً : یاخود اوتبعات بر فن تولید ایلر . فن ايله علم آره سنده فرق عظیم واردر . علم کشف قوانین ایلر ، فن بر نتیجه استحصالی ایچون او قوانینی تطبیق ايله اوغراشیر . مثلاً طب بر فن (حکمت ، کیمیا ، طبیعیات) کبی علوم مختلفه دن آلدینی قوانینی ، صحتیزی محافظه وادامه ایللمک وسائط مخصوصه نی دوشونمک ایچون ، تطبیقه قویولور . بوحالده علم طب دیاملی بز . فن طب دیملی بز . چونکه طب علم دکلدر ، کشف قوانین ایتمز .

ثالثاً : بعضاًده تبعات واقعده دن نه بر علم ، نه ده بر فن چیقار . بویولده تبعله اشتغال ایدنلرک محصولی بر چوق فواید ومعلومات جمعندن عبارت قالیرکه بونلر یا بر علمک تأسس ، یاخود بر فلک الکالی ایچون دیکر لرینک ایشنه یارار . مثلاً تاریخ بوتعریفانه نظراً بر فن دکلدر . بر علم ده دکلدر . چونکه نه بر قانون کشف ایلر ، نه ده بر نتیجه استحصالی ایچون بر علمدن بر قانون آلهرق آنی تطبیق ايله اوغراشیر . بوجهته کچدیکی کبی تاریخ اولمقدن

حقیقتار . علوم اجتماعی-دن ارلور . بناءً علیه علوم
اجتماعیهی تاریخ ایله قاریش-دیر مامایدر . تاریخ بر منبع
معلوماتدر که هم حقوقه ، هم اخلاقه ، هم سیاسیانہ .
هم فلسفیه قیمتدار بر مأخذدر ، بر اصولدر .

ایمدی پک چوق اسانده عرفان بوقاعده لره رعایت
ایتماش ، اسان عرب بوتعبیراتی بسبتون بشقه درلو استعمال
ایلماش ایکن شو بیاناتی سرده قالمیشمق بنم ایچون برار
کستاخلق عد اولمسون . علمامز ، فضلامز شمدی به قدر
علم طب دیمش لر ، حالاده اوپله دیورلر ، فن هیئت تعبیری
قوللانیورلر . اک ییوک برادیمز تاریخه عالی بر فن ،
وصفی ویریور . بومشکلاتک ایچندن بنم کبی بر فکر
ضعیف فصل حقیقتار ، هایدی غربک بوقواعدی قبول
ایدلسون . اسکیدن نه دینیورسه ینه اوپله دینسون ،
اوپله یازلسون . فقط یازیق دکلی ، باق ، علم ، فن ،
اصول نه کوزل تصذیف ایدلمش ، آرملرنده نه عالمانه ،
نه متفنانه ، نه اصول شناسانه فرق لر بولمش بولری
چیکنه یوب کچمکه انسان قائل اولیور . بوتردک ایچندن
حقیقمق ، بزى شو ایکی یولدن اک موافقه س-وق ایتمک
افاض-لمزک جمله وظائفندن ایسه ده مسئله نک واضی
اولدینمه کووه نهرک بر قاعده دکل ، آچیقندن بر فکر

بیان ایده بیایم . شوتعبیرات آره سنده کی فرق اولدن
 آمار غریبه ده دخی نظر دقنه آلماش ، حالاده قسماً
 آتنامق ایسته نیور . منلا پک چوقلری علوم تاریخیه ،
 فن تاریخ دینلما سنی قبول ایتک ایسته میور لر . علوم
 اجتماعیه دن آلدقلری اقسامی تاریخدن عد ایدرک یعنی
 او علوم ایله تاریخی بر برینه قاریش دیر مرق تاریخک علما کنی ،
 فلکنی ادعا اید میور لر . لکن مناقشات علمیه حقیقتی
 تمامیه میدان قویور . بوتصفیک اصابتی هرکسه تسام
 ایتدیریور . کیده کیده هرجهتجه بوکا رعایت اولنغه
 باشلایور . بزده ده بوبله اولسه ده شمدیدن صوکره
 لسانمزه بوقاعدهیه حرمت ایدلسه فنا اولماز . بو آنه
 قدر علم طب دینمش ، بر مدت ده فن طب دینسون ، فن
 حفظ صحت دینسون ، اصول تاریخ یاخود سادهجه
 تاریخ دینسون تاریخ نه فن ، نه علم عد اولونماسون .
 بوتعبیرات معنایی تغیر ایتمز ، اهمیتی نقایل ایله مز . تاریخ ده
 ریاضیات قدر مهمدر . هپسی کمال بشره خادمدر .


برده شوو ارکه اکثریا برتببع هم بر فنه ، هم بر علمه
 نتیجه ویریر ، یعنی او نتیجه ده علم ایله فن مشترک اولور .
 بوده طبعیدر . چونکه فن ، نتایج علمیه نک تطبیقیدر
 دیدک . علم حقوق بوبابده کوزل بر مثالدر . زیرا قواعد

عدالتی تحری و کشف ایدن علم قوانینک متبعی ،
 ابنای بشرک یکدیگر یله مناسباتنده بوقاعده لره حرمت
 ایدلمسنى تأمین ايله اوغراشان فن قوانیندر . علم ثروت
 مللده بویله در . تبعات اقتصادیهك بر فن تولیدیلمسی
 وارسته ایضا حدر . چونکه حیات اقتصادیهی محافظه
 و حین حاجتمده تداوی ایچون علم ثروت ملل طبقی طب
 کبی اوغراشیر . مثلاً مسکوکات ایجادى ، بانک لرتأسیسی ،
 امتعه اجنبیه کمرک رسمی وضعی و امثالی صر سینه کوره
 آز چوق ایی وفا معاملات فیه دندر . فقط علم ثروت
 مللده یالکیز فن دکل علم ده واردر . بوجهت اوللری
 انکاراوانیوردی . شمیدی عصر حاضرک ترقیات عامیه سیاه
 بسبتون تأید ایتدی . قابل جرح اوله میور . علم ثروتک
 هدف تدقیقاتی ، طبیعتی ایفای حوائجنه مستعد و مختص
 قیلمق ایچون جهد ایدن انساندر . طبیعت و انسان ،
 ایشته علم ثروت عالمنک اساس تبعاتی بویکی قوتدر .
 بوقوتلر قوانین دائمیه تابعدرلر . طبیعتک نه درلو قوانین
 عمومیهیه تابع اولدیغی علوم طبیعیه بزه کوستریور .
 انسانه کانجه حسیات بشریهی ولدنیاتی فلسفه اراؤه
 ایلهور . بونکچون بر شخصی نظر دقته آلمایلی . بوندن
 بر قانون چیقاریله ماز . فقط علی العموم ابنای آدمی نظر

تدقیقیدن کچیریرسهك جمله سنده محافظهٔ نفسه ، حفظ منفعته
 بر میل طبیعی اولدیغنی کوریر و بویله جه عمومی بر قانون
 وضع ایدرز . بناءً عایه مادام که بویله وضع قوانین
 ایله یور علم ثروت ملل بر علم ده اولمش اولور . عربلر
 (الشئ بالشئ یدکر) دیورلر . بزده کیم یادن ، طبندن
 باشلا دق ثروته قدر کلدك . (علم ثروت ملل) تعبیری :

L'économie politique est la science de la
 richesse .

تعریف ناقص ابتدائیسندن آلمش ایسمده مقصده
 غیر کافی لیکن تقرر و تعمم ایتمش ، بوسفر برنجی مسئله یی
 حل ایدم بیایرسهك نه موطلی !



دومافیس

(آلكساندر دومافیس) دون وفات ایتدی . بوسباح
بتون غزتهلر متوفانك تذكار دها و محاسنيله مالا مالدر .
فی الحقیقه زمانمزمده تیاترونك اك على مجددى ، اك بیوك
مؤافى بوذات ایدى . (لادام اوقامایا) ایله باشلادیغی
تجدد و تبدله مظفرانه دوام ایلدى . اثرلری دائما پارلاق
بر موفقیتیه مظهر اولدى . بوعصرک تاریخ ادبیاتنده
او آثار کزین پارلاق بر نقطه تشکیل ایدیور . بر ادبی
طابق ایچون محصولات فکریه سنی مطالعه و تدقیق ایتلی .
بویولده معارفه غایت خوش بر صمیمیت پیدا ایلرکه
بو حس شائبه تصنع و تزلیدن عاریدر . (لادام اوقامایا) یی
اوقویانلردن ، ساحه تماشاده کورنلردن کیم واردرکه
او حزین ، او لطیف اثرک مؤلف على قدرینه قارشى
قلبنده بر حرمت طویماسون ؟ قارئك اك زیاده ذوق
تقدیرینی اوقشایان ظرافت و رقت فکریه در . (دومافیس)
ایسه هر درلو محاسن خلقیه سندن ماعدا بو وادیده بر
استعداد عال العاله مظهر در . سوزلرنده بر چوق مزایای
ادبییه ایله برابر ظریف نقطهلر ، رقیق فکرلر اك زیاده

كوزه چارپار . بو مؤلف ايچون بر احترام مخصوصم
 واردى . چونكه ذكاي خارق العاده سندن ماعدا ، اصلى ،
 منشأى بالخاصه دقمنى جالب ايدى . بويقينلرده (محب
 نسوان) ناميله فرانسى تياروسنده موقع تماشاياه قونان
 بر اويونى كوردكن صوكره او احترام دها بيودى .
 كوزلك ايچون اقليم اولماز . بوموهبه هرزمينده صرسته
 كوره تاباندر . فكري بشرك نه بديع منظره لر پيدا ايلديكنى
 بيلمك ايچون (محب نسوان) كى محسولات نفيسه يى
 او قوملى ، اكلاملى دها اييسى معرض تماشاده كورملى .
 بو حس تقدير بنده او كزیده محررى كورمك امانى توليد
 ايتمشدى . مشاهير مؤلفيندن برى ايچون اخيراً ركز
 اوانان هيكلك رسم كشدانده بومله نائل اولدم . يمشى
 تجاوز ايتمش بر اختيار ، جهه نك ، او كنيش ، او مهيب
 جهه نك قارارمى موتك نقر بنه دلالت ايديوردى .
 يازيق او قدر بديعه لر حصوله كتيرن بو پرتو دهاده
 سونه جك ، اويله مى ؟ شوپارماقلى ، نه قدر اوزانمش ،
 او دلارا صحيفه لر هپ بو مجرادن آقدى . فقط بو مجرا
 بويله قورومغه باشلامايلدى . رنك شيبانى الى الابد
 محافظه ايتلى ايدى . ايتلى ايدى ده او بدايع آثار لاينقطع
 بزي ، فكر مزي تنوير وتنشيط ايله مليدى .

بوتفکرات دوام ای دیوردی . یانده کی قابا بر ذات :
 « (دوما فیس) چوق بوزولمش » غالباً قیسی چیقارده میه جق .
 ایشته بر جنازه آلائی دها ، (رهنان) ، (پاستور) ،
 (دوما) ، دیه صوغوق صوغوق آرقاداشیه مکالمه
 باشلا نیجه ایلک کرم طوکدی شوقلسزلکه نفرت ایتدم .
 ولوکه بر حکم طبیعت اولسون ، بویه پر تو ذکات دها
 سونمه دن اول سوندیکنی بکله مک ال ساده تعبیریه
 فطرتسزلق ، نصیبسزلکدر . او ائناه بنده کی حسیات
 او حریفلرده کی طوبغو مقایسه ایدسه ایدی او کوزلک
 ایچون اقایم اولدیغی کی کوزلکی آکلامق ، تقدیر ایتک
 ایچونده قومیت وجنسیتک هیچ تأثیر کوسترمدیکنه
 حکم اولنوردی .

ایشته آره دن اون بش کون کچمدی . اورسم مخصوصده
 صولوق ، یورغون بر چهره ابراز ایدن داهی پیر جهان
 وداع ایلدی . فقط او آتارک ، اونامک خاطره وحافظلرده
 ابدی اولدیغی دوشونلسه بوودا نک سوزشی آزالمازی ؟
 نیجه دها هر هانکی وادیده تجلی ایدرسه ایتسون فیاض
 قدرتک بر بدیعه سبجانیسی اولدیغی ایچون شایان تقدیسدر .
 فکر بشر قوه فطریه وفعالیه سنی زمین زمین کوستردکجه
 جهانی لجئه انعامه مستغرق ایئر ، ترقیات وتکمالات عالمک

برساحة وسیعہ رفاهیتہ طوغری شوروش بلندی اولجہنک
 اثر فیضیدر . (دومافیس) ک صورت نشأتندہ بر
 فوق العالمک ، بر استشا واردر . بابا ، اوغل ایکسی دە
 بر وادی کلدہ پویان اولدیلر . بویولده بر مقایسہ نک
 خدمدن افزون کوریلہ جکمنن قورقاسیدم اوغلی بابایی
 چوق کریدہ براقدی دیمک ایستردم . اویله اما بشقه بر
 نقطہ دن آلینیرسہ بابانک دە بیوک بر حق رجحان وتقدیمی
 واردر . اولادینک ذروۂ اقبال ادبہ وصولندہ (دومایر)
 بر حیات ایدی . جوهر فطرتندن اشعاب ایدن بوجزئک
 کله غلبہ چالیدیغنی بر درجہ یه قدر کوردی . بو حالدن
 نامتناهی فخر وانبساط حس ایلہدی .

(دومافیس) ک اک کزیدہ اثرلری نشر اولنہ رق
 شهرت ادبیہ سی اطرافہ یاییلنجہ بعضیلری پدرینه :

— بزدن صاقلامایکیز . سزکده بو محصولارده .

پارمغکز وار . دکلی ؟

دیدیلر . (مونته قیرستو) مؤلفی :

— های های !

دیه جواب ویردی .

— دیمک اعتراف ایدیورسکز .

— اوت او اثرلرده بنم ده پارمغ وار : چونکده مؤلف

بنم محصولدر .

پدرله اولاد آره سنده بو آهنگ ارتباط دوام ایتدی .
 طوردی . (دومافیس) که آتارندن (ولد طبیعی) نك
 مقدمه بایغه سندن آنان شوپارچه بومودت و عبادتک
 درجه صفوت و شدتی کوستیر :

« بعض دفعه ار بلک شو عبارتی ایشیتک : — حقیقت !
 اوغلی کندیسندن زیاده استعداد مالک — کیم بیایر بوکا
 نه قدر کولک ! یوق ، اوله دکل غیر معروف بر پدرمشک
 کبی سوبندک ، بلکده بوسویله ن سوزی حقیقت صاندک .
 ای بیوک ذات ! نه درجه صاف ، نه قدر لطیف کارسک !
 بن کنج ایکن ، تذل ایکن بکا پاره ویریوردک . شمدی ده
 شان و شرف ویریورسک . نه بختیارم ! شوفرستی اله
 ایتدم . پیش فضیلتکده ابرودو کیورم ، علویتکی آچقندن
 آچیغه تقدیس ایلیورم . اللریکی استقباله قارشی تقبیل
 ایدیورم . »

محبت فرزندانک بوندن رنکین بر کسوه تجلیسی
 اولاماز .

(لادام او قاملیا) مؤلفک حیاتنی تشریح لزم
 یوقسه ده بحث مزه عائد بونقطه سکوت ایله کچش دیر یله مز .
 (دو افیس) ۱۸۲۴ سنه میلادی سنده تولد ایلدی .

فقط بر ولد طبعی یعنی بر ولد غیر مشروع اولد یغندن
بیویوب اثبات ذکا واستعداد ایلدکدن صوکره پدرینک
نامنی آله بیلدی . چوجقلغنده برکون اولاد غیر مشروعه
ایچون بیوک بر مدافعه نامه حکمنده بوانان مشهور (امیل)
یاخود (تربیه) نامنده کی اثر قیمتداری او قویورمش ،
پدری اوستنه کلش ، اوغل ایله بابا آره سنده شو محاوره
جریان ایتش :

— وای ، بو کتاب خوشکه کیدیورمی ؟

— پک زیاده !

— پکی ، بوباید فنکرک نه در ؟

— (امیل) ای حرکت ایتش ، بر پدر سزه اسمنی
ویرمکدن چکینیرسه او اسمی زورله آملی .

(دوماپر) او کوچیچک چوجقده بودرجه پارلاق
بر ذکا کورنجه پرنشئه اولدی .

— اعلا ، عزیزم . اکر بابا کک نامنی طاشیمق
ایسته یورسه ک آل ، اونام سنک اولسور .

دیه باغیردی . عجبا او نامه ابدی بر شرف ویره بیلیمک
ایچون بوندن کوزل بر واسطه اولورمیدی ؟

(دومافیس) اون یدی یاشنده اثر نشر ایتیمکده باشلادی .
(معاصی شهابیم) او زمانک محصلولیدر . مکبیدن ،

دارالفنوندن زیاده پدري نك دائرہ سی از دیار فیضنه باعث
اولدی . صباوتی شبانی بوسایه ده بر چوق ادبا ، فضلا ،
علما آرمسنده کچیردی . ذکای خارق العاده سی بووجهله
اودرجه مستثنا بر فیض بولدی که بونعمت عصرک بشقه
بر داهیسنه میسر اولمادی . ذکادن ذکایه مشاهیردن
مشاهیره فرق واردر . بونلرک کیسی زمان ایله قئمدر ،
محدوددر . کیسی بر مدت معینه ایچون دائمدر . محدوددر .
بومحرر مقتدر شوایکی قسمک هیچ برندن دکلدر ،
نامتاهیدر . اثرلری ایچون محدود بر زمان ، معین بر مدت
یوقدر . بوکون اوقونان (لادام اوقالمیا) بر عصر صوکره
ینه اوقونور . چونکه اوجوهرده اوقدر قوی بر قوت
واردر . بر مؤلفه دائر حقیله بسط مطالعه ایتک ادباً ،
علماً بیوک بر اقتداره مته ففدر . (دوما) دون کیجه
وفات ایتدی . شو مکتوبی بوصباح یازیورم . ینه بوصباح
پوسته یه ویرمکه مجبورم . ناکه تلغرافک ویردیکی خبرله
بوخبر آرمسنده بیوک بر فاصله اولسون . بنا برین
(بورژه) (قوپه) کبی اوفکر عال العالمات کافه غوامضنه
کسب وقوف ایتمش ادبای زمانک بوموت مؤسسه دائر
یازدقلری و یازمجهقلری صحیفه لری کوزدن کچیرمکه وقم
یوق . بونلری کله جک هفتسه کی (خاطرات ادبیه) یه

صاقلایه رق شمدیلک شوسطرلرله اکتفا ایدیورم .
ادبیاتمز ، تیاترومن آثار غریبه دن استفاضه یه محتاج
اولدیفی ایچون غربک بوافاضلی بزده تمامی تمامنه بیلنمایدن
فکر ندیم .

خاطرات ادبیه

آلکساندر دومافیس

هرذکأنک کندیسنه مخصوص بروادی تجاییسی وار .
یتش سنه یی متجاوز بر فعالیتدن صوکره قسماً اقبال
ایچنده سونن شوادیب ابن ادیبک زمین مخصوصنده کی
تعالیسی حقیقه خارق العاده ایش ، موت ، اومهلک فقط
خادم حقیقت نتیجه بوماهیتی یارواغیاره قارش میخانه
قویدی . دون ، وصیتی موجب نتیجه الایشدن عاری وساده
بر صورتده دن اولنان شوموتایه دائر لسان عمومیدن
صدور ایدن مطالعات تدقیق اولنسه باشند باشه صاف
بر آشنک تقدیر کوریلور . بر حکایه نویسه ، بر تیاترو
مؤلفنه بودرجه اهمیت ویرلدیکی غریب کورلسون .
او حکایه لر ، اوتیاترولر صولک اصولده بر اخلاق کتانی

ایدی . محرری ایسه هر درلو فضل و کماله متأخرین
اخلاقونک انک ممتازلرندن عد اولیوردی . فی الحقیقه
بوانلرک هر بری بر مدافعنامه در . کینده بدبخت بر
سفیلنک ایجابات اجتماعیه ایله آیفانی آلمان حبسی ،
حقوقی سوزشناک بر صورتده کورستلمش ، کینده ایسه
اولاد غیر مشروعنهک احوال و آمال اسفمنونی ینه
او وجهله میدان قونمش ، خلاصه جهلهسنده غریبه کورمه
ظالمیز بر صنف بشرک حیاتی تشریح ایدلمشدر . شمندی
بر طرز نوین ایله بودرجه تکملات فکریه و قلبیه خدمت
ایدن بر ادیب ساده بر حکایه نویس عد اولمز . البته
اخلاقونک ده الک ایلری کلنلرندن صایایلر . (دومافیس)ک
یازدقلربی نه بیوک دوشونجه لرله میدان کتیردییی شوندن
آکلاشیایلرکه وصیتنامه سنده بسبتون اکمال ایدلماش
اثرلرینک وفاتندن سوکره هیچ بر سظری نشر اولنماسنی
یازیور . بونلرک ایچده (تب یولی) دییه بر تیاترو
واردی . ختامه غایت تقرب ایتشدی ، خاق خواهشله
بکله یوردی . مؤلفده « اسکیمی کی چالیشه بیاسهم درت
کونده شو اثری بتیریرم » دییوردی . فقط او یاشی بولمش ،
اوتزلزل صحنه اوغرامش ایکن اسکیمی کی نصل چالیشه .
بیایردی . اخیراً نشر ایلدیکی بر کوچک رساله ده یازیورکه

اولدن هر صباح الافرانغه ساعت بشده قالقارمش . کيجه
 ساعت اون بره بعضاً کيجه ياريسنه قدر چاليشيرمش .
 اومعالی بي بويله اکتساب ايتمش : « تردين لسقيان المعالی
 رخیصة » ولابد دون الشهد من ابر النحل « سوزی
 بیوک بر حقیقتی شاملدرکه نظر عبرته آلملیدر . (تب
 یولی) نی صوران بر دوستنه مؤلفک ویردیکی شو جواب
 دوشو بجهارینک بر قسمنی جامعدر : « بیتک اوزره در .
 فقط انظار عامه یه قویتمقده تردد ایدیورم . چونکه بر
 درجه یه قدر تهاکلی بر ادعاینامه یی محتویدر . فی الحقیقه
 فکریمی مدافعه یه مقتدرم اما نیچون ؟ تکراراً عمومه عرض
 وجود ایتکده نه منفعت وار ! شهرت دیدکلری شی بندن
 یوز مرتبه حریص اولانلری طویوره جق قدر بنده وار .
 پاره ایچون صرف ایده جک یر آرابورم . آلتیش ،
 تقبیح ، تقدیر ، تنقید ایله ده او درجه قفام طولدی که
 آرتق بویله شیلرده هیچ هوسم قالمادی . بناء علیه نه ایچون
 کیدوبده بر دها خلفه عرض وجود ایده یم . او بی
 طانیور ، بن آنی طانیورم . بونقطه ده قالسق هرایکیمز
 ایچون خیر لیدر »

مع مافیه شوس-وزلرده حب نفسه بیوک بر انهماک
 قصوری واردر . عصرک آمال ادبیه سی هیپ بوجهته میل

ایدیور . « نفسی نفسی » حقیقونک مسالکی بودر .
 (دوما) ده فکرینه نهدرلو رنک ویررسه ویرسون
 اومسلسکک اک پیشوالرندندر . فقط اخلاقده علم وکل
 ایله حصهوله گلش برجیادت بولنور . مثالینه برعینه
 یازدیغی مکتوبده : « بنم ایکی مزیم واردر . بری بکا هجوم
 ایدنلره بغضم یوقدر . دیکری ده بنی مدافعه ایلینلره الی الابد
 متدارم . صاقین بوسوزمی طویمسونلر مهاجرمدن باش
 آلتماز . سزده نه یاپه جغکزی شاشیررسکز » دیور .
 (دوما) نک شومانت اخلاقی محبانی بر نمونه امتثال
 اوله رق کوستریورلر . فرانسه شعرا وادباسنک همان
 ذروه ریاسته یاقلاشان (قوپه) بوکا دائر شو حکایه بی نقل
 ایدیور : « (لادام اوقامایا) مؤلفنک (پرنسس) عنوانی
 اثری اوینا دیغی زمان برغزته ده تفرقه اتقادیه یازیوردم .
 سائقه غفلتله مؤلفه قارشو متجاوزانه طاوراندیم . حالا
 متأسفم . (دوما) بونک ایچون بکا اودرجه کین باغلادی که
 آرهدن سنه لر کچدیکی حالد یینه بینمزده بر برودت
 واردی . بن انجمن دانشه اعضا اولدم ، شرف رفاقتی
 قازاندیم . یینه اوبرودت زائل اولمدی . بو حال بکا اضطراب
 ویریوردی . اومردار تفرقه یه نفرت ایدیوردم . بو محرر
 جهات قدری بویله اوزون اوزادی به متأثر ایتدیکمدن طولای

مکدر اولیوردم . او برودتی آره دن قالدیره رق کندیسنه .
 درجه حرمت و پرستشمی یانه یاقیله سویلمک ایستیوردم .
 فقط (دوما) نک بکا قارشی طوری او قدر بارد ایدی که
 عزت نفسمی آیاق آلتنه آلمق سزین بو تقرب قابل دکلدی .
 بنده هر فدا کارلغنه حاضردم ، لکن بوکا دکل . دوما
 بو حسیاتی آکلادی . فطرة برقادین کبی سهل التاثر
 و متحسس ایدی . مع مافیه علو جنبانه ، صفوت روحنه ده
 پایان یوقدی . بر کون باشمه بر فلاکت کلدی . (پار)
 عنوانی اویونم بیوک براضم حلاله اوغرا دی . صوک درجه
 متأثر ایدم . ایرتسی کون (آلکساندر دوما) دن ،
 دادرانه ، صمیمی بر تسلی نامه آلدیم . اوح ، بولطف بم
 ایچونه قدر قیمتمدار ایدی . همان جواب ویردم . متممی ،
 قلبمی شرح ایلدم . او فلاکت بر سعادت یرینه کچدی .
 بویله بر نعمته بر قاچ اثر فدا اتمک حاضر ایدم . اوزماندن
 بری آره مزده بر محبت حقیقه حاصل اولدی . او استاد
 و کالاتک اک ایلری کلیر محبانندن ، اک صمیمی تقدیر
 خوانلرندن ایدم . «

تصویرات و تفکرات ایله بر مرتبه علیایه ارتقا ایدن
 اصحاب عرفانک حقایق و قوعاته دائر فکر و حسلرینی
 آکلامق مشتاقان معالی ایچون بیوک بر فائدهی حائر در .

او افکار و حس‌یافته اولیه کوزل نشانه‌ها را بولور که بر
 دستور ادب و حکمت مشابه‌ها کچر . بودستورلرله حیات
 ادبیه و حکمیته‌ک نه رنگین معادل‌لری حل اولور .
 فرانسه ادبایی تدقیقات حیانیه وادیسندره فوق‌العاده‌ایلری
 کیتدیلر . هربری عین نتیجه‌ی هدف ایدرک بشقه بشقه
 بررطریق تعقیب‌ایدیورلر . فقط بعضاً بالتصادف بررلرینه
 راست کلدکلری زمان مناقشات متقابله قویولیورلر ،
 یکدیگرلری آ کلايورلر ، ال اله ویریورلر ، صوکره
 بری مدت عمرینی اکمال ایلدیکی زمان او برلری ماهیتی
 سعینی اورته‌یه قویارق مکتسب‌اندن هیچ برشی ضایع
 ایتمیورلر . (آکساندر دوما) بو زمرة کزیدمک اک
 ممتازلرندن اولدینی ایچون‌وفاتی خبرینی آلیر آماز رفقای
 عرفاندن بعضلرینک بسط ایلدکلری مطالعاتی بروجه‌آتی
 نقل ایدیورم :

(زولا) بوبابده شو خاطراتی درمیان ایلیور :
 « بیایورسکزرکه کنج‌لکمده معاصرلریمک محررات
 ومؤلفاتنه فنا حالد هجوم ایتدم . (دوما) ده بولردن
 ایدی . انجمن دانشه نامزد اولدیغم وقت ایلک زیارتنه
 کیدیشمده بر درجه‌یه قدر مراق ایدیور ، بنی نه‌صورتله
 قبول ایده‌جکنی آ کلامق ایسته‌یوردم . حتی عرض

معذرت یولی بر ایکی سوز بيله سویلمکه حاضر ایدم .
 فخط اودرجه لطیف بر صورتده سوزیمی کسدی که بی
 کالنه مفتون ایتدی : « اوزمان دوشوندیکیزی سویلمکه
 حقی ایدیکیز . بوحان بی دوستکیز اولمقدن منع ایتمز »
 دیدی . بناء علیه (دوما) بکا بوخصوصده کندی رأیی
 ویردکن ماعدا احباسنی ده ایهمه سوق ایتمکن بر دقیقه
 خالی قالمدی . بوذات حقیقهٔ علوفکره مالک ایدی . اثرلری
 تیارومزك اك پارلاق بر فصانی تشکیل ایدر . « (روغون
 ماقار) مؤلفی انجمن دانشه صوك نامزدلکنده بر رأی
 قازانمشدی . اوده (دوما) نکدی . شمدی (دوما)
 وفات ایتدی او رأی ده قالمدی . مع مافیسه بونامزدلک
 ینه تکرر ایدیور . فرانسه محررلری غریبدر . بوغرابت
 انجمن دانش مسئله سنده پک زیاده ظاهره چیقور . شمدی
 بووفات ایله انجمن دانشده بریر منحل اولدینی ایچون
 دها جنازه قالمه دن بوجهت موقع مباحثه قونیور .
 نامزدلر کیمدر ؟ دیه صوریلیور . بالفرض بر قاج دفعه
 نامزد اولدینی حالد قبول ایدلمدیکی ایچون انکسارندن
 انجمن دانش عاینده بولنان بر ادیب بوسفر ینه نامزد
 اوله جغی اعلان ایدیور . بونصل اولور ، دییورلر .
 « نه یه تعجب ایدیورسکیز ، ایشته (دوما) نک پدرینه

بر مکتوبی ! « دیه جواب ویریسور . بربرهان میدانه
 قویور . بونده فی الحقیقه (لادام ارقاملیا) مؤلفی براملا
 یا کلشیله سوزه باشلایور . « باری انجمن دانش اعضای
 کرامی لطفاً شویا کلشی کورسونلرده ، بی آرهلرینه قبول
 ایتسونلر . نه دیرسک پدر ؛ « دیور . مع مافیه برمدت
 صوکره بوتزیفنه رغماً مقصدینه نائل اولیور .

لسانمزه ترجمه اولنان (سافو) و (ژان) حکایه لرینک
 محرر شهری (آلفونس دوده) بوادیبه دائر شوسوزلری
 سویلیور : « (دوما) نی حقیقتمده پک آز طانیدم . اکثریا
 بعض ضیافتلرده بربریمزه راست کلیموردق . آره مزده
 بر خصوصیتک حصولی ایچون بزی سفرده داثما یان یانه
 قویورلردی . فقط قابل اولیوردی . شمدی آرایه موت
 کیردی . او کوچکلکره محل قلمدی . بنجه (دوما)
 و (اوژییه) ایله برابر عصریمزده تیانونک ایکی نیر
 تابرداری سوندی . بوتأثر بنده دیلر برداهینک وفانیلهده
 واقع اولدی . عادتاً برکسوف مادی به بکزیور . اودرجه
 تأثیری کوستریور . آرتق اوقوجه تماشا کاهلریمزده
 یاریم بر انجلا قالدی که ایکی پرده آره سنده کی سونو
 ضیائی آندیریور « بوندن صوکره (دوده) کندخی
 ضبط ایده میور ینه خصوصیتیه کیریشیور : « (دوما) نک .

بندہ پیدا ایتدیکی حال بر آرزوی مناقشہ و منازعہ ایدی۔
 بوفکر تابداری کورر کورمن فکریمہ طبان طبانہ ضد
 بولیور و همان مهاجمیہ قوی و ملق ایستہ یوردم . بنی ال زیادہ
 قیزدیران — آلمان شاعر شہیری — (کوتہ) حقندہ کی
 عداوتی ایدی . فصل بوادیب اعظمک فضائی انکار
 ایدی-وردی ، آکلامیوردم . یا او عائله حقندہ کی فکر
 مخصوصی ! بن طشر دلی یم . عائله حیانتہ میلم ، ارتباط
 وارد . (دوما) دہ بو حسی یوقدی . اوپارسی اولدینی
 ایچون بوجہتہ ہیج اہمیت ویرمیوردی . « فی الحقیقہ
 شوایکی ادیبک حیانتہ بوفرق عیاناً کوزہ چارپار .
 (دوما) نک بوجہتہ فلسفہ سی بسبتوز بشقہ در . سببہ
 وقایع حیانتہ در . یکرمی درت یاشنہ قدر سربست بر عمر
 کچیرمتی ، مستثنا بر ذوق ، بر عالم ایچندہ یاشامش .
 بو اثنالردد (لادام او قاملیا) شرگذشتی باشندن کچمش ،
 بو حکایہ حقیقہ وقوعہ ککش بر سرگذشتہ در . بویلہ اولمہ
 او مرتبہ مؤثر اولمازدی ، اویلہ کوز یاشلری دو کدیرمزدی .
 بو او یونی ایلاک اوکچہ اوینایان دختر صنعتکار (مار
 غربت غوتیہ) حالا بر حیانتہ در . یتش اوچ یاشندہ مادام
 (دورسی) اسمندہ اختیار بر قادیندر . مؤلف کزینک
 وفاتی دویونجہ شویولده بیان تأثرات ایدیور : و آہ

نه سوزشلی خبر ! اوت برنجی دفعه اوله رقی (لادام
 اوقامایا) نی بن اویناده . مسلیکمک ابدالرنده نامی بویه
 بر اثر نفیسه الحاق ایده بیلدیکم ایچون بخیاره . بوخاطره
 بجه پک قیمتداردر . حیاتمک یکانه مسرت و مفخرتیدر .
 او زمان (دوما) ده ، بن ده هنوز یکر می یاشنده ایدک .
 شان و شهرت بوسایده ایکیمزده بردن کلدی ، اولخنده
 بیوک بر مؤلف اولیویردی . بن ده بردنبره انعالی صنعتکارلر
 صره سنه کچدم . بووقعه ۱۸۵۲ ده جریان ایدیوردی .
 وقت انصل کچور ، کیدیور . نه حزین خاطرات ! «
 یکر می ایله یتش آرهنده کی فرق دوشونیاورسه بو حزنک
 درجه کشفی آ کلاشیلور . او زمان صحنه تماشاده بر نمونه
 جمال کبی تجلی ایدن دختر نازینه مقابل شمیدی طاسر ،
 طوزسز بر عجوز حالنه کیرمک آز سوزشمیدر . رفیق
 شهابده شبات کبی سوندی ، خاتمه یه یاقلاشدی . براز
 ده ، بوخاطره دن نشان قالمیه جق ! اسف ! باقالم
 بوخاطراتک عمقنده ده نذر وار : « مع مافیه آرمزده
 تماما بر مخادنت حاصل اولامادی . بربریمزه بر پارچه
 صوغوجیه باقیوردق . بوادیبه قارشى دائما مجبور شکرانم .
 اوده ایلك موفقیتندن طولای بکا تشکره بورجلی ایدی .
 شمیدی تیاترولرده کوریان اک بیوک موفقیتار ممکنمی

او موفقیت عظمایک کعبه وارسون ، بکا ، فلان اویون
 شویله مظهر موفقیت اولدی ، بویله آلقیشلاندی دیورلر .
 هیات نروده او ، نروده بونلر ؟ هر سنه درجه شکرانی
 (دوما) یه کوچک بر هدیه ایله ارائه ایدیوردم . اوده
 بکا مقابله ده بولونیوردی . دوشونکیز که پارسده وولایتلرده
 بو اویونی آلتی یوز اون یدی کره اوینادم . آزمی !
 حاصلی مؤلفک عمومیتندن ایسته نلیدی قدر بحث ایدرم .
 خصوصیتی بیلمم . او جهت بکا مجهولدر . فطرة
 عالیجنابمی ایدی ، دیگر آدملردن فرقایمیدی ؟ آکالیه مادرم .
 یالکیز بر سوزینی ایشیتدم . بکا بر پارچه محف فقط
 ناخوش کلدی . ۱۸۵۲ ده بن غایت نحیف ایدم . (ژول
 ژان) « بوقیز جغز اویونک یوزنجی تکرارینه قدر
 دایانامیه جق ، اوله جک » دیمش ، (دوما) — « اوح ،
 اترك از دیاد شهرتی ایچون نه اعلا بر وسیله ! » دییه
 جواب ویرمش . بوسوز بر پارچه ظالمانه در . خفیفجه
 اومقدن زیاده بنجه معنیداردر » (لادام اوقاملیا) یی اک
 کوزل واک چوق اوینایانلرک بری ده (سارا برنار) در .
 سکز سنه اولی شاباک اک رقیق بر فصلانده ایکن بو حیرت
 آرا قادی ، او وجدان ربا اویونده کورددم . فکریمک ،
 قلبمک ، حسیاتمک ضعفندن اولسه کرک ، او منظره نك

تأیری بنی کونلرجه دلخون ایتدی . ندم واردی نه
اولیوردم آ کلامدم . فقط هر لحظه (سارا برنارک) ن
او کیندینه مخصوص یادن کورونشی ، (مارگریت) ن
او حال حزین بی تاب کوزومک اوکنه گلیوردی . برسنه
صوکره بوضعتکار شهر استانبوله کلدی . بک اوغلنده
فرانسر تیازوسنده اوینایوردی . برکیجه (دمیر خانه
مدیری) اوینایور ظنیله کیتدمدی . اعلانده (لادام
او قاملیا) کلعلری کورنجه ینه او هیجانه طوتلدم . بردرلو
ایچری کیره مدم . کری دوندمدی . آرقداشلر او زمان
بنی آ کلامدیلر . خو پالاق ، کوستریش زهابنه دوشدیلر .
حالبوکه اوخو پالاق حقیقی بر فرط تأثرک ، بروفرت
احتساسک تأثیر طبیعی ایدی . شمدی تراید سن ایله
او ضعف کیتدی ، یاخود او آتش سوندی . بو محسسات
شدیده واقع اولیور . نعمت ! (سارا برنار) آمریقاده در .
وفاتی خبر آلیر آلامز (دوما) نک قزینه شو تلغرافی
چکیور : « مادام ، پدریکزک وفاتی بنی غایت دلخون ایتدی .
فلاکتکزه اسفخوانم ، آه ، تأثریکزه قابمک وار قوتیله
اشتراک ایدرم » شو اوچ ، درت کله صنعتکارک مؤلفه
درجه تقدیر و محبتی کوسترییور . (آلکساندر دوما)
ارکک اولاد براقیور . ایکی قیز براقیور . حتی کچن سنه

قیزلرینک کوچکنی ده اولندیردرك بكار قلنججه کندی
 سنده براختیار قادینه ازدواج ایتدی . اوزمان شوایی
 یتشلك مخلوقك ازدواجی غربب کورلیدی . (دوما) نك
 مسلكی حیاتی مکن مرتبه رفاهیت ایچنده کچیرمکدی .
 عمرک نه قدر حقیقی لذائی وارسه آنلردن عاقلانه استفاده
 ایتمکدی . صوکرده آهسته آهسته موته حاضر لایمقدی .
 کچنلر ده موتالرك یوم مخصوصنده اولومه دائر فکری
 صوران بر محرره شو جوانی ویرمشدی : «اگر شئونات
 حیاتک بر معیار حقیقیسنه دائما مالک اولمق ایستیورسه ،
 انسان اکثریا موتی کوزینک اوکنه کتیرمایدیر صانیرم
 شو مختصر فلسفه یی بنم فکر ضعیفم مؤلفک کافه آثارنده
 کشف ایتدی . بوانلری تدقیقه کیرشمک ایسته م .
 یالکز شو خاطر اتده بر نقطه یی توضیح ایدم جکم . اوتهدن
 بری بویولدمکی ملاحظات ادبیه ایله باشنی آغرتد قلمدن
 بر ذات برکون « ادبیات غربیه به بو قدر میل مز جائز میدر »
 دیدی . بن « پک آز میل ایدیوروز . کاشکی دها زیاده
 ایتسه ک » دیدم ، حالاده بو فکرده ایم . ترجه مزده بر طرز
 جید ادب حصوله کتیرمک ایستیورسه ق آوروپا ادبیاتنی
 ایجه تدقیق ایتلی یز . بونک ایچون ده ادیبلرینی اک
 خصوصی حالارینه وارنججه قدر بیلمه مز لازمدر .

(لادام او قاملیا) بی بایغ بر قلمله لسانمزه نقل ایتدک .
 بتون خلغمز او قوتدق . بو خدمتدن تام بر ثمره حاصل
 اولق ایچون او اثرک محرری کیمدر ، نصلدر ، روحی ،
 فلسفه سی نهدر ، بو خلقه طاعتلی یز . تا که ثمره مطلوبه
 حاصل اولسون . محاسن لفظیه ده ترقیمز فوق العاده در .
 لکن ادبیاتمز فکرآ او ثمره ته مالک دکلدر ، فرانسیزجه بر
 مقاله بی ، بر حکایه ، بر مکتوبی لسانمزه نقل ایدنجه ینه
 طاعتلی طاعتلی او قونور بر حالده بولیورز . بونک عکس
 نه درجه قدرت ولیاقله تجربه ایتسه ک موفق اولامیورز ،
 سوزده مزایای فکریه اک بیوک بر موقع اشغال ایدر .
 ادبیات ایچون اقلیم یوقدر ، ادبیات عمومیدر ، قوی
 صحیحدر . خلاصه ترجمه جهته شمیدلک چوق اهمیت
 ویرملی یز . مزیت ادبی بی حائز اثرلری ترجمه مزه فوج
 فوج نقل ایتلی یز ، بونلره دائر مطالعات حقیقه بسط
 ایتلی یز . شو (آلکساندر دوما) شهرتیه جهان ادبیاتی
 طولدیرمش ، اثرلری هر لسانه ترجمه اولنمش هر یرده صحنه
 تماشا یه قونمش ، بزده ایسه بر ایکی پارچه کتابندن بشقه
 مؤافاتی معلوم دکلدر . حالبوکه « محب نسوان ، ولد طبیعی ،
 مسرف پدر وسائر » کی آثار نفیسه بی ترجمه ده بولامز

لازم کلیدی . حاصلی ، شرقدن ، غربدن ، عربدن ،
 افرنجدن استفادیه باقلى ، « الحکمة . . . » امر منیفیه
 عامل اولملى يز . مسلك حقیقى بودر .



منقذر

عالم مطبوعانده تنقید پك بیوك بر موقع اشغال ایلور .
هر صاحب مطالعه نك بر منقذ منتخبي وار . بر كتاب نشر
اولسه ، بر تیارو موقع تماشایه قونسه او ذات در حال
منقذینك افکارینه مراجعت ایدیور ، بیاناتی تدقیق
ایلور ، فکری ، مطالعه سنی اکا کوره یوریدیور .
تنقیدك بواهمیتی تیارولرده دها جلی بر صورتده کنیدی
کوستردیکی ایچون چوقدن بری قارئین کرامه بویولده
بر مثال عرض ایتك ایستردم . شمدی کوزل بر مناسبت
دوشدی ، فرضدن استفاده ایدیورم .

اخیراً پارسك اك بیوك تیارولرندن برنده « برعائله نك
بحرانی (نطقی ، دردی ، کدری) عنوانی آلتنده براویون
اویساندی . ادباً قیمتی و موضوعنك ده اهمیت جهمتیله
بو اویون عموماً نظر دقتی جالب اولدی ، پك زیاده قیل
وقاله سبیت ویردی . منقذر بو خصوصده نه یاپدیله ؟
او جهتی بیلدیرمه دن اول فرانسه ده کی ارباب تنقیدك
انواعنی سویلیه ییم . بونلرك بر قسمی قدما طرفداریدر ،
طرز عتیقه میل ایدرلر ، بونلرك پیشداری (سارسه ی)

نامنده بر پیردرکه مؤلفرك الك قورقونچ معترضیدر. هر بازار
 آقشامی (تان) غزته سنده یازدیغی بر قاج ستون تفرقه یی
 بیکلرجه خلق او قور. تیاترولری مرآمنه کوره طولیدرر ،
 بوشالیدر . سنا آلتش ایله یتش آره سنده بولنان بو ذات
 بر قونفرانس یاپارکن ، بر درس ویررکن کوزل کوزل
 نکتله لرله ، لطیفه لرله سامعینک نشاطنه باعث اولور . مثلاً
 کچن کون بر تیاتروده ینه او کون صحنه تماشایه وضع
 اولنه جق بر او یونه دائر بیان مطالعه ایدیوردی :
 « افدیلر ، شمدی کوره جککیز او یون او قدر جان صیقارکه
 بونی نهایتنه قدر دیکله مکه نصل، تحمل ایده جکسکیز
 بیله میورم . حتی مدیرلر بوجهنی اکلا دیلرده سزی صوک
 پرده نك ختامنه قدر بوراده آلیقویه بیلیمک ایچون بر
 چاره بولمامی بندن رجا ایتدیلر . بن ده :

— یکی ، بن المذن کلنی یاپارم . سزده ایکی پرده
 آره سنده کی فصلی او قدر قیصالتک که پرده لرك بری اینر
 اینر او بری قالدقسون . بوصورتله هیچ بر سیرجی
 صاوشمغه وقت بوله مز . »

دیدم . انلر او یله یاپه جقلر . سزدن ده بوبابده رفق
 ومساحه تمنی ایدرم . تیاتر و مزك تاریخنه متعلق اولدیغی
 ایچون شو او یونی صوکنه قدر دیکله یکز . صبر و تحمل

کوستریکز ، یولنده اداره کلام ایتدی .

ایکنجی قسم منقدین بوبرنجیلرک طبیان طبانه ضدیدر .
 بوطاقلک ده سرفرازی (قانول مندرس) ماننده در . بونلرک
 تنقیدلرنده بشقه بر قوت ، بشقه بر حلاوت واردر . مثلاً
 (قانول مندرس) کچن کون بر او یونه دائر بسط مطالعه
 ایدرکن « بواثری حیرت آرا بولیورم . فقط صوک درجه
 تقبیح ایدرم » دییوردی . دیمک قبا یخده دخی شایان
 حیرت تقطعلر اولیور . (ژول له متر) بودرجه مفرط
 دکلسهده منقدرک جمله سنه فائقدر . (مرام ، دمیرخانه
 مدیری) کبی بر قاچ اثری لسانمزه نقل اولنان (زورژ
 اونه) پی رغبت عامه دن دوشورن بومنقد معروف اولدی .
 او حکایه نویسک یرینی شممدی (قادین مکتوبلری)
 عنوانلی مقالات احتسایه سنی پیدر پی اقدامزه نقل
 ایتدی کمز (بر معاشقک اعترافاتی) مؤلفی (مارسل پره وو)
 طوتیور . (ژول له متر) هر هفته (ده با) جریده سنده
 بر صحیفه تنقید نشر ایلر . بوایکی قسم منقد میاننده برده
 فرقه معتدلین واردر . بالاخره بوفرقتله رؤسایندن
 هر برینک بو خصوصده کی تنقیدانی کوسترمک اوزره
 اولا موضوع بحثمز اولان او یونی خلاصه ایدیم :
 (هانزی) ایله زوجیه سی (ماری) آره سنده فنا بر

برودت بر نفاق حکمفر مادر . بر سینه اول هنوز
ازدواجلرینک ایکنجی آینه ایکن بو هوپسا کنج رفیقہ
معصومه سناہانت ایدر . اوزماندن بری قادین قوجه سندن
اوزاقلا شیر صوغور . خام اوطه سنده آیری یشار ،
افندی بیت الحزننده یالکز قالیر . قاری قوجه یکدیگری
آنجق مسافر اوطه سنده کورر لر . بو افتراق کیتدکجه
ابدیشیر . زوجه بو حیاتدن کندنجہ ممنوندر ، بو حالده
دوامه عازمدر . زوج قاریسینی چلدره سینی سوئیور ،
بوفرقتہ تحمل ایدہ میور .

بو ائنادہ (هانری) نک بر آرقاداشی کلیور .
حکمتشناس ، سرائر روحه واقف بر شی . اک مسدود
قلبلرک ضما رینی کشف ایدیور ، اک کوچ مسئله لری ،
اک بیوک مشکلاتی حل ایلور . اودرجه سهولتله که مؤلف
اثرنده دائما بو ذاتی حقلی کوستره جک صور تده قلم
یوروتیور . بو آرقاداشک آدی (غوثیه) در . (هانری) ،
رفیقنه حالنی ، فلاکتی آکلاتیر آکلاتماز بو آدم همان حکمنی
ویریور : « بویک ساده بر شی ، زوجه ک سنی سوئیور .
فقط بر لکده انجق بر قاج هفته کچیرہ بیلدیکنز ایچون
ازدواجک لطافتنی بحق تقدیر ایدہ مامش . شمعدی
بولطافتی اکا اکلاتمق کرک ، سن بونی یاپامازسک .

چونکه آره كزده بر برودت پيدا اولمش . قاريك سندن
مخصوص چكينيور . بشقه بريني ايلري سور ، دها ايسي
وقوعاته انتظار ايت . (موربان) اسمنده بر كننجك
زوجه كه يالتاقلانديغني سويليورسك . براق ، حريف
مرامنه چاشسون ، چبالاسون . بوسعيك ثمره-ني سن
طويلارسك . « حقيقه بويله اوليور . كنچ قادين يالكاز
المندن ، خلجانندن بي تاب قاليور . جسارتي غائب
ايديور ، مقاومت ايدهميور ، (مورنان) كدعوت ملاقاتنه
جواب اجابت ويريور . بوضرده (هازي) قارشيسنه
چيقيور . شديد بر مناقشه دن صوكره نهايت « اويله ايسه ،
حر كتكده مختارسك ، هايدى كيت . « دييور . بو حالى
كورهر ك (ماري) رقت وهيجانه كليور ، زو جنك
قوجاغنه دوشيور . قاري ايله قوجه آره سندن اونفاق
بويله جه مندفع اوليور . تكراراً برابر اقامت ايتمه
باشلايور لر . (هازي) ده بو تيجه دن ممنون اوليور . «
ايسته اويونك خلاصه مختصره سي بوندن عبارتدر .
صنف معتبدلن بر منقد معروف اك مشهور بر رساله
موقوته ده بوكا دائر تنقيدا تي شويله يوروتيور :
« بوبابده بني دلكير ايدن وبلكه ده بو محصول نفيسك
محاسني حقيه تقدير دن منع ايدن شودر كه نه (هازي)

نەدە دوستى (غوتىە) ياپدقلىرى شىئىك تەلىكەنى شويىلە
 طورسون ، كراھت ومذلتى برلحظە اولسون دوشونمىور
 كېي طاورانىورلر . هايدى (غوتىە) دن صرف نظر
 ايدەلم ، چونكە او آدم ايشىدە طوغرىدن طوغرى يە
 علاقە دار اولمىدىنى ايچون محاسباتى بويىلە سطحى جە
 يوروتور . فقط (هانزى) يە نە دىملى ؟ موقع تجربە يە
 قونىلان مادە كندى زوجە سيدر . بشقە بر آدمك او قادىنە
 اويلە بر فكر و آرزو ايلە يالناقلىدىغى كورمكە نصل تحمل
 ايدىيور ؟ زوجە سىلە اتلافى سائقة روح ايلە دكل ، سوق
 احتياجات رديئە ايلە اوليور . بويىلە بر حالك درجە رداىتى
 بر دقيقە اولسون كوز اوكنە كتيرمىور . ھلە سادە دللىكى
 كورملى كە بودرلو بر نتيجه الدم ايتىمكە كندىنى مسعود
 بوليور . بومصالحەك عقبنە شوقارى ، قوجەك زھنندن
 كچن تفكراتى بر لحظە پيش تصوره الكز ؟ » بوندن
 صوكرە منقد بو اثرى بعض مشهور اويونلرلە مقايىسە
 ايليور . خاتمە دە : « بواويون جان صيقيجى دكلدر . فقط
 نە اخلاق ! باخصوص نە ازدواج ! » دىە روح اثرى
 استخفاف ايدىيور .

(تان) غزىتە سنده (سارسەي) اوطور مخصوص
 پىراناە ومؤثرانە سىلە اويونى ايچە دىدىكىلەر ك تحايل

ایستادن سوکره : « بواثر برا کلنجه بر مضحکه ایسه .
 عاقبت ایتدادن محقق و معین ایسه بآس یوق . اوپله
 دکلده بر لوحه حقیقت کوسترلمک ایستنیورسه او قوجه
 زه نه عادی ، نه باباغی کلیور . هله او قاری نه چیلغین
 کورونیور ، آرم لرنده اختلافی افهام ایدن سوزلر نه قدر
 چی ، نه قدر قبصار . روحز بو حالدن اودرجه متأذی
 اولیور که حقیقت مسئله بی آکلایه میور ، او تصویراتک
 لطافتی تقدیر ایده میورز . مع مافیه عامه اویونی
 آلیشلادی . بوکا سبب نه در ؟ سبب شوکه کنه ماده نک
 کراهتی هنوز کشف ایده مدی . فقط او غربب قوجه مک
 حالی ، اضطرابی مراقه شایسته بولدی . قادینک او کنج
 مفتون ایله الفت و مناسبت متزایده سنی حیرتله تعقیب
 ایتدی . اثر فنا تنظیم اولنماش . یک چوق نقطه لر
 اکلنجه لیدر . خلقه انشراح ویریور ، بوجهت لر اعلا ،
 چونکه مضحکه دن عبارت ، لیکن فلسفه یه ، نتیجه
 اخلاقیه یه کلنجه برباد ، برباد باشند باشه برباد ! » حکمنی
 ویریور . شو برقچ سوز بیکلرجه خلقک نظرندن
 بواثری دوشورمکه کافیدر . شوراسی شایان دقدرکه
 منقد مؤلفه قارشى فوق الحد حرمت ، محبت کوستریورده
 ینه فکرنی بویله جه یوروتور . اثری پامال اییدیور .

(قاتول مندس) اویله دکلدر . مهاجمانده دها انصافسزجه
 طاورانیر ، قصور بولورسه اویونی ده صاحبنی ده خیرپالار .
 بوسفر شویله بسط مطالعه ایدیور : « نه برباد اثر ، نه فنا
 محصول ! اوت ، پک کوزل پک رقیق صحیفه لر یازمغه .
 مقتدر اولدیغنی انبات ایدن کنج بر مؤافه قارشى بودفعه
 بویله اداره لسان ایتک لازمدر . نزاکت و تسامحه احتیاج
 یوقدر . حقیقت بوصورتله آچیقدن آچیغه سویله نیرسه
 بر کنج فیکری ، قلمنی اصلاح ایده بیلیر . ایضاحدن
 وارسته درکه بونقدا تی فکر و کشف مخصوصمه استناداً
 یوروتمیورم . بویله یاسم سوزلرم دها آجی اولوردی .
 محررک محصولندن استنباط اولنان نیاتنه مستنداً بیان
 مطالعه ایلیمورم . مؤلفک مقصدی تردد ایچنده در . هم
 عادات ماضیه هم احوال حاله رعایت ایتک ایسته یور ،
 کاه او طرفه کاه بوجهته میل ایدیور ، ایکی جامع آره سنده
 قلمش بی نمازه دونیور ، مضمحل اولیور . بو حالی ایجه
 آکلایه حق صورتده اویونک وقایغنی کوزدن کچیره لم :
 بر عائله کافه اسباب مسعودیته مالکدر . ثروت ، ابوین ،
 شباب قلب و فکر و بدن هپ موجود ، فقط زوج بر
 خطاده بولندی . یوم ازدواجندن ایکی آی صوکره بر
 معاشقه قدیمه سنک یاسنه کیتمشدی . چیقارکن قاریسنک

انه دوشدی . بو بر مضحکمی ، بر فاجعه می ؟ شو حال
 کولو نجمی ، محزنی نه در ! مجهول ! قادین بوندن صوکره
 قوجه سندن اوزا قلاشیور . حریف نادم او ایور . شوق
 وعلاقه سندن قاریسنگ رفق و مروتی استرحام ایدیور .
 امکان یوق ! او برودت ، بر سنه بویه دوام ایلور . بو حال
 کولدیرمک ایچون ایسه پک عجیب ، طانسز ، یوق .
 جدی ایسه غایت مناسبتر ! بونصل شی ! او اوتوز
 یاشنده کی کنج قوجه بو قدر عشقیله ، آتشیله زوجه سنگ
 نظر دقتی جلب ایده مسون ، شو هوپالغه غلبه چالماسون .
 او سورکسز هوای زنانه یه مغلوب اولسون ؟ محال ،
 مکرکه او آد مجنز یا مستحق استهزا بر احمق در یا خود شایان
 مرحمت بر ناقص ، بر یچاره در . بر طرفدن بر شقیق
 بو قادینه عرض محبت ایتمه چابالارکن دیگر جهتدن
 (هانزی) نک آمریقادن غریب الاحوال بر دوستی
 کلیور ، وقعینی اکلایور . اوشیق کنجک محبتی بودرده
 بردوا اوله رق کوستریور . بو چاره برا کلنجه دن عبارت
 ایسه هایدی ، یوق صحیح کبی تلقی اولیور سه لغت
 اودوسته ده ، او قوجه یه ده ! نهایت بر چوق کشمکشدن ،
 بر چوق روحسز منظره لردن صوکره او یون بر حسن
 نتیجه یه منجر اولیور . ینه تردد . ینه ضدیت . بر طرفدن

طور شو . بر طرفدن پرهیز ! او اعلان عشق ایتک ایستین
 کنجک فکری . روحی ، سوزلری صغوق ، بایاخی .
 قادینک حالی معما . قوجه سنککنه کانجه فنا بر وصفه
 حاجت کورمامک ایچون ابلهانه دییوب کچملی « بواثری
 هر صنف منقدین بویله جه باطیر دیلر . بوتنقیداتک نه حکمی
 اولور دیمه ملی . بومطالعاندن صوکره اویون او قدر
 دوشدی که اوینا نماغه مجبوریته حاصل اولدی . تیاتروده
 منقدرک وظائفندن بری ده اویونجیلرک احوال و اطواریخی ده
 حاده تدقیقندن کچیرمکدر . بوتدقیقاتک نه بیوک فواندی
 اولیور . هم اویونلر اصلاح ایدیلیور ، هم اویونجیلر !



بر استاتستيق درسی

علم و معارفی نخبهٔ آمال ایدنش رفقای گرامدن بری
تامکتبدن چيقه لیدن بری بنی مخابرات عالمیه سیله هم
مسرور ، هم مفتخر ایلر . کچن کونینه بویولده یازلمش
بر مکتوبنده شو سطرلر مندرج ایدی : « استاتستيق
زمانمزه پک زیاده ترقی ایدیور . عجبا اوروپا مکتبده
نه یولده تدریس ایدیور . اک مشهور استاتستيق مؤلفاتی
هانکیلریدر ، بوعلمه اوته دن بری نه درجه مراق
ایتدیلمی بیلیرسکز . شو سؤالره دائر مفصل بر
جوابنامه کزی آلیرسم . . . » رفیق معززیمک آرزوسنی
یرینه کتیرمک بنجه بر فریضه ایدی . ذاتاً اوتارنخدن
ایکی کون صوکره مکتب حقوقده اختیاری براستاتستيق
درسی واردی . همان او درسه قوشدم ، خواجه نک
تقریر بنی ضبط ایلدم . بروجه آتی عیناً لسانمزه نقل
ایدرك تعمیماً للفائده (اقدام) ه کوندریورم . بو صورته
هم او آرقداشمه ، هم ده دیگر هوسکاران معرفته - ولوپک
جزئی اولسون - خدمت ایتمش اولورم . ادبیاته دائر

اڤتاب مقال ایلدیکمه قائل اولان وارسه شو ستونلری
نظاره مونیته کورورلر . فقط نفائس ایچون حدود
یوقدر ، هانکی زمینده نشأت ایدرسه ایتسون مقبولدر .
شو مخبرات ایله نقلنه چالیشدیغ فیوضات غریبه منبعندن
ترشح ایدرکن بکا صاف ، نفیس کایور ، انکچون هوس
ورغبتی جلب ایدیور .

معلم استاتستیک درسنی درت بابه تقسیم ایتدی .
برنجیسنده استاتستیک تاریخجه سنی کوستردی .
استاتستیک فوائدی ، اهمیتی ندر ، نه زمان اکلاشلمس ،
هانکی عصرده بو علم توسع ایتمش برتفصیل افاده ایلدی .
بو اساسه بناءً قرون اولادن زمانمزه قدر استاتستیک
روشنی اراؤه ایله برابر کیملرک خدمات مشکورده سیله
صوک ایکی عصرده بسبتون بر علم صورتنده تقرایته دیکنی
بیلدیردی . بومباحث اوج درس اشغال ایلدی . دردنجی
دوسده باب ثانییه یعنی استاتستیک نظریاته کچدی .
شو درت درسک - اک مفیدی دینه مز ، چونکه هپی
مفید ، انجق - اک زیاده بحثه توافق ایدنی - بنجه مخاطبک
مقصودینه خوش کلنی - دردنجی درس اولدی . ایشته
او درسنی نقله شتاب ایدیورم :

استاتستیک نظریاتی

۱ — استاتستیک تعریفی ۲ — استاتستیک

موضوعی ۳ — استاتستیک ایله مونوگرافی [۱]
آرمنده کی فرق . ۴ — هیئت اجتماعیه عائد استاتستیک
۵ — استاتستیک وقایعی ، حادثاتی .

استاتستیک تعریفی — استاتستیک تعریفاتی یک
چوق تعدد ایشدر . او قدر که سوء استعماله بیه
اوغرامشدر دنیه بیلیر . چونکه بو تعدد بعض کره
افکارک تشته میدان ویرمشدر . مع مافیه شو یوز قدر
تعریفات بروجہ آتی اوچ اصله ارجاع اولور :
اولا استاتستیک حقیقی بر علمدر [۲] بواساسه بناء

[۱] طبق فوطوغرافی ، تلفراف ، تفون کبی لسانمه
عیناً قبولی اقتضا ایدن لغات جدیده دندرکه بر علمک برقم
مخصوصندن بالخاصه بحث ایدن اثره ، کتابیه بو نام ویریلور .
مونوگرافی باخصوص تاریخ طبیعی و طبه متعلق آثارده زیاده مستعملدر .
[۲] (علم ، فن ، اصول) کچنلر ده بر مقاله مخصوصه
ایله عرض اولندینی وجهله بصنیف جدیدینی قبول ایدن متأخرین
علما استاتستیکه علم نامنی ویرمورلر . استاتستیک نه علمدر ،
نه فندر ، انجق بر اصولدر دیورلر . بو مقاله ده دائر اخیراً
(اقدام) ده بسط مطالعه ایدن دانه بالخاصه تشکر ایدرم .
مطالعه لرینی مزیت وقوف ایله مطرا بولدم . شو قدرکه اولجه ده
نفاذده ایتمدی صانیرم ، بوسفرده تکرار ایدیورم . بو اصول

فرانسه علماسندن بری « استاتستیک ، وقایع طبیعی
 واجتماعیهی رقله بیان ایتک علمیدر » دیه تعریف
 ایدیور . کذا ایتالیایی بر علم ثروت ملل عالمی ده « استاتستیک
 وقایع اجتماعیهی و بونلرک اصول ترقیمنی بیلدیرن
 بر علمدر » دیور . انجمن دانش اعضاسندن و علم ثروت
 ملل علماسندن (لئون سای) ۱۸۸۵ ده ایراد ایله دیکی
 بر نطقده « استاتستیک علم ترقیماتدر » تعریف مجملنی میدانه
 قویور . صاحب قاموس (لیتره) ایسه « استاتستیک
 بر دولتک واردات زراعیه و صناعیه سنی ، نفوسنی ،
 مساحه سطحیه سنی بیلدیرمکه خدمت ایدن بر علمدر »
 دیور . [۱] ینه فرانسه استاتستیک مؤلفیندن بری
 « استاتستیک وقایع اجتماعیهی تعبیرات عددیه ایله بیان

تصنیف بسبتون یکی وهله معارف شرقیه کاملاً بیکانه در .
 بناءً علیه معلومات مخصوصه مزه استناداً او تصنیفه بر اعتراض
 ایتک لازم کلیرسه اوده انکله بزمکی آراسنده بر مقایسه یا مثله
 برابر اوته کینک نقائصی بر یکنک محاسنی کوز لجه کوسترمکده -
 در . یوقسه سویله ن سوزلر نه قدر مفید ایلورسه اولسون
 صدد خارجنده قالیر . بزی برقات دها مستفید ایتک ایچون شو
 اساسه کوره تهریر خامه بیورلمسی صاحب مقاله دن متمنادر .

[۱] (لیتره) قاموسنده بو تعریفدن ماعدا شوا یضاحتی ده
 بسط ایلورکه بحثه تعلق ایتدیکی جهته بروجه زیر نقل اواندی :
 بر مدت معینه ظرفنده بر دولتک وارداتی ، استهلاکاتی ،

ایتمک علمیدر « تعریفی و یریور . آلمانیا علماسندن
(شلوزر) ده « تاریخ حرکتہ گلش استاتستیق ،
استاتستیق ده سکونتہ محاط تاریخ دیمکدر . « دییور .

بو تعریفاتک هیچ بری مکمل دکادر . حقائیک
میرهنه دندر که رقسز استاتستیق اولاماز . شو تعریفلرک

حاصلاتی حال و حقیقتیلہ عرض ایدن استاتستیق بسبتون یکی بر
علمدر که دها عمومی بر تعریفہ کوره ترقیات ایلہ نتایج ترقیاتی
ارائه ایلر : طبی استاتستیق ، وفيات ، ولادت ، امراض ،
امراض ساریہ کبی وقایعک ترقیمی دیمکدر . اوچنچی بر تعریفہ
نظراً ایسه : استاتستیق مساحتہ سطحیہ سنہ ، نفوسنہ ، واردات
زراعیہ وصناعیہ سنہ نسبتہ بر مملکتک تصویریدر که جغرافیایانک
بر قسیمی دیمکدر .

(ایترہ) عصر حاضرک اک بیوک علماسندنر . هله
قاموسی مباحث علمیہ ده اک موثوق مستشهداتندنر . بو وادیده
نه او اون آلتی جلددن مرکب قوجه (لاروس) نده بر قاق
سه نهدن بری طبع اولنه کان قاموس کبیر انک کعبنه وراز .
دها دون (سوربون) ده تاریخ معلمی (قلوب) گلہ سنی
خفیفجه - یعنی واو خفیفه ایلہ - تلفظ ایدہ بیلیرز . چونکہ
(ایترہ) بوکله فرانسیزجه لشمشدر ، دیه او یله تلفظ ایدیور .
تحفدر : بویله بر افضل فضلائی آرالرینه قبول ایتدکاری ایچون
راهب مشهور (دوپانلو) انجمن دانش اعضاسنہ قیزمش
وکندی ده افرادندن اولدینی حالده او تارینخدن صوکره آرتق
انجمنه کیتامشدر . تعصبک بو درجه سنی - قد و - سددن خالی
اولسه کرکدر !

برچو غنده بو حقیقت قاله آلمانایور . مثلاً (لیتره) نك
تعریفده اولدیغی کی . نایا ، بر استاتستیک کتابنده [۱]
استاتستیک ایچون شو درت شرط کوستریلیور : (۱)
اعداد استعمالی (۲) بر نتیجه استخراج ایده بیلیمک
ایچون وقایعک درجه امتدادلرینه کوره تصنیفی (۳)
محال مختلفهده وقوعات دائمه وعارضیه نك مقایسه لری (۴)
استکمال واستنباط اصوللریله استحصال اولنان قاعده لرك
تطبیقی . بوندن صوکره شو تعریف ویریایور « استاتستیک
وقایعک ترقیمات واسطه سیله تعیین وتصدیق وتصویری
دیمکدر . » دمنیدن رقمسز استاتستیک اوله ماز دیدک بونکله
برابر هر نوع ترقیمات ده استاتستیکدن عد ایدیه مز . بر
استاتستیک میدانه قونه بیلیمک ایچون تعریفات ، بسوطة
ایله مجملأ ارئه اولنان بو شرطلردن ماعدا بعض شرائط
دها واردر . بونلری کوسترمک ایچون بزجه استاتستیک
نهدر ، ایضاج ایده لم .. غایت عمومی بر تعریفه کوره :
استاتستیک ترقیمات طریقله وقایعک تدقیق دیمکدر . بونی
بر از دها توسیع ایدرسه ک : « استاتستیک بر ساحه معینهده
وبرمدت معینه ظرفنده وقوعه ککش ، یاخود حالا واقع

[۱] Traité théorique et pratique de statis-
que. Maurice Block 1886, Paris

وعین جنسیدن بر طاق اشیاك ، اشخاصك . افعالات ، وقایعك اصول دائره سنده ترقیمیدر « تعریفی بولورز . ترقیم ، تعداد دیمکدر که موضوع مادهی رقهله افاده ایلمکدر ، رقه کتیرمکدر . تکرار ایدیورم . رقه اولما یخه استاتستیق اولماز . سز بر مملکتی ایستدیککز کی تصویر ، تعریف ، تعیین ایده بیلیرسکز . هر حالی ، هر جهتی ارانه ایدرسکز . آکلاتیرسکز . فقط نه یاپسه کز رقه مراجعت ایتمه یخه استاتستیق یامش اولامازسکز . بونکله برابر هر درلو ترقیمات ده استاتستیق دکلدر .

فی الحقیقه تعداده کله بیلن هر ماده استاتستیقیه موضوع اوله بیلیر ، اما استاتستیق اوله ماز . بونک ایچون شرائط سائر ده مقتضیدر .

افکار ده ، هر نه دن ایسه ، حادثات اجتماعیه ایله استاتستیق آره سنده بر مناسبت پیدا اولمش ، استاتستیق انجق بونوع حادثه لره منحصر در ، صانیلیور . حال بوکه حقیقت اوله دکل ، استاتستیق جهات سائر یه ده شاملدر . استاتستیق ایچون اوایکی شرط اساسیدن ماعدا شروط سائر ده دن بحث ایتدک . بونلری ایضاح ایده لم :
اولا استاتستیقک موضوعی بولنان مواد برنوعدن یعنی همونوع اولمایددر . مثلاً فلان یرده بش بیک مخلوق وار

دیرسه کز استاتستیق اولماز . چونکه بونده نوعیت ،
 یعنی همنوعلاک یوقدر . او حالده بالفرض « فلان یرده
 بش بیک انسان وار » دیهرک بوشرطی ایفا ایتک لازم
 کلور . مع مافیة بو همنوعلاک مطلق دکدر . زیرا نوعیت
 مطلقه نادراً واقعدر . مثلاً قوم داندلرنده اولدینی کی . .
 نوعیت نسبه کافیدر . شو درسده اوتوز قدر سامعین
 وار دیرسهک بوسامعلر آره سنده بر نوعیت مطلقه آرامغه
 لزوم قالماز . ثانیاً توحید و تعیین وقت و مساحه مقضیدر .
 مع مافیة بواقضاده بر صورت مطلقه ده دکدر . یکر می
 بش ملیون نفوس واردی دینورسه بر شی اکلاشلماز .
 لکن وقت و مساحه نک توحید و تعیینیه « اون سکرنجی
 عصر ده فرانسه ده یکر می بر ملیون نفوس واردی »
 دینلنجه مفاد مسئله معلوم اولور . توحید و تعیین وقت
 استاتستیک اساسندن ، موضوعاتندن ایکیسی ، یعنی
 وقایع و افعال ایچون لابددر . دیگر ایکیسی یعنی اشخاص
 و مواد ایچون مقتضی دکدر . فرانسه ده یاپیلان بر
 استاتستیکده « کچن تشرین ثانی ظرفنده شو قدر بیک
 ازدواج واقع اولمشدر » دیمک تعیین وقت ایلمک کافیدر .
 وقت ایچون واحد قیاسی صره سنه کوره کون اولور .
 هفته اولور ، آی اولور ، موسم اولور ، سنه اولور . خلاصه

و قمر لره نظراً د کیشهر . مثلاً ازدواجه ، ولادته ، و فیاته
کوره اکثر یا آی ، موسم انتخاب اولنور .

مع مافیه بونکچونده بر حد واردر . مدت نه پک
اوزون ، نه ده پک قیسه اولمالیدر . بالفرض بر عصر
ظرفنده کی ولادت لری صایمده محسنات اولمدینی کی
بر ساعت ظرفنده کیلرده دخی فائده یوقدر . ایشته
تعین و تحدید وقت بو صورتله لازمدر . شمعی شو
میچنده بر مسئله نظر دفته چار پار . استاستیقک بو
موضوعی ، یعنی وقت حاله می ، ماضیه می معطوف
اولمیدر . بوجهت حقیقته اهمیتدن عاریدر . بو خصوصه
ماضی ده ، حال ده ایجابنه کوره باعث فائده در . ذاتاً
بو تعبیر لری هر ایکسی ده استاستیقنجه بر در . حال
دیدیکمز ماضینک اک یقین قسمی دیمکدر . یونانستان
قدیمده کی عملیه اجرته دایر بر استاستیق یا پلسه تاریخه پک
کوزل خدمت ایده بیلیر . کذا بلحقیقاه دایر سنه سابقه
ایچون بویله بر استاستیق ترتیب اولنسه اوده پک چوق
مشاکل علمیه یه یار دیم ایدر .

ثالثاً تعین و توحید مساحه اشخاصه و اشیایه عا
ترقیانده لازمدر . مثلاً مقدار نفوسی بیان ایدر کن
شهری ، ملکیتی ، یعنی مساحه نی تعین و تحدید اتمک

اقتضا ایله . فقط وقایعی ، افعالی بیلدیریرکن بوجهت
(طوغریدن طوغرییه) مقتضی دکلدر . طوغریدن
طوغرییه تعبیری قوس آراسنه آلیورم . چونکه
بو خصوصجه ده اواقضا واقعدر . فقط طوغریدن
طوغرییه دکلدر . مثلاً کچن آی ظرفده شو قدر
وفیات وقوعه کلمشدر . دنیلیرسه طوغریدن طوغرییه
تحدید مساحهیه حاجت قالماز .

رابعاً استاتستیکده موضوع اولمغه خدمت ایده جک
عددلر بیوجکه اولمیدر ، پک کوچک اولملمیدر . مع مافیه
بوشرطه دائماً رعایت ایجاب ایتمز ، بعضاً پک کوچک
عددلر بیوک ایشه یارارلر . مثلاً بیوک عدد وفیاتی بیاده
قوللانیلیرسه کوچک عددده وفیالک بر قسمی یعنی
بالفرض ورمدن وفات ایدنلری اراشه استعمال اولنه
بیلیر . استاتستیک تعریفی ، یعنی برنجی بابک فصل اولی
ایچون افاداتم بوندن عبارتدر . کله جک درسده بحث
آتییه کچرز .

مطالعه

شودرسی یازدقن صوکره او قودم ، کاشکی یازماییدم
دیدم . بوده افاداتمی ایستدیکم کبی واضح بوله مسدیغم
ایچوندر . بوفقدان وضوحک سببی آرادم : اصطلاحات

علمیه نك ترجمه سنده بولده . بواسطلاحات بزجه هنوز
 تقرر ایتدی . هرکس ایستدیکي کبی ترجمه ایدیور .
 بویله مباحث علمیه کیریشانجه انسان شاشیریور قالیور .
 مثلاً (dénombrement) ه (ترقیم) دیدم . چونکه
 بواغتی تعداد کله سندن دهها زیاده مطلوبه موافق بولدم .
 فقط بونك ده محذوری وار . ترقیم بزده ساده رقم ایچون
 قوللانمازکه .. فی الحقیقه (تعداد و ترقیم) دیورز .
 لکن (ترقیم نطقه) ده دیورز . مع مافیه بولکله ایکی
 معنایه ده کله بیلیر . عربجه سنی آرامی یوریز . (لغت
 ناجی) نك استشهادیله اکتفا ایدرز . بونی بویله جه برطرف
 ایتسهك ، بری جهته (unité objet) کبی دهها برچوق
 اصطلاحات وار . بیلمم دقت بیورلدیمی ... بونلری
 افاده ده قلم تردد دن ترده دوشو یور . برنجی یه کاه
 موضوع ، کاه ماده ، بعضاده شخص مقابلی اوله رق شی
 دیور . ایکنجی یی ده توحید ، وحدت ، واحد قیاسی
 حتی دهها غریبی تحدید دییه افاده ایلیر . چونکه
 لسانمزه بواسطلاحات بحق تقرر ایتدیکندن مقصدك
 افهامی ایچون بوتبدلاته احتیاج کوریلیر . شو مطالعه دن
 مقصودم قارئین کرامی ایقاظ ایله مفهوم مقاله یه بویولدن

بر پارچه وضوح و یرمکدر . یوقسه قلممدن دائما صدور
ایده کلن خطیئانه برقچامق تحریمی دکدر . بویله خطالر
واقع اولورسه اصحاب عرفان تصحیح ایدرلر . هپ
مستفید اولورز .

خاطرات ادبیه

الم چیچککری

الم چیچککری بر مجموعه اشعار درکه حقیقه کزیده
بر محمول حزیندر . بوشکوفه لک هر برنده اسلوباً
خارق العاده بر طراوت ، بر رنگ ، رونق واردر . معآده
لطائف و ظرائف ، صفوت و صمیمیت نادر دکلدر .
مع مافیه بر کنج قیزک بو چیچککری قوقلادیغی ، بو کتابی
او قودیغی کوریلیرسه واه باشنه ؟ یاخود بر بزم عصمتده
بواز هاردن از قضا یپراق آچارسه کز وای حال کزده !
بونک ده سببی ایکیدر . بری او چیچککری یتشدیرن
— تعبیر جائز ایسه — ایجاد ایدن شاعرک حال غرائب
مال خصوصیتی ، دیکری ده بو محموللرده کی رنگک
بعضاً پک چی (پیدمش مقابلی) پک سربست ، حتی
عصمت رائحه یی ، یاخود رائحه عصمتی — ینه تعبیر جائز
ایسه — تلخ ایده جک درجه ده چی و سربست اولمیدر .
بو شاعر تا طلوعندن بری بولندیغی عالم ادبیاتی ولوله یه
ویردی . (زوالیلر) دینیان مکتبه رئیس عد اولندی .
بویله برادیبک تعیین ماهیتی بزجه ده فائده دن خالی اولماسه

كرك ، باخصوص سوربون دارالفنونندن نقل ايتديكمز
ادبيات درسلى ده شمدى بونقطهيه تماس ايديور .
او حالده الم چيچكلرى مؤلفنى ، بوشاعر مستثنا فطرتى ،
(شارل بودلر) ى برپارچه طائىلى يز ، بونكچون انجمن
داش اعضاسندن متوفى براديب ليدك خاطرات ادبيه -
سندن بروجہ آتى نقل اولسان صحيفه لى مقصده اعلا
خادمدر :

« ۱۸۵۰ تشرين ثانیسنده بر اقشام استانبولده
فرانسه سفارتنده ايدك . اوزمان سفيرمى اولان جنرال
(اوبيك) يمكن صوكره بكا : « پارسدن انفسكا ككزدن
برى ادبياتده يكي يتيشنلر » اولديمى ؟ ديهه صوردى .
جواباً برايكى انردن بحث ايتدم و — احبادن برى اخيراً :
(غوتيه) نك ياننده كچن كون (بودلر) نامنده برشاعره
راست كلدم . بوكنج قريباً اشتهار ايدر . غرائب
اطواری برپارچه جعلی ايسهده شعری متيندر . حقیقی
برفطرت شاعرايه كه زمانمزده نادر اتدندر . — ديهه
يازيور، دیدم. بن « بودلر » نامنى تلفظ ايدر ايتمز مادام
(اوبيك) باشنى اوكنه اكدي جنرال بكا بر نگاه انفعال
كوستردى . ميرالاي فنا بر بجنه كيرديكمى اشراب ايچون
اوصولجه حق آياغمه طوقوندى . بن مبهوت قالدم .

بريولسزلقده بولنديغى بيايورددم . فقط خىتامى اكلا .
 ميورددم . اون دقيقه صوكره جنرال ايله (فلور) بيايم
 هانكى كتابه دائر مناقشه ده بولنيورلردى ، مادام (اويك)
 يانمه كلدى . ياواشجه جق شو سوزلرى سويلدى : « دگى
 اوبيوك براستعداده مالك ؟ — او كي مدر ؟ — محبكمزك
 سزه يازديغى كنج شاعر » باشمله براوت اشارتى ياپدم .
 باشقه جواب ويرمدم . چونكه يواش يواش ايشك كنهى
 اكلايورددم . او طه لري مزه چكيلىر كن ميرالاي (مارغول)
 بزمه برابر كلدى .

— وای جاننه ، (شارل بودلر) دن بحث ايله آ
 قالدی بیـوك برپوط قیریـوردیکز . بو كنج ، مادام
 « اويك » ك اوغليدر . او كي پدريله يعنى جنرال ايله فا حالده
 منازعه ايدر . جنرال اونامك او كنده تلفظ اولنديغى
 ايسته مز . شمدى آ كلا ديكر يا ، بردها دقت ايديكز —
 دیدى وقعهي بر تفصيل حكايه ايتدی . جنرال الى الابد
 كوروشمه مك اوزره « بودلر » ايله دارغين ايمش . مادام
 « بودلر » طول قالنجه اوزمان ليونده ارکان حربيـه
 ميرالاي اولان « اويك » ايله ازدواج ايتمش ، اوغلى
 « شارل » هنوز اون درت ياشنده ايمش . چوجنى مكتب
 اعداديـه قويـمشلر . يارامز ، برشا كرد ايمش . « بودلر »

والده سنك بواز دو اجنه فوق العاده حدتنه رك دها ايلك
 كونندن اعتباراً اوکی پدرينه قفا طوتمغه باشلامش. مادام
 (اوپيك) اوغلنه پك زياده يوز ويريورمش. قوجه سنی
 بالعكس شدت كوسترييورمش. جنرال اي فكري
 بر آدمدی. فقط كرك بيوكار و كرك چوجقلىر ايچون
 تربيه خصوصنده اطاعت، تام بر اطاعت دستور حركتی
 ایدی. خلاصه حقیقی بر عسكر ایدی. « صاغدن كری،
 آرش! » دیدیمی صوله كیتمه كیلتنمه ملی ایدی. (بودلری
 بویله بر تعلیم و تربیه آلتنه آلمق سر كه ايله سينك طوتمق
 كبی ایدی. او خيالپرست، اوسركش، او محترز طبیعت
 سوز كچیره بيلمك ايچون ماهرانه بر ملايمت، بر مودت
 كوسترتمك لازمدی. اوفطرتی يوموشاتمق ممكندی،
 فقط بر دنبیره اكك محال ایدی. اوکی پدر ايله اوکی
 اوغل آراسنده كی اختلاف كیتد كچه شدت كسب ایتدی.
 مادام (اوپيك) نرمین بر مخلوق ایدی. هم قوجه سنی،
 هم اوغلانی سوييوردی. هرايكی سنی ده تسكين ایتك،
 اوزلاشدير مق ایسته يوردی. بر درلو موفق اوله ميور،
 یاسه دوشیوردی.

بركون ميرالای (اوپيك) رسمی بر ضیافت ويريور-
 دی. سفره سنده حاكملر، امرای عسكریه واركان ساثره

واردی . (بودلر) اوزمان اون یدی یاشنده ایدی ،
 یمکده حاضردی . بيلم نه اولدی (بودلر) آغزندن
 قبیح بر لطیفه قاچیردی . میرالای بالطبع چوجنی اوزونجه
 تکدیر ایتدی . (بودلر) بوتویخی دیکله دکن صوکره
 مقابله یه قالقشدی چوجنی خدمتچیلر آلیرلر ، کوتوریرلر .
 درت بش کون قدر براوطده حبس اولنور . صوکره
 اوکی پدری یانسه برضابط ترفیق ایدرک (بوردو) یه
 کوندیریر . اورادنده هندستانه کیدن واپورلرک برینه
 بندیریاير . واپوراجرتی ویرلمشدی . جینده برازده
 پاره واردی . الله یکر می بیک فرانقلق قدرده براعتبار
 تودیع اولندی . هندستانه مواصلت ایدر ایتمز بوپاره لری
 بیتیردی : انکایز اردوسنه حیوان متعهدی اولدی .
 شوپله یاشادی بوپله یاشادی . والدہ سی کیزلیدن کیزلی یه
 پاره کوندیریوردی . اوده فیلله رینه رک کزییور ،
 شعرلر سوپله یوردی . حدات سئنه بناء قوی الحافظه
 ایدی . انکایزجه یی اوکرندی . اشته بوسیاحتدن کاری
 بواولدی . خاطرات سیاحتی سومیوردی برمدت امید
 بورونده اقامت ایتدی . عودتنده کوچک برزنجی قیز
 کتیردی که دائما یاننده طاشیر ، دوریردی .
 فرانسه یه دوندیکی وقت آرتق چوجقلقدن چیقمش .

ایدی . پدرندن موروٹ املا کی زیر تصرفہ آلدی فقط
چوق کچمہ دن یدی ، بتیردی . بوصیرہ لردہ غایت شیق
کزیوردی . مع مافیہ اطوارندہ کی نمایش غرابت پک
خوش کورو نمیوردی . اوصیرہ لردہ والدہ سی پارسدم
ایدی . اوغلنہ مناسبات مفیدہ پیدا ایلماک ایستہ دی .
رسمی دائرہ لر بولدی . لکن (بودلر) ک احوال غرابت
اشتمالی بومناسبتلرک تمادیسنہ مانع اولیوردی . بویله
مجلسلرک برندہ برقونت :

« بالجمہلہ مخلوقات موجودہ نک اک لطیفی قادیندر !
دیر . (بودلر) : « قونت حضر تلری ، فکریکزه اشتراک
ایدمم ، قادینلر اونوع حیواناتدرکہ دوکلی ، خیرپالاملی ،
فقط ای بسلمہ ملی » دیہہ مقابله ایدر . بو حالده مناسبت
ناصل دوام ایدر ؟ ذاتاً (بودلر) بویله تکلیف وکلف
ایچندہ کی مجلسلری سومیوردی قہوہ لری ، قرائخانہ لری
بونلرہ ترجیح ایدیوردی . چونکہ بورالردہ برچوق
شاعر لره ، هیکل تراشلره تصادف ایدیور ، شعرلری
اوقویور ، مست مدائح اولیوردی . بعض منظومہ لری
اورتہدہ دوران ایلہ یوردی .

بونلردن برینی اوزمان بکا اوقودیلر . آ کلادم کہ
اوسوزلر بر استاد اغزندن چیقمشدی اوقدر متین اودرجہ
قوی ایدی .

بویکی شاعر دن (توفیل غوتیه) یه بحث ایتدمدی .
 جواباً : « صاقین بو (بودلر) ده اومعهود (بورل)
 کبی اولماسون . اوان شهابمزده خیالیون مکتبی هنوز
 پرتوفروز اولور و بن قیپ قیرمزی یلکلر کیرکن —
 (هوغو) کوزینی آچسون (بورل) شعرلرینی نشر ایدرسه
 پاپوشی طامه آتایر — دیوردی . (بورل) اشعارینی
 نشر ایتدی و بابا (هوغو) نك پاپوشی طامه آتیلما دی .
 بوکون بزی (بودلر) ایله قورقوتیورلر . بوکنج مجموعه
 اشعارینی طبع ایتدیررسه (موسه) (لاپراد) و بن کوشه
 نسیانه دوشرز، دییورلر . هیج ظن ایتم . بو (بودلر) ده
 طبقی او (بورل) کبی اولاجقدر دیدی . (غوتیه)
 آلدانیوردی . (بودلر) او یله اولما دی . فی الحقیقه او اوچ
 بیوک شاعر دن هیج برینی اونوتدرمدی اما انلرک یاننده
 ولو ایکنجی درجه ده اولسون بر موقع طوتدی . بوموقعی
 اکا تخصیص ایتمکسزین زمانمزک تاریخ شعرینی یازمق
 ممکن دکلدیر . »

ایشته (بودلر) ک منشای ، ماهیتی بودر . غرابت
 اطواری فطریدر . چونکه فطرة شاعر ایدی . شو قدرکه
 بوخاصه فطریه یه پک زیاده جعلیت قاریشیوردی . منلا
 ینه بوادیب معروف ، یعنی شو خاطرات ، صاحبی ،

(بودلر) ايله ايلك ملاقاتنه دائر شو سوزلری نقل
ایدیور : « برنجی تصادفده طرفینجه بر احتراز طبیعی
ایسهده ملاقاتمزینه صمیمی ، هله ابتدای مکالمه مز پک
غریب اولدی : (بودلر) : - موسیو ، حرارتم وار -
دیدى . ببرا ، چای ، شروب تکلیف ایتدم . موسیو ،
تشکر ایدرم ، بن شرابدن بشقه بر شی ایچم - ديه
جواب ویردى . (بورغونیا) مى . (بور دو) مى
هانکیسندن ایسترسکز - دیدم . - موسیو ، مساعده
ایدرسهکز هر ایکیسندن ده ایچرم - دیدى بوشرابلردن
ایکی شیشه : برده بارداق ، بر صراحی ده صوکتیردیلمر :
- موسیو لطفاً ، شو صراحی بی قالدیرتیکز . صویک
منظره مى بکا ناخوش کلیر - دیدى . مکالمه مز بر ساعت
دوام ایتدى . بومدت ظرفده او ایکی شیشه شرابی ده
ایچدی . « ایشته شاعر بویله غرائب عادات ايله کاه
سورکمز بر سونج ، کاه دواملى بر کدر ایچنده بر قاق سنه
یووارلاندی . چالشمق ایستیور ، چالیشه میوردی .
دردى ، المی نه ایدی . کندى ده بیلمیوردى . » (بوودلر)
بیوک بر محرر ایچون بیوک بر قصوره مالک ایدی . اوده
جاهلدى . بیلدیکنى ای بیلمیوردى . فقط پک آزشی
بیلوردى . تاریخ ، علم منافع الاعضا ، فلسفه هپ اکا

بیگانه ایدی . جنوبی آفریقایی ، هندستانی طولاشدی .
 بوسیاحتلردن نه کتیردی . هیچ اگویا بومالکی کوزی
 قاپالی کزمشدی . یالکز (آلباتروس) عنوانی منظمه سندن
 بر پارچه او طه سندن طیشارو چیقمش ، دکزلر کورمش
 اولدینی اکلاشیلیر . بو بر شاعر ایدی که صرف نفسی ،
 روحی تدقیقه میال ایدی . خارجه هیچ رغبت ایتزدی .
 بویولده طبیعتلر کیده کیده انسانیتی تحقیره باشلارلر .
 عالمی خوار کوریرلر . بوده نفسه حرمت مفرطه نك
 اثری دیمکدر .

۱۸۵۵ ده مشهور بر رساله موقوته ده (الم چیچکلری)
 نشر اولندی . هر کسده بر حیرت ، اثر ایچون بیوک بر
 موفقیت : ده ها هیچ بر شاعر بویله آجی آجی بیان
 حسیات ایده مامشدی . مؤلف نفسی تشریح ایدیور ،
 قلبنده کی یاره یی بولیور ، دلیک ده شیک ایتدکن صوکره
 قارنه کوسترمک ، حتی طوقوندیر مغله لذت آلیوردی . «
 شاعرك اسراف وسفا هتی صوڪ درجه یی بولمشدی .
 آرتق پارسده او طوره ماز اولدی . بلچیق یایه کیتدی .
 بر مدت ده اوراده سوروندی ، عودتنده کوتوروم
 اولمشدی . بر مرض مهلكه طوتولمشدی . بودرد سیئه سیله

مبدأ کالنده سوندی ، کیتدی .

جوهر فطریسنی تماماً کوستره مدی . خزائن طبیعتک
کافه موجودینی میدانہ دوکه مدی . مع مافیہ عالم ادبہ
اولد قجه بیوک بر نام براقدی . کاشکی هر شاعرہ بوقدر
میسر اولسه !



حکایه می ؟ حکمت می ؟

بش کوندن بری پارس غزته لرندن برنده (امیل
زولا) نك (روما) نامی آلتنده یکی بر حکایه سی تفرقه
صورتیه نشر اولمغه باشلادی . معلومدرکه بو حکایه
نویس شهر اوته دن بری ماهیتنی تشریح ایتک ایسته دیکم
مسلك حقیقیونك سرفراز لرننددر . یکر می قدر بر برندن
حقیقی ، بر برندن مؤثر حکایه نشر ایدرک او عالمك حقائقنی
آچیقجه میدانه دو کدکن صوکره اوچ حکایه به باشلادی :
بری (لورد) ، دیکری ایسته بو (روما) ، اوچنجیسی ده
(پارس) . برنجی اثر قاتولیکلکک افراطندن منبعث وسوسه
و تعصب لزومندن زیاده تفصیلات و تدقیقات ایله مشرح
ایدی . فوج فوج (لورد) ه کیدن متعصب زائرلرک
روحنی ، مقصدینی تفسیر ایدیوردی . اسکی قاتولیک
حیاتی - احتیاحات زمانه عدم کفایه نقطه نظرندن -
کوستر یوردی . بو (روما) ده ایسه بو حقائق کشف
ایدن ، بر طرفندن ده پارسك او مؤلم سفالتلرینی کوره رک
دخون اولان برکنج راهبک یکی بر قاتولیکلک ایجادینه
وقف نفس ایتدیکنی تصویر ایلور . بوراهب (لورد)

عالمی ایجہ زیارت و تدقیق ایلہ فکر خیر پرستانہ سنہ
 بوجہ تہدن بر فائدہ مأمول اولمادیغنی آکلامقلہ متأثر اولدیغی
 صرہ لردہ ایدی کہ پارسک او ذکر اولنان اعماق سفالتہ
 آکاه اولیور ، برقات دها کرداب حزنہ دوشیوردی .
 (پیر) نامنی طاشیان بوکنج راہب برصوک بہار اقشامی
 اختیار برمسلدکد اشیلہ کسب معارفہ ایلہ یور . بوذانک
 اشتغالی سوقاقلردن کیمسہ سز ، متروک چوجقلری
 طویلا یہرق اوینہ کوتورمک ، بسلہ مک ، بیوتمک .
 (پیر) مقصد خیر پرورانہ سنہ موافق بولدیغی ایچون
 بواشتغالہ اشتراک ایدیور : « سفالت ، اوخونریز ،
 اومستکرہ سفالت اوزمان (پیر) » تماماً کورندی .
 (پیر) ایکی سنہ متہادیآ آنکلہ برابر یشادی . اولا
 اوکوچک کوچک مخلوقلری قالدیر ملردن طویلامقلہ
 ایشہ باشلادی . قومشولری بوفکر خیرینی ، مراقبی
 بیلورلردی . بویلہ اطفال متروکینی کوردکجہ کندیسنہ
 کتیریورلردی . برطرفدن بابالری ، آنہلری چالیشیرلر ،
 ایچرلر ، اولورلرکن دیگر جہتدن بومینی مینی مخلوقلر ،
 اوغلانچغزلر ، قیزچغزلر سوقاقلرہ دوکولیورلردی .
 اکثریا پدر غائب اولیوریور ، والدہ مضیقہ فحشہ
 دوشیوردی ؛ ایشسزلک سیئہ سیلہ مستی وسفالت خانہ یہ

کیرمشدی . بوراده کی یاورولر دیشاری دوکولایوردی .
 کوچکاری صوغوقدن ، آچاقدن قالدیرم اوستند
 اولیورلر ، بیوکلری ده بروادی شاعت و جنایت طوغری
 اوچور ، کیدیورلردی . (پیر) بر اقشام (شارون)
 سوغاغنده بیوک بر آرابه نك تکرلکاری آلتدن ایکی
 کوچک برادر چیقارمشدی که بیچاره لر نرمدن کلدکارینی ،
 نرمدن اوطوردقلرینی کندیلری ده بیلیمورلردی . بر بشقه
 اقشام ده قوجاغنده کوچیجک بر قیز ، اوچ یاشنه
 یا وارمش یا وارممش صاری صاچلی بر معصومه اولدیغی
 حالدده اوه کلمشدی . بوچوجق جغزی بر صیره نك اوزرنده
 بولمشدی - آنهم بنی بوراده براقدی کتدی - دیه
 آغلایوردی . کیت کیده بالضروره (پیر) خیراتی ،
 تعمیقانی یوروتدی . بویو وادن دوکوله قوری ، پریشان
 یاورولردن بابالرینه ، آنه لرینه کچدی . اوسفالت کریوملرینه
 کیردی . بودوزخه کوندن کونه صوقولدی . نهایت
 بودردک ، بوفلاکتک کافه دهشتی ، شفقتک نه درجه
 بیهوده ، بیسود اولدیغی آکلایه رق قلباً پر خون ، فکرآ
 مدهوش اولدی . »

(زولّا) نك شو تشریحاتی حقیقتک تام بر تصویریدر .
 محرری کیمسه افراط ایله ، مبالغه ایله اتهام ایدهمز .

ایشته پارس سوقاقلری ، ایشته حقائق احوال ... حکایه نویسک وظیفه سی بونلری نظر عبرته دوکمک ، هیئک آمال خیریه سی بوجهته سوق ایلمکدر . بویله بر مقصد عالی ایله قلم یوروتن بر مؤلفه ساده حکایه نویس دیمک ، بیلیم یا ، بر پارچه قدر شناسلق دکیدر ؟ نه ایسه پارسک ، او شهر مشعشعک شو تصویرینه ده بر کره عطف نظر امعان ایدیکز : « آه ، سفالتک بوبلدۀ حزن انکیزی ، سقوط و مزاحم بشریه نک بوکر یوۀ بی نهایه سی (پیر) ایکی سنه متادیا دهشت و خشیت ایچنده دور ایتدی ؛ فکرآ ، املاً مضمحل اولدی . دائماً های ، هوی فعالیت ایچنده کوردیکمز او (سنت مارگریت) محله سنده ، او (سنت آنتوان) طرفلرنده کریه المنظر خانه لر ، باشند اشاغی ضیاسز ، هواسز بر مغاره کبی راطب دهلیزلر ایچنده مسکنلر کشف ایتدی که بونلرک هر برنده نیجه یچاره لر جان چکیشیور ، بوسفالتله مجروح و مسموم اولدقلری حالدۀ یاتیورلردی . تراکم خاشا کدن ، پیسلکدن مردیونلر کچلمیور ، آیاقلر قاییوردی . هر قاتده بویله بویله بیغین ، بیغین وقارما قاریشیق لجۀ تلویثات منظور ایدی . پنجره لرده جاملر یوقدی . روزکار ، یا غمور ایچری کیریور . اورتانی آلت اوست ایدیوردی . بر چوققلری چیریلده

چپلاق قوری یرلره اوزانمشلردی . اثواب نه در بیلیمور -
 لردی . نه اثواب ، نه اشیا طبق بروحشی حیوان کبی
 تصادفانه ، سوق طیبییه کورکورینه اتباع ! دها ایچریده
 هرجنسدن هریاشدن کومه کومه مخلوقات ، بر انسانیت که
 محرومیت حوائج ایله حیوانیتیه رجعت ایتمش ومهلاک بر
 ضرورته دوشمشدی . زنکین سفره لرینک دوکونتیلری ،
 قیرینتیلری دیش ضرباتیه قایدشیلیموردی . دها فاسی
 او مخلوق بشرک شواضمحلالی ایدی : بو بروحشی یعنی
 طاغلرده ، اورمانلرده آوله ، خدایی نابت میوه لرله یاشار
 بر آدم دکلدی . فقط سقوطنک کافه مزاحمیه برابر
 حیوانیتیه دوشمش متمدن برانسان ، مالکه جهان دینیلن
 شو بلده دلارانک شعشه و آرایشنی کورمش بی تاب ،
 مستکره ، ملوث بر بیچاره ایدی .

بوتشریحات انسانی متأثر ایدیور . لکن شوهای
 وهوی اذواقه طالمش پارس عالمنه یاره لرینی کوسترمک
 فائده دن خالی دکلدر . محرر بوتاریخچه سفالتده شویله
 دوام ایله یور :

» (پیر) هر عائله ده عین حالی مشاهده ایدیوردی .
 ابتداده شباب ، مسرت ! قانون مساعی هرایکی طرفجده
 جسورانه تطبیق اولنیور ، صوکره تعب یوز کوستریوردی :

دائما چالیش ، هیچ زنکین اولما ، بویله سعی نهیه یارار ؟
 حریف بوحصه سعادته مالک اولمق ایچون عشرته
 قویولمشدی : قادینده او ایشلرینی یوز اوستی ترک ایتمکه
 برابر ، او عادتق آلمش ، چوجقلرینی کلیشی کوزل براقیور -
 مشدی . او بر باد معیشت ، جهالت ، ازدحام ده بوذر دلره
 انضمام ایتمش ، ایش اولمش بیتمشدی : اکثریا اک بیوک
 مجرم ایشسز لک ایدی . ایشسز لک صندوقه تصرفی
 بوشالتمهله اکتفا ایتمز ، جسارتی توکتیر ، انسانی عطالته
 آلیش دیرر . هفته لرحه اعمال کاهلر بوش قالیر . قوللر
 کوشر . فعالیت ایله بودرجه متلاشی کورنن شوقوجه
 پارسده اک کوچک بر ایش بولمق محال . اقشام اوک
 ارکی آغایله رق عودت ایدر . هر طرفه مراجعت ایتدی .
 سوقاق سوپورمک ایچون بیله قبول اولونمادی . چونکه
 بوایشکده طالبی چوق ، عجیب صوک درجه عجیب
 دکلی ؟ میلیونلر ایچنده یوزن ، پارلایان شوشهر شهیرده
 بر آدم تأمین قوت لایموت ایچون ایش آراسونده
 بولاماسون آچ قالسون ؟ قادینده آچ ، چوجقلرده آچ ،
 او حالده بر قحط سیاه ! . « بوتصویرات بویله دوام
 ایدیور ، کیتدکجه دهامؤثر اولیور ، دهامدهش اولیور .
 مرضی بودرجه درین بر صورتده کشف وتشریح ایتک ،

اندن سوکرده اسبابی آچیقجه سویله مک بیوک بر
قدرته ، مهارته ، علمه متوققدر . بوسطرلری اوقودقدن
صوکره انسان اک بیوک مسائل اجتماعی بی دوشونمکه
باشلار . بشریتک ذهنآ بر فلسفه سنی یاپار ، درین محاکات
فکریه یه دالار . بودرجه مؤثر بر اثر البته صرف حکایه دن
عبارت دکلدرد . حکمتک بونده بر تجلی مخصوصی اولسه
کرکدر . قابای که بوسطرلری یازان ال هر جمله ده کافه
جزایای علمیه بی حازر بر مفکره نک تحریکات متبیجه سینه
تابع اولماسون ، او معنارک هر برینی آلك . دقتله چوزمکه
باشلاییک ، نتیجه ده علوم اجتماعی نک برر فصلی ، هیچ
شبهه یوق بولورسکیز ، نه حاجت ! بو حقیقت بعض
سطرلردن پک جلی بر صورتده تظاهر ایدیور : « هر درلو
تجددات آلتنده بر مسئله اقتصادیه مخفیدر . اوده فقر
ایله ثروت آراسنده کی مجادله ابدیه در » بواساسه ابتناء
محرر ایکی ستون یازیور . بو ستونلر اورادن قالدیرلرده
علم ثروت مللک موجدی عداولنان (آدام سمیت) ک
اثرلرینه قونولسه حکایه اولدینی ایچون دکل ، فقط اک
یکی مباحث علمیه دن مترکب بولندینی ایچون او آثاردن
اولمادینی آکلاشیلیر ، لکن نهایتده بر حکایه نویسه دکل
بلکه بر حکیمه ، بر فیلسوفه ، بر عالمه عطف اولنوردی .

« سى ، عرض و طاب قوانینه تابع بر متاعدن عبارت ،
 اجرت ، عملہ نك قوت لایموتنه كفايت ایدہ جك براحتیاج
 مبرمه نسبتاً معین » كہی سوزلرہ آنجق كتب علمیه ده
 تصادف ایدیلیر ، بویله بر حكاية یازہ بيلمك ایچون مؤلفك
 نه قدر چالیشدیغنی ، نه درجه تدقیقاتده بولندیغنی دوشونمكده
 ایكن بر غرضته ده (زولا) نك بوكا دائر سرد ایتدیكى بعض
 ایضاحات كوزومه ایلیشدی . هنوز نشر اولنان بر قاج
 صحیفه سندن آكلاشیلیوردی . بنجه بو حكاية محررك علما ،
 تدقیقاً اك محكم ، مؤثر آئارندن ایدی . او ایضاحاتدن
 صوكره بو حقیقت نظرمدہ بسبتون تعین ایتدی ؛ (روغون
 ماقار) مؤلفی شویله سویلیور :

« (دوما) نك عرض ایتدیكى منظره ، جهاندہ
 یكانه بر منظره در . بر متفكر ، بر فیلسوف ایچون هیچ
 بر شهر بودرجه مراقی داعی دكلدر . بو شهر وسیعده
 غائب اولمقدن ، بر عمانه دوشمش كہی بوغولمقدن قورقدیغم
 ایچون اورایه كیتمه دن اول كندیمه بر خط حرکت تعین
 ایتدم . كتابك موضوعی ذهنمدہ مرتب ایدی . فقط
 نه قدر مسائل بو موضوعی مشكلشدر بیوردی ! عمرندہ
 فرانسه یی ترك ایتماش بر آدم ایچون نه قدر مشكلات !
 (روما) ده تقریباً ایکی آی كچیردم هر صباح - آلافرانغه -

ساعت سکزده قالقیورددم ، حکایه مه کیرن سوقاقلری
 کزییورددم . خلق ایله کوروشیورددم . هرشیئی موشکافانه
 تدقیق ایدیور ، هر حال کوزدن کچیوریورددم . خرابه لری
 استجواب ایتدم ، عمومی باغجه لری طولاشدم . هر یانه
 دالدم .

کیجه لری - آلافرانغه - ساعت ایکی به قدر ماصه نك
 باشنده چالشیورددم ، کوندوز کی قیوداتی ترتیب ایله
 اوغراشیورددم . چونکه مجهول بر مملکتده ایدم . سرعته
 بوبلده دن بر اطلاع ایدنمک بنجه لازمدی . بنم ایچون
 (پارس) بویله دکلدرد . زیرا بن پارسده طوغدم ، بیودم ،
 یاشادم .

نظریاتجه بنم ایکی اصولم واردرد : برنجیسی (ژهر منال) ،
 و (لاتر) و (سعادت نسوان) حکایه لرنده یاپدیغم کبی
 بردنبره موضوعه مطلع اولمقدرد . منظره محسوسه به قارشی
 کافه حواسله متأثر اولورم . کوزمله . قولاغمله ، بورنمه
 طویلارم . احتساساتی برکاغده قید ایدرم . بر قاج آی
 صوکره بوقیدلری او قورکن ینه عین تهیجاتی طویارم .
 طبق او منظره یی کوریورمش کبی اولورم . بنجه بو بر
 تصویر آتیدر .

ایکنجی اصول یازمق ایستدیکم عالمده یاشامقدن .

عبارت در . بوحالده تأثرات مادیه ائتلاف ایله سیلینیر منظره
دها قاپالی اولور ، گوشه لر یوصونلانیز ، تفصیلات فرقی ،
اهمیتی غائب ایدر . شبهه سزینه او تأثرات باقیدر . فقط
اویکیلکده کی قسوتی ، نفوذی حائر دکلدرد .

حاصلی ، ایکی اصول : بری بر ضربه صاعقه کی
سرعتله دیکری آهسته آهسته کمالیتله . . . بویکی کتابده
قدیم بر رومالی کی او عالمده یاشادیغی ادعا ایتم . بونجه
غیر قابل ایدی . ایکی آیده او قدر حیات محالدر .

بناءً علیه (روما) دن عادتاً بر سیاح کی بحث
ایدیورم . حکایه نك اشخاصندن باشلیجه سی ، (پیر) بنم
کی بوشهرده ایکی آی اقامت ایدیور ، بوندن آلدینی
تأثراتی بیان ایلور . بواشخاص ثمره تصورات دکلدرد .
وقایعک بر نوع محصولی ، حوادثک پرورده سیدر .

یکانه امل شو ایکی بیک بشیوز سنه لك شهر قدیمی ،
کافه حقائقله ، ماضیسیله ، حالیه ، آتیسیله کوسترمکدر ،
دائماً بی طرف قالدیم ، حقیقتی بووادیده تعقیب ایلدم . اک
چوق امکی بوکتابه صرف ایتدم . صفوت و وجدان
ایله یازلمش بر اثر وجوده کتیرمک ایستدم . موضوع ،
واسع ، امید متعالی ایدی . آرتق براقک ، کتاب
- سویلسون . »

اوت ، کتاب سویلیور ، هم ده پک بلیغ سویلیور .
 صباح اولدیمی اورتالق آغاریر آغارماز انسان دکانلره
 قوشیور . او غزته یی آراییور . (روما) تفرقه سنی
 اوقویور . مع مافیہ بوسطرلرده اویله نه مراقی جالب ،
 حیرت وخیالی محرك وقعهلر ، دبدبهلر وار ، نه ده آم
 وواه عاشقانهلر ، ملاطفات مفتونانهلر ! لکن برشی ، بر
 فلسفه ، بر حکمت وارکه علم ایله یان یانه کیدیور ، نجبه
 حیاته قاریشیور . بونکچونده کوز نوری دوکمک ، بیک
 درلو مساعی و مزاحم ایله اکتساب علم و عرفان ایلدکدن
 صوکره (زولا) کبی کوندوز اقشاملره ، کیجه صباحلره
 قدر چالیشه رقینه بیک درلو مساعی و مزاحم ایله یازی
 یازمق کرکدر :

حاصلی ، حکایه می ، حکمتی ؟



غرام

بيوك . اسمر بر قيز تصور ايديكز . هنوز اوتوز
ياشنى بولمەدن حسن و آنى حددن افزون بر ضعيفلكه
مغلوباً سونمش . شمدى عادتا اختيار بر قيز ، چونكه
صاچلىرى بر قاچ يردن آغارمغه باشلامش فقط صولمش
يناقلرينه طوغرى ايپكەن بر صاچاق كې اوزايان اوازون
كېر پىكلرينك آلتەندەكى سياه كوزلر حالا آتئين بر لمەن
ايچندە ... هله اوتبسم ، ندرتى درجه سنده خفيف ياواش
تبسم بر رنك حزين آلدېنى ايچون انساني طور ديريور .
دوشون ديريور . بو خندەنى تا او قيزك چو جتلغەدن برى
طانيورم . سەنە سەنە تعقيب ايتەم ... زمان اكا نصل
بر لون المله برابر بر لطافت ويردى كوردەم . محله دە
مادموازل (آرماند) ديدكلرى (آرماند فرو) اكثريتله
سكوتى ايدى . آنجق بر هيچانە مغلوب اولنجه لسانى
ضبط ايدە مزدى . فقط بتون سوزلرەنن زيارە اوتخس
ورقت ايچندە كورين نارين دوداقلرينك حالى ، وضعى
اسرار قلبى فاش ايدردى . بو بچارە ديكشەجى قيزك
وجدانى پاك ، علوى وجدانى خلدجان ايچندە ، ظاهرى

حالی ایسه آسوده ایدی . دردی سودا ، صاف ، لطیف .
 پاك برسودا ایدی . متعصبانه فداکارانه جانندن جکرندن
 سویوردی ، مادرانه برغرام ایله سویوردی .

(آرماند) ك تارینجه حیاتنی پك ساده ، پك دائمی
 الوقوع ایدی : سعادتمز برخانه سفالت پدر نه ای نه فنا :
 چالیشیرسه ایچه ایش کورر . فقط ، کوندن کونه دها
 زیاده عشرته دالیور . ایچدکجه انسانلقدن چیقهرق
 حیوانلاشیوردی . اوزمان والده یانیور ، یاقیلیور دردینی
 قومشولرینه آکلاتیوردی . کوچیجك (آرماند)
 کله لرك معناسنی فهمه باشلادیغندن بری ، عین نقراتی
 ایشیدیوردی : هپ کیتدکجه فنالاشیور پاره سنی قازاندکجه
 ایچکییه ویریور بونکله ایچریسنی زهرله یور قاریسنی
 دوکیور تحقیر ایدیور . طوغان چوجق لرعلیل اولیورلر .
 سود ننه النده اولیورلر . آنه لری بسله سه ینه
 یاشامیورلر . کوچیجك (آرماند) اوفداکار چوجق
 برقاق پاره قازانسه اوده کیلر آچ قاله جق ... (آرماند)
 دیکشچی چراغی ایدی . اوسته سی - اوسته لر نه قدر
 محترکدر ! - آره صره الینه بش اون پاره ویریوردی .
 مشتریلردن بعضاً بخشش آلیوردی . (آرماند)
 کوندوزلری اوتیه بری یه ایش کوتورمك ایچون باش

آچیق سوقاقلری دولاشیور . آياقلری یورولنجیه قدر
 دولاشیوردی . صوکره اوسته سنک . یاننه دونیور ، دیکیش
 دیکمهک باشلا یور ، پارمقلری طاقتدن کسینلنجیه قدر
 دیکیوردی ، بویله جه قزان دینی کوچیجک بر مبلغی اقسام
 اولنجه والده سنه کتیریور ، او قادی نده - آه ، باباک آدم
 اولایدی ! - دیه بونلری جینه قویور ، قزغزده -
 اوت ، بابام آدم اولایدی ! - سوزینی متحسرانه تکرار
 ایدرک یورغونلغدن یتاغنه اوقاص قاتی اوتدن یتاغنه
 ییقیلویریوردی . اوزمان پدرینک شوسفالته لغتخوان
 اولیوردی . والده سنک ضعفهده قیزیوردی . مع مافیه
 بوقادینی دایما سرخوشک ضربات تجاوزینه قارشو مدافعه
 ایلوردی . چونکه او بدمست هر نه دنسه قزینک اوسیا
 کوزلرندن چکینیوردی . او محرق سس « هاییدی
 صندالیهلری یارین قرار سکز . چابوق ، یتاغنه ، بزده
 اویویه جغز » دیه حدتله عکس ایدنجه حریف دوکسنی
 سوکسنی بر طرفه براقیور ، بر گوشه یه چکیلیور ،
 زیباریوردی . - بویله اما ابوته حرمت حسی نرده
 قالیوردی ؟ افسوس ! بو حس اومیا نه ده هیچ طوغما مشدی .
 « پدریکه والده که حرمت ایده جکسک » کوزل برقانوندر .
 فقط دایما قابل تطبیق اولامیور . تأمین اعاشه لری ایچون

کیجه وکوندوز چالیشدیغی ابوینه (آرماند) حرمتده
 ایتک ایستدی . نه چاره که انلرده بوقابلیت یوقدی .
 سخی بوقزجغزه خوش کلیوردی . چونکه کوندوزلری
 ایشنه کیدیور ، بوسغالتکده دن قورتیلیوردی .
 والده سنک عطاتی اوی بر مزبله یه دوندیرمشدی . بر
 ایشدن او بر ایشه کیدرکن - ولو قولتوغندن قوجه بر
 بوغچه اواسون - هوای صاف تنفس ایتک وبا خصوص
 وقت بولدجه کوپر یلرک اوستنده بش اون دقیقه کزنمک
 بودیکیشجی قز ایچون بر سعادت ایدی . ساعتدن ساعته
 بشقه منظره کسب ایدن سن نهرینک اوخارق العاده
 ریختملری یواش یواش (آرماند) ی جذب ایدیوردی .
 اکثراً بچاره قز بونلردن برینک قورقولغنه یاصلانلار
 بر طرفدن سیس ایچنده محاط کورینن قهله ره ، طاقله ره
 حیرتله باقیور . دیگر جهتدن اوزاقدن اوزاغه نظرنده
 تجلی ایدن منظره بعیده نک تأثیر یله فکر آ بر عالم خیالی
 دولاشیوردی . لکن اک زیاده صولر ، اومتحرک ،
 متموج ، هله کونشه قارشو متزاید صولر قلب صافی
 مسرتله لبریز ایلوردی . بوتماشادن صوکره : « اوت ،
 صولر بکا اک چوق ، وقتمی غائب ایتدیریور . بونلرک

او آهسته جریانی سیره طالذجه ، اوروش بسیطی
 کوردجکه بکا اویله کلیورکه کوکلم کوزم لبالب آب اولیور .
 برصامان چوپي کبی صولر بی آلیورلر . کوتوریورلر «
 دیه اعتراف نفس ایایوردی . صولر وچیچکلر ! بهارده
 آغاجلر شکوفه لاله دونانجه (آرماند) بونلره خوش
 آمدی دیمک ایچون (لوکسمبورغ) و (وتوئیلری)
 باغچه لرینه کیدیوردی . صوکرده ده ایش وقتنی - ولو
 جزئیجه اولسون - بویله اکلنجه لره حصر ایتدیکندن
 طولایی نفسنه لوم ایدیوردی . چونکه بودرلو وسوسه
 وجدانیه اک زیاده خلقک بو طبقه سفلا سنده واقعدر .
 بو غریب مخلوق چیچکلری پک سوییوردی . آره صره
 بر باغچه نك اوکندن کچرکن اوزاقدن اوزاغه یاسمن
 قوقولرینی دو یسه مست صفا اولیور ، بیک زحمت ایله
 بش اون پاره بریکدیرسه مطلق بردمت منکشه آلیوردی .
 بوشکوفه نی ، ولو صولسون ، ولو قوروسون ، برهفته
 متمادیا کوکسندده طاشیور ، برزینت روح عد ایدیوردی .
 بویله مخلوقلر شعرو نفاستی طبیعتدن اوکره نیرلر ، بیلمه دن ،
 مقدارینی اکلامادن اک شاعرانه تفکرانده بولنورلر .
 چراقلق زمانی بویله جه کچدی ، پکده فنا دکلدی .
 صوکره کوندوزلری متصل اوسته سنک اونده ، اوضیق

او هواسز خانه ده لاینقطع چالیشمق دمی یعنی قالفهلق
 زمانی کلدی . اقشام ده او عائله سفالتخانه سنه دونملی ،
 اودریای استکراهه دالمی ایدی . مریوندن چیقارکن
 غوغا کورلتی ایشتمزسه ، (آرماند) آلیشمشدی پدرینک
 یامست بیهوش اولدیغنه ، یاخود سواقده صیزارق قاراقوله
 کوتورلدیکنه حکم ایدیوردی . او یله ایه اوف ، ایرتسی
 صباح کیتملی بو آدمی ضابطه دن آراملی ایدی . نه قدر
 کوچ ! بعضاً ایچری کیرنجه قاری قوجه یی بوغاز بوغازه کلش
 بولیور . همان آرارینه کریوردی . حریف یومروغنی
 قالدیریور قادین باغیریور . فقط بویومروق اصلا
 او قیزجغزک اوزرینه دوشمیوردی . چونکه اوسیه
 کوزلرده برقوئه نجیه واردی که سرخوشه فنا حالده تأثیر
 ایدیوردی . فقط هر نه قدر والده سنی پدرینه قارشی
 حمایه ، پدرینی ده مذلتدن وقایه ایتسه ده (آرماند)
 بونلرک هر ایکسینی ده نظر استکراه ایله کوریور ، هیچ
 سومیوردی .

مع مافیه سومک نه در بیلوردی . اوموزینه قونمغه ،
 دوداقلرندن اکمک اوقاقلرینی زیب زیب صیچرایه رق
 قامغه آلیشمش برسرچه قوشنی وار قوتیله سوییوردی .
 برکون قوشجغز سرخوشک نابجا برحدت مدهوشه سندن

اورکمش ، هوا لائمش ، بردها کلمه مش بو ظلمتکده یی
 بولاممش ایدی ، آه او کون بو بیچاره قیز نه قدر
 آغلامشدی . آرادن آیلر کچدی ده حالا اوبوش قفسی
 کوردکجه بو قوشجغزی خاطر لایور . کوزلری دموع ایله
 دولیور پنجره نك اوکندن کچن هر سرچه یه نافله یره
 قولارینی اوزاتیوردی . او مرغ مونسدن اثر یوقدی .
 بو حالدن قلباً مجروح ، متأثر اولدی . بردها بر رفیق
 ایدینه مکه عهد ایتدی . بو سرچه محبت اولینی ایدی .
 بوندن بشقه سومکه شایسته بر مخلوق کورمه مشدی .
 آرقادا شلرندن خوشلانمیوردی . او آلتدن آله باعث
 حجاب حسب حاللر ، او پرده بیرونانه ترکیلر ، حکایه لر
 روحنی صیقیوردی . خیر و شر نه در یک مبهم صورتده
 بیلیوردی . فقط بعض فطرتلر ازلدن بر عصمت اخلاقیه یه
 مظهر در . (آرماند) ک بوجبلت فطریه سنی توسیع وتهذیب
 ایچون نه تلقینات دینه ، نه ده معارف ابتدائی امدادینه
 کلمه مشدی . بر پارچه اوقومق ، یازمق ، بر ازده حساب
 بیلیوردی . کلیسایه دوامه ایسه وقتی اولما مشدی . بعضاً
 ایشه کیدرکن بالتصادف بر معبد کیریور . روحانی ،
 جسمانی بر سکونت ، غریب بر سکونت آرایوردی . فقط
 بیلنمز ، نه درلو تأثیرات ایله سکونت یرینه هیجان بولیور .

اورادن آغلايه آغلايه چيقيوردی . متعصب دکدی .
 چونکه کندینی بیلدیکی بیله لی دینه دائر پدرینک هذیانندن
 باشقه برشی ایشتمه یوردی . والدہ سی سنہ دہ بر نہایت
 ایکی دفعہ یکی اثواب یاپدیرنجہ کلیسایہ کیدیوردی . قیز -
 جغزک ذهنتده دین ای کینمشلرہ مخصوص بر عادت صورتیلہ
 تقرر ایتشدی . بر غرام بی اتہا بردنبرہ کلوب دہ عمرینی
 املا ایتہ سیدی بوفقدان امل او قلب متحسی کیم بیلیر
 نرم لہ سوق ایدردی . ہرنہ حال ایسہ ، (آرماند) اون
 بش یاشنہ قدر بر شعاع شمسدن ، بر چیچکدن ، بر قوشدن
 باشقه معشوق وجدان بولمادی .

لطافت شئونات پارسک اوطیبی اوضعی مناظر کونا
 کونی ، رنگا رنگی ایلہ نظرندہ تجلی ایلدجہ فکرینی اشغال
 ایدیور ، عارسفالتی اونوتدیریور - وقور بر قلب ایچون
 بوعاردن بیوک اذا یوقدر - نہ عار سفالت : کندینی
 دیواردن دیوارہ چارپان ، محلہ چوجقلرنجہ پارمقلہ کوستر -
 یان بوبدمست پدرمدر . اسرار مؤلمہ مزی اوکنہ کلنہ
 فاش ایدن شو قاری والدہ مدر - دیمک صوغوقدن ،
 آچلقدن ، خلاصہ ہر درلو مزاحمدن بیوک بر سفالتدر .
 ایشتہ مسائل حیاتیه ایلہ النی الفنہ مشغول دکلسہ ، اوسکوتی
 (آرماند) ک تصوراتی بر طریق حزنہ صایپوردی . مسائل

حیانیه دیدیکمز ، اوکراسی ، اکمکچی ، باخصوص قیش
کلنجه اودون ، کمور بدلی ، بوندن ماعدا زمان زمان
دنیا به کلن بعضاً ناقص الاعضا ، بعضاً علیل قارداشلرک
سودننه آیلغی ایدی . عمله چوجقلرینی ناصل سودننه لره
تودیع ایدرلر ، نه سفالت ایچنده بیوتورلر ، بیایر میسکز ؛
بو ائنالرده کی قارداشی کوچیک بر قیز ایدی . (آرماند)
کندی کندینه :

— شبهه یوق ، بوده یاشامایه جق . پاره بوشنه کیدیور .
فقط هیچ اولماز سه بویوزدن اولمه سون ، دییوردی .
بیلدکلرندن آنه اولمش بر ایشچی قیز واردی . آیلقلری
منتظماً تسویه اولونمایان چوجقلره موت وقوعه کلنجه به
قدر سودننه لره قدر خوار باقارلر کندیسنه آکلاتیوردی .
بوفکر (آرماند) ی دوچار هول ایدیوردی . بوایشچی
قیز چوجغنی پارس جوارنده برعائله به ویرمش ، بسله تیو-
ردی ، بونکله افتخار ایلور غایه حیاتی بویله تعیین
ایدیوردی . (آرماند) بوقیزی سائر آرقاداشلرندن زیاده
سویوردی . آنه اولسنی ، بویله ایلک خطومه متروک
قالسنی بر خطا دکل ، بر طالعزلک عد ایلوردی . بروالده
چوجغنی بسله مک ایچون هر درلو مشاقه تحمل ایدر سه
وظائف انسانیه سنی کمالیه ایفا ایتمش اولور بیلوردی .

کندی یالکز وظیفه مادرانه نک لطافتی ادراک ایتمش ایدی .
 بونکچون برمدت صوکره بووظیفه بی حیرت آرا بر صورتده
 ایفایه باشلادی .

بازار کونی غریب برمراقک سوقیه آرقاداشک پشنه
 طاقلادی . اوچوجنی کورمه کیتدی . (آرماند) ایچون
 اوکون حیاتنک بریوم بنامی اولدی . کیتدکلری یر پک
 اوزاق دکلدی . فقط عمرنده بولندیغی محله دن خارجه
 چیقماش برقیزه کوره (سن) نه ری اوزرنده کی واپورلره
 بینمک ، شپردن برپارچه دیشاری چیقماق برسیاحت دیمک
 ایدی . (آرماند) ایلک دفعه اوله رق صیفیه کیدیوردی .
 او هوای بی انتها ، دیوارلرله باجه لرله ، قله لرله ستراولنمیان
 اومنظره سما ، هنوز ییچلمش اوتلرک رایحه نوینی ، یپراقلر
 آلتنه صاقلانان قوشلرک نغماتی ، اشعه شمس ایله هیجانه
 دوشن بوجکلرک یاغره لری ، خلاصه بتون بوشـئونات
 جدیده فکرنده براتر دائمی پیدا ایلدی ، برتجدد ، برتبدل
 حصوله کتیردی . بیوتمک ایچون برچوجغه مالک اولمق
 اومعصومی اوپمک ، اوقشامق ، سومک ، نه مسرت !
 نه سعادت ! شوقیز ظاهرده نظر اسفله کوریلن شو آنه
 بالعکس نه قدر بختیار ! (آرماند) دن بیک قات بختیار ،
 (آرماند) ک ابویندن بشقه کیمی وار . بوتهیج غرام

قیز جغزك خاطرینه سودننه ده کی همشیره سنی کتیردی .
 بوچوجنی یاننه آملی ، مطلق آملیدر ! فقط یکی بر بار
 معیشت ، بونی نصل درعهده ایلملی ؟ هپ غوائل کندی
 باشنده ایدی . پدری آرتق هیچ چالیشمیوردی . چالیشیر-
 سهده نادرأ تصادف ، اکلنجه قیلندن چالیشیوردی . همده
 قیز جغز بیقمش ، باباسنی ضابطه لرده آرامامغه باشلامشدی :
 اوح بسبتون کلز اولسهده اوراده قالسه ایدی ! بر کون
 حدتندن حسیات دخترانه سی بویله معکوساً قاربار مقده ایکن
 سرخوشی بیک زحمت ایله اوه کتیرن . و بوزحمتی ایچون
 اجرت ایسته ین آرمه : — کاشکی هیچ کتیرمه سیدک ده
 بندن بواجرتک ایکی مثانی آلسه یدک — دیمشدی .

(آرماند) شممدی اولدجه پاره قازانیوردی .
 انسانلقدن چیقمش برپدره نه یاپاجغنی شاشیرمش بروالده یه
 قارشى اوده حاجانه سوزی کچیوردی . کوچک همشیره سنی
 سودننه دن کتیرته جکنی سویلیدی . کیمسه مخالفت ایتمه دی .
 یالکیز (فرو) شرابک مایه آتشیننده بر چاشنی بد
 یینی بولیوردی . بوفلسفه نک سوقیله :

— او کوچک قیزده اوته کیلرینی تعقیب ایتمزده بو
 کشمکش دورانه دوشرسه واه باشنه !
 دیدی . چوجق کتیرلدی . او مینی مینی قیز جغزی

قوب قوری دکنک کبی کوروئجه مادام (فرو) برچیغلقدرد
 قوباردی . طبیعی ، اویله حیانتک بویله ثمرسی اولور .
 (آرماند) بو فنا بسلمش ، فنا بیودلمش ، فنا کیدیرلمش ،
 ثقیل بر کویلی لسانیه هنوز تکلمه باشلایان جنینی کورنجه
 مادرانه بر تهیج غرام ایله مالامال بر تهیج حس ایلدی .
 بوکوچیجک مبهوت ، کریان وحشی بی قوجاغنه آلدی .
 قوللریله اورتدی ، اوپه سنه کوتوردی ، یاتاغنه یاتردی .
 اوپدی ، اوقشادی ، اوپوتدی . صوکره او طفل نائمه
 قارشى عهد ایتدی که نفسنده تجربه ایتدیکی آجیلری ،
 سفالتلری بو مخلوق اصلا کورمیه جک اصلا آجلق ،
 صغوق نه در ؟ بیلیمیه جک ، هله بر چوجقه فنا تأثیر ایدن
 اومقاتلات مستانده حاضر بولنمیه جق ، کیجه یاریلرینه
 قدر یالکز باشنه ایش اوپه لرندن اوه اودن ایش اوپه-
 لرینه قوشمیه جق ، اون ، اون ایکی ساعت متماداً براوپه یه
 قاپانه رق آلوده طبیعت قیزلرله باش باشه دیکیش دیکمیه جک ،
 مسعود اوله جق ، معلوماتی مکمل اوله جق ، حاصلی
 بیوک همشیره سنک نائل اوله مدینگی شیلره هپ نائل
 اوله جق ، (آرماند) عهد ایتدی ، عمرینی بو امله وقف
 ایلدی . بوتاریخندن اعتباراً بیوک همشیره نک دوشونجه لری
 صووک درکیه آتلدی ، آرتق اووفاکار مخلوق ایچون

حیات ذاتیه یوق ایدی . نصیبه یکانه بوکوچک همشیره
معاونت ، خدمت ، پرستش اتمک ایدی . ایرکندن لذاند
دنیا دن فراغت ای دیوردی .

دها کچلرده بکا اوزمانکی شکلنی ، آنی ، سیاه
ساجلرینی ، اندام کزینی ، رفتارینی آ کلاتیرکن :
— پک چوق کشیلر سکا طالب چیقہ بیایردی ،
زوالمی (آرماند)

دیدم . های های قیز آرایان ارککدن چوق نه وار ؟
دیه جواب ویردی .

— بن او نوع طالبلردن بحث ایتیمورم .
— ها ، جدی طالب دیمک ایستیورسکمز ، آدم سنده !
انلری دوشونمکه وقتمی واردی ... وظائف دینیه
خصوصنده اولدینی کبی دائماً فقدان زمان ...

— (آرماند) ، سز هبیچ هوسات خیاله طالمدی کز می ؟
— بزم کیلر ایچون هوس و خیال نه در ! ارقداشلر -

مدن بعضلری حکایه اوقویورلردی . بن بومصاللری
همشیره مه اولسه م اوقوت تمام .. بوکتابلرده دائماً کوزل
زنکین خانملر ، بویله لری وارسون اوقوسونلر . تمثالرینی
کوررلر ، اکنیرلر . بشقه نه ایشلری وار . اوح ! ابتدادن
اعلا ، فقط صوکرملری طبقی فقیر قیزلرکی کبی یتیور ،

حقائق حیاته ده پک چوق بویله وقایعه راست کادم. برده
 بونلری کیدوب کتابلرده آرامغه لزوم وارمی ؟ خیر ،
 حکایه یه اصلا اهمیت ویرمدم . سوه بیله جکم برشی وارسه
 اوده بیلسه ایدم ، ا کلاسه یدم موسیقی وشعر ...

— فصل شعر ؟ او قورمیسکیز ؟

— ایشته ، بر قطعه ... کوله جکسکیز . فقط بن دیکیش
 دیکر کن بونلری متصل تکرار ایدرم ، او قدر که کندیمک
 صانیرم . قلبمده هم ضربه درلر ، نفسمله برابر کیدرلر ،
 کلیرلر . دایما ورد زبانمدرلر .

(آرماند) متحسسانه برادا ایله شو اوچ یتتی او قودی :

مژده ! کلدی بهار ، قیش کیدیور

کله بککر فضایی دور ایدیور

سزه ای داپسند نوع طیور

نه اولور بنده پیرو اولسه یدم !

شو بلای سر سقالتدن

نفسی تخلیصه چاره بولسه یدم !

— بر جریده ده بویله بر شعر کوردمدی . ابتداسنی ،

اتهاسنی اونو تدم . یالکیز طبعمه خوش کلن جهت

خاطر مده قالدی ، بهار ، شام شانک بر صبح صفاسی ...

کله بککر روحک همدی .. بونلری او قودقجه بر بهاره

ایریور ، چیچکلر ، کله بکلر کوریوردیم . کوزل دگی؟

— بویتلر کیملر . بیلور میسکز ؟

— خیر ، بیلکه ده لزوم یوق . بکا خوش کلیور

یتر . — بوسره ده سینه صافدن بر آه قویدی .

— (آرماند) ، سزده بو طبیعت وارکن مطلق

ازدواجکزه طالب چیقمشدر .

قیزک متحرک قاشلری بر برینه تقرب ایتدی . دودا-

قلری مترددانه بر وضع آلدی ، آغزندن شو سوزلر

دو کولدی : — اوت ، بلکه .. بر کره بن پک کنج دکلم ...

فقط آیرلق لازم کلیوردی . ایسته مدم .

آ کلادم که بوده اومعشوقه وجدانه دیگر برفداکا-

رلنی ایدی . اومعشوقه ، او کوچک همشیره تصادفک

غریب بر جلوه سیله طوغدیغندن بری (محبوبه) اسمنی

آلمشدی . صوک درجه نارین ، نحیف بر مخلوق قیش

موسمنده یتشن صولوق کلله بکزه یورکه بر مزبله ده

یتشمش کوزل بر چیچکی آندیریوردی . بوساری صاچلی ،

آچیق آللی ، رفتاری ، وجهی قوری مخلوقده قوه

ذهنیه قلبدن زیاده نشو و نما بولمشدی . فقط تحسّسات

قلیه نک ندرتی بیله (آرماند) جه بر مزیت عداولنیوردی .

(محبوبه) نک کوچک بر سونجه ، بر بوسه سنه مقابل

قوس قوجه همشیره سی هرردلو فداکارلغه ، زحمته حاضر
ایدی . قاردشنک تأمین راحتی ایچون سعینی تزیید ،
آرامنی تنقیص ایدیوردی .

کوزلری یورغونلقدن قاپانمغه الندن ایکنه دوشمکه
باشلايخه قارشيسنه لطیف برجبهه طفلانه چیقور :
« چالیش ، ینه چالیش ! بوسعی بنم ایچوندر » دییوردی .
ایکنه یورومکه ، قوشمغه قویولیور ، قوشیور ظفرک
همته منوط اولدیغنی حس ایدن برجنس آت کی قوشیوردی .
قیزک تاب وتوان سختی بو مشاقه مقاومت ایدیوردی .
(آرماند) طوغدینی زمان (فرو) هنوزقوای بدنیه سنی
تأثیر کئول ایله تخریب ایتمه مشدی ، قاریسی ده دها کنج
ایدی . (محبوبه) یه بوابتلائی کورن بدمست :

— دنیا شمدی شو کوچیجک مردار یارامااز ایچون
بر صولده صفر ! (آرماند) اکا او یونجاق آیلرده باباسنی
توتونسز براقیر .

دییه تعظلم ایدیوردی . حقیقه (آرماند) ک بتون
فداکارلغنی کوچک قاردشی ایچوندی . مشتریلرینک
کثرتی وسیله ایدرک ینه اوطوردقلری خانه ده براوطه
دها استیجار ایتدی . همشیره سنی اورایه برکاشانه صفاده
ایمش کی کوزله یرلشدیردی . اوسفالتکده دن اوغوغا .

لردن ، او مناظر مستکرمه دن آیردی . اوضاع مناسبه یی
 حائز دکلسه لر اناسنه باباسنه بیله کوسترمیوردی .
 (محبوبه) مکتبه کیتمه دن اول سودینی ، چوقولاته سنی
 ایچیوردی . حال بوکه بری طرفده همشیره سنک عجله عجله
 یدیکی پنییرا کمکن عبارت ایدی . چوجق بوکا دقت بیله
 ایتیوردی . (محبوبه) مکتبه کی آرقاداشلرینک اکوزل
 کینمش ایدی . فقط برقات اسکی اثوابی مدت مدیده
 کیور ، ترسنی یوزینه چویریور ، ینه کیور ، قیش ،
 یاز کیوردی . بر آرهلق سوس سور کبی اولدی کندینه
 بر فیستان یاپدی ، بر قوللق دیکدی اما بو هوس در حال
 کچدی . هر شیئی انحق محبوبه ایچون خوش کوریور
 محبوبه ایچون سویوردی .

محبوبه او یله بر دم احتیاجده میدانه گلشدی که ! .
 (آرماند) بو ائاده کندینی بیکس تماماً بیکس بولیوردی .
 ماضیده کندن زیاده کیمسه سزلکنی حس ایدیوردی .
 « بیکس ! » بوبد بخت قیز جغز قلب جوعاننک بوشلغنی
 و کندینی اطرافنده کیلردن آیران اختلاف فطرتی افاده
 ایچون بوندن بشقه برکله هیچ بر وقت بولامدی . فقط
 آرتق بیکس دکلدی . (محبوبه) بیوک همشیره سنه تشکر
 ایتکی هیچ بر وقت خاطرینه کتیرمیوردی . بوده طبعی

ایدی . چونکه (آرماند) . قالیرسه هر درلو مروت
قارداشندن ایدی . تشکر کندینه راجع ایدی . بو حیات
بیکسانه یی طولدیران او ایدی . باخصوص که (محبوبه)
یووک بر اثر ذکا ، بر نشانه فطانت کوستریوردی .

(آرماند) سونجندن تقدیراتی بیان ایچون کله بوله -
میوردی . مادام (فرو) . یوکا قارشی عدم اعتماد اظهار
ایدرک :

— کویا بتون چوجقار بر برینه بکزه مزلرمش ...
بویله مکتبه کیتدی کیتدی ده نه اولدی . یواش یواش
اوایشلرینی او کره نیدی ، بکا معاونت ایدیدی اولمازمیدی .
باق آرتق بنده چالشمغه قوت قالمدی .

دیهه میرلدانیوردی .

(آرماند) حدتله :

— اوایشلری ! یوق ، یوق ، نه ایشجیلک نه دیکشجیلک !
(محبوبه) فطرة و تربية اودرجه نك فوقده در . کور -
میورمیسکنز ؟ دائما مکتبه برنجی اولور ، بلا کلفت
هرشیئی او کر نمسنه خواجهلری حیران قالیورلر . بودرجه
اوصلی ، دکرلی ، چالشقان برچوجق البته یووک مرتبه لره ایرر .
دیور ، صوکره کوچک همشیره سنه دونه رک :

— روحم ، وارم ! یووک برقادین اوله جقسک !

ذیه اعلان شادمانی ایدیوردی .

(محبوبه) بوفکری چوقدن ذهننه سوقشیدی .
 بو کوچوچك مخلوق دمیر کبی بررایه ، برخصلته صاحب
 ایدی . (آرماند) ك اوچونانه مفتونیتی ، اومفتونانه
 غرامیتی ، مدایحی ، تقدیراتی برپارچه جاننی صیقیوردی .
 حتی نظر هوسناکنه بیله مبالغه دن آزاده کورنمیوردی .
 فقط هر حالده بوشفقت جوانمردانه نك قیمتی آکلایور .
 بوکا قارشی دائماً حسن مقابله یه چالیشه رق طبقی هم قاجق ،
 هم کندینی سودیرمك ایسته یین کوچك برکدی کبی
 اوستایشلره ، اونوازشلره کوز یومیور و بعضاًده میل
 کوستریوردی . اقبالی سودیکی قدر ثباتی ده سون بوقیز
 ایچون صفحات حیات موفقیات مکتسبه ایله اولچیلیوردی .
 زنکین ، فقیر زمانمزدده هر صنف خلقه تعمیم ایدن وسائط
 عرفان سایه سنده همشیره سنك دیدیکی کبی ، (محبوبه)
 طریق معرفتده ایلریله دی ، ایلریله دی . مکتبدن برنجی
 اوله رق شهادتنامه آلدینی کون (فرو) کندی کیفنجه
 اعلان سرور ایتك ایستدی ، فنا بررعه شهذیانده طوتلدی .
 بورنك دینده فارملر قوشوشیوردی . هذیاندن صوکره
 نزول کلدی . سرخوشی خسته خانه یه کوتوردیلر . بووقعده
 وفای دخترانه دن زیاده کبر وغرور محبوبه یی متأثر ایلدی ،

بونك ايشون پدريڭك سەمتە بىلە اوغرامدى . ھەشەنى
 (آرماند) ە براقدى . خەستە خانەيە بىلە عەمەتتىن كېتىپتۇر .
 يالگىز قەدەش بىلە سەلام كلام كوندريوردى . ھەقى (فرو)
 فرىنگلر ك آب حىيات دىدكلىرى رافىڭك تائىر جىگىر سوز بىلە
 سبوى ەمىرىك دىنى بولدىنى ۋەقت تەدۋىنەدە كېتىدى .
 (آرماند) اودە كىلرە لوازم ماتى تدارك ايلدى . مەصارف
 تەدۋىنەنى ادا ايتىدى . آرتق داياق ىمدىكنە دايانە مەھرىق
 يومىرۇق خەستەتتىن ىتاغە سىرلەن والەسەنە باقدى .

مەھمەت (مەھبۇبە) ەمىرىڭك بوخانىە برىنار بىقىدى ،
 ياخۇد برىنوع ترحم مەروورانە ايلە باقىوردى . اجتەھاد
 كە ىمىنەنن عبارت كوردىكى بوخىيات برىمساعىنى مزەج
 ومەفور بولىوردى . بوخىس نەرت خەقارتدرك (مەھبۇبە) ك
 باشقە برىولە ، طرىق مەارفەدە ترقىسەنە پك چوق ياردىم
 ايتىدى . آردەصرە :

— تەخەدر زواللى (آرماند) ! بويە افسەى نفس
 ايدىر جەسە چالىشدىڭك خالەينە برىشى بىكىدىرە مەورسك !
 دىيوردى . (آرماند) ە نچون برىكىدىرە مەدىكنك ،
 فرىستلردن استفادە ايدە مەدىكنك اسبابى ، نزاكە قارداشە
 سويلەيوردى . فقط بوسىبىلر پك ظەھر ايدى . ەمىشە .
 سەندن آيرىلمىدى . ابويىنى ترك ايتىلدى . ۱۰

دیگر جهتدن مادام (فرو) قومشولرینه :

— قیزم (محبوبه) دارالمعالماته کیرمک ایستیور .
آبالاسندن عقللی، (آرماند) ده احمق دکلدی اما.. طالع!
عمرینی بر ایشجی قیز اوله رق کچیره جک، هیچ بر زمان
جزئی بر ثروت صاحبی اولیه جق ..
دیه کوه زدلک ایدیوردی .

باشنده سیاه تولدن بریمنی، کوزلری دائماً آلوده
دموع مادام (فرو) آرتق او قومق یازمق علیهنده کی
فکرینی قاله آلمیوردی . — (محبوبه) نک مسلك
معارفه کیرمکه حقی واردی . چونکه بومسلك پاره قزا-
ندیریور — دیور، کوچک قیزینک موفقیتلرندن بحث
ایدیوردی . بوموفقیتک فضیلتی (آرماند) قدرچیقار-
میوردی . نه حاجت ! بولعمتی (محبوبه) ده مکفرایدی .
بوقیز غروری نسبتنده نفسنه معتمد ایدی . حیاتی بر لعل
مثابه سنده تنقی ایدیور ماهر براویونجی کی داورانیوردی .
بونده حقی واردی . بر بدمسلك قیزنده بدرجه درایت
وشطارت انسانه حیرت ویریوردی . قوای بدنیه سی ده
قوای عقلیه سی درجه — نده اولیدی (محبوبه) نظریات
ارثیه قوی بر اسئنا تشکیل ایده جکدی . فقط علت
عصبیه مبتلا ایدی . دائماً بهالی بهالی علاجلرله، استحما-

ملرله . بیه جك وانچه جكارله یاشایوردی . بو پارملری هب
(آرماند) كه اوسحر انكیز ایكنه سی قزایوردی . اوقدر كه
زواللی قز كوچك همشیره سی بحق بسانیه بیامك اییون
کنیدی حتی تزلزله قویدی . صاچنی وقتندن اول
آغارتدی . تاب وتواننی غائب ایتدی . نحیف ضعیف
حق چرکین اولدی .

(آرماند) قرداشنه یکی بر فیدستان اولچر چرکین
(محبوبه) ایچندن :

— کندینه هیچ باقمور . فقط حق ده وار . اویاشی
بولدقنن ، اوچهرینی آندقدن صوکره انمانده کینمك ،
سوسلنمك ذوقی قالیرمی ؟

دیووردی ، مع مافیہ دوشونملی ایدی که بر آدم هریاشده
اوشور و همشیره سی ایسه قیشی پالاسوز کپیرویوردی .
(محبوبه) بو حال کوردکجه الماری مانتوسنك جیننده
اولدینی حالدہ کنیدی کندینه :

— ظاهر ، اعتیاد !

دیهه بیان حکم ایدیووردی . زور بر امتحانندن
صوکره اعصابی پك زیاده کرلدی ، یورلدی . وفرت
مساعی ایله قوتدن دوشدی (محبوبه) خسته اولدی .
ضعف دم علتنه طوتلادی . طیب دکز حاملرینی توصیه

ایتدی . (آرماند) ایسه بو مصرفك ثروت و طاقتی
فوقنده اولدیفنی آ کلا نیجه عثماني قاچیردی . خسته نی
بر ساحله کوندره بیلمك ایچون هر فدا کارلغه ، هر مقاوله یه
حاضر ایدی . اطرافده کوردیکی زنکین قیزلره بر نظر
غیظ ایله باقیور ، بومس او اتسزلغه لغت او قویوردی .
یأس قرداشنه بیله تأثیر ایتدی که (محبوبه) : - زواللی
همشیره نه یاملی ؟ فازانجك آز ایسه قباحث سنکمی ؟ -
دیوردی . لکن او یله بر طور ایله که - بن ده ها زیاده
قازانمغه مقتدر اوله جنم - دیمك ایسته بوردی .

مسود بر تصادف یو بچاره لك امدادینه یتشدی .
(آرماند) اوقات ضایعه سنده ، یعنی دیگر لرینك اویقر
ایله کچیردیکی وقتلرده شمیدی زنکین اوله رق ایشدن
چکیلمش شیشمان بر قالفه سنك حسابنه چالیشیوردی .
بوقادینك اوزرینه بر جاکت اولچرکن برای تبدیل هوا
سواحلدن برینه کیدن زنکین بر عائله دن چوجقلره تعطیل
ائناسنده نظارت ایتك اوزره شهادتنامه لی بر معلمه ایله
برابر برده دادی ایسته دکلرینی خبر آلدی . بو خبری آلیز
آلماز . آز قالدی ، المده کی مقاصله یاقه برینه اوشیشمان
قادینك دریسنی کسه جکدی . کندینی ضبط ایتدی . -
اوح ، المده بوایشه مناسب بر معلمه وار - دیدی .

بیسلدکلردن « غایت مکمل بر قیز » که معلوماتی
 بهارتنی ، استعدادینی دور و دراز تعداد ایتدی . ایکی
 کون سوکره - بوکیجه لر ، بوکوندوزلر (آرماند) نه
 اوزون کوروندی - بوایشه وساطت ایدن قالفه ای بر خبرله
 کلدی . یالکیز قبل الدخول معلمینی کورمک ایسته دکلرینی
 سویله دی . اووقت (آرماند) همشیره سندن بیتمش اتمش
 اولدیغنی بالضروره اعتراف ایتدی . شیشمان قادین
 بلا تکلف :

— قیزم دیکله ییکز ، سزه آچیقجه سویله یه جکم ،
 بوجهتی آکلارلر سه ایش بوزیلیر . عمله عائله سندن یتیشن
 بر معلمه ده مرتبه کفایه ده حسن تربیه بولمامسندن
 قورقارلر . بوندن ماعدا پدریکز ... حاصلی هر نه ایسه ..
 براقکیز بن ایشی بجریرم . سز برشی سویله مه یکز . -
 دیدی . (آرماند) :

— آمان ، نه ایسترسه کز یاپارز ایسته دیککیز صورتی
 ترتیب ایدیکز . انجق همشیرم شو حاجته نائل اولسون .
 دیه باغیردی . منشأ متذلانی وبو صورته همشیره سنه
 قرابتی سکوت ایله کچشدیرمک (محبوبه) نک نه قدر خوشنه
 کیتدیکنی (آرماند) فرق ایده مه دی . میدانده بر حقیقت
 واردی که روح صافی فهم ایده میوردی . مع مافیه آزیجق

بوخیل فداکارانه دن آریلیدی کوزینه چارپاردی .
 یولنده مانی ، جانی ، وارلغنی وقف و قربان ایلدیکی
 (محبوبه) سیله کندی آراسنده اولامان محسوس ، فقط
 کیتدجه متزاید برسد پیدا اولمشدی . قارداشی آرتق
 کندیسنه محسینلندن بحث ایتیوردی ، چونکه آکلایامیه .
 جغنه حکم ایدیوردی . قرائت ، املا بیلمه یی ، حتی
 قونوشورکن بیله قواعد یا کیشلری یان برشخص ایلبرابر
 یشامقدن متأذی اولیوردی . هیچ فرقه وارمقیزین
 بیوک همشیره سنی بر خدمتچی بر دیکیشچی درکه عاییه سینه
 ایتیوردی . کندی کبی نیم عالم ایلر مجله و مغرور مدعی
 کنج قیزی آریور . خلاصه بو عایه ناک ایچندن بتاسنی
 صیره بیلمک ایچون دارالمعلماته دخوانی صبر سزلقله
 بکلیوردی .

هدف آمانه واصل اولدینی کون (محبوبه) کندینی
 تبریک ایدنلره شویله جواب ویردی :

— اوت استقبال بنمدر ، کیمسه یه منت ایتمکیزین
 کندی امکیله امانه نائل اولق انسان ایچون نه بیوک
 محظوظیتدر ! نه اولدسه سعیم سایه سنده اولدم . دیمک
 حقم واردر .

(آرماند) ده ایچندن (محبوبه) به حق ویرییوردی .

او یله یا بومر تبه نی درایتیله ذکایله قزانمشدی . حواج
 حیانی نی دوشونماسی انجون کندینه برپارچه معاونت
 مایه ده بولندی . شه یوق بوم معاونت ده برشی دیمکی .
 فقط عبادده برقطره ! شمدی بو ارتفاعه چیقاردن صکره
 او یله . او قدر کورونیوردی . معافیله (آرماند) قردا .
 شنی سومن اوح ، جانی کبی سومشدی . محبت بو عالمده
 الک بیوک معاونتدر . بو معاونتی هم شیرمندن هیچ ایرکه
 مامشدی . او یله اما ، دارالعلمات مأذونه لرندن مادمازل
 (فرو) یا خود (محبوبه) ساده قرداشک محبتیله اکتفا
 ایده مزایدی . یکی محبدر ، رفیقده لر حقیقی امثال ،
 کعبنده اقران بولدی . ماضی کجی کیتدی . برنجی دفعه
 اوله رق بو حالدن جزوی براغبار حس ایتدیکی زمان
 (آرماند) بکا :

— (محبوبه) صانیورکه هرشی کتابلردن او کرم نیایر .
 حال بوکه ملاحظه ده اهمیتدن عاری دکلدر . صرف دیکشله
 اوغراشان برقیز ایسه تخمیندن زیاده ملاحظه کار اولور
 بن دائما الک یاپدقلرینه علاقه دار اولدم ، ربط قلب
 ایده بیلدم . اوده برپارچه بنمله مشغول اولمق ایسته سیدی ،
 برپارچه جق مثلاً ساده قونوشمظه اولسون بنی تهذیب
 ایتسه ییدی بو کون آرا مزده کی مسافه ده از اولوردی .

بوجهتی کنديسنه آچدم کولدی : « ارح ! کوچ برایش .
سندہ یاش باش کچدی » دیدی .

حقیقت اوراسی ده اوپله بنده یاش باش کچدی .
دیبه اظهار تأثر ایلدی . بویکانه املندزده افتراقه
دوشدیکي ایچون کریه ناک اولیور :

— (محبوبه) المدن قاجیور . نته کم وقیله سرچه مده
بویله قاجدی . شو قدره برفرق وار . بو افتراق همشیره مک
خیری ایچون وارسون اولسون .

دیوردی . کوندن کونه بوفداکار قیزک صاراروب
صولدیفنی کورنجه برطیبه مراجعتی . صرانه طلب ایتدم .
طیب پک چوق استراحت وفکر آ تام برسکونت توصیه
ایلدی . بکاده آرقه سندن ایشته بر اعصابزده ده ، بویله
برقیزه برچوق اوایشلری ، بر قوجه ، چولوق چوجوق
لازمدر . اوپله اولمازسه بدبخت اولور محو اولوردیدی .
اوت بر اعصابزده اما اگر دنیا ده بویله لری اولماسیدی
نیجه امثال فضائل میدانم کلمزدی ، مجهول قالیدی .
هرنه اولورسه اولسون بوقیز جغز دایما نفسنه غلبه چالیش
دردیله قاتلانمش ایدی . قیصه آنجلغنی بیلیر میور ، عزت
نفسنک یاره لرینه تحمل ایدیور ، هیچ کیمسه یه بونلردن
بحث ایتمه یوردی . محصول عمری اولادی کبی سودیکی

همشیره سنك افتراقندن حس ايتديكى آجيني بر فردده
 دويورمادی. زیارتلریله تعجیز ایتدکیز بنینه داٹما همشیره.
 سنه وقف مساعی ایدیوردی. بوکوم بو محجوب قیز
 معلمه نك مسلککنجه ترقیسی ایچون استرحاملریله تصد.
 یعلریله بیلدکلرینی بزار ایتدی. مشتریلرندن احساب
 نفوذه مناسبتی بولنانلرک باشنی آغریتیوردی. کندی
 ایچون هیچ برشی ایستیه مزکن قرداشی ایچون مزعج
 بر صورتده معجز، حتی -ین حاجتده حیلکار بیله
 اولیوردی. اوه عودت ایدنجه آرتق اوکوتورم والدہ.
 سیله یالکز باشنه قالنجه وقتيله سودننه دن کلن اوضعیف
 اوصاپ صاری کوچیجک (محبوبه) نك تمثالنی آرایور
 تخیل ایتدیریوردی. اوزمان، اوح، بومینی مینی مخلوق
 بسبتون شفقتنه تابعدی. قرداشنک یاصدیغنی بولیور،
 باشنی قوبدیغنی یرلره یوزینی، کوزینی سوریور.
 چوجقلغندن قاله بیکلری اویونجاقلری اوییوردی.
 هر نه قدر سلک معارف طولو ایدیسه ده (محبوبه)
 مسلککنده چابوق ترقی ایتدی. مع مافیہ (آرمانده)
 قالیرسه اوزکایه نسبة بوترقی هیچدی. حمایه، حقسنزاق
 چوقدی. ذکی معلمه بائقه مأمورلرندن بریله ازدواج
 ایتدی. قوجه سنك معاشی کندی نککنندن آزدی. فقط

او ذات برعائله متوسطه دن ایدی . محضاً قازیسنی عمله
صنفتنه منسوبیتدن قوتارمق ایچون بواز دوواجه راضی
اولیوردی !

(محبوبه) هر نه قدر حقوق نسایه و زوج ایله زوج
آراسنده مساوات تامهیه دائر افکار قطعیهیه مالک ایدیسه ده
ینه قوجه سنک فکرینه مغلوب اوایور . فیستانلرینی
دیکدیرمک ایچون بیله آرتق همشیره سنک ایشنی بکنمه مک
باشلا یوردی . (آرماند) خاطرات قدیمه ایله متسلی
اوله رق شوپله سویلیوردی :

— مع مافیه کلینک اثوابی ، سنه لرجه خیالده تموج
ایدن اولباس لطیفی بن دیکدمدی .. بلکه بشقه لری دها
کوزل دیکردی . اوقامت مطلوبهیه نه اولسه یاقیشیر .
حالا خاطر مدددر : اوموزینک یاننده کوچک برقصور
واردی ، بر در او دوزلیوردی . بردنبره اوفکهنندی .
فقط بو اوفکه چابوق کچدی . اوفکهنده حتی یوقییدی ؟
اویله برکونده هر کلین ممکن مرتبه کوزل کورونمک ایسترا !
فقط بن ، اوصوک کونلرده هر شی مکمل اولسون دیه
اوقدر چالشدیغمدن متأثراً بدلاجه سنه اغلادم . دیرکن
بردنبره کندی می طوپلادم . آغلامق نه اولیور ؟ دنیانک
اک مسعودی بن دگی ایدم . هانکی بختیار ، هانکی

ز نكین بویله بر سعادت مظهر اولدی . چونكه بتون عمر مده
اولم ، مر ائم برشیدن عبارت ایدی . ایشه بوئی ده او صبح
ساحه حصولده تجلی ایدیوردی . !

فی الحقیقه بر امله مالک اولمق ، صوکرده او املت
تحقیقی کورمک ضالمک بر مساعده خارق العاده سیدرکه
جهان دکر ، دکه فرده دخی میسر اولماز . بویله بر مظهریت
ایچون نه قدر املک صرف ایدلمش اولورسه اولسون بوشه
کیتمه مشدر . فقط شو حقیقی بو مخلوق بسیطک ادراک
ایتمسی بکا موجب حیرت کوروندی . بوقیز جغزی بر نظر
حرمت و تقدیر ایله سوزدم . جسارت ایتسه یدم قدر
ومزیتی بنجه ، هدف استخفافی اولدینی اوشهادتنامه لی
خاتمردن بالانز اولدینی سویلیه جکدم . او متصل فکرینی
نفسیرده شویله جه دوام ایدیوردی :

— شبهه یوق ، همشیردم آرتق نه والدمی . بده بنی
اولیه آرزوسی وجهله صیق صیق کوره مز . پک چوق
ایشی وار : اولا مکتب ، ثانیاً درلو درلو مشاغل ، بز
بونلری آ کلامایز . چونکه حیاتمز ، اصول معیشتمز
بشقه زمینده در . فقط ای بیلیورم که اوبزی دوشونیور .
کچن کون شویله دییوردی : « آنه مه باقنی سن اوزریکه
آلمایدک از دو اجم اوله مایه جقدی » طبعی . عالمک انظاری

اوزرينه معطوف اولمازسه بر موقعك محافظه سيلاهده مكلف
 دكلسه وظائف عالمه نك ايفاسى انسان ايچون پك قولاي
 اولور . اوح ! (محبوبه) نك حقى وار . نه ذكى ، نه جسور
 قيزدر . كوره جكسكيز قدرى نصل اعلا اوله جق . قور-
 قديغم شى شوكه كنديني پك يورماسون . بن خدمتنده
 معاوتنده بولنه مم ، چونكه آرتق هيچ برايشنه ياراميورم .
 بونكچوندر كه شمدي پك بيكسم ، پك بيكسم !

صباوتنك فرياد صاف مؤلنى تصوير ايدن بو حزين
 كلمه ي تلفظ ايلركن (آرماند) ايكي اليه يوزيني صاقلا-
 يوردى . فقط در حال او ايكنه ضربه لرندن ناصورلشمش
 پارمغنك اوجيله كيرپيكننده كي بر كوز ياشنى سيلدى . تبسم
 دائمى صبورانه سيلاه :

— اما كوه زه لك ايدييورم . عفو ايديكز ، بويلاه
 شيلرده كيمسه نك قباحتى يوقدر ، حيات بويلاه در . ديدى .



[*] کئولپرستی و چاره دفعی

هرسنه اولدینی کبی بوسنده « ترقیات علمیة » جمعیتی
 پازسده بردیزی قونفرانس ویرمکه باشلادی . بوقونفران-
 نسلرک برنجیسی : کئولپرستی و چاره دفعی — ایکنجیسی :
 بیللو غرافی اصولی و تصنیف اعشاری — اوچنجیسی :
 ماداغاسقار و مالاغاش مملکتلرینک جغرافیایچه احوالی ،
 اخلاق و عاداتی — دردنجیسی : (پاستور) و آناری —
 بشنجیسی : روسیه و انکلترونک آسیاده کی یکی حدودی
 — آلتنجیسی : جغرافیایا خریطهلرینی اوقومق فی —
 یدنجیسی : فرانسه نک فصل اخیرنده عملیه عائد قوانین
 — سکزنجیسی : بوهمایا و چهلر .

شو مواد منتخبه علمیة اک مشهور فضلا طرفدن
 موقع بحث و تقریر قونولمغه اولدینی جهتله باخصاصه
 شایان استفاده در . برنجی ماده کچن پنجنسبه آقشامی
 تقریر اولوندی . مباحث بویولده تبعاتیه مشهور
 (آغلاو) ایدی که مکتب حقوقده معلمدر . بیللم

[*] alcoolisme کئولپرستی و alcoolique کئولپرست

دییه ترجمه ایتدم .

قارئین کرامدن تخطر بیور انلر وارمی ؟ بو ذات دأما
(تان) غزته سنده انحصار کئوله دأر مقاله لر نشر
ایدر . سیئۀ کئولک دفعی ایچون بو انحصار اصولی
بولمش و بو اصولی مملکتجه و ممالک سائرجه قبول
ایتدیرمکه وقف عمر ایله مشدر . « هرکس حیاتی برخیره
مصدر ایتلیدر . بنمده یکانه خیرم ، املم بودر . بو اصول
انحصاردر » دیور . اسویچرده روسیه و ارمنجه قدر
کافۀ دیاری طولاشیور . بشریتک آفت کئولدن تخلیصی
ایچون بو چاره نك محاسنی تعداد ای دیور . مضرات عشرتی
صایور ، حاصلی شویله جه عرض مرام ایلیور :

سرخوشلق ایله کئولپرستی بر دکلیدر . برنجیسی
موقتدر . ایکنجیسی دائمیدر . بوندن ماعدا سرخوشلق
ولو سورکمز اولسون ، برنشئۀ ، برکیف ویریر .
کئولپرستی بالعکس دورغونلق ، سردلاک کتیرر . برسر-
خوش وجهاً شاطردر . کولر . اوینار . برکئولپرست
چهره جه عبوسدر . مغمومدر ، مستکرها در . ایشته
باقیکز :

درسخانه نك الکتریق لامبه لری بردنبره قیصلدی .
اورتا یرده کی بیاض لوحیه قارشیدن ینۀ الکتریق
ضیاسیله برر تصویر عکس ایتدیرلدی . برنجی تصویر بر

الای سرخوش کوس-تریوردی . الارنده بیرا قدحی ،
 سیلاری شطارت ایچنده . او قدرکه لوحه‌نک فصاحتیدن
 نشه‌لر ضیا طرزنده نموج ایدیوردی . خلاصه منظره
 کولونج ایدی . ایکنجی تصویر برسوری کئولپرست ارايه
 ایله یوردی . حیرت ! چهره‌لر بوروشمش ، قورقونج بر
 دنک آلمش خنده‌دن اثر یوق . عرصورتده درین برغم ،
 بر دوشونجه منظره مخوف مستکره ایدی . برایکی دقیقه‌دن
 صوکره بو مناظر رفع اولندی . موقع حال اعلی‌سنه
 رجعت ایتدی .

سرخوشاق ایله کئولپرستی آراسنده شو اختلاف
 نه‌دن ایلری کلیور ؟ ۲۸۴۰ تاریخلرینه قدر کئولپرست
 یوق کبی ایدی . بشرینک باشنه اوبلا بوتاریخدن صوکره
 چیقدی . اولاری سرخوشلار ، بدمستلرینه چوقدی .
 فقط کئولپرستلر یوقدی . کئولپرستی درد وده‌ضرته
 بدمستی یی فرسخ فرسخ کپر . مسکرات اعمالی ایچون
 استعمال اولسان کئول اکثریا اوچ درلودر . برنجیسی
 کئول صافیدرکه اییدر . انسانی انجق سرخوش ایدر .
 دیگرلری [۱] کئول مختلطدرکه بری آزچوق ، دیگر

[۱] بوجه‌تجه تفصیلات علمیه‌یه کیرشمکدن احتراز ایدیورم .
 کیمیا تحصیلیه اوغراشان رفقاندن بری دیگر بر مقاله‌ده مسئله‌نک
 بوقسمی توضیح ایده‌جکدر .

کایاً مضردر . زمانمژك ایچکیلرنده کئول صافی همان هیچ
قوللانماز ؛ چونکه مصرفی موجبدر . دیگر ایکی نوع
کئولکده دائماً الازجوزی ، بناءً علیه الهمضری استعمال
ایدیلیر . بوکئوللرک تاثیرندهکی فرق عظیمی کورمک
ایچون شو تجربهیه دقت ایدیکز :

ایکی کوچک حیواننه غالباً اطه طوشاننه کوزیمزك
اوکنده - برینه نوع اولدن ، دیگرینه نوع نانیدن اولمق
اوزره - برر سانتیمتر و مکعبی کئول آیاقدن شیرینغه
صورتیله ایچیرلدی . کئول صافی ایچن حیوانجغزشن
ایدی . قوشیور ، اوینایوردی . اوبر کئولی ایچن ایسه
برضربه قلبه طوتیلهرق یانیور ، یرندن قیمیلدانیوردی .
یالکز اوک آیاقلری پیریل پیریل تتره یوردی . برنجی حیوان
برمدت صوکره آیله جق ، ایکنجیسی اون سکز ساعت
بویله قالا جق . هاضم طعامدر ، موجب اشتها در ، معدو -
یدر دیه ایچیله کلن (روم) لر (ورموت) لر هپ بومضر
کئولدن معمولدرکه معدوی قاووریر ، قابی برباد ایدر .
هله ساحه عشرتی باشند اشاغی اشغال ایدن (آبسنت) ک
درجه مضرتی تعریفه کلز : باقکزشوکوپک نه قدر اوصلی ،
سونجندن اوک آیاقلرینی قالدیریور ، انسانه طوغری
یوریور . بوسه نك طرز ابتدائیسی ده بوبله در . شمدی .

بوساکن حیوانجغزه بر پارچه آسنت ایچیره جکز .
 کوررسکز اوزمان نه حاله کیرر - فی الحقیقه کوپکه بر آز
 آسنت ایچردیلر . برمدت صوکره اويله قودوردی که
 هرکی ایصیرمق ایسته یوردی . وجهنده بر خونریزلاک
 واردی . بالجبوریه آغزینه برزنجیر اوردیلر . اويله ضبط
 ایتدیلر . ایشته هرکئولپرستک حالی بویله در . جانلرک ،
 مجنونلرک نصفی هپ کئولپرستی قربانیدر . دها کچن کون
 عمله دن بری بر میخانه یه کیدر ، ایکی بارداق بیاض شراب
 ایچر اومه کلیر ، تأثیر کئولایله قاریسنی اولدیریر . صوکره
 تکرار میخانه یه دوزر ، بر بارداق دها دیکر . بوسفرخانه
 سنه عودتنده ایکی کوچیجک چوجغنگ ده قانه کیرر .
 زهر ساتانلر جانی صفتیله تعقیب اولونیور . محکوم
 ایدیلور . شو زهر دن دها مهلك ایچکیلرک باعلری
 اوته کیلر دن زیاده مسئول دکلیدر ؟

میخانه لرده حالا کوردیکمز مسکرات هپ بویله در .
 برنجی آی ، ایکنجی آی انسان بیوک بر تبدل حس ایتمز .
 فقط اون سکز آی صوکره حالنده بر خوشنودسزاق ،
 بر اضطراب طویار . بو حالی هوایه عطف ایدر ، خانه یه
 عطف ایدر . تبدیل هوا ، تبدیل مکان فائده یوق .

اودرد کیتدکجه آرتیور ، حیاتی بوسبوتون تلخ ایدیور .
 شو قونیاق شیشه سنه باقیکز معروف بر میخانه دن
 آلندی . فقط محلی بیانمه مک ایچون علامت مخصوصه سی
 بویله جه برکاغده ستر اولندی . ایشته بوقونیاقدن شو
 حیوانجغزه برساتیمترو مکعبی ایچریورز . باقیکز نه حاله
 کیریور : حیوانک اوک آیاقلری فنا حالدته مکه باشلادی .
 قفاسی اوک نه طوغری دوشدی همان موت علائی یوز
 کوستریوردی . افدیله بوقونیایغی اعمال ایدنلر ، صانانلر
 مسئول دکلدر . فقط از قضا شوشیشه نک هانکی دستکلا
 هدن چیقدیغنی آغزمدن قاجیره حق علامتی کوستریورمه جک
 اولسه م مسئول ده جانی ده بن اولورم او حریفلر بنی تعقیبه
 قانوناً حق قازانیرلر زهی عجائب !

ینه بواننده الکتریک ضیاسیله اورناده کی لوحه ده
 اوچ تصویر ابراز اولندی . برنجیسی برساتیمترو مکعبی
 کئول صاف ایچمش براطه طوشانی کوستریوردی که
 حیوان شن شاطر ایدی . ایکنجیسی ، فنا کئول یونمش
 ایکی حیوان ارائه ایله یوردی که بونلرک هرایکیسی ده مزعج
 برحالد ایدی . اوچنجیسی شو اوچ حیوانی برآراده
 عرض ایدیور و آرالرنده کی فرقی میدانه قویوردی .
 فنا برقونیاقدن برحیوانه اوچ ساتیمترو مکعبی ایچیرلدی .

حيوان جان چكيشمكە باشلادی . او قونیاقدن انسان یاریم
 اوقه ایچسە طبقی بویله اولور مش . حال بوکە ای قونیاقدن
 دیگر بر حیوانه آلتی سانتیمترو مکعبی ایچیرلدی . برشی
 اولمادی .

ایشته مرض میدانده . سیئه کئول کوندن کونه
 تزايد ایله یور . خسته خانه لریمزک یاریسی بویولده قربانلرله
 طولو . جنتلر ، جنایتلر هپ بویوزدن طوریه یور .
 جمعیات مدنیه نك سلامتی بوجهتجه تهاککله اوغرایور .
 بوفالغک اوکی آلمق ایچون شمدی یه قدر متعدد چارملرله
 مراجعت ایدلدی . اولاً ، اعتدال ، پرهیز جمعیتلری
 تأسیس اولدی .

آمریقا خانملری تحف بر چاره بولایلر . کوزلجه
 کینمک ، سوسلنمک ، انسانیت نامنه میخانه لریک قپوسنه
 کیدرک بد مستلره قارشو مؤثر حزین شریقلرله عشرتک
 مضراتی ، تهاککلرینی ، جنایتلرینی ، یانیق یانیق تغنی
 ایتمک : بونازک تدبیر هیچ برفائده ویرمدی . اعتدال
 جمعیتلری چوق ایش کورهمدی . برکون بونوع جمعیاتدن
 برینک رئیسنه شو سؤالی صوردم : جمعیتکزده نه قدر
 بدمست وار . بدمستی ؟ هیچ یوق ! - او حالده سیئه
 کئولک اوکنی المق ایچون نه ایش کوردیایر سکز ؟

بعضاً بر طاقم آج سرخوشلر مصنع توبه لرله بودورلو جمعیتلره اشتراك ومع مافیهینه ایشلرنده دوام ایتدیلر . او قدر که شیعانغوده بر تاریخده سائقه کئولپرستی ایله ارتکاب حرم ایدن اتی بیک فردک همان نصفی بویولده جمعیات افراندن ایدی . بعضاًده بویله بر جمعیت بر بدمستی بویله کتیره جک اولسه بو حریف او بولده جمعیتلرک جمله سنه کندن قید ایتدیرر . هربری بو قیدی فتوحات مخصوصه سندن عدایلر .

میدانده صلاح بولش بر سرخوش وار . فقط نه قدر جمعیت وارسه او قدر موفقیت ، طبقی پروتستان و قتولیک میسیونرلری کی . بونلردن برینه - فلان کویده نه قدر اعضا کز وار ؟ - دییه سورسه کز . بالفرض اون ایکی بیک - دیر . دیکرینه ینه او کوی ایچون عین سؤالده بولونسه کز کذا - اون ایکی بیک - جوابی ویرر . برده کویک مقدار نفوسنی کوزدن کچیرسه کز ، اون ایکی بیکدن عبارت بولورسکز . او حالده یکریمی درت بیک کشی نره دن کلیور ؟ سبب شوکه عین فرد هر ایکی قسمده بحسب المفعله داخلدر . حاصلی اعتدال جمعیتلری بویولده بیوک برایش کوره مدیلر . ایکنجی چاره هیچ ایچمه مک . اعلا بر تدبیر مسلمانلر

عشرته ام الخبائث دیورلر . دین اسلام مسکراتی محرمه
تدن عد ایلیور . فقط بو عادت مخلوقات بشریه نك ایلیکرینه
ایشله مش ایچکی بی بسبتون منع ایتک قابل اولامیور ،
هر کسجه محالاتدن عد ایدیلیور .

اوچنجی تدبیر میخانهلرک عد دینی نقلیل ایتک .
بو خصوص اسویچرده ۱۸۷۷ دن ۱۸۸۲ یه قدر موقع
نجر به یه قونلدی . تدقیقات واقعهدن مستبان اولدیغنه
کوره میخانهلر هانکی جهتهه نقلیل اولندیسه کئولپرستی
اوطرفده تراید ایتدی ، سوقاقلر ، اولر میخانه اولدی .
ایشته شوخریطه او یولده کی تدقیقاتک زبده سنی کوستریر .
بالاده بسط اولنان اصول ایله لوحیه ایکی خریطه
رسم اولندی . بری میخانهلرک تقلیلندن اول اسویچرده کی
کئولپرستانک درجه سنی قویو بر رنک ایله کوستریوردی .
ایکنجی خریطه بوقویو رنکک میکده لری آزالدی لان
ناحیه لره طوغری زباده یا یلمغه باشلیدیغنی اراؤه ایدیوردی .
دردنجی واسطه کئول اعمال ایدنلری تحت نفتیشه
بولندیرمق . . مضر کئول یانلری ، صرف ایدنلری
قانونا تعقیب ایتک . . بونظریات بر درلو موقع تطبیقه
قونیلامادی . کئولک صافیسنی غیر صافیسندن تفریق
ایدن مجربلر بالضروره اصحاب صنایعدن انتخاب اولندی .

بونلرك ویردكلى تقريره بناءً مدعى عمومى تحاكمه
 بر درلو لزوم كوره مز اولدى . بعضاً حكام تجربه و تحلیلی
 بر طرفه براقه رق بالذات كندیلری طاقمله حكملری
 یور و تمك ایسته دیلر . بوجهت ده موجب قناعت كورلمه دی .
 تحلیل ایله طاقم اصوللری هپ بردن اولسون دیدیلر .
 میدان بتون بتونه اختلاف چیقدی . مجربلر ایله طادیجیلر
 بر برینه مخالف بیان رأى ایتمه باشلا دیلر .

بوتدایر موجب فائده اولیور ، بحق ثمره ویرمیور
 دییه درد قالسون تهلكه و مضرت كوندن كونه آرتسون
 سفالت اطرافزی صارسونمی ؟ فوج فوج بیچاره عائله لرك
 بویولده هلاك اولوب كیتدیكنی كوردجه دخون اولماق
 ممكنمیدر ؟ یوق مایوس اولماملی ، یكانه تدبیر ، یكانه چاره
 كوزومزك او كنده در . منافع شخصییه بر طرفه باقلى ،
 هله نه قدر عالمانه ، فاضلان اولورسه اولسون تطبیقانه ذره
 قدر یاناشمایان او مظنطن قواعد علم ثروته ده شمدیلک
 مشكوك نظریله باقلى . . انحصار كئولی موقع اجرایه
 قویملی سنه لر دن بری بواصولك فوائدینى ذكر ایتدم
 فكریمه هیچ بر جدی معارض كوره مدم بویوزدن هم
 خزینیه ، هم اهالی یه فوائد عظمایه كوستردم ، اویله ایكن
 طالعمی دیملی . . تصادفی دیملی . . نه دیملی شواصول

نافعه بر درلو قبول اولونمادی کیتدی . روسیه اصراریمی
 فریادیمی آکلادی ، درت ولایتده کئولی تحت انحصاره
 آلدی بوسایهده او ولایتلر سیئات کئولیهدن ایچ یاقه لری
 قورناردیلر . بناء علیه بوعصر یتیمه دن تکمیل ایمپراطورانی
 شو انحصاره تابع بولاجق سکز . . اوح ! . یالکز روسیه
 دکل ، بلکه بتون آوروپا ، آمریقا یکرمنجی عصره
 کیرمه دن انحصار کئولی قبول ایده جکلردر . فوائدی
 هرجهتجه مسلم ، عموماً معترف بر اصول ، برچاره المزده
 وارکن سیئات عشرتک اوکنی آلق ، بیکلرجه ابنسای
 آدمک دردینه دوا اولماق یالکز غفلتدن عبارت قالمیجی
 جهتله بالخاصه شایان عبرت واتباهدر .



حقیقت خیالی چکر

نه تصور ایدرسه کز ایدیکز ، حقائق شئونانده کی
جاذبه یی، درجهٔ بلاغتی، حکمتی بوله مزسکز . حکایه لرده ،
مصاللرده غرائب آریورز ، بر نظر امعان هر غریبه یی
تکونات حقیقیه ده مسطور بولور . خیال ، حقیقتک
بووادیده یالان ، یا کلش بر تقلیدیدر : بیلم قارئین
کرامدن تخطر بیورانلر وارمی ؟ شمدی یدی ، سکز
سنه اولیور ، جزایرده (شامبیز) اسمنده بر فرانسر
کنجی ، شمدوفر مأمورلرندن برینک قاریسیله برسرگذشت
حزین عاشقانه کچیردی ، (شامبیز) بیوک بر مزیت
ادبییه مالک ایدی ، چوق اوقومش ، روحه دائر پک
چوق تدقیقاندن بولنمشیدی . . حتی پدري فلاکتدن
صوکره آغلایه آغلایه : « بنم او غلمده آنجق بر قصور
واردی ، چوق اولیوردی ، کیجه صبا حله قدر
اوقیوردی ، هم ده آثار مهیجه اوقیوردی . » دییوردی .
(شامبیز) ک معاشقه سی چولوق چوق صاحبی عقیف
بر قادین ایدی . فقط کنجک مزیت ولطافت پریشاننه
طایانه مدی ، بر کون جوارده بر صیفیه کتدیله . . اوراده

مشرکاً حیاتہ خاتمہ ویرمک ایستدیلر ، قادین اولدی ،
 ارکاک سادہ مجروح دوشدی . بالاخرہ افاق ت بولدی .
 (شامیز) ک دفتر اعمالی او قونورسہ صیفیہ کیدرکن
 آراہدہ کی حال ، ہلہ موتہ طوغری اومسعودانہ شتاب
 نظر عبرتدہ مبہم بر حکمت فطاریہ تجلی ایتدیریور . بووقعہ
 اوزوندیر ، مغلقدیر . فقط دون پارس محکمہ لرندہ رؤیت
 اولتان بردعوانک دہا بسیطنی ، مع مافیہ دہا سوزنا کنی
 میدانہ قویور .

ہتم (ہازی) اسمنده ، هنوز یکرمیسنہ وارمش
 برکنج ، صنعتی مصور ، دنکی صولوق ، صاچلری سیاه ،
 وضعیتندہ حقیقۃً علام اسف وندامت واردی . یرندن
 قلدانموردی ، سادہ آره صرہ دوداقلری تترہ یور ، بکزی
 بسبتون آتیوردی . شبہ یوق کہ اودقیقۃً مدہشہ ، خیالت
 موتا کوزینک اوکنہ کلیوردی .

کچن مایسندہ - چونکہ بودعوا نوبہار ایلہ ابتدا
 ایدیور - (ہازی) آرقداشلرندن (ووژرار)
 جادہ سندہ اوطوران برکنجی صیق صیق زیارتہ باشلادی .
 حال بوکہ معتادی منزویانہ یشامق ، اوتیہ بری یہ چوق
 کیتامک ایدی . لکن بوزیارتلرک سببی واردی : تام
 قارشیدہ بر بویاجی دکانندہ اونالتی یاشندہ لطیف ، شن ،

شاطر بر قیز جغز کوردی که پک زیاده خوشنه کیدیوردی .
 صورتی ، آکلادی : بوقیز (ژان مون) نامنده ایش ،
 وانه سیله برابر اومغازده اوطوریور ، چالیشیورمش .
 چوق کچمدی ، طرفینجه اوزاقدن اوزاغه بر معارفه
 صمیمیه حائل اولدی . بوجاورت سایه سنده بر برلرینی
 قولایجه کوریورلر ، بالطبع ساعتلرجه متقابلاً تفتیش
 و تماشای مسرتنه قویولیورلردی ، حتی بر کون (هانری)
 مینی مینی معشوقه سنی النده بر قلم ، بر کاغذ معشوفک
 رسمی چیقارمقله مشغول کورمشدی . اوح نه موطلی ..
 هرایکی جهته مصور ، فطرتلر بوصورته ده توأم !
 فقط نصل یا قلاشلی ، نصل کوروشملی .. طالع چوق
 کچمدی ، یار اولدی . کاشکی اولمایدی . بلکه اوحزین
 خاتمه وجوده کلزدی .

(ژان) ک والدیه سی بوصورته ده مملکتته کیتمکد مجبور
 اولدی . دکانی قیزنه براقدی :

« رفیقک (فرومانژ) ده آره صره کله جک سکا
 امنیتم وار ، بن کلنجه یه قدر ، کوریم سنی ، کوزل کوزل
 ایشلره باق قیزم » دیدی . قالدین کیدر کیتمز عاشق
 فرقتزده پنجره دن ایچری آطلادی ، آرتق (ژان) ده
 قلمی ، کاغدی بر طرفه آتدی . چونکه نسخه مجسمه یی .

الده ايندى ، تصويره حاجتمى قاير ؛ بوندن صوكره
 بازار كونلرى عاشقانه تزهلر ، پارسك اطرافنده سودازده
 وارى جولانلر باشلادی . قیز سوق محبت ايله خدعه به
 آليشمشدى . وقتى نه صورتله كچيرديكنه دائر قاپوچى به
 قومشولر ، خلاصه بتون والده سنك بيلدكارينه مرتب ،
 مصنع ماصالار او قويوردى . لکن کيت كیده بازار
 كونلرى كفايت ايتمز اولدى . بيجاره كنج آتش غرام
 ايله يايوردى . آقشاملرى دكان قايناندقن صوكرده
 معشوقه سنك . انشائيلسنك ياننه كلك ايسته يوردى
 — نشانيلسى ديورم . چونكه (هازرى) قابنه ، امل
 وميل قلبه اتباعاً همان ازدواج وعد ايتمشدى — خلاصه
 ايكي عاشق آقشاملرى ده بولوشمغه باشلاديلر . اودمير
 قاپاقلى دكان متهمك تعبيرى وجهله « بر كوشه ارم »
 اولدى كه دون محكمه ده اوقونان شوخاطره سنده مذکوردر :
 « بر غرام بي نهايه بزي يكديكر يمزه ربطايد ييوردى .
 حيات ، بزمچون ، اوغرامدن عبارت ايدى . او بزم
 الفت بر كوشه ارم ايدى . ساعتلرجه بر كله بيله
 سويله ميور ، وجد واستغراق ايچنده كچيري يوردق .
 كوزلر يمي معشوقه لك كوزلرينه ديكيور ، روخنك تفكرات
 خفيه سنى او قويوردم . دوداقلر يمز شوق و آهنك ايله

بربرینه ارتباط ایله یوردی . دم افتراقك كیتدکجه نقر
ایتدیکنی محزون محزون کوریوردی . »

اوت ، قیزك آنه سی قریباً عودت ایدیور ، دم
افتراق یاقلاشیوردی . (ژان) بر قاق کون دها قازانمق
ایچون والد سینه ناچار شو یله یازیوردی : « دكانك
ایشلری پك یولنده کیدیور ، اقامتکی تمید ایده بیلیرسك .
اوزواللی قادین ده اینسانور ، عودتی بر قاق کون دها
تأخیر ایلوردی . بومکتوبی کوندردیکنك ایرتسی کونی
(ژان) معاشقنه تسلیم نفس ایتشدی .

ایکی سـودازده بربرینی قولای قولای کوردکلری
ایچون هیچ مکاتبه ده بولمئورلردی . اوراق موجوده
آر سنده الحق ایکی مکتوب وار .. بری اوغلانك ،
دیگری قیزك .. اوغلانککی :

« روح ، کوزللك کوزلی ، لطیفلك لطیفیسك .
وفا و ذکاو تک حیرانی یم ، افتاده کم جانم ، جنانم ، حیاتم
سنکدر ، آل نه ایسترسهك یاپ .. هرکس کورسون که
بز جهانده ساده بربریمز ایچون یشایورز . »
قیزکی دها شدید ، دها عاشقانه :

« فکر آ پریشانم .. سومك ، سولك بنی خراب
ایدیور . عشقك اولسه بر دقیقه یشامام . مشتاقکم ..
بیکا امداد ایت . »

فقط یوم فلاکت یا قلاشیوردی . قومشولر ، قوجیلر
اولا او بازار کونکی غیوبتلردن شهبهیه دوشدیلر . صوکره
دکانده کی « گوشه ارم » ی کشف ایلدیلر . معنیدار
تبسملر ، استهزالر قیز جغزی دلخون ایتمهک باشلادی که
معشوق وجدانسه خوف و خشیتله : « اوح ، آنهم
ایشی دویه جق . آکلایه جق .. بنی کورمکه هیچ مساعده
ایتمه جک ، بکاده قیزاجق ، لغت ایده جک ، بیلور میسک ،
الی الابد بر بریمزدن آیرلماق ایچون نه یایلی ز ؟ برابرجه
اولملی ز .. » دیوردی . تموزک دردینه طوغری بونیاز
عاشقانه لره او قدر جاذبه و شدت ویردی که اوغلانده
راضی اولدی . برابر اولمک نشوه و نشاطی روحلرینی
تتره تیور ، عقللرینی آلیوردی . بر کون قیره کیتدیلر .
چنلرده ، چایلرده یوارلانیدیلر ، کولیدیلر ، اوینادیلر .
اقشام عودتلرنده (هازی) بر طباخجه صاتون آلدی .
کیجه قبولری قاپادیلر . دکانه کیردیلر . قیز عاشقنه ،
« سلاحکی قیبه ، ناشونقطه یه دایا » دیور ، الیهده
معاونت ایدیوردی . تتره مک ، قورقق زرده ! ..
بالعکس مسعوده ، خنده ناک . اوغلان اوست اوسته
ایکی ال معشوقه سنه صیقدقدن صوکره ایکی الده کندینه
صیقار . ایرتسی صباح قیوجی خلاف معتاد دکالمک

آچلمادیغی کورنجه پولیسه کیدر ، خبر ویرر . قومیسر
کلیر . یاتاق او طه سنده قاریوله اوستنده ایکی وجود
یان یانه قانلر ایچنده سرلمش بولنور . باقارلرکه قیز
اولمش ، اوغلان دها نفس آلیور . اما دریجه مجروح .
ماصه نك اوزرنده ایکی ظرف وار . برندن (ژان) ك
والده سنه مکتوب و وصیتنامه سی ، دیکرندن (هازی) بك
بر مکتوبی چیقار . ایشته قیزك مکتوبی : ۵ تموز
سنه ۱۸۹۵

» آننه !

» اولمه دن اول عفویکی دیلرم . سنی شو حرکتمله
دخون اییدیور واضطرار بکه بادی اولیورم . عفو ایت ،
سودیکم بر کنج ایله بالاخیار حیاطمه خاتمه چکیورم .
بزم ایچون آرتق شو عالمده سعاده امکان یوق .. هرکسك
نظر حنارتی آلتنده یاشامقدن ایسه اولمك اولادر .
هرکون قومشولرک مغیدار تبسملرینه ، استهزالرینه
اوغرامق بنمچون اك بیوک عذابدر . شو عزممه اك زیاده
آنلر سبب اولدی . آننه حکم . سنی مکرر اییدیورم .
قیزیکی عفو ایت .. جهانده سعادتکه چالشق باشلیجه
املمدی .. فقط نه چاره ؟ قدر بویله ایمش .. چوقدن
بری بوخاتمه فکرمده ایدی . آننه ، بن اولیورم ،

هر کس اولومنى نظر حقارتله کورده جکدر . فقط سنى
 بيايرم رحيمسک ، عفويكى بندن دريغ ايمه . کنجا کمندن
 برى نه قباحه ايشلهدم ، سنى نه قدر معذب ايتدمسه
 بونلرکده و بالجه افراد عالمکده عفوينى ديلرم . شو صوکه
 دمدرد . هپ سنى ، اقرىامى دوشونورم ، آننه ، بنجه
 برابر اولن کنجه لغت او قومده . چونکه پک نجيب پک
 صاف بر چو جقدر . شمدى يالکز قالدک . بيوک پدرمک
 ياننه کيت . الله مستمک اولسون ، مکافاتكى ورسون ،
 آننه جکم . الوداع . آننه جکم زمان زمان بوقيز جغزىكى
 ياده کتير .. آه بنچون نه قدر فدا کارلق ايتدک ! نه لر
 ياپدک .. هپ بوشه کيتدى . معاشقه مه داثر سکا تفصيلات
 ويرمکه لزوم يوق .. قومشولر ، اوح ، بومبارک قومشولر
 قولاقلىكى ديدى قوديلرله طولديريرلر . آننه جکم ،
 الوداع ، سندن ، عالمکدن آيرلديغمه اسف ايديوزم .
 حياتک بنجه بشقه هيچ بر لطافتى يوق .. صوکه تفکرم ،
 صوکه تحسرم سکا در . آننه جکم .. »

وصيتنامه ده يکانه مالى : يوزوکلر يله بيله زيکنى بر
 رفيقه سنه ترک ايتديکنى سويليور ، عاشقيه برابر دفنى
 جانندن ، کوکلدن تمى ايدييور ، فقط اوغلان قورتوليور .
 (هازى) نک مکتوبى قورى ، هرايکى سطرده بر بويلاه

(آنه) سوزشلی یوق . ایشته دون محکمه جنایتده
جریان ایدن دعوا بو ایدی . (ژان) ك والدہ سنه
(هازی) نك بر مکتوبی وار استرحام عفو ایدیور .
زوالی قادین قیزینه محبتدن اوغلانی معفو ، معصوم
کورییور .

دعوا وکیلک بلیغ برمدافعه نامه سندن سوکره محکمه
مهمی تبرئه ایتدی . حزین سرگذشت ، نوبهار ایله
یاشلایور . شبنملرله ، قانلرله ، کوزیاشاریله آلوده اولدقدن
صوکره شو فصل سر ماده ختامه ایرییور (هازی)
محبتدن چیقار چیقمار طوغری معشوقه سنك قبرینه
قوشیور . چیچکلر کوتوریور . ساعتله جه اوراده
قالیور ، آغلایور . ایشته هنوز کسب متانت ایتمه مش
فکرلر ، قیلر ایچون سودا بویله زمان زمان زهر ناك
اولیور . شووقه پك صاف ، پك حزین اولمغله برابر
نه قدر کولونجدر . هله بیچاره (ژان) ك شو صو ك مکتوبی
انسانی عادتا آغلایر کن کولدیور . قومشولر ك
استه زاسندن صیقیلهرق حیاته ختامه چکمك چوجقجه سنه
بر ضعف که حسن تداوی کورسه یدی بومهلک صورته
منقلب اولمازدی .



بیبلیو غرافی و تصنیف اعشاری

بیبلیو غرافی ، برکیده اجنبیه دهها ، فن کتب دینیله مزسوده
 اصول کتب می دیلی ، نه دیلی ؟ بعض تحریرلریمز عیناً
 استعمال ایدیورلر ، بعضیلری حسن صورتله ترجمه سنه
 چالیشیورلر . هر نه اولورسه اولسون بر تعبیرکه دائماً
 قوللانمغه مجبورز . علوم ایچون مفتاح تبعاتدر . فیض
 خروشان ایچنده یوزن بو عصرده علم ، وقوف تبعه
 کیتدکجه انحصار ایدیور . هر علمه ، هر فقه دکل هر قسمه ،
 هر بابیه ، هر فصله ، حتی هر نقطه یه دائر هر مملکتده فوج
 فوج مجلدات میدان قونیلیور . بونلرک جمله سنی او قومق ،
 بیلمک محالدر . علم بو آناری تدقیق و تتبع ایتک اصول
 واققدارینی اله ایتک دیمکدرکه بوده درجه سنه کوره آز
 چوق وقوف و قدرته متوققدر .

آثار قدیمه شرقیه یی جهان مدنیتک کتبخانه لرنده
 تحرییه درجه ترقیمز نسبتده مجبور اولدیغمز ایچون
 (بیبلیو غرافی) بزجه بالخاصه شایان اهمیتدر . بر ایکی
 آی اول پارس کتبخالرنده کی کتب اسلامیه یی کوزدن

کچیرمک هوسنه دوشدم . برایکیسنده هیج برشی بوله مادم .
 (کتبخانه ملی) ده زور زورینه شاهنامه کی بعض مؤلفات
 کزیده یه راست کلام .. بوکلفت تتبع شوتدقیقاتی بروقت
 خالی یه ترکه بنی مجبور ایتدی . پارسده طبع اوانان ترجمه
 اثرلری بولق بالخاصه مقصود مخصوصمدی .. اوده
 قولایجه قابل اولموردی . بو عصرک واسطنه دوغری
 بعض فضلاهی مستشرقین طرفدن بر چوق آثار شرقیه
 ایله برابر ترجمه کتابلرده نشر اولمش . بونلری الله
 ایتسهک ، ایچارندن بزجه مجهول اولانلرینی آیرسهق ،
 تعجبم ایلسهک لسانمه ، علممه ، معلوماتمزه ایجه خدمت
 ایتمش اولورز ، السنه شرقیه مکتبی مدیری وانجمن دانش
 اعضاسندن موسیو (شغر) بودورک اک ذی قدرت
 مستشرقیندندر . سنه باشنده کی تبریکاته جواباً غایت
 نوازشمندانه بر لطفنامه ایله برابر ترجمه اوچ کتاب
 کزینده اهدا بیوردیلرکه بونلردن میر علی شیر نوایینک
 منتخبات کلیاتی اوتودن بری آرادینم آثار نفیسه دندر .
 نه حکمتدر ! بر علامه نیک کوچک بیوک بر تلطیفه مظهر
 اولق محبان علمی مستغرق شادمانی ایله یور . بوقیمتدار
 هدیه ده بنده بوتأثری حاصل ایتدی . بوکتابلر ۱۸۴۱
 تاریخلرینه طوغری پارسده طبع اولمش . بزجه ،

با خصوص بنجه ، نادر اتنددر . بوندن ماعدا فاضل مشارالیه
 کتبخانه لرنده کی آثار فارسیه دزده آرزو ایتسدکاری می
 کوندرد جکارخی ینه او کر منامه لرنده وعد بیوریورلر . .
 بوقدر نوازشه قارشی علماً عرض شکرانه مسارعتی فریضه دن
 بیلدم . بومعامله لطیف و روانه مملکتتمز ، لسانمز ، ادبیاتمز
 ایچون بر خیر خواهی فاضلانده دن منبعثدر . مستشرقین
 آرزو ایدیورلر که علمای شرق و غرب متحداً نفائس
 قدیمی ظاهره اخراج ایتسونلر ، بازار رواجه قویسونلر
 تا که اوجوهرلر ضایع اولماسون . . اقدامک بویولده کی
 خدمت وغیرتی بوراجه مهر تقدیر اولدیغنی اولجه عرض
 ایتتمدی . . بالاخره آسیا انجمنک مقرراتی ، مستشرق
 فضل موسیو (باربیه دومینار) ک مکتوبلری بیاناتک
 درجه اصالتی پک کوزل کوستردی .

اخیراً بر امریقالی طرفندن اختراع اولنان تصنیف
 اعشاری اصولی هر طرفجه موقع تطبیقه وضع اولنورسه
 کتبخانه لرنده تفتیشات پک زیاده کسب سهوات ایلر .
 آرتیق اویتمز ، توکنمز فهرسلری آلت اوست ایتمه
 حاجت قالمز . کچن کون « جمعیت علما » ده معلمیندن
 بری بواصولی بر تفصیل کوستردی . آمریقا کتبخانه لرنده
 شمعی بوقاعده مرعی ، قریباً فرانسه ده دخی بویله

اولسی ملحوظدر . الله موجود اصولک بره مفتاحی وار .
او مفتاحه کوره حساب یوریتیلیور :

اولا معلومات عمومیة بشریه اون قسمه تقسیم اولنور .
— بو تقسیمات بر پارچه عندی ، فقط بآس یوق تعمم
ایده بیایر — او حالده المزده معنیدار بر رقم بولنور :

• عمومی

۱ فلسفه

۲ مذهب

۳ علم اجتماعی

۴ (فیلولوژی)

۵ علوم طبیعیہ

۶ علوم تطبیقیہ

۷ صنایع نفیسه

۸ ادبیات

۹ تاریخ ، جغرافیا

بونلرک ایچندن بر قسمی ، بالفرض ادبیاتی آلازمه

بونلرک ایکنجی درجده اون قسمه آیره بیلیرز :

۸۰ ادبیات

۸۱ آمریکا ادبیاتی

۸۲ انکلتزه »

۸۳	آسیا ادبیاتی
۸۴	» فرانسه
۸۵	» ایتالیا
۸۶	» اسپانیا
۸۷	» آلمان
۸۸	» بریتانیا
۸۹	» روسیه

بنا، عایه فرانسه ادبیاتنه عائد بتون اثرلر ۸۴ رقبیله
لله حق .. بونی ده بر درجه دها تقسیم ایدلم :

۸۴۰	فرانسه ادبیاتی
۸۴۱	شعر
۸۴۲	تئاترو
۸۴۳	حکایه
۸۴۴	تنقید
۸۴۵	خطابت
۸۴۶	مکتوب
۸۴۷	شعره
۸۴۸	متنوعه
۸۴۹	پرووانس ادبیاتی

بوصوك قسملرك ده هر بری وقته كوره تكراراً تقسیم

اولمه مایر :

۸۴۲۰ عمومیتله فرانسز تیاتروسی

۸۴۲۱ ۱۴۰۰ تاریخچه قدر

۸۴۲۲ ۱۵ نجی عصر

۸۴۲۳ » » ۱۶

۸۴۲۴ » » ۱۷

۸۴۲۵ » » ۱۸

۸۴۲۶ ایمراطورلق دوری

۸۴۲۷ ۱۸۱۵ دن ۱۸۴۸

۸۴۲۸ ۱۸۴۸ دن ۱۸۹۶

بوصولك تقسیم ، ماده یی بسبتون تعیین وایضاح ایچون
بر درجه ده یوریتیلیر . نهایتده مقصدی مشعر غایت
واضح بررقم الدم ایدیلیر

شوتقسیمانده بتون قسملر متناظر اولدینی ایچون :

۸۴۲ فرانسز تیاتروسی

۸۴۳ المان »

۸۵۲ اسپانیول »

دیمك اولور . کذا ۸۲۱ انگلیز اشعاری ، ۸۳۱ المان

اشعاری دیمکدر . درجه آخری تقسیماتی ده عینيله بویله در .

۸۴۳۵ اون سکزنجی عصرده فرانسه حکایاتی ، ۸۴۳۵

زمانمزد فرانسه حکایاتی ، ۸۵۲۸ زمانمزد ایتالیا

تیا تروسی ، ۸۶۸۷ اون طقوزنجی عصر اواسطنده اسپانیا
لسانده متوعه افهام ایدر وفس علیہ البواقی .. او حالده
انسان بر قاج رقم حافظه سه آیرسه لایعد آثار تصنیف
ایده بیلیر . معلمک کچن اقشام کوستردیکی اصول ایسته
بوندن عبارتدر . کندیسى علم منافع الاعضا مشغیلندن
اولدیفی حالده (بیلیو غرافی) دن بحث ایتیمی بیوک پدرینک
مشهور بر محب کتب اولمسندن ایلری کلیورمش ..

بواصول غایت مدققانه در ، عالمانه در ، فوائد عیدیه
جامعدر . انجق بر شرطه تابعدر . اوده بو تصنیف
اعشاری بی کوسترن کتاب انده اولمیدر .

بو بر قصور دکلدرد . تلغراف بر اختراع بهندرد .
فقط یالکیز بر مملکتده ارلده بشقه مملکتلرده اولسه ،
بر یره منحصر بوانسه نه ایشه یارار . بنا برین بو تصنیف
اعشاری عمومی اولورسه ، تعمم ایدرسه خدمت ایلر .
هم پک مکمل خدمت ایلر . آراتق اوزون اوزادییه فهرسله
حاجت قالماز ، دنیانک هر جهتی ایچون فهرس بر اولور .
انکلیزجه آلمانجه ، چینجه .. اصول تصنیف بردر . چونکه
هانکی لسانده هانکی کتبخانه ده (مونتره آل) ده
(اسکوریال) ده زرده اولورسه اولسون ۸۴۲۳ نومروسی
دائما اون التنجی عصرده فرانسه فاجعه محررینی دیمک

اولور . کذا اوزون اوزادییه تدقیقاته ، تبعاته ، تحریاته ،
 بیسلم نه ، حاجت قالمق سزین بانقرض فلان یاخود فلان
 کتبخانه ده اور التنجی عصرده کی فرانسه تیاتروسنه دائر
 هانکی کتابلر موجوددر ، بالسهوله الده ایدیلیر .

بویا باندن صوکره معلم دیورکه : شو تصنیف اعشاری
 قریباً فرانسه ده بیدور اسم ایده جکدر . چونکه اصول
 اعشارینک موجدی فرانسه دهاسیدر .

بزه کانتجه شو تصنیف حقیقه خارق العاده در . لکن
 آثار شرقیه یکه از اهمیت ویرنش .. الده کی مفتاحی
 تبدیل ایدمیه حکمزدن ، نقصانی ده کندیلکمزدن ا کمال
 ایلیه میز .. شو قدرکه عن قریب بو اصوله دائر انجمنلر
 عقدی ، بوافص و قعنه نک تذکری ملحوظدر . او زمان
 بلکه بوجهتی ده یاده کتیرن اولور . بعض فرانسنر مجموعه -
 لرنده هر مقاله یکه مه اینده برر رقم کورلمکه باشلادی .
 قارئین کرامت او رقمک شو تصنیف اعشاریدن عبارت
 اولدیغی ، مقاله نک هانکی علمه ، هانکی مملکتته ، هانکی
 زمانه ، هانکی بحثه عادتتی اوائه ایلدیکنی تفصیلات
 مبسوطه دن صوکره بالسهوله آکلارلر .



موضوعات العلوم

کوندریان (موضوعات العلوم) نسخہ لری مستشرقین
کرامہ تقدیم اولندی . اولاً نفسہ عائد کوچک بر نقطہ بی
عرض ایدیم . مطبوعات عثمانیہ عالمندہ بویله معناً ،
مادہ بیوک اثرلرک بجایسی فکر مطالعہ بہ بشقہ بر شوق
ویریور . کوچک بر کتاب ، بوکون اوکورسک ، یارین
اوکورسک بیتر . ذہنہ غدا ی کافی اولمز ، حافظہ بی
طوبورماز . بشقہ بر اثرہ کچرسک کہ یکیدن بر مشغلہ
دیمکدر ... حال بوکہ الہ بویله جسیم الجثہ بر نسخہ نفیسہ
آلدمی کونلرجہ حرص مطالعہ کہ پویان اولہ حق وادی
بولورسک ، لفظک کیف مایشاء تمادیسنہ معنائک مزیتی دہ
لذتی دہ یاور اولور ، نشئہ دن نشئہ بہ ، ذوقدن ذوقہ
طولاشیرسک . بونک ایچون آثارجدیدہ حجماً نہ قدر بیوک
اولورسہ ، ہوسکاران تحصیل ونبعہ اودرجہ خوش
کلیر ... حوائج مغنویہ ، احتیاجات مادیہ کبی دکلدر .
بر شکمپرور ، نہ مرتبہ واسع بر معدیہ مالک اولورسہ
اولسون اوچنجی ، دردنجی ، نہایت بشنجی قابدہ مطلق
طیقانیر ، طویار . لکن بر حریص مطالعہ اوچ یوزنجی ،

درد یوزنجی .. بش یوزنجی صحیفه کایده حالا تسکین
 احتیاج ایدم .. قوانین طبیعی بویله در . بونلردن
 استفاده چاره لرینی دوشونمکدن بشقه برشی پیامیز ...
 اقدامی ده ، محرر لرینی ده ، مخبر لرینی ده اوتهدن بری
 قدر شناسانه التفاتلره ، تشویقلره مظهر ایده کلر، آسیا
 انجمنی رئیس مستشرق شهر (باریه ده مینار) حضرتلری
 تقدیمه واقعه یه جواباً باشند باشه غایت ملتفتانه ومشوقانه
 یازلش بر کرمنامه ارسال بیوردیلرکه بعض سطر لرینی
 طوغریدن طوغری یه بحثه تعلق ایتدیکی ایچون بوجه آتی
 عرض ایدیورم :

« (موضوعات العلوم) قدر مهم بر اثرک طبع ونشری
 (اقدام) مدیرینک مزیت قدر آشنایی وکار اگاهیسنه
 جداً موجب مفخرت بردلیلدر . بوکتاب کزین (اقدام) ک
 پی در پی نشر ایتک ایستدیکی آثاره پارلاق بر ابدا
 اولیور . کرک احمد جودته وکرک نجیب عاصمه بالخاصه
 بیان تشکره شتاب ایلر ویوترقیات علمیه پی رفقای
 مستشرقینمک نظره تقدیر وتشویقلرینه عرض ایله اکتساب
 مسعدت ایلیه جگمی بیلدیریرم »

فاضل مشارالیه بوندن صوکره مخبر حقیره ابدال
 توجه بیورهرق آره صره (اقدام) . کوندره کلدیکم

مقالات ایچون لطفاً تقدیر و ستایش شده بولنیورلر ..
 لسانمزه ، ادبیاتمزه بحق توجه کوسترن و خدمت
 ایدن بو افاضل ایله مطبوعات عثمانیه آرمسند ک اول
 معارفه ارتباط پیدا ایدن و هرا یکی طرفک ثمرات اجتهادی
 بر برینه بیلدیرمکه چالیشان (اقدام) اولدینی ایچون
 تقدیرات سالفه بر پارچه جقده مخبر عاجزه راجع اولسه
 بیله بجادر دیمکدن کندی می آله میه جنم .. ضرری یوق ..
 بزه ده بو قدر غرور عطف اولنسون . یا خود رفقا مزدن
 برینک دیدیکی کبی مادام که شعرده فخر و غرور جواز
 واردر عجمده ، عربده ، ترکده کندی نی مدح ایتین شاعر
 یوق .. مادام که ادبامزک اتفاق اخیری ایله شعر موزون
 سوزه منحصر دکلدر او حالده نثر آده فخر و غرور مجاز
 اولمیدر ! ..

(اقدام) ک احیای آثاره دائر خدمات متوالیه سنه
 بر ضمیمه حسنه اولمق اوزره خاطره آتیه نی بالناسبه
 عرض ایلرم . بونوع اثر لره شدت ارتباطی بیلن احبای
 کرامدن بری و قتيله مأموراً (کلس) قصبه سنه کیتمشدی ..
 عودتنده بکا هدیه اوله رق اوچ درت صحیفه یازی کتیردی .
 بویازیلر (روح شروح) نامنده بر اثر نفیسدن نمونه
 ایدی . قارئین کرامدن اشعار قدیمه مزله توغل ایدنلر .

بیایر که شعر ترکی اولاً طشردده فیض بولمشدر . بوفیضك
 ثمره لری حالا بویرلرده تورر ، طوریر .. خلق هان
 شاعرانه کوریشیر .. بقالار ، قصابلر ازبر شعر بیایر ..
 ینه او ذات اکلایوردی : (کلس) ده چارشودن کچرکن
 بر مشتری ایله بر مناو آره سنده یاریم اوقه جوز ایچون
 بر کشمشدر کیدیورمش .. مشتری « یا کلس
 طاریورسك » دیه طاریلیورمش .. قوجه مناو ترازوی
 شدله بر صارصدقن صوکره حریفك بروننه صوقه رق
 غایت موزون ومنتظم بر ادا ایله ، « چشم انصاف کبی
 عاقله میزان اولماز » دیمش ، ایشته هپ بونلر او دیارده
 یتشن شعراک طبعی برکتیدر . غربی شوکه ترکجه نك
 بودرجه فیض بولدیفی مملکتلر اکثریا عربستانه ملاصقدر ،
 حدوددر . دورا خیرده بیله بو طرفلرده او یله کوزل شاعرلر
 یتشمش که بونلردن عینتابلی حصیرجی زاده ، انطاکیه لی
 محی ، کلسلی خاکی تذکرة الشعرا یی تزیین ایده جك
 فضلادندر ...

نه ایسه (روح شروح) دن بحث اییدیوردق .
 بونسخه نفیسه کلسك (عینی) ایله معاصر شعرا سندن
 روحی نك محصول فضل و همتی درکه پند عطارك غایت
 عالمانه ، شاعرانه بر شرح ترکیسیدر . افاده لطیف ،

تحلیل غایت مفید ، هله معنی ، ترجمه مکمل .. بیوک بر
مجله حصوله کتیرن بوکتاب فوقالحد کوزل بریازی ایله
محرر اولدینی حالد کاس علما سندن عبدالنافع افندیله
محفوظ ایش .. بواثر کزین جلب ایدیلهرک (کتبخانه
اقدام) صیرم سنده طبع ونشر اولنسه ادبیات عثمانیه
جدی بر خدمت ایدیش اولور . اسانمک ، باخصوص
شعریمک بالخاصه لفظ جهتمندن محافظه فیض و آهنگی بونوع
محصولات علمیه نک تدقیق و تبعیله اولور . شعره هوسکار
اولانلریمز ایچون لسان فارسی بی اوکرمک و باخصوص
ترکجه نقطه نظرندن اوکرمک الزمدر .. بوکاده خدمت
ایدمجک اثرلر میاننده کرک (پند عطار) ک عظمت
واهمیتی و کرک شرح قدرت و لطافتی حسبیله (روح
شروح) بر موقع بلند اشغال ایلر .. بوندن ماعدا اسلافمک
بویله جهان دکر امکله ، غیرتله حصوله کتیردکلری آثار
عالیه بی طعمه ضیاعدن قورتارمق بزه بیوک بر وظیفه
دکلیدر ؛ بواثرلرک هر بری سعی واجتهاد ایله کذران
ایتمش بر عمر خجسته نک محصولیدر . دوشونملی که بوسعی
خدا پسندانه در ، نه صافدر .. ساعی فکری بی بر وظیفه
نظیفه اوزرینه یوروتیور ، شهرت ، ثروت ، ولوله ، دبده
کی آلایشه قاپلما یور . مکافات مغویه بی کافی کوریور .

بویله فطرت علویه اصحابنه قارشى ایفای منت وشکران
 اخلاقك بورجیدر . . بو بورج ده شو اثرلرک احیاسیله
 ادا اولنور . (روحی) یه دأثر تذاکر شعراده تفصیلات
 بولامادمی . یالکز (عینی) تذکره سنده بر ایکی سوز
 واردی . علمی شعرندن اقوی اولسه کرک . . اوصره لرده
 (کلس) ده بریانغین ، یا بر عربده اولمش ، (روحی) نک
 مال و ملکی یغمایه اوغرامش . بووقعیه دأثر یازدیغی بر
 قصیده نک بعض بیتلری خاطره ناسده ایمش . . زواللی
 شاعر : « آجیام ماله ولی روح شروحم کیتدی . هم یانجه
 ایکی مجموعه شعر وانشا » دییورمش . . حاصلی روح
 شروحمک شو صروده نثری هر نه دنسه قواعد شعر
 وانشایه اهمیت ویرمک ایسته مین ، معنائک حسنی لفظک
 لطافتیه توأم اولدیغی آکلاماق ایسته یین بعض نو هوسلریمزه
 هم بر وسیله ایقاظ ، همده بر سبب فیض اولور . چونکه
 بوعدم تفهم فقدان اقتدار دن متولد اولسه کرکدرکه
 بو نقصارده آجق او یولده آثارک تبعیله اکمال اولور .
 یارس مخابرینک کلسدن بحث ایتمی ، ادبای حقیقیوندن
 شعرای قدیمه مزه کچمی ، (فلور) دن (روحی) یه
 آتلامسی غریب کورونور . فقط اینی بیلملی که ادب ایچون
 علم ایچون حدود ، زمان یوقدر . بوخاصه مبارکه نره ده

اولسه زمينى بولونجه تفيض ايدر . حقيقىونك پارلاق
 بر محسولى بكانه درلو بر نشئه ويريورسه و قتيله (روح
 شروح) ده او انشراحى ويرمى . بلكه بونده اوبرندن
 زياده فيض واردى . چونكه مليت بو آشنائى روح و قلب
 فكره بشقه درلو نفوذ ايدىيوردى . حالا بيله شو خاطره
 ادبيه امثال غريبه سندن زياده هيچانمه شوقه باعث اوليور .
 مع مافيه جديته برارده مزاج قارىشدير مق لازم
 پارسك شوموسمده كى اكلنجهلرندن بخت ايديم . فقط
 او كزیده اشتغالاره بويله بيكلرجه مالا يعنى اكلنجهلر فدا
 اولسون .. ديه بنى مواخذة ايمه مى . كچن بازار كوفى
 پوسته مى خلاف معتاد وقتندن اول يعنى كوندوز آفرانغه
 ساعت اوچده بيمردمدى . بر ايكي ساعت اولده پوسته جى
 (موضوعات العلوم) نسخهلرينى كيتيرمى . هم بونلردن
 ايكي سنى مستشرق فاضله بالذات تقديم ايتك ، هم ده
 بوفرستدن استفاده ايله بر پارچه تنزه ايدر ك بر هفته دن
 برى لزوملى لزومىز هاى وهوى اشتغالدن بر دقيقه
 بيله بوش قلامايان زواللى قفامى ديكلتدير مك امنه
 دوشدم . جز داتمه موضوعاتدن ايكي جلد ير اشديره رك
 (غران بولوار) ديدكلرى مشهور جاده لره طوغرى
 يوله قويولده . تحف ! سوقاقرده لزومندن زياده خاق .

بوندن بشقه هر چهره ده برخنده ، بر بشارت ، هر خطوه ده
 بر طور آوارگی ، ایچلرنده ایش کورمکه کیدن همان یوق .
 قولک آلتنده کی قوجه علامتله بن بر استئنا . بونکچون
 خنده لر عجا بکامیدر ، دییه ایچمه بر مراق بیله کلدی .
 دها عجیبی اوته کنک ، بریکینک ، اک سوسلی افندیلرک
 خانملرک لا علی التعین اوزرلرنده اوفاق اوفاق کاغد
 قیرپنتیلری وارکه عادتا آلا فرانغه بر حالج دکانندن
 چیقمشه بکزه یورلر . بن بویله شاشقین شاشقین کیدر ،
 بو حاله آغز آچار ، طوریرکن یانمدن کچن قادینلردن بری
 صورتمه او کاغد قیریقلرندن بر آووج لهوا ایتمه سونمی ؟
 بوسفر حیرته اوفکده انضمام ایلدی . نه دیمک بوتعرض
 نه دن ایلری کلیور ؟ خلقه مسیخره می اولدق ؟ فقط
 قارشیده باقدم که قادین ارکک هر طرفدن بر برلرینه بویله
 اعلان حرب ایدوب طورییورلر . هر گوشه باشنده ده
 بر صاتیجی قوجاقلرنده سپت سپت « قونفه تی » نامی
 ویردکری بومدور ، ملون ، کوچک ، خفیف کاغد
 قیریقلری ، « (قونفه تی) سی اولیان یوقی . قونفه تی !
 قونفه تی ! اوقه سی بر فرانغه قونفه تی . . قوقولی قونفه تی »
 دییه باغروب طورییورلر . . ایش آکلاشلدی چیچک
 بایرامندن آزما بر بورطی وار دیورلردی . دیمک اوکلش


بن یوزیمه ، کوزیمه بر اون اوقه قونفته تی یدکنن صوکره
 معهود بیوک جاده لره کله ییلم ، فقط وای مبارک وای ،
 انسان دکل ، قارنجه ! ایکنه آتسهک یوه دوشمنر مثله
 حقیقی بر مدلول ... آرابه لر ، تراموای لر ، اومنیوسلر
 هپ معطل .. بر کوراشی ، بر هسای وهو ، بر قهقهه ،
 بر قیامتدر کیدیور . هرکس کولیور . هرکس باغیرییور .
 اما بلاامل بلاسبب ایشته غرابت آنده آوج آوج
 قونفته تیلر یوزدن یوزه ، کوزدن کوزه صچرایور . بعضیلرینک
 آنده کاغددن سوپور کله وارکه قصابلرک سینک قوغدقیری
 معهود نسنیه بکزه یور . فقط کاغدلر قوقولی ، ریکلی ،
 صاپلر سوسلی کوزل .. چهره یه بر آوج قونفته تی کله رک
 اوست ، باش کاغد توزلری ایچنده قالدقندن صوکره
 بوسوپور که حسیبه امداده یتیشیور ، سزی ایجه
 سوپوریور .. بو قدرمی یا دهانه لر ، نه لر : « تاغراف
 کاغدلری کبی ایجه اوزون ، ییلان واری (سرپانتن)
 دیدکلری کاغد دمتلری طویلری وارکه اون آدیم مسافه دن
 پنجره لر دن اولردن ، اوتهدن ، بریدن آتیلدقیری حالده
 کلیور ، اوزریکزه یاییشیور .. سزکله مهاجمکزک اوده سنده
 بر خط تشکیل ایله یور .. آغاچلر ، بنالر ، باشند باشه

بویه رنگ رنگ (سرپانتن) لرله دونامش که هر طرف
 کلین اوطه سنی آندیریور، بوتزینات ده عادتاً بیلدیکمز
 آصقیلره بکزیور: بوفوجافوج خیمک صرف چوجقلردن
 یاخود عادی ناسدن اولدیغنه ذاهب اولمایکمز.. بالعکس
 (قونفەتی) پارەیه متوقف اولدینی ایچون جماعت اکثریتله
 آز چوق زنکینلردن وهله بو بر زخدن کچمک دکه بابا
 یکتیلرک خرجی اولدیغندن کافه قوص قوجه آدملردن،
 قادینلردن مرکبدی. ارککلردن چوغنده معهود بیلدیکمز
 ماسکه لر واردی. بوکشمکش، بوولوله کافی دکل ایمش
 کچی برده (ثورسمین) دیدکلری برقرارناوال آلائی کلدی،
 چاندی که بومضحکه فصل اولورسه اولسون وصفه صیغماز.
 سیار بر بنا کچی آرابه ار.. هربری صنایع اکلیه اصفندن
 برینه مختص.. مثلاً برنجی آرابه قصابلره مخصوص..
 اوستنده تکمیل مزین، مطمئن قصاب علائی، قصاب
 قادینلری، قصاب ارککلری اوکده بر باندو موسیقی..
 آرقه ده قویون قیافتنده اوکوز شکنده انسانلر.. کادرقص
 ایدیورلر.. کاه قوشیورلر.. کاه آغیر آغیر کیدیورلر..
 ایکنجی آرابه اککجیلره منحصر.. بونده ده تحف تحف
 اشکال.. آرابه ده خاطر وخیاله کیزانواع تمسخرات،
 زمان قدیمه کوره ملبوس موزیقه جیلر، پیاده لر. سواریلر..

بورولر .. حاصلی نه تصویره کایرسه هپ موجود ، فقط
 کولونج ، صوك درجه کولونج بر شکله .. منلا اورطه
 یرده کلین آرابهسی یاخود عربیهسی (ثروت فنون مطالعه
 حقه ومصیبه سیله بزی بوسبوتون شاشیرتدی) ایچنده
 نه اولسه بکنیرسکیز . تلانمش ، پوالانمش ... بر اوکوز ،
 سمیز . ملحم بر اوکور .. ذاتاً بتون بودبدبیلر بواوکوزک
 شرفه .. ایشته یورطینک آدی ده بورادن کلیور :
 (ثورسمین) بو عربیه نک آرقه سندن نه درجه بیوک ،
 اوزون ، شیشمان اولمق قابلسه اوپله بر فرانسز قادی ..
 عادنا مناره کبی ... فقط آشبی ، قیوجی صنفندن اولان
 بوقادین . صنعی ، باپما ، چونکه او هیئنده مخلوق بولمق
 محال . یننده طبق کندی نه بکزر ، ینه او طبقه دن بر
 ارکک .. بونلر او مرتبه کوزل مصنوع ، اوپله مکمل
 مرتب ، او قدر کولونج و حقیقی بر صورتده ملبوس که
 انسانی قاتلمق ایچون منظره لری کافیدر . بلکه ایچلرنده
 صاقلی آدم لری تحریکاتیه بر برینه عشوه و اشارت ایتکه
 بشلادقلری کبی خلق خنده دن چالایور ، قیریلیور ...
 حاصلی بومضحکه کورمکه متوقف بر تمسخر ، - هرایکی
 معناسیله - فوق الحد بر مسخره اندی ..

(قونقه تی) نک منشا ای چیچک یوزطیسی ایش

پارسه (نيس) دن كلش .. فقط چيچك هم غير مبذول ،
 هم ده بهالی اولديغي ايچون پارسيلر قازينولرده بربرارينه
 كوچك كوچك شكر دانهلري آتيورلر مش .. بودانهلر
 تهلكه لردن خالي اولماديغي ايچون قازينو چيلردن بري شورنكا
 رنك ، اوفاق ، رايحه دار كاغد پارچه لريجي ايجاد ايتمش كه
 قولاي ، اوجوز اولديغي ايچون كيت كيده بنالرك داخلندن
 خارجه صيچرامش ، سوقاقلره قدر ياپلمش .. (سر پانتن) ..
 يده تلغراف مأمور لرندن بري ملعبه يه قويوش ...
 بويوزدن هرايكي موجد مقتدر كلي پاره قازانمشلر ...
 بو حالي نظر حسدله كورن بر كنجي كتب مطبوعه نك
 كوندن كونه حددن فزون اولمسنه ، صاتلمامسنه بر چاره
 اولمق اوزره بر اصول بولوش ، بو اصول موجبنجه
 كتابلر (قونقه تي) اساسنه بناءً ترتيب اولونيور . سنه
 نهايتنده كتابخانه اصحابي موجودلريجي كوزدن كييريورلر ..
 ايچلرنده سورولميين ، ايشه يارامايان وارسه همان صيقي
 ويريورلر ، قونقه تي اوليور .. بو حالده اوقه ايله صاتيبيور ،
 دها چوق پاره كتيريور . بويورضي ، بوهاي وهوي
 نشئه وطرب اوچ كون امتداد ايتدي . هر جهت ، حتي
 دارالتعليملر بيله قابالي ايدى ..



املا بحثی

لسانمذك هر درلو قواعدی ، صرفی ، نحوی ،
 آهنگی ، ادبیاتی هر یازی یازانمزی دوشوندر بیورسه ده
 باخاصه املا جهتی تعممی حسابیه بو دوشونجهلرك اك
 ایلری کلنیدر . اخیراً (اقدام) ك بو مسئلهیه دائر سرد
 ایتدیكى مطالعاته علاوه بر قاج سوزده بن سوبله مك
 ایسترم . اولاً بیلیركه سوزلرم معلومی اعلام قیبلندندر ،
 بأس یوق ، چونكه بو معلوم دها اعلام اولنمی املامز
 دوزلسون .

اول امرده بحثی اوج فصله تقسیم ایدم . هر فصلی ده
 آیری آیری قسملره آیردق توضیح ایلیم . بونقسیماندن
 ایکی فائده حاصل اولور : هم مقصد قولای اکلاشیلور ،
 همده افکار مسروودهك مقبولی مدخولندن بالسهوله
 تفریق اولنور .

لسانمزده استعمال اولنان کلمات یا عرب وفارسیدن
 مأخوذدر ، یاخود صرف ترکیه در ویا بشقه بر لسان
 اجزیدن آلمه در . بوصوك کلهلر اهمیتدن املاجه عاری

اولدینی ایچون بونلری بوبخنده صرف ترکیه کلهلر میانه
ادخال ایتک کرکدر .

برنجی فصل — عرب وفارسیدن مأخوذ کلهلر ..
املامزك بسبتون بوزلامسنه ، سهولتنه ، سلامتیه خدمت
ایدن ایشته بوکلهلردر . بونلرک املالری برقاعده ، بر
قاموس اوزرینه موضوع اولدینی ایچون قطعاً تحریف
قبول ایتمز . مع مافیه استعمال ادباده هر نه دنسه
بو جهتهجده اختلاف توره دیکی جهتهلر بوکلهلری ده اوچ
قسمه آیرملی بز : ۱ -- تحریفی هیچ بر صاحب قلمجه
نجویز اولنمیان کلمات عربیه وفارسیه .. مثلاً کندینی ..
لسانی بیایر برکاتب تصور ایده یز که (حاضر) یاخود
(حاضر) یازمغه ، (نازیک) ، (آشیفته) کی خطار
قارالامغه قائل اولسون . بونلرک تحریف بحثی قله بیله
النز ، بویولده تجدد کوسترمک ایستینلریزه بحق حویبا
نظیریه باقیایر . چونکه بوکلهلرک هر بری معقول بر اشتقاق ،
بروزن اوزرینه مبنیدر . یاخود عصرلردن بری پایدار
اولمش مفید ، معنیدار بر استعماله مستنددر . بنابرین
بو قسمی مباحثه یه بیله حاجت یوقدر . ذره جه تحریف
جائز دکادر . الا که لسان الدن کیدر . ۲ — عربی
وفارسی اولدقلری حالدیه تحریفلری بعض ادباجه تجویز

اولان کله لردر . مثلاً (کوجک) . (چرکین) و (یقین)
کله لرینی پک چوغمز (کوجوک ، کچوک ، چیرکین ، یاقین)
طرزنده یازیورز . حدنا شناساغه حمل اولنمسون ،
هرکس بویخنده فکر مخصوصنی بیان ایده بیایر . برشاعر
بدیع المأثرمز : (کچوک ملک) یازسده بوتحریف قطعاً
تجویز اولنماملیدر . چونکه اولافانده دن خالیدر . قرائت
جهتجه مشکلات هر ایکی صورتده آز ، چوق باقیدر .
ثانیاً بر کره تحریفه باشلانیدی ، بر استنادگاه یوق یا ،
قاموس فارسی الدن چیقدی ، بری (کوجوک) ، او
بری (کچوک) یارین بری ده چیقار (کچک) یازار ، نه
دینیر ، استنادگاه یوق . ترجه کله لرده امثالنی کوریورز .
ثالثاً عربی و فارسی کله لره هیئت اصلیه لرینی محافظه ایتمک
لسانمزه ادبیاتنه ، آهنگنه ، سلاستنه ، هر شیئه مضردر .
دوشونملی که بز بولسانلردن یالکیز کله آلامشز . قواعد
صرفیه و نحویه آلمشز که بوقاعدلری بردرلو صرف
ترجه کله لره تطبیق ایدمیورز و ایده میزده ! . شمدی بر
عربی و یا فارسی کله نکه هیئت اصلیه سنی تحریف ایتدکی ،
بوقواعد دائره سندن خارجه چیقار اولیورز که بوده نه
بیوک ضرردر . بالخاصه ادبیات ایله ، شعر ایله
اوغراشانلریمز بیایر . مع مافیه بوقسمده مناقشه یه جواز

وارد در ، چونکه بونده او بر قسم کبی قطعیت یوقدر .
 ۳ — . تحریفی جمله مزجه تجویز اولسان کلمات عربیه
 وفارسیه در . مثلاً ققص ، معدمه نواز یرینه قفس ومایدانوز
 کبی بونلر آرتق املای اصلیلرندن بسبتون چیقمشلر ،
 تلفضجه تغیره اوغرامشلر ، بونلره ترجه نظریله باقلی ،
 عربجه لرینی ، فارسیلرینی اونوتملی یز .. مع هذا غلط
 اوله رق (معیب) ، (مبغض) ، (معفو) یرینه (معیوب) ،
 (مبغوض) ، (معاف) فوللانیورزکه بو تحریف جائز
 اولماسه کرکدر . چونکه برخطادن ، برغلصدن عبارتدرکه
 فاحشدر . طبقی (تقویه) معاسنه (تحکیم) کلمه سنی
 استعماله بکزرکه فنا برخطادر .

چونکه (تحکیم) حکم انتخابی دیمکدرکه لسانمزد
 بونک آریجه موقع استعمالی وارد . عبد الرحمن ثریا
 افندی کبی علمای لسان غالباً سفینه البلاغه مقدمه سنده
 (معیب) ی (معیوب) یازیورلر دییه جک اولورسه کز ،
 اوح ! .. عرفان پاشا مکتوبنک نه ایتنه طوغری ده
 « موتالر » جمع الجمعی وار دیر ، کچرم .

ایکنجی فصل — آز ، چوق معقول بر قاعدهیه
 مستند اولدینی کوستریله بیلن ترجه کله لردر . مثلاً
 (کلان) یازمامایدر (کلن) یازمایدر . کذا (قالان)

یازمیلیدر (قالن) یازماملیدیر . چونکه آرتق صرفزده
 بر قاعده وضع اولندی : « مصدر (مک) لی اوله جق
 اولورسه اسم فاعل ماده اصایه نک آخرینه (ن)
 علاوه سیله ، (مق) لی اوله جق اولورسه (ان) علاوه سیله
 تشکیل ایدیلیر » دینیور . بو حالده قاعده (کان) ،
 (قالان) یازمق کرکدر . کذا (ده) اداتی حروف
 متصله دن صوکره کلدیلر وقت اولورسه بیتشملی ، عطف
 اولورسه بیتشاملیدر . مثلاً (انسانده قوه ناطقه واردر ،
 حیواناننددر) یازملیدر . بوندن ماعدا (وجهله) دکل ،
 (وجه ایله) یازملیدر . چونکه قاعده بویله در . نته کیم
 بو قاعده یی (دور ایله جور ایله قدر ایله) کبی امثالنده
 دائماً تطبیق ایدیوروز . ترکیه گله لرک املاسنی بویله قاعده لره
 ربط ایتک بیوک سهولتی ، فائده یی موجبدر . شو اوچ
 قاعده مسروده دن برنجیسی . ایلک اوکجه (لمان عثمانی)
 سندده منتظماً بیان ایدن احمد راسم بک اولدی .
 دیگرلرینی ایسه ناجی افندی مرحوم (مجموعه معلم) ده
 وضع ایلدی . نفسنده تجر به مله سویلرم : اوللری هله
 شو (ده) بحثده نه مشکلاته اوغرا نیردی . حالاده
 ادبامز بومشکلاندن حیقاً میور . شو بسیط فقط لطیف
 قاعده یه رعایتی روا کور میوروز .

بو فصل ده مناقشه و مباحثهیه موضوعدر . بو
 قاعدهلری ایجه وضع ایتلی یز . بونلره رعایت ایتیانلری
 جهل ایله انهامه قدر وارملی یز . بوصورتله قورقلی یز
 قاعدهلری یز ترجه الفاظه قاعده شناسلغه آیشدیر .
 ملی یز . . ناکه بیلله ، بیلمهین تفریق اولسون . خوش
 بوفرقت دایما ظاهر در .

اوچنچی فصل . — معقول بر قاعدهیه ربط اولنه میان ،
 ناچار قواعد عنیدییه بر اقیلان ترجه کلهلردر . ایشته
 مشکلا نك بیوکی بوصفله در . انسان بو کلهلره دوشدکجه
 لسانمه آجیور . هله بو زوالیلر تجدد هوسکاری ،
 فقط سرماییه زو کوردی محررلرک اننه کچنجه بوسبتون ..
 یوق بوسبتون .. یوق .. بوسبتون ... یریشان
 اولیورلر . وقس علیه البواقی .. بوصفله عائد کلهلردن
 بر قاعده آلتیه کیره بیلنلری سیچملی ، الهملی ، اوبر
 فصللره چیقامیانلری عندی بر اساسه ربط ایله قاموس
 آلتیه آملی .. بو خصوصانده بعض جهتله دقت ایتلی ..
 مثلا تصویر افکارده بر قاعده وار : (ط) حرفی حروف
 املا دن اول کلنجه (دال) کی اوقونور ، طوغری ،
 طایی .. کی بوقاعده دن استفاده محسناتی داعی دکلیدر ؟
 سنه لردن بری موضوع بر املائی دکیشدیرمه سهک این

اولم از می ؟ بنجه . خیر ! چونکه (طاش) کلمه سی کی
 بعض استناردن صرف نظر ، اجانب ، حتی اطفال
 بوقاعده می آکلا بنجه یه قدر برباد بر تلفظ آلیورلر ...
 طشره لرده (طوغری) هپ (ط) ایله تلفظ اوانیور که
 بر سوو تکلم دیمکدر ... خلاصه بوفصلده هرکس کی
 بنده ترددده میم . (ط) یی (دال) می تبدیل ایتلی ...
 (اوطه) دن (اوده) یاخود (اودا) کی التباسلر روح
 صیقیور . انسان شاشیریور ، قیزیور . بعضا دوغری ،
 بعضاً طوغری یازیور : اک طوغریسی اک بیوک یالاندر ،
 بول طوغریسنی بنی ایناندر .. دیور .. بوفصلده
 ایستدکلری کی قلم اوسنانلریمزدن هیچ برینی مؤاخذه
 ایده میز ... حالا خاطر مدده در . وقتیه نابی زاده مرحوم
 (خانم قیزلره) دیه کوچک برقرائت کتابی نشر ایتدی ..
 بوکتابده ایلاک اوکجه (بشقه) یی (باشقه) طرزنده
 یازدیغی ایچون ناجی افندی فیزیدی . بوخاطره بنده
 محفوظ ایکن برقچ سنه صوکره اله (سنبله) کچدی ..
 باقدم ، معلمده املا بام باشقه اولمش ..

حال بوکه مرحوم برحیات اواسه ایدی (باشقه)
 ایله اکتفا ایتمز (باشقا) یه قدر کچردی . باخصوص بو
 تبدلاته معقول بر سبب وار . نه ایچون طرز تحریر ،

تلفظه توافق ایتسون . دعا ایده لم که بو حقیقت لسانم زده ،
 ترجه کلامده هنوز بر اصول املا تقرر ایله مهن کشف
 اولندی شمدی یاجغمز ایش بو حقیقتی اصلا نظر دن
 آیرمیه رق والنباس وسائره بی ده ایجه کوزه ده رک کله لریمزی
 تکمیل لایتغیر بوشکه صوقق ، بر قاموس آنته المقدرد .
 بوندن صوکره کیمسه تحریفه جسارت ایده مز . هر کس
 اوشکل معقوله رعایت ایلر . باخصوص الیه بر استنادگاه
 اولور . فقط مسئله مشکلاتدن خالی دکلدرد : نه چاره :
 هر حالده چالیشملی ، شو املا تذذبذنبک الک اول اوکنی
 آلملی یز .. چونکه آرقه ده آهنگ ، وضوح وسائره کبی
 لسان ادبمک تفیض وتکمیلنه خادم بر چوق تدقیقات
 وتفتیشاته احتیاجم زار ...



پارس کتبخانه لرنده مؤلفات ترکیه

معراجنامه

معراجنامه بر اثر کزیندرکه انجمن دانش اعضا سندن
وفضلاى مستشرقیندن (پاوه ده قورتی) ك همته ساحة
مطبوعه مزیناً چیقمشدر : السنة شرقیه مکتبی مدیری
فاضل شهر موسیو (شفر) (انطوان غالو) نك ۱۶۷۲
و ۱۶۷۳ تاریخ لرنده در سعادتده بولوندیغی صرعه ده یازدیغی
بر دفتر خاطراتی کوزجله تحشیه ایدرك اون بش سنه اول
نشر ایله دی. (غالو) بیک برکیجه یی فرانسه زجه یه ترجمه
ایدن ذات معروفدر . دفتر مبحوثك ۲۹ نجی صحیفه سنده
شو سطرلری یازیور :

« پنجشنبه ، ۱۴ کانون ثانی بر اثر صاتون آلام . بدل
اشترا یکرمی بش غروشدر . بو کتاب قدیم کوفی خطیله
بازمشدر . » بونسخه نفیسه فرانسه یه کتیر یایر . (مارکی ده
بوانتل) طرفدن مشهور (قولبر) ه تقدیم اولونور .
(قولبر) ، کتابخانه سنده کی اثار نادره نك قیمتتی بیلمك
سراقنده اولدیغی ایچون مستشرقیندن (په تی ده لاقرووا) نی

بواثره دائر بر مطالعه نامه یازمغه مأمور ایلر . بو ذات
فاضل اوال یازیسنی ایجه تدقیق ایتدکن صوکره قرائتی
کندیسنجه محال اولدیغنی بیان ایدر . یالکز بعض
تفصیلات ایله برابر ملاحظه آتیه یی علاوه ایلر :

« (قولبر) ك كتابخانه سنده موجود و حروف
خارق العاده ایله محرر (لیلۃ المعراج) کتابنك باحث اولدیغنی
آتمش درت لوحه یی کوستن ترکیه خطوطك (لاقرووا)
طرفندن ترجمه سیدر : بو کتاب دین اسلامدن وسیر محمدیه دن
بحث ایلور . بوجهت متنده کی عربجه و ترکیه خطوطدن
وبرده او حروف خارق العاده ایله محرر قسمك اوقونه
بیان پارچه لرندن ا کلاشیلیور . مثلاً قرق دردنجی و قرق
بشنجی لوحه لرده شروط اسلام بیوک حروف ایچنده
ایجه ایجه خط لرله منقوشدر . حرفلر عرب قدیم خطیدر .
قدیمدن مقصد بزم علی العاده دیدیکمز کی بش یوز ،
اتی یوز سنه لك خطوط عربیه دکل ، فقط دیگر قدیم
برخطدر که کوفی نامی ویریلیر . کوفه اها لیسنك عربان
سائرمدن تمیز ایچون قولاندق لری بو خطك برچوق
جهت لری کلدانی حروفه بکزم یورکه بوده اساساً سریانی
حروفی دیمکدر »

ایشته در سعادته یکر می بش عروشه صاتون آلمش

برال یازیزی شمعدی پارس کتبخانه ملیسندہ برجوهر
 کرانہاکی تاقی اولونیور . و قتیلہ فضلائی مستشرقینی
 ایجہ کشمکشہ دوشوردکن سوکرہ حالادہ اوغراشد .
 یریور : موسیو (قورتهی) اثرینک مقدمہ سنده شو
 تفصیلاتی سرد ایتدکن سوکرہ بروجه آتی بسط مطالعہ
 ایله یور :

« بیانات مبسوطہ دن مستبان اولدینی اوزره (دہلا
 قرووا) مسئلہی حل ایدہ مہ مشدی . آرادہ کوچک کوچک
 حروف ایله منقوش و شروط اسلامی مبین برایکی کوفی
 خط ایله متنک علی العموم یازیزی آراسندہ برمشاہت
 بولسی خطادن عبارت ایدی . . »

بولسخہ خارق العادہ بالآخرہ قرالک کتبخانہ سنہ
 ادخال اولونور . فرانسه مستشرقینی ماہیتنی تعریفدن
 عاجز قالدقلری ایچون بعض صحیفہ لک صورتی چیقاریلیر
 و مسئلہ نک حائنه خادم سؤلر ایله توشیح ایدیلہرک درسعادته
 کوندریایر . استنبولده موسیو (باروط) اسمنده بری
 چیقار . بواسطہ برنجی بر جواب اولمق اوزره شو
 سوزلری سویلر : « صورتی ارسال اولونان ال یازیزی
 اوزبک حروفی دکادر . السنہ شرقیہ و وقوف کلی
 صاحبی جعفر افندیلہده استشارہ اولندی . بویازی

آفریقایہ مخصوص بر عرب خطیدر . حاشیہ دہ کی ترکیبہ
 عباراتک بر صورتی کوند رلسہ ایشہ یارار . متندہ ، دائرہ
 شکندہ کی کوچک کوچک حروفہ کلنجہ بونلر برر نوع
 نسخہ درکہ دعالردن عبارتدر . مؤلفک آئیدہ کی تفصیلاتندن
 مستبان اولور ، بوسوزلردہ صرف خیالندن عبارتدر .

بوانالردہ پارس مستشرقیننجہ دہ اثرک تحری ماہیتی
 تعقیب اولونیوردی . (نورمون) لر بر درجہ یہ قدر
 حقیقتہ یاقلاشمشلردی . بوبرنوع تاتار ، مانچورخطیدر
 دیورلردی . بعضیلری دہ بویازی بی ممالک عثمانیہ ایله
 ایران حدودندہ ساکن کردلرہ عطف ایله یورلردی .
 فقط برنجی ظن دها صواب ایدی . مع مافیہ در سعادتجہ
 بوخصوصہ عائد تبعات دوام ایدیوردی . پارسندن
 کوندریلن سؤاللرک جوابلری ارباب وقوفجہ لاینقطع
 تحری ایدیوردی .

بوتحریات بر حسن نتیجہ ویرمہدی . غریب غریب
 ظنیات میدانہ چیقیدی . (غالو) نک بالادہ ذکر ایتدیکمز
 خاطر اتندن مأخوذ مبحث آتی بوکا بر نمونہ در ، بردیلدر :
 « استانبولده برال یازیسنی حل ایدہ بیلہ جک برینی
 بولغہ صوک درجہ جهد اولوندی . برچوق علمادن مانعدا
 جماعات مختلفہ رئیس روحانیلرینہ ، معیتلرندکی اصحاب

وقوفه، ایران سفیر لر یله برابر کان بعض اوز بکاره مراجعت
ایدلدی. هیچ بری بویازی یی اوقومق شویله طور سون،
حتی طانیه مادی. السنه شرقیه مطالعاتندن (میقائیل)
نامنده بری بویازینک حروفنی بیلمک ادعاسنده بولوندی
اما معناسنی بیان ایدمه دی. کتابک صورتنی چیقاردی.
هر حرفک آلتیه اکا تقابل ایدن ترکیجه حرفنی وضع
ایله دی. فقط بو حروفک ترکیبندن او یله بر صورت حصوله
کلدی که هیچ بر معنا افاده ایتیور. بونک ادعاسنه کوره
بواتر غائب اولمش بر لسانده یازلمشدر. ایشته سردایتدیکی
ملاحظه شودر: «هانوز لر زماننده نصیبین جهتلرندن
ابن دیصان نامنده بر ملحد کچر، عربیدن و سریانییدن
مرکب بر لسان تشکیل ایلر. بر مدت صوکره خریستیان
حکمدار لرندن (نافیرام) نامنده بری باقار که بویکی لسانده
یازلمش بر چوق ملحد کتابلری وار. بونلرک احراقنی امر
ایدربو امر اجرا اولنور. او یکی لسانده ضیاعه اوغرار.
اغاب احتمالدر که شواتر بولسان اوزره یازلمش اولسون».
اثرک بر صورتیه میقائیلک بسط ایتدیکی مطالعات الجزیره یه
(نصیبین) یعنی قدیم (نذیب) ه کوندرلدی. او غائب
اولمش لساندن هیچ بقیه قالمشمی، بو حروفک تشکیل

ایتدیکی صوته برمعنی ویرن بولونا مازمی؟ آراندی. حاصلی
 بو غریب ملاحظه اترك تعین ماهیتنه خدمت ایدمه دی.
 اوزمان فرانسه نك در سعادت سفیری (مارکی ده دیلنوو)ك
 معیتده مستشرقیندن مارسیالی (ییسونل) بولونیوردی.
 بو ذات شو بجه دائر (اقس) علماسندن برینه مکتوب
 آتی بی یوللایور:

« سیاحت تدار کانیه مشغولز. قرالک کتبخانه سنده
 بولونان برال یازیسنه دائر خاطره مافوفه بی تقدیم ایله
 اکتفا ایدرم. بو بجه دائر نه یازلمش ایسه طویلادم،
 شمیدین صوکره مطلع اولدقلریمی ده عرض ایلرم.
 شمیدیک، بواثره ابن دیصان خطیه یازلمش دین استانبول
 عالمنك وقوفه، تبعنه نه دیرسکمز، بیان بیورمکزی تمنی
 ایدرم. بویه برلسان طانیور میسکمز؟ بوماحد ابن دیصان
 کیم اولیور؟ کتابلری یاقلدینچی ایچون برلسان نه صورتله
 غائب اولیور؟ هم برانسان ناصل برلسان وضع ایده.
 بیایور. بومطالعات ذهنی تشوشه دوشوریور. ظن
 ایتیم که شو مباحث جمع وتدقیق کلفتنه دکسون. »

ایشته بوقدر تدقیقات نتیجه سنده بویازی بی آکلامق
 ممکن اولمایور. آتیده کوره جکمز وجه ایله اترك فضلا
 اترا که پک ده بیکانه اولمایان برلسانده یازلمش بولونمی

بواسطه اغایت ویریور .


هر نه ایه ، آرادن یوز سنه قدر بویه مناقشات
 ییسود ایله مرور ایله یور . نهایت بو عصرک ابتدالرنده
 حقیقت اولدجه تظاهر ایدیور . ینه موسیو (قورتهی)
 مقدمه ده بوجهتی ده شویله بیلدیریور : « بکا قالیرسه
 (عابله موزا) بو خط غربی قسماً ک اول او قویایلندر .
 حتی کتبخانه ملیده کی علاوه ترکیه محررینک افاده سنه
 باقیلیرسه قسماً ده دکل بوسبتون او قومشدر . شبهه یوق ،
 بوقاضل شهر اک مشکل اموری حسن نتیجه ایصال
 ایتک قدر تنده ایدی . آنجق باقیکز ، تانار السنه سنه دائر
 تحریر و (۱۸۲۰) ده نشر ایتدیکی اثرک ۲۵۲ نجی صحیفه سنده
 نه دیور : « قرالک کتبخانه سنده بیوک بر یازمه کتاب
 موجود در که ظاهر حاله نظراً او یغور حروفیله در . یتش
 ایکی ولینک سیریله معراج محمدیدن باحث بر اثر روحانیدر .
 بویازمه کتاب ده ترجمه ایله فارسی و عربی قارشیدر لمشده
 قرائت کوچلشیدر لشمشدر . بوندن معنی استخراچی
 و بولسانک قواعد صرفیه و نحویه سنک کاملاً نتهی ایچون
 دیگر لغات اترکی ایجه بیلیمک ، یا خود هیچ اولمازسه
 مکمل بر چغتای قاموسنه مالک بولمق لازمدر . بوایه
 غایت مشکل و مساعی و فیرمی موجب اولدینی ایچون

بن بسیط و سریع بر معاینه‌دن استنباط ایده بیلدیکم قواعد
لسانیه ایله اکتفا ایله دم « ینه عین اترك ۲۵۶ نجی
صحیفه‌سنده بویازمه کتابة دائر اوزون اوزادی به تدقیق
وتتبعده بولونامادینی ایچون بیان تأسف ایله یور .

بناء علیه (ره موزا) بعض عبارت‌لردن استنباط
ایده بیلدیکم بر قاج قواعد ایله اکتفا ایتشدی . مستشرقیندن
(ژوبر) ده ایلری کیتدی . برنجی طبعی (۱۸۲۳) ده
ایکنجی طبعی ۱۸۳۳ نشر اولسان قواعد ترکیه‌سنده
بو او یغور یازمه‌سندن اوچ پارچه ذکر ایدیور . بری
معراجدن و دیگر ایکیمی (تذکره اولیا) دندر .

ایکنجی بر مقاله ده (قواعد ترکیه) ده کی بوماخوذاتی
تدقیق ایدرك (قورته ی) ك بوباده کی تنقیداتی کوریرزه .
شمدی بودرجه تتبعات نتیجه‌سنده بر حقیقت تظاهر
ایدیور . اوده ۱۶۷۲ ، ۱۶۷۳ تاریخلرنده در سعادتده
یکرمی بش غروشه صاتون آلنان بویازمه کتاب او یغور
لساننده بر معراج نبوی ایله بر تذکره اولیادن و عربجه
بعض حاشیه‌لردن متشکل ایمش . بوکون کتبخانه ملینک
اك قیمتدار محفوظاتندندرکه (علاوه ترکیه) نامنده کی
فهرسك ۱۹۰ نجی نومرو سنی تشکیل ایدیور . عجبا
در سعادتده نه صورتله کلدی . کتبخانه لریمزده امثالنه تصادف

ایتمک قابل دکلیدر؟ آثار اسلافدن ولو یازمه اولسون ،
 دائما نسخ متعدده بولنبور . بولسخه نفیسه نكده بلکه
 بزده نظیرلری واردر . هرکیم الله ایدرسه استفادۀ کایه
 معنویه دن ماعدا ماده ده قازانیر ، چونکه اصحاب وقوف
 بویله بر کتاب ایچون کلی بر بدل ویرمکه دائما مهیادر .
 شومطالعات و تبعاتمزی یوروتهرک اثرک مؤلفی ، منشائی ،
 متنی ، ماهیتی ایجه آکلادقندن صوکره اوجهتی تحرییه
 باشلامیدر . بوحقائقک تظاهرینه عاقبت تمامیه خدمت
 ایدن مستشرق فاضل موسیو (پاوه ده قورته ی) درکه
 یونکچون بالخاصه بیوک بر چغتای اغتی ده ترتیب ایتمشدر .



مباحث اقتصادیه

علوم اجتماعیه نك بر قسم مهمنى تشكيل ایدن مباحث اقتصادیه حالاً معارف غربیه ده بیوك بر موقع اشغال ایلیور. چونكه ترقیات اجتماعیه نك اك ایلری كلن مستحضر لرندن عد اولونیور. شو ترقی بر جمعیتده حیات اجتماعیه نك بالجمله شعباتی متساویاً احاطه ایدر. بر محور طبیعی او آدماری اخلاقاً، عقلاً، سعادتاً اك قابل الوصول درجهیه ایصال ایتك نتایجی ویریر. بونیجه لر بر پارچه مغق، بونلرك استحصانه مخصوص وسائط ایسه متعدددر. مسئله نك اغلاقنی علوم اجتماعیه هپ بردن حل ایله اوغراشیور. ذکر ایتدیكمز واسطه لری ایسه باخفاصه مباحث اقتصادیه میدان قویور. ایشته اهمیت واقعه بونقطه دن ایلری کلیور. برده (علم ثروت ملل)، (حل العقد) کبی بویولده آثار کزیده وبرچوقده مقالات مفیده نشر اولمش ایسه ده بونشریات نافع نك بر مدت نبری آرقه سی کلامشدر. حال بوکده علوم حاضر نك فصل اقتصادی کوندن کونه تحولات و ترقیات

جدیدیه مظهر اولیور . اولیه بش اون سنه اول دکل ،
 حتی چکن سنه اشر اولنان اثرلر بیله بو سنه ایچون همان
 ناکافی کوریلیور . بناء علیه مباحث علم ثروته مطبوعاتمزمده
 یکیدن بر حقیقه آچق فائدهدن خالی دکلدرد . بونکچونده
 بردنبره بحثک اورتاسنه ، اک کوچ نقطه سنه آتلمقدن
 ایسه اک قولای جهتلرینی اله آلمق ، اوتحصیله بر زمین
 حاضر لامق اولادر . فی الحقیقه المده پارس مکتب حقوقک
 علم ثروت ملل درسلی وار . بونلری پیدرپی موضحاً ،
 مفسراً لسانمزمه نقل ایتیم فنا اولماز . فقط بحثی
 عمومی اشد یرمک ایچون برمدخل آرامق ایجاب ایدر .
 بوده مباحث اقتصادییه دائر بعض فضالای ارباب اختصاص
 طرفندن ویریه کلن عمومی قونفرانسارده بولنور . مثلاً
 اخیراً سابق نافعہ ناظری (ایوکیو) بر جمعیت مخصوصده
 علم ثروتدن (سعی و عمل) بحثی موقع مذاکره یه قویدی .
 اومبحث علمی یی اودرجه ساده ، آچیق بر صورتله افاده
 ایتدی که مسئله ده مبهم ، مغلق بر نقطه کورلمدی . علم ثروتی
 بیلنلرده بیلیمینلرده بحثی آکلادی . بو علم هم تجربیه
 وتدقیق ، همده محاکمه وملاحظه اوزرینه مؤسس علومدن
 اولمغله برابر حیاته ، اقبال حیاته طوغریدن طوغرییه
 تماس ایلدیکی ایچون غایت نافع ونفعی درجه سنده جاذبه لیدر .

شمدی بویولده مباحث عمومیه ایله مدخلی بولدقدن
 صوکره اساسه ترتیب موضوع موجبنجه کیریشمک
 قولای اولور . بوبابده بنمچون اک بیوک مشکلات
 اصطلاحات علمیه نك لسانمزه نقلنده در . اوله بیایرکه
 بونلرک ترجه سنی تمامی تمامنه بوله مام ، یاخود بولورسه مده
 یا کیلیرم . بونوع خطالرک تصحیحنی اصحاب مطالعه نك
 مروتندن بکارم . چونکه بویله هنوز شو صوک عصرده
 بیوک برفیض آلمش بر علم حقیقی به لسانمزه ، ملکمزده
 اساسلی بر موقع برعجرا تدارک ایتمش اولورز .

سعی و عمل [*]

۱

اقتصاد جهد و قوت

سعی و عمل نه در ؟ شمدی سعی و عمل دییه فائده
 قصدیه بر آدمک صرف ایتدیکی امکه یاخود بر ماکنه نك
 حصوله کتیردیکی قوته دییورلر . بوراده (فائده) کله سی
 اک واسع بر معناده یعنی بر معنای اخلاقیده دکل ، فقط

[*] (سعی) ک بو مبحثده تدقیقی صرف اقتصاد نقطه
 نظرندن درکه نقطه نظر ادبیدن و اخلاقیدن کاملاً آیریدر .
 بومحک لسانمزه ادبی قسمی (نمونه ادبیات) ده ، اخلاق
 جهتی ده (علم اخلاق) ده مسطوردر .

برمعنای اقتصادیده قوللانیایور : هر آرزو حوائجنددر ،
 حوائج بشریهك ایفاسنه یارایان هر شی ده فائده در .
 طبیعیدرکه اخلاق نقطه نظرندن مجوهرات استعمالی
 موجب مواخذہ اوله بیایر . فقط بوجهت مبحث
 اقتصادجه مجوهرلری حائز فائده اولمقدن منع ایتمز .
 چونکه بالفرض الماس طامق بر آرزو ، بنابرین بر حاجتدر .
 بوحاجتی ایفایه خدمت ایدن نسنده البته حائز فائده در .
 بر پدر چوق تننه ، سوس قوللانیورسك دییه قیزینه
 داریله بیایر . بز ایسه بو خصوصده انجیق بر شی
 دوشونورز .

سمی وعمل ، حوائجندن برینه نقابل ایتمسنه بناء
 حائز فائده بولنان برنسنهیی استحصال ایتك ایچون بذل
 ایدیلن جهده دینور . هر صاحب صنعتك مقصدی ،
 بشریتك قصد دائمیسی نه در ؟ ممکن اولدینی درجه حسن
 صورته نتیجهیه ایریشمك ایچون بوجهدی تقلیل ایلمك
 دکلیدر ؟ انسان دائماً اك آز امكله چوق ثمره الده ایتك
 چاره لرینی دوشونور . بوکا جهداقل قانونی دیرلرکه روح
 ترکیدر . بشریتك تاریخ اقتصادی نه در ؟ جهداقل قانونی
 تحری فوائد خصوصنده تطبیق ایتك ایچون آز چوق
 بیلهرك بیلیمیهرك استعمال ایتدیکی وساطتی تدقیق ایلمکدر .

انسانك حال بدايتنده قوللانديغي آلت ، ادوات نه ایدی ؟ بر دكنك نه صورتله برمانیوه لا اولدی ؟ چونكه اك آز امكله انه چوق نتیجه نافعہ الله ايتك چاره لری آراندی . مساعی بشریه به بدل ما كنه لرك قوتنه مراجعت اولندی . حالا فرانسه ده التي میلیون بيكير قوتی بخار واره هر بيكير بخار يكرمی بر آدمك قوتنه بدلدر .

او حالده آلتی میلیون بيكير يوز يكرمی آلتی بيك آدمه معادلدر . يوق يوق ، دهها زياده در . زيراما كنه لرده كي سهولت تطيقي ال ايشلرنده بولمق ممكن دكلدر . خلاصه ، بخار اولسون شلاله اولسون ، روزكار اولسون بتون بوقواي محر كك استعمالی بر مقصده مبنيدر : اقتصاد جهد و قوت . سزا صاحب صنايع دنسكز ، تأسيسات صناعيه كزده بالجمله وسائط ممكنه ايله اودرلو آلات و ادوات ارايور . سكز كه اك چوق نتیجه مفیده حصوله كتيرسون ، دكلی ؟ اجزای اصلیه يي اك اوجوز فيئات ايله آلمغه چاليشيور سكز و يالكز اعمال خصوصنده دكل ، اخذ و اعطاده وسائره ده دخی درلو ، درلو چاره لرده مراجعت ايدر ك محصولات كزی ده اك اوجوز فيئات ايله سوره بيلمك جهتی حاضر لايور سكز . زنكین بر مملكت ايله فقير بر مملكتی مقایسه ایدیكز . بر زنكین مملكتده جـدوللر تیمور یوللری طرق نقلیه

بولور که اجزای اصلیه نك سهولتله فابریقه لره ،
 دستکاه لره دخولنه و محصولا نك ده اوجوز و چابوق
 سورولسنه خدمت ایلر . اکر بو مملکت بر مرکز بازار
 تجارت اولور و اجزای اصلیه و امتعه معموله پیاسه لرینک
 ناظمی کسیا برسه رقیلرینه قارشى احراز تفوق ایلر .
 اجزای اصلیه یی اک اوجوز فیأت ایله الده ایدم بیلیر ،
 محصولاتی اک آز مصرف تأدیه سیله سوره بیلیر . اجزای
 اصلیه یی نه قدر اوجوز الده ایدم بیلیر سه کز محصولا تکزی ده
 او قدر اوجوز صاتا بیلیر سه کز . بناءً علیه عمله اجرتی ده
 محصولا نك کلیرندن فضله بر حصه یه او قدر چوق مالک
 اولور . بونقطه یی بالخاصه عمله اجرتنک تزیادینی نظر
 دفته آلکز . شمدی فقیر بر مملکته کلکز ، اجزای
 اصلیه یوق ، یا خود وارسه ده جزئی . بویله یرلرده عمله
 اجرتی ممالک متموله یه نسبةً غایت آذرر . حال بوکه
 محصولات زیاده سیله دها بهالی دوشر .

بناءً علیه شو خصوصه دقت ایتمکزی رجا ایدرم :
 عمله نك درجهً اجرتی ، صنعتنده کی وقوف و معرفتی
 و مزایای اجتهاد و غیرتی و بونکله برابر ماکنه و سائر
 کی وسائط خصوصیه و عمومیه نك تکمیلی سایه سنده
 حصوله کتیردیکی محصولاتک مقدارینه تابعدر .

وسائط عمومیه دیدیکمز تیمور یولاری ، طرق ثقلیه ،
محال مختلفه دن کان مواد ابتدائیه نك بو نقطه ده جمعنه
ومحصولات ومعمولانك كیتدجكه واسع بر ساحه تجارتیه
سوق وعرضه خدمت ایدرلر .

بو نقطه قبول اولندقدن صوکره قولایجا کلاشیلیرکه
هر نه دن منبعث اولورسه اولسون ، مواد ابتدائیه نك
جالبنی ومحصولات ومعمولانك سوقنی ده ا زیاده مشکلاته
دوشورمك نتیجه سنی ویرن صنایعك مصارف عمومیه سنی
بر قات ده ا تزئید ایدن تدابیر رسمیه اخذ واعطانك
تنزلنه و بناء علیه عمله اجر تنك ده تناقصنه سبب اولور .

آمریقایی اوروپا اخیراً بسبتون استیلا ایدن حمایه
اصولی کبی تدابیر بر چوق مضرات اقتصادیه دن ماعدا
بومضرتی ده تولید ایلر .

عمله دن هر بری بالفرض ۱۰۰ قدر محصول وجوده
کثیررکن یارین ، دمنیدن بحث ایتدیکمز عمومی
وخصوصی وسائط صناعیه نك تکملنه بناء بومقدار ۲۰۰
عددینه فیرلاسه صاحب صنعت محصولنك صاتیش فیثاتی
یوزده الی نسبتنده تقیل ایدرک هم مالنك سورومنی
تزئید ایلر ، هم ده سورومك تزئیدی نسبتنده عمله نك
اجرتنی چوغالتیر . زیرا او صنعتکار مثلاً فابریقه جی

معمولاً نك صايش مقدارى زياده لشد يردىكى مرتبه ده
 فيئتى آرائير و بونلر كه هر برنده كى كوچك بر قازانجى
 صايشك ترايديله حصوله كلن بيوك بر قازانجه فدا ايلر .
 شايد صايش الى نهايه چو غالير سه محصولك كتيردىكى
 كرده كيت كيدم اك كوچك بر درجه يي بولور .

ايمدى ، محصولات و معمولانك بو سورومى آنجق
 ايكي صورتله حيز حصوله كله بياير : اول او محصوللر بر
 حاجته نقابل ايتلى و وسائل اشترايه مالك مشتريلر
 بولمليدر . نانياً امثاليله رقابته تحمل ايدم بيلمليدر .

يوق ، بالاده عرض ايتديكمز وجهله حمايه اصولندن
 و سائر دن منبعث تدابير فيلك ترايدينه سببيت و يرهرك
 بر طرفدن مشتريلىر تقايل ديكر جهتدن رقابته
 موفقيتي اشكال ايلر سه صايش سكتيه اوغرار .

ملاحظه — شو بحثك برنجى قسمى بوراده ختامه
 ايردى . حاضر و ن اكر يتله اصحاب صنايعدن اولدينى
 ايچون مباحث متصل مسئله يي بر طرفدن صايشه ، ديكر
 جهتدن اجرت طوقوندير ييور . علم ثروت ملل باشليجه
 درت بيوك مكتبه آيرلدينى كى اقتصاديون ده صنف
 صنفدر . شو مطالعاتى بسط ايدن (ايوكويو) ايسه همان
 باشلى باشنه بر مسلك وضع ايدم جك صورته حركت

ایډیور . اخیراً کشاد اولنان علوم اجتماعیه مکتبده کی
تدریسات اقتصادیه سنه باقپلیرسه بویولده شمدی یه قدر
اجرا قلنان تدابیرک کوزل بر تنقیدی کوریلیر .

شئونات یومیۀ اجتماعیه یی بر نظر اقتصاد ایله کورمک
ایسته یین رفقا (ایوکویو) نك (عصر) غزته سنی مطالعه
بیورسونلر . پارسده نشر اولنیور .

شو بحث علم ثروت مللده بر تفصیل مذکوردر .
علمانک بوبابده اوزون اوزادی یه مناقشات ی وار . صیره سی
کلنجه بونلری ذکر ایدر ، شمذیلک شو بر نبذه ایله
اکتفا ایلرز .



پارس کتبخانه لرنده مؤلفات ترکیه

۲

معراجنامه ، تذکره اولیا

بوندن اولکی مقاله مده معراجنامه و تذکره اولیانک صورت کشف و اخراجنی تفصیلاتیه کوستره رک مستشرقیندن (ژوبر) ک ۱۸۲۳ - ۱۸۳۳ تاریخ لرنده نشر ایلدیکی قواعد ترکیه کتابنده بری معراجنامه دن ، دیگر ایکسی تذکره اولیادن اولق اوزره اوچ پارچه مثال کتیردیکنی سویله دمدی . (پاوه ده قورته ی) بومثال لری برر برر نظر تنقیددن کچیره رک برنجیده پک چوق یا کلیشلر بولدقن صوکره تذکره دن النان پارچه لری خطوط عربیه ایله عیناً کتابنه درج ایله یور . قواعد ترکیه مؤلفنک ایجه اوقویه مادیغی او یغور کله لرینی ده قوس ایچنده کوستریور . تذکره اولیانک محتویانه دائر کوزل بر فکر ویردکن ماعدا او یغور لسانی ده شیوه سیله ، اداسیله ارانه ایله دیکی ایچون بواکی پارچه ک بروجه آتی حرفی حرفنه نقلی مناسب کورلدی :

۱. — (امدی) ییز بوکتاب نی مختصر قیلدق .
 اینک (اینک) اوچون کیم سوزنی مختصر قیلماق لاق سنت .
 ینه بوکتاب نی مصنف بیرنجه (ناچا) صواب (سبب) لر
 اوچون جمع قیلدی . اول صواب (سبب) اول کیم بیرنجه (ناچا)
 یاران لردر خواست قیلور اردی کیم بیزغه (کا) مشایخ لر
 سوزی دن (دین) بیر کتاب کرک طاپ ینه ایکنجی صواب
 (سبب) اول کیم بوکتاب یادکار قیلسون (قالسون) دخی
 اوتیغان کیشی لر بیزنی القیش بیله یادقیله شاید کیم بر مؤمن
 قول ینک (نینک) دعاسی غه او جرقای ییز تکرری (تانکری)
 تعالی انلرینک (الارینک) دعاسی ویر کونی (برکاتی) دن
 (دین) بیزغه (کا) رحمت قیلوب (قیلیب) یاسق لریمز
 (یازدق لریمز) نی عفو قیل غه (قیلغای) . .
 (ژوبر) لسان عثمانی یه او یغور لسانندن زیاده
 آشنا اولدینی ایچون (نیجه) یی (ناچا) و (تکرری) یی
 (تانکری) یرینه وضع ایدرک اساسدن آیرلمشدر . بعض
 غریب لغتلی حاوی اولمقله برابر شوافاده بزه ترکسیلرک
 ویسیلرک افاده لرندن باخصوص شفیقنامه لردن دهآ آشنا
 کله بورمی ؟ دهآ مونس ، هله بیک کره دهآ قولای
 کورونمورمی ؟ بوبابده اطلاع کلیسی مستشرقلردن پک
 چوغنک نظر تقدیرخی جلب ایدن نجیب عاصم بک افندی

بودرلو آثار قدیمه کزیده دن بزه بر مجموعه منتخبات اهدا
ایتهه لسانمزه ، ادبیاتمزه جدا خدمت ایلامش اولور .
ایکنجه تذکره نیک ماهیتنی ده اوزون شرح ایله یور :

۲ . — بوکتابنیک (نیک) سوزلری (نی) جمع
قیلوب (قلیب) اینک (اینک) بیله عمل قیلمق واجب لردن
(دین) دورورینه دنیاده بوکتابدن (دین) یخشیرق
کتاب بولونماز (بولماقای) اینک (اینک) اوچون
بوکتاب سوزلری قرآن سوزلرندن (دین) معنی ویرر
(برور) ینه بوکتاب سوزلری نامردلری (نی) مرد
قیلور مرضلرینی شفا مرض (مردلرینی شیوه مرد) قیلور
ینه شفا مرضلری (شیوه مردلرینی) عالمده فرض (فرد)
قیلور فرضلری (فردلرینی) حق یولنده عانی (عین)
درد قیلور ینه هرکیم بوکتاب سوزلرینی بیامدی اکاکوره
(ارسه) یوز عزت (اوز عشقی) بیله دردی (دردنی)
قبول قیلسه تکرری (نانکری) تعالی نیک (نیک) عنایتی
بیله درمان طاپرینه بوارانلری دردی (دردنی) قبول
قیلان (قیلمان) اوردن (اوچون) درمان طاپوپ
(طایپ) اولیا مرتبهغه (سی کا) بیرلر (تیتی لر) .
قواعد ترکیه مؤافی شوسطرلری یا کلش ترجمه

ایدیور ، بویا کلیش ترجمه نك لسانمزه حرفیاً ترجمه سی
شودر :

« بوکتابك شامل اولدینی سوزلردن جمع اولنانلره
نظراً بونلره تطبیق حرکت بر لازمه مهمه در . دنیاده
بوندن اعلا اثر موجود دکلدر . چونکه معانی الفاظ
قرآنییه بسط ایله یور . بواثر جاهل آدملی فضیلتمند
قیلار ، خسته لری شفایات ایدر و بو عالمده شفایاب اولمق
مجبوریتنی کندیلرینه کوسـتر ، بونلره طریق حقیقتده کی
وظیفه لرینی ده اراهه ایلر . بوکتابك معناسی اکلایان
مزاحمنی متدارانه قبول قیلار و قبول ایلدجه عون الهی
ایله دوالرینی بولور و بوتوکلک تأثیر قویسیله مرتبه اولیانی
احراز ایدر . »

کوریل یور که مترجم پك چوق نقطه لرده اساسدن
آریلیور ، بعض احباب ترجمه مزك اختیار ایتدیکی وجه
ایله سربست ، پك سربست قلم اوپاتیور . لکن دوشونملی که
بوزانك اولسانله هیچ مناسبتی یوقدر ، محضاً جهدی ،
عرفانی ، غیرتی سایه سنده وسائطك فقدان کلیمه رغماً
او بهره یی اکتساب ایتشد . برده (قورته ی) ك ترجمه سینه
باقسه کنز ترجمه نك مکملیتنه ، وقوفك شودرجه سینه حقیقه
حیران اولورسکنز . چونکه مستشرق شهر او یغور لسانی

بزدن بیک قات ای بیلور . بو ترجمه‌ی ذکره محل یوقدر
چونکه اصلک عینیدر .

انکلتره مستشرقیندن (لوملی داوید) ک لوندرده
۱۸۳۲ ده انکلیرجه‌سی ۱۸۳۶ ده فرانسیزجه‌یه ترجمه‌سی
نشر اولنان قواعد ترکیه کتابنده بالاده ذکر اولنان ایکی
پارچه مثال صورتنده مندرج ایسه‌ده بونلر عیناً (ژوبر) ک
اثرندن مأخوذدر . اسلافک بوال یازیسه خدمتی یوقدردر .
بوندن ایلرینسی موسیو (پاوده قورتدی) اکمل ایدرک
نسخه‌نک ماهیتنی کافه تفرعانیله بزه شرح ایدیور . بوندن
ماعداً معراجنامه‌ی ده فرانسیزجه ترجمه سیله برابر عیناً
نشر ایله یور . آتیده کی بیانات بو کتابک مقدمه‌سندن
مستخرجدر :

« هر نه قدر بوتجارب کشفیه ناقص ایسه‌ده بنمچون
ینه فائده‌دن خالی اولمادی . بنده بووادیده متقدمیندن
ایلری کیتمک ایسته‌دم وحقی کیتدم ، مع مافیه مسئله‌ی
ایلك اول حله باشلامق فصلیتی انلرکدر . بوندن ماعداً
موسیو (هومان) تذکره اولیادن مجهول برال ایله کشف
وتجربه اولنش بر قاج پارچه دهالطف ایتدی که بونلر ده
چوق ایشه یاراری . بوایغورال یازمه‌سی شمدی
حقیقه بر جوهر کرانه‌دار . اوایغورال یازیلی غایه‌الغایه

نادر در . ظن ایتیم که اوروپا کتبخانه لرنده بونلرک عددی
 بشه ، آلتی به بالغ اولایلسون . ویانه کتبخانه سنده
 (کوتاکوبیلک) نامیله بر نسخه وار ، بونسخه نك بعض
 پارچه لری موسیو وامبری طرفدن نشر اولوندی .
 لسان و غرابت محتویات نقطه نظرندن ویانه نکی اک نافع
 ایسه حظ و ترتیبات جهتنجده پارسکی اک مهمدر .
 قابده کی یپراقلرک برنده شو سطرلری اوقوتیور : « بو
 ترکستال ال یازیسی همه حال ۲۴۸ سندهن زیاده قدیمدر .
 $\frac{۱۶۸۴}{۲۴۸}$ تشرین ثانی ۲۵ . حالا بیلمیورم ، بوسطرلرک محرری
 $\frac{۱۶۸۴}{۱۶۳۶}$ شو معلوماتی نره دن آلدی . فقط حقیقت تمامیله بویله در .
 ده ها غربی شوکه بز خطک حروفنی اکلایمق ایچون
 چالیشدیغمز اثنالرده بو کتابک ماهیتی او محررجه معلوم
 ایمش . اوسطرلری متعاقب شومغنیدار کلمه لرده آندندر :
 « امدی تذکره بیتلکان مشایخ اولیالارنینک حکایات
 سوزلاری توکاتیلدی تاریخ ساکیز یوز قیرق تات ییل
 جمادی الاخرای نینک اونى داهر ودا هر ومالک باختی
 بیتیتیم » حال بوکه هجرتک ۸۴۰ نجی سنه سی میلادک
 ۱۴۳۶ - ۱۴۳۷ سنه سنه توافق ایدیور . دیمک شام
 رخک دورنده ، وفاتندن اون سنه اول ، یعنی خراسان
 تاریخنک اک پارلاق فصللرندن برنده بو کتاب یازلمشدر .

« بو مجلدی قیمت ایکی یوز اتمش درت بیوک یاپراقدن
 متشکلدرد . مباحث مختلفه فی جامعدر . بوناردن بر قسمی
 ۶۹ نجی یایراغه قدر دوام ایدن معراج نبوی به عائددر .
 عرب اصولی اوزره بر چوق نقوش مزینه آراسنده
 نفیس بر او یغور خطیله بعض یازیلر او قونیور »

بونلرله برابر کوچك خطوطدن مرکب بر طاقم
 نقشلر وار که جداً نفاست صنعتدن بر نموندهدر . بون نقشلرک
 اورتاسنده نسخ یازیسیله ترکیه تعریفات کوریلور .
 بعضاً نیم نسخ نیم تعلیق بر خط ایله آیری بر کاغده
 بولونیور . بوندن ماعدا غایت کوزل بر نسخ یازیسیله
 عربجه برده حاشیه واردر که بونک اوزرنده شکسته
 دیزیلان اصول خط ایله بعض فقرات فارسیه یازیلیدر .
 « مقدمه مختصره ده کی بیانندن مستبان اولدینی اوزره


معراج عربجه دن مترجمدر . »

ایشته معراجنامه نك صورت کشف و اخراجنه دائر
 تفصیلات بوندن عبارتدر . اوچنجی بر مقاله ده بوال
 یازیسنك ایکنجی قسمی تشکیل ایدن تذکره اولیادن
 بحث ایدرز . نهایت بو کتابده معراجنامه دن ، تذکره
 اولیادن باشقه نملر واردر ، انلری ، برده مترجم شهبرك
 معراج شریف ایله ترجمه سینه علاوه ایتدیکی بعض آثار

ترکیه‌یی کوریورز ، بونلر دن بر فائده نظریه و عملیه استخراجنه چالیشرز . او یغور لسانیه لسانمز آراسنده مناسبت کلیه اولدیغی ایچون آزیجق دقت ایدنجه بولسانی آکلاویه بیایرز . مثلاً (بیلک) علم دیمک اولدیغنی البته بر ترک بیله بیایر . (ده) یرینه (دا) استعمالی کبی خصوصات تفرعات قیلندندر . بوندن اولکی مقاله ره و قتیه فرانسلر درسعات فضلاسنه مراجعت ایدرک بویازما کتانی او قوتمق ایسته دکاری زمان « باده بعض عادی ترجمانلره قایللمشلردر . حقیقه علمای اتراکه صورمامشلردر . » دیدمدی . بوقولم صحت بولیور . چونکه بالاده کوردک ، ینه او نارینخلرده کتابک قابنه ترجمه بر ایکی سطر یازی یازلمش ، بویازی نردن کلدی ، ییلنمیور ! هیچ شبهه یوق که اثر یداجانبه کچمه دن اول بر ترک قلمندن چیقمشدر . دیمک او انزالده بو خطی کشف ایدن اولمشدر . (غالو) و آرقاداشلری درسعاتده محل مراجعتی ، ارباب وقوفی بولا بیلسیدیلر مشکلی چابوق حل ایدرلردی .

(قورته‌ی) ک سوزلرندن برجهت نظر دقتمی جلب ایتدی . او یغور لسانی ایله یازلمش آنجق بش آلتی کتاب واردر . بونرک ده اک کوزلی ، اک مکملی ویانه ده کیله

بو پارسده کی در دینایور . عجیبا حقیقت بویه میدر ؟
 کتبخانه لریمزده نیجه آثار نادره قدیمه بولونمسی ملحوظدر ،
 بومیانده بر ایکی اویغور اثرینه تصادف اولونمازمی ؟
 تصادف اولونورسه نه بیوک نعمت ، باخصوص او کتبخانه جه
 نه ثروت ! چونکه مستشرقین شوبحث ایتدیگمز ارك
 بهای عال العالی تقدیر ایدهمیورلر . قارئین کرامتزدن
 بویولده یازیلر مالک اولانلر وارسه همان اصحاب وقوفه
 مراجعت ایتلیدرلر . بویه یامازلرسه بلکه الارنده بر
 خزینه واردر ، بیلمزلر . اویغور خطی بریازی که غایت
 غریب ! یازیلریمزه هیچ بکزه میور . لسان عبرانی بی پک
 آز آندیریور . قابل اولسه ایدی بر نمونه سنی شوراجقده
 عرض ایدردک . حاصلی بزده (قولبر) کی کتبخانه -
 لریمزده کی آثار نادره نک قیمت واهمیتی بیلیمک مراقده
 اولمیزی . یوقسه ایشه بویه مستشرقینجه بر خزینه
 مثابه سنده وپارس کتبخانه لرینه بر مدار فخر و تمیز عد
 اولنان بر اثر نفیسی بکرمی بش غروشه ، الدن چیقاررز
 وقاچیررز .



لئون ساي

(لئون ساي) دون صباح وفات ايلدي . كچيلرده
برقاچ مشاهير ترك حيات ايتدي . مثلاً سياسيوندن
(فلوكه) ، ابدادن (آرسن هوسه ي) وساؤه .. بعض
جبهه لر واردركه نظره اولاده قلمه خوش كلير ، منجذب
كورونير .

حتي بوجهت فطرتدن نشانه ورن آثار قلميه ،
افكار واعمال ذاتيه قدر شاملدر . (فلوكه) اقوال
وافعاليله غيابة خوشمه كيدردي . بالاخره صورت بلند
مردانه سيله وجاهاده بني جذب ايلدي : قفاده كي وضع
مرتفع ، نظرده كي تأثير سريع ، لسانده كي وسعت وقدرت
آري آري بررخاصه منجذب ايددي . (آرسن هوسه ي) ده
لذتله او قونور براديب ايددي . مرقنده (زولا ، قلارتي ،
روژون) برر نطق ايراد ايلديلردي . ادباي طبيعونك
رئيس شهيري تقريباً بر ساعت كوزمك او كنده بولندي .
اوطوپ چهره ، طوپ صقال ، دها غربي اومحجوبانه
اطوار بني ايجه دوشونديرديددي . (روغون ماقار) ديزيسي

(نانا) لریله ، (ژرمینال) لریله ، (دو قورتور پاسقال) لریله ، فکر مدن بر بر کچدی . سیرتده کی شدتله صورتده کی سکونت بیوک بر تضاد تشکیل ایدیوردی .

حاصلی شو و مناظر ادبیهده (اقدام) . نقله شایان جهتله یوق کبی ایدی ، یاخود وارسهده یک آزدی . بلکه او قویانلرجه موجب کلال اولوردی . فقط (لئون سای) بکا او یله کورونمور ، بوذاتده نظر تدقیق و تفیشمی جلب ایدن قدرت سیاسیة ، شهرت و ثروت دکل ، انجق مزیت علمییه در . (لئون سای) اباعن جد اقتصاد یوندندر . بیوک پدری (ژان بانست سای) ، معلوم ، علم ثروت مملک ارکان عظماسندندر . پدری (هوراس سای) ینه بر مقتصد مشهوردر . کندی ایسه « الولد سراپیه » حکمتنه پارلاق بر نمونه در . لئون سایک حیاتی ماده و معنی علم اقتصادک بر محصول کزینیدر . محضا بوقوة علمییه نک فیض و برکتیله بیوک بر تجارتیه ، بر ثروته مالک اولمش . متعدد شکر فابریقه لرینه صاحب ایمش . هیچ خاطر مدن چیقماز ، بر کون بر فرانسهز قادی نیله اون طقوز یکرمی یاشنده کی اوغلی آراسنده بر مناقشه جریان ایتدی . قادین اورتا حالده بر طول ، یکانه اوغلنک تحصیلندن ، تفیضندن علمندن بشقه امل بسله میور . چوجق طرق و معابر مکتبیه

دوام ایدیور . اولدجه ذکی ، باخصوص چالیشان ،
 کوزل کوزل امتحانلر ویریور . فقط دقت ونوازش
 مادرانه ایچنده مسعود ، مرفه بیودیکی ایچون برپارچه
 سیماریق ، برپارچه حریص ، مشهور کزیور . برکون
 والدهسی :

« بنم امل ، اکمال تحصیل ایتدکن صوکره اوغلمی
 (لئون سای) ک شکر فابریقه لرینه مهندس اوله رق
 یرلشدرمکدر . الی لیرایی متجاوز معاش فابریقه ده اعلا
 بر اقامتگاه ، باخصوص ریاستی احراز ایدرسه بیوک بر
 موقع .. دیدی . طبیعی بوسوزلر اوکنجک خوشنه
 کیتمدی . اوزون اوزادی به اعتراضاتی موجب اولدی
 اما بنجه شایان دقت فابریقه ده کی وسعت ، (لئون سای) ده کی
 ثروت ایدی . شبهه یوق که او مقتصد مقتدری بو مرتبه
 بلند مادی به ایصال ایدن قوانین اقتصادیه نک تطبیقیدر .
 بوفیوضاتک ده ا جلی ، ده ا علوی بر اثرینی (لئون سای)
 ۱۸۷۰ محاربه سندن صوکره پارس شهر امینی ، بالاخره
 دفعات ایله فرانسه مالیه ناظری اولدینی زمان کوسترمش .
 اووقت کerk پارس شهری کerk فرانسه دولتی نه بیوک
 خساراته اوغرامش ، نه فنا مضایقه به طوتولمشدی جمله جه
 معلومدر . حال بوکه آز برمدت ایچنده تلافی مافات ایله

مضایقه نك او كنی آلمغه ، تعضیمینات حربیه نی كاملاً
تسویه ایتمكه حكومت موفق اولدی .

ایشته فرانسه نك باشلیجه برر كنی ، مالیه ناظری
(لؤن سائی) ایدی . بتون او موفقیات مالیه صرف
اندن ، انك فیض علمندن ، قوه اقتصادندن ایدی .
(لؤن سائی) ك حیاتی باشدن باشه بر طاقم مزایا ايله
روشندر ، علو جناب ، حب مساعی ، میل معالی هپ
او حیاتك هر فصلنده ، هر كوشه سنده كوزه چارپار . هله
حب مساعی : مالیه نظارتلری ، شهر امانتلیری ، مجلس
اعیان ریاستلری .. الخ كبی لایعد ولا یحصی اشتغالات
سیاسیه دن ماعدا علم اقتصاده ، مالیه یه دائر قوجه قوجه
مؤلفات ، محررات مقررآت نه جانسپارانه برسعیك
محصولیدر . باشلی باشنه ، كندی كندینه بیوك قاموس
اقتصاد وجوده كتیرمك آزهمتیدر ! یتمش یاشنده وفات
ایدن بو اختیارك انفس عمرینه خاتمه چكن كونلره
باقلسون : ۲۱ مارتده ، بو ائثالرده فرانسه نی اشغال ایدن ،
تمتع ویركوسنه دائر بلغ باخصوص عالمانه برنطق ایراد
ایلیور ، ۲۲ ده بیوك بر دعوت و جمعیت علمیه یه ریاست
ایدیور ، ۲۳ ده ینه تمتع ویركوسیه مشغول اولیور ،
۲۴ ده مشهور بر جمعیت اقتصادیه ده حاضر بولمق اوزره

لوندريه کيدیور . ايرتسی کونی عودت ايله شمندو فردن
اینر اینز تمتع ویرکوسیله اشتغاله قوشیور . عین زمانده علم
مالیه عائد تالیف مهمنک مسوده مطبوعه لرینی تصحیح
ایلیور ، شو غیرت ، شو فعالیت ظن اولمسونکه
براستنادر . بو حیاتک هر دمی اوصورتله گذران ایتمش .
ذاآ آثار وقعه ده بوکا دلالت ایلیور .


(لؤن سای) بیوک انجمن دانشده ودیکر لرلنده
اعضا ایدی . یارسده ، لوندريه ده حسابسز جمعیات
وجرائد اقتصادیه نک مؤسسارندن ، مخابر لر ندندی .
(دبا) غزته سنک باشلیجه ارکان تحریریه سندن اولمقله
برابر صاحب لرینک ده دامادی ایدی . فقط اک مهمی
شوکه مشهور (تن) ايله ، (بونمی) ايله برابر علوم
سیاسیه مکتبنک واضع اساسی ، مربیسی ، حامیسی
ایدی . بو مکتب تأسیسات خصوصیه علیه نک اک
دلاراسیدر . هر سنه حدیقه عرفانک هر طرفی تزین
ایچون یرلیدن ، اجنبیه دن فوج فوج محصول یتشدر ییور .
بوفیضی ، بودار الفیضی ابداع ایدنلرک بری ، باشلیجه سی ده
(لؤن سای) اولمش . کچنلرده بودار التدریسک اصول
مالیه معلمی (استورم) بالمناصبه شاگردانه آکلاتمش :
(لؤن سای) اورحله تدریسده آلتی آی قدر مالیه

درسی ویررکن پارس خلقی ، خالق عرفانی تکمیل
 صیرم لره طولش ، درس خانه شاگردانی ، سامعینی آلاز
 اولش ، ایرتسی سنه بیوک بریر تدارک ایدیانجهیه قدر
 درسه دوامدن فراغت اولمش (لئون سای) یدیکله مک
 برکرده بکا میسر اولدی . بحث تمتع ویرکوسنه متعلق
 ایدی ، فقط ، ذهنمده ، ذوقده اویله برطوتدی که شمدی
 اونعمتک تکرری قابل اولیه جغنی دوشندکجه اسفم
 آرتیور ، نشئم قاجیور .

(لئون سای) ک تمتع ویرکوسنه دائر سرد ایتدیکی
 مجازی تشیهلی ، استعارهلی سوزلرده ، اوفصیح لطیف
 سوزلرده ادبیات ، همده پک روحلی بر نوع ادبیات
 واردی . یمش یاشنده براختیار ، آیاقده طورمش ، برالی
 رحلهیه طیانش بحث اساساً قوری ایمش ، نهمه کرک ؛
 - اویله طاتلی طاتلی سویلیور ، سویلینورکه انسان
 ساعتلرجه وقف کوش ایتدیکی حالد صیقلقمق نه در
 بیلمه یور ، ادبیات « ذوق وحس وخیالی اوقشایان ،
 انسانی دوشندیرن کوزل سوزلردن » متشکل ایسه ، امین
 اولمی (لئون سای) ک نطق حقیقی برثمره ادبیه ایدی .
 فرانسهده موازنه مقبوله محافظی بر فرقه معتدله
 واردرکه (لئون سای) بونلرک نادر الامثال بر رهبری .

ایدی ، افراط و تفریطك دشمنی ، اعتدالك هر ایشده
 طرفداریدی . ذاتا علم اقتصادده کی مسلیکی ده بویله در ،
 بوندن ماعدا اقتصاد حقیقی اعتدال ایله توأمدر .
 اقتصاديون هر شیده معتدلدرلر . باخصوص (لؤن ساي)
 کبی جدينك دستورلرینی تعقیب ایدن بو قانوندن هیچ
 آریله ماز . فی الحقیقه (ژان باتیست ساي) ، (آدام اسمیت)
 بر معادلی ، بر منظری ، هر جهتجه بر همراهی ایدی .
 بر یکی انکلازده ناصل ذی اساس بر مکتب اقتصاد
 حصوله کتیرمش ایسه او بری ده فرانسه ده بویله یاییوردی .
 (آدام اسمیت) مکتبی نه مقبول قوانین اقتصادیه نك
 واضعی ، اقتصادك نه درجه یه قدر موجودیدر ، معلوم ،
 ایشه (لؤن ساي) عملی ونظری او مرتبه موفقیتی محضا
 بوسایه ده اقتطاف ایلمشدر . بعض غزته لر دییورلرکه
 آرتق فرانسه ده بویله مدبر ، بویله اطرافلی ، احاطه لی
 فضالای عرفان یتشمیور . بوفکر هر جهتجه وارد
 اوله ماز . انجق شبهه یوق که (لؤن ساي) کعبنده ،
 شکلنده علما نادر میدانه کلیر . سببی قانون ارئدر .
 مادیات کبی مغضویاتك ده پدردن اولاده ، یاخود بیوک
 پدردن حفیده انتقاله ، یعنی فرانسلرک (آناويزم)
 دیدکلرینه قائل اولورسه ق (ژان باتیست ساي) ک طورونی

اقدارنده بر عالم اقتصادك زور ميدانه كله جكنه قناعت
 كتر ملي يز . مكر كه اورناده اويله مساعدات ارثيه اولسون .
 برفرانسز عالمك وفاتنه دائر شو اوزون اوزادى يه
 تفصيلاتى و يریشم طوغرىسى فكريمه خدمت ايچوندر . .
 فكر محبه انساني بحق انسان ايدن ، بشريتك ممكن مرتبه سرعتله
 سعادتني استحضار ايد بيلان علومدن برى ، بر باشليجه سى ده
 علم اقتصاد در . ايسته شو حيات ده بو ادعايه دليلدر .
 بر ترجمه حالك مقصديمه توافق ايدن جهتلريني آلام ،
 اوتهدن برى عادت اولديغي اوزره فلان تاريخده طوغمش ،
 شويله اولمش ، بويله اولمش كبي تفصيلاته كيريشمدم .
 شو برايكي ستونده بر زمين حاضر لامق ايسته يورم ، اصل
 املم اوزون وعلمى برايكي مقاله ايله متوفانك مسلك
 اقتصاديني وبووجه ايله علم اقتصادك بعض مهم نقاطني
 قارئين كرامه عرض ايتمكدر .



پارس ، نه غريب ديار ، بر مجادله حيات ومعيشتدر
 كيدبيور . وقعه وقعيني ، حوادث حوادثي تعقيب ايليور .
 پارسدن خار جده بر غزته يه مخابرك ايتك ايچون قلم الده
 هر دقيقه يازى يازملى . بونلرى ده ممكنسه تلغرافله نقل
 ايتملى . چونكه بويله اولمازسه برنجى كونك يازيلرى

ایکنجی یه قالیر . ایکنجینک کیلر غائب اولور ، قاریشیر .
 او حالده بونوع مخابر لکدن واز کچملی ، صرف مباحث
 علمیه یه توجیه قلم ایله ملی . . فقط عمومی ، یومی غزته
 ایچون هر درلو وقوعات کرک دکلدر ؟ شودوشونجه لر بی
 هر هفته (اقدام) ه بویه بر مکتوب تقدیمه سوق ایلیور .
 بومکتوبلر - فرانسرلرک دیدیکی کبی - بوشهر حوادث
 ووقایعی بر قوش باقیشی کوستره جکدر . سیاسیاتدن ،
 ادبیاتدن ، هوایاتدن دم اوره جق ، لکن خفیف .

بوهفته پارسجه اهمیتلی حوادث یکی هیئت وکلادر .
 معتدل بر هیئت . باشده موسیو (مه لین) حمایه اصولنک
 مروج خاصی ، کمرک تعرفه لرینک موجدی ، زراعتک ،
 زراعتک مدافعی . . تعرفه لر یوکسلسون ، یوکسلسون تاکه
 خارجدن فرانسه یه هیچ محصولات و معمولات کیرمه سون ،
 هپ داخلی متاع ، محصول رواج بولسون . بومسلک حمایه
 ایله (مه لین) بتون اقتصاد یونک هدف تعریضی
 اولیور سده امورنده دکل ، طرفداری چوق . زراعت
 مملکتک ترقیسنه وقف امل ایتمش . . بویولده بر چوق
 تشبیلری ، اجرا آتی وار . . بونلرک ایچنده اک کوزلی
 پراصه یتشدیرن زراعه ویریلیر بر (لیاقت زراعیه) نشانی
 پک غریب ! وکلای لاحقهدن (هانوتو) ، (بارتو)

اركان حكومتك ذكيلىرىدىن ، عالملىرىدىن ، ھەلە (ھابوتو) ،
خارجىيە ناظىرى بيوك بر مىزىت عالمىيە وسىياسىيە ايله
مشھور ، مشھور (قاردىنال رىشاىو) يە دائىر يازدىغى اثرلىر
ھەر طرفدىن مۇھىم تەقدىر اولدى . مىلىك سىياسىيە ايسە
معارضىلارنىچە بىلە تەقىب ايدلدى . كچىور . . يەنە وكلاى
حاضرەدىن معارف ناظىرى (رامبو) ، مىستىلىكات ناظىرى
(آندىرەلە بون) علوم سىياسىيە مەكتىپىنىڭ اك نامدار
مەلىملىرىدىن . (رامبو) صور بونك دە براستادشېرىدر .
(لاويس) ايله برابر شىمدى جلد جلد نشر اولغان قوجە
بر تارىخ عمومىنىڭ مؤلفىدر . مالىە ناظىرى ، (قوشىرى)
رياضيات عاليە مەكتىپىدىن يىشمىشدر .

*

* *

وقايىع سائىرەنىڭ اك حىزىنى بربابانىڭ سىركەشتىدر .
بو آدەمگىز اللى سەنە مساعىپرستانە ، ناموسكارانە بر حيات
كچىرىمش . چولوق جوجق ، عائە ، ثروت صاحى اولمش ،
كەندىنى مسعود عد ايله يورمش ، دىركىن بيوك اوغلى اون
يدى اون سەككىز ياشنە كىرر كىر مىز خانە پدرى ترك ايله
كىتمىش ، بر سورى حشرات لايفلەخونە التحاق ايتىش ،
مىلىكىنىڭ اك مىستىكرە كروھىدىن اولمش ، او كروھىدىن كە

سرقت ، قتل ، شہادت انلرجه وقوعات یومیددن . پدر
هر طرفدن استمداد ، هر درلو فریاد ایلهمش ، هیہات ،
یومورجانغی یوله کتیرمک ممکن اولمامش ، برکون برجنایت
ایقاع ایلرده میدان سیاستده خاتمہ حیاتی بولور ، نام
عالمینی تلویث ایلر دیہ حریف حزین حزین دوشونور
طوریرمش . اوچ کون اولیور بوچوجنی پارس جوارنده
براورمانده مقتولاً بولدیلر .. اوح ، شہہمی وار ؟ قاتل
البته آرقاداشلریدر ، اولہ ابتدائک طبعی بویله صوکی
اولور دیدیلر . برچوق چاقینلر ، سفیلر توقیف ایتدیلر
فاعل جرمی تحقیقہ کیریشدیلر . تحقیق ، تحقیق ، نتیجہ
نه اولسه بکنیرسکنر .. چوجنی اولدیرن باباسی ایش ...
حریفک جاسنه طاق دیمش ، اقرباسندن برینک دلالت
ووساطتیلہ اوغلانی برکون محل جرمہ کتیرتمش ، قتل
ایتمش .. حریف جرمی اعتراف ایدیور ، ناموس وعاربی
بوجنایتہ سوق ایلہدی ، دیور .. فی الحقیقہ بو آدم ایچون
هرکس حسن شہادتده بولنیور اما وقعہ هرنه اولورسه
اولسون عفو ایدلمز معاصیدن دگلی ؟ اوتہ کی احتمالدن
زیاده ناموسہ لکہ کتیرمزمی ؟ بنجہ نظر دقتی جلب ایدن
جهت : کرک توقیف اولندیغی اثناده ، کرک صوکرلری
حریف هیچ بر اثر ندامت ، حس تأثر کوسترمدی ،

فلمندن ممنون کورینوردی. آنجق میدانہ چیقہدینہ اسف
ایلیوردی. دها غری قاریسی ده بو حسده ایدی.
اوچوجقدن خیر یوقدی، اوچوجق بتمشدی، غایه ناک
غانغن اولمش برعضوی ایدی. بویله جه اورتادن قالدیرلدی،
اصابت دیورلردی. مدنیت غریبه ده بو تمایل غریب که
بز، شرقلیلر، قابل دکل، آکلایه مایز. بوحوالیده مادیات
اودرجه ایلریلیور که ابوت، بنوت، کبی اک صمیمی حسیات
بشریه بیلہ رنگنی غائب ایدیور. مثلاً بو فلسفه جه
تصدق، عادتاً برقباحت عد ایدیلیور. هله بعض فلاسفه
دها ایلری کیدیورلر. سفلیه، دوشکونلره، عجزه یه
هر نه صورتله اولورسه اولسون مع اونک عاینده بولونیورلر،
البته بو نوع غرائی آکلایه مایز. فقط غریب یونک اک
فاضلاری، اک دورینلری ده بو خصوصده بزمله هم
افکاردرلر، بواحوالدن متأذی اولیورلر. حاصلی،
حرکاتی نه درجه وحشی اولدیغنی شویدر غریب بعد
خراب البصره آکلادی ده ضابطه اداره سنده موقوف
ایکن قاش کوز آراسنده یوکسک بر پنجره دن کندینی تپه
اوستی سوقاغه آتهرق درحال وفات ایتدی. شیرازه
حسیات بوزوانجه، صفوت و صمیمیت الدن کیدنجه،

مادیات مغنویاته یر بر اقایخه طبقه عوام ایشته بو حاله
دوشیور ...

*

* *

هفته نك الطف و انفس وقایعی (شان دو مارس) ده کی،
(شانزه ایزه) ده کی الواح تصویریه معرضلرینک، رسم
سرکیلرینک، یعنی بوراده دیدکاری کپی (صالون) لرك
کشادیدر. فرانسه نك اك مشهور رساملری بر سینه
ظرفنده نه قدر آثار نفیسه وجوده کتیر مشلرسه بر
هیئت میزهیه تقدیم ایدیورلر. اثر انلرجه مظهر قبول
اولورسه بو صالونلره کیریور. انظار عامهیه عرض
اولونیور، خلق هرکون فوج فوج بو محصوللری کوزدن
کیریورلر. نهایت بعضیلری اونه کی بریکی، بعضیلری
آثار نفیسه شهرکاهلری ایچون حکومت صانون آلیور،
صاتیلمايانلرده اصحابنه قالیور. بو صالونلری کورمك
هنوز بکا میسر اولمادی. چونکه ایلك کونی (ورنيساز)
دیورلرکه ارباب یساره، اکابر منقدینه مخصوص برکون
ایمش. صوکرملری کیده کیده دخولیه اینیور. هر کیسه نك
خرجی اولیور. رسم صنایع نفیسه نك مردرلو شمولیه
اك رنگین بر دالیدر. بوراده بر چوق الواح تصویریه نی
طویه طویه تماشا ایتدکن صوکره ایجه آکلادم که بر

لوحه روحه پك مؤثر بر صورتده نافذ بر شعر بلیغ
ایتمش .. غربی ، فرانسه ادبیاتنده نه درلو تبدل اولورسه
در حال رسمده انعکاس ایله یور . طبق حکایه نویسلکده ،
شاعر لکده اولدیفی کبی . فن تصویرده دخی قدمادن
صوکره خیالیون ، حقیقیون ، طبیعیون ککش ، هر ایکی
مسلکده عادتال اله یورومش .. اودرجهده که تاریخ
ادبیاتی بسط ایدن بر استاد انتقاد بالسوله فصل رسمیده
آرایه قویور . یکی رساملرک محصور له باقلسه یکی
شاعرلرک کیلره نه قدر بکزه یور . اودقیقه کوزه چارپار ..
شعرای جدیده نك طرز بیانلرنده کی غرابت ، ابهام ،
اشکال انسانه نه درجه حیرت ویریورسه یکی رساملردن
بوصنفه معادل بر شکله میل ایدنلرک لوحه لری ،
تصویرلری ده عینیه اویله در .

پارسه کله دن اول بویه مصورات کورمه دمدی .
نه تحف رنك ، غایت آچیق ، غایت پریشان ، عاداتا غیایور
کبی کورونیور . اسکی لوحه لرده کورونن پارلاقغه ،
انتظامه بدل بر طونو قلق ، بر قریش قلق منظور اولیور .
بویالر کولونج . مثلاً یشیل اوتی قیرمزی ایله کوستریور .
چونکه قویو رنك قوللانمیور . دها غربی لوحه پروزلر
ایچنده کورونیور ، بویالر قاباریق صاتیلیور . مع مافیه

اثر بومکتبک مؤسسارندن برینک محصول خامه نفاستی
 ایسه او غرابترلله برابر خوشه کیدیور ، طبعه سوبلی ،
 جاذبه‌لی کلیور . فقط عینی حکایه‌ده شعرده اولدینی کبی
 حدسنر حسابسنر تلمیندرک ایسه پک اوپله اولمایور .
 مثلاً ادبای طبیعیونک سر فرازلرندن برینک ، بالفرض
 (دوده‌نک) نک ، (زولا) نک بر اثرینی اوقوسه‌کنر
 اعلا ذوق آلیرسکنر . . فقط بیتیمک ، توکنمک بیلمه‌ین
 تلامیندک مطالعه سنه قویولورسه کنر جان صیقندیسندن
 پاتلارسکنر . . چونکه بومسلسلکرده بیوک قدرت ،
 بیوک مهارت ایسته‌یور . اوپله اولمازسه حقیقت ، طبیعت
 پک صوغوق ، بسیط اولیور . (زولا) بوسنه‌نک
 صالونلرینه دائر اوزون بر مقاله نشر ایلدی : وقتيله
 یکریمی‌التی یاشنده ایکن اوزمان‌هنوز طلوع ایتیمکه‌باشلایان
 بومسلسلک جدید ایچون مجادلله ادبیه‌لرده بولنمش . . بویله
 تصویرلر صالونلره نه ایچون قبول اولونمایور دییه فریاد
 ایتمش‌ده عمومک تعریضنه ، قهرینه هدف اولمش . .
 فقط بوسفرکی زیارتنده مسلسلک جدیدک نه فوافراطه
 دوشدیکنی ، صالونلری باشدن ناصل طولدیردیغنی
 کورونجه فریادینه شوپله‌جه باشقه برآهنک ویریور ،
 انر برطرفه دونیور :

« ايشته بولو حذر و قتيله هر سالوندن رد اولونيوردي .
 بوگون افراطه ، مبالغه يه دوشونجه بويله بي حساب ،
 فقط مستكره اولمش ، كوزومك او كنده يره اكيان تخمار
 بيومشالر ، نه عجيب ، نه غريب ثمره ويرمشالر .. بي
 قورقوتيورلر ، كرى قاجيريورلر .

هر مسلك ابتداله دوشونجه مبالغه يه طوتولور ،
 يالانله نتيجه بولور . بر حقيقت يوقدر كه ابتداده نه قدر
 خوش ، لطيف ، نه درجه شايان مدافعه و تقدير اولورسه
 اولسون شائبه تقليد ايله خطيئه تك اچر كيني ، اك مضرى
 صورتنه تحول ايتمه سون . »

« بهتمدن تتره يورم ، آمان ! صحيح ، او مجادله
 ادبياتر بونكه چونميدى ؟ بو صولوق تصوير ايچون ،
 بولكلر ، بو داغلر ايچونميدى ؟ بوتحملات ضيائيه
 ايچونميدى ؟ آمان ياربى ! بونلر نه چركين شيلر !
 توكلريمى اورپرتيورلر . »

منقدر (زولا) قدر هيچ بر محررى خير پالاماديلر .
 بنابرین طبعيونك سرفرازي ده انه تنقيدى كچيرنجه بويله
 برييلديریم ، بر آتش اولويوريور : بوصالونلر دها بر
 ايكي مكتوبى اشغال ايلر .



هفته نك الطف وقایعی بر طابعك خوش بر
 اختراعیدر ... حقیقت! پارسده اك زیاده نظر تحس
 وتحیره چارپان بدابع شؤنك بر قسمی، بر قسم لطیفی ده
 تیاترولر، باخصوص تیاترولرده کی معزز، محتشم مسعود،
 مطرا (اقتریس) لر تشکیل ایلر. مثلاً مشهور (لادام
 اوقاملیا) اویوننده (سارا برنار) ی کورمك احسن
 المناظر دکیدر؟ اورنكدن رنكه تحوللر، مسرتلر،
 ماتملر اویله بر برینی تعقیب ایلرکه تعریف ایدیلر. .
 فقط (سارا برنار) اختیارلادی. بو حوزین کلمه نك
 معنای مدهشی اك زیاده قادینلرده، اوقافله حسن و آنده
 کندینی کوسترر. قافله حسن و آن! اقتریسلك صنعتی
 ایسه بوقافله نك لطیف دمدارلرینه مخصوص ...
 ذکری کچن طابع ۱۳۱ رأس! .. کوزلاردن کوزل
 اقتریسلك بردفتر مصورینی، بر آلبومنی نشر ایلدی.
 انظار عامیه قویدی. بونلردن اك کوزلاری هانکیسیدر؟
 عمومدن رأی طوپلادی. بودفتر مصور، (اليوم)
 درت فراغه صاتیلیوردی المه کچدی. خوش برمنظره!..
 کوزلر سرکیسی .. هر صحیفه بر برندن دلفریب! شو
 مسابقه لطیفه ده پارس اهالیسندن یدی بیک رأی
 طوپلاندی. ۳۰۷۶ رأی مادموازل (قله ئوده مرود)

قازانیور . اصلاً بلجیقالی بر نازنین که یارسک اک بیوک
 بر سخنة تماشانی هر کیجه شعله حسنه غرق ایلور .
 ایکنجی درجه ده ۲۲۹۵ رأی ایله مادمازل (سیبیل
 ساندرسون) کلیور .. بر جدیدک بر غنجه نظر پیراسی که
 سیما کیزینی قدر صوت بهینی ده خوش ! بیوک او پرانک
 طاقی ده ، زمیننی ده اشعه جمالی ، زمزمه باکالی ایله
 بهشت آاده دوندیریور . مدائح پر طمطراق ایسه ده
 فضله دکل .. او چنجیسی ایسه مادموازل (وانداده بونقزا) ،
 بر لهستان محصولی که ۱۸۸۴ درت رأی قازانیور ..
 غریب دگلی ! بو قازانانلرک ایچنده هیچ پارسل یوق ..
 حتی اوچی ده اصلاً اجنبی .. (بونقزا) ، (اوده ئون)
 تیاتروسنده اک مشهور اویونلری ترین ایلر .. (برفقیر
 دلیقانیلک حکایه سی) نده اک کوزل زمینده عرض
 دیدار ایله یور . سیاه ، سیم سیاه کوزلر ، ینه او یله صاچار
 پنبه مسی برتن : « شدتله باقلسه صوایور کی کورونیور .
 حاصلی هر درلو محاسن و لطائفیه بر اسمر کوزلی . »
 برنجینک جودت حسنه ، ایکنجینک صیرمه لر ایچنده
 یوزن صباحت جمالنه قارشى طوراماسه بیله آن ، جاذبه
 نقطه نظرندن هر ایکسهنده غالب ، علی الخصوص
 (فرانسوا قوبه) نک مشهور و منظوم بر تیاتروسنده خانه

بردوش .. سرسری ، مادی و معنوی چیچکارله ،
 شرقواری شلوارلر ، یلديرمه لرله - چنكانه قیزی -
 اوله رق اورتمیه چیقديغی وقت .. ذاتاً شو ۱۸۰۰ کسور
 رأيك هيچ اولمازسه بيكي بو قياقتك شوقيله در .. ذره جه
 شبهه م يوق ...

*
* *

اديب شهير (پول بورژه) ايله طابع شهير (آلفونس
 له مر) آره سنده تگون ايدن بر دعوا بو هفته پارس
 محافل ادبيه سنی ايجه اشغال ايلدی . (پول بورژه) يي
 قارئلر يمز البته طانيرلر .. حكايه نويسلر ك ا م تحسسلرندن ،
 بونكه برابر ك مدقق ، باخصوص ك روح آشنالردن
 وبالخاصه ك ذوفونلردن بر محرردر . بو محرر ذی قدرتی
 قارئنمز قریباً ایدن اي بیلديرمكه چالیشه جغز ..
 « براحتراز » عنوانی حكاية كزینی ترجمه ايتك اوزره يز ..
 (آلفونس له مر) بر طابع نفاست آشناكه ك لطيف
 اثرلری طبع ایلر .. كتابلرينك اوستنده بر طراز
 مخصوص واردر : براکينجي ، النده چاپا متصل
 چالیشه ر .. اوست طرفده اكين يجر .. (پول بورژه)
 آمریقایه اثنای سیاحتنده بر کتابجیده (قوزمو پولیس)
 عنوانی حكايه سندن بر نسخه مطبوعه کوریركه کندنجه

مجهول .. یعنی اثرک او طبعی هیچ کور مامش .. عودتده
 طابعدن حساب ایستر .. اثرلرندن نه قدر طبع اولندیسه
 مکمللاً بیلدیرلمسنى طلب ایلر .. ایشته منازعه بورادن
 تورر . (امیل زولا) دن اعتباراً مؤلفلردن برکورتائی ،
 طابعلردن بر شکایتدر کیدیور .. باجمله طبعلرک ، اول ،
 ثانى ، ثالث ... حسابى دلائيله ، اوراق ثبوتیه سیله
 ویرلملیدر دیولیر . طابعلرده « اوراق ثبوتیه اوله ماز ..
 نسخ مطبوعه ایسه دائماً الده ، اورتاده در ، تفتیش
 اولنسون » جوانى ویریورلر .. بو منازعه محکمه جه
 هنوز فصل اولنمادی ایسه ده اتناى محاکمه ده (آلفونس
 له مر) ک وکیلى طرفندن (بورژه) نک طابعله ماضیده کی
 مناسبات و مخبراته دائر اعطا اولنان معلومات شایان
 دقت ! ۱۸۷۴ ده (بورژه) یکرمی یاشنده ایمش ..
 (قویه) نک دلائيله کلش ، بو طابعی بولمش ، برای طبع
 بر مجموعه اشعار ایله مقتصد اتمدندر دییه (۴۰۰) ده
 فرائق کتیرمش ... (له مر) بو مجموعه یی ، بوندن
 صوکره براییک مجموعه اشعارى ده باصمش . هیچ برشی
 قازانمامش ... لکن ادیب ایله طابع آراسنده بر مناسبت
 صمیمیه حاصل اولمش ، بر مقاوله عقد اولنمش ..
 (بورژه) نک طالع سعدى یوز کوسترنجه (له مر)

مقاوله واقعه‌ی کنديلکندن اصلاح ايتمش .. هر جلد
 باشنه مؤلفه یتمش ، کیده کیده سکسان ساتیم ویرمه
 باشلامش . حکایه نویس شاب شو معامله دن او درجه
 محظوظ اولمش که طابع : « بنچون اعز محبانسکز انجق
 بر لطفکزی دها بکترم ، (قویه) ايله سنلی بنلی
 کوریشیورسکز ... بنمله ده اویله کوروشیکز » دیتش .
 بر مکتوبنده ینه طابعه : « کتابلرم طراز رونقدارینک
 فیضیله بیودی » دیور ، بر دیگرنده : « مطبوعات بکا
 اوقدر مساعدکه ! . (بالزاق) دکل اماطقی انک ۱۸۴۰
 موفقیت عظاماسنده غزتهلردن اوغرادینی ، کوردیکی
 درد مهلك سکوتی چکمک و همی بنی قورقوتیور » بشقه
 برنده : « بنچون صالونلرده (انجمن دانش) . رأی
 دینامکدن ایسه پارسدن اوزاغه کیدرک اون ایکی آی
 چالیشمق اولی دکلیدر ؟ » ، (پالرمو) دن کوندردیکی
 مکتوبده ایسه : « بیایورم : کویا طابعم دکلشسک کبی بنی
 سویورسک ، بن ده مؤلفک دکل ایشم کبی سنی
 سویورم . بکا قاردن بحث ایدیورسک . بن ایسه سکا
 سمدن بر پارچه کوندرمه دیکمه تأسف ایدیورم . »
 سوزلرینی یازیور .

۱۸۹۴ ده کوندردیکی اوزون بر مکتوبده ایسه

شویله سویله یور : « انجمن دانش ایچون نصایحکه تشکر
ایلرم . بعد الملاحظه نامزدلکدن فراغت ایدیورم .
چوق دور ابواب کړک ، بنم ایسه ایشم باشمدن آشور .
بکا اک مناسب قولتوق (تن) ککی ایدی ، ویرلمدی .
محبمز (قویه) انجمن دانشدن نه قازاندی بیلیمورم ،
(تن) ک غائب ایتدکارینی ایسه اعلا کور ییورم .
(لودوویق هالهوی) یی کوریرسه ک دی که بنی لزومندن
زیاده حمایه ایدیورم .. بواقندیلر بکا محتاج دلیل بر
چوجق کبی معامله ایله یورلر . برکون بنی ده (دوده)
کبی بر مکتوب یازمغه مجبور ایدم جـکـلر .. (فلوربر) ک
دیدیکی کبی دائمی بر محب محکمکم .. »

قوجه حکایه نویس برشو سوزلره ، برده بر سـنه
صوکره انجمن دانشه کیردیکی زمان ایراد ایلدیکی نطقه ،
عطف نگاه ایتسه هر درلو غوامضنه واقف اولدیغی
تحولات روحیه یه نه پارلاق مثاللر کوروردی . (تن)
استاد ادراکی اولدیغی ایچون دائماً اندن بحث ایلر .
ذکری کچن مکتوبده (دوده) چاغیرسه لر ، یالوارسه لر
انجمن دانشه کیرمیه جـکـنی سویلیدی . بویولده عهد ایتدی .
عهدینی شدتله طوتیور .

ایشته بوادیب ایله طابعی آراسنده کی شو مناسبت

صمیمیه پاره سائقه سیله ، حرصیله بوزولیور . (زولا) نك ،
 (دوده) نك ثروتلری باشدن آشیور . (روما)
 حکایه سی دها دون کتاب شککنده چیقیدی . بو کون
 سکسانجی طبعی .. هر نسخهدن برفرانق آلسه سکسان بیك
 نسخهدن سکسان بیك فرانق .. دها آلاجنی وغزتهیه
 نفرقه اولورکن آلدینی ده جابا ! ..

*

* *

کچن پنجشنبه کونی (شان ده مارس) ده رسم معرضی
 کورمک ، کز مک میسر اولدی . اون ایکی دیوانخانه دن ،
 ایکی باغچه دن متشکل ، طولاشمقله بیتمز بر بنا ، دیوارلر
 باشدن باشه لوحه لرله مستور ، باغچه هیکلرله مزین ..
 الواح اکثریتله (زولا) نك شکایت ایتدیکی آجیق ،
 صولوق ، طونوق رنکده ، فقط لطیف ! یا (روغون
 ماقار) مؤلف ذی قدرتنده حددن خارق العاده
 فزون ، فضله دن فضله بر ذوق وار .. یابنده هیچمی هیچ
 طبیعت یوق .. چونکه بو رسملر ایچون او : « اوف ،
 باشمه اغری ویردی ، نه چیرکین منظرلر ، نه مستکره
 اصوللر .. صنعتدن نفاستدن اثر کورلیور .. افسوس ! .. »
 دییه باغیر یوردی .. بندن ایسه تماشا یه طالار طالماز ..
 « آمان آمان ! نه رنگین مناظر ! .. بر صنعت که طبیعته

غالب ، هنوز هیچ برکوزك کورمديکي بوالوان خارق العاده
 نظره فکر و قاي نه خوش اوقشايور . ايسته شواو کده کی
 لوحه... بيانمز بر درد ايله مؤلم ، نحيف ، صاپ صاری ...
 بر قیز تصوير ايله يور . بوتصوير ، ولو حزين اولسه ده
 پک چوق آبالق چهره لی صیواما کوزلارک تمثال شاطر تدن
 دها نظير پیراکور نميورم ؛ های های » مطالعه لری
 فکر مده اوياندي .. بومعرضی باشند اشاغي وصف
 ایچون بویله بش اون تماشا ایستر .. هله الواح معروضه دن
 اک کوزلارینی رسائل موقوته مصوره ، تفصیلات
 وایضاحات ايله نقل ایتک مطلق کرکدر .. شویله بر
 قوش باقیشی نظر دقتمی جلب ایدن لوحه لردن بری :
 غالباً فاس جهتلرندن اون اون بش بدوی عرب
 رئیس لری ... اطوار مردانه ، انظار بلندانه ، عمامه لر ،
 کفیه لر ، برنسلر .. لوحه نك صول جهتنده : « الاغواطه »
 یازیلی .. قارشى طرفده رئیس حکومت (فلیقس فور) ك
 رسام شهیر (بونا) طرفندن مصور کوزل برتصویری ..
 بولوحه نك اوکنده اوچ درت کشی بریکمش ، بری —
 برصاحب صنعت اولسه کرک . چونکه اوزون اوزون
 بورام بورام صاچلری وار .. پارسده رساملر بویله در —
 لوحه یه باقه باقه یوکسکجه سسله برشیلر آ کلاتیور ..

نه ايجون ديكه مه ملي : (بونا) يعنى بولوحه نك مصور
 شهريرى ، انسان تصويرنده مهارت كليهي حائز اولديغي
 ايجون (تير) دن بدء ايله بالجمله رؤساي حكومتك رسمى
 يامش . اخيراً عدليه ناظر سابقى (ريقار) ك بيله رسمى
 يايورمش . . لكن (تير) ككنه چاليشيركن كوچك بر
 وقعه اولمش . . رسام ايله اوزات شهير آراسنده منعقد
 مقاوله موجبجه اثر بيتنجهيه قدر محل سعيه كيمسه
 كيرميه چكى كبي بوسبتون بيتمه دن لوحه يي كورميه چك .
 ايمش . . بركون بويله مساعى ائناسنده مادام (تير) قاپودن .
 كورونور . موسيو (تير) باغيرير . . مادامى دونديرير . .
 فقط بش اون دقيقه صوكره قاديخغز ديكه مز ، ينه ايجرى .
 كيرمك ايستر . . بوسفر (تير) ده حدت طو پوقلره
 كاير . « مادام ايجرى كيره مزسكنز ، كيرسه كز داياق
 يرسكنز » ديه ولوله قوپارير . . نهايت رسم بيترده قوجه
 داهى مادامه سنى اليه او طيه كيتيرير اسعفاى قصور ايلر . .
 بولوحه لرى اوته كى بريكى صاتون آليور . اك كوزل
 لوحه لرى مراقيلر طو پلا يورلر . . رساملر بونلرك
 غفلتندن عدم وقوفدن پك زياده شكاييت ايدييورلر . .
 برى برحكايه نقل ايدييور :

بوكروه دن برذات برچوق الواح نفيسه طوپلا مش . .

بونلرك ايچىندە بىر دە مەشھۇر بىر سەمەك بىر لۇجەسى
 وارمىش .. بىر قىز رەسمى . تەلەر ، چىچەكلەر ، سىرماشىقلار ،
 عمومى بىر تەسۋىر ايمىش ..

بىر كۈن مەشھىردىن بىر سەمەك بۇزاتە مەسافىر كەلەر .
 تەبىئى مەسافىرە لۇجەلەر كۈستىيەر . لۇجە مەسەۋىتەك
 اۈكەنە كەلجە سەمەك طورر ... باقار ... بىرەرلۈا كەلە مەز .
 سۈكەرە لۇجە يە ياقلاشەر . چىرچىۋەنى چىۋىدىن چىقارەر .
 ھەي اە مەستەقنى ۋىرسون مەكەر لۇجە ترس طورىيۈرمىش .
 ھەمدە اۈن سەنە دىنەرى بۇۋىعتەدە ايمىش ! . رەسمەن
 سۈكەرە يەنە بىر ايدىرر .

*


* *

بۇ ھەفتەك پارسىچە دوران ايدىن وقايع عجبىيە سەندىن
 بىرى دە مەرسىلىيەدە (دوران) اسەندە بىر آدمەك سىر كەشت
 غەرايىدەر .. (دوران) كەلەردە بىر تەتارۈنەك سەتۈنى اۈزرىندە
 يەكەرى سەكەز كۈن آيەدە طورىر .. بۇ سەفەردە اۈن اۈچ
 كۈن بىر قەۋەدە آسەلى قالەر .. كەلەرە ، كەلەرە اكلەنچە
 اولۇر . شەمدى بۇ خەمدەتى ايفە ايدىن ايفە دىرەستە مەز ايدەدەر .
 (دوران) دە بىشەقە مەرفەتلەر دۈشۈنىۈر : ھەندەستەندە
 فەقىرلەر وارمىش ... بۇ غازلەرنە قەدر طور پراغە كىرىيۈر ،

بووضعیتده سنه لرجه قالیورلر مش . بعضیلری ده اوز سنه قوللرینی متمادیاً هواده طوتیورلر ، صوکره ایندیرمک خاصه سنی ، قوتنی غائب ایلیورلر مش . برانکیز سیاحی حکایه ایدبیور : برفقیر اونا یکی سنه یاتمقسزین ، اوطور - مقسزین یاشامش . اونا یکی سنه ده اللرینی باشنه باغلامش ، او یله طور مش .

ینه هندستانده برفقیر دیری دیری طوپراغه کیر مش . بورنی ، قولاقلرینی بالومیله طیقار ، ساده آغزینی آچیق براقیر مش . صوکره دیلی ترسنه چویریلیر ، آغزی طیقانیر . کندی برچوواله قونور ، چووالده تخته دن برتابوته یرلشدیلرک تابوتک آغزی ایجه قاپانیر ، مهرله - نیر مش . اونا آی صوکره مزار آچیلیر ، تابوت چیقاریلیر ، مهرلر سوکولور مش .. فقیرده نفس ، ضربه قلب یوق .. یالکز باشک تپه سنده اثر حرارت وارکه حیاتدن نشانه .. اوزمان فقیرک دینلی دوزلتیرلر ، بورنی ، قولاقلرینی آچارلر . وجودینی دکله مکه باشلارلر . اوستنه صیجاق صو دوکرلر . یاواش یاواش نفس یرینه کلیر . قلب ضرباننه قویولور . دیرکن حریف آیاغه قالقار ، کوله رک بورومکه باشلار .. بو حالاتی انکلیر ملازملرندن بری کوزیله کور مش . تصدیق ایتمش ..

(دوران) ده بویله یامق ایسته یور . فقط هندستان
 فقیرلرندن برفرقی وار . بومدیت فقیری اوته کیلر کبی
 فطره ، جداً قانع اولمدینی ایچون طو پراقدن چیقار
 چیقماز طوغری دستگاه باشنه شتاب ایتک ، اویونک
 حاصلاتی نهدن عبارت ایسه درجیب ایله مکاملنده در .
 حاصلی شمیدی ده اکثریتله مدار مکالمات ، بوشهر
 شعشه داده ، بولردن عبارت . .



فرانسه مشاهیر محررین حاضره سندن ایکسی خوارق
 علمه قارشى پک استخفافکارانه داوران دیلر : بونلرک
 برنجیسی انجمن دانش اعضاسندن ، (صوربون) ک بنام
 استادلرندن معروف (ره ووده دوموند) مدیری (فردیناند
 بروتی بر) درکه - علم و مذهب - عنوانلی مقالاتیله فنی ده
 متفئنلری ده آجی آجی استهزالره آلدی ، نتیجه ده بوشه
 چیقان پک چوق کشفیات و مواعیدی برر برر تعداد
 ایلد کدن صوکره - افلاس علوم - حکمنی ویردی .
 بومناقشه ایکی سنه اول پرس عالم عرفانی ایچ، کشمکشه
 دوشورمشدی .

ایکینجیسی حکایه نویس شهیر (آلفونس دوده) نک

اوغلی محرر مشهور (اؤن دوده) درکه - مورتیقول -
نامنده کی اثر یله علی الاطلاق اطباء ی هم باشدن باشه
تجهیل ، هم ده قاتل لکله تشهیر ایلهدی .

بو هفته شو محرر لرک هر ایکسی ده فنا حالدده خسته
دوشر لر . . بر روایتہ نظراً (بروتی یر) در حال اطبادن
اک معروف بر بارقه علمه مراجعت ایلر . . هایدی
هر طرفدن استهزالر ! هانی علمک اهمیت یوقدی . .
هانی علوم افلاس ایتشدی ! بوکا مقابل محررک طرفدارانی :
(بروتی یر) بر نزله یه طوتولدی . بونکچون اوله بیوک
بر طبیبه دکل ، اورتا بر حکیمه مراجعت ایلهدی . چونکه
علمک خوارقنه فلان قانع دکلسه ده بر کتان تخمی لاپه سنی
مفید بر صورتده وضع ایده جک قدر فوائدینه اینسانیر
دیدیلر .

(فردیناند بروتی یر) عالم ادبیاتده بیوک بر یر
طوتمش بر منقد بی اماندرکه علما و ادبای حاضره یی پک
زیاده خیر پالار هله حقیقیونی ، طبعیونی با خصوص (زولا) یی
هیچ سومز . دائماً قدما یه میل ایلر . مع مافیه تبغند کی
وسعت ، علمنده کی قوت سائقه سیله هم سوزلرینی هر کسه
دیکله تیر ، هم ده اکثر مباحثده عدولرینه غلبه چالار .
بوذانک « تربیه و معارف » عنوانی بند مشهور انتقادی

لسانمزه توسیعاً نقل ایله دک . یقینده قارئین کرامه عرض
ایلرز .

(لؤن دوده) لك حالى دهـا مشكـاجـه در . اولـا
خسته لمی دهـا زیاده ایمش . ثانیاً (بروتی یر) مزیت
فنی بتون بتون انکار ایتمه یور . الحبق خوارق فنیـه
قائل اولما یور . حال بوکه (لؤن دوده) بحث ایتدیگمز
کتابنده پارسك اك بيوك طبييلريني شارلانا نالمله اتهام
ایله یور . شمعی میانه اطباده بوخصوص شوپله مدار
قیل وقال اولیور : عجبا محرر مریض شو اوچ شقدن
هانکیسنی اختیار ایله جکدر ؟ یا کندی کندی تداوی
ایتمک ، یا طبیعتی کلشی کوزل اجرای حکمه براقق
یاخود او (مورتیقول) لردن مقتلاردن برینی جلبه قائل
اولمق .. بوکا دائر بخته کیریشنلر وار

*

* *

کچنلرده رفقادن بری بکا حکایه دایر یکی برتالیفندن
بحث ایدیوردی . موضوع تالیفی افشا ایتمک جائز
دکلسه ده بر نقطه شایان بیاندر . حکایه ده بر قیز ، متورم
بر قیز وار . او چنجی درجه ورمه کلدکن صوکره ایجاب
وقایعه مملکتنه ، بر طاغ باشنه کیدیور . قیرلرده ،
بایرلرده یاتیور ، یووارلانیور .. موج موج هوای صاف

تنفس ايله يور ... نهايت ابي اوليور . او زمان شوافاقت
 بنى دوشونديردي . عجائب ، ورم ، اويله مهلك ، اويله
 ناقابل تداوى بر مرض بويله افاقتنه مبدل اولسون !
 موضوعك بر جزئي بكا بر پارچه كوشك ، فنه غير ملايم
 كورونيور ديدمدى .. مكر حقم يوق ايمش .. باقكز ..
 كچن كون اك معتبر جرائد علميه دن برى « تداوى ورم »
 ديه اك مقبول بر امضا ايله درج ايتديكى بر مقاله مهمه يه
 شويله باشلايور :

« شمدى الهى سنه قدر اوليور ، (بنت) نامنده .
 بر انكليز طبيبي واردى كه ورمه ، اك مدهنس بر ورمه
 مبتلا ايدى . (بنت) كندندكى خسته لغك صوك درجه يه
 كلديكنى ، قريباً اولمك ضرورى اولديغنى ايجه اكلانجه .
 انكليز جه سنه بر تصويره قويولدى . (تايمس) ك سيسيلىر يه
 دومانلرينه فكر نجه ابدى صورتده وداع ايتدى . فرانسه نك
 جنوبنه ، بر ساحل فيروزه فامه قتل مكان ايله دى .
 اوراده خاتمه حيانى اولسون .. بر شمس شعشه دارك
 لطائفنه ، بحر سفيدك مناظر دلفريبنه قارشى كچيرمك
 ايچون التى آى متمادياً واسع ، صاف بر هوايه معروض
 قالدى . بوتصور غريب شمى (آثروتراني) ديدكلرى
 تداوى باله وادن باشقه بر شى دكلدى . التنجى آيك

نهایتده دوقنور (بنت) كاملاً افاقت بولمشدی . بو طبیعی
بر صورتده (تداوی بالهوا) یی طیب علمی بر وجهه
قلب ایله دی . وطنداشارندن بر چوق بو نوع خسته لری ،
متورملری شو اصول اوزره تداوی یه باشلایه رق فرانسه یه
کتیردی . ایی ایتدی . ایشه بو تداوی بالهوا در که
(بنت) دن بری اکمال و اصلاح اولنه رق شمدی بر
موفتیت متزایده ایله موقع تطبیق و تجربه یه وضع اولونیور ،
طوریور .

بو مقدمه دن سوکره مقاله ورمک ناقابل تداوی بر
خسته لق اولمادیغنی وامراض ساریه سائره کی قابل
تداوی اولدیغنی بیان ایله اصول مبسوطه نک ماهیتی ،
محسناتی ، فوائدی ، نتائجی برر برر تفصیل ایله یور .
او جهتک تفسیری بر صاحب خصوصیتک ، یعنی بر
طیبک قلمنه حواله ایدرز . خلاصه ، دیتک آرقاداشمک
موضوعی خطادن بری ایمش . . فقط غریبی شوکه
بو (تداوی بالهوا) اصوانی ده اوده بیلمه یورمش . .
حکایه سنک او قسمی ده کیف ما اتفاق بر تصور دن ،
ظندن عبارت ایمش . . شمدی شو بحثی کوزله مطالعه
ایده جک ده اثرینه بر چاشنی فن ویره جک . . ایشه
شو ملاحظه و تدقیقک بویه خوش نتیجه لری اولیور .

« حیات حقیقه بعضاً ک قدرت و وسعت صاحبی
 حکایه نویسارک تصوراتی کولکده بر اقبیر غرائبک ،
 عجائبک جلوه کاهیدر ، دیرلر عامیانه بر سوزدر . فقط
 یک طوغربدر . بائیکز (بروکسل) ده (قورتووا)
 نامنده بر پولیس قومیسری اجرای مأموریت اثناسنده
 ارتکاب ایتهدک سرقت بر اقایور . شمدی بو حرافی کوز
 اوکنه کتیریکز او سرقتلره دائر آمرلرینه سرد ایتدیکی
 مطالعاتی ، کوستردیکی نتیجه تحقیقاتی ، مسروق لریله
 مکالماتی تصور ایدیکز ، هانکی صحنه ده بویله منظره
 اولور !

فقط منظره نک اک مدهش جهتی (قورتووا) نک
 ناحق یره اتهامه قالمیشدیغی بیجارملره قارشی وضعی ،
 حرکتیدر . بونلردن بری بر زواللی (قورتووا) نک
 تصدیغی اوزرینه پنجه محکومیته اوغراینجه بوناموسسزلغه
 دایاماز اتخار ایلر . فقط بوده اتخارک بر جنت ، بر
 حماقت اولدیغنه دلیل دکلیدر ؟

چونکه منتحر بو کون حیاتده اولسه ایدی هم
 اولکهدن قورتولور ، هم انتقامنی آلمش اولوردی . بووقعه نک
 اتهاسی ده ابتداسی قدر فجیع : (قورتووا) نک پدری
 سکسان یاشنده عسکردن متقاعد ، بر اختیار ایمش ،

او غلڻك فضا ئىچى ايشيدىر ايشتمز اصابت نزوله او غرامش ،
 بلڪه شو دقيقه ده اولمىدر . يادها غريبي : بر قاچ كون
 اول بو اختيار اللهجي سنه ازدواجى سرور وشادمانى ايله
 اعلان ايلمىش ..

محررين طبعيون قلم الله حقائق شئونى ، وقايعى
 كوزدن كچيريور ، دفاتر اعمال يازييور . طور ييورلر ..
 اك معروف حكايات طبعيه نك خارجده اساسلى ،
 مأخذلى كوريليور . كيم بيلير ؟ چوق كچمز بلڪه شو
 غريب وقعه ده بر جلد قوجه كتاب اوله رق ميدانه چيفار ..
 بر محرر دفتري ، قلمنى اله الدينى ، در حال (بروكسل)
 يولنى طوتار .. دليكدن دليكه . قابلدن قابله كيرر ..
 احتساساتى برر برر قيد ايلر . تدقيقاتى خاطر وخياله
 صيغماز بردقت ومهارتله ، علم وكال ايله يوروتور .
 صوكره كلير كونارجه ، ايلرجه او طه سنه قاپانير .. قيوداتى
 كوزدن كچيرير ، احتساساتى نازملر .. يازمغه باشلار ..
 يازار ، يازار . ديركن بر مجله نفاىس وجوده كتيرويويرر .

*

* *

بين الملل مستشرقين قونغره سنك اون برنجى اجتماعى
 كله جك سنه ۱۲ ايلولده پارسده واقع اوليور .. فرانسه
 مستشرقلرينك رئيس كالات انيسى موسيو (شفرى)

امضاسیله مخابر حقیرده بر بیاننامه مخصوص کوندردلی .
بویاننامه شوسطرلری محتویدر :

« ۱۸۹۴ ایلولنده جنوده اجتماع ایدن مستشرقین
کله جک قونغرەنک ۱۸۹۷ سنه سی داخندنه پارسده انعقادینه
عمومیتله قرار ویردیلر . فرانسه مستشرقلری تاریخ
اجتماعک تعینی ، شعبات مختلفه نک تشکیلی ، اوروپاده کی ،
آمریقاده کی ، شرقده کی رفقانک معاونتی ایله تدقیقنه
قویوله جقلری مسائله دائر موقتاً بر جدول ترتیبی ، حاصلی
یکرمی سنه دن بری السنه و تاریخ و آثار شرقیه نک نتجی
خصوصنده وجوده کان فیضک تمادیسو ایچون مذاکراتده
بولندیلر ، قونغرەنک ۱۲ - ۵ ایلول ۱۹۸۷ تاریخنده
اجتماعی تنسیب و جدول ملفوف موجب نتیجه دائمی بر
انجمن ایله عمومی تشکیل ایله دیلر . »

انجمن دائمی رئیسو انجمن دانش اعضاسندن وپارس
السنه حاضره شرقیه مدیری موسیو (شفر) ، رئیس
تانیسی انجمن دانش اعضاسندن و آسیا انجمنی رئیسو ،
(قولله ژده فرانس) معلملرندن موسیو (باریه دومینار) در .
انجمن عمومی تشکیلات ایسه شعبات مختلفه یه منقسم
اوله رق اوچنچ ، شعبه السنه و آثار اسلامییه مختصدرکه
بونکده رئیسو ینه موسیو (باریه دومینار) در .

قونفره نك (۱۸۹۱) ده (استفهوم) ده کی اجتماعنده
 عطاوفتو احمد مدحت افندی حضرت تاري ، ۱۸۹۴ ده
 (جنوه) ده کی اجتماعنده دخی سعادتلو کامل بك افندی
 طرف دولت عليه دن مرخصاً بولنمشلردر . مستشرقين
 ترقیات شرقیه ده الك زیاده جهت قدیمی کوزه تیورلر ..
 بالفرض مطبوعات اخیرہ عثمانیه دن تراجم غربیه ده دکل ،
 فقط موضوعات العلوم ، القول الجید کی شرق محصولات
 شایان دقت بولیورلر .. حتی « کتبخانه اقدام » ده اخیراً
 نشر اولسان « مرآت الممالك » بر مستشرق فاضلجه پک
 زیاده تقدیر بیورلدی . بونقطه نظر دن ارباب اختصاصه
 مطالعات مفیده حاضر لارلرده شمیدین بوجه بالا ذکر
 اولسان انجمنک قسم مخصوصنه بیلدیریرلر و بویولده
 استیضاحاتده ، مخبر اتده بولونورلر سه بالاخره قونفره ده
 ترقیات عثمانیه دائر کوزل برفکر حصوله خدمت
 ایدرلر .. ایکی اوچ سنه دن بری استشر اقبجه مطبوعاتمزدہ
 بیوک ترقی واردر که غیر مکشوف ، مجهول قالمایدر .

*

* *

بوهفته پارسده بر (قوکلن) مسئله سیدر ، کیدیور .
 (قوکلن) لر ایکی قاردشدر . بیوک (قوکلن) ، کوچک
 (قوکلن) ... بونلرک هرایکیسی ده فرانسه نك اک ماہر .

اك اديب ، اك فاضل تيارو او يونجىلرنددر . كوچك
 برقاچ آى اولى استانبولده ايدى . . فقط بيوك عاداتا
 زمانك (موليه ر) يدور . شمدى يه قدر فرانسز تياتروسنده
 اويناركن بوسنه هر نه دنسه اوراي ترك ايلدى . بعضيلريله
 متفقاً (پورت سن مارتن) تياروسنى تأسيس ايدرك
 بوراده اوينامغه باشلادى . فقط فرانسز تياتروسى درحال
 محاكمه مراجعت ايلدى . بدايت ، استيناف ، نهايت
 (قوكلن) ، پارسك باشقه برتياتروسنده اوينادينى حالده ،
 اوتوز كون مهلتدن صوكره بالاخره بيك فرانغه قدر
 تزويد اولمق اوزره هر اويون اچون بش يوز فرانق
 تضمينات ويرمكه محكوم اولدى . مقصد بوصورتله
 (قوكلن) ى يكي تأسيس ايتديكى تياروده اوينامقدن
 منع ايتك وفرانسز تياتروسنه تكراراً صوقمقدر .
 بوتياترونك براويونجى يي بو قدر تضيقه ، نقييده ، ديشارى
 صاليو يرمامكه نه حقى وار ، مطالعه سى خاطره كليز ، دكلى ؟
 فرانسز تياتروسى خدماتنه مكافاة (قوكلن) . دائماً كافه
 معاشاتنى ، مطلوباتنى ويردكدن ماعدا على الاصول قيد حيات
 شرطيله سنوى آلتى بيك درتيوز فرانق بر ايراد ايله
 ايكي يوز اوتوز بش بيك فرانقده بر سرمايه تخصيص ايلر .
 « شمدى مادام كه بزى ترك ايله يور بو ايراد ايله تخصيصاتمى

اعاده ايتسون . چونكه بونلر الى نهایه بزم مربوط قالانلر
 ایچوندر « دیور . (قوكان) ایسه « خیر ، اوبارملر
 یکر می سنه لك مساعی واجتهادیمك ثمره سیدر ، ترك ایدم »
 جوانی ویریور . نهایت بونکچون اویونجیلقدن واز-
 کچمکی بیله کوزه آلیور .



۲۴ مایس سنه ۹۶ و ۱۲ مایس سنه ۱۳۱۲

بو هفته پارسده بر سرکی موداسیدر کیدیور :
 رسم سرکیسی ، فطوغرافی سرکیسی ، آثار عتیقه سرکیسی ،
 چیچک سرکیسی ، بر سرکی دها وارکه هیچ خاطر و خیاله
 کلز . (نویلری) سراینک اوکنندن کچرکن باغچه دن بر
 دیزی عو عوده ر قویور . انسان حیرت ایدبیور .
 پارسده چات پات کوپک واردر اما هر کوپکک یاننده بر
 صاحی ، چوبانی بوانور ، اک کوچک بر عو عوه بیله نادرا
 ایشیدیاير . بوجوشا جوش عو عوه یه سبب ندر ؟
 بوقطه میرلر نه ایسته یورلر ، نره دن کلدیلر ؟ مکر
 (اورانزری) یعنی پورتقاللق دیدکلری اوفر حفزا ،
 اودلارا باغچه ده بر کوپک سرکیسی وارمش . فقط کوپک
 سرکیسی دیه عدم اهمیتله کچما یلی . دوقلرک ، قونترک

ریاستی ، نظارتی التندہ مظنطن برسرکی ، متعدد انجمنلر ،
 ہیئت میزملر ، رئیسلر ، رئیس ثانیلر ، کاتبلر ، کاتب ثانیلر .
 صنف صنف کوپکالر ... آو کوپکالر ، چوبان کوپکالر ،
 او کوپکالر ، اکلنجه کوپکالر ، تازیلر ، بولدوقلر ،
 ترنولر .. کورلمه مش ، ایشیدلمه مش بر جمع کلاب !
 هر صنف ایچون تشکل ایدن هیئت میزه بر مسابقه اجرا
 ایدیور ... اوصنفده عرض اولنان کوپکالر برر برر
 معاینه ایلور . هانکیسی اک کوزل ، اک مطلوبه موافق ،
 اک مهارتی جامع ایسه انک صاحبنه مکافات و یریلور .
 حیوانده در حال تلرله ، پولرلر ، شریدلرله قوشادیلور .
 حقیقت ! بولدوقلرک ایچنده اویلهلری وارکه وجهه وقیافت
 غرابت آزالریله انسانی بهته دوشوریورلر . سرکینک
 اک لطیف کرشه سی مینی مینی خانه کوپکالرینک قفسلر
 ایچنده بولندینی طرفدر . بوحیوانجغزلرک ایچنده هان
 برقاریش قدر کوچکلری وار . التون طاسمهلر ، آلتون
 کوپهلر پارل پارل پارلایور . صاری بیاض قهوه رنگی
 تویلر . فقط دیرکن ایچری بولردن برینک صاحبه
 شطارت افشانی کیریور : بهارک هنوز فصل بدیعنه ایرمش
 مدبدب ، مطرا برنهال روان که در حال نظره حاضرونی
 جاب و جذب ایدیور ، اومینی مینی نازنین کوپکنک

یا نه کیدیور .. برچوق اوقشامه لردن ، او پوشمه لردن
صوکره :

— طوطو ، مینی مینی طوطو ، ال . باقشکر چیچی
شکر ، اوپنی ، اوپ خانمکی ..

دیه بلبل کی سویلنمکه باشلایور . حیوانی قوجاغنه
آلیور . هیئت ممیزه کتیریورلر .. حریفلر کوپکی په پهلره
اورتایه قویورلر . قولاقلرندن ، قویروغندن طوتارق
گویا معاینه ایدیورلر .. حال بوکه نظرلر اوصاحبه حسن
و آن ، او نادره بدایعه منعطف ، طبیعی قیلمرده اوجهته
اویله جه میالکه یازیم یا کلش برتفتیشدن صوکره هایدی
مکافات ، تومن تومن تقدیرات ، باخصوص او آشوب
جماله آقین آقین تبریکات ! نه خوش سرکی ، هله نه خوش
مسابقه !

*

* *

بر قاج بیل مقدم پارسه جوار ولایت لردن برنده
(سن) نه ری کنارنده بر صندوق بولنش ، ایچنده
(غوفه) اسمنده بر مباشرک جسدی چیقمشدی . قاتل
سنه لرجه آراندی . الدمه ایدیله مه دی ده ، نه دن صوکره
شریکه قتلک افشای اسرار یله ایش آمریقاده تظاهر
ایتدی . ناجی افندی مرحومک قلمیله قسماً لسانمزه

نقل اوله رق پارچه پارچه (مجموعه معلم) ده نشر اولنان
 (زولا) نك (ترزراكن) حكايه سنده جنایتك تأثیری
 خارق العاده بر صورتده تشریح اولمشدر .. قابل دكل ،
 بر جنایت مجهول قالماز . تحقیقات عدلیه ایلری کیده مه سه
 بيله قاتل یا کندیلکندن میدان چیقار ، شاشقینه سه
 حرکت ایدر ، یا خود سیئه جرمنی بشقه دولو چکر ..
 بو برقاعده طبیعی و جبلیه در . جنایت مطلق تأثیرینی
 کوستریر . ایشته دون پارسده طبق بومباشر (غوفه)
 جنایتی کبی بر جنایت دهاکشف اولدی : (شربورغ)
 لیماندن اون ایکی کیلومترو مسافده واقع (قوویل)
 استاسیوننه کچن چهارشنبه کونی بری قادین ، بری ارکک
 پارسدن ایکی یولجی کلیرلر .. یانلرنده کی بیوجکه بر صندوقی
 امانه اورایه براقیرلر . کیدرلر .. شمندوفر آدمیری
 صندوقی بر شرفدن او بر طرفه نقل ایدرکن فنا برقوقی
 حس ایدرلر .. استاسیون مدیرینه خبر ویرلر .. مدیر
 کلیر .. صندوق آچیلیر ، ایچندن قفاسی ، بنی طاعیدلش ..
 ایکی بوکلم ایدیلرک اورایه صوقولش بر جسد چیقار ..
 ایرتسی کونی یولجیلر صندوقی استرداده کلدکلری زمان
 در حال توقیف اولونورلر .. طبیعی انکار ایدرلر اما پارس
 پولیسنک لندن قولای قورتولمق ممکنمیدر ؟ .. اولا

یو جیسلرک هویتی بالتحقیق میدانہ چیقاریلر .. سوکره
مقتولک اصلی ، نسلی آراشدیریلر . تحقیقات ، تحقیقات
یکرمی درت ساعتده ایش تمامیلہ تظاہر ایدر . مقتول
پوستہ پولی تجارتیلہ مشغول برکنج ایمش .. بو حریف
اوکنجی برآلیش ویریش وسیله سیله اوینه جاب ایدر .
بیوجکہ بر صندوقده حاضرلار .. هرشیئی ترتیب ایلر ..
بیچاره یی اوراده اولدیرر . قاری ایله برابر صندوقه
یرلشدیرر . اوزرنده کی پوستہ پوللرینی آلیر ، کوتورور ،
صاتار . بوندن آلدقلمی پاره ایله حریف ، قاری صندوقی
صاللاصیرت ایدرک شو سیاحتی اجرایه قویولورلر .
مقصدلری کیتدکلری یرده الی آی مدتلہ براو طونارق
جسدی اورایه کومک ، بویله جه جنایتدن اورتاده هیج
برائر بر اقامق ایمش .. فقط اوده کی حساب چارشویه
اویمادی .. دها غریبی : قاتل هر اوطوردینی یرده
« حکایه نویسم » دیبه صنعت کوسترمش ، اصحاب ادبدن
اولق اوزره کچنمش ! نه مدنیت ! ایشته بعضاً او یله چیچکلر
یتیشدیریورکه بر پوستہ پولی ایچون بر بنای الهی یی
بیقیورلر .. چونه که بودیاردہ مجادلہ حیات ، نفس نفس
حزین بررنک آلیور ، آچلق بویله مستکره نتیجه لره

میدان ویریور . حریف حکایه نویس کچنیر ، اعلا
سویلر ، بلکده یازار . الیونسز ، ردنغوتسز سه وقاغه
چقماز . فقط ظاهره آلدانماملی ، کیم بیلیر نه قدر
آچدر .. قارتی طویورمق ایچون نه بیوک جنایتلره
حریصدر ، حاضر در .

*

* *

صالی اقشامی (اده ئون) تیاتروسنده بر فقیر دلیقانلینک
حکایه سنی تماشا ایتدک . انسان بر مدت حقائق شئونی
اونوتسه ، ماهیت بشردن غفلت ایتسه ده بوخیالات
لطیفه یه طالس ، اطرافده هپ بوبله (ماقسیملر) کورسه
نه اعلا اولور . بو حکایه یی او قومایانلر یمز پک آزدر .
موضوعی تکراره حاجت یوقدر . فقط اثر تیاتروده بشقه
بر رونق آلیور . (ماقسیم) ، اوفقیر دلیقانلی صحنه ده
بالذات عرض وجود ایدنبجه بزده ده ها درین بر تاثیر
وجوده کتیریور . انسانک بعضاً کوزلری یا شاربیور .
بعضاً ایچی مسرتلره مستغرق او ایور . مثلاً برنجی برده نک
لوحه اولاسنده کنجک آج ، صوسز ، پارسز قالمسی ،
او قوجه قونا قدم حزین حزین طولاشمسی ، ایکی کوندن
بری یمک یمامسی ، نهایت اوده کی امکدار برقادینک بیله
کیسه سندن حاضر لادینی بر یمکی ره ایتسی نه قدر مؤثر ،

مؤلم ایسه لوحه ثانیه ده وکیل امور اوله رق بیوک برعائله ک
 یانه مظفرانه کیرمسی، هر طرفدن تقدیر، نحسین، التفات
 کورمسی اودرجه مفر حدر.

فقط بوخاتمه یی عصرک شومادیلشمش اذهاننه ناصل
 اکلایمالی که بوفدا کارلق، بولطائف، بوحسنات فطرت
 انسانده مکنوز اولسه کرکدر. پوسته پولی ایچون آدم
 اولدیرنله باقاملی، کوشه ده، بوجاقده نیجه احتجاب فضیلت
 واردر. هیهات! او یونی تماشایدرکن مفکره نک کنی
 طوتماز صالیویریرسهک خیالک یرینی درعقب حقیقت
 قاپلایور. انسان او حکایه به بر مضحکه نظریله باقیور،
 اوح! اساطیر الافرانغه برقاره کوز دیور. لذت، لطافت
 هپ الدن قاجیور. هله دیشاری چیقار چیقماز بتون
 بوتماشادن سونوک، قوری بر خیال قالیور. مع مافیه ایچریده
 ایکن تماشایفا دکل.. باخصوص اثرده پک چوق کوزل
 سوزلر، نکته لر، لایفه لر وار. مثلاً بر مکتب قالفه سی
 کویلی قیزرخی قوناغک صالوننه کتیریور. کوچک خانمه
 ازدواجی ایچون بردمت چیچک تقدیم اییدیورلر..
 قیزلردن بری قالفه نک از برلته دیکی بر نطق خانمه سویله مک
 چالیشیور. حریف ارقدن متصل فیصله یور. قیز پاپاغان
 کی تکرار ایتک ایسته یور: مادموازل... بودمت...

قلب ... صاف و ... معصومك بر برکنداری او ...
 اولوب « دیرکن قالهیه دونیور . « اوف اشاغیسی کلیور »
 براق بنی ایسته دیکم کبی سویله ییم « دییور ، سویله جه
 پک لطیف ، پک صاف سویله یور : « مادموازل ، بو
 چیچککاری بزسنکچون ایشته باغچه دن طوپلادق . بویله جه
 سکا کتیردک ، آل » ... هر فصلده دها برچوق نکات
 حکمییه وادییه وار . حاصلی ، اویله بر اثرکه اک لطیف
 بر شعر قدر خیالی اوقشایور . حکایه شکلنده لسانمه
 ترجمه اولندیغی زمان نیجه قلبلری طاتلی طاتلی خلیجانلره
 دوشوردی . تیاترو صورتنده ده نقل ایدلسه ده بالفرض
 میناق افندیگ صحنه بهینده موقع تماشا یه قونولسه خلیقمزه
 غایت کوزل تأثیر ایدر . خلق ایچون بوندن نفیس اثر
 اولماز : خوش باشلایور ، خوش دوام ایدیور ، خوش
 بیتیور .

*

* *


برطرفدن (اوده ثون) بو اویونی اوینار طوریرکن
 دیگر جهتدن دها بیوک بر صحنه تماشا ، یعنی (تئاتر فرانسه)
 مشهور (آلکساندر دومافیس) ک — محب نسوان — نی
 تکراراً لعبه باشلادی . (تئاتر فرانسه) باشقلرینه بکزمه
 درام خصوصنده پارسک اک بیوک صحنه سیدر . دور اخیرده

تیا ترو مؤنلاریک سربلیدی حقیقه (دومافیس) در .
 انکچون بومخنده اکثریا بومؤلفک او یونلری ان بیوک
 موفقیات قازانیور . بوهفته نظرلر ، ینه بوتیا تروییه منعطف
 اولدی . چونکه یکی بر او یونجی بومعرضده اجرای اعبه
 قویولدی . اوده (لوتی لونی) در . بوکنجک باباسی هنوز
 بر حیات ، سکسانلک براختیار ، معروف بر او یونجی که
 اوده عمرینی بوتیا تروده کچیرمش .. (موسه) نک انک
 مشهور اثرارینی اوینامش . دها غربی اوغلی کچن اقشام
 (مولیه) (مردمکریز) ینی اوینایوردی . باباسی بوندن
 یکر می آلتی سنه اول ینه عینی اقشام او او یونی اوینامش ..
 زواللی اختیار بو خاطرده بی لوجه سنده سوبنه سوبنه قل
 ایدیور . « اوغلی او یونجی یامق هیج املم دکلدی ..
 حتی بونکچون یکر می یاشنه قدر رسمه چالیشدی ..
 برده برکون کلدی . بکا او یونجی اوله جفندن بحث ایتدی .
 (مردمکریز) حاضر ایدیغنی بیله سویلدی . برای تجربه
 اوکده اوینادی .. باقدم که استعداد فوق العاده ، هایدی
 کیت طالع معینک اولسون ، دیدم . ایشه اوزماندن بری
 چالیشیور . بوکون سعینک ایلک ثمره لریخی طوپلا یور »
 دیه اعلان شادمانی ایله یور .

فرانسز تياتر وسندن بحث ايدركن متأخرين مؤلفيندن
 (پول هرويو) بك — قيصقاج — عنواني اثرينه دائر
 برقاج سوز سويله مك مناسب كورلدى . قارلر يمز بلكه
 تخطر بيوريرار . بوندن آلتى يدى آى اول بواو يوك
 صحنه تماشاده قازاندينى موفقيتى حخيفه لريمزده بر تفصيل
 بسط ايله دك ، ماهيتنى آكلاندق . مؤلفك بزم بوبابده كي
 التفاتنامه سنى ده نقل ايتدك .. ايسته اولميه جك اثر بودر ،
 ديدك .. اوتار يخذن برى — قيصقاج — معرض تماشايى
 اشغال ايتدى ، طوردى . موفقيت موفقيتى تعقيب ايله دى .
 شمدى ده بواثر دلفريب انجمن دانش كيرك . مكافانه ،
 تتويجه مظهر اوليور . انجمن دانشك مكافاتى پاره در .
 بيك فرائق ، ايكي بيك فرائق ، بشريك فرائق .. فنامى
 هيچ يوقدن بركار .. بوبارملر بعض اصحاب خير طرفدن
 انجمنه وقف ايدلمشدر . مثلاً غريب تصادف — قيصقاج — ك .
 يعنى كله تنك قازاندينى مكافاة برديشجى طيبك اوقافنددر .
 نجيب عاصم بك افدينك توسيعاً لسانمزه نقل ايتكله
 مشغول اولدينى (تركور ومونغوللر) نام اثر معتبرده اخيراً
 بيوك برمكافانه مظهر اولدى . انجمن آثار جيده يى بحق
 انتخاب و تتويج ايلر . قيصقاج اويوننده روح واردر .
 فلسفه واردر كه بر فقير دليقائلى حكايه مى كبي دكل .

فقط اے درین فکر لری تغذیہ کفیدر . ترکارو مونغولار
ایسہ (لئون قاعون) ک آسیا تاریخ اقوامنہ دائر اے کوزل
تبعاتی جامع بر اثر معتبردر . تاریخ ادبیات مزہ علم السنہ مزہ
عائد نیجہ معلومات مفیدہ نی محتویدر .

بومکافاترله برابر انجمن دانشی بیوک برمسئله
اشغال ایلور . بو هفته بوکا دائر اوچ مذاکرہ خفیہ
جریان ایتدی : (زولا) نک انتخاب وعدم انتخابی .
اعضادن بر قسمی (روغون ماقار) مؤلفنک خصمیدر ،
قسم دیگر ی طرفداری . طرفدار لری شمعی یه قدر
سس چیقارامیورلردی . باخصوص « دومافیس » ک
وفاتندن بری عادتا سکوت ابدیورلردی . فقط (روما)
حکایہ سنک قزاندینی موفنیت عظمی بونلری تشجیع
ایلدی .



فرانسہ انجمن دانش کیری کچن پنجشنبہ کونی
(پاستور) ایله (دومافیس) ہ برر خلف تعیین ایدہ جکدی .
(پاستور) ک یرینہ انجق برنامزد واردی . رقیبسنر ،
مسعود برنامزد : (قولارڈہ فرانس) مدیری (غاستون
پاریس) کہ فرانسہ نک اک مکرم ، اک محترم علمای
لسانندن ، ادبای کرماندندر . رحلہ تدریسندن یتیشنلرک

برقاچی بوکون انجمنك اعضاي بنامندندر. فقط (غاستون پاریس) كاك بيوك شهرتي ممالك اجنبیه جه در. درسارنده اکثریا پاریسی زیارته کلن انکلتره ، المانیا افاضلی بوانور. حاصلی بومزایاسنه مبنی شو استاد معرفت بلامشکلات اوتوز بر رأیدن یکر می سکیز رأی کبی برا کثرت وفیره ایله بوهفته انجمن دانشه اعضا انتخاب اولندی. شو موفقیتك درجه سنی اکلامق ایچون (دوما فیس) كک رینه نامزدا اولانلرك بومجادله ده کچیر دکلری کشمکش کور ملی. بونلرك برنجیسی (زولا) ایدی که ۱۸۹۰ دن بری اون بش دفعه نامزد اولدی. اون بشنده ده دوشدی. ایکنجیسی (ژان مؤقار) نامنده کوزلجه برشاعر که اخیراً (عیسی) عنوانیه نشر ایلدیکی بر منظومه دینییه ایجه شهرته سبیت ویردی. اوچنجیسی مشهور وکیل دعاوی (هانری باربو) که (پاناما) دعواسنده بیوک مهارت وفصاحت کوستردی. دردنجیسی (هانری بن) که غایت غریب الاطوار برتیا ترو مؤلفیدر. (قارغلر) ، (یاریزین) کبی اثرلری بویولده اکزنکین محصولات نفیسه دندر. فقط بومحررانجمن دانشی ده، اعضاسنی ده خاطراننده وقتیهلک فالتزیف ایله دی. بشنجیسی ده فرانسلرك دیدیکی کبی ، برشهر نامعروف! نامزدچوق ، مجادله زیاده! باخصوص

(زولا) نك طرفدارلری بوسفر آرتق مقصوده ایرمك
ایچون جانندن چالیشدیله . (فرانسوا قوپه) صالی کونی
انجمنده بیوک برنطق ایراد ایله دی ، (روغون ماقار)
مؤلفنی دورودراز مدح ایتدی وقایه ، حمایه ایله دی .
ذاتاً اورتاده (روما) حکایه سیده اذهانی غایت اشغال
ایدیور . آرتق هرکسده بو اون بشنچی مجادله ده اولسون
(زولا) نك ظفره ایرمسی ایچون امیدله حصوله کلدی ..
مکر بونله هپ بوش ایتمش . پنجشنبه کونی (روما)
مؤلفی انجق اون درت رأی قازانا بیلدی ، انتخاب اولنه
بیلمك ایچون لا اقل اون یدی رأی ایستردی . دوره
آلتی کرم تجدد ایتدی ، قابل دکل . بو اون درت رأی
چو غالمدی ، بالعکس آزالدی . مع مافیه دیگر نامزدلردن
هیچ بری ده اکثریته نائل اولمادی . شو انتخاب کله جك
تشرین اوله تأخیر ایدلدی ، غریبی شوکه بو عدم موفقیتدن
(زولا) نك حامیلری ، دوستلری (قوپه) لر ، (بورژوا) لر
فناحاله مایوس اولدیلر . قوجه حکایه نویس فنور بیله
کتیرمه دی . برقات دها زیاده غیرتله صرف قدرته عزم
ایتدی . (پارس) نامنده کی حکایه سنی حاضر لامغه
قویولدی .

*

* *

اوتهدن بری غزته نك وقایع جنائیه مخصوص
 صحیفه سنی جام هیچ کورمك ، اوقومق ایسته من ..
 فقط وقعه پك مدهش اولورسه اوتهده بریده مدار بحث
 اولدینی ایچون انسان شویله برکوزدن کچیرمکه مجبور
 اولیور . مثلاً چکن هفته پوسته پولی ایچون بریچاره نی
 پارچالایه رق صندوقه صوقان حریفله قازینك سرگذشت
 مستکرمهی کبی .. بوهفته ده برمست برپدر قیزینك قاننه ،
 همده پك انصافسز جه سنه کیریور .. شو جنایتی ایشیدنجه
 خاطریمزه ناموس ، عرض کبی شیر وارد اولور . نرده !
 بالعکس غایت ناموسلی ، اون سکزی یاشنده برقیز پدرینك
 اهانته خیانتنه ، وفاسز لغنه رغماً والده سیله الالدویریور .
 سهی و مشقته قویولیور . عائله کثیره سنی بسیله یور .
 عیاش حریف فضیلتك بودر جه سنه حسد ایدیورده
 ناحق یره کلیور ، آنه سنی اولدیرمك ایسترکن آرایه
 کیرن قیزك جاننه قییور .. دیگر طرفدن برلوقانطه ده
 بر قوجه حسدندن قاریسنه برال طابانجه صیقیور ..
 بوشهر شعشه دارده ، بوفواره مدیتده ، شو لطائف
 خونریزانه نه دینیر ؟ نه دینیرسه دینسون بویله عادیات ایله
 اشتغاله محل یوق ، بریده علمدن ادبیاتدن بزه تعاق
 ایدر نیجه کزین حوادث وار :

کینلرده بوراده (شعرا تیارو) سنده (لوترک
 شبانی) نامیله غایت لطیف بر او یون موقع تماشایه
 قونولدی . بونکچسون اوزمان اقدامه بر مقالاه
 کوندردمدی ، هنوز نشر اولمادی . بلکه نشر اولنور .
 بوازر هر جهتدن بیوک بر موفقیت قازاندی ، هرکس
 مؤلفک هویتی ارادی . برده چیقہ چیقہ غلطه سرای ،
 مکتب سلطانی مأذونلرندن دولت عثمانیه تبعه سندن
 طائفه موسویه دن (آبرلوی) افندی چیقدی . تحف ،
 راجنبی فرانسزجه ده بودرجه مهارت ، بلاغت کویستر -
 سون ، بلند ، بلخ برشاعر اولسون ، منظوم تیارولر
 یازسون! هرکس حیرته دوشدی ، هرکس مکتب سلطانی یه
 دائر معلومات آرامغه باشلادی . اترک روحی منقدرک
 بیاناتی مقالہ عاجزانه مده بر تفصیل یازلمشدی . اخیراً
 وطندا شلق مناسبتی ایله احبادن بری بنی بوشاعر کزین
 ایله کوروشدیردی ، بر دعوتده بولدندیردی . اوتوزله
 قرق آراسنده برکنج ، چونکه وجوداً ، فکرآ دینج ،
 متین ، شاب . . مکتب سلطانیده کاتب خصوصی رشید
 بک مرحومک صنفندن ایمش . . اطهر قائممقامی سابق
 عثمان بکه وارنجیه قدر بتون صنف آرقاداشلرینی برچوق
 خاطرات لطیفه ایله وصف ایتدی . در سعادتده تحصیلنی

بتردکدن صوکره پارسه گلش ، مکتب حقوقی اکمال
ایلمش . . فرانسه زجده کی مهارت کایه ادبیه سیله برابر
ترجه سنی ده ضایع ایتمه مش . . باخصوص همشهر یلریله
ترجه قونوشمدن بیوک بر حظ البور ، ترجه آنارک
مطالعه سنه خواهش کوستریور . (لوترک شبابی) ندن
صوکره (پاپا) نامیله بر منظوم تیاترو دها یازمش قریباً
پارسک بیوک بر صحنه سنده موقع تماشایه قونوله جق ایتمش . .
شمدی باشقه بر اثره چالیشیور که بونک اسمنی ، موضوعنی
هنوز صاقلایور . فضائل اسلامیه نک اوتهدن بری صمیمی
برمدافعی : « بن شباب عمریمی اهل اسلام اره سنده
کچیردم . عائلهم اهل اسلام اره سنده یاشادی . حالا او یله
یاشایور . اسلامیتده کی قواعد جلیله اخلاقیه بنی دائمی
حیران ایتدی » دیور . بویولده بعض رسائل موقوتیه
یازدینی مقاله لر بالخاصه بزلر ایچون ، شایان مطالعه در .
شمدی ده (آنسیقلو په دی مجموعه) سنده نسوان اسلامه
دائر اوزون بر بند نقدیر آمیز نشر ایتک اوزره در .

(آلبرلوی) افندی اون سکز سنه دن بری پارسده
بولندینی ، بوشهرک بالجمله ترقیات علمیه وادبیه سنه ،
ادباسنه ، ارکاننه قاریشددینی حالدینه مزیت عثمانیه سنی
غائب ایتمه مش . . هر محفل ادبده دائماً انکله افتخار ایلور .

هر درلو فیض آدابی ، نعم کالی بر ترک مکتبندن ، مکتب
سلطانیدن الیغنی سویله یور . ذاناً بونلره وبالخاصه عادات
اسلامیه دائر برتالیف بهین حاضر لایور .. درس لری مزجه ،
مکتسبات علمیه مزجه بزه دلالت ومعاونت ده وعد
ایله یور .

*
* *

مادام که بر پارچه خصوصیات کیریشدک ، بویولی
تعقیب ایدلم .. مخبر حقیری بیوک بر اضطراب معده
یقلا دیدی . شو یله ، بویله بر چاره بولونمادی . علاج
فائده ویرمه دی . بکنر صارارمغه ، صولمغه باشلادی ..
ارقاداشلردن بری بنی آلدی ، بولوندیغمز محله نك خسته -
خانه سنه کوتوردی . قوجه بر بنا ، حولیلر ، دیوانخانه لر ..
واسع قغوشلر هر قغوش درت بیوک قسمه آیرلش ..
هر قسمده الی ، التمش خسته . قغوشلرک بعضیلری
ارککلره ، بعضیلری قادینلره مخصوص .. هر قسم ایچون
مشاهیردن بر طبیب موظف وار . علی الصباح کایور ،
خسته لری معاینه ایدیور ، بوصره ده مکتب طیبه دن
معینه کوندریلن طلبه یه ده ایش باشنده ، نظری ، عملی
بردرس ویریور . بنده کیتدم ، بو طلبه یه التحاق ایتدم .
خسته لری برر برر طولاشدق .. بعض یانافلرک باشنده

خواجه لا اقل بر چاريك طوردی .. خسته يي معاینه
 ایتدکن صوکره طلبیه توجیه خطاب ایله : افندیلر
 ایشته کوریورسکزی یا ، بو بر یکی حادثه در . چهره یه
 باقکز ، هیچ خسته لق علائمی یوق . مع مافیه قای
 دیکله ییکز .. مضطر بدر .. « کبی تلقیناتده بولوندی .
 شاگرداندن ایلری کلنلری ، داخلی اولانلری بالذات
 خسته خانه ده قاله رق دائمًا بوخسته لری معاینه ایتمکه
 موظف ! . هریاتاغک دفتری ، جدری تحته سی وار ..
 بو معاینه لر بیتدکن صوکره آرقاداشمک توصیه سی اوزرینه
 طیب بی اوزون اوزادی یه معاینه یه باشلادی . ضیق
 نفس دیدمدی ، اندن ، بکزیمک صاریلغندن قورقمش ،
 قلبه برشی وار صائمش .. نهایت ایجه تفتیشدن صوکره :
 اوح ، برشی یوق .. صاب صاغلام خسته لق بر سوء
 هضمدن عبارت ، هیچ علاج الماملی .. چوق اکمک
 یمه ملی .. سودی سویورسه کز بول بوله سوداچمه ملی ...
 فلان « دیدی طلبیه دوندی : ایشته باقکز ، علاج ناصل
 انسانی خسته ایدیور . علاجه هوس ایمه ملی : Il n'ya
 pas de maladie, mais il y a des maladies »
 باشلادی ، دیرکن طلبه برر برر برای تجربه و تصدیق
 بی معاینه یه قویولدی ایسه ده همان یرمدن فیرلادم ..

معامك سوزلرندن خاطر يمه : « المعدة بيت الداء والحمية
 رأس كل دواء » حكمتی كندی . چوجقارلك بری ده شو
 صیره ده « قالا جقمی ، قالا جقمی ! » دبیه یاتاغلك نومروسی
 آلمغه ، دفتر ، تخته ، جدول کتیرمکه چابالا یوردی .
 غالباً زوالی به خسته اصابت ایتمه مش .. خسته آریور !
 علاجلری آتدم « ات ، سود ، یومورطه دن ماعدا برشی ده
 یمه مکه باشا لادم ، اضطراب قسماً مندفع اولدی . ایکی
 اوچ کون صوکره ینه کیتدم .. طیب باقدی حالد افاق
 وار . بومنوال اوزره تماماً شفایاب اولونجه یه قدر دوام
 کرکدر ... قطعياً علاجك سمتنه اوغراما دیدی ...
 غریب دگی !

یاخته خانه ده کی انتظام نه قدر خوشمه کیتدی . فقیرلر
 بورایه دخول ایچون هیچ پاره و یرمه یورلر . زنکینلر
 کونده اوچ فراتیق و یریورلر .. لکن مرضا ایچون شو
 دارالمرضه نه نقیده نه تمام کوستریلیور ! برخسته ده قابیت
 افاق وارسه درحال قورتنویه و . بوخواجه لرك هربری
 انجمن طب اعضاسندن ، دوت بش لیرا ، بلکه ده از یاده
 اجرتله ، بیک ناز ایله معاینه یه کیدن ط قندن .. بوخسته
 خانه لره ایسه حسبه لله هر صباح مجاناً کایورلر ، خسته لردن
 افاقته باشا لایانلر .. یاواش یاواش باغچه یه چیقیورلر ..

هر محله ده بويله برخسته خانه يه ، هر خسته خانه ده لطيف ،
 مزين بر باغچه ، باغچوان بوندن ماعدا بيوك بر كتبخانه
 وار .. مريضلر اورايه كيديورلر .. كتاب او قويورلر ،
 كزييورلر .. حاصلی هر درلو اسباب رفاهيت بر كالدر .
 او قدر كه وهله اولاده انسانك خسته اوله جنی كليور ..
 يوق ، يوق بونلر قوری لاف ! انسان او قوجه قوغوشلردن
 ايجری كيرنجه ، صاعده صولده صولوق چهر دلر او يوق
 كوزلر حزين سيمالر كورونجه دريندن درينه حزنه دوشيور :
 اولمايه دولت جهانده بر نفس صحت كبی « قول شاهانه سنی
 خاطر لايور .

چار حضرتلرينك رسم تتوجه تصادف ايدن ايلم
 مخصوصه ده ، يعنی كچن صالی ، چهارشنبه ، پنجشنبه كونلری
 پارسده اينيئ رسميه ايله بعض خصوصى بنالر دوناندى .
 كوندوز فرانسر وروس بايراكلری ، كيجه قنديللر هرايكي
 طرفدن برسورى مصافات .. موسقووايه سفارت فوق -
 العاده ايله كوندريلن هيئتك كافه حركاتی بوراچه الفی
 الفه تعقيب اولوندى . اورادن او هيئته نه قدر التفات
 كوستريليرسه بورادن ده روسيه يه اودرجه ميل ومحبت
 اظهار اولونيوردی .

مکتوبك شوصوك تحيفه سی حزن ایله پوشیده در .
 درت سنه اول برای تحصیل (لیون) ه کوندریان طبیه
 طبیه عثمانیه دن احمد وصفی افندی دون کیجه خسته خانه ده
 ارتحال ایتدی . بیچاره چوجق ، ذاتاً ارباب استعداددن
 اولدینی ایچون بوراده پک کوزل بر تحصیل کورمش ،
 کچن سنه (لیون) مکتبئی موفقیتله اکمال ایله مش ایدی .
 بوسنه آرقاداشلارندن ممتاز اوله رق وفات ایتدیکی خسته -
 خانه ده ملازمتله مشغول اولیوردی . بوملازمت ده ختامه
 ایرییوردی . بش اون کونه قدر وطنه عودت ایده جک ،
 سنه لردن بری یوانی بکله یین والده سنه قاووشه جقدی .
 کچن هفته بر نزله صدریه طوتولدی . یتاغه کیردی .
 بوهفته خوابگاه ابدیسنه چکیلیور . شبانه می یانسون
 تحصیلده می یانسون ، غربته ، فراقنده می یانسون . احمد
 وصفی افندی یوزباشی رتبه سنی حائزدی . صنفده
 برنجی - لردن اولدینی ایچون طرف حکومت سنیه دن
 کوندریلن شاگردانک مستعدلرندن ایدی .



بوهفته یینه پارس محافلنی اییدن ای (زولا) اشغال
 ایله دی . قوجه محرر ، بونه بیتمز ، نه توکنمز قدرت

وشهرت ادبيه ! برطرفدن انجمن دانش كيرك بومؤلف
 مقتدره قارشى خط حركىتى اوقدر تنقيد اوغرادى كه
 بوجهتى آيرى بر مقاله ايله قارئين كرامه عرض ايديوروز.
 ديكر طرفدن (روما) حكايه سى ايچون كوچك بيوك
 برسورى منقدين مجموعهلرده ، جريدهلرده صحيفه لر
 طولديرديلر . جمله سى بوقوه بلند تصويره حيران ايسه ده
 چوققلى اساسه معارض ، صاحب اثره حسود . ليكن
 عامه بومعارضه لر ، حسدلره اهميت ويرمه يور . حكايه
 مظهر رغبت اولدقجه اوليور . بر آدمك باشنده بوقدر
 مناقشات كافى دكلمش كې پارس صحنه كزين تماشالرندن
 برى (زولا) لك (سعادت نسوان) عنوانى حكايه سنى
 تيارويه قلب ايله اويناغمه باشلادى . (سعادت نسوان) ،
 محررك (روغون ماقار) سرنامه عموميسى آلتنده نشر
 ايله ديكي يكرمى مجلددن برى ، بر غريب حكايه دركه بعض
 خصوصاتجه بالخاصه شايدان دقتدر . بو حكايه (روغون
 ماقار) لك (نانا) لرى ، (ارض) لرى كې صوك درجه
 اشتهار ايمه ديكي ايچون نظر مطالعه مه اصابت ايمه ديدى .
 فقط بالاخره فرانسه نك حالا ك مشهور اقتصاديونندن
 (پول له رو و ابوليو) نك بش جلددن مركب اثر عظيمى
 كوزدن كچيريركن بيوك صنايع ، كوچك صنايع بحثده

هپ (زولا) نك بو (سعادت نسوان) حكايه سندن
 قيدر كوردم ، اثرى اوقومغه مجبور اولدم ..
 پارسده (بون مارشه) ، (لوور) ، (بل ژاردينير) ،
 (پرنسان) كې بر قاج بيوك مغازملر واردركه انسان
 مابوساته ، مفروشاته دائر اك اوافاغندن اك قوجامانسه
 وارنجيه قدر نه لازمسه اك كوزل ، متين صورتده ، اك
 اوجوز فيئاته تدارك ايدر . بورالرده حيله ، خدعه
 يوقدر . بازارلق اولماز .. بونكچين بتون مشتيرلر هپ
 بو طرفه هجوم ايدرلر . كوچك مغازملر ويره سى به آليش
 ويريشلى اولماسه آچلقدن اولورلر ، بواخذ واعطا
 عمانلرينه رقابت ايده مزلر . چونكه علم اقتصادده برفصل
 مخصوص تشكيل ايله يور : بويله صنايع كييره بايعلر
 اچوزده ، مشتيرلر اچوزده صنايع صغيره بيك كره
 مرجحدر . بيوك برمغازه ، كلې بر ثروت صاحبي هر
 شئي اوجوز آلير . دقتله آلير ، يرندين آلير . كوچك
 دكاجيلرك ايده مديكي بيك درلو استفاده لري ايدر .
 ساتيشدهده ، مشترى به بويله سهواتلر ، كارلر كوستيرر .
 ايسته (سعادت نسوان) بونوع تجار تكدم لردن برينك
 آيدر . (زولا) بونلري اساسندن تدقيق ايتمش . اويله
 درين تصوير ايله يورك حكايمى يازي يور ، علم ثرونك

برفصانی می یازیور ، بللی اولمایور . بوفیضانکاه تجارتک
 اطرافنده کی اوافق دکانلری ندرلو خراب ، حتی خاک
 ایله یکسان ایتدیکنی کوستریور . صوکره بوکا کوچک
 بروقه عشقه قاریشدریور . میدانه برحکایه چیقیور .
 فقط اثرده مهارت وقعه لرده دکل ، تصویر حقایقه دره
 ذاتاً تیاتروییه تحویلنده بوخصوص کالیه تظاهر ایدیور :
 صحنه ده بیوک بر تجارتکاه هر درلو دولایله محصور یله ،
 خفایاسیله نظاره عیان اولیور . خلق بر طرفدن کیریور ،
 بر طرفدن چیقیور . غایت مزین بر قادین امتعه معروضه دن
 برینی آشیریرکن طوتیلیور ، مدیرک او طه سنه کوتور یلیور .
 استنطاق ایدیلیور . بواثر باشند اشانغی پارس (بون مارشه)
 مغازه لرینک سرگذشتی دینلسه واردر . (پارس بون مارشه)
 مغازه لری شایان مطالعه در . نه ثروت ، نه اخذ و اعطا ،
 نه بازار تجارت ، برهای وهودر کیدیور . قادین ، ارکاک
 بیکلرجه مأمور و مأموره وارکه اللی آلتش لیرا معاش
 آلیور بونلر ایچرن یاناق او طه لری ، یمک صالونلری .
 مکمل ییورلر ، ایچیورلر ، ایسترلرسه اوراده یاتیورلر .
 مشتریله نه قدر عزت ، اکرام ! غایت بیوک ، محترم
 مطالعه صالونی ... مشتری اولسون اولماسون هرکس
 بادهوا اورایه کیدیور ، ایستدیکی غزتی ، مجموعه یی

بادهوا او قویور، بادهوا ظرفلر کاغدلره مکتوبلریازیور.
 اوکنده کی پوسته قوطوسنه آتیور ییور . صوکرده
 قارشى طرفده کی (بوفه) به کچور . ینه بادهوا برشروب
 ایچیور، برلوقوم ییور. ایشته (سعادت نسوان) بو حقائق
 قدرتله ، دهشتله مصور بر حکایه ، عالمانه ، واقفانه ،
 مدققانه یازلمش بر حکایه در . ذاتاً (زولا) نك اك بلند
 موفقیت و مهارتی بویله جمعیتلر ، ازدحاملر ، عالملر
 تصویرنده در . بر قلبك غوامضنی ، دقائقی ، احتیاساتی
 او قدر ایجهدن ایجیه کوستره من ، لکن بر لجه بشرک
 اکدرین سرائرینی ، خفایای عمیقهنی فیکره وله ویریر
 یردقت ورقتله اورنایه قویار . جهانده پك نادر ذکاوار
 درکه فعالیتك بودرجهسنه موفق اولسون . باخصوص
 موفقیتنده بویله ثابت ، ثباتده بو قدر مترقی بولونسون .

*

* *

دارالفنون معلملرندن موسیو (کرتوف) ایله کچن
 کون خسته خانلردن بحث ایدیوردق . بوذات شویله
 اداره کلام ایتدی : — تحصیلکزه ، میلکزه کوره سزک
 ایچون هر صالی صباحی (سالتیریر) . کیدرک مشهور
 (شارقو) نك خانی (ریمون) ک درسنده بولونمق
 کرکدر . طبك اک نافع ، اکشایان دقت ، اک مراقی جالب

بر قسمی اک مقتدر ، اک فصیح بر اغزدن پک مکمل
ایشیدیر ، اکلا رسکنز « دیدی . ایرتسی کونده صالی
ایدی . بز (سالتیریر) ی بویلا دق . طبیعی قارئین کرام
بیایر لر . (شارقو) فرانسه نك امراض عصبیه ده اک مشهور
بر عالمی ، بر طبیعی ایدی که برایکی سنه اول وفات ایله دی .
خانی (ریمون) علماً اودرجه مشهر اولماسه بیله حقیقه
نادر الا مثال فصیحای معلمیندن که تقریر بلایغله انسانی
در حال تسخیر ایله یور .

درس خانه دن ابجری کیردم . . آرادن بر چاریک
کچمه دی . ساعت الافرانه ، اون اولدی . اورنایه خواجه
کلدی . اطرافنه معاونلری دیزلدی . برنجی خسته تی
کتیر دیلر . . قرق ایکی یاشنده بر قادین . . بکزی ، صحتی ،
اعلا هیچ بریرنده برشی یوق کی . . یالکنز یوریرکن
ساده پارماقلرینک اوجنه باصیور ، قابل دکل طویوقلرینی
یره طوقوندیرامایور . او یله تحف ، او یله سکه سکه
یوریریور که صیقلماسه ، آجیماسه انسانک کوله جکی کلیور .
خسته لغی طلبیه ایجه کوسترمک ایچون معلم ده بیچاره یی
متصل بر طرفدن بر طرفه یوریتیور ، سکه دیریور .
صوکرده ده : « ایشته افندیلر ، غایت شایان دقت بر حال که
همان هیچ تصادف ایتماش دینسه کرکدر . بوقادینجغز

قرق یاشنده در . پدری صاغلام ایتمش ، والدہ سی صاغلام ایتمش . دیمک توارث جہتیلہ اورتادہ برسبب یوق . لکن درت سنہ در بویلہ پارماقرینک اوجنہ باصہ باصہ دولاشیور ، طوبوقلرینی یرہ قویامیور . ہر خستہ خانہ یہ کیرمش ، ہر طبیبہ مراجعت ایتمش ، نہایت باجملہ رفتا ناقابل تداویدر ، قرارینی ویرمشلر ، شمدی بوقرار ایلہ بورایہ کوندیریورلر . بنجہ بونلرک ہیچ بری خستہ لئی تشخیص ایدہ مامش ، مرضی ، اسبابی بیلہ مامش .. علم منافع الروح ایلہ اوغراشان رفقامدن برایکیسی ایلہ بز بومریضہ یی اییدن اییہ معاینہ ایتدک . مرضک لدنیاتی اکلا دق ،

دیہہ تقریرہ قویولدی . دہا برچوق تفصیلات طبیبہ کیریشدی کہ بوجہتی بیانہ اطلاع حقیرانہم ہنوز نامساعد در .

*

* *

پارسک حوالیسنده کوزل کوزل مسیرہ لر ، بلدہ لر چوقدر . بہار لطائف تجدیدیلہ شعشعہ دار اولدیمی اہالی ہپ اورالہ قوشوشورلر . بونلردن (سن ژرمن) ہواسیلہ ، (فرنٹنبلو) لطافت واحتشام طبیعیسیلہ ، طنطنہ سیلہ ، (ورسای) دہ مزایای صنعیہ ، تاریخ وآثار

كزیده سیله مشهوردر . بز چن بازار کونی (ثروت فنون)
 آرقاداشمزك مخابر ستوده مقاليله : « ای برق شتاب
 آتشین دم ، اولدق حرمکده ایشته خرم » دیه شمندوفره
 — اوف ! ایشته قابو دیشاری ایده میه جکمز برکله اجنبیه
 ده ! — بئندک . (ورسای) ی بویلا دق . اولاو مشهور
 (موزه) یی ، آثار عتیقه ، صنایع نفیسه شهر کاهنی
 زیارت ایتدک . بو عصرک منقد و حکیم شهری (تن) ک
 صنایع نفیسه مکتبده تدریس ایله دیکی : فلسفه فن ،
 (صنعت) فده بدیعه درس لرینی نظر مطالعه دن کچیریرکن
 بو تاشهیر کاهک بعض الواحده مراجعت لزومنی حس
 ایتدمدی . فی الحقیقه (ورسای) شهر کاهی (لوور) ،
 (لوکسمبورغ) کی فرانسه نك الك کزیده آثارنددر .
 الك زیاده الواح قدیمیه معرضدر . مثلاً قریم ، افریقا ،
 ایتالیا محارباتی مصور او یله کوزل لوحه لر وارکه انسانک
 فیکرنده تاریخی تجسم ایتدیریور . (مالا قوف) محاربه سنده
 مستحفظ لردن بر عثمانلی دلاوری فرانسه لر دن ، انگلیز لردن
 بیکلرجه آرقاداشلرینک آراسندن نفرد ایدرک تا کیدیور ،
 دشمن اردوسنک قلبکاهنه لوای تسخیرینی رفع ایله یور .
 دیگر بر لوحه ده بر فرانسه فرقه سنی اولرده او یورکن
 دشمن عسکری باصیور . عسکرک اولردن چیقیشنی


کورملى . . كيمى پالطوسىنىڭ بر قوائى كيمش ، او برىنى
 كيمەدن سالاخە صارلمش . . كيمى مردىوانك برنجى
 باصاماغنى اينمش ، ايكنجيسىنى اينمەدن پنجرەدن دشمنە
 قورشون صيقور .

بومحاربە لوحەلىرى انسانى پك جذب ايدىيور . لکن
 بزجە باخاخصە شايان دقت اوچ بيوك لوحە وار ...

برنجيسى ۱۷۲۰ دە ۲۱ مارتدە سلطنت سنيە سفىرى
 محمد افدينك سفارتى . محمدافدى لباس مليسيلا بركيلا نە
 يينمش ، ينە اوقياقت اوكيلانلرلە محتشم برمعيت ايله پارسە
 كيرييور . لوحە جدأ نظر پبرا . تركلكك عظمت فطاريە -
 سنە ، سفيرك احتشام جيليسنە دائر فكردە برميل اويا -
 نديرييور . شېه يوق ، بو حس رسامك قلمندە مكنوز
 ايدى . ديكر ايكي لوحەدن برندە ينە سفيرمز محمدافدى
 معيت رنكيزيله مدبدبأ ، محتشماً باخصوص بلند برناصيه
 ايله (تويلىرى) سراينە ، قرالك نردينە كيرييور .
 ديكرندە عين صورتلە اورادن چيقور . شو اوچ لوحە
 قيمتدارى تماشا آرقاداشمەدە ، بكادە اومولماز برانشراح
 ويردى . بوتشهيركاه نفائسك سائر لوحەلىرى اكثريتله
 اهل صليب محارباننە ، برچوق وقايع مذهبيە متعلق
 فقط ايكي اوچ ساعت اولدى . بزحالا بوانواحى تماشا

ایله مشغولز . حال بوکه بر آز صوکره سرایک باغچه سنده
 (ورسای) ک باشلیجه بدایع و لطائفندن بیوک صولر ،
 جوی خروشانلر ، موجاموج فواردلر ، فیضانه باشلایه جق
 که شو سیاحتیمزک سبب مستقلى ده بومیاه فوق العاده یی
 کورمک .. چونکه بومناظر آب انجق بهارده ، صیفده ،
 اوده هر آیک ایلمک بازارلری واقع اولئیور . بونکچون
 هر طرفدن تماشاکران کلیور . نه ایسه بز بری طرفده
 شویله چمنه یایلمش اوطوریر ، دها طوغریسی یاتارکن ،
 اووسعتی نسبتنده مفرح باغچه نك نامعدود حوضلرندن
 اوکمزده کنده آرسلان ، قاپلان ، ییلان آغزی فسقیه لردن
 صولر فشقیرمغه باشلادی . فقط نه فوران ایله ! . اون
 آرشون ، بعضاً یکرمی آرشون بوینده صولر .. مناره کبی ،
 همده مطمئن مزین بر مناره کبی صولر ... بو حوضده
 کیلر سیب سیوری ایدی ، او بر طرفده کیلر دمت شکلنده ،
 دها اوبری چادر وضعنده ، دها اوبری شمسیه کبی ،
 نه رنگین فواره لرکه انظارى خیال آرامناظره ، هله صودن
 اولدینی ایچون لطیفک لطیفی مناظره غرق ایدیورلر .
 انسان شاعر اولمی . ترانه یه باشلاملی اما بوفیضانه شعر ،
 باخصوص بزده کی محدودالوزن شعر کفایت ایتمز . او حالده
 رسام اولمی .. بوتهاجه آنجق فیرجه غلبه چالار ، غلبه

چالامازسه بیه هیچ اولمازسه قارشى کلىر .. فقط فير چه ده
يوق . آرقاداشمده فوطوغرافى مراقى وار . بدايح
اصليه نك قبا طاسلاق برتقليدى اولدينى ايچون بومبارك
صنعت هيچ خوشمه كيتمز امانه ايسه شو منظره دن بر فكر
ويرر .. باقالم . اويله مى ، دكلى ، ثروت فنونه مراجعتله
آكلارز .



اقدام (قارمن سيلوا) دن بك لطيف بر اثر ترجمه يه
باشلادی : نه اعلا . هله اويله كزیده بر اسلوب ايله اعلا دن
اعلا . بواديه نك مزيت قابيه و قلميه و فكر يه سنه دائر
مترجم كزيندن ايلريده دها واسع مطالعات بکلرز .
مثلا فرانسه محررين عظامندن (پيه رلوتى) نك بو خصوصه
عائد برزيارتنه دائر كوچك بر تصوير ادبى واردر كه
لسانمزه نقل اولمغه دكر ..

رومانيا ليلر فرانسه جي الك كوزل بيان ، سويله ين
بر قومدر ، بونلردن پارسده اويله لرينه تصادف اولونيور كه
نه تكله مچه ، نه طرز كتابچه بر فرانسه دن تفريق اولنمايور .
پرنس (بيبى قو) كې ، (لاهواري) كې نيجه رومانيا
اعاظمى وار كه فرانسه جه ده لسان مادر زادلرندن زياده
قوة نطقيه و تحريريه ايله مشهر لردر . ذاتا پارس دارالفنو .

نلرنده طلبهٔ اجنبیه دن اک زیاده فرانسزلی قالا ، قلماً
آندیران رومانیا لیلردر .

رومانیا لیلردن صوکره اک کوزل فرانسزجه

قونیشان ، یازان روسلردر . روس ادباسنک چوغی
روسجه قدرده فرانسزجه یازارلر ، فرانسزجه اوقورلر ،
فرانسزجه ایله اومرتبه اشتغال ایدرلر . مثلاً (تولستوئی)
دائماً میدانہ بولسانده مقاله لر ، کتابلر قریار . فرانسه
مباحثات ادبیه سنه قاریشیر ، ادیبلیله مناقشه یه کیریشیر .
(زولا) یی بکنمز ، (قادین مکتوبلری) مؤلفنه قیزار .
متوفی (موباسان) ی چوق تقدیر ایدر ، اوکعبده بر محرر ،
بر محرر مدقق کله دی وکلز دیر . (بورژ) نک تنقیدات
علمیه و ادبیه سنی خوش کوریرسه ده حکایه لرینی سومز .
غریبدر : (تولستوئی) نک فرانسه مطبوعاتنده بر نفوذ
ادبیه سی واردر ، سوزلری دقت و اهمیتله تلقی اولونور .
روسلردن صوکره فرانسزجه یی ایجه ا کلایان ،
قونیشان ترکله اولسه کرکدر . ذاتاً فرانسزلر ترکله
روسلرک تلفظنی قاریشیدیریرلر ، چونکه هرایکیسی ده
اوقدر بر برینی آندیریر . انکلیزلر ، آلمانلر بولسانی
اک فنا قونیشانلردر . مع مافیه آلمانلرده صحت و سلامتله
فرانسزجه یازان نادر دکلر . انکلیزلرده نسبةٔ ده آاز .

*

* *

رسم تنوع مناسبتیه چار حاضر تهرینه رئیس حکومت طرفدن منقش بر خالی تقدیم اولوندی که « پر یارک طورونی » عنوانی غایت کوزل بر لوحه مک تصویر منسوجی ایدی. بونقدمه ده چارده، چاریده، ده یکی طوغان کریمه لهرینه بر تلمیح کوردیلر، منون اولدیلر. شو خالی وقتیه (اقدام) ده ماهیت و محاسنی تشریح ایلدیکمز (غوبان) خالی فابریقه لهرینه بر محصول نفیسیدر که یقین زمانه قدر (غوبان) شهر کاه نفائسندده معروض ایدی. لوحه شو تصویر ی عرض ایله یور: مزین بریشیکده بر نوزاد یاتیور. اطرافه کورل، کنج قادین صورتنده پر یلر طوپالانمش، اللرنده بر عصای سحر انکیز، طفل معصومه بر عمر مسعود حاضر لایورلر. صاغ طرفده الیه الجمال (وهنوس) معیتیه برابر طور ییور، صول طرفده ایسه ضعیف، اختیار، نکاهی قورقونج بر عجوز شکنده بر جادو کورونیور. بر چوق حوریلر بو عجب، بهی کهوریه یاقلاشمقدن منع ایدیورلر. خالینک اطرافنده ایسه غایه الغایه مصنع، مطمئن بر کنار وار.

بواثر ۱۸۷۷ ده کرکفه قرنور. تا ۱۸۸۹ ده بیتر. بوطول مدته تعجب اتمه ملی. زیرا بویه رقیق برایشدن کونده انجق بش آلتی ساتیمترو ایشله نه بیایر. ۱۸۸۹ ده ارس سرکیسندده عرض اولندقدن صوکره فرانسه

حکومتی طرفندن بوردو و شيقاغو سرکيلرينده کوندريلير .
 اورالرده تقدير عمومى يه مظهر اولور . بوصوك سرکيده
 برچوق زنکين آمر يقايلير بوخالى يه مشترى چيقارلر .
 فوق العاده بدلر ويريرلر . حتى متمول برقادين محصولى
 سراپا انگيلز ليراسيله دوناتهرق بو قدر فيأت عرض ايلر .
 قابل دکل ، فرانسه راضى اولماز . چونکه بويله نفائس
 بيکده بروجوده کابر .

وقتا که فرانسه حکومتى چار حضر تيرينه منسوج
 برخالى کوندرمکه عزم ايلر ، (غوبان) مديري
 بو محصولى تکليف ايدرکه موجودلرک اک رنگينى ايمش .
 ذاتاً وقت اولماديغى ايچون يکيدن نسج ايتک محال ايدى .
 بوندن ماعدا ايجيه مدتدن برى منسوج اولديغى
 ايچون بوخالى باشقه بر فائده يي محتوى ايدى . زمان ايله
 رنگلر بر آهنگ ، بر اطراد آلمش ، اثرک حالات
 وجيادتنه سگسته ويرن اويکيلک ياواش ياواش اوزرندن
 قالمشدى . فى الحقيقه (غوبان) فابريقه لرينه کيدلسه ،
 يکي محصوللر ايله اسکيلر موازنه اولونسه بر يکيلرده باشقه
 بر جاذبه ، باشقه بر رونق مشاهده ايديلور . اوته کيلرک
 رنگى قوی ، کسکين اوليور اما نظره خورش کله يور ،
 عادتاً باطیور . بو کوچک ناخوشلق مرور زمان ايله
 اورتادن قالقيور .

مدیرک بوتکلیفی رئیس حکومتجه ، معارف ناظرنجه ،
صنایع نفیسه مدیرنجه مظهر قبول اولدی . خالینک
اوست طرفه چار حضر تلرینک علائم حکمداریسنه
مخصوص بر طراز نقش اولوندی .

ایشته بودرجه مقبوله کچن هدیه نك منشائی بودر .
صنایع نفیسه جهتیله فرانسه حقیقه حازر قصب السبقدر .
اک لطیفی بوسنایع کیتدکجه تطبیق اولونیور . خالیلر ،
معمولات زجاجیه ، یعنی (غوبان) ، (سور) فابریقه لری
اوتهدن بری معروفدر . فقط پارس متاعلری دینیان
اوافق اوافق امتعه لطیفه نك کوندن کونه تزايد ایدن
نفاسته نه دینیر ! مثلاً او یله کوزل سیغاره طبله لری ،
کبریتدکک اعمال ایدیلیور که انسان بایلیور . بومعمولاتده
فکر نفاسته برابر ظرافتده وارددر : برکبریتلک ،
اسکی بطلال بر بوطنین شکننده ، فقط غایه الغایه طبیعی ..
بوطنینک اوچنده بردلیک وار ، اورادن بر صیچان قفاسنی
چیقارمش ، خشیتله اطرافه باقینیور . آرقهدن برکدی
قووقو حس ایلمش ، بوطنینک قوپچه سنه طیرمانمش ، تلاش
ایله باشنی ایچری صوقیور . شو فکر ظریفک الدینی
شکل لطیف ایسه اک پارلاق بر صنعتدن ، مهارتدن نموندهدر .
ایشته اک کوچک بر مثال ، دهها درجه درجه بوکا

مماثل نه لروار. حاصلی بو خلقك فكرنده نفاست و طرافت
دائمايو يور. انكچون يوقايدن برى وصف ايدم كلديكمز
(پريلرك طورونى) كې آثار نفيسه دكه اقليمده يتيشمز
بدايعدندر.

*

* *

طلبه اجنبیه دن طبابت مآذونلری اطباءى مملکتہ
رقابت ایدیورلر، مشتریلری ضبط ایله یورلر. بوجهت
فرانسزلرك جاتى صیقیور. او بر مکتبلردن آلان
شهادتنامه لر صرف فیخزیدر: مثلاً حقوقدن مآذون
براجنبی فرانسه ده دعوا وکالتی ایدمیز. علوم ریاضیه
وادیه دن مآذون اولانلرده رسماً خواجهاك ایلمیز..
انجق طیبیلر اجرای صنعت ایدمیلیرلر. بونکچون
پارسمه بیله نه قدر اجنبی طیب وار.

فرانسزلرك ده ایستهدیکى اطباءى اجنبیه یی اجرای
صنعتدن منع ایتمکدر. یاخود مکتب طیبیه اثنای
دخوللرنده عادتاً فرانسز شاکردانی کې حاده امتحاندن
کچیرمکدر. حال بوکه بویله امتحانلرده شمده یقدر اجنبیلر
ایچون مسامحه کوستریلیور، مملکتلرندن کتیردکلری
یالان، یا کلش برشهادتنامه ایله اکتفا اولونیوردی.
بوجهت حقلیدر. فرانسه ده تحصیل ابتدائی واعدادی

حقیقهٔ بردوجهٔ علیای مکه‌ای بولش ، بنابرین ممالک
اجنبیه‌دن کلن طلبه قابل دکل بوجهتجه فرانسرلرک کعبنه
ایرمنز . ذاتاً طلبهٔ اجنبیه‌دن فرانسه‌ده اک زیاده موفق
اولانلر تحصیل اعدادیلرینی ده بوراده اجرا واکمال
ایدنلردر .

مع مافیه ایشده برپارچه حسد اثری ده وار . اجنبیلر
یرلیردن زیاده مدقق ، چالیشقان اولیورلر . غربتده
سعیدن ، اکتساب فضل و کمالدن باشقه مدار تسلی
بولامیورلر ، امتحانلرده چارناچار غلبه قازانیورلر .
بوخصوص فرانسرلرک جانی صیقیور . هانکی دارالفنونه
کیدلسه ، هانکی درس‌خانه‌یه کیرلسه صنف اولده پک چوق
اجنبیلره تصادف اولونور . بونلر اک اوکجه کلیرلر ، اک
صوکره چیقارلر ، اک دقتله درس دیکارلر . امتحانلرده
طبقی طاوشالبله قابلو مباغه حکایه‌سنی اندیریور . فرانسرلر :
« آدم ، اجنبیلر بر صحیفه یازنجه‌یه قدر بزبش صحیفه یازارز ،
انلر براوکره نیرسه بزبش اوکره نیرز » دییورلر ، سنه
تدریسیه‌ینی ذوق و صفا ایله ، بلکه‌ده سفاهتله کچیریورلر ،
صوکره بردن بره کیری قالیویرنجه پرحدت اولیورلر .
چالیشقان ، عنقالی بر اجنبی قهوه ندر ، اککنجه

نه در بيلمز ، آلام غربتي او طه سنده ذوق مساعي ايله
 تعديل ايلر . فقط ناصل بر فرانسز اولورسه اولسون
 هر کون سوقاق ، ساثره هوا سندن کنديني آلاماز ،
 انلرجه بو برعات قدیمه درکه فطرت ثانیه در . ايشته
 بوملک کتده اطباي مأذونه اجنبیه نك يرلیر غلبه چالمسی ،
 باشقه اقسامدن زیاده بوقسمه هوس ایتسی شو حکمته
 مبنیدر . معارف ناظر لاحق دارالفنونك بر معلم بنامیدر که
 بواحواله واقفدر ، برچوق سیاحتلری ده واردر ، ممالک
 اجنبیه نی ده اعلا طانیر . بویولده شدت کوسترمکه قطعياً
 طرفدار دکل ، بالعکس مساعداته میالدر . مع مافیه
 بوسیلک اوکنه کچه مسه کرک . بوکون اولمازسه یارین
 مطلق ولو پارس مکتب طبیه سندن مأذون اولسه لرده
 اطباي اجنبیه فرانسه ده اجرای طبابتدن منع ایدیلیرلر .
 یاخود بومکتبلرده قبول امتحانلری تشدید اولونور ،
 ذاتاً بر پارچه اولوندی ده ...

*

* *

بوهفته بهارک پارسجه اک کوزل خاطره لری کچدی :
 چیچک بایرامی ، محاربه ازهار . ارتق بوندن الطف
 علام ربیع اولورمی ؟ شعشه خورشید کچن کون پارس
 طاق ظفرینی ضیایه غرق ایدیوردی . بوطاقی اوزاقدن

اوزاغه احاطه ایدن اوزایی جاده وسیعه برشعاع نورانی
 کبی اوکومه دن آریلیور . باغچه لره . مشجره لره
 طوغری سوزیلیور ، کیدیوردی . بوشا اراهارک
 هر برنده موجاموج ، رنکارنک شکوفه لره دونامش فوج
 فوج آرابه لر آتارک ، وتعلیمی ، تربیه لی کیلارنک
 خطوات آهنگداریه برسمت صفا آاده عادتا آقپورلردی .
 چیچک ، دمت دمت چیچک ، کومه کومه چیچک ،
 هر یرده ، هر طرفده چیچک ! .. هر آرابه حرکتی گلش
 بر چیچک سپتنه بکزه یور . فقط نه مطرا ، نه مزین برسپت !
 تا آرقه تکرارلاردن حیوانلره ، فنارلردن آرابه جینک
 قیرباجنه ، تازیانه منقوشنه ، سرپوشنه قدر آل ، قرمزی ،
 مور ، بیاض دسته لر ، کلر ، بنفشه لر ، لیاقلر ، خانم
 الای که برنوبهار متحرک و مجسمی آندیریور . منظره یه
 باشقه برادا ، برفصاحت ، بر آهنگ ویریور .

ایشته بوتون بوساسله لطائف ، بوزمره رواج
 افشان ، اوکچیدلردن ، اومعابر مسرتدن آقه آقه ،
 صاغه ، صوله صره صره دیزلمش بیکارجه ، آقین آقین
 ماشیلرک اورتاسندن کچه کچه برمشجره باصفانک عمق
 سرورینه کیریور .. آم ، ایشته اوراده مجادله ، برخاش ،
 برخاش لطائف باشلایور . یازمنه طیور ، یانفحه زهور

بوری یرینه کچبور ، هرايکي طرفدن آتش ايدیلیور .
 چيچکدن قیغاجملر ، کلدن کوللر ، قرنفلدن قور -
 شونلر . . هرجهتدن بررائحه صفادر ريزان اوليور .
 شاملر مست نشاط ، کوزلر خمور مسار ، شاعرک دیديکي
 کبي عاشق کلن مرمییه جانانی دکل ، جانی سپر ايله یور .
 برده دیرکن بر آرابه دن برسحابه آفت ازهار یوکسلیور ،
 یوکسلیور . تاکیدرک دیگر بر آرابه نك اوزرنده طوزله
 بوزکي اوليور . صاچلر ، سینهلر سنبلرله طولیور ،
 لطافت لطافت اوزرینه انضمام ایدیور . هر آغز دن
 برهای وهودر قویور . حوررالرک انعکاسی هواده
 دونيور .

غریبدر : مجادله دائما برارککله برقادین آراسندم
 وقوعه کلیور . ایکی قادین بربرینه پکنادر تجاوز ایلور .
 ایکی ارکاده هکذا . باقیورسکیز بری طرفدن مطمئن
 بر آرابه قویور . آهسته آهسته یوریور . کوروکلر
 دمتدن کورونمور . ایچنده بر ایکی یازنین هیجانه
 شمسیه لری اوینانور ، طوریورلر . کاه سپر الیورلر ،
 بعضاده هجومه طاییه قوریورلر . تام نقطه مهاجمه کلنجه
 وغازی لطافت عرض دهشت ، نه ممکن ، دهشتمی یامسرت ،
 اوت ، عرض مسرت ایلور ، هر میلر کلیور ، کیدیور ،

عاقبت جببخواه بیتور . دیرکن اطرافدن معاوتنه قوشو
شیورلر ، اتک اتک چیچک یتشدیریورلر . چونکه
وادیئک صاغنده ، صولنده بیتمز . توکنمز جببخواه
دبویلری وار . همان کیسه یه قوت ! ایشته شو پرخاش
ازهار ایکی کون متادیا دوام ایتدی . صوکره بیتدی .
ایکنجی کون اوکلهدن صوکره بولوطلر امداده یتشدیلر .
جببخوانه لری نازله دیلر ، صولادیلرکه بوده حاله بشقه
رونق ویردی . شویله بویله اما بوغربب مخترعادن ایجه
واردات چیقدی ده برچوق فقرای عملیه قوت لایموت ،
وقت شیخوخته مدار اعاشه اولدی .

کچنلرده قارناوالده (نورسمین) پاطیردیلری ده
واردی . فقط انلر زرده شوبهار ازهار زرده ؟ آه طبیعت ،
طبیعت زرده اک زیاده تجلی ایدرسه اورایی مستغرق
صباح ایدر . بو حکمه مبنیدرکه شوچیچک بایرامنده
معهود ورقلرک ، (قونفته) لرک استعمالی قطعاً ممنوع
ایدی . یوقسه اوکاغد قیرتیلری بو عید صفایی تلخ
وتارمار ایدرلردی .

*

* *

بوهفته پارسده ایکی جنازه آلائی اولدی .. ایکی
آلائی که بربرندن نه قدر فرقلی .. میتلرک بری بشریتک

ماده ، معنی ' صوك ' قدمه سینه ایرمش ، دیکری هنوز
 برنجی باصامغی آشامامش . برنجی ارکک ، ارککارک
 ارککی . بر پیر ستوده ضمیر ، ایکنجی ایسه قادین ،
 قادینلرک قادینی . نهفته ، ناشکفته برنیز . مع مافیه هر
 ایکیسی ده ولوکه مختلف صورتده اولسون ، مظهر تکریم
 اوایور . فی الحقیقه بوتکریمات آراسنده هیچ برمناسبت ،
 بومقایسه به هیچ بر محل یوق . بلکه بو حال بیو کک شاننه ،
 مزیتنه نقیصه ویریر . خایر بزاوشانک ، اومزیتک برنجی
 مفتونی یز . لکن کوچک دها بیچاره اما دها شایان مرحمت
 دکلی ؟ بونکچوندرکه انجمن دانش کبیر اعضای کرانندن
 بری (ژول سیمون) ک فضیلت لاتیصاصنی . مزاری
 باشنده ، وصف وتعداد ایله بتره مزکن بردیکری (ژول
 قلاترتی) ده — کوچک براستطراد : بو (قلاترتی) نامی
 مجموعه ابوالضیانک نسخه اخیره سنده (قلاترتی) دیه
 یا کلش تلفظ اولونیور . صحیحی بزم دیدیکمز کیدر —
 یکرمی یاشنده (تئاتر فرانسه) صحنه سینه بدل زیر ترابی
 مقبر اتخاذایدن مینی مینی لطیف بره ضحکه بازک ،
 مادموازل (طومسن) ک مقبره سکونده شور قیق
 سوزلری سویله یوردی :


« بوبدبخت چوجغه بریادکار ویرمه دن ناصل وداع

ایتملی ؟ بوبر شجر ظفر دکلدی . فقط کوچیچک شکسته
 بسته برچیچکدی . دهاذوق حیاته ایتسامنمون اولیوردی .
 بر حسن مجسم . بر غرام معزز . بر عشق مطرا ایدی ... «
 (آلبرت طومسن) ایشته بویله دها یکر می یاشنه
 کیرمه دن برشکونه ربیع کبی ایلک ضربه روزکار ایله خاک
 ابدیسنه دوشیور . بوحادثه مؤله ، تیاترویه بر شدت
 وسرعت ایله انعکاس ایلدی . هر طرفده طالعک بوجلوؤ
 خونریزینه ، قدرک بوجور بی امانه قارشی بر فریاد در ،
 برشکایتدر یوکسلدی .

نطقدن خاطر مده قالان پارچه لر بودر . فقط قیز جغز
 خیال میال یادیمه کلیور . غالباً صوک او یونلردن برنده
 « قوشچی تیز » قیافتیله صحنه یه چیقیوردی . حتی : « قفس
 ایسته یین ، قوش ایسته یین ، قاناریه ، اسکته ، سقا » دییه
 پک لطیف بر طور ایله بر کوچک شرقی بیله سویله یوردی .
 احتمال که او ایدی . تدقیقه و قتم یوق . فقط او یله ایسه ،
 حزین تصادف ، چونکه چوجق ، شرقیسنی اوزاتیور ،
 اوزاتیورده نهایت : « اوچار ، اوچار ، مزاره اوچار »
 دییوردی . ایشته مرغ روانی ده بویله جه او مرکز مهیه
 اوچدی .

مادمازل (طومسن) تیاترونک اک پارلاق انجم

آقبالندن بری ایش ، چونکه دها بویاشده فرانسر
 تیاتروسنه کیرمک اومسلکجه اولور اولماز موفقیتلردن
 دکلدر . ذکا هرجهتجه حسننه یاور ایش . حتی رسمه ده
 فوق العاده آشنا مشده ایکی پرده آراسنده ارقداش لرینی
 ترسیم ایله اگله نیرمش . تحفدر: بوایکنجی صنعتده فوق الحد
 برمزیت ابراز ایلرکن محضاً شعشعه صحنه یه قاپیلهرق
 فیرچه یی ، بویایی برطرفه آتمش . او یله اما او شعشعه نك
 بعضاً بویله حزین تأثیرلری ده وارکه ، کم بیلیر ، انسانی
 ظلامکاهه قدر سور و کلیور .



مؤتمر مستشرقین

مستشرقین قونغرہ سی دیورم .. مؤتمر مستشرقین دیورم . سینی عرض ایدیم : کچن کون افاضل مستشرقیندن موسیو (باریہ دومینار) ک بر ساعت قدر مصاحبہ لریله مشرف اولدم .. ادبیات عربیہ دن، عثمانیہ دن، عمومی تله آثار شرقیہ دن بحث ایتدک .. سنہ تدریسیہ ختامہ ایردیکی ، امتحانلر تقرب ایتدیکی جهتله مشاغل حددن افزون ایکن موسم صیف و تعطیل آرایہ کیرمه دن اول استادک بر ساعت کبی اوزون بروقتی بکا حصر ایتمی شرقزمہ درجہ میل و محبتنی کوستیر احوال دندر .

شوملاقات السنہ شرقیہ مکتبک معلمینہ مخصوص ججرہ قبولندہ واقع اولدی . بوملاقاتدن برکون اول ینہ بودارالعرفانده مدیر مکتب موسیو (سفر) له کوروشدمدی . موسیو (سفر) جتتمکان عبدالحمید خان دورنده درس عادتده بولونمش ، فوآد پاشالردن ، احمد وفیق افندیلردن تا خطاط فانیلره وارنجیه قدر بوفصلک مشاہیرینی اییدن ابی طانیور ، بوخصوصده برچوق

خاطرہ لر ذکر ایله یور . یالکز بوقدرمی یا ، عراقک ،
سوریہ نك اعظمی بیایور . شام مفتی سابق محمود حمزہ
افندی مرحومی بالخاصہ تقدیر ایله یور .

موسیو (باربیہ دومینار) مصاحبہ واقعہ دہ شرقہ عائد
اویله لطیف ، جدی مباحث ادبیہ و علمییہ کیریشدی کہ
فکریمہ باشقہ بر فیض و یردی . اولاً اقدامک غیرتندن ،
ترقیاتندن ، مخبرات عاجزانہ مدن ملتفتانہ بر آردم
اوردقدن سو کرہ مستشرقین قونغرہ سنہ نقل کلام ایتدی :
« قونغرہ جدولی ، بیاننامہ سی اقدامک کچن کونکی نسخہ
سندہ عیناً مندرج ، دمینکی اجتماع مزده رفقایہ کو ستردم ..
بوہمتہ تشکر اولور . فقط بیاننامہ نك روح آلاحق
نقطہ سی مسکوت کچلمش ، مثلاً قونغرہ یہ اشتراک ایتک
ایستہین ذوات کیمہ ونہ صورت ، نہ شرط ایله مراجعت
ایتملی ، کو سترلمہ مش . مقصدیمز ، اثریمزہ ، مساعیمزہ
علمای شرقدن مخابر ، مشترک بولوق اولدینگی ایچون
بوجہت بزجہ غایت مهمدر . بونقصانک تلافیسنی رجا
ایدرز . برده نیچون بو (قونغرہ) لفظنی قوللانیورسکزم
اجنبی کلمہ لر لسانکزک صعبوتنه خال ویریہر ، قولاغہ
فنا عکس ایدیور . بونلرک یرینہ عربجہدن ، فارسیدن
باشقہ بر تعبیر بوالکز . بولکۂ اجنبیہی آرادن قالدیریر .

سہ کز بنی نمون ایدرسکز « دیدی . بوسوزلر ابتہاجہ
 باعث اولدی . چونکہ محررلریز میاسندہ مخابر حقیردہ
 لسانمزدہ بویلہ الفاظ اجنبیہ استعمالنہ انک زیادہ معارض
 اولانلردنم . مثلاً (قونغرہ) یرینہ (مؤتمر) دیسہک
 البتہ دہا ایدر . فی الحقیقہ لغتدہ شمعدیلک بر آز غرابت
 وار . فقط معنا مطابق ، موافق اولدینی ایچون کثرت
 استعمال ایلہ بوغرابت چابوق آرادن قالفار . اوزمان
 (مؤتمر مستشرقین - مؤتمرات) کبی تصریفاتہ دخی
 موفق اولورز . قونغرہ لفظ بیکانہ سیلہ بونلر ہیچ اولماز .
 مستشرق فاضلک شو اخطارینی بالخاصہ ارباب قلممزدہ
 عرض ایدرم .

بوندن صوکرہ موسیو (باریہ دومینار) ادبیات
 عثمانیہ یہ نقل کلام ایتدی . تجدیدات اخیرہ ادبیہ مزدن
 لسان ستایشلہ بحث ایلہ دی . اندن صوکرہ ادبامزدہ کچدی :
 جودت پاشا مرحوم ایچون تقدیراتنہ انتہایوق .. قدرت
 علمیہ ، ہرکالدن دم اورییور ، ہراسلو بدہ ، ہرانشادہ
 یازی یازیور . تاریخی نوادردندر ، بورادہ السنہ شرقیہ
 طلابنہ تدریس اولونیور . قصص الایلیا ، دیدکلری کبی
 بر سہل ممتعدر .. حاصلی : « لیس علی اہ بمستنکر » ان
 یجمع العالم فی واحد » وصف مبجلنہ احرا در .. احمد مدحت

افندیدہ کی قدرت نحریرانہدہ شایان تکریمدر . (پارسدہ برترک) نہ باقیلیرسہ بورادہ اکمال تحصیل ایتش اولمی .. وای ، دیمک مملکتندہ کسب کمال ایلمش .. بوانیری پارسی کورمہدن یازمش اویلہ می ؟ اوروپایہ سیاحتی صوک مؤتمر مستشرقینہ زیارتی ائناسندہ کی جولانندن عبارت می ؟ .. موسیو (باربیہ دومینار) بعض موانعک حیلولتیلہ بوسیاحتدہ مدحت افندی ایلمہ کوریشہ مہدیکنہ اظهار اسف ایلمہ یور . مدحت افندی حضر تنری تاوقیلہ برخاطرہ - لرنده : «پارسدہ برترکی اوقویان ، کورن اجنبی دوستلریمز ، بزی مطلق پارسدہ کورمش عد ای دیورلر ، اوادعاده بولنیورلر » دیورلردی . ایشہ بوقولہ بردایل دہا ، ذاتاً «جلاد» حکایہ سندن دہ محرر شہیریمزک جولانندن اول پارسی نہ درجہ دہ طانی دینی ظاہر در .

موسیو (باربیہ دومینار) ادبیاتمزہ ، لسانمزہ بودر جہ واقفدر . ذاتاً السنۃ شرقیہ مکتبندہ لسان معلیمدر . تحفی بوقدر مشاغل عظاما ارا سندہ انار جدیدۂ ادبیہ مزی مراق ایلمہ کوزدن کچیریور . مثلاً کچنلردہ کی املا بحثمزہ ، (قادین مکتوبلری) کبی ترجمہ لریمزہ ، تألیفاتمزہ وارنجیہ قدر یازدقلریمزہ علاقہ دار اولیور . ولو کہ میانہ مستشرقیندہ اولسون ، بویلمہ براجنی فاضلنہ نادراً تصادف اولونور ...

فقط بومستشرق شهيرك الك بيوك اشتغالى . اهتامى ،
اطلاعى ادبيات عربيه ده ، (قولژدوفرانس) ده تدريس
ايله ديكي ادبيات عربيه درسنددر . شاهنامه فردوسينك
فرانسزجه يه ترجمه سنى واصايله برابر مكملاً ، مطمئناً
برصورت نفيسه ده طبعنى اكمال ايدن بوذات على قدر
اولدينى كى زخشرينك (اطواق الذهب) نى ينه بولسانه
نقل ايدن مشاراليهدر . ادبيات عربيه يه ، طوغربسى ،
ادبياتمزدن بك زياده اهميت ويريسور . ذاتاً بوجهت
مستشرق فاضلك تدريسانيه برده زير رياستنده كى اسيا
انجمنك مقرر اتندن ، بوانجمنك (ژورنال ازياتيق) ده كى
نشر ياتندن مستباندر .

موسيو (باربيه دومينار) جه ادبيات عربيه جهانك
اك زنكين ، اك جالب دفت ادبياتندن بريدر ، مخابر
حقيرده بوادبياتى بك زياده سوديكيم ايجون شو بىحى ايجه
اوزاتدق : بواستادك اك زياده خوشنه كيدن متقدمين
شعرادن امرؤ لقيسدر .


اصحاب معلّمه بك حقيقه سرتاجى ، سرتاج ابناهجيدر .
دور متوسطده ابونواسدر . بالاده جودت پاشادن بحث
ايدر كن ذكرى كچن بيت بوشاعر كزينكدردر . ابونواسده كى
قدرت شاعرانه ، فرط ذكا ، جاذبه مقال ، حسن ادا دكه

هرشاعره یوقدر . (فرزدق) ده فنا دکلدر . شعرا
 نصرانیهدن ینه بودورده (اخطل) بیوک بر جودن
 قریحه کوستریور . بوشاعرك اخیراً بیروتده (آباءیسوعین)
 معرفتیه طبع اولنان دیوانی شایان مطالعه در . متأخریندر
 متنبی ، معری ، روضتین صاحبیری نادراً یتیشز
 اعظمنددر . فقط متنبی یونان حکمیاتنه چوق بوغولمش
 اخیراً آلمان مستشرقلرندن بری حکمیات متنبی یی آلمانجه
 مفصلاً نقل ایلدی .

عربك حکما سندن ، منشیلرندن ابن خلدون جهان
 افکارده نه بلند برموقع اشغال ایلر ! مقدمه ابن خلدون
 غالباً عاصم افندی و صوکره جودت پاشا قلمیله ترجمه یه
 ترجمه ایدلمش ، فرانسه زجه یه ده مترجمدر . شاهنامه نك
 طبع اخیری کبی مجلا حروف ایله محتشماً باصلمغه شایسته
 برنسخه نفیسه در . بدیع الزمانك مقاماتی ده نادرا لامثال
 آثار کزیده دندر . استاد بو اثری (قوللاردو فرانس) ده
 شرح و بسط ایله یور . مصر علماسندن شیخ عبدو بومقاماته
 بر شرح یامش ، پك مکمل ، فقط ناشرین شرق بر کتاب
 قدیمی نشر ایدرکن تدقیق و تتبعه چوق اوزنمیورلر .
 (انتقاد نسخ اصلیه) اصولنه رعایت ایله میورلر . غربده
 بری برنسخه قدیمه یی شرح ، ترجمه ، نه ایچون اولورسه
 اولسون ، نشر ایده جکی زمان بش اتی اصله مراجعت

ایله . او اسلامارک بر تاریخیچه سنی یاپار . آرا رنده بر انتقاد
یوریتور . بوکا (قریتقده تقست) یعنی انتقاد نسخ
اصلیه دیرلرکه عادنا بر فندر . شرقده ایسه بونکچون
بر نسخه اصلیه ایله اکتفا اولونیور یور . حتی بعض
حیفه لرده برایکی سطر بوشیر بر اقیله رق آشاغی طرفه
« بوسطرلر نسخه اصلیه ده او قونامامشدر . یا خود بیاض
اچیق بولونمشدر » دییه بر قید دوشیلیور که بوقطعیاً جائز
اولماسه کرک . نه ایسه ، مقامادن بحث ایدرکن مقامات
حریری بی خاطره کتیرمه مک ممکنیدر ؟ بیروت فضلا-
سندن شیخ ناصیف یازجی بوکا بر نظیره سویله مش .
نرده او ، نرده بو ؟ مع مافیه بیروت مطبوعاتی ادبیات
عربییه ایجه خدمت ایله یور . کچنلرده وفات ایدن شیخ
ابراهیم الاحدبک (امثال میدانی) یه شرحی فنا دکل ..
لکن بوامثال او قدر لطیف ، او قدر جامع الکل بر اثر
کزبن که شرحدن مستغنی اولسه کرکدر . انکچون بنجه
اصل اثر شرحدن بیک قات معتبردر .

ایشته بومصاحبه لطیفه بویله دوام ایتدی . خاطرمدده
قالان نقطه لری شوکاغد اوزرینه دوکدم . مخاطب
فضائلمایمک مساعده سیله اقدامه کوندربیه ردم .



علی کمال بک

پارس مصنفین کی تاریخ


ایک سو و پچاسویں جلد

معارف انظار ت جلیله سنک رخصتیه

اقدام غزته سنک پارس مخبر مخصوصی (علی کمال) بک افندی سنک
مذکور غزته ده مندرج اولان مقالات نفیسه متنوعه سی کتاب
صورتندہ دخی باصلمق قارئین عثمانیہ جہ مطلوب و ملتزم اولدینی
کریک اوخصوصہ دائرآلنن مکاتیبک مطالعہ سندن، کریک شفاهاً
وقوع بولان افادادن اکلاشلدیغندن بونلری غزته صحیفه لرئندہ قالمق
کبی برضیاعدن محافظه — اولجه طبع اولنان (ادبیات حقیقیه)
ایله (قادین مکتوبلری) مستثنا اولمق اوزره — جلد جلد اوله رق
آیریمجه ده تمثیل ایله ک

در سعادت - اقدام مطبعه سی

۱۳۱۵



کتبخانه ملی

پارسک تاسیسات نافعه خیره سندن بری ده ، هیچ
 شه یوق ، کتبخانه ملیدر . علم و کاله ذره قدر مفتونیت
 بسله یوبده بودار الفیوضاتی سومه مک قابلیدر ؟ بو محفظه
 خزائن عامیه ده نهلر بولونماز نهلر بولونماز ؟ چینجه ،
 فرانسزجه ، آلمانجه ، عجمجه ، حاصلی هانکی اساندن
 اولورسه اولسون فوج فوج آثار کزیده ، کتب نفیسه
 موجوددر .. یابسانک داخل و خارجده کی مهابت !
 دیشاریدن برکاشانه مهیبی آندیریور . ایچری کیریلنجه
 انسانه باشقه درلو حسیات علویه القایله یور . یوزلرجه
 کوچک بیوک برجماعت ، سس یوق ، صدایوق . کنیش
 کنیش رحله لک باشنده ، قفا اوکده حارل حارل چالیشیورلر .
 اطراف کتب ، دیوارلر کتب ، طاوان کتب ، سراپا
 کتب که بومنظره قلبده سعی و علمه درین بر محبت او یاند .
 یریور . سعی آدمی نجیب قیلار دیرلر ، طوغری سوز .
 شوساعیارک ناصیه لرینه بافکز ، بر اثر نجابت وار .

کچن کون، نسبةً اوزاق برمسافده ايکن، برمراق
 سوقيله کتبخانه ملي به دوتمرو لدم . بومراق اخيراً قتل
 اولان اختيار برقادينک و قتيله نشر ايله ديکي « بنفشه لر »
 مجموعه موقوته سنی کورمکدن عبارت ایدی . مقتوله ک
 سرانجامی حقیقی بر مضحکه ، بر فاجعه ، بر حکایه ! عجا
 شو رساله ناصلدی ، باخصوص ناصل یازلمشدی ؟
 کتبخانه ک باب وسیعندن ایجری کیررکن باقدم اوکمه ده
 حیزلی حیزلی بری یوریور ، قولتوغنک آلتنده قوجه
 بر جزء دان وار . بیلدکلرمدن ، هیچ اولمازسه کوردکلرمدن
 اولمی .. چونکه بو ذاتی — قادینلر یمزک دیدیکی کبی —
 کوزوم ایصیریوردی . بنده حافظه عینیه هیچ یوقدر .
 بناءً علیه شومشکلی حل ایچون فکریمی یورار طوریرکن
 ینمدن کچن ایکی کشی توقف ایتدیلر . بئم کبی اوزاته باقغه
 یاشلادیلر . بونلردن بری : « ایشه موسیو (قاونیاق) ،
 نظارتدن انفصال ایده لی هرکون بورایه چالیشمغه کلیور .
 تاده کندیمی ، سابق حریبه ناظری ، مشهور جنرال
 (قاونیاق) ک اوغلی . هنوز قرقنی یابولمش یابولماش ..
 دمیرکبی بر فرد .. » دیدی . برای تجسس آرقه سندن
 کیتدم . ایجری کیردک . هر طرف طولو ، هرکس چالیشیور .
 ناظرده ، بنده آیاقده قالدق . برقاج دقیقه صوکره بریر

بوشالدى . نجىسى دها ايلارى كوتوردىم ، ير آرامق
بهانه سيله شويله اوزاقدن اوزاغه ياني باشنه صوقولدىم :
ناظر سابق ۹۷ نومرولى قولتوغى اشغال ايديوردى ،
اوطورير اوطورماز قوجامان جزءدانى آچدى . تميز ،
صيق يازيلرله مالى اوافق اوافق كاغدلر چيقاردى .
برچوق كتابلار ايسته دى . درين برسعيه قويولدى .

بن ده او برطرفده برير بولدىم . « بنفشه لر » مى
كتيرتدم . موزع : « غريبدر ، بوجموعه يى شمدى يه قدر
هيچ ايستين يوقدى ، شمدى هر كس آرايور » ديدى .
(بنفشه لر) ۱۸۳۹ ده حزينان ابتداسنده نشر اولونمغه
باشلامش بر رساله موقوته .. تحفى : محل اداره سى
(مادام) سواقغنده ۳۵ نومروكه . بن ۲۵ ده اوطور -
ييورم . ديك اسكى قومشولر مدن ايمش . مجموعه يى
يازانلر هپ قادين . برنجى نسخده مديره نك براعلانى
وار : مشاهير نسواندن برينك غايت نادیده بر حكايه سنى
قريباً نشره باشلايه جقلىرىنى تبشير ايديور . بومشاهير
نسواندن برى : (ژورژ سان) اولسه كرك .. مندرجات :
منظره ادبيه ، حوادث فيه ، متنوعه عنوانلرى التنده
مواد متفرقه دن مركب .. اوچنجى نسخه طوغرى
مديره نك بريله مشتركاً يازديغى « دموع دم » حكايه سى

باشلايور . سـكـزنجيده طوپ آتيور . مع مافيه زواللي
 بارون (والهي) اچيه يازي يازارمش ، اويازيلره كوره ،
 اولجه ده سويله ديكمز وجه ايله ، هيچ بودركلره دوشه جك
 قادين دكلش ... (منكشه لر) فنا اسم دكل ، باخصوص
 خانملره مخصوص بر اثر اچون .

*

* *

صره سي گلش ايكن شوقا دينجيزك قاتلارينه ، بـوـصـورتـلـهـدـه
 پارسك سرسريلرينه شويله بر كوز كزديرلم . پارسده
 بارمعيشت حقيقه آغردر . هيچ مملكتتمزده كيلره
 بـكـزـهـمـز . هر كيجه ايكي ، اوچ غروشي اولمايان ، باخصوص
 قيشين ، باشني قوياجق يربولاماز ، سوقاقده قالير ،
 صوغوقدن اولور . بزده ايسه بوقدر برپاره ايله برفقير
 فراخ فراخ هم يانه جق ير ، هم ييه جك اكك بولور .
 حال بويله ايكن شو بختي كچن قاتلر كي نيجه آدمـلـر
 واردركه ياسائقه عطالت وسفاهت ، ياسوق قدرله بردركه
 سفالنه دوشمشلردر . اللرنده ، آووجلرنده بش پاره لري
 يوقدر . فقط ينه شويله بويله كچنيرلر ، ياشارلر ، حاصلـي
 اولزلر . ايسته خرسزلر ، قاتلر ، جانيلر هپ بو كروهدن
 يتيشير .. بونلر حقيقي بر كروه لايفلحوندر . غريبدر :
 بواش خاص بيله قسم ، قسمدر . سفالت وعطالته قريب ،

دیلنجیلاکدن همان فرقلی فرقسز برصنعت بولورلر. انکله
کایشی کوزل اشتغال ایدرلر :

اولا : شارلاتانلرکه بوزمرنک الک کباریدر . اوست
باشلری هیچ اولمازسه آدمیتدن نشانه ویرر . آرقلرلنده
اسکی مسکی برکوملک ، بر بویون باغی ، شو ، بو بولنور .
برپارچه لاقیردی سویلرلر . لغت پارالارلر ، خطابات
ایدرلر . یابر یابینک ، یابر قاپالی دکانک ، بر بوش یرک
اوکنده درحال دستکاهلرینی قورارلر : « افندیار ،
خانملر ، باقکز .. بوشویله معرفندرکه » دییه لافزنلکه
قویوله رق اوتهدن بریدن ایدیندکلری ایکی اوچ پارچه
برباد اشیایی ایکیشر ، اوچرقات فیئانه صاتمق ایسترلر .
نینک درلو دیل دوکرلر .

نائیآ : قپو آچیجیلر — بر آرابه ایله برتیا ترونک ،
برقهوونک اوکنه کلدی ککز زمان همان بری قوشار .
قپوی آچار ، سزی آداب ایله سلاملار ، سراپا مجسم
برتریه کسیلیر ، حتی محترزانه قولکزدن طوتمغه بیله
قالقیشیر . اوستی باشی ملوث ، پریشان اولدیغی ایچون
چکینیر . باخصوص مینی مینی سوسلی خانملردن پک
چکیر . چونکه بونازینلر موسوس اولورلر . اوزرلرینه
اوله مکروه اللرک طوقوندیغی ایسته مزلر ، قیزارلر .

حاصلی بونوع اسافل پک تربیه لی اولیور . دیزسه کز ،
ترسله سه کز ، پاره و یرمه سه کز بیله سزی خضوع ایله
بالتشبیع چکیلیور ، کیدیور . بونلر اکثریتله
اختیارلردندر .

ثالثاً : غزته صایجیلری — زنه ار بونلری بیلدیکمز
موزعلره بکزمه ییکز ، نه ممکن بو یچاره لر اکثریا اقشامه
طوغری العادی غزته لردن اون اون بش نسخه یاقالارلر .
مثلاً (پرس) کبی : « پرس ! . النتجی طبعی صو کحوادث
پرس » دییه مستکرم برسسله طابانه قوت پارسى برباشدن
برباشه دور ایدرلر ، هر دلیکه کیرلر . هر یردن چیقارلر ،
آرابدلره ، تراموایلره یتیشیرلر . اوللری وقوعاتک
غنوائی ده ویریورلردی ، صوکره برچوق سوء استعماله
مبنی حکومت بوجهتی منع ایتدی : مثلاً بوکون (ایفل)
قله سنک انهدامی : بش یوز وفیات . ایرتسی کون « امریقا
ایله انکلتزه ارمه سنده اعلان حرب ، طرفین دوتملری .. »
دییه یالاندن باغیریورلردی . هپ شووولوله غزته لری
یا آلتجی طبعدر ، یا بدنجی . برنجی طبعی کورن یوقدر .
کویا حوادث مهم اولدینی ایچون نسخه لر یغما ایدیلور .
کیجه یاریسنه طوغری او یکزه عودت ایدرکن مطلقاً
ایکنجی کوشه باشلرنده بوصایجیلردن بر ایکیسنه تصادف

ایدرسکز . در حال سزی : « کاه سفیز حضرتلری ، کاه
پرنس حضرتلری » دبیه قارشیلایه رق : « لطفاً لطفاً ..
کیجه یی کچیره بیلیمک ایچون دها یکر می پاره یه احتیاج
وار .. » استرحامیله الکنزه برغزته طوتوشدیرر لر .

رابعاً : سیغاره پارچه لری طوپلاییحیلر — بونلر
بزده کی فقرا چوجقارینی اندیریر لر . . فقط چوجق
دکل ، قوص قوجه آدم لدر . اللرنده چنکلی برصویا ،
لباس بژمرده لرنده قوجه برجیب ، قهوه لرك اوکنده
سفیلانه ، معلولانه طولاشیر لر . قهوه جیلرك ضربه
طردینه اوغرامادن قاشلر ، کوزلر آراسنده برسیغاره
دی یاقالار لر ، چنکله قایویریر لر .

شاید بودیب بیوکه ایسه همان جینندن برکبریت
چیقاریر ، شکاری یاقه رق بر ایکی نفس توتدیریر لر .
صوکره بوملنقطاتی بویله بویله جمع ایله بر بازار مخصوصه
کوتوریر لر . فقط بومز خرفات یکی مشتری لرك الیه کچجه ،
برایکی ماکنه یه کیروب چیقنجه بسبتون تبدیل شکل
وقیافت ایلر .. پارسک کزیده ، مصنع یرلی سیغاره لرندن
اولور . تکراراً بازار دادوستده کلور .. سیغاره لرده کی
شوتحول کریه عجایم کلرده وسائرمده ، مثلاً اورنکارنک
شکر لرده (بون بون) لرده ، وکونا کون صابونلرده

واقع دگلی ! های های .

خامساً آراهه معاقبیری -- استاسیوندن بر آراهیه
 بندیکز : یول صندوقکزی آراهه جینک یاننه ، یاخود
 آراهه نک اوستنه قویدیکز . . باقار سکز که آراهه بی الا
 بیلدیکنه بر حریف تعقیب ایدیور . نفس نفسنه یتشمه یور ،
 دیرکن سزاویکزک ، اوتلککزک اوکنه کلیور سکز ، در حال
 اوده اوککزه چیقیویریور . صندوقی ایندیره رک
 اوطه کزه ، دائره کزه چیقارمغه باشا لایور . بو خدمته
 بدل سزدن ده بر اجرت آلیور . فقط طالع هر زمان
 بویله یار اولماز . بعضاً اورتایه خدمتجیلر کلیویریر ، اکا
 ایش قالماز ، بعضاً ده آراهه بی تعقیب ممکن اولماز ، نفس
 طیقانیر ، قوت کسیلیر . . نته کیم بن بویله برینه تصادف
 ایتدم . حریف غالباً بیوک بریولجی آراهه سنی طول مدت
 قووالامشدی . آرتق طیقانمش ، قالمشدی . طور دی .
 دیرکن اوزاقدن باشقه بر تعقیجی چیقدی . شکارک
 آرقه سندن قوشیدی . کیتدی . بریکی آد مجغز ، بی ناب
 آراهه یه ده ، قوشانده شو یله حزین حزین بر باقدی . .
 احتمال . . کوزلرندن ده ایکی دامله یاش آقدی . آه ، مجادله
 حیات ، مجادله معیشت ! . .

یابونلرک یمکلری ، یمک وقتلری کورولمکه شایسته . .

ساعت آلافرانغه اون ایکی ایله بر آراسنده بلدیله باغچه لرندن
 برینه کیررلر ، بر صیره نك اوزرینه اوتوریرلر . اسکی
 بر غزته یه صارلمش بر مقدار اکمک ایله حشلامه کی ات
 پورسیلری چیقاریرلر . . حارل حارل یمکه باشلارلر .
 باشقه بر ساعتده اولسه باغچه محافظلری بو حالی منع ایدر
 اما یمک وقتی اورتالق تنها ، باس یوقدر . . بوسوزده
 طعامدن صوکره بری تایاریم ساعت مسافده کی اوافق
 بر چشمه یه ، صو ایچمه که کیدر . او بری او بیرتیق جریده
 پارچه سنی یردن آلیر ، اوقومغه باشلار . ایشته پارسده
 بویله حزن آلود منظره لر واردر . ساده مناظر لطیفه یه
 آلدانماملی . . ده ا زیاده بوسفالتلری تفصیله مجالده یوق ،
 برده . . شم دیلک بوقدر یتر .

*

* *

پارسک یکی شهر امینی معیتته ارسالات مأموری
 اوله رق بر دیلسز تعین ایتدی . دیلسز دیوبده
 کچویرمه ملی . . پارسده او یله دیلسزلر وار که پک چوق
 اصحاب لسانمزی لال براقسه یریدر . بودیلسز مأمور
 فرانسه نك دیلسز مکتب ملیسی مأذونلرندن ایمش ،
 بومکتب ، مکتب حقوق جوارنده قوجه بر بنادر ،
 کوندن کونه ترقی ایدیور . جدی طلبه یتشدیریور .

دیلسزلرک صورت تعلیمی اوتهدن بری نقل ایدیه کادیکی
ایچون بوراده تکرارندن حذر ایله یورم . بو مکتبدن
مأذون دیلسزلردن بعضیلری حالاً مهم موقعلر اشغال
ایله یورلر . بری مکتب حقوقک (دوقتورا) قسمندن
شهادتنامه آلمغه موفق اولمش . . برچوغی ده رسمده ،
فن معماریده ، فن هیکل تراشیده بیوک مهارت کوستریورلر .
اخیراً بوراده تفصیلاتی ذکر ایتدی کمز صالونلردن برنده !
« کوچک دباغ » دییه کوزل برلوحه ، بر تصویر واردی .
بولوحه نك رسامی (هومار) اسمنده بر دیلسزدی .
صامتلردن دها بوکا مماثل نیجه اصحاب صنعت کوریلیور ،
مأمورلر بولونیور .

پارس دیلسزلرینک درجه ترقیسنه بر مقیاس اولمق
اوزره شو جهتی عرض ایده ییم که (دیلسزلره مخصوص)
دییه باشلیجه بر جریده لری واردر . بوغزته نك بوتون
محررلری ، مصورلری ، مرتبلری دیلسزدر . مدیرلری
موسیو (غایار) ده بر دیلسزدر . مطبعه ده باشدن
باشه دیلسزلر کدره . صوک نسخدن مستبان اولدیغنه
کوره موسیو (غایار) ک مقصدی باحقیقا ، فرانسه ،
انکلتره دیلسزلردن مرکب بر هیئت متفقه تشکیل ایتمک .
ایکی سنه اول بوذات صامت فرانسه دیلسزلری طرفندن
مبعوثاً (شیقاغو) مؤتمر صامتینده بولونمش . یالکیز

فرانسه ده کی دیاسزلرک عددی اوتوزسکیز بیکی تجاوز ایله یور . آلمانیه ده ، انگلتره ده ، آمریکاده و سائرده کیلرده جابا ، اورالرده دخی بویه تاسیسات ونشریات موجود ، بونلردن اقتطاف ایده بیلدیکمز معلوماتی ایاریده برتفصیل عرض ایدرز .

دیاسزمکتبی ماذونلرندن برینک قونوشمسنی کورددم . هر حالده شایان حیرت ، فقط بوتکام عادتا بیلدیکمز کبی دکل . . صوت پک یکنسق ، بوندن ماعدا صعوبتله چقیور . لطافتدن عاری ، سمعه ناخوش کلیور . مع مفیه شویه بویه مخاطب صامت هرسوزی اکلایور ، هرجوانی ویریور . بیوک بر نتیجه دکل ؛ مدنیت حاضره نك انسانیته باشلیجه خدمتی بونقطه نظر دندر . فرانسه ده بویه اوچ بیوک مکتب ، آلتش یدی ده کوچک مکتب وار . بونلرک جمله سی بودرجه متظماً طلبه یتشدرمکه باشلارسه صامتلرک چوغی نعمت علومه ، لسانه مالک و بشریته مفید اولور . کیم بیایر ، برکونده انلردن بیوک برداهی یتشیرده جهانده بر اثر براقیر .

دیاسزلره مخصوص غزته دن بحث ایدرکن شو خصوص خاطریمه کلدی : کچن کون فرانسه نشریاتنه دأثر بر فهرس معاینه ایله یورددم . شو عنوانلرله نشر اولونان جریده لری کورددم .. پوسته پولی غزته سی ..

بادهوا غزته .. يملك او طهسى .. ييلا نحق جريدهسى ..
اشكجىلك صنعتنه مخصوص جريده ، اوتە كىلر نه ايسه ،
عجبا شو صوك ورقپاره يى اوقويان ، اشترا ايدن وارميدر ؟
اولمسه نشر ايدىايرمى ؟ ..

*

* *

پارسى اك چوق اشغال ايدن هوا ئىاتك برى ، بلكە
برنجىسى ده ياريشدر . خالقك يارىسى ياريشجيدر ، بوقار
اجنپىلره وارنجيه قدر سرايت ايدر . (بحث متقابل)
ديدكلرى او يونه اشتراك اتمهين آذر . همان هر كون
برطرفده برقاج حيوان قوشار . بوكون (لوشان) ده ،
يارين (اوتوى) ده ، اوبركون (وسان) ده .. حاصلى
هر كونى هر كون .. پاره كزى هانكى حيوانه قويدىكز
ايسه اكا كوره ياقازانير ، يا غائب ايدرسىكز .. نتيجه
اقشام نشر اولنان (پارس - ياريش) غزته سندن مستبان
اولور . فقط بوياريشلارك اك مكملى ، اك كبرى ، اك
شيقى ۱۴ حزينانده (لوشان) ده اجر اولونان بيوك
ياريشدر . بوكا جهان كيدر . لوندردن ، بلكە امرىقادن
سيرجى كاير ..

بوبيوك ياريش ، حزينان ۱۴ پارسىلارك تاريخچه
حياتنده بر نقطه عظمادر . مقاوله لر بوكا كوره عقد
اولونور . ايشلرينه اويله كورباير . بيوك ياريشدن اول ،


بيوك ياريشدن صوكره ديه بازارلغه كيريشاير. صيفيله
 بويارش اجرا اولونورده ايله كيدياير... كبار برعائله
 هيچ بروسيله ايله بويارشدن صوكره پارسده اوطوراماز،
 عيب اولور. سوسلر، طنطنلر، دبدبلر هپ بويارشده
 در. رئيس حكومت، ارکان سائرء حكومت مدبدبأ
 بويارشده كيرلر. ايسته بومپيكل ياريشدى كه پارس خلقى
 كچن هفته اشغال ايلهدى، طوردى. لوندره نك لوردلرندن
 مركب قوجه برهيئت بونكچون ايكي شهر عظيم اراسنده كي
 مسافه وسيعه ي آتى ساعته قدر اختصار ايدن برسرعتله
 بورايه كلدى، ياريشى كوردى، عودت آيتدى. سائر
 جهتلردن هكذا.. اويله يا، ياريشه طابانه قوت كيتملى،
 بوانكيزلرك شو سرعتنى تقدير ايمه مك ممكنمى؟

ميدانده اك مشهور اوچ آت واردى. اوچنكده
 صاحبي فرانسزدى. هر نه قدر بوقوشوم عمومى ايسه ده
 اجنبيلر برقاج سنه دن برى بوكا اشتراك ايمز اولمش!
 سايسلره، ياريشجيلره، حاصلى بوبايده نافذالكلم اولانلره
 مراجعت ايدن ايدنه! چونكه بو برخستلاق، برحمادر.
 مطلق ياريشدن پاره قازانمق، قومشونك رزقنى قايمق
 كر كدر. نتيجهء مراجعاتده اكثرثيت (شامبو بر)،
 (شامپينول) و برده (كريم) ناملرنده كي حيوانلر
 قوشوسيدى. بحثلر هپ انلره توجه ايلهدى. (كريم)

آدینه تعجب ایتمه ییکز .. بویله مستثنای اجنبی اسماری
 نظردقتی ، باحشاری جاب ایتدیکی ایچون ایشه یاریور .
 نه ایسه ، بری طرفده برآت قالیوردی که انک مشتریسی
 آزدی : (آرو) .. حال بوکه (آرو) نک صاحبی
 (ادمون بلان) ، بر مبعوث ، کچن سنه ، اولیکی سنه بیوک
 یاریشلرده قازانمش .. بوسنده قازاندی . (آرو) اون
 آنک برنجیسی اولدی . او یونجیلرک چوغنی ضرر ، آزیده
 چوق کار ایتدی .

فی الحقیقه بونوع قوشولر جنس فرسک اصلاحنه ،
 ترقیسنه خادمدر دینیور . یکی اما بری طرفده قمار ایله ،
 بومهلک علتله جنس آدمک افلاسنه ، محوینه بادی اولدینی
 ایچون فائده یرینه نتیجهده ضرر حاصل اولیور . حتی
 برچوق یابانجیلر پارسه کلیرکلز بودرده طوتولیورلر .
 وقتلرینی ، نقدلرینی او یوله صرف ایدیورلر . بومرکز
 مدیتده کی اقامتلرندن کار یرینه کلی بر خسار کوردکن
 صوکره حیاتیده اوستنه جابا ویرمزلرسه ، اوجهندن
 اولسون سالمآ مملکتلرینه دونیورلر .

پارسک بودرلو مصائبندن محافظه نفس ایتلی ، چونکه
 بومصیبتلرک حد ذاتنده کی مضرتلرندن صرف نظر فوآنددن
 استفاضیه مانع اولورلر . بوایسه جزئی برادرک صاحبی
 ایچون مصیبت عظمادر .



تیا ترو لر

پارسك (لو كسمبورغ) باغچه سنده ، معلوم اولدینی
اوزره ، زمان قدیم دن قاله بعض هیا كل تاریخیه بولندی
کی معاصرین ادبا و شعرادن بعضیاری ایچون بعد الوفات
رکز اولونمش برقاج ستون واردر . مثلاً شاعر مشهور
(له قونت ده لیل) که بو عصرک الک بیوک شعر اسندن معدود
ایدی ، ایکی سنه اول خوابگاه ابدیسنه چکلدی . قریباً
بو حدیقه نك الك کوزل برنده مطنطن برهیکله مالک اولور .
بو انتخابه سبب شودر که شاعر انجمن دانش کیرده اکمال
وظیفه دن صوکره بوساحیه کلیر . . برمدت ساکن
کوشه لرده تنزه ایلر ، حاصلی بویرلری سورمش . . اخلاف
ایشته بو محبته حرمت ، شو صورتله متوفانک میلنه رعایت
ایله یور . کچن سنه ایسه ینه بوموسملرده ارباب شباب
آراسنده پک زیاده معروف ، مشهر برادیبک ، (هانزی
مورژه) نك نامنه (اوده ئون) ک قارشیسنده کی قاپودن
کیررکن صول طرفده مفرح وچمن اوستنده برهیکل

دیکلیدی. ایشته کچن کون بوخاطره نك برنجی سنه دوریه سی
 یتئوردی ، صاحب هیکلک برچوق مفتونلری اورایه
 طوپلانیدیلر ، اعلان شادمانی ایله دیلر . (مورژه) بر
 شاعر ، برادیبدرکه حیاتی ، بالخاصه دم شیبانی ، ایام
 تحصیانی سورکللی برفقر و ضرورتله ، مع مافیة توکنمز
 برشوق و شطارت ایچنده کچیدی . خامه مهارتی ده
 بو عمر غریبک آجیلرینی ، مسرتلرینی تصویره وقف
 ایتدی . بو حیاته ، بومعیشه ، بو عالمه فرانسلر (بوهیمیا)
 دیرلر . « بوهیمیا عالمی ، حیاتی » دییه ده (مورژه) نك
 برلطیف تیازوسی واردر .

(مورژه) نك « بوهیمیا عالمی » کورمکه ، او قومغه
 شایسته برتیازو ، بر اثر دلفریبدر . هم سوزش ، هم
 شطارت ایچنده یوزر . انسان کولرکن آغلار ،
 آغلارکن کولر .

*

* *

پارسک تیاترولرندن چوق بحث اییدیورم . فقط
 بوشهر شعشعه دارک یوزینی آغارتان بر صرفدن مکتبلری ،
 درسلی ایسه بر طرفدن ده بونوع صحنه تماشالیدر .
 باشقه نه وارسه اکثریتله همجدن بتدر . بو صحنه لر قسم ،
 قسمدر . باشده بیوک اوپرا ، مشعشع بر تماشاکاه

دلارادر که جدآ بر فواره مطرای موسیقیدر . جهانك
 اك مكمل آثار طرب و آهنگی . مناظر مهیجه رنگارنگی
 اوراده ایشیدیلیر ، اوراده کوریلیر . (آیدا) لر ، (تان
 هائوزر) لر ، (هامات) لر ... کبی . صوکره فرانسر
 تیاتروسی ، (اوده ثون) ، (ژیناز) ، (وودویل) ،
 (رهنسانس) کبی مضحکه و سائره معرضری کلیر که
 بونلر حقیقی برر مکتب عبرت ، ساحه فلسفه ، صحنه
 معرفتدرلر . تا (مولیهر) لردن ، (راسین) لردن
 (هوغو) لره ، (دوما) لره و ارنجهیه قدر اعظم مؤلفینه
 جلوه گاه اولورلر . او بر قسمله بوقسم آراسنده (اوپرا
 قومیق) واردر که هرایکی جهتكده محاسنی جامعدر .
 ممالك اجنبیهده و بالخاصه استانبولده اك زیاده رغبت کورن
 غالبا بونوع فرانسر تیاترولریدر . بونلردن ماعدا پارسده
 کونا کون تماشا معرضری کوریلیر که درجه درجه حائر
 لطافتدرلر ..

بودورك الكيوك تيارو مؤافی (دومافیس) در .
 صوروبون دارالفنونندن و قتیله (اقدام) ه پی در پی نقل
 ایدرك شمدي کتاب شکلنده نشرایتمك اوزره اولدیغمز
 ادبیات حقیقیه درسارنده کوستردك : (دومافیس)
 تیاروده رئیس حقیقیوندر . حکمت و مهارت ایله اخلاق

عمومیه بی تصویر ایده کلیدی ایچون اثر لری اک زیاده
ایکنجی قسمه داخلدر . باقکز کچن قیش بونلرله پارس
تماشا کده لرینی ناصل اشغال ایله دی . (اوده ثون) ده
موسیو (آلفونس) ، (رهنسانس) ده . (فام ده قلود) ،
فرانسز تیاتروسنده (محب نسوان) ، (پدر مسرف) ،
(دهنس) ، (فرانسییون) ، ینه (اوده ثون) ده
(دوکون زیارتی) ، (ده می موند) اوینانیور ، طورییور -
دی . بر قلمدن بودرجه وفیر ، بونکله برابر مرغوب ،
مقبول محصول یتشسون .. ایشه اعظم درجه ذکا ، دهاء
بوکا دیرلر .. چونکه بر مؤلف ایچون بوجنه اردن برینه
برائر قبول ایتدیره بیلیمک بیوک بر اقبال ، بر سعادت ،
بر ثروتدر .

(دومافیس) یالکز بوقسمله اکتفا ایله ده دی .
(اوپرا قومیق) جهتنی ده استیعاب ایتدی . (لادام
اوقاملیا) بری طرفده نیج ، قلبلری متأثر ، متهیج ایتدکن
صوکره بر موسیقی شناسک معاوتیلله (تراویاتا) شکلنه
کیددی ، اوبر جهته کچدی . عالمی هیجانه دوشوردی .
(تراویاتا) پایتخمزده آراصیره اوینانیور . قارئینمزدن
پک چوغی بوتماشای کزینک نعمت احتساننی طائسه لر
کړک . بوتائیر وتائیر دکمه منساظرده بولنورمی ؟ ایشه

بوهفته ده (قلودك قازيسى) اثرى (اوپه راقومى-ق) .
 نحويل اولدى ، عرض ايدلى . موضوع مهيجدر :
 برقارى برقوجه ، اوبرى سىلى ، برىكى علوى . او قدركه
 اولندن كان دنائى اجرا ايله يور ، بوايسه اكا قارشو
 متانت ، نجات كوسترييور . مع مافيه ايش بر درجه يه
 كليوركه آرايه ناموس ، حيت ، جهانده الكمقدس نه وارسه
 او كيرييور . اركا قادي اولديرييور .

هر نه قدر اور تاده (ترا و بيانان) كې پارلاق بر برهان
 وار ايسه ده (دومافيس) ك محصوللرى موسيقيدين ،
 شعر دن زياده فلسفه يه مائل اولدينى ايچون تحويلده موفقيت
 مشكلدر صانيليوردي . بوطن طوغرى چيقمادى .
 اثر بيوك رغبت قازاندى . حتى بعض مراق اصحابى
 آراشديرديلر ، طاراشديرديلر . مؤلفك شبانه موسيقى
 وصفنده سويله ديكي شعرلرى بولديلر ، ميدانه چيقارديلر .
 بولردن برى پك رنگين . . . كاشكى زمين مساعداولسه
 ايدى ده شورايه نقل ايتسه ايدك . بنجه (دومافيس)
 بر فيلسوف ، بر اديب ، بر حكيم ، بر شاعر ، حاصل
 برداهيدر . استقبال بو حقيقتى اظهار ايدر . بو عصرده
 بو درجه رقت و مهارت ، فضيلت و مزيت لاه يورومش
 قلم آذرر . تأسف اولنوركه بويله بر ذادن لسانمه ترجمه

(لادام او قاملیا) ایله برده برکوچک حکایه به منحصر
 قلمش .. آرتق همت مترجمین کرامکدر . هاله عثمانلی
 تیاتروسی آثار نفیسه آرار طور یرکن نچون بوموجد
 مجددی خاطره کتیرمیور بیلنمز ...

*

۱۹۰۰ سرکیسی آرتق فرانسه حکومتیجه بوهفته
 بوسبتون تحت قراره الندی ، دائرة قطعیته کیردی .
 درحال پیاقتولر ، سرکی پیاقتولری نشر ایدلمکه باشلادی .
 بوکون هر طرفده اعلانلر .. یکریمی فرانغه بر پیاقتو ..
 فقط نه قدر فوایدی حائز : اولاکله جک اغستوسک اون
 بشندن اعتباراً هر اوچ آیده بر قرعه کشیده اولونیور .
 اقبالی اولانه بشیوز بیک فرائق اصابت ایله یور . بوندن
 ماعدا درت سنه دن بری بویله بر پیاقتویه تملک ایدن
 ذات سرکی ایچون یکریمی دخول بیلتمه حق قازانیور ،
 فرانسه شمندوفرلرنده ، اومنیوسلرنده ، تراموا یلرنده .
 دخی سرکی زمانی الی کیلومتره مسافیه قدر نصف فیأنله
 سیاحت ایله یور ، آز فوایدی ؟

بوسرکی ایچون فرانسه ده ، باخصوص پارسده ایچه
 کشمکش اولدی . کیمی سرکی محانی نهرک یالکز صاغ
 طرفه تخصیص ایدلسون صول طرفه کچلمه سون دیور ،

کیمی ده عکسنى ادما ايله يوردي . نهايت ايسته صاغى ده ،
 صولى ده (سازه ايزه) يى ده ، (شان ده مارس) يى ده
 سرکى استيعاب ايدىور . بويله قرار و يرلدى . فقط
 بوبابده حکومتى دوشونديرن نقليات مسئله سيدر . فى الحقيقه
 پارسك هر جاده سندن لا اقل بش اون ترامواى ، اومنيوس
 کچر ، قوشاق شمندوفر لريله آرابه لر ، بخار تراموايلرى ده
 جابا . اما ، ظاهر ، بوقدر وسائط کفایت ايمه يورمش ،
 ۱۸۸۹ ده بو خصوص تجربه ايدلمش . . بنابرین ده
 واسطه آرايورلر ، الك زياده (متره بوليتن) ديدکلرى ير
 آلتى شمندوفر لرينى موافق بوليورلر . بونلرى (تونل)
 لره بکزمه مى . . يرك اوستنده محل قالمادى ، سوقاقلر
 بنالر ، اردحام ، مرور و عبور طولو . . مقصد ير آلتدن
 كيف مايشاء وسائط نقليه ايشلتمکدن عبارتدر .

بوسرکى ايچون تصور تصور اوستنه . . هنوز بيوک
 تصورلر ميدانه قونميور ، مخفى طوتيليور . کوچکلر
 بويله دکل . . مثلا برچوق بين الملل مؤتمرلر تشکل ايدنه .
 چکمش : (مؤتمرى قونغرميه بدل قوللانيورز . مؤتمر
 مذاهب ، مؤتمر جراند ، مؤتمر حرب و صلح ...) بونلرک
 ايچنده برى وارکه هم مهم ، هم غريب بر مسئله يى موقع
 مذاکره قويمق ايسته يور . آمريقادا ، انگلتره ده

برچوق طرفدارلری حائز . بومسئله ده : اون اوچ آیدن
 مرکب سنه که بونکله تقویم حاضر ابطال ایدیله جک ،
 تجارتجه بیوک فوائدی منتج بولونان بوتقویم جدید قبول
 ایدیله جکدر . سنه شمسی اون ایکی آیدن مرکب دگلی ،
 اوزمان اون اوچ آیدن متشکل اولاجقدر . بویکی اصولده
 کونشه آراق اوقدر اهمیت ویرلمیه رک ایلک اون ایکی آی
 یکر می سکز کوندن ، اون اوچنجی آی ایسه سنین عادیله ده
 یکر می طقوز و سنین کیسه ده اوتوز کوندن عبارت
 بولنه جقدر . موجدلرک قولنه کوره هر آی تماماً دوت
 هفته دن مرکب اولدینی ایچون کونلر دائماً عین تاریخه
 تصادف ایدم جکدر .

متلاکانون ثانینک برنجی کونی بر بازار ایرتسیدر .
 برنجی ، سکزنجی ، اون بشنجی ، یکر می ایکنجی کونلر
 دائماً بازار ایرتی اولیور و قس علیه البواقی .

*

* *

افشای اسرار ادبیه : فرانسه ده پک چوق مشاهیر
 محررین نه یابدقلمینی ، نه یازدقلمینی ، صاقلا یورلر ، بر تأثیر ،
 بر تعجب حصوله کتیرمک ایچون محصوللرینی بتیریورلرده
 صوکره بردن بره میدانه چیقاریورلر . مع مافیه اوتهدن ،
 بریدن معلومات ترشح ایدیور ، قارئین کرامت البته


(فرانسوا قوپه) پي طائيرلر ، برشاعر ماهر ، براديب
ليبيدر .

نثرکي سهولتله شعريازار .. حيفه لری قولای قولای
وزنه صوقار . (فرانسوا قوپه) نك كوچك بيوك برچوق
حكايه لری ده موجود ، بونلردن (هانريت) ، (كنجلك)
لسانمزه مترجدر . او بر ترجمه يي كورمدم ، بريكي (ثروت
فنون) ده وقتيله نشر اولوندى ، خوش-در . حاصلی
پارس ادبيات محافلنده كي ، قهوه لرده كي قيل و قاله نظراً
(قوپه) - مجرم - عنوانی التده بيوك بر حكايه يازيور -
مش . اسلوب لطافتنه ربك فلسفه ده قاريشديريورمش .
مترجملي مزه مژده ، تفرقه لر حاضر طور ييور .

برقاج دفعه (قيصقاج) نامنده كي تياترو سنی مدار
بحث ايتديكمز (پول هرويو) ايسه (قومدي فرانسه ز)
ايچون بر اثر حاضر لاه قله برابر (دوستلق) ديه ده غايت
لطيف بر حكايه يازيورمش . - دوستلق - كوزل بر
موضوع .. شمدي يه قدر دوستلغه اعتماد ايدلمه يور ،
اهميت ويريوردي . (بورژه) نك (سرگذشت فجميع)
ندن صوكره بوجهت حائر قيمت اولدى . (دوستلق) ده
كوزل اولسه كرك ، فقط اخيراً نشر ايديلن شو . (بر
سرگذشت فجميع) جداً پارلاق ، ترجمه يه دكر نفائس

آثار دندر . او یله دیه بیلیرم که حکایات مترجمه من میاننده
همان مثلی یوق کیدر ... یوقدر .

اوتهدن بری آثارینی ، مزایاسنی ترجمه و تعداد
ووصف ایتمکه بتیره مدیکمز (مارسل پره وو) ده (بستان
مخفی) عنوان مونسى التنده نفیس برمحصول وجوده
کتیریورمش که بالخاصه مدار بحث اولیور . اثر باشند
باشه برثمره تحلیل ایش . میدانده برشخص وارمش که
اوده برقادین ایش . موضوع : هرکسده موجود ،
فقط هرکسجه مجهول ، نهفته برعشقی ، هم الهی ، هم
صمیمی ، هم آجی برعشقی موشکافانه تدقیق و تصویردن
متشکل ایش ..



رسم سالونلری

(شازده ایزه) ده کی ، (شان دومارس) ده کی رسم
سالونلری بوهفته قاپاندی . بوایکی سالون بربرینه دشمن
دکلسه ده رقیبدر . ۱۸۸۹ ده فرانسه نك صنایع نفیسه
اربابی میاننده براختلاف پیدا اولدی . ایشته بوافتراق
اواختلافدن حصوله کلدی . برنجی هیئتک ریئسی رسام
عسکری مشهور (ده نای) ، ایکنجینک کی ده (پووی ده
شاوان) در . کچن کون هر ایکی هیئت مشترکاً معارف
ناظرینک ریاستی آلتنده اجتماع ایتدیلر . موسیو (ده نای)
اوزون برنطق ایراد ایله دی . ناظره خطاباً : « سز
مورخسکز . بزرسامز . دیمک هیمز خادم نفائس
عرفانز ، متحد الامالز . طبعی بزی دوشونور ، حمایه
ایدرسکز . کله جک سنه بواجتماعکاهمز بیک طقوز یوز
سرکیسنه مخصوص انشاآت واستحضارات صره سنده
هدم اولونیور . بزمچون یئی بر محل تجمع حاضر لایور .
میسکز ؟ زنهار معرضر مزه سکتیه عارض اولماسون .
آرادن برسنه قاچیره جق اولور سهق صنایع نفیسه مز رخنه یه .

او غرار. « ديه سوزه کيريشه رك شوسر کيلرك فرانسه،
 بتون عالم نفائسه خدماتی تعداد ايله دی، رساملره ده
 نه درجه نفی طوقونديغنی سويله دی. بوباده کی تصرف،
 حمایه، نقاعد صندوقلری آکلاتدی. بومعرضلردن
 استحصال اولنان واردات ايله جمعیت صنایع نفیسه اربابی
 ایچون برنوع تشبثات خیریه ده بولنیورمش. معارف
 ناظری ده بونطقه کوزل بر جواب ویردی. حکومتک
 بوخصوصه کی درجه نقیدومیل واهنامندن بحث ایتدی.
 معارض آنیه ایچون یکی برکاشانه نفیس انشا ایدیلنجیه
 قدر بوسرکیلره بر دائره موقته نك بهمه حال تخصیص
 اولنه جغنی بیلدیردی.

ایکی آی اول، شو صالونلرك ابتدای کشادنده ایلک
 تماشا ايله تهیجه کلهرك سويندمدی. سورکلی اولمادی.
 صنایع نفیسه نك، بالخاصه رسمك غوامضی، تاریخی،
 عصرلردن بری تقلباتی، تکاملانی، فلسفه سنی بیلمه دکدن
 صوکره اولواح لطیفه، اوھیکلره، اونفائسه باق طور..
 نه چیقار؟. نتیجه: نه خوش! نه متین! نه دلنشین!
 کودوک، طفلانه علائم ابتهاجدن عبارت قالور. بری
 طرفه برمنقد صاحب قدرت، برصاحب وقوف لوحه یی
 شویله بر عمق نظرله سوزدکدن صوکره صانعك نه قیراطده،

نه مهارتده اولدیننی آکلایور . انرك بومیانه بدایعهده کی
 موقع حقیقیننی بولیور ، یالکیز بوقدرمی یا ؛ نادرلو
 تأثیرات ، القات - نتیعات ایله وجوده کالیدیکنی ،
 عصرلردن بری تمادی ایدمه کلن تحولات رسمیه دن هایکینسه
 ونه مرتبه درجه تماننی بیلیور . حالنه ، آتینسه ، ساحه
 بدایعهده کی رتبه نفوذ وتجلیسنه دائر بر حکم معقول
 ویریور . نهایت بوتماشانک ذهنتده او یاندر دینی خاطرات ،
 معلومات ایله بشریتک بونوع بدیعه لرندن ، ایتالیانک
 دور تجددندن ، فلامانندن ، هولاندان باشلایه رق
 زمانمزه قدر ، برچوقلرینی حافظه وخیالدن کچیریور .
 بو حقیقت مده شهینی ادرا کدن صوکره کنندی کنندی
 حزین حزین معاینه ایله : « بوعلمه ، برده شـ و فقدان
 علمه باقده آجی » دیدم . حجابمدن ، یأسمدن بومعرضلری
 صیق صیق زیارته کیده مه دم ، فقط نتیجه تلطف بر تبدل
 مسعود ایله تزئید غیرته منجر اولدی . براستاد عرفانده
 امدادیمه یتشدی . تابومعرضلرک ابتدای تأسسندن بدأ ایله
 متبحریندن (دیده رو) نك صالونلرینی ، صوکره عصریمزک
 (توره) ، (ئوفیل غوتیه) ، (قاستانیاری) ، (ادمون
 آبو) ، (ماقسیم ده قان) ، (تن) ، (لارومه) کبی اک
 ممتاز صنایع نفیسه منقدرلرینی بقدرالامکان مطالعهیه ، تبعه

قويولدم ، بوعجز ايله او وسعت قابل اولمايورسدهده مهما
 امکن ، شويلاه بويلاه ! .. مکر صنايع نفيسه اولمايجه ادبياتک
 فهم وادراکی غایت ناقص ایش . بوايکی شعبه عرفان
 هر عصرده ، هر دورده بوداق بوداغه ، دال داله کيرمش ..
 بر بديعه حسن اکالی ايچون يارادلمش ايکی همشيره
 بکزه يور . برينک فضائل جهاننه دیکري شعشه کال
 ويريور . فرانسهده ادبيات قدیمه ، خیالیه ، حقیقه ،
 طبیعی بر برندن تولد ، بریرینی تعقیب ، تزیین ، تنسيق
 ايله يورده نهایت میداننه اک چوق بدایع آثار قويا بيلمک
 چاره لری طوغيور ، دکلی ؛ صنايع نفيسهده بالخاصه
 رسمده عين جريانه عين صـورتله تابع اولـيور . مکتب
 قدیمده (راسین) لرك ، (مولیهر) لرك ، (فرنتل) لرك
 يانی باشنده (داوید ، رانغر ، وانو) کبی رساملرك ، حیرت !
 عين تصور ، عين تفکر ، عين آمال ايله يورودکلرینی کور يوروز .
 (ده لاقروا) ، (فرانسوواميله) تصویر و تصورلرنده ،
 لوحه لرنده طبقی (ويقتور هوغو) ، (لامارتین) ی
 آندیر يورلر ، بومجراده مکتب خیالیونی وجوده کتیر .
 يورلر . (فلوبر) له هاز زمانی زماننه (قوربه) یتشیور ،
 الواحنده اویلاه حقیقته میل کوستر يورکه بویولده ادبای
 حقیقیونی بیلاه کچیور .

*

* *

قارلریمز (رونتکن) شعاعانی ، بو اختراع غریبی
بیلیرلر . غزته مزده بوکا دائر ایجه معلومات ویرلدی .
حتی بر تحف حکایه بیله نشر ایدلدی . بوشعاعات ایله
بالفرض کیده کیده وجود بشرک داخانی عیاناً کورمک
ممکن اولسه کرکدر . فقط علمای عرفان بونقطه ده
قالما دیلر . پارس جمعیت طیه سنک اجتماع اخیرنده روحک
تصویری ، فوطوغرافییسی مدار بحث اولدی . اطبادن
(بارادوق) سنه لردن بری « فکر بشردن انتشار ایدن
تصوراتک فوطوغرافلرینی آلمق ایچون » چابالادیغنی
بیلیردی ، بوبابده کی اک صوک تجربه لرینی اکلادتدی .
طبک بو خصوصده قوللاندیغنی اصول پک ساده : قاراناق ،
یاخود قرمزى برضیا ایله منور براوطیه قاپایور . انی
برلوحه مخصوصه نك اوستنه وضع ایدیور . شدته
برتصویره وقف فکر ایله یور . دیرکن بوتصویر لوحه نك
اوزرنده حاصل اولیور . طبیعی نقش متحصل پک آجیق
دکل . . انجق صاحب تفکرک خیالی ، دوشونجه سنی
اندیریور . طبق انک کی متموج ، مهم کورونیور .
دوقتور (بارادوق) بونوع لوحه لردن برقچنی
اعضای جمعیه عرض ایله دی . مثلاً برقادین کوچک
برچوجغک تصویرینه وقف فکر ایتمش ، لوحه نك اوستنده

برچو جق تصویری ایچه مشاهده اولونیور. بوندن ماعدا
 بعض الواحده وار که قاریشیق ، طاغیق ، پریشان برطاقم
 نقشلر اراؤه ایدیور. بوکا سبب شو که متفکرلرک حالت
 روحیه لری هیجانه ایمش ، کیمنده حدت ، حسد ،
 کیمنده بغض ، غرام وارمش ..

فقط بویولده کی تجاربک الک غریبی پارس مکتب
 طیه سندن مآذون (هادسن) و (استراتی) ناملرنده
 ایکی رومانیا لی طبیبک شو تجربه لریدر : (استراتی)
 بکرشه اوچ یوز کیلو مترو مسافده کائن (قامانا) یه
 کیدر . (هادسن) بکرشده قالیر . ۴ اغستوس ۱۸۹۳
 ده (هادسن) یاناغه یانارکن باش اوچنه بر ، آباق اوچنه
 بر دیگر فوطوغراف آلتی قویار. عین ساعتده (استراتی)
 وار قوتیله بوالترده کورنمک ارزوسیه ، مرامیه اویور.
 بونی ده بکرشده احباسندن برینه یازار . اوزات مکتوبی
 آلیر ، (هادسن) ک یانه کیدر ، باقارکه دو قنور برفو -
 طوغرافی لوحه سنی چکمک ، چیق - ارمق ایله مشغول ..
 دیرکن لوحه نک اوستنده بر تصویر پیدا اولورکه قسماً
 (استراتی) نککنه بکزر .

طبی جریده لر بویولده اوزون اوزادی یه تفسیرانه ،
 ایضاحانه کیریشورلر . فقط مسئله هنوز ابراهمدن خالی

دکل .. بومطالعات واضحاً ا کلاشیلیمیور ، چونکه هنوز
(رونتکن) کشفیاتی مرتبه سنه کله مش . هر حالده بیوک
ترقی دیمکدر . او بر شعاعات ایله وجود بشرک داخلی ،
اسراری ماده کور یلیوردی ، بونکله ده معناً مشاهده
اولونیور . بوعصرک عنوانی تاریخده (عصر اختراعات) در
دیورلر . او یله یا ، ساده (ادیسون) ک اختراع براتلری
یوزاللی یی بولیور . انجق عجیباً یکرمنجی عصر بوندن
کری قالیرمی ؟ مسئله بوراده در .

*

* *

شرقه ، باخصوص مملکتتمزه ، عادتمره ، دینمزه دائر
اثر یازان غرب محررلری طاقم ، طاقدر . بونلرک بر قسمی
(پیه رلوتی) کبی ادبادر که سطحی تهیجیات ایله اکتفا
ایدرلر ، درلو تصویر و تصویره قویولورلر . اثرلرنده
حقیقت آذر ، خیال چوقدر . مثلاً بومحررک (آزیاده) ،
(استانبول خیالتلری) ، (چول) کبی اثرلری لطیف
اولمقله برابر ماده جدی ، نافع دکلدر . بونلرله شرقی
اکلامغه قاقیشمق بولوطدن نم قایمغه بکزر . نه ایسه ،
بوادیبیلر تصویر احتیاساته وسیله آرارلر . مقصدلری
تحسینات ادبیه دن عبارتدر . لکن بری طرفه برسوری
معلوما تفروش ، سوزده جدی سیاحین واردر که مملکتی

بش اون کون شویله بویله دولاشیویرمک ، آغزدن یالان
 یا کلش بر ایکی سوز قاییویرمکه شرقی ، اسرارینی ،
 غوامضنی اکلامش اولمق ادعای واهیسنده بولونورلر ،
 بویولده ظاهرآ درین . حقیقتده سطحی ، کولونج کتابلر
 یازارلر . فقط فرانسه امرای عسکریه سندن قونت
 (هانزی ده قاستری) بر قاج کونه قدر « اسلامیت خاطرات
 ومطالعات » دییه بر کتاب کزین نشر ایله یورکه بو خصوصده
 پارلاق ، بیوک بر استنادر . چونکه اولامؤلف مزیت
 صاحبی ، محق ، بیطرف اولمقله برابر سنه لرجه میانه
 اهل اسلامده بولونمش ، لسان عربییه اییدن ایییه
 وقوف کسب ایله مش ، دین مبین اسلامی ، مسلمانلری
 حقیقی بر صورتده تدقیق و تعمیق ایله مش . . بونکچون
 اثر حقائق کسترنده روح وار . غربک اکثر تاریخلرنجه
 کلمة اللهک انتشار خارق العاده نی سیف اسلامک جلادتنه ،
 تدمیرینه عطف اولونور . قونت (قاستری) ایسه اک
 واضح دلائل ایله بوتجلینک ، تعالیک منشای اسلامیتک
 فضیلت حقپروریسنده ، خلفای اسلامک مروت مساعده
 کاریسنده اولدیغنی کوستیریور ، درسعادتن اندلسه قدر
 سوز کوتورمز مثاللر کتیریور . صوکرده ده بونلری
 نصرانیتک اودورده کی مساعده سز لکیله مقایسه ایله یور .

اسلامیت فتح ایتدیکی مملکتک ادیاننه . عاداتنه رعایت
ایله دی ، رخصت ویردی . نصرانیت ایسه اوزمان کیردیکی
یرده خریستیان اولمایانلری محو ایتدی . بومطالعات
بریطرف ، مدقق ، آشناقامدن چیقدیغی ایچون البته
مشکوک عد اولونماز . بوندن صوکره قونت (قاستری)
تعدد زوجات بحثنه کچور . شرع شریفه کوره شرائط
مخصوصه سنی بسط ایله بونلرک ایفاسندن بیان عجز
ایدلیدیکی ، اجرای عدلن قورتولدیغی حالده برله اکتفا
امر جلیانی بیلدیریور . زمان جاهلیتده تعدد زوجات
حددن افزون ایکن اسلامیت بو عادت بوصول و بوشرائط
ایله درده حصر وتنزیل ایله دیکنی علاوه درمیان ایله
یورده مشایخ کرامدن (شیخ الشعرائی) کبی افاضلک
حسیانی ایضاح ایدرک تعدد زوجاتک نه ممدوح بر صورتده
مرعی اولدیغنی اثبات ایدیور . بوصورتله اسلامیه دائر
انتشار ایدن برچوق خرافاتی ابطال ایله دکدن صوکره
توکل بحثنه کچور . فرنکار توکلی فکرلرینه کوره سوء
تفسیر ایله اسلامه بوفضیاتی برنقیصه اولمق اوزره عطف
ایدرلر . کویا هر مسلمان اودرجه متوکل ایمش که اوی
یانارکن قولارینی باغلار ، قارشیدنه کچر ، قورتارمغه
چالیشمازش . . یاناجقسه یانار . قورتولاجقسه قورتولور

دیرمیش! حال بو که اسلامده کی توکلک شجاعتدن، صبر
ومتانتدن مرکب بر فضیلت اولدیغنی بو کتاب حق-ائق
نصابک مؤلفی بزه وقت براقه دن کوزلجه اظهار ایله یور.
اوله دییه بیلیرم که غریبه شرقزه دائر بودرجه محقانه،
بیطرفانه، عالیجنابانه یازلمش اثر یوق کییدر. قارئین
گرامدن بحثه مراق بیورانلر بوجله جمیله یی اوقوسونلر،
هم اوقوملیدرلرده! ..

*

* *

بوهفته قونت (قاستلان) ایله قونتس (قاستلان)
بولونیا اورمانده برمسامره، براکلنجه ترتیب ایتدیلر.
یدی بیک کشتی دعوت ایله دیلر. قونتس مشهور بر
آمریقالی متمولک، ابوالذهبک قیزیدر. زوجنه میلیونلرجه
جهاز کتیردی. نه اولورسه اولسون، پارس غزته لری
ایسته دکلری قدر بودعوت مشعشعه دن بحث ایتسونلر،
موسیقیلر، رقصلر، تعریف ایله بیترمه سون.. اوجهت
بزجه حائر اهمیت دکل.. یالکز بو وسيله ایله بوشهر
شعشعه دارک کبار عالنه برنظر عطف ایتمک فائده دن
خالی اولماسه کړک: (پول بورژوازی) کی بعض حکایه
نویسلر بو عالمی ایجه تصویر ایله دیلر. بعضاً چرکین کوشه لر
کوستردیلر اما ایجه ده مساحه کارانه، تقدیر پرورانه

داورانديلر . فقط اخيراً (پول هرويو) حدی تجاوز
ایله دی ، صوك بر اثرنده بومیانیدی ده ، افرادی ده
اوصورتله شرح ایتدی که دهشتدن ، گراهندن عادتاً
انسانك توکلری اورپریور . پارسك کبار عالی حقیقه
قاپالیدر . دکه فرد اورایه داخل اولاماز . بوداژدی
دخول ایچون یارباب اصالتدن اولمی ، یاخود بیوک
برشهرت ادبیه وسیاسیه اصحابندن بولونملی .. کچنلرده
بونوع حکایه لری اوقویه اوقویه قضا طولدیران مراقیلردن
بری بوعالمه شویله برکیرمك چاره لری آرار . اصالتی ،
شهرتی ، یوجه بر ثروتی اولمادیغی ایچون مرانمه بردرلو
ایره مز .. نهایت شوواسطه یه مراجعت ایلر : ینه بولونیا
اورماننك برکوشه سنده قونتلدن بری برمسامر ،
برضیافت ترتیب ایله یورمش .. سفره نك تنظیمی وسائره سنی
معروف برلوقانطه جی یه حواله ایتمش . بوذات همان کیدر ،
اولوقانطه جی ایله عقد مقاوله ایلر . سفره جی باشی صفتیله
ضیافته کیزلیجه بولونمق فرصتی الده ایلر . ضیافت
کونی سفره باشدن باشه ، دوقلر ، دوشسلرله ، پرنسلر ،
پرنسسلرله ، قونتلر ، قونتسلرله طولو ایکن . اومراق
صاحبی ده خدمتجیلره ناظر صورتیله اورتاده بریاندن
بریانه طولاشیر ، هر مصاحبه یی ایشیدر . هرجهته کوز

کزدیرر . حاصلی ایستدیککی کبی مقصدینه نائل اولورکن
 برده مدعویندن بری بوساخته خادمک هویتنی هر اصلسه
 کشف ایتسونمی ! هر طرفدن تعجبیلر ، حیرتار ، قهقهه‌لر
 قویار . لکن بونوع کبارلغک بیوک بر شرطی ده مساحه
 و ظرافت اولدیفی ایچ-ون همان بو آدمه سه-مره ده بریر
 ویردیلر . روی ملایمت کوستردیلر . اکلنجه دهاسورکلی
 بر صورتده تمادی ایتمهک باشلار .



پارسك بعض لطائف ، عجائبي وارد ركه ، صانيرم ،
صرف بودياره منحصر در ، باشقه اقليمدہ كورلر .
كچن كون تراموايه بندمدى اوست قانده يريوقدى .
ناچار اشاغىيه طيقلدق . آشاغى قات هم ايكي قات بهاسنه
يعنى اوتوز سائيمه ، تقريباً اللى پاره در ، همده يوقاريسى
كبي مفرح دكلدر . چوق كچمدى يرلر هپ طولدى .
قادين اركاك برچوق انكليز سياحلىرى واردى . بومباركار
شو موسمده پارسي الت اوست ايديورلر . زيارت ايتدك
ير براقايورلر . قارشيمده چوقدن برى قالب قيافت يرنده ،
اوست باش تميز برذات اوطوريوردى . اوكنده قوجه
برقوطو واردى . آرابه يورومكه باشلاينجه بوقوطوي
آچدى . بركان چيقاردى . بيوك او پراده ايمشز كبي
برطرفدن چالغه ، برطرفدن تغنىيه قويولدى . طوغرىسي
فنا چالمايوردى . هله هيچ فنا شرقى سويله ميوردى . هپ
عشق وسودا نغمه لرى كه حاضر ونى عادتا اكلنديريوردى .

بیلتیچی یوقاریدن اینهرك جزئی برمساحه دن صوكره منع
 قالقیشمايیدی ، بو آهنگ و طرب دها دوام ایدم جگدی .
 شومنی غریب کوردمدی . هرکس ایسته دیکی کبی
 اکلنیر ، کیم نه دیر ، دیدمدی ، فقط حقیقت اویله دکلش .
 بوموسیقی شناس فصلانی بتیردکدن صوكره شابقه سنی
 چیقاردی ، صاغه صوله اوزاته رقدن پاره طوپلامغه
 باشلادی . اولدقچه ده طوپلادی . بعده ارا به دن اشاغي
 صیچرادی کیتدی ، دیرکن ، شبه یوق ، او بر تراموايه
 آتلار ، اورادن ده ایچه قازانیر . . فقط شوکار وکسه
 سبب حریفك اوستی باشیدر ، اومکلف افندی بویله
 برعادی چالغیچی اولسون . . دورك بیوک برحکایه نویسی ،
 (موباسسان) دیورکه : « پارسده انسانك یاناغي
 اولماسون ، ضرریوق ، فقط اثوابی اولمی . . »
 (غره نل) سواقانده کی (کل سرکیسی) فی کورمه
 کیتدم .

کچنلرده (اقدام) بر مراق صاحبك یتشدیردیکی
 کلردن بحث ایدی یوردی . فقط انواعی بوسرکیده سیر
 ایتلی ، شعرا مزك حق وار . بولطیف چیچك قدر
 طبع شاعرانه یی اوقشار بدیعهلر آذر . شعرای غرب ده
 مفتون کلدر . مثلاً (پول بورژه) دها زمین حکایه یه

بسیوتون دوکوله دن اول بر شعر نده کادن شو یله دم
 اوریور: « نه قدر دوداقلر من قلمینه، اوزرلرینه قونیور،
 طور بیور! باری کلر بزه بوسه یاردن لذت؛ نشانه
 ویرسلر! » حقیقت، کلرده کی شورائحه روانجش،
 مشامی اوصورتله شادایلیور که لبلره بر بوسه طعمی کلیور.
 سرکی دکل، عادتا بر بستان، بر بستان کل. رنگارنگ،
 طاقم، طاقم کونا کون کلر، هاله یاپراقلرنده کی تحول
 دیده لری شن ایله یور. بنجه هیچ کورولامش چشیدلر:
 بیاض، صاری، قرمزی، پنبه... هرچشیدک اوزرنده
 عنوانی وار: (ماره شال نیل)، (دوشس اورستد)،
 (اولوا بیض) (پرنسس استغفانی) (ایون بدیعیه سی)
 (مابل هاریسون) ...

*

* *

پارسک اک بیوک غزته لرندن (ژورنال ده دوبا) نک
 تیاترو منقدی مشهور (ژول له متر) آرتق بو خدمتدن
 چکیلیور. تیاترو منقدلکی نه در، ناصل بروظیفه در،
 نه قدر حائر اهمیت در، وقتیه بر تفصل عرض ایله دک.
 (ژول له متر) بونوع منقدلرک بحق سرفرازیدر. اولاً
 یالکز تیازو منقدی دکل، هر جهتجه، هر شعبه جه
 متنفذ، نافذ الکلم بر صاحب تنقید در. (معاصرین)

عنوان عمومی آئینده پی در پی نشر ایله دیکی آلتی
جلدن مرکب آثار انتقادیه قوه علمیه و ادبیّه جه ،
مزیجه نادرالامثالدر . بونکله برابر منقد مقتدر یالکز
بووادیله قالمادی . (قرالار) کی برایی اثر نفیسیله بیوک
بر حکایه نویس اولدیغنی ده هر کسه تسلیم ایتدیردی .
حکایه ده حقیقه ، حکمه میالدر ، خیاله آزیاقلاشیر .
املی وقایع حقیقیه یی ، هنوز کدران ایله مش وقایع حقیقیه یی
حکایه کسوه سنه صوقارق ایجه محاکمه و تدقیقدن عبارتدر .
حکایه دن صوکره تیاترو مؤلفلکنه کچدی . او یونلری
هر صحنه ده بیوک براعتبار قازاندی . شمدی منقلکی
ترك ایتسی ده بتون بتون بووادییه دوکولمک ایچوندر .
کچن سنه انجمن دانشه کیرمش ، آرتق منتهای شرف
ادبه هنوز نسبه شبا بنده ایکن ایرمشدی . فرانسه نك
الکنج ، الک صاحب کمال ، الک متین اعظم ادباسندندر که
بوجهتجه (پول بورزه) پی آندیرر . بودکرده برقاچ
محرر واردر که همان هر مملکتجه طائمش ، آثاری هر
لسانه کاملاً دکسه ده قسماً ترجمه ایدلمشدر . بزده بویله
یایسه قنا اولماز . بشاون صاحب قلمک الک نفیس ،
الک زیاده مزیت ، ماهیت ، حکمت کوسترر محصوللری
لسانمزه نقل ایتک او قدر مشکل دکل . فقط بونلرده

براطراده رعایت اتمی، هرایکی طرفه آشنا برخامه بوقایاتی
فصل فصل مطالعات ایله توشیح قیامی . مثلاً :
« (بورژ) شودر، شو حکمته میل ایلر . ایشه بو اثرنده
کوریرسکز ، بو اخلاقی تعقیب ایلر . شو کتابدن اکلار -
سکز ، شویله یازار ، شویله سویلر . بویله باشلادی ،
بویله دوام اییدیور ... » دیملی تا که قاره غربک مؤلفی ده ،
ادیباتی ده ایجه ادراک ایتسونده آندن ادبیاتمز ایچون
نه درلو فیض آله جقهسه آلسون . بویله بر اصول منتظمه
و مستحسنه یه اتباع ایدله دکن صوکره مؤلفات غربیه دن
استفاضه مز جدی اولماز . (ژول له متر) ، (بورژ) ،
(آنا تول فرانس) کبی حالاً فرانسه نك استقبال ادبی
احاطه و تشکیل ایدن ، بربری ارقه سنه معززاً انجمن
دانشه کیرن اعظم شبان محرریندن الده ظنجه هیچ
بر ترجمه مز یوق . روامی ؟

هر بیوک غزته نك بویله بر تیاترو منقدی واردر .
بونلرک پیری (تان) غزته سنککی ، یعنی مشهور (سارسه ی)
در . قیسه بویلی ، طیقناز ، متین کوربوز ، بیاض صاقلالی
بر اختیار که هر کون برقاق غزته یه بردن مقاله لر یتشدریر .
(تان) مده هر بازار اقشامی تیاترو تعقداتنه دائر قوجه
بر تفرقه ویریر . خوش صحبت ، خوش مقال اولدیغی

ایچون بن العوام پک زیاده صاحب نفوذدر . یازیلرینی ،
 باخصوص (تان) نفرقه لرینی هرکس سوه سوه اوقور .
 میانه ادداده لقبی (سارسه ی دایی) در . مزاحی ، لطیفه یی
 پک سور . بوسنه ککش ایکن بوقدر یازی ایله برابر بتون
 تیاترولرده برنجی تماشا لرده اثبات وجود ایلر . چونکه
 خامه تنقیدی یوروتمک ایچون بوا یلک او یونلری کورمکه ،
 اثری ده ، او یونجیلری ده نظره تدقیقدن کچیرمکه مجبوردر .
 خاطراتنه ، تبعاتنه ، مشهوداتنه حدیوق .. بومساکده
 اوتوز سنه دن بری دوام اییدیور . نه لر یازمش ، نه لر
 کورمش ، نه لر اوقومش ! انجمن دانشه نامزدلک تکلیف
 ایله دیلر .. رد ایتدی : « اخص آلم اولدکدن صوکره
 سنک قبریمه انجق شوایکی کله یی یازسونلر : غزته جی
 ومعلم » دیدی .

تیاترو انتقاداتی بویله بازار ایرتسندن بازار ایرتسینه
 ویرن (ده با ، تان ، لیبرته) غزته لریدر .. جرائد سائر
 هر او یونی اویناندیغی کیجه نک ایرتسی کونی صحیفه تنقیده
 آلیر . (فیغارو) ده (هانری فوکیه) کذا جامع الکمل
 برصاحب قلمدر ، سیاسیاتدن ، ادبیاتدن ، صنایع
 نفیسه دن ، هرشیدن بحث ایدر . کچن سنه (اورنک) دییه
 ادبادن بریله مشترکاً بالتالیف (اوده ئون) ده اویناتدیغی

اويون بيوك رغبت قازاندى .

(ژورنال) ك منقدى (قاتول مندىس) مزيت شعريه
 وادبيه سيله مشهوردر . مع مافيه سوزلرى غرائب افكار
 ايله مالا مالدر ، مفرطدر . هيچ بر اثرى بكنمز . .
 ياخود زور بكنير . حاصلى مطبوعات حاضرده بالخاصه
 تياترو منقذرلى بيوك بر موقع اشغال ايله يور . بونلر
 اولمايحه غزته فيض بولمايور .

*

* *

(صوروبون) شمدى حقيقى فورانده . . قارئلر يمز
 البته بيايرلر . پارسك ادبيات وفنونجه علوم عاليه دار .
 التدريسنه بونامى ويريورلر كه بنانك مؤسسى (روبر
 صوروبون) اسمنده كى ذاته اضافتله ايمش . اسكى صوروبون
 ناقاردينال (ريشليو) واون اوچنجى (لوتى) زماننددر .
 يكي صوروبون هنوز بنا اولونيور .

(باقالوره آ) ديدكلرى علوم اعداديه امتحانلرى
 هر سنه تموزده صوروبونده ويريلر . (باقالوره آ) اصولى
 فرانسه تحصيلنك اساسيدر . هانكى مكتبه ، هانكى
 اعداديده نرده او قورسه كز او قورسكز ، حاضر لانيرسكز ،
 صوكره پارسده صوروبونه ، ولايتلرده اكا مائل دار .
 الفنونلره كيدرسكز . مسلككزه كوره يا ادبياتدن ،

فکری قولونو غنک التنده کی جزء داندن دها زیاده طولودر .
متانتله طاورانیر ، متانتله جواب ویریر . سوزی متیندر ،
موفقیتمدن هرکس کبی کندی ده امیندر .

ایشته چوجق بویله جه امتحانی بیتیر . آشاغی
اینر . قاپونک اوکنده پدر ، والده ، همشیره بکلیور .
اوپوشمه لر ، سوشمه لر ، التفاتلر .. آراتق طالب مأذون
ظفرینی حزم ایده مز ، نه یاپاجغنی بیله مز . فقط ، افسوس
پارسده نیجه بویله مأذونلر وار که نهایت (بون مارشه)
مغازه لر نده بریر بولورلر سه مسعود اولیورلر . بعض
بدبختلری ده کیده کیده آرابه جیلغه بیله قائل اولیورلر .
اوت ، پارس آرابه جیلرینک آره سنده حتی مکتب حقوقدن
بیله شهادتنامه لیلری بولونیور ایمش !

*

* *

بو هفته (ره ووده دو موند) مجموعه سنده جداً شایان
مطالعه صحیفه لر وار . باشده (یکر می بش سنه صوکره)
دبیه (دوق ده برولی) نک امضاسیله بر مقاله سیاسییه ،
بر مقاله سیاسییه که فرانسه نک بومدت ظرفنده کی سیاسیاتی
کوزلجه بسط و محاکمه و تنقید ایله یور . (دوقده برولی)
زمانک اک بیوک محررلرندن ، انجمن دانش اعضاسندن ،
بونکه برابر مهره سیاسیونندندر . ۱۸۷۰ محاربه سندن

صوکره فرانسه طرفدن مبعوناً لوندره قونفرانسند.
بولونان بوذاندر. اندن صوکرده دفعات ایله خارجیه
نظارتی و ریاست وکلایی درعهده ایله مشدر.

بومقالهده فرانسه نك روش سیاسیسند کی مستملکات
میانی، (تونکن) لری، (داهومه) لری، (ماداگاسقار)
لری مؤآخذه ایله یور. بویله بردوره مهمهده قوای
عسکریه مزى دنیاك درت طرفه بلافاظه طاغیتق کار
عاقل دکلدی دیور.. بوسفرلرک اسبابیله نتایجی مقایسه
ایدیور. بوندن ماعدا غرب دولتلرینک سیاسیات
عمومیه سنه دائر پك حقیقی مطالعه لرده بولونیور. دورک
مفید برتار یخچه سنی یاییور، هر حالده او قومغه دکر
برمقاله.. ینه بورسالهده (هانری دهره نیه) نك - کوچك
منظومه لر - دیه برشعری وار که معناً کوزل ایسهده
بزجه لفظاًده شایان بحثدر. (دهره نیه) متین برشاعر،
فقط الفاظه مسامحه یه پك میال..

فرانسزلرک (هیاتوس) ی یعنی برنوع تنافری
واردر که شعرده معایبنددر: برکله حروف صوتیه دن
بری ایله باشلامالی. مثلاً Il alla avec elle کبی. (آلفرد
دو موسه) پك آز بومسامحه یه دوشدیکی ایچون او قدر

قدرت ادبیه سنه رغماًینه مؤ آخذه اولوندى . حال بوكه
(دهره نیه) :

Silencieux s'endorme (ou anxieux) se taise

مصر اعنده اولدینی کی لاینقطع بوقصوره جواز ویریور .
بزده بویله آهنکه پك دقت ایدلمه یور اما بکا اویله کلیور که
بعضاً (کوچك کوچك ، رمق قالدی ، آرزیان ، وقت
طار) کی اوافق تنافر لر بیله سمعه خوش عکس ایتمه یور .
انسان بونلردن ممکن مرتبه توقیه مجبور اولیور .

بوندن ماعدا (دهره نیه) قافیه ده پك سربست طاورا -

نیور . مفردی جمع ایله تقفیه ایدیور . tombe, colombes
کی . بزده (خنده ك) ی (سندن ، تن) ایله هم قافیه
عد ایله یورز . بوكا جواز ویرلسه كرك ، چونكه سمعه
ملایمدر . لکن بوشاعره کوره esprit ایله gendarme ناصل
هم قافیه اولیور ، عقم ایرمه یور . قافیه نك آهنکه بیوك
خدمتی وار . بونكچون مقید اولورسه طبیعی دها زیاده
خوش کلیور .



بوهفته پارس مشاهير نسوان ايله اوغراشدى ،
طوردى . اولاً امريقا محروم لرندن (استوو) ك خبر
وفاتى كلدى . اورتايه بواديبه نك انفس آتارى : « طوم
داينك كلبه سى » عنوانى حكايه چيقدى . هر طرفدن
مطالعه لر باشلادى . كوچك بر اثر اما عالم افكار معصوميتده
بيوك برايز براقش .. امريقانك بچاره بر صنف خلقنى
مدافعة قلمه النمش ، يك زياده حسن تأثير كوسترمش .
بر محصول فكرى وادبى ايچون تاريخ تقليبات بشريه ده
ير طوتمق بويله اولور . بو قادي نجغز بويله ترك حيات ايدر ،
لكن اثرى اولمز . چونكه سرگذشت انسانته قاريشمش ،
اندن بر صحيفه اولمشدر . بو محروم نك مناقبندن برى ده
انكليز شاعرى مشهور لورد (بايرون) ايله قارىسى
لادى (بايرون) آرمسند ، حالاده اونودلمايان منازعه
و منافرتده ضعيفدن ، مغدوردن ، قاديندن طرفه ميل
ايتمى ، شديد المأل توييخنامه لرله شاعرك بو حقمز اغندن ،

یعنی زوجه سنه روا کوردیکی معامله دن طولای حاضره سنی
 خیر پالامسیدر . غریبدر ، بوادیبه نك خبر وفاتی بورایه
 واصل اولور اولماز بیلدکلمدن کیمه راست کادمسه
 بوندن بحث اییدیوردی . بو اشتها ربی مراقه دوشوردی .
 صوکره اکلام ، مکر شوذکر ایتدی کمز حکایه همان
 بتون اوروپا عالمده ، محله مکتبلرنده طبقی معهود
 (روبنصون) کبی برقرائت کنسانی ، اولارق الدن اله
 دوران اییدیورمش . لکن بوزمین (روبنصون) دن
 پک مهم ، پک رقیق ، پک سوز شک . او قدرکه عادتا قابی
 حزن ایله مالامال اییدیور . هله اطفال معصومه نی هونکور
 هونکور آغلایور . بو کتاب هرلسانه بش او کره ترجمه
 ایدلیدیکی حالدله لسانمزه هنوز نقل اولونماش .

بومشاهیرک ایکنجیسی ایسه عصر حاضر ابتدالینه
 طوغری یتیشن (مارسلین ده بوردالمور) اسمنده
 برشاعره که حزنیه ، ملالیه ، حالیه ، مناسبانیه شعرای
 خیالیونک سر افرازی ، (لامارتین) ی آندیریور .
 کچن کون (دونه) ده ، مسقط رأسنده بوقادینه برهیکل
 رکز ایدلیدی . بوسببله غبارنسیان ایله پوشیده بر خاطره ،
 بر شهرت ظاهره اخراج اولوندی . حقیقت (مارسلین)
 فطرة شاعر ایمش ، شعرنده او یله حزن پارچه لر وارکه

بودورده بيله سوه سوه اوقونيور . بتون ادبای خیالیون
 هوغولر ، آلفرد ده وینی لر ، موسهلر بوشاعره نی بحق
 تقدیر ایدرلر مش . هله (لامارتین) بر شعرنده شو وجهه
 تجیل ایتمش : « سسك مینی مینی قوشلره حزین حزین
 تعایم آهنگ ایلر . تا که صیاد بی امان بونکله مر حقه ،
 رقه کلسونده او یچاره لره ایشمسون ، ایشمسونده
 یووالرنده راحت راحت قول ، قاناد بیوتسونلر . فقط
 سنك سسكده بر نغمه مرغك مقلدیر ، اویله حزیندر ،
 اویله دلفریبدر . نسیم سحر انزوا گاه درد ومالکی
 نه قدر تحریک ایدر سه روحكده اوقدر محرق فریادلر
 ایثار ایلر . »

ایشته زمانك ایکی اوچ شاعری بالانفاق بوشاعره نی
 گوشه نیاندن قورتاردیلر . دها بر هفته اولی (مارسلین)
 دن اثر اوقویان پك سیرك ایکن شمدی حددن زیاده
 صیقلاشدی .

اوچنجی شهیره دوران ایه ژان دار قدر . فرانسه نی
 هیچ بردورده بر لحظه اشغالدن خالی قالمایان ژان دارق
 بو هفته ورد زبان عام اولدی . چونکه (ریمس) ده ارکان
 حکومت حضورنده بو وطن پروره بیوک برهیکل رکز
 ایدلدی . ژان دارقه دائر تفصیلاته کیریشمکه لزوم یوق .

انجق شو فکر غریبی عرض ایدیم . محررلردن بری
شوفرستدن استفاده ایله انجمن دانش کیرده کی اعضانک
قرقنه بردن مراجعت ایله یور . بوبابده کی فکرلرینی ،
رایلرینی صوریور ، طبیعی هب تقدیر و تکریم ایله مالی
جوابلر آلیور .

*

(ادمون دوغونقور) کچن کون وفات ایله دی . بو خبر
بلکه ممالک اجنبیه یی چوق مشغول ایتمز . فقط فرانسه
مطبوعاتنه بوندن زیاده تأثیر ایدن حوادث نادر در .
(غونقور) لر قدر بودورده برمرتبه بلند ادب احراز
ایدن ادبا آذر . (غونقور) ایکی برادر در لر ، (ژول ،
ادمون) او بری ، کوچکی ۱۸۷۰ ده ترک حیات ایله -
مشدی . بویکی قاردش ویریر لر ، برابر یازی یازار لر .
(ژول) ک وفاتنه قدر یکرمی جلدی متجاوز اثر وجوده
کتیریر لر . بونلرک ایچنده او یله لر ی واردر که عصرک
نفائس آثارندن معدود در . ایلاک اوکجه کوچک مقاله لرله
باشلار لر ، صوکره رسمه ، انتقادات رسمه قویولور لر .
اون سکیزنجی عصرک تاریخ نفائسنی ، لوحه لرینی ، آثار
لطیفه سنی ، قادینلرینی موشکافانه تدقیق و توصیف ایدر لر .
مصنوعات و معمولات نفیسه ایله کشف طبیعت و ماهیت

قیلارلر. بالاخره ده بوسبتون وادی حکایه ده دوکولورلر. ایشته بووایدیمه ذروء کالی بولورلر، اونه اسلوبدر، اونه معنادر، اونه تحلیلدرد. ایکی ذکا، ایکی پارلاق باش باشه ویریور، بدیعهلر حصوله کتیریور، بواشتراک نه درلو اولیور، ایشته غرابت بونقطه ده در: (زولا) نك قولنجه هرايکی برادر بردن بر موضوعی تصویره قویولورلر، صوکره بوتصورتی یکدیگریله مقابله ایدرلر، اکوزلارینی بکنیر آیلرلر مش. اثرک هر حقیقه سنی بویله جه اولایری آری یازار، صوکره بالمقایسه حذف واثبات قیلارلر مش. مثلاً (سورفیلومن) حکایه سنی یازارکن برابرجه خسته - خانه لری طولاشمشلر، کافه وقایعی نظره تحلیلدن کچیرمشلر، ذاتاً اثر بوتحلیلاتک قیل یازارجه سنه متین، بدیع براسلوب ایله تصویر و تطبیقندن عبارتدر.

۱۸۷۰ دن صوکره (ادمون) یالکز قالیور، اسکیمی کبی جودت ووفرته اثر میدانه قویامیور. مع مافیینه یازیور. بعضلری بویازیلرک اولکیلردن ده آز قوتده اولدیغنی ادعا ایدیورلر. بنجه بوادعا طوغریدر. آنجق بوندن (ادمون) ک (ژول) دن اشاغی اولدیغنی هیچ برزمان اکلاشلماز، او بری او وقت اولهیدی ده بریکی برحیات قالایدی، ینه بویله اولوردی.

(غونقور) لرك حياتى باشدن باشه حقيقى برحيات
 ادبانه در . ادبياته ، نفاسته وقف اولونمش برحياتدر .
 بو عمرده سراپا برامل تجلى ايله يور : ادب ، صنعت ،
 نفاست . نه ذوق عائله ، نه ميل ديكر . صرف ادبيات ،
 صرف صنايع نفيسه ، بدايع صنعتله كلين كي مطرا بر كاشانه ،
 ينه اودرجه صاف ، لطيف برمعيشت ، هيچ قابالقدن ،
 عاديلا كدن اتريوق . هر فكر ، هر حال ، هر معامله كزيده ،
 حتى لوازم بشريه ايله تأليف قبول ائتمه يه جك درجه ده
 كزيده . . بو طبيعت ، بو صنعت ايكي برادري مسعود ،
 جهانده نه قدر سعادت قابلسه او قدر مسعود ايدييور .
 ثروت ، شهرت ، رفاهيت يولنده كيدييور . اولد كدن
 صوكره ده ادبياته معاوننده ، مقصدلرينه خدمتمده دوام
 ايتك اچيون (غونقور) لر امللر نجه برانجمن دانش
 تصور ايدييورلر . اوكلې مال ومناللرينده بوامله نذر
 ايله يورلر . (غونقور انجمن دانشي) وصيتنامه دن
 اكلاشلا يغنه كوره ، اون اعضادن مركب اوله جقدر .
 بونلردن سكزيني حياتنده (ادمون) انتخاب ايتمش ، ديكر
 ايكي سني بوسكز اعضا انتخاب ايده جكلردر . بو اعضادن
 هيچ بري بيوك انجمن دانشدن اولمايه حق ، بعدالانتخاب
 اورايه كي رسه اوتهدن مستعفى نظريله باقيله جقدر . ده

تحفی بوانجمنده شعره رغبت یوق . دیمک . انلرجه
بووادی او قدر مساعد اولدینی حالدہ بیله فرانسلر زمین
شعری ینہ جدی بولما یورلر .

شوبله جمللاً ماعیتی بسط ایلدیکمز (غونقور) لک
مزیت ادبیہ لرینی نشر یخ ایچون ستونلر ، صحیفه لر ایسترکه
بونو ده ایکی اوج آیه قدر (اقدام) ه نقله باشلا یه جغمز
صور بون ادبیات طبیعیه درس لر نده بولورز . طبیعیون
ادبیاتنک ایکی بیوک مؤسسی ، تمثال مشخصی (غونقور) لر
ایله (زولا) در ، فقط بریکی ده اعتیاف ایلر : حق
وفضیل تقدم او برلرینکدر . ذاتاً بوندن اون بش کون
اول بر ضیافت ادبیہ اولدی . (غونقور) ه رعایتندن
(زولا) مقام ریاستی قبول ایله مه دی . (غونقور) محب
خاصی (دودمک) اونده وفات ایله دی . بوصوک زمانلر نده
اخیراً نشر ایله دیکی « دفتر اعمال » ک صوک جلدی ایچون
ایجه هدفلره ، تعریضلره اوغرا مشدی ، الیقین دوستلری
بیله کئندن اوزا قلاشمشدی . بو « دفتر اعمال » نه غریب
اثر در . ایکی قاردهش اله معنی ، ماده فیل دیشندن معمول
بر قلم آلهرق ، نه کوردیلر ، کیمی کوردیلر ، نه دوشوندیلر ،
نه کوریشدیلر سه بدیع بر شیوه ایله کونی کوننه بلاقید ،
بالا احتراز بوصیفه لره درج ایدیورلر . قاردهشک وفاتندن

صوكره (ادمون) بوقیوداتده ینه دوام ایدیور . فقط
اکثر سطرلر معاصریندن بعضلرینه فنا طوقوندیغی ایچون
بونلری شمдіلك قسماً بالتنقیح نشر ایلهدی . اويله ایکن
اوقدر تهیداته اوغرادى که صوڪ سنهلى، صوڪ جلدی
کری چکهرك بردرجه دها تعدیله مجبور اولدی .

*

* *

(پتی ژورنال) بوهفته آناق یاریشلى ترتیب ایلهدی .
طبقی آتنده اولدیغی کبی (ماراتون) یاریشلى . قرق
کیلو متروکه اوراده ایکی ساعت اللى بش دقیقهده قطع
اولوندی ، بوراده یکر می اوچ دقیقه دها اوکجه بیتدی .
بوتفصیلاتک بکا عائد جهتی یوق . آنجق برصباح برای
تنزه پارس جوارنده بریره کیدرکن تصادفاً بویاریشجیلر
اوکمه چیقدیغی ایچون شوسطرلری یازیورم . برکلیسانک
اوکنه برجم غفیر بریکمشدی ، کنارده برماصه ، اوزرنده
مرکب ، برده بیوک برتمغا واردی . قوللرنده (پتی ژورنال)
علائمهله بر ایکی آدم اشاغی یوقاری کزینیورلردی .
دیرکن اشاغیدن طوغری ، کلیور ، دیسه برکورولتی
قوپدی . یشیل قرمزى بر جانباز اثوابيله صاریشین ،
اوتوز صولرنده بریاریشجی کوروندی ، اورتا برسرعتله
قوشیوردی ، یوزی کوزی قان ایچنده ایدی . اوتوز

کیلو مترو مسافه قطع ایتمش ، بر ساعت الی دقیقه در
 قوشیورمش ، محل مقصوده وصول ایچون دها اون
 کیلو مترو مسافه قطع ایده جکدی . تمغا مأموری
 بویاریشجینک قولدن طوتدی . بر تمغا اوردی . لاقیر -
 دیسندن حریفک انکلیز اولدینی ا کلاشلدی . ایکنجی
 یاریشجی بش دقیقه صوکره کلدی که بودها کنج پرفرانسز
 ایدی . او بری قدرده یورغون دکلدی . زواللی تمغاده
 بیله طور مق ایسته میوردی ، برنجی یه اودرجه یتشمک
 ایسته یوردی . بر چاریک ، یاریم ساعت ، بر ساعت صوکره
 پی در پی او بر یاریشجیلر کلدیلر . کیمی آرتق یورویه -
 میور ، قهوه نك اوکنه ییقیلیور ، قالیوردی . کیمی
 بر ببرا ، یا بر سودلی قهوه ایچبور ، ینه یوله قویولیوردی .
 بعضیلرینک آیاقلرنده کی قوندیره لر یرتیلمش ، فیر لامشدی ،
 بعضیلرنده ایسه بونلرک برتکی چیقمش ، برنکی طور ییور -
 دی . برنجیلکی بواوکه کچن انکلیز قازانمش .

بومسافینی بر حیوان بیله بو قدر سرعتله قطع
 ایده مزکن شویاریشجیلره تعجب ایتمه مک قابلمیدر ؟ فقط
 حریفلرک یاریش ائناسنده کی حاللری جداً قورقونج ایدی ،
 فی الحقیقه سعی کوزل بر نعمت ، انسانیت ایچون برزیت
 ایساده تعب درجه سنه وارنجه سیمايه بر چرکینلک ویریور .

کوزلر چوقورلاشیور . آان بوروشیور ، آوورد
کوچیور ، اعصاب اودرجه تبدله اوغرایور .


هریاریشجینک یاننده درت ، بش دراجه سواری
واردی . بونلر اوکدن قوشیور ، یولده کی قهوه-ولده
اقتضاسنه کوره آرقداشلینه قهوه ، بیرا حاضر لایورلردی .
یاریش-جی ده همان طورمادن ، دیکنمه دن بونی ایچیور ،
یولنه درحال قویولیوردی . شاید دیکله نه جک اولورسه
واه باشنه ، چونکه برقدجی ایکی به ، ایکی یی اوچه ،
بندیره رک طیف-انوب اوراده قالمق محققدی . نته کیم
برقاچی بویله اولدی . حاصلی بویاریش بکا طبقی اطفالمزک
اوینادیغی اسیر آلماجه لری اخطار ایله دی .

*

* *

کچن هفته کی مکتوبمده (لیونه) برادرلردن ، بویکی
موسیقی شناسدن بحث ایتدمدی . بو برادرلر ایکیزدر .
بری (آناطول) ، او بری (هپسولیت) هر ایکسی ده
اختیاردر . اوان شهرتلری ایمپراطورلق زماننده حکم
سوردی . شخصاً بر برینه غایتله بکزه من بویکی قاردش
معنی ده یکدیگرینک انموذجی ایش ، برینک سسنی
اوبرککندن تفریق ایتک مشکلات ایله اولیورمش .
ایشته آراده هنوز هفته کچمه دی بریکی اولدی ، او بری

آغلایور . سکسان سَنه در یاسندن آیرلادیغی قارداشَنک
 فراقنه تحمل ایدمه میور . ایکیزلرده کی بورابطه متقابله
 قلبیه نه در ؟ برینه بر حال اولسه تأثیری دیکرنده کوریا یور .
 بوایکی موسیقی شناسک لطافت صوتیه لرندن صرف نظر
 بر عصمت و ظرافت ایچنده سکسانه قدر ایرن حیاتلری
 شایان تماشادر .



چین حکایہ لری

چینک فوت العادہ سفیری (لی ہونگ چانغ) آوروپایی
طولاشیور ، طورییور . روسیہ ، آلمانیہ ، فلمنک ،
باچیکا . شمدی دہ پارسہ کلدی . موسقووادہ انواع
تلطفات والتفاتہ مظهر اولدی . برلیندہ آلقیشلانندی ،
بسمارق ایلہ قول قولہ رسم چیقاردی . بروکسلدہ دہا
ایلری کیتدی . حال بوکہ بری طرفدہ رقیبی ، رقیب
مسعود ومظفری ژاپونیہ جنرالی (فیسیمی) بوشعشعہ
توجہ واستقبالی کورمہ دن کچدی . بوکا سبب برطرفدن
چینک اوتہ دن بری اوروپا ایچون برکنزبی انتہای غرائب
اولسیدر ، دیگر جہتدن ایسہ بوسفیر فوق العادہ نکہویت
سیاسیہ سیدر :

(لی ہونگ چانغ) تقریباً یتیمش ، یتیمش بش یاشندہ .
امثالہ نسبہ ایری برذات ، اوقدرکہ ہان چینلیلر ایچندہ
بوجئدہ آدملر نادر اولسہ کرک . آرقہ سندنہ صاری
برلباس ، طورندہ ایسہ علائم ذکا وارہ . قفا قوری دکل ،

کوزلر اطرافه بوش بوشنه باقمايور . حتی متصل الدن
دوشمهين اوزون برسیغاره بواشتغال ذهني ظاهرده
ستر ایچون اولمیدر .

نه ایسه ، بومعلومات سیاسییه باشقه لرینه ترك ایله
مقصدم شو صحیفه لرده چین ادبیاتندن برپارچه بحث
ایتمکدر . اوت ، چین ادبیاتی شایان بحثدر . فرانسه نك
سابقاً چین سفیری ادیب ، خلوک ، چین لساننده ،
فرانسزجه یه ده کوزلجه آشنا برذات ایمش .

(ره ووده دوموند) کبی بر مجموعه ممتازه موقوته ده
مفید مقاله لر نشرایتمش . چینه دائر اوروپاده دوران ایدن
برچوق خرافاتی جرح ایله دکن ماعدا عادات افرنجیه دن
کلیسنه تجاوز ایله مش . مثلاً اصول وعوائد ازدواجی
استخفاف ایدیور ، « اوبال آیی نهدر ؟ اوناصل قاری ،
قوجه درکه عقددن صوکره کلیسنا چیقارق اولرینه دکل ،
آرابه لره ، واپورلره ، شمندوفرلره قوشوشیورلر .
کونلرجه ، آلرجه در بدر ، اقلیم باقلیم طولاشیور ،
طوریورلر « دیور . بوندن صوکره مبحث ادبه کچور ،
چین حکایه لریدن نمونه لر ویریور . چین حکایه لری او قدر
بوش دکل : ایچلرنده حکیمانه لری ، ادیبانه لری وار .
مدهشلی ، مؤملری وار . حاصی هر نوعی وار . چین

فلسفه‌سنة بو حكاياتده هپ تصادف اولونیور . بونلردن
 بروجہ آتی بر نمونہ عرض ایدیورز :

*

**

بیاض یلپازہ لی بر قادینک سرگذشتی

(صونغ) مملکتی اہالیسندن (چو آنغ چین) نام
 ذات برادیب ایدی . اودرجہ‌ده کہ حکمت ادبی بوشئون
 فنادن بوسبوتون تنزیہ نفس اتمکہ قدر واردیریوردی .
 بوندن ماعدا حقیقی برچینتلی اولدیغندن ابدیتہ‌ده اینامہ -
 یور ، بنا برین تسکین روح ایچون خطیئات بشریہ دن مال
 ومنالہ میل ورغبندن فراغت ایلہ تسلی بولیوردی .
 وفانندن صوکرہ ایسہ اخلاقجہ دنیانک مسعود و محسو -
 دلرندن عد اولوندی . وقتیلہ برسمای اصفر التندہ ،
 نہال وشکوفہ لر ، سکودلر ، یاسمنلر اراسندہ یاشارکن
 (چو آنغ چین) اویلہ یرلردہ خیالپرستانہ طولاشیور ،
 طورییوردی کہ بورالری نرہ لرذر ، بودورانہ ایچوندر ،
 کندی‌ده بیلمیوردی .

برصباح سوق روزکار ایلہ (نام‌ہوآ) طاغنک انکمرندہ
 کزرکن بردن برہ مزارستادہ بولنیویوردی . زمین
 زمین میتلر عادت بلدیہ اتباعاً الہ نمش طوپراق تپہ لری
 التندہ یاتیورلردی . افقی احاطہ ایدن بولایمد قبرلری

کوریر کورمز ، سیاح ادیب شویله تفکره باشلادی :
 افسوس ! ایسته بتون طرق حیاتک میعادى . بر کره
 اقامتگاه موتایه کیرلیمى ، آرتق رجعت قابل دکل .
 بوفکر او قدر غریب کورنمز اما کافه فلسفه صینی
 محتویدر . چینلیلر انجق بر حیات بیلیلرلر . اوحیات که
 شمس ایله منوردر ، چیچکلرله مزیندر . بوندن ماعدا
 اکلنجه ایچون یشیل ، قیرمزی برچوق آلهلر تصور
 ایدرلر که بونلره احیای اموات قدرتی ویریورلر .
 فقط (چو آنگ چین) اونوع فلاسفه مغروردهن ایدی که
 بویله یازیجیلرله مشغول و متسلى اولمغه تنزل ایتمزدی .
 ایسته بووجه ایله مقبره ده کزرکن بر کون لباس
 ماتم کینمش . کنج برقادینه راست کلدی . لباس ماتم :
 یعنی قابا ، دوز قماشدن بیاض بر اوربا . . بوقادین هنوز
 اورتولمش تازه ، یکی بر مزارک کنارینه اوطورمش
 بر یلپازه سالایور ، طورییوردی .

بو قدر عجیب برحرکتک اسبابی اکلماق مراقبه
 دوشدی ، (چو آنگ چین) کنج خانمی ادبله سلامیه رق :
 — خانم ، بومزارده یاتان کیمدر ؟ نیچون شو
 طوبراغی متصل یلپازه له مک زحمتنده بولونیورسکز ،
 صورایلیرمیم ؟ بن فیلسوفم ، تحریء اسباب ایله .

مشغولم . . بوسبب ايسه هيچ احاطه مه کيرميور .
 دیدی . قاديخجزي ياپازه سنی صاللامقدمه لاینقطع
 دوام ایدیوردی . قیزاردی ، بوزاردی ، باشنی اوکنه
 اکدی . برایکی سوز سویلر کی اولدی اما فیلسوف
 ایشتمه دی و نافله یره سؤالی تکرار ایلدی . ماتمزه
 قادین آرتق هیچ قولاق ویرمیور ، روحنک وار قوتيله
 یلپازه سنی صاللا یور ، طور ییوردی . (چوانغ چین)
 اورادن متأسفانه آیرلدی . فکرنبه جهانده هرشی هیچ
 حکمنده ایدیسه ده بحسب الطبیغه افعال بشریه وبالخاصه
 قادینلر ککیلرک اسبابی کلامق میلنده ، مراقنده ایدی .
 بوغریب مخلوق ايسه اک درین بر حرص تجسسنی فنا
 صورتده اویاندرمشدی . هم آغر ، آغر نزهنی تعقیب
 ایله یور ، هم ده برکله بک قانادی کی متصل صاللانان
 یلپازیه دونیور دونیور باقیوردی . دیرکن قارشیسنه
 براختیار قادین چیقیوردی . ایلله فیلسوفی او برلرندن
 یوکسکجه برقبرک کنارینه چاغیردی . شوسوزلری
 سویله دی :

— ایشتدم : خانمه بر سؤال صوردیکز ، جواب
 آلامادیکز ، بن مراقکزی دفع ایده بیلیرم . بوکا مقابل
 امید ایلرم که سزده بکا برقاق پاره ویریرسکزده کیدر

تمدید حیاتم ایچون راهبردن برورق سحر انکیز
آلیرم .

(چوانع چین) کیسه سندن پاره چیقاردی . اختیار
قادین ده شوماجرانی نقل ایله دی :

— برمنزار اوستنده کوردیککنز شو قادین (لو)
خاندنرکه اوزون برخسته لقدن صوکره اون بش کون
اول وفات ایدن (تائو) نامنده برادیك تولیدر ، او
قبرده قوجه سنك قبریدر . قاری قوجه یکدیگری متحسانه
برعشق ایله سویورلردی . حتی صوك نفسه بیله (تائو)
قاریسندن افتراق آجیسنه بردرلو دایانامیور ، بوقادینی
بویله بهار حیاتنده جهانده براقه رق کیتمک دردی
جکرینه ایشله یوردی . مع مافیه فلاکته قاتلانندی ،
چونکه طبعاً پک حلیم ایدی ، مقتضای قدره دائماً بویون
اکیوردی . خسته لق اشناسنده (لو) خانم (تائو) نک
باش اوجندن هیچ آیرلما یور ، قوجه سندن صوکره
دنیا ده یاشامایه جغنی ، فراش ازدواجه ناصل اشتراک
ایلدیسه ده قبرده ده او یله اشتراک ایده جکنی عهدلر ایله
بیان ایلیوردی . لکن (تائو) بوکا جواباً :

— خانم زنهار بویله یمین ایتیه یکنز .

دیدی . قادین :

— شاید ، سزدن صوکره یاشامق مجبوریتنه دوشر-
 سه م ، کوزلریکز قانقدن صوکرده شوضیای شمسى
 کورمکه محکوم اولور سه م ای بیلکیزکه باشقه برینک قاریسی
 اولغه اصلا رضا کوسترمیه جکم ، ناصل ساده برروحه
 مالک اولدمسه اویله جه ساده برقوجه ایله اکتفا ایده جکم .
 جوابی ویردی . لکن بوکا مقابله (تائو) :
 خانم زنهار بویله اتمه ییکز .
 دیدی .

— اوح ! (تائو) ، (تائو) براقکز بی ، باری بش
 سنه یه قدر اولنیه جکمه عهد ایده میم . لکن بوسفرده (تائو) :
 — خانم ، بویله یمین اتمه ییکز . انجق مزاریمک
 اوستنده کی طرپراق قورویخجه یه قدر بی اونو تمایه جغکزه
 یمین ایدیکز . کافی . .

(لو) خانم ده بونکچون بیوک بریمین ایتدی .
 (تائو) بردها آچامق اوزره کوزلرینی قاپانجه خانم
 یأسندن چیلدیرر کی اولدی . کوزلری آتش دموع
 ایچنده یانیور . طیرناقلرینی کسیدیکی کوچک یچاق ایله
 یاناقلرینی بتون چیزیوردی . فقط هرشی کچر ، بوسیل
 غمومده کچدی . کیتدی . (تائو) نک وفانندن اوچ
 کون صوکره (لو) خانمک کدری دهامعقول برشکله

کیردی . قوجه سنک تلامیذندن برکنج کندیسنه بیان
تغزیه کلدی . طبیعی بوبله بر مسافری قبول ایتمه مزلك
ایده مزدی ، آه وواه ایله قبول ایتدی . بوکنج تلمیذ
غایت مزین ، چهره جهده لطیف ایدی . مکالمه واقعه ده
برپارچه (تائو) دن ، برچوقده خانم دن بحث ایله دی .
خامک پک لطیف اولدیغنی ، زیاده سیله خوشنه ، ذوقه
کیتدیکنی کندیسنه سویله دی . اوده بوندن ممنون قالدی .
تلمیذ عودت ایده جکنی وعد ایله کیتدی . (لو)
ایسه بوکا انتظاراً ایشته کوردیکز ، قوجه سنک مزاری
باشنه کلدی ، کوتی یلپازه سنک روزکاريله طوپراغی
قورتمغه وقف اییدیور .

اختیار قادین حکایه سنی بیتر بیترمز فیلسوف
شویله جه تفکره قویولدی :

— عمر شباب قیصه در . اذواق قادین ارکک
کنجلی هوالره اوچریر . هر حالده (لو) خانم صالح
برقادینجز ایش که عهدینی پایمال ایتک ایسته مه یور .

*

* *

فرانسز محررلرندن بری بو حکایه یی نقل ایتدکن
صوکره صوک سطره تلمیح ایله اوروپا نسوانی بوندن
عبرت آسون دیور .



کچنلرده پارسک امتحانلرندن بحث ایدیوردیم . بو
کونده بوامتحانلره طلبهیه حاضر لایان مکتبلردن ، (ایسه)
دیدکلری مکتب اعدادیلردن دم اورمق ایسترم .
فرانسهده اقسام تحصیلدن تحصیل اعدادی جداً مکملدر .
مکتب سلطانی قیراطنده یالکز پارسده یکرمی بی متجاوز
مکاتب رسمیه واردر که اک بیوک معلملرک تحت اداره -
سنده در . علوم عالیهنک اساسی علوم اعدادیهده اولدینی
ایچون بونوع تحصیله ویریان اهمیت یرنده در .

پارسک کوچک بیوک مکاتبی همان عمومیتله (قارتیه
لاتن) دیدکلری محلهده مجتمعدر . صور بون ، قوللهژ
دوفرانس ، مکتب حقوق ، مکتب طبیه بوراده اولدینی
کبی (لیسه) لرک اکثریسیده بومحلهده کائندر . مکتب
حقوقک آرقه قیوسندن چیقیلنجه قارشیدن یان یانه (سنت
بارب) ، (لوئی لوگران) لیسهلرینه تصادف اولونور .
قوص قوجه ایکی بنا . هر برنده اوچ یوزی متجاوز

طلبه وار . برنده کی شاگردان ایسترسه او برنده بعض
 درس لر تعقیق ایلر . چونکه یان یانه درلر . (سنت بارب) دن
 یتیشن اعظم پک چوق . (لوئی لوگران) ایسه ادبیاتده کی
 تدریسات مکمله سیله مشهوردر . بوسوقاقدن آز یحق دها
 یوقاری کیدیلرک (پاتسه ئون) دینیلن مدفن مشاهیر
 کچیلنجه (هازی قاتر) مکتبنه واصل اولونور . بوده
 تدریسات ادبیه سیله مشهوردر که ذاتاً هر خصوصجه
 (لوئی لوگران) ی آندیریر .. بونلر همان ایکنز کیدر .
 بوایکی دارالتدریسکده لباس رسمیلری بردر . بونلره
 (قارتیه لاتن) ک (لیونه) برادرلری نامی ویریلیر .
 (لیونه) برادرلر معروف ایکنز موسیقی شناسلردر که
 پارسجه پک زبانتدرلر . (سن میشل) جاده سندن
 اینرکن ایسه صول قولده قوجه بر بنایه تصادف ایلر سکیز که
 بوده (سن لوئی) مکتب اعدادیسیدر .

اقتشاملری کچرکن کوریلیر . قاپونک یاننده کی بیوک
 اوطه ده هیئت تدریسیه یشیل اورتولی بر ماصه نک
 اطرافده اجتماع ایدرلر ، مذاکراتده بولونورلر . (سن
 لوئی) تدریسات ریاضیه جه پک مکملدر . بودرت مکتب
 شو ذروء علمک چارپاسیدر . هر سنه بر مسابقه عمومیه
 اولور . هر برنده اکا کوره طلبه یه مکافات ویریاور . ینه

دیدکری حالده هنوز ابتدادن طاعنایویرن (مهدن)
 مسامرملری ارکانندن ایدی. (رونی) اسمنده ایکی
 قاردش که غایت کوزل کوچک حکایه لری یازار لر. (اوقتاو
 میربو)، (کوستاو ژوفرووا) ابدان، غزته جیلردندر.
 نهایت (پول مار غریت) مشهور بر حکایه نویسیدر.
 کری قالان ایکی اعضایی ده بواعضای منتخبه انتخاب
 ایده جکلردر. لکن بونلردن بعضیلری بالخاصه (پول مار
 غریت) بیوک انجمن دانشه کیرمک آرزوسنده اولدینی
 جهتله شو هیئت بیهلر محافظه اولوناماسه کر کدر. شاعر لک
 بوزمره ادبایه عدم قبولی ایسه بوبابده ایکنجی بر
 محذوردر.

دیگر طرفدن سنوی آلتش بیک فرائق ایرادی
 بولمق ایچون کلی بر سرمایه ایسته یورکه بر چوق معمولات
 ذی قیمتدن، آثار عتیقه دن، او یونجاقلردن عبارت
 بولونان متروکات بوقدر پارمی میدان کتیره من صانیلیور.
 محررک اقرباسی ایسه بویه بر خیال خام یوزندن شو
 میراث وفیری الندن قاجیردقلری ایچون ضمناً شکایت
 ایلور لر.

بوقدر محاظیردن ماعدا برده اعضای انجمن آراسنده

بحسب المسالك بر منافرت وفیره وارکه مشکلاتی صوک
درجه‌یه واردیزیور .

*
* *

انکلیزلرک پارسجه مناقبی غریبدر ، بن بونلری
اکثریتله اویدیرمه صانیردم ، فقط شمدی باشمه کلدی ،
صحتنه قانع اولدم . مثلاً (آلکساندر دوما) خاطراتنده
اکلاتیور : لوندرده برلوقانطیه کیرمش ، مانظار یمک
ایسته‌مش ، بردرلو غارسونه انکلیزجه منطاری اکلاته -
مامش ، نهایت قورشون قلمیله برکاغذک اوسته بونباتک
رسمنی یاپارق حریفه کوسترمش . اوده : «اعلا ، اعلا
اکلاشلدی» دییه کیتمش ، برشمسیه کتیرمش . . یینه
پارسلده برلوقانطیه انکلیزلردن بری «غارسون . .
بریفتک» دیمش ، حریف برمعتاد «آوق پله‌زیر
avec plaisir موسیو !» جوابی ویرمش ، انکلیز: «یوق،
avec pommes de terre» دیه مقابله ایتمش .

کچن کون برسفردهده حسب التصادف یاننده آمریقالی
برقادین واردی . النده کوچیچک برقاموس متصل
فرانسزجه اوکرنمکه ، سویله‌مکه چالیشیوردی . لکن
بوسعینده او قدر کری ایدی که سوزلردن انحق درتده
بری زور اکلاشیله بیلیوردی . بکا کوچ حال ایله

دیدی که : « سزده اجنیدسکز بلکه فرقنه واریرسکز .
 هانکی فرانسزه برشی سورسه کز اوموزلرینی سیلکه رک
 جواب ویریور » بونه دیمک ؟ دوشوندیم ، نهایت اکلایم .
 دم : قادیسک فرانسزجه سی مشکلات عظمی ایله تفهم
 ایدیلیور . مخاطبده بودرلو مشکلاته دوشونجه طبیعی
 برصورتده اومرز سلیکیور ، فقدان فهمنی اشراب
 ایله یور ، طورییور . ایشته بو حکم شو حالدن ایلری
 کلیور . ینه بوقادین پرنسس (مو) نک ازدواج اخیرندن
 بحث ایدرکن قاموسنی قاریشیدردی ، قاریشیدردی ده
 بوبر (mariage de pente) در دیدی . (inclination) ی
 (pente) ایله ترجمه ایتدی که تمایل یرینه (اینش) دیمکدن
 فرقی یوقدر .

بوقدر نقصان ایله برابر ولو بر انکلیزجه بیلن ایله
 اولسون ، شوقادین متصل فرانسزجه قونیشیور بولسانی
 اوکر نمکه عزم ایتمش ، ممکن دکل عزمندن کری طور -
 میور ، بز اولسه ق صقیلیرز ،

*

* *

فرانسه رهبانندن شودورده اوچ بیوک واعظ وار .
 بونلرک اوچی ده هم واعظ ، هم محرر اولدقلری ایچون
 زمان زمان پارس مطبوعاتی ، محافاتی اشغال ایلورلر .


بوذاتلر : مونسنور (دولست) ايله (مونساره) ، برده
 (پرديدون) در . (دولست) ك موقع سياسي ده
 واردر . بعضاً كرسى روحايمده ، بعضاً كرسى سياسيده
 وعظ ايلر . (مونساره) اكثريا صوت بلندي (نوتردام
 دوپارى) كليساينده ايشتديرير . (پرديدون) ايسه
 هريره كير ، هرشيدن بحث ايدر . كوزل سويلر ،
 كوزل يازار ، ادبيات حاضرهي خيرپالار . كچن كون
 انتشار ايدن برارنده « بوادبيات مريضدر . خستهلر
 ادبياتيدر ، فكري تلخ ايلر ، وجودى قدرتدن دوشورير .
 باقكر شو حكايله . اچلارنده سوه سوه اوقونور ،
 نجات فكريه دن ، عصمت بدنيه دن دوام اورور بر حيفه
 وارمى ؟ هپ ياس ، هپ فرياد ، هپ چوروك . . بويله
 مزبله لردن ، بودرلو خاشا كدن توقى كرك » ديوردى .
 دونده (آلبرلوغران) مكتبك توزيع مكافاتنده تربيه يه ،
 تربيه مليه يه دائر اوزون ، بليغ برنطق ايراد ايلدى ،
 بوكلمه نك معناسنى شرح ايتدى . صوكره فرانسه ده كي
 اصول حاضره تربيه يي مؤاخذه قيلدى .

فكرنجه تربيه ، تربيه مليه احكام دينيه مستند
 اولميدر ، بويله اولمازسه چوركدر ، ثمره ويرمز . بويله
 برتربيه نك وظائفى نهدر ؟ ايكيدير . برنجيسى تكملات

شخصیه به خدمتیدر ، ایکنجیسی ده غیرت و فعالیتیه دائر
تعلیمات والقا آتیدر .

بوندن صوکره فرانسه خلقنک مأموریتیه ابتلا سندن
بحث ایله دی . بونک اسبابی کوستردی .

(پردیدون) ک سوزلری قادینلره ، کنجدره چوق
تأثیر ایدیور . بونکچون شو اجتماعلرده نسوان کلیتله در .
پارس قادینلری ظاهرده سیاسیات ایله اوغراشازلر . لکن
برطرفدن ادبیات ، اوبرجهتدن دینی و علمی مباحثات
دولاییدیلله هر مسئلهیه قاریشیرلر . (پردیدون) کبی واعظلر
ایسه بویولده اعلا دلیل اولدقلری ایچون خوشه
کیدییور ، مقبوله کچورلر .



نقش برآب

بوهمته (آلکساندر دومافیس) ك (لينا) عنوانی
 كوچك برائينی، برخاطره-نی ترجمه ایدیوردم ..
 باقدم که محرر پك چوق یرلرده کدیلر ایچون بر میل،
 بر محبت کوستریور. مثلاً لطیف، کوزل، شوخ بر مخلوق
 کدی یه بکزم تیور، قادین شکننده بر کدی، کدی سود
 ایچر کی دوداقلرینی دیلیله ایصلا تیور، .. دیور.
 اوروپالیلر کدین زیادہ کوپکی سورلر. پارسک هراونده
 همان بر کوپکه تصادف اولونور، کدی یه هیچ تصادف
 اولونماز (دوما) نك طبیعتی، مراقی خلقنك تمایلنه
 دائما بر استشنا تشکیل ایتمکدر. چونکه بوقوجه محرر
 اوپله کورہ نك طوزاقلرینه قایلماز، فکری هانکی یولی
 کوستریورسه او طرفه کیدر. هرکس کوپکی سویور،
 کدی بی سومیور دگی؟ اوبریکنی سور، اوبرینی سومز..
 یوکا عقلاً معنا ویرر .. مثلاً شوبله سویلر:

» صرف حب نفس، غرور سائقه سیله انسان کوپکی

سور . چونکه بو حیوانده اودرلو اوصاف بولورکه ایشنه
 یارار ، منفعتنه ، حسابنه کلیر . کدیلره افترا ایدر .
 بونلرده هیچ بر مزیت بولماز .. سبی : بوزواللی حیوانلر
 اولیه قولایاتله کندیسنه قول ، قربان اولماز . بالعکس .
 کلپک قبائلی ایسه کورمه مزلیکه کلیر .. زیرا بو حیوان
 الارینی یالار ، اوینی محافظه ایلر . کوپکک اک برنجی
 قصوری انسانک یاننده کوله جه سنه یاشایه بیامک ایچون
 هر درلو مذاقی اختیار ایتمیدر . بویله اولدینی یعنی کیجه
 کوندوز معیت بشریه دن آیرلادیغنی حالده بیلک کلب طبیعت
 مردوده سندن ، قابالغندن وازکچمز . اوه افدینک
 مسافر لرندن بری کلسه طایمازسه اوزر لرینه آتیلر ،
 حاولار . طایر سه ینه اوستلرینه صیچرار . اوربالرینی
 کیرله تیر . صاحبیه برابر کز . که چیقارسه صاغه صوله
 آتیه رقدن ، لزومسز یره حاولایه رقدن اعلان مسرت
 ایلر . پیسک اولسه کیدر ، همان دواقلرینی صوقار .
 دیشیلره تصادف ایتسه در حال اوکلرینه قوشار .
 مهتابه قارشى بدلا کی حاولار ، عالمک اوکنده
 بلا فنور دفع حاجت ایلر . اک فناسی ، بومردار لقدن
 خوشلانیر . یا معاشقات مستکرها سنه نه دینیر ؟
 کویا بو قدر مساوی یتشمیور مش کی برده قودوزه

نه معنا ویریلیر ؟ طوروب طوررکن بالاسب قودوریر .
 انسان که اشرف مخلوقاتدر ، بواشاده هدف دندانی
 اولویر برسه بیتدی ، کیتدی . جهانك اك برباد برعذابنه ،
 براولومنه اوغرار . مع مافیہ بوسیئات عظامادن کوپکی
 معفو کوریورز .

کوپک او محافظی ، قویون مبصری . آو خدمتکاری ،
 اعمی دلیلی مثابه سنده قالدجقه ، یعنی وظائف طبیعیہ سندن
 دیشاری چیقمدجقه نافعدر . لیکن انسانه بررفیق اولمغه
 قالقیشنبجه چکلمز بر بلادر ، صاحبی ده بو حالده کولونج
 اولور .

طبیعی بعضاً تنزه ائناسنده براختیار قادینه راست
 کلیرسکز . یاننده ینه او یله مسن بر کوپک سوقاغک
 اورته سنده دوزر ، طوریر . کوپک بش اون دقیقه
 یورو مز ، بولندیفی یرده قالیر . که بوتوقف اوزاقدن
 کلن یولجی یی یانبدیل استقامته ، یاخود دقت ایتمزسه اوه
 عودتنده قوندیره دکیشدیرمکه مجبور ایدر . یا برطاقم
 نازنین خانملرک لوندره دن یاخود هواندن کتیره رک
 یاناقلربنک یاننده باغلادقلری مینی مینی قطمیرلره نه دینیرکه
 بوپچلر یا هیچ برایش کورمز لر ، یاخود لسان مستکر -
 هلریله صاحب لرینک یوزلرینی یالارلر . هله قوص قوجامان

بر کلب ایله کز مه لره ، زیارتلره کیدن ، شهنشود فرلرده
سیاحت ایدن ، ساحلرده دولاشانلر قدر مضحک نه
واردر ؟ هر یرده مهارتلینی مدحه قالدیشیرلر ، محاسنی
تعداد ایله بتیره مزلر . کوزل برکوپکه مالکیتدن طولایی
مغرورانه بر طور ایله کز لرلر ، یولجیلر کللی تماشا
ایدیورلرمی دیه آراسیره اطرافه باش چویریرلر .
چو جقلره راست کلنجه « قورقما یکنز ، قوزی کیدر ،
حتی اوقشایه بیلیر سکنز » دیه طفره فروشلغه قالقارلر .
هاله یوریلهرق بر صیره یه او طور دقلری زمان همان
یانلرنده کی یولجی یه ، کز یجی به قطمیرک محاسن و کمالاتی
وصف و تعداده قوییلورلر . شجاعتی ، صداقتی ذکاوتی
اکلاتمغله بتیره مزلر . حتی بر قاج کدی بیله بوغدیغنی
سویلرلر . چونکه بویله ذواتک فکر نجه بر کلب که عمرنده
هیچ بر کدی بو غمامشدر بر پاره ایتمز . بوزاللی کدی لری
مدافعه یه کیمسه جسارت ایله مز افکار عمومیه یه کوره
کوپکک لطیف ، بلکه ده صاف بر قابی واردر . کدی
ایسه قابسزدر ، خائسدر ، حیدوددر ، نانکورددر .
صاحبنه ذره قدر محبت بسله مر . بنم بو خصوصده کی فکر
ایسه بوکا طبان طبانه ضددر . بکا دفعات ایله شویله بر
سؤال سورانلر اولدی : « کدی لری ناصل اولیورده

سویورسکیز ، هله ناصیل اولیورده کوپکاره ترجیح
ایدیورسکیز؟» بو سؤالی وضع ایدنارک درجه بی
ماهیتلرینی کوستریوردی . بنابرین او یله اوزون اوزادی یه
برجوابه دکمز لردی . بونکچون « اوت سویورم . فقط
نیچون سودیکمی بیلمیورم . اکثر یا معاملات قلییه حکم
کوتورمز » دیور ، کچوردم ، حال بو که حقیقه کلنجه
کدیلمی سورم . چونکه خلقک بو حیوانلرده کوردیکی
نقائص نجه بالعکس محاسندن معدوددر .

هله برکدی یاوروسنک محاسنی کورمه مک ایچون
انسان کور اولمیدر . اولطافت ، اومسرت ، اوشطارت ،
اوشتاب باشقه نروده بولونور؟ هره آزیحق بیوینجه وقور ،
جدی برطور آلیر . قطمیر ایسه اختیار لایوبده طاقتدن
دوشمه نیجه یه قدر حوپالقدن وازکچمز . فی الحقیقه کدی ،
بعضاً قاورما ، کول باصدی چالار . . فقط آچلقدن اولسه
ینه پیسلیک یمز . قاره لردن باشقه سرچه سنی بلبندن تمیز
ایتمه رک قوشلری پاره لر . برهره اوقشامقله یوله یاتار .
حرکاتنده اودرجه ماهر درکه برماصه نک اوستنی طولا شیر ،
برلباسک اوزرندن یوریر ، اک دقیق ، نارك یرلردن
کچرده هیچ برشیئی قیرماز ، اینجیتمز ، توی برابرک کبی
ترمیندر . دوداقلری ایسه کل رنکنده در . حتی دشمنلری

بیله ، بومزایاسنی تسلیم ایتسه لر کر کدرکه سودکری بر
 قادینی « کدیجکم » دیه چاغیرر لر ، حال بوکه شاید
 « کوپکجکم » دیه جک اولسه لر بر تحقیر یرینه کچر .
 قادینه « کدیجکم » خطابنی فرنگلر توجیه ایدر لر .
 بزده بویله القاب یوقدر . ذاتاً (دوما) نک یوقاریدن
 بری بتون شو مطالعاتی تربیه غربیه یه استناد آدر . چونکه
 تربیه شرقیه ادیبک فلسفه سنه ، میلنه کاملاً موافقدر .
 اولر یمزده تکیر لردن ، پام-وقلردن ، کچلمز . مسافر
 اوطه لر یمزده هره خانملر صف اقبالی اشغال ایدر لر .
 ادبیات مزده تانه زماندن بری هره نامه لر وارسه ده پرتو پاشایه
 کلنجیه قدر قضمیردن بحث یوق . . بوصوک بحث بیله نه
 قدر باشقه برزمینده در . هیچ هره نامه یه بکزه مز .
 کاینک تکیر اسانندن مکتوبی بر اثر نفیس دکلیدر ؟
 یا کوکلر یمزده عو عوه لردن زیاده میاو میاولره میل
 یوقیدر ؟ شفقت اسلامیه حسبیلله کوپکی خیر پالامیز ،
 فقط کدی کبی ده موقع اعزازده طوتمایز ، قوجاغمه
 آلامیز ، اوپمه لر ، اوقشامایز .

قاردش لر یمک ایکی کدیمی واردی . تا اوزاق بر
 مملکتدن کتیرد کدی . ایکسی ده سیاه ، سیم سیاه وان
 کدی لری ایدی . توپلری پاچه لرینه واریوردی . برینک

آدی مرجان ، او برينك لؤلؤدى . مرجان بر مرض سارى يه اوغراى ، كونك برنده اوليويردى . لؤلؤ ايسه قوص قوجه مان بركى اولدى . شو مقاله يي يازاركن بو حيوانلرك هر ايكيسى ده كوزمك اوكنه كليوردى .

لؤلؤده كى شطارته همز حيران اولوردق . بر مسافرك اوكنده اويله وقورانه طورلر آيىردى كه هيچ بريمى طانيمازلغه كليردى . تويلرينى قابارته قابارته صفه نك اورتاسنده طولاشير ، طوريردى . صباحلين ايركن ايسه خانمك پشنه طاقيلير ، تا جكرجينك ساعت دردينه قدر بوپشى ساكتانه وساكتانه تعقييدن كرى قالمازدى . دها غريبي برقاج دفعه سليمانيه دن قاسم پاشايه ، قاسم پاشادن سليمانيه كيتدى كلدى .. قوقو ايله يوللرى بولدى .. لؤلؤك انجاسى حزيندر . خانمى غائب ايدنجه سكونتى الدن قاجيردى ، كيجه كوندوز آغلادى ، ايكلهدى . نهايت اوك ايچنده طورامادى كې ديشاريلره فيرلادى . صوك كوروش-مده حالى يوركمى پارچالادى . كوپكلرله غوغا ايدى ايدى وجودنده ياره لر پيدا اولمش ، قابوقلانمشدى . اوللرى ممنونانه طولاشدينى خانه يه شمدى سارقانه كيردى .. اوده آيده ييلده بركره .. هيچ

کیمسه یه کورنمکه جسارت ایده میوردی . کورونسده
 پک صوغوق طور ییوردی : ناصل اولدی ده قلمه شولواؤک
 ترجمه حالی صقیشیووردی . مقصدم کدیله قارشو محبتده
 تربیه شرقیه نک اصابندن بحث ایتمکدی . . (دوما)
 بوفصلی نه پارلاق تشریح ایله یور .

مع مافیه بوفلسفه یی تعقیب ایدن یالکز بوادیب شهر
 دکدر . مصر لیلر « ابنای قمر » دیسه کدیله پرستش
 ایدیورلردی . . حتی الهه لرندن بری (ایزیس) ده کدی
 شککنده ایدی . زمانزه کلنجه : مثلاً مورخ شهر
 (میشله) ، شعرا دن (توفیل غوتیه) ، (شارل بودلر)
 هر نک اک برنجی مفتون خصالی ایدیلر . . حکمهای
 اخیره دن (هیپولیت تن) او قدر مشاغل جدیه آره سنده
 وقت بولیوردی ده کدیله اکلا ی شانی ایچون شعر بیله
 سویله یوردی .

حاصلی شومطالعانه باقیلیرسه کوپکلری سونلر چوق . .
 فقط بری طرفده بر زمرة ممتازه وارکه تکیه قالفه لر ،
 پاموق خانملره دها زیاده میل ایله یورلر . برطبیع کزین
 بوجهتی ها ملایم بولیور . بنابرین غربک آلایشنه
 قایلما می یز . اسکیدن بری هر لری میز ناصل سویورسه ق
 ینه بو محبتده دوام ایتلی یز . . بوراده قاپوجیمک بیاض

برکدیی وار .. آدی ده (مارکی) در .. زواللی حیوان
 کراجیلردن بنم کبی باشقه ملتفت ، محب بوله مدینی ایچون
 هراقشام تا مردیونک آلت باشند بنی قارشیلار ، اوطه مه
 قدر کوتوریر ... صوکره یاتاغمک آیاق اوجنه صچرار ،
 یاتار ... بوصداقته قارشی بندن هیچ بر لطفه بو آنه دکین
 نائل اولمادی ، دیرسه م تعجب ایتیه ییکز .. اوک اوکندن
 جکر جی کچمه یورکه .. نه یاپایم ..

پارس خلقنک کوپکه میلی ، محبتی (دوما) نک
 دیدیکی کبی اثر نمایشدر .. بو حیوانله سوقاقلرده ،
 باغچه لرده کزیلیر ، قوروم صاتیلیر . حال بوکه هر هر لره
 بویله یاپیلاماز .



پارسك بر (بدستان) ی وارد كه قوجه بر بنادر .
متعدد اوطه لر ، شعبه لره منقسمدر . بونكه برابر حكو -
مك اداره سی ، نظارتی اتنددر . دروننده کی مأمورلر
حكومت مأمورلریدر . هراوطه ده بر میز . اوچ مقید ،
برقاچ ده خدمتجی بولونور ، فروخت اونان اشیان
بر رسم مخصوص آئینیركه مأمورینك معاشاتی ، اداره نك
مصارفی بونكه ویریلیر بنا برین اخذ واعطایه ، مزایده یه
قطعیاً فساد قاریشه مز . كچن کون بیوك بر كتاب مزادی
وار صاندمدی . بویولده اعلانلر كوردمدی . بواداریه
كیتدم . او مزاد برقاچ کون صوكره ایمش . اوطه لری
طولا شدم . . كیمنده اشیای بیتیه ، كیمنده اوانی زجاج ،
کیمنده ایسه الماسلر ، آنتیقه لر فروخت اولونیوردی .
مقصدم كتاب آرامقدی . رسملر صانیلان براوطه یه
كیردم . میدان مزایده ده كوچك بر كتاب واردی .
اسمی معلوم دكلدیسه ده جلدجه پك مزین اولدینی ایچون

دورت فرانه دن بشه آرتيردم . . فقط ، حيرت ، اوکتاب
 يك مادر بر آتتيقه ايمش ، بش اون دقيقه ده ايکي يوز الای
 فرانقه چيقدی . حالاده چيقيوردی . بن همان قارشیده کی
 او طهيه کچم . . بوراده اثات بيتيه واردی . بونلرک آرا -
 سنده ايسه ييغين ، ييغين کتابلر طوریه - وردی . ايلک
 اوکجه (پول وويرثيني) دن غايت نفيس برنسخه مزرا -
 يدميه قوندى ، آلتی فرانقه چيقدی . آلامدم . فقط صو -
 کره پشيمان اولدم . . اثرده ساده برجلد مذهب واردی .
 لافل يکرمی فرائق دکردی . صورت طبع ايسه فوق -
 العاديه بر نمونه ایدی . بعده رسمار ، ماصه لر ، آينه لر ،
 لوحه لر ميدانه کلدی . . نهايت (وولتر) دن التمش دورت
 جلد اثر بش فرانقه کيتدی ، بونلردن برجلد نقصان
 ایدی . برده تمثيل غايت قدیم ایدی ، زور او قونيوردی .
 لکن بالاخره (روسو) دن يکرمی دورت جلد کلیات ايله
 بر چوقده مجلدات سائر اورتايه قونجه دایانامادم ،
 آرتيردم . اوچ بچق فرانغه ؟ اوزرمده قالدی . يکرمی
 دورت جلد فيلسوفک کافه کلیاتی استيعاب ايدييوردی .
 فی الحقیقه تمثيل بر پارچه قدیم ايسه ده بأس یوق . .
 چلدلر کوزل ، حتی مذهب . بونلرک خارجنده ايسه
 نه لر واردی نه لر ! شاتو بريساندن يکرمنجی عصره

مخصوص و مصور اولق اوزره خارق العاده بر طبع ایله
اطالا، رنه، ابن سراج .. (سنت بوو) دن ایکی جلد
فرنسه تاریخی ایله (آلتون چیوی) دیه بر حکایه، آثار
جدیده دن (مشاهیر و کلائی دعاوی)، (قرال و ایمپراطور)
دییه چار اوچنجی آلساندرك رسم تتوجنه دائر لطیف
بر کتاب، سنه حاضر هیه مخصوص و مطمئن بر تقویم که
بش فرانغه تجلید ایدلمز. بوندن ماعدا (یول فوال)
دن، شوندن بوندن حکایه لر .. حاصلی التمش جلد
قریب اثر تقریباً اون بش غروشه اله دوشدی ..
بونلرک پوصله سنی آشاغیده نقایات اداره سنه تسلیم ایتدم،
اویمه کوندردیلر .. بنده اومنیبوسه بیندم . محله مه
یوللاندیم . (لوکسمبورغ) ده ای ایش کورمش بر آدمک
طور مخصوصیله (موزه) نی بر دولاشیرم . چونکه بوتشیر
کاهده بر لوحه وارد که عینیله بدستاندن بر میدان مزایده نی
عرض ایلر .. بورسم اوتهدن بری خوشمه کیدردی .
کیمی شمسیه سنی، کیمی پارماغنی قالدیران مشتریلرک
حالی، ازدحامک رنکی، شکلی اثره حیات ویریوردی .
بومنظره شواشتاردن صوکره نظر نفعمه دهها جاذبه دار
کورنمکه باشلادی ..

*

* *

(یولیتقیق) مکتبیه (سن سیر) مکانب عسکریه نك
 سرفرازلری ، بونکه برابر فرانسه نك مدار افتخاریدر .
 (پولیتقیق) مکتب نك باشقه برشهرتی ده واردر . شعرا
 وادبدان بعضلری ، پك مشهورلری بومدرسه ریاضیه دن
 یتشمشدر . منلا زمانمزه (سوللی پرودوم) ، (آرمان
 سیلواستر) ، (مارسل پره وو) بوزمره دندر . قارئلریمز
 برنجی یی «ادبیات حقیقه» درسارنده کوردیلر ، مشهور
 «مینای مکسور یاخود قیریقدر طوقونما» ناظم کزینیدر .
 بیوک برشاعر در ، فیلسوفدر . اوچنچیدن ایسه قادین
 مکتوبلارنده وسارنده چوق دم اوردق . . ایکنجی
 غایت شوخ مشرب برشاعر ، برحکایه نویس برادیبدرکه
 اوافق اوافق حکایه لرندن ، شعرلرندن چوغی لسانمزه
 منقولدر ، (قارنو) ده بومکتبک مأذونلرندن ایدی .
 بواعظم هر سنه منتظماً طویالانیرلر . شعرلرله ، نطقلرله
 شو خاطرات شبابی ، بومدرسه ایامنی تجیل ایدرلر .
 و اسفاکه بوهفته بروقه مؤسسه غزته لرك آغزینه
 دوشدی ، بومکتبک شو آسوده انجلاسنه کوشک برشین
 کتیردی : ابکنجی سنه طلبه سنندن بری ولایتده برمه ند-
 سک اوغلی ایمش . پارسده برقادینه عاشق اولور . انکه
 برابر بر اوطوتار ، یشامغه باشلار . فقط چوق کچمز

درد مضایقه یوز کوستر . معاش یتشمز اولور استقراض
 ده برایکی تجربه دن صـ و کره توکنیر . اوزمان شا کرد
 سودازده سر قته قویولور . ارقداشلرینی چالار ، چیرپار ،
 طوریر باقارلر که مکتبده فوطوغرافی آلتیری ، ساعتیر ،
 کوموش طاقلر ، لباسلر غائب اولیور کیدیور ، طلبه دن
 برقچی خرسزی میدانه چیقارمغه چالیشیرلر . برهفته
 باشی مکتب قپوسنک اوکنه دیکیلیر ، طلبه دن طیشاری
 کیدنلرک بوغچه لرینی معاینه یه باشلارلر . شا کردانک بری
 بومعاینه یی منافی حیثیت کوریر ، باغیر برلر ، چاغیر برلر ،
 رد ایلر . اوته کیلرده اصرار ایدرلر . چوجق دوز ،
 او طه سنه چیقار بوغچه یی کلیدلر ، کیدر . رفیقاری بوغنا-
 ددن شهه ایلرلر . اداره مکتبی وقعه دن خبردار قیلارلر .
 دولاب فیریلیر ، بوغچه معاینه اولونور . ایچنده مکتب
 مالندن بردوزینه کوموش چانال و پچاق مسروق بر
 پانطولونه صارملش اولدینی حالد بولونور . سارق طبعی
 مدرسه دن طرد ایدیلیر . جزایه ده اوغرا دیلیر . فقط
 بووقعه فرانسزلره اوقدر تأثیر ایتدی که غزته لردن
 برچوغی بو بخی قاله آما دیلر ، بر قسمی ایسه تحقیقه
 قالدیشدیلر . هر حالد بلای عشق برعذر در . قادین
 دردی برکنجی اک بیوک مهلکه لره صوقار .

*

* *

معلمك آتش-پاره‌سندہ «ایله‌مشدر بوقبری مرکز
 خواب، مثل نابود بر خراباتی» دیه باشلار بر منظومه
 وارد رکه بر فرانسه شاعرینک کتابة‌ئنک مزارى اولسه
 لایقدر. اوشاعرده (پول ورن) در. پارسه کله‌دن
 اول بوصاحب طبیعتک بعض منظومه‌لری طبعمه پک
 خوش کورنمشدی. آرقاداشلردن برینک دلالیله برکون
 بوذاتی کورمکه کیتدک... فسبحان! نه پریشان حال!
 برباد براوطه... اورته یرده برشارب الیل والنهار...
 نه سویلدیکنی بیلور، نه یازدیغنی بیلور... تقدیر خوانکیز،
 حیران قریحه‌ بلیدیکنز... دیدک، وظیفه‌سندہ دکل...
 ایرتسی کونی یمکه دعوت ایتدک. قبول ایله‌دی، کلدی.
 المزده صوک اثرندن برنسخه واردی... اسممزی صو-
 ردی، اوزرینه... یادکارمدر دییه‌یازدی. بوندن صوکره
 بوذاته برکون دها سوق‌قده راست کلدمدی. بنی طایما-
 دی. برچاماشیرجی قیزيله قول قوله یریشان برحالد-
 سور وکله‌نه سور وکله‌نه کیدیوردی. زواللی آدم، بولند-
 یفی یردنده قرغولمشدی. برکیجه یاریسی مست لایعقل
 کلیر... «آبسنت، آبسنت» دییه‌ باغیرر، خانه خلقنی
 اویندیرر... تعجیز ایدر. طردینه سبب بو اولور.
 نهایت چوق کچمه‌دی بو بیچاره خراباتی سفالت ایچنده
 سوندی، کیتدی.

فقط شو خراباتیکی اولماسیدی بوشاعر بوکون
 هم برحیات بولونوردی ، هم ده انجمن دانش کبیرک
 ممتاز بر موقعی اشغال ایلردی . چونکه شعرآ او قدر
 صاحب مزیت ایدی . برقاج مجموعه اشعاری وارکه
 دورک اکزیده محصولاندندرد . ذاتاً بو حقیقت بعد -
 الوفاة تظاہر ایتدی . بر طرفدن نامنه هیکل دیکلمک
 اوزره ، دیگر جهندن ایسه آناری ایدی اعتبارده شدتله
 دوران ایله یور . حریف آچلق ، سفالت ایچنده اولدکن
 صوکره بو احترام نابهنکامک حکمی یوقیا ، نه ایسه . .
 دون بر کتابچی بوشاعر دن طغیان ، تشنیعات دییه بر رساله
 منظومه نشر ایله یورکه همان نفعینک سهام قضائی آندیر -
 ییور . (له قونت ده لیل) . وارنجیه قدر شعرای
 زمانی فنا هجو ایله یور . هله کتابچیلری ، طابعلری برباد
 ایدیور . آدمجغز بونلردن جداً جانی یانمش . . منقدره
 سوبله مدیکنی بر اقایور . (ورن) هر درلو معائبله برابر
 بیوک بر فضیلتی حائز ایدی که اوده دیندار اولمسیدی .
 شعرلرنده فیوضات دینیه واردر . حاصلی : بر ییلردی
 هر یرده . بالاده ذکر ی کچن منظومه بوشاعر خراباتییه
 کوزل بر سنک مزار اولور .

*

* *

فرانسه ادب‌سازان . منقدین عظامنن (فردینان برونیتیر) ی بو صحیفه لرده برقاچ کره مدار بحث ایتدم . بو ذاتک معقول ، متین سوز سویله مک ، مدعا سنه جدی براهین کتیر مک معتادیدر ، « افلاس علوم » بحی معلومدر . « تربیه و معارف » ایچونده بویله یادی . بوبایده کی اصول مرعیه ی اییدن ای یه خیر پالادی . کچن کون ایسه بیوک برمکتبک توزیع مکافات رسمنده : tradition - ترجمه موافق ایسه - کورهنک مسئله سنه دائر اوزون اوزادی یه ایراد مقال ایله دی .

(فردینان برونیتیر) معتادی وجه ایله نقطه نظرندن ایسه کیرشدی . تجربه نه در ! برفائده ، برفائده عظمادر . هریرده ، هر زمان امور مجربه ذوات مجربه آرایور ، طور ییورز ، حال بوکه حق الانصاف دوش-ونیایر سه کورهنک نه در ؟ تجربه بشریتک برکنز موروثی دکلیدر ؟ کذا کورهنک ترقینک خصم جانیدر دیه-ورلر ، نه بیوک خطا ! بالعکس کورهنکه حرمت ، کورهنکه محبت شرط اعظم ترقیدر . ایسته زمانک بیوک برفیلسوفی ، بر عالمیدر که « علم انجق حقائق قدیمه نک بر شکل جدید فنی به تحویلله ترقی ایدر » حکمنی ویری-ور . بوس-وز (قلود برنار) کدر . . (قلود برنار) علوم تجربیه یه دائر

وضع اصول ایدن بر معاصر فاضلدر که بین الادبا والحقما
 حالا پک معتبردر. نه حاجت، کوره نك فکرینی اور تادن
 قالدیریکنز، اخلاق وسائره کبی کلمات نجیبه بی معنا اولور.
 بنابرین شاید بوقدر تهاجه قارشى کله مزده کوره نك
 زوال بولورسه بوندن ادبیات، صنایع نفیسه رخنه دار
 اولدقدن ماعدا اخلاقده صارصیلیر. چونکه قواعد
 اساسیه اخلاق کوره نك زیر تحافظندهدر. هیچ برترقی
 بوقاعده لری تغییر ایتمز، انحق یکیدن یکیه بونلره موقع
 تطبیق بولور. بتون فیوضاتی اومنبعدن الیرکه برچیچک
 تخمده، بر اثر مؤثرده ناصل محفوظ ایسه بونلرده
 اوراده اولهجه محفوظدر. حاصلی نوعمزك استقبالی کوره
 نکه حرمت ومحبندر.

شمدی بوسوزلرده بیوک برمعنی یوقی ؟ حق
 الانصاف دوشونیایرسه حقیقت بویله دکلی ؟

ایشته هرسفر اولدینی کبی بودفعده (فردینان برونیر)
 اذعان وعرفانی سایه سنده سوزینی یوروتدی، چونکه
 پارس میدان ادبی برایکی کوندر بوکوره نك مباحثاتی
 اشغال ایله یورکه پک چوق طرفلردن صاحب نطقه حق
 ویریلیور.



حکایه — تیاترو

برادیب هم حکایه نویس ، هم تیاترو مؤلفی اولای
بیلیرمی ؟ (پول بورژه) نك (بر سرگذشت خجیع) ،
(قوزمو پولیس) حکایه لری اخیراً محررین مختلفه طرفدن
تیاترویه تحویل اولوندی . بوقیش (ژیمناز) ده موقع
تماشایه قونولمق اوزره در . نیچون مؤلف بو اثرلری بالذات
تیاترویه تحویل ایتدهدی ، یاخود او یله یازمادی ؟ ایشته
محافل ادبیه ده مدار قیل و قال بوبخشدور . بومباحثه آلتدن
آله تا (بورژه) نك قولاغنه قدر کیدر ، اوده جواب
آنی بی ویررکه قیمت ادبیه سنه بناء عینیه نقلی ایدلدی :
« چونکه او یله یایمق المدن کلزدی . بر ایکی استئادان
صرف نظر حکایه اصولنه ، تعلیمنه آیش-مش بر محرر
بر اثری تیاترو ، (درام) شکلنه تحویل ایده مز ، یعنی
موضوعی بر ایکنجی دفعه اوصورتله دوشونه مز ؛ حتی
طوغریدن طوغری یه تیاترو مؤلفاتی بیله وجوده کتیرمکه
بحق موفق اولاماز . نهدن بویله اولیور ؟ اولای (بالزاق) ك

قطعیاً فهم و تعیین ایتدیکی صورتده اصول حکایه، صنعت
حکایه — ذاتاً همز بوطریق تعقیب اییدیورز — هر
شیدن اول تحریء اسباب اوزرینه موضوعدر . حکایه
نویس زمانی اك زیاده علاقه دار ایدن مسئله بوسبیلرك
میدان وضوح و علانیتیه وضعیدر ، بر ابتلا ، بر غرام ،
بر عشق ، بر محبت نهدرلو تأثیرات ایله بیویور ، اخلاق
ناصل تعدیلاته اوغرایور ؟ بوتفصیلاتك دیزی ، دیزی
ارائه سیدر .

بالخاصه تحلیل و تشریحیه میل ایدن حکایه لرده — مثلاً
(قرمزى و سیاه) ایله (ادولف) ده حکایه نویس ،
فكرك ایپلرینی برر برر چوزر ، شخص وقعه دیزینك
تا نهایتنده کلیر . بك طوغری اولمایه رق (طبیعی) دینلن ،
حقیقتده تصویرى عادات و اخلاقدن عبارت بولنان حكا-
یه لرده ایسه « بونلرك ده اك نفیسی (مادام بوواری) ایله
(آسومووار) در » مقصد طرز معیشت و حیاتك القا-
آتنه اطلاعدر .

محرر بوخصوصی تصویر ایله اوغراشیر . فعل وقعه
درجهٔ ثانیه ده کلیر . او قدرکه بعضاً حکایه سنی عادتالواح
عادات و اخلاق درجه سینه تنزیل ایچون حکایه نویس
وقایعی نقلیل و تخفیف ایلر .

بعضاً ده خصلت و طبيعت ارايه ايدن حكايه لرده مؤلف افراد بشريه دن نمونه لر ، استثنائى تصوير ايدركه قلمنى اك زياده بونلرك صورت تشككه ، نظرده ايديجه تعينه وقف ايلر . ايسته بواوچ نوع حكايه ده اك بيوك مسئله حكم زمانى اظهار ايچون تصاويرى تكثير ايتك ، اوافق اوافق تفصيلات حقيقه يي اوست اوسته ييغمق ، حاصلى تياترونككنه بوسبتون مغاير برصورتده اجاله خامه ايتكدرك . چونكه صحنه تماشاده اك زياده وقعه ، وحدت ، سادكى و اختصار كركدر .

(بورژه) نك كوسترديكى شودليل نه قدر صحيحدر . بونكچون بزجه اك قولاي برتجربه (لادام او قامليا) ايله (برفقير دايقانلنك حكايه سى) نى برحكايه شككنده برده تياترو صورتنده معاينه ايلمكدر . فرق اوساعت ميدا چيقار .

بالاده ذكرى كچن حكايه لردن (قرمزى وسياه) بالزاق — ك بر اثر مشهوريدر . (آدولف) ايسه ابتدائى عصر ك رجال سياسيونندن (بنژامن قونستان) كدركه عادانا بر نمونه صره سنه كيرمش انفس ائاردرك . مثلاً (پول وويرژي) ، (مانون اسقو) ، شاتو برياندن (رنه) ، كوتهدن (ووتر) ، بايرونندن (چايلد هارولد) ، ژورژ

ساندن (آدره) وسائره کبی . . (مادام بوواری) یی
قارئلریمز ایجه طائیرلر . .

*

* *

(پول بورژه) بالاده کی تفصیلاتی ویردکدن صوکره
کندیسنه شو سؤالی صورتیلر : اوحاده فکریکنز نه در ،
بوایکی نوع طرز تحریردن بری دیکرینه . ظنکزجه
مزجحمیدر ؟ جواب آتی بی آلدیلر :

« — خایر ، اصلا . . بنجه بونلر ایکی چشید اصول
سعی وفکر درکه بربرینه غایت کوچ مزج اولونور ، بر
محور غرامیانک کنهنی . اخلاق وعاداتک اساسنی اوصافک ،
رنک وشکلنی حکایه ایله اولدیغی قدر تیاتروده اظهار
ایده مز دیمک مناسبتسنز اولور . بوکا دلیل شودرکه هیچ
پر محلل ، مشرح (ها ملت) دن دها متموج برروح تصور
ایتمدی . هیچ بر حکایه نویس اخلاق وعادات (مولیه ر) ک
(بورژوا ژانتیوم) — کبار ذات — ندن دها جاذبه دار
برلوحه اورتایه قویمه دی .

(توله) نک — شرابده حقیقت — ی . (دوما) نک
— ده می موند — ی ده بویله در . (تار توف) البته
(قوزین بت) ، ، (فیغارو) ده (سانشو پانسا) یه بدلدرد .
شمدی یالکوز شو جهت واردرکه بالفرض (شکسپیر ،

مولیه، بومارشه، دوما، توله) بو موضوعلری حکایه صورتنده قلمه آلایدیلرینه بودرجه موفق اولاییلرلر-
میدی؟ .. ظنمجه اولامازلردی.

(هاملت) قدر کوزل برتیا و کورمدم .. بواثر
بوسنه فرانسر تیا ورسنده کرات ایله موقع تماشایه قونو-
لدی. حالاده قونیلیور. اویونجیلردن مشهور (مونه
سوللی) بو اویونده اوج اعلاهی صنعتیه واصل اویور.
ینه کچن قیش (اوده ثون) ده (اوتلاو) یی تماشا ایتدم.
او منظره ایله خاطرهم حالا شاد و حزیندر.

شاد و حزین! غرب کورونمسون .. بواثر، بوتماشا
هم مهبج، هم مکیدر. ایشته بویله منظره لردن صوکره
(شکسیر) نهدر، نهدهادر آکلاشیلور .. یوقسه معهود
یاریم یامامالاق ترجمه لر حقیقته پرده در .. آینه دکل ..
(تارتوف) — ریانک انجامی — دیه لسانمزه ترجمه اولو-
نمش .. مترجمک قدرت کلیه ادبیه سنه رغماً بو ترجمه خوشه
کیتمیور. چونکه منظومدر، همده پارماق حسابی ایله
موزونددر. بز برقچ کشی یز بو وزن ابتدائی، بو پارمق
حسابی لسانمزه، شعریمزه لطافتیه هیچ کلمز، آهنگمزی
اخلال ایلر .. حاصلی برون، بر معیار آهنگ اولاماز ..
ادعاسنده یز. بو ادعاده ریانک انجامی کی برچوق دلیلر ده

استناد ایدیورز . . معارضلرده دعوالرینه بوقدر آچیق اثبات کتیرسه حقیقت بر آن اول تظاهر ایدر ، ترجمهده نظمندن زیاده نثره میل ایتلی یز . . (نارتوف) مترجمک (امیل) ترجمهسیده وار ، هنوز مطبوع دکلسهده منظورم اولدی . بومرتبه نفیس محصولات ادبیه من معدوددر دیمک مترجمک بوسفرکی موفقیتی نثرک معاونتیهدر . (ریانک انجاسی) ناظمک افعله وتفعله ایله عینی یولده سویله نمش دیکر اثرلری بونلره نسبة پک عالی ، پک مکملدر . . پارماق حسابی ظاهراً قولای صاتیلیور ، حقیقته اوبرندن کوچ ، کوچ اولمقله برابر فائده سز .

*

* *

پول بورژه) یه — یکی ، بعض محررلر بویکی طرز تحریردهده ، یعنی هم حکایهده ، هم تیاتروده موفق اولیورلر . بوکانه معنی ویریلیر ؟ . . چونکه سز : (شکسیر . . مولیهر . . .) حکایه صورتنده یازایدیلر حد ذاتنده تیاترو مؤافی اولدقلری ایچون بودرجه موفق اولامازلردی دیورسکز — دینلدی . بوسفرده شو جواب آندی :

— « اولاشونی سویله ملی که بونوع نظریات هردرلو احوالده قابل تطبیق اولماز ، بعض استثنالر اولور . علم

منافع الروحك ادبیاتده، صنایع نفیسهده حکمی بویلهدر.
 بوندن صکره ظن ایدرم که بیوک بر حکایه نویس کونک
 برنده برتیارو مؤلفی اولیویریرسه اوزتک فکری صنا -
 یعدن برخی ترک ایله اوبرینه میل ایدیورمش دیمکدر .
 مثلاً ، متوفالری قاله آلام . (دوما) — لادام اوقا -
 ملیا — اثر نفیسنی حکایه شکلنده یازدقدن صوکره ینه
 اودرجه قوتله تیارو صورتندده قلمه الدی . فقط
 ظاهردهی که بواشاده مؤلف برنوع طرز تفکردن اوبرینه
 کچیوردی . (اینجولی قادین) ، برقادینک حکایهسی)
 محرری ارتق بوزمیندن فراغت ایله یوردی .
 (قله مانسو جنایتی) نی اله الکز . تیارو ائتلافی
 ادیبک طرز اعمالی نه مرتبه تعدیل ایله دی کوریرسکز .
 چونکه بو حکایه اوبرلرندن چوق صوکره ینی (دوما)
 بوسبوتون برتیارو مؤلفی ایکن یازلدی . ذاتاً بو اثر
 مشهور طبقی برتیارو ، بر (درام) کبیدر .
 (اوقتا وفوییه) ده بویله اولدی . (ژولیا ده ترم
 کور) ی اله آلیر ، محروک ایلك حکایه لریله مقایسه
 ایدرسه کز تیارو ائتلافک تأثیراتی کوریرسکز . حیاتده کی
 مؤلفلری نظر تدقیقندن کچیرسهک بوبابده ده جدی مثاللر
 بولورز . بعضیلری حکایه ده دوام ایله برابر تیارو ایله ده

اشتغاله باشلادیلرکه بوجهت صنعتلرنجه کلی تعدیله سبب اولدی . اثرلرنده قسم تحلیل تناقص ایله دی . جهت فعل ووقعه بیودی . مدت قیصالیدی . وقوعات — تعیر جائز ایسه — تمرکز ایله دی . بوتبدل ، بوتحول مفید . میدر ، مضر میدر ؟ بوجهتی کسیدیرمک مشککجه در ، بعض حکایه نویسار بوندن کار ایتسه لر کرکدر . مثلاً (اوقتاوفوییه) کار ایتدی . اولدن نقایاتی برپارچه فضله اوزاتیوردی ، بوندن ماعدا اوافق اوافق پارچه لره بولیو . ردی . اوصافی تمیزات کافیه ایله کوسترمیوردی . بالاخره تیاترو سایه سنده بوجهتلی تصحیح ایله دی . بونکچون موسیو (ده قامور) ایله (ژولیا ده تره کور) صاحب اثرک طرز تحریرنجه بیوک برترقیه دالدرلر .

فقط (آلکساندر دومافیس) اصول حکایه یه رجعت ایتمک ایسته سیدی فکرجه کیفیت برعکس اولوردی . چونکه تیاترو اثتلافی بوخصوصده الی بوزمشدی . (قله مانسو جنایتی) کوزل برائر اولسه ده بنجه تأسف اولونورکه تحلیل نقطه نظرندن نقصاندر ، آزدر . باشده کی الی صحیفه کی ایکی یوز صحیفه ده ایتردی ، زمین ده اواسع کوسترملیدی ، وقعه ، فعل اوقدر سرعتله جریان ایتمه ملیدی ، مع مافیه بوصول خصوصده حقم اولماسه

کړئ . چونکه بو حکایه نك شو خفیف ، شومستعجل
 زمینی امثال سر بر لطافت ، بر غرات تشکیل ایډیور ،
 انجق (دوما) بیله بونوع حکایه نه درجه مستندار
 اکلا دی ده بردها بوجهته قویومادی . »

شوصحیفه لږده (پول بورژه) حقیقه فکری ، ماهیتي
 تشریح ایلر . سوزلرینه آناری باشند باشه بر دلایلر .
 حکایه ده تشریح و تحلیل ، یوقاریدن بری سویل دیکی آکلا-
 تدینی وجه ایله موشکافانه تحلیل باشلیجه میلی ، مراقیدر .
 حتی رفقادرن بری بومراقی برکون مؤاخذه ایډیوردی .
 مثلاً (یالانلر) عنوانی حکایه نك قسم اعظمی تحلیلدر ،
 تشریحدر ، فقط بکا بوجهت بر نقصایدن زیاده برکال
 کبی کورونیور . چونکه سوزلر هپ طاتلی ، هپ حکمته
 مبتنی . . اوقدرکه حتی اوصحیفه لږ کتابدن آیراسه ده برر
 مقاله طرزنده اوقونسه ینه لږددر . (لږددرده
 مشکلیسندان قیزارلر ، لذت مادیاتده اولور ، فقط لذتله
 اوقونوره قیزمایوبده لږددره قیزمقده طاتسزدر)
 بالفرض (تلمید) ک هانکی فصلی پک لطیف بر مقاله
 ادبیه و حکمیه اولاماز . . شوقدرکه (بورژه) جداً بر
 عالمدر ، فلسفه یه حاضر لایرکن ، بویولده تحصیل یوروتمش
 ایکن ادبیاته ، حکایه یه دوندی . سوزلری دائماً دمیر

کبیر، منطقیدر، متیدر. مقلد لری بومزیتی حائر اولما.
 دقلری ایچون بووادیده پریشان اولیورلر.
 انکچون (بورژه) مکتبندن انجق استادی آملی،
 دیگرلرینه رغبت ایتمه ملی. مکرکه اوکعبده، اوائتدارده
 برتلمید دها یتشسون، هنوز یتشمه دی.

*

* *

— اعلا، نیچون حکایه لریکزی باشقه لری طرفدن
 تیاتروییه تحویل ایتدیریورسکز، یاخود ایدلمسنه راضی
 اولیورسکز. بوندن نه فائده کز وار؟ سؤالنده نهایت
 بومؤلف شوجوانی ویریور:


«— ایشته بونوع تحویلات و تبدیلات ادبیه درکه بنی
 اک زیادم علاقه دار ایلر، شو تحویلی، شو تطبیقی درعهده
 ایدنلر کی ذکی، بوقدر وقوف صاحبی، بورته ممتاز
 تیاترو مؤلفلرینک بوبادمه کی محصوللرینی، معرفت لری
 کورمک بنچون فکر آ بیوک برمراقدر. مثلاً دمیندن
 سویله دیکم اختصاری ناصل یاپیورلر؟.. وقوعاتی بر
 مرکز نه درلو جمع ایله یورلر: اوصافی نه صورتله مکا-
 لهیه، محاوریه طویلایورلر، صوقیورلر؟ بنم کی دائره سی
 داخلندن خارجه چیقمیان بر حکایه نویس ایچون بونقطه-
 لری بیلمکدن جدی بر استفاده، بر درس الده ایدیایر.

بوايكي حكايه مي (قوزمو پوليس) ايله (سرگذشت
خجبه) يي صحنه تماشاده كوردكدن صوكره قلمدن چيقان
اثر البته دهآ آز خطيئه دار اولور . يقينده بر اثر يازمغه
نيتم يوق . . . بيايورسكيز . كلجك سئنه (ژاپونيا) يه
كيدم جكم . . (اوترمر) — ماوراي بحر — . بر مابعد
ويره جكم . بوسياحت لطيفه دن عودتمه قدر اوزونجه بر
كتاب يازماسم كرك . . !

(پول بورژه) اك چوق سياحت ايدن محرر لر -
دندر . اوروپايي همان باشدن اشاغى ، آسيائي ، آفريقايي ،
آمريقايي قسماً كزدى . اسمندن ده اكلاشلديغى اوزره
(قوزمو پوليس) — ترجمه جائز ، قابل ايسه : دنيائى
وفير — ايتاليا احتساساتى ، محساستى — فلسطينه —
(اوترمر) ينه ترجمه قابل ايسه : ماوراي بحر —
حتى (سرگذشت خجعه) هپ بوسياحتلرك محصوليدر .
(بورژه) شمدي ده يازى كچيرمك ايچون ايرلاندايه
كيتدى . غونقور ، دوده ، (زولا ، پول هرويو)
وسائره كي محكاينه نويسان زمان تياترويه ده ميل ايتدكلرى
حالده بومؤلف متين وكزين هيچ حكاينه دن ديشارى
چيقمادى . شو قدر كه مسلك ادبه شعر ايله كيردى .
صوكره شاعر لكدن ده واز كچدى . ذاتاً مشهور محرر لر لك

چو غی شعر ایله ابتدا ایدیورلر ، صوکره شاعرلکی
 بوسبوتون اونوتیورلر . (دوده) ، (موباسان) حتی
 (زولا) کبی . . چونکه — (نینون) ، (حکایه لر)
 هر نه قدر منشور ایسه ده سراپا شعر در ، (روغون ماقار)
 مؤلفی بویله رقیق ، شاعرانه ، نازک صحیفه لر یازسون ،
 حیرت اولونور .

بو مقاله بر مکالمه دن توسیعاً مأخوذ در . پک چوق
 تفصیلات ادبییه یی محتوی اولدیغی ایچون اومارم که جان
 صیقمادن اوقونور . ذاتاً اوتهدن بری سویله یورم . بر
 اوروپا مؤلفی بویله مطالعات ایله قارئین کرامه اکلایم ده
 صوکره ترجمه یه قالدیشملی یز . چونکه انسان بیلدیکی بر
 آدمی کورمکدن نصل ذوق الیرسه بووجه ایله طانیدیغی
 بر محرری اوقومقدن ده او یله خوشلانیر .



توزیع مکافات

بوکله بنده چوق حزين خاطرملر اويانديرر :
مکتبک برنجی سینه سنده ایدم . اک طاتلی امللم توزیع
مکافانه باغلی ایدی . . حایلازلغی ، آواره لکی بکا توزیع
مکافات ترک ایتدیردی . رؤیامه ، خیاله ، هر حاله
کیردی . سعیمه برتازیانه شوق اولدی . بنی وادی
عرفانک ایلک قدمات صعب المرورنده شویله بویله یوار-
لادی . یوقسه بحسب القدر آرقاداشلرم سنه تحصیل
ابتداسنده بندن چوق ایلریدی . . آنلره همراه اولمق ،
رفاقت ایتک بنجه همان محال ایدی . و اسفا ایلک توزیع
مکافات پک قوری کچدی : صنفده یدنجی . . ساده بر
مکافات . . بر قوجه : « آثار منتخبات رفعت » فقط یاسمه
مدار تسلی واردی : فارسیدن اوچ نومرو آلدمدی . .
بنی دردنجیدن ، فوق العاده مکافاتدن یدنجی به فیلاتانده
بوایدی . حال بوکه یینه عینی درسدن بتون قوییه دن
بر آرقاداشم طوقوز نومرو آلمشدی . . ایکنجی سینه ،

ایکنجی توزیع مکافات کذا بویله طالعسنز لکله بویله
 قرری بر مکافات ایله کچدی . اوچنجی سنه بخت بد
 بوسبتون یوز کوستردی . ادبیاتدن اچ برنجی ایدک . .
 قرعه چکدک ، اوچنجیلک بکا دوشدی . جغرافیاده ینه
 بویله اولدی . . ایکنجیلک اصابت ایتدی . دردنجی ،
 بشنجی سنه لرده ایسه مکافاتی ترجمان ، سعادت ستونلرنده
 آرایوردق .

مع مافیه ینه کوکلده بویله مکتب مراسمی ایچون
 بیتمز ، توکنمز بر شوق ، بر ابتلا واردر . ماضی یه
 رجعت ایتک ، یکیدن مکتبه کیرمک ، چوجق اولمق ،
 کیجه کوندوز جانسپاراننه چالیشهرق سنه تدریسیه
 ختامنده مکافات قازانمق محال ، اوت ، محال اما جانم ،
 بوسعادت ایچون چیرپینور ، طورییور . . ای سیاه سیاه
 صیره لره مسعودانه یاصالانان ، قلملر ، مرکبلر ، کتابلر ،
 کاغد ایچنده یووارلانان ، صباحدن اقشامه حین حاجتده
 — اقشامدن صباحه قدر ساده علم ایله تحصیل ایله مکلف
 بولنان شاگردان کرام ! . . سوينکز . عمرک اکزیده . .
 اک رنگین بر فصلنده سکز . بونعمتک قدرینی بیلکمز .
 بوحالدين استفاده ایدیکز .

دون (صوربون) دارالفنوننک اک بیوک درسخانه .

سندہ مسابقہ عمومیہ توزیع مکافاتى بکارکن بر طرفدن
 اوقوجه ، اومزین بنایى ، اوکونا کون خلقى ، اورنکا
 رنگ اطفالى ، اعظمى ، اکا برى تماشا ایلهور ، دیگر
 جهتدن ده ماضیه دائر شوتفکرات ذاتیه دالیوردم .

بو درسخانه بر ساحه فسحتنای عرفاندرکه لااقل
 ایکی بیک کشى استیعاب ایلر . اورئاده صف صف صیق
 صیق مع مافیه غایت منتظم صیرملر واردر . اطراف ایسه
 قات قات عادتا تیاتروکبی ، لکن مکتب شکنده دائرملری
 محتویدر . دیوارلر ایسه معاصریندن بیوک برسامک ،
 (بووی ده شاوان) ک نقوش معرفتیه مزیندر .

*

* *

پارس مکاتب اعدادیه سنک بر ، هر مکتبجه مستقلاً
 امتحانلری ، مسابقه لری ، توزیع مکافاتلری ، برده
 اجتماعاً مسابقه عمومیه لری ، توزیع مکافات عمومی لری
 اولور . مسابقه عمومیه ده علوم شعبات مختلفیه تقسیم
 اولونور . هر مکتبک برنجیلری ، متحیزلری آراسنده بو
 تقسیمانه کوره بر تسابق اجرا ایدیایر ، مثلاً فلسفه دن
 بوجوه ایله تدقیق ومعاینه یوروتیایر . بعضاً بالفرض
 (سنت بارب) یاخود (سن لوئی) مکتبنسک برنجیسی
 خوق العاده مکافاته سزاوار کوریلیر . بعضاً هیچ بر

مکتبیدن اوسنه بویله برتکریمه شایسته شا کرد بولونماز .
ایشته بوسنه ریاضیاتدن کیمسه برنجی مکافات قازانامادی .
بودرسه عائد اوراق امتحانیه میاننده بومرتیه مکملی
یوقدی ... بکا بوخصوصه عائد بر فقره نقل ایتدیلرکه
شایان تذکاردر : (سنت بارب) مکتب اعدادیسنه اصحاب
خیردن بری سنوی بیک فرائق ایراد وقف ایتمش بو
مکتب شا کرداندن هر سنه مسابقه عمومیهده فلسفهدن
فوق العاده مکافات کیم قازانیرسه اکا ویرمک ، شاید
قازانان اولمازسه بوپاره سنه آتیهدده کی مبلغه علاوه
ایدلک .. حاصلی ، نهایت کیم بوموفقیتیه مظهر اولورسه
مجمعاً اکا بخش اولنق شرطیله ، ۱۸۶۰ دن ۶۹ ه قدر
(سنت بارب) مکتبیدن بویله بر شا کرد یتشمه مش ،
بنابرین مبالغ موقوف طوقوز بیک قرانغی بولمش ..
اوسنه بومکافات فوق العاده یی (لیون) مکتبی شا کردا .
نندن (اوکوست بوردو) قازانمش که بوچوجوق بر
چاماشیرجینک اوغلی ، بر فقیر ایتمش . بونک اوزرینه
(سنت بارب) هیئت اداره سی کله جک سنه ینه بویله بر
موفقیتله شو مبالغ متراکه استحقاق کسب ایتک ایچون
برسنهده بومکتبه دوام ایلمسنی ، یعنی عین تحصیلی برده
بوداران تدریسک صیره لرنده تکراراً تعقیب ایتسنی

(بوردو) یه تکلیف ایدرلر ، اوزواللی ده فقر حاله
 بناءً راضی اولور . بناءً علیه سنه نهایتده مسابقه
 عمومیهده شو برنجیلکی قازانیر ، سنه لردن بری تراکم
 ایتیش وقفی آلیر . ایشته بوفقی چوجق ایکی سنه اول
 مجلس مبعوثان رئیس ایکن قرق ایکی یاشنده وفات ایدن
 (اوکوست بوردو) ایتیش ! بونسبه کنج برسنده پنجه
 موته کرفتار اولماسهیدی ذکاسنک دلاتینه شبهه یوق ده
 عالی مراتبی احراز ایدردی . هر حاله ینه بیوک تعالیر
 کوردی . بر ایکی دفعه مالیه نظارتندن کچهرک جدی
 اثرلر ، لایحه لر براقدی .

(اوکوست بوردو) بویله اون طقوز یاشنده شو
 (سنت بارب) موفقیتنه نائل اولدینی ائنده محاربه ظهور
 ایله پنجه درحال عسکره قید اولونور . میدان حربده
 شجاعت ، فضیلت کوستیر . اون باشی ، چاوش اولور .
 ده غریبی خدمات فوق العاده سنه مبنی ینه بوسنده
 (لژیون دونور) نشانه اکتساب نائلیت ایلر . محاربه
 بیتدکن صوکره کلیر ، امتحان ویریر . برنجیلکله
 دارالمعلمینه کیرر . آرتق ترقی اوسته ، اقبال اقبال
 اوسته بیغیلیر . . مالیه نظارتندن مبعوثان ریاسته قدر
 یوکسلیر . . دیمک استعداد اولونجه کارکندین کوستیر . .

هله معرفت آلتون بيله زيکدر دينلرک حقی وار . فقط
بونکچون بيله زيک بروصف ناکاڤيدر ، معرفت بوندن
قوی ، قيمتدار ، نافع برمال ، برماندر .

*

* *

اوکله اولدی . معارف ناظری (رامبو) ارکان
نظارته برابر دائره دن ایچری کیردی . دارالفنون مدیری
(غره آر) بونلری قارشیلادی . (رامبو) علوم سیاسیه
مکتبده معلمدر ، مشهور مورخدر . اوته دنبری نظر
حرمتده آشارلدندر . او قدر بیوک برخطیب دکلسده
متین طولغون سوز سویلر . (غره آر) ایسه انجمن
دانش اعضاسندن بيم بیاض صاچلی ، اورتہ بویلی
اختیاردر . بودرسخانه ده اجرا اولنان بالمله مراسمه
اثبات وجود ایلر . بورسده ایسه دارالفنون مدیری
اولق حسیله رکن مخصوصدر . شو هیئت میاننده
بونلردن ماعدا برچوق اکا بردها واردی . ایچلرندن
خارجیه ناظری (آندره لوبون) ایسه معلیمندن اولدیغی
ایچون چهره کزینيله نگاه معارفه مه چارپیوردی .

بواثناده حاضر و آره سنده بر فیصلدی پیدا اولدی .
نظر لر برنجی قاتده کی دائره لردن برینسه توجه ایتدی .
اکلاسلدی : سابق رئیس حکومت (قازیمیر پریه)

ارکاندن آیری اوله رق اوراده اوطوریور . طلبه میاننده
اوغلی وارمش ، آنک مروتنی کورمه ککش .

اولا معلمیندن (پول ده ژاردن) نطقه باشلادی .
بوذات کچن سنه مقرراتی (اقدام) ده عرض ایتدیکمز
جمعیات علمیه ارکاندندر .

اعتدالی افراط ایله سور .. صاقین بو جمله دن تناقص
چیقماسون . یعنی مفرطانه افعال واقوال ایله اعتدالی
مدافعه ایلر . بوسفرده اویله یاپدی . موضوع بحث
تربیه ، توحید نقطه نظرندن تربیه ایدی . بونکچون
یکانه بر چاره سلامت مذهبه اولدیغنی سویله دی . « آبا
واجدادیمز بویولده بر پارلاق مثال کوستریورلر »
دیدی .

بوندن صوکره معارف ناظری سوزه آغاز ایتدی که
باشلیجه نقطه لرده بر خطیبه طبان طبانه ضد اداره افکار
ایله دی : (رامبو) نک اقوالنده فوق العاده بروضوح
برایجاز واردر . ذاتاً بومزیت آثارنده ، اسلوبنده ده
کوریلیر . (لاویس) ایله مشترکاً نشر ایله دکتری تاریخ
عمومی مضالعه ایدلسه (رامبو) نک قلمندن چیقمان
پارچه لر میدانده امضا اولماسه بیله تفریق ایدیه بیایر .
(رامبو) ، (لاویس) ، (واندال) ، (سورمل) جداً

بودورده تالیفات تاریخیه باشقه برفیض ویردیلهر ، آرتق
(تیهر) لر بیلله او قرنماز اولدی .

طلبهیه برر برر مکافات توزیع اولونمغه باشلادی .
(قوندورسه) مکتبندن (قازیمیر پهریه) زاده نك اسمی
ذکر ایدیایر ایدلمز حضاردن غایت یوجه آلقیش اصواتی
یوکسلدی .

فقط بو منظره نك اك سوز شناك جهتی بر اعمما
چو جغك حالی ایدی . بو زواللی (بوفون) مکتبی
شاگردانندن ایمش ، مسابقه یه قبول اولونمش ، ایشته
لاتینجه ترجمه دن ، کتابتدن بشنچی ، انگلیزجه دن ایسه
برنجی درجه ده ذکر جمیل آلیور . بوشا کرد نایینایه
مکافات اوله رق خصوصی برمدالیه ویرلدی .

فرانسه ده بو نوع مراسم پك زیاده اهمیتله تلقی
اولونیور . چونکه بومسابقه لرده برنجیلر ایلزیده اکثریتله
مشاهیردن اوایور . مثلاً بوکون ادبادن ، خطبادن
برچوغی : نا (ژول له متر) لردن ، (امیل فاکه) لردن
(ژورس) لره وارنجه یه قدر هپ برنجیلردن ایمش ،
(ژورس) برفرقه نك رئیسیدر . فرانسه ارکانی آره سنده
حالا بودرجه بلیغ ، ادبی نطق سویله ین نادر در .
حریف سوزده باشلادی می تا (هومر) دن (هوغو) یه

قدر ادبیاتدن پارچه لر ذکر ایدر ، دایلمر کتیریر ،
سوزلرینی تزیین ایلر .

فرانسه مکاتبنده کتایته بیوک اهمیت ویریایر . صوک
سنهده بوکا دائر عمومی بر امتحان اجرا ایدیایر . طلبه
واسع بر موضوعی ایسته دکاری کبی قلمه آلیرلرکه آرتق
بو بر کتایت دکل ، بر مزیت ، بر علم ، فضل امتحانی
اولور . بو موضوعات مهمدر ، عمومیدر ، مثلاً (قریستوف
قولومب) آمریقایی کشفه کیمک ایستور . قراله بر
عرضحال ویریور ، تشبثک فواندن ، محسناتندن
بحث ایله یوز . بویله بر مقاله قلمه آلکز دینیرکه دوشونملی
بونکچون یالکز کتایتجه دکل جغرافیاچه ، تاریخیچه ،
حاصلی هر خصوصجه نه رتبه اطلاع ایستر . طبیعی بویله
آچیق بر زمینده استعداد کندینی درحال کوستیریر .
ذاتاً مکتبلرده کتایت درسلی ده بو اصول اوزره جریان
ایلیور . . معلم اولا طلبه یه بر « موضوع » ویریور .
صوکره اوزون بر « مصاحبه » ایله او مرضوعی تفسیر
ایله یور . ناصل قلمه آلمق لازمدر کوستیریور . نهایت
قسم قسم ترتیب ایله یور . طلبه شو ایضاحات ایله فکری
طولیدر دی یا « ترتیب » ی آرتق سهولتله توسیع قیلیور .
ذاتاً خواجه نك شطارتی ، درایتی ده بو خصوصده حائر

اهمیت در . چونکه اطفالك نظر دقتی ، جلب ایدن
 ماده لردن موضوع انتخابی کر کدر . بویله بر درس کتابت
 دائره سنده قالمز که فلسفه یه ، تاریخه ، هر علمه قدر توسع
 ایدر . مکتبایم زده درجه کفایده او کره نلمه مسندن
 شکایت ایدنلر اصول تحصیلی هیچ بروقت نظر دقتدن
 دور طو تماملیدر . اطفالك رغبتی ، توجهنی درسه جلب
 ایتکه چالیشدیرملیدر . چوجق نه زمان سوه سوه قلمی
 اله آلیسه در حال موفق اولور .



چار حضرتلری پارسه کلیه رلر.. برچوق کشمکشدن
 صوکره بوحوادث تحقق ایتدی . فرانسه نك بومسافر
 خاص الحاصنه بر اقامتگاه اراندی ، طوردی . اولا (ور-
 سای) سرایی خاطره کلدی . بوراسی اعلا اما پارسدن
 اوزاجقه در . نانیاً رئیس حکومتك (شانزه ایزه) ده کی
 دائره لری تنسیب ایدلدی . لکن بوده (فلیقس فور) ك
 — ولو موقتاً اولسون — باشقه بر محله نقلنه متوقف ،
 هر حالده مشكلاتدن خالی دکلدی . نهایت (اورسه ی)
 ریختمنده کی خارجیه نظارتی بوبابده اك موافق بر بنا
 اولدیغی ایچون بوجهته قرار ویرلدی . حقیقت بوکاشانه
 بنجه پارس ابدیه جسیمه سنك اك رعنا لرندندر . شهرك
 اورناسنده ، غایت کوزل بر موقعده کاشندر .. بر طرفدن
 (سن) نه رینه ، دیکر طرفدن الكیوک ، الكمفرح جاده لره ،
 گوشه لره ناظر در ، هوادارد ، واسعدر . (لوئی فلیپ)
 زماننده انشا اولمغه باشلادی ، لکن بوانشا آت اوچنچی

(ناپوئون) ك اوان حڪومتندہ حد ختامہ ايردى .
 اوزماندن برى خارجيه نظارتنه ، ناظرلرہ مقر اوليور .
 اك آلت قاتندہ محتشم قبول سالونلرى وار . ناظر لاحق
 (هانوتو) هرچهارشنبه كونلرى هيئت سفراني بورادہ
 قبول ايدر .

بوصالونلرك اك بيوكى « سفر صالونى » ديدكلريدركہ
 ۱۸۵۶ دە يكرمى بش شباطدہ تشكىل ايدن پارس مؤتمر-
 ينہ قراركاه اولدينى ايجون حائز اهميتدر . احبادن برينك
 دالات نوازشكاريسيله بودائرهني كزركن اك اول كوزيمہ
 ديواردهكى قوجه برلوحہ چارپدى كہ مؤتمرى تشكىل
 ايدن سياسيونى آچيقجہ عرض ايلہ يوردى .

بولوحہ مصورەنك برعيني دە (ورساى) تشهيركاه
 فائسندہ موجوددر . بودارالبدايعدہ نلر يوق! شاشارم
 اوسياحله كہ ايكي اوچ ساعتك برتنزه ، برتماشا ايلہ بويلہ
 يرلرى كورلمش . تدقيق اولونمش عد ايدييورلر . حال
 بوكہ بونكچون كونلر ، هفته لركر كدر . . الدہ برتاربخ ،
 ياخود برمحيط اورايہ كيتملى ، تعميقات ، مطالعات ايلہ
 زمان ، اوزون اوزادى يہ برزمان كچپرملى . .

*

* *

فرانسەدہ حالا بيوك برمودخ عموميتلہ شرقى اوروپايہ

وبالخاصه روسيه دائر تدقيقات تاريخيه ايله اوغراشيور .
بومورخ علوم سياسييه مكاتبى معلمين بنامندن (واندال)
درکه احيراً (لئون ساي) ك یری ایچون انجمن دانش
کیره نامزد اولدی . آثري شمدي يه قدر بش آلتی مجلدن
عبارتدر . اك صوك تالیفی : — پك زیاده مظهر تقدیر
اولدی ، انجمنجهده تتویج ایدلدى .

هرنه ایسه خاطرات تاريخيه مه ك ره ایمپراطور
ایکنجی (نيقولا) پارسى زیارته کان چارلرک دردنجیسیدر .
بونلرک برنجیسی بیوک پترودرکه اون بشنجی (لوئی) نك
زمان صباوتنده فرانسه يه واصل اولی ر ، یه (واندال) ك
دالات فاضلانہ سیله بیوک پترونك بوسیاحتته دائر زمانك
(وولتر) ، (دانثو) كبی اك عالی مورخلرندن بعض
صحائف المہ كچدی . . بونلر ایچنده اك كوزللى (سن
سیمون) كکیلردر . بیلم قارئین كرام بومتفكر شهیری
طایرلرمی ؟ حالا اك زیاده رواج بولان مسالك علمیه
عملیه دن چوغنه تمیل قریان بوذاتدر . افكارنده غرابت ،
بونلكه برابر لطافت واردر . قلمی قویدر ، لطیفدر .
بیوك (پتر) نك پارسده کی حرکات و زیاراتی باشند
اشاغی تصویر ایدیور .

فرنگلر امثاله يك اهميت ويررلر . امثال عربييه
 ايسه حقيقهٔ امثالسزدر . ناجي افندي مرحوم سانحات
 العرب ديه « امثال الميداني » دن بعضيلريني لسانمزه نقل
 ايتدي . فقط شونقليات او كتاب حكمتدن برنبذهدر .
 نچون بو حسن مثال تعقيب اولونمادي ، بيلم . . شو
 سوزلردن مقصودم احبادن بر فرانسز طيبيله آرا مزده
 كچن بر محاوره ي عرض ايتكدر . طبيك قرلاغي عربيجه
 مثلالره طولدير دمدى . بركون معدمه مى تداوى ايدر كن
 بكا پرهيزك محسنانندن ، معدمه نك ملجأ امراض اولمسندن
 بحث ايدى . وردى : « المعدة بيت الداء والحمية رأس كل
 دواء » ديدم . بركرده بنده كي شيشمانلق وسائر كبي
 عارضه لرك بومعده خسته لغيله مندفع اولديغنى سويله يور -
 دى : « فرما صحت الاجسام بالعلل » جواجى ويردم .
 بوندن صوكره ترجمه يده كچدم . . نهايت : « سوزده
 ضرب مثل ايرادين سوز يوق اما ، سوز اودر عالمه سندن
 قاله بر ضرب مثل » حكمت نابيانه سنى ايلرى سوردم . .
 بونلر هپ خوشه كيتدى ، كچن كون طيب برزيارتدن
 كليوردى . خسته (اوتوموبيل) قضا زده لرندن ايمش . .
 (اوتوموبيل) ، - ترجمه جاؤ اولسه يدى : متحرك بالنفس -
 كندى كندينه ياتضييق هوايله يالككتريق ايله حركت ايدر

بر آراهه در که دراجه یه رقابت ایچون ایجاد اولونمش بر
 تجدد در . بر (اوتوموبیل) دورلش . برقاج کشی قضایه
 اوغرامش . طیبمز بوتداویدن کلیورمش . . بکا نه دیر .
 سکز . . دراجه آتی ، آراهه یی کر لکده بر اقدی . .
 بوده دراجه یی اونوتدیر مغه شتاب ایله یور . صاغدن ،
 صولدن (اوتوموبیل) ، دیدی . حقیقت ، بو کر نلرده
 پارس جاده لرینه باقسه کز بر نوع (لوقوموتیو) ه بکزر
 آراهه لر کوریر سکز . . افندیلر اوک طرفده ، اوشاق
 بونلره حیرت ویرمک آرقده . آراهه کررک وار . .
 افندیلرک النده بر دمیر قول که هم دومن ، همده آلت
 توقف خدمتی کوریه ور . بو کورلتیدن خارجه کیلر بیله
 معذب اولدینی ایچون طبیعی داخلده کیلرده صیقندی
 چکر . فقط ضرری یوق هله بونلرک عادتا متحرک بر
 قولتوغه بکزیلری ، بر کشیلکلی واره عمر . . شو
 آلتک اختراع براتی بر فابریقه یه منحصر . روایتیه نظراً
 بوفابریقه ده شمعدی بیکی متجاوز سپارش وارمش ،
 مشتریلر صیره ایله تاکله جک سنه یی بکله یورلرمش . حتی
 قونتلردن بری صیره سنی ایلمک بهاره قدر سوره بیلمک
 ایچون بیلم قاج بیک فرانغه بر نومرو صاتون المش .
 بنجه بومراقک اساسی شودر : بو آملر اکلنجه نک ،

اذواقك هرچشیدینی طاتیورلر . اراق بشقه ذوق بولاماز
اولی . لر ، اللرینه بویله بر واسطه ذوق کچنجه بو طرفه
آتیلیورلر .

*

* *

دون (ژولیت) ك ازدواجی دییه اخیراً ترجمه ایتد-
یکم حکایه نك رسملرینی آرامق ایچون بر طابع شهیره مرا-
جعت ایتدمدی . بواننده ایتالیالی برکتاجی ایله آمریقادن
رسم بر قیزه راست کلدیم . اوبرینك وظائفی صرف
(زولا) نك ایتالیانجهیه ترجمه اولونان آنارینی ، کلیانی
طبع ایتمکدن عبارت ایمش . دکاننده (زولا) تراجمندن
باشقه کتاب یوقش . . اخیراً (روغون ماقار) مؤلفنك
بومطبعه ده : « برلیله عشق ایچون . . » عنوان لطیفله
کوچك بر اثری باصلدی . انك رخصت ترجمه وطبعنی
آلغه کیش . . (زولا) ایتالیانجه پك زیاده حائر اعتبار
ایمش . . آمریقالی قیز ایسه عین مؤفدن (ژاق وامور)
حکایه سی ایچون بر اعلان رسم ونقش ایتمش . . طابعه
انی کوسترییورمش . بوقیز والده سیله برابر مرفهاً پارسده
یاشایور . ایشی ، کوچی طالبلره بویله مطبوعات مشهوره
ایچون اعلانلر یایمق ایمش . . بوضعت حالاً غریبده پك
زیاده رواجده دز . اعلانلر نظر دقتی جلب ایله مك ایچون

برمهات ، برغرات ایچنده منظوردر . حتی بونلردن
 پوسته پولی کبی کلیات جمع ایدنلرده وار . بورسام قیز
 هنوز یکرمی ایکی یکرمی اوچ یاشنده مستتا برکوزل . .
 ایکی یوزه قریب بویولده تصیر وجوده کتیرمرك عادتا
 برثروت ، برموقع ایدنمش . شمدی گاه (نی-ورق) .
 گاه (لوندره) ، گاه (پارس) طالبلرینه اثر یتیشدیریور ،
 دورییر . فن تصیر دائر بکا اوزون اوزادییه
 معلومات ویردی : « حکایه لرك تصاویر ایله تزینی کوندن
 کونه چوغالیه . . شوقدرکه تخته شمشیر اوزرینه حکدن
 ایسه فوطوغرافی ایله اخذ نقش ایتک دهاقولای کورو-
 نیور . انجق حکده تصور ایسته دیکی شکلی آلیر . بر
 یکنده ایسه برمادی اورنك ، طبیعی بروضعیت ایستر . .
 بونیده دائما بولمق مشکله در . بناءً علیه برنجی شقی
 هر درلو نقصانیله برابر اکثریا اختیار ایتک ضروریدر . »



فرانسە جرائد سىياسىيە سىنك اك بىوكارىندىن ، اك
مەھملىرىندىن بىرى و بىلەنكەدە بىرنىچىسى شەبە يوق ، (تان)
غزىتە سىدىر . بوورقە حىۋادىك ھەرقەتە « حىيات ادبىيە »
دىيە اوللارى (آناطول فرانس) ك شمدى ايسە (غاستون
دەشان) ك قلمىندىن چىقمە بىر خىفە ادبىيە ؛ مشهور (ژول
قلارتى) طرفىدىن يازىلە بىر (پارس حىياتى) ؛ بىردە مىقد
شەپىر (سارسەي) ك بازارايرتسى تفرىقەلرى واردىر .
فقط غزىتەنىك قىممىتى دو بالا ايدىن اساساً بونلر دىكلدىر ..
اھمىيت سىياسىيە اك باشىدەكى يومى مقالات اساسىيەدەدركە ،
افكار عالمك دائىمى بىر تارىخچە سىياسىتى كوستىرەن ايشىتە
بومقالەلردىر . بىر كۈن آمىرىقايە ، غەربە ، يارىن آسىيايە ،
شرقە ، اقشاي شىرقە ، اوبىر كۈن اوروپانىك بىر كۈشەنىدىن
اوبىر كۈشەنىدە دائىر بىسۇط مطالعات ابدىن بو صحائف كىزىدە
بىلىغ بىر اسلوب سىياسى ايلە مطرا اولدىقەن ماعدا ظرافت
افكار ، قىدەرت مەنى ، حىقىقت ادا ايلە مالا مالدىر .

غزته نك مسلكى ايجاباتيله بو مقالاك زيرينه وضع امضا
اولونماز .. بونلردن بعضلرى بالخاصه امور شرقيه تعلق
ايدنلرى نظر دقتمى جلب ايتدى . عجيبا هانكى قلمك
محصوليدر ديه تحقيقه كيريشدم .. باقدم كه بو خامه
بليغك صاحبي « فرانسيس ده پرمسانسه » ايمش . ايشته
بر محرر كه امثالى فرانسه عالم افكارنده پك نادر در . بو
هفته بو صاحب قلمك (قاردينال مانينغ) عنوانى آلتنده
جدى ، شايان تدقيق بر اثر فلسفيى نشر اولندى .
(قوزموپوليس) رساله شهر يه سنده فرانسه و روسيه
اتفاقنه دائر پك محق ومصيب بعض ملاحظاتي كورلدى .
شو فرصتلردن استفاده ايله قارئلر يمزدن — شايد
وارسه — بيلمه ينلره بوفكر منورى بر پارچه طانيتمق
ايسترم : (ده پرمسانسه) بودورك الكزنكين ، الكمكمل ،
الك قوى ذكالرندن بريدر . بو درجه واسع بر اطلاع ،
بر احاطه افكار آز فرده ميسر اولور : فلسفه ، علم الهى ،
سياسيات متساوياً مخصوصاتندن ، آشنالرننددر . السنه
وادبيات متعدديه واقفدر . دائماً تقدير ايده كارىكي
برانكاز شاعرى كبي : « مملكيتلى آت اوست ايتدم ،
عصرلرى ، قرنلرى تاراج ايله دم .. آز زمان ايجنده
چوق ياشادم ... » ديه فخر ايتسه يريدر . طبيى بو

دورك شوقيراطده باشقه متفكرلری وار . آنجق فلسفه .
 سنك وثوقيله ، متاتيله ، امنيتيله بومحرر آنلردن پك
 چوغنه رجحان قازانير ، بوذات ، روايته نظراً ، بر
 پروتستان راهبـنك اوغلى ايمش . . علم الهى يه دائر
 نشر يتنه باقيليرسه بيوك بر مسئله روحانيه ايله فكرأ
 مشغولدر . اتراخيرينه موضوع اتخاذايله ديكي (قاردينال
 مانينغ) مشهور برانكايـر رئيس رهبانيدركه برقاچ سنه
 اول پروتستانلقدن قاتوليكلكه كچدى . . بوكتابى ايلك
 اوگه بر مقاله شكلنده (رهووده دوموند) ، بر مجموعه
 موقوتده نشر ايتديكي وقت هر كس (ده پرسسانسه) .
 نك ده مسلك وجدانياتده قارديناله پيرو . يعنى قاتوليـك
 اولاجغنه ذاهب اولدى ، فقط بوذهابك صوكي كلهدى .

*
* *

فرانسه ادباسندن برى : (ويـايه دهـليل آدام) :
 « حواى مستقبل » ديه بر اثر يازمش . بونده الكتريقدن
 برقادين تخيل ايتمشدى . بومحرر ذاتاً غربت اطوار
 وافكار ايله مشهور ايدى . نه ايسه ، فقط آمرىقالى بر
 عالمه نه نه دينيركه « انسان كيميوى » اختراعنه قالفيشيور .
 اوت ، انسان كيميوى . . تعجب ايتميـكـز . . فرانسهـنـك
 اسبق خارجيه ناظرى (برتلو) مشهور بر كيميا كردركه

کویا اورتادن یمک پاطیردینسی قالدیرمق ایچون برنوع
اجزا ایجادیله مشغول ایمش . حتی اویقویه بدل دها
مختصر برواسطه استراحت ده بولمق ایسته یورمش .. ذاتاً
شمدی پارسده صنعی یومورطه لر ، میوه لر اعمال اولونمغه
باشلانندی . ایشته بووایدیم آمریقائی عالم دها ایلری
کیدرک انسان طبیعی یی تشکل ایدن جواهر واعضا ایله
عادتا برانسان کیمیوی وجوده کتیرمک ایسته یورلر ..
بوحوادث اوزرینه احبادن بری شوققره یی نقل ایتدی :
پارسک اطباءی مشهوره سندن (په آن) مداوات مغزی
ایله مشهوردر . برینه بو یولده بر اضطراب ساری
اولدیمی ، کویا بو طیب شهر درحال قفائی ایکی شق
ایدر ، مغزی چیقاریر ، سیلر ، تمیزلر ، ایجابنه کوره بر
قاج کون یاننده آلقویدقدن صوکره تکرار یرینه یراشد .
یریرمش .. حتی بیت المساعیدسند طبعی ساعتجیلر کی
جامدن قبه لر آلتنده محتاج تنظیف مغزلر کورونور ،
بولونورمش .. برکون بری کلیر ، طیبه شو وجه ایله
برای تداوی مغزینی براقیر .. هفته آتیده کلوب آلمق
اوزره کیدر .. بر هفته ، ایکی هفته اوچ هفته عودت
ایتمز .. مغز اویله جام آلتنده قالیر ، طوریر . بوصیره لرده
(په آن) یولده بو ذاته تصادف ایدر : « چوقدن

تمیزله ندی ، او یله طوریور .. نیچون کلوب بینکی
آلماپورسک ؟ » دیر ، حریف : « آدم سن ده ! آراق
سملک ادبایه داخل اولدم .. بکا بینک نه لزومی وار »
جوانی ویریر . ایشته ادیبلری تزییف ایچون ادیبانه بر
فقره .. شو حکایه ده تحف :

ینه بویولده قفسا تمیزله مکله مشهور بر تشریح عالمی
وارمش .. برکون عالمک او طه سنده آشچی قادین کاغد
ایچنده برین بولور ، بونی افندی پیشمک ایچون صاتون
آلمش صانیر ، مطبخه کوتوریر ، پیشیریر . عالمده کی یأسه
پایانمی اولور ؟ مکر او بین مشتریلرندن برینک ایمش .
تطهیر اولونمق اوزره براقلمش .. فقط برکت ویرسون که
حریف کندی عقالی غائب ایتمز همان مغز مطبوخه بدل
بر طوموز بینی بولور . مشتریسنک قفاسنه یرلشیریر .
آدمجغز خسته لقدن قورتولور . فقط اودرجه فطرة
پیسلیکه سائق اولور که یانه کیمسه اوغرایاماز ..

بو حکایه بی بکا نقل ایدن فرانسز بر قاج کون اول :
« جانم ، اسلامیت طوموز اتی نه یه تحریم ایدیور ؟ »
دیوردی . شوفرستدن بالاستفاده مخاطبمی سوزیله الزام
ایدرك : « ایشته باقکز ، بودرجه پیس بر مخلوق یمک
عقله ده ، شرعه ده منافیدر » دیدم .

*

* *

ادبامزدن بری (موزه) کله افرنجیه سنی — شهرگاه
 آثار عتیقه — دییه ترجمه ایتک ایسته یوردی . هر نه
 دینیرسه دینسون بونوع تراجمک مراقلیلرندن ، خطیئات
 لسانیه مزك ، حاجه ، عدولرندن اولدیغم ایچون بنده
 بو ترکیبدن (آثار عتیقه) قیدینی طی ایله (موزه) یه
 بدل ساده شهرگاه نفائس دیور ، دوریوردم ، شمدی
 دها ایلری کیده جکم .. شهر دییه جکم .. (اکسپوز-
 یسیون) ه سرکی ، معرض دییورز . (موزه) یه شهر
 دییوریرز . مینی مینی ، مونس ، لطیف برلغت ..

اشتقاقجه ، معناه او قدر تعصبه لزوم یوق ... چوق
 کچمز (شهر) ک مدلولی ذهنمزدده (موزه) اولور .
 یوق ، بولفظ اجنبی یی اولفظ عربییدن کوزل بولانلر
 وارسه اوده برنوع ذوقدر ، نه دینیر . قرق ییالمق
 هندی باغی یرینه (شیقوره) دیمک کبی نغع ینلرده
 وار .

دون (غرمون) شهرینه کیتدم . زمانک برچوق
 اعظمی ، اک مشهور وقایعی بو شهرده مجسمأ ، مهیکلا
 معروضدر . قاپودن ایچری کیردک .. صاغده ، صولده
 اوته بری اشکالدن باشقه اورتاده قاپابه نک اوستنده
 (زولا) اوطوریوردی . تاده کندیسسی ، طوپ صاقال ،

طوب چهره .. اوست باش تمیز .. فقط حیرت ، بو بر
 هیکل ایمش .. یانسه کیدرک الذدن طوتمادجقه ، اته بدل
 بالمومی ، یا آچی کبی صوغوق بر جوهر حس ایتمدجکه
 بو حقیقت بللی اولمایور ، بوتماسه انسان جسارت
 ایدهمیور . بیوک اوپرانک ایچ سالونی ، رقاصه لرک بو
 صیره ده کی حالی ، اطوارینی عرض ایدن بعض مناظرده
 شایان دقت ایسه ده بونلرک اک غریبی ، اک بهی چار
 حضر تلرینک موسقو واده کی رسم تتوجنی کوسترندر .
 بوتماشایله انسان حقیقته او قدر یاقلاشیورکه عادتاً بر
 لحظه فکرأ بو آلایده بولونمشه دونیور . چار کلیسادن
 چیقیور .. اطرافده فیر دولای خاصه عساکری ...
 اوکده رهبان ... یاورلر . ایکی آدیم آرقه ده اول
 ایمپراطور یچه باشده الماس بر تاج ، دها ایکی آدیم اوتده
 بیوک ایمپراطور یچه ... ینه باشده عینی الماس تاج ..
 ایمپراطورک صاغنده سلطنت سنیه فوق العاده سفیری
 ضیا پاشا حضر تلری قرمز ی فسله رسمی وزرات
 البسه سیله قوردونیلله اولله موزون بر صورتده دورییور .
 کچن سنه بو وزیر فطینمز ی پارسده کوردمدی . شو
 تصویرده کی مشابہت بنی حیران ایتدی . هایدی سیما
 قیافت سائرہ تقلید اوانسون .. طورہ ، وضعہ ، رنگہ نہ

دینیر ؛ ضیا پاشانک آرقه‌سندده قافقاس امراسنه بکزر
 برایکی ذات ، قارشیسندده یعنی چارک صولنده فرانسه
 مرخص فوق‌العاده‌سیله پترسبورغ سفیری قونت مونته
 بللو ، جنرال بووادفر ، انسان بر مشهرده اولدیغنی
 اونوتسه بتون بوذوات اورایه گلش ، دیکلمش صانیر
 هیچ شبهه یوق . . . تطبیق وتقلیدک بو درجه‌سنه حیران
 اولماق محالدر . بر آراق یانمده کی رفیق : « ماداغستقار
 سفری نروده ؟ آنی کورسهک » دیدی . بوجهتی صورمق
 ایچون مشهر خدمه‌سندن برینی آرایوردق . . بولدق لکن
 حریف او یویور . آرقاداشم : « آدام سن ده ! او یاندر -
 یرز . . » دییه خادمک اوکینه کیتدی . « موسیو ،
 فلان . . . » دیدی ایسه‌ده هیچ بر جواب آله مدی .
 فقط بوصیره‌ده حاضر وندن قهقهه‌لر یوکسلنجه اکلادم‌که
 بوتصویر ، برالداتماج ایمش ، محجوب اولدق . . حاصلی
 اشته اکلنجه نقطه نظرندن شایان تماشا بر مشهر !

*

* *

بو هفته (لئون) ده بر محاکمه جریان ایتدی که
 خطیئات عدلیه کی بیوک بر مسئلهیه معطوف بولندقدن
 ماعدا حقوق ، ادبیات حاصلی فکرأ هر نقطه نظرندن
 غایت سزاوار دقت اولدیغنی ایچون مطبوعاتمژده اوزون

بر صدا بولمی ایدی . . غالباً بولامدی . . مکتوبمده یر
 قالمادیسه ده موضوعك اهمیتنه بناءً بوبابده بر پارچه
 اطباب مقال ایله مه دن کچه میه جکم .

۱۶ کانون اول ۱۸۹۱ ده مارسلایا جوارنده کائن
 (بلانقارد) ده مادام (موته) نامنده برزنکین قادین
 مقتولاً بولوندی . خدمتچی قیزك (ماری میشل) ك
 اخباری ، شهادتی اوزرینه (قوون) اسمنده بری بو
 بابده متهم عد اولوندی . (اقس) محکمه سنجه مؤبدآ
 خدمات شاقه یه محکوم اولدی . (قوون) بروصیتنامه
 موجبنجه مقتوله نك وارث عمومیسسی ایتمش . میرانه بر
 آن اول قونمق ایچون بعض اسباب مستعجله یه مبنی بو
 جنایتی اریکاب ایتمش . . (اقس) هیئت عدولنجه بویله
 حکم ایدلدی . مع مافیه صورت تنظیمجه بعض نقصانه
 مبنی بو اعلام محکمه تمیزجه نقض اولنه رق دعوا بوسفر
 (مونپلیه) ده یکیدن رؤیت اولوندی ایسه ده ینه عین حکم
 حصوله کلدی . بوسفر محکومیت قطعی کی کورنیوردی .
 دیرکن خدمتچی قیز ، (ماری میشل) بر راهبک
 ایقظاتیله (قوون) حقنده اسناداتندن دولای بر عذاب
 وجدانی یه طوتولور . مدعی عمومی یه اوزوی بر مکتوب
 یازار . . حقیقتی اعتراف ایلر . . .

(مادام موته) یی اولدیرن یالکیز باشنه کندی ،
 (ماری میشل) ایتمش ، (قوون) حقندنه کی اتماماتی
 صرف مفتریاتدن عبارت ایتمش . فقط نه یاپملی ؟ .
 (ماری میشل) یی بو قتلدن طولای تحت محاکمه یه آماق
 محال ایدی . . چونکه قانون بر جرمدن دولای بر هیئت
 عدولجه معصومیتنه قرار ویرلش بر متهمی یکیدن محاکمه
 ایتکی صراحتاً منع ایله یور . بوقیز ایسه وقتيله (قوون)
 محکوم ایدیا بیرکن تبریه اولونمشدی ، قانون بویله اما دیگر
 جهندن قاتل میدانده اعتراف جرم ایدوب طوریرکن
 عین ماده دن دولای شبهه وظن اوزرینه محکوم اولمش
 بر معصومی بش سنهك اذا کفایت ایتمزمش کبی الی الابد
 محبسده بر افاقده منافی عدل دکلای ؟ مع مافیسه صور
 نظامیه کاملاً ایفا اولونمش ، حکم قطعیت کسب ایتمش
 ایدی . (قوون) ایچون ده محاکمه نك یکیدن رؤیتی ،
 تعدیانی طلب ایتک قابل دکلدی . مسئله یه کوچ حال ایله
 بر قاچاق بولوندی . قتل کیفیت بر طرف ایدیلرک
 (ماری میشل) عاینه یالان یره شهادت دییه بر دعوا
 اقامه اولوندی . قیز ذاتاً اعتراف جرم ایتدیکی ایچون
 بش سنه یه محکوم اولدی . بو محاکمه ائناسنده (قوون)
 ایله ، قربان مفتریاتيله مواجهه سی پک سوزشلی ایدی .

« عفو ایت ، عفو ایت . . » دیہ آغلاہ آغلاہ حریفک
 آیاقلرینہ محکمہ حضورندہ علناً قاپانیوردی . (ماری
 میشل) ک محکومیتندن صوکرہ (قوون) استعداسنه
 حق قازاندی .

ایشته کچن کون لیونده بودعوا فصل ایدلدی . . بر
 چوق کشمکشدن صوکرہ (قوون) تبریہ ذمت ایله دی .
 رئیسک صورت استجوابی ، مدعی عمومینک ادعایامه سی ،
 بر دعوا وکیلنک صورت مدافعہ سی حقیقہ برر نمونہ
 ادبیہ ایدی . تأسف اولنورکه بونلری باشدن باشه ترجمہ
 ایله قارئین کرامه عرض ایچون شوزمین مساعد دکل . .
 ایشته برغربریہ قانونیہ دها : (قوون) بالخاصه (ماری
 میشل) ک اسناداتنه استناداً محکوم ایدلمشدی . بوتعدیل
 دعواده ینہ عین شاهدک شهادتی ایستدی ، حکام رد
 ایله دیلر .

محکمہ اتمامده ، تجریمده غایت شدتله داورانیدی
 حالده (قوون) سکونتله مقابلهده بولوندی . بوسایهده
 هیئت عدولی کئندینه جلب ایله دی ، برأت قازاندی . بونک
 اوزرینه رئیس : « نهدرلو ضرر وزیان طلب ایدیورسکز »
 دیدی . . بیچاره آدم بروضع معصومانه ایله « هیچ ! . . »
 جوابی ویردی ، حاصلی حزین بردعوی . . .



هفته مکتوبلری

فرانسه خارجیہ ناظری (هانوتو) ، ہم ناظر ہم مورخ ، تاریخ ناصل یازیئر ، تاریخدن نہدرلو استفادہ اولنور ، کوزل برمثال — آنکساندر دومالر . بیوک پدر ، پدر ، اوغل . . . برسلاہ . . . دوماپرک برثری . — مخابرک ، اہیتی ، اککوزل اصول . علم ، فن . . .

فرانسنک حالاً خارجیہ ناظری (هانوتو) وکلای حاضرہنک اککزیدملرندن بونککہ برابر اککنج ، اکمقتدرلرندندر . شمدی یہ قدر اییی اوچ دفعہ بوماموریت مهمہدہ بولوندی ، بیوک مسئلہلردہ بیوک قدرت کوستردی . ماموریتدن اختلاس وقت ایتدجکہ (قاردینسالدہ ریشلیونک تاریخی) نی یازدی ، مزیت صاحبی برمورخ اولدیغنی اثبات ایلہدی . . . اوقدرکہ اثر انجمن دانش کیرجہ بیوک برمکافاتہ مظهر اولدی . آزقالدی صاحب اثرده اعضای انجمن صیرہسنہ کیرہجکدی . فقط عین سنہدہ بویلہ ایکی مهم توجیہ عادت اولمدیغنی ایچون شق

ثانی آتی به تعلیق اولوندی . . اسلافک (تیر) لری ،
 (کیزو) لری حکومت آدملیغله مورخلك آراسنده صیق
 برمناسبت اولدیغنی بزه ارانه ایدیور . . فقط (هانوتو)
 بونلرک دهها بر مستناسیدر . اولا دور اخیرده طرز
 تحریر تاریخ بتون بتونه دیکشیدی . . (لاویس) ،
 (واندان) ، (رامبو) ، (سورل) کبی مورخلر ماضی بی
 اونوتدیردی . . مثلاً بوکون آراتق تاریخ اچون (تیر) ی ،
 (کیزو) بی اوقرمغه حاجت قالمادی . . ثانیاً (هانوتو)
 برصاحب اختصاص . . مسلکی ، املی برخارجیه نظارتی ،
 بر مورخلرکدر . . بودائرده دن قطعیا دیشاری جیقماز .
 حال بوکه اوبرلری بویله یاپمادیلر . هرتلدن چالیدلر .
 بومورخ شایب ، دعوت ایدرلرسه کلیر ، خارجیه ناظری
 اولور ، ایتمزلسه کیدر تاریخنی یازار . . مقتدابهی (قار-
 دینال دهریشلیو) درکه فرانسه نك ، هیچ شبهه یوق اک
 بیوک برصاحب سیاست قدیمیدر . تاریخدن یالکنز بو
 پارچه بی انتخاب ایتک ، بونکله موشکافانه مشغول اولمق
 ناظر لاحقک مرتبه و مزیت سیاسیه سنه هم خدمت ،
 هم دلالت ایلر .

(هانوتو) تاریخ ایله ایشه باشلامش . . اول امرده
 مورخلرکه حصر وجود ایتمش ، (۱۸۸۲) ده (ره پوبلیق

فرانسېز) غزته سنده برېنډ نشر ايله مش . . ايشته
بومقالر نظر دقته چارپدېني ايجون (غامبتا) كنج مورخى
معينه المش . اندن صوكره (هانوتو) ، ژول فرى به
مستشار اولدى . . بويله جه مسلك سياستده ايلريدهدى .
مورخلكه باشلانغجنى ايسه كندى شويله حكايه ايله يور:
« — ۱۸۷۰ تاريخى عقبنده ايدى ، اوچ سندن برى
تحريرات تاريخيه ايله مشغول ايدم . ادوار سالفه دن استقبال
ايجون الكزياده استفاده بخش ايدنى تصوير ايله مك ايسته .
دم . (قاردينال ده ريشليو) نك تاريخى يازمغه بوصورته
اوقات خاليه مى بوفكره حصر ايله دم . . لكن كوريريور .
سكز ، بو عمر ، ساده تحصيله ، مطالعه يه ، قلمه موقوف
دكل . . » ايشته (هانوتو مورخلكه بويله باشلايور .
لكن تاريخى بيلديكمز كې يازمايور . زمانك مطبو .
عائى كتابلرينى تدبّع ، تدقيق ايتك بوبابده كافى دكل ،
بونلر اكثريا حقيقتك پك صولوق ، پك ناقص بر انعكا .
سيدر . مخبراته ، آثار خصوصيه يه ، دفاتر اعماله
مراجعت ده كر كدر . . اويله اما باقكر (هانوتو) نه دييور:
« معاصرينك نقلياتى ، حكاياتى ده كافى دكل . . تصوير
ايستر . تصوير ايله زمان ومكانك منظره سنى الده ايدرز .
بونقطه بر كره نظريمزده ايجبه تعين ايتدكدر صوكره

تشکیل حقائق بزجه قولایلا شیر ، وئائق کندیلکندن
کسب وضوح ایلر . اك کوچك تفصیلات فهمه کیرر ،
سطرلرک آراسندن معنی چیقاریرز . رنك وحرکتی بیله
درکه قدر واریرز . اشخاص وقعه ایله برهواده ، بر
عالمده یاشارز . حکایاتی نقلیاتی تدقیق ، تفتیش ، موازنه
ایده ایده تعقیب ایله دیکمز معاصرین ایله ده عین ساحه ده ،
عین خطوه ایله یوریرز . . ایشه بونوع تصاویردن بر
قاج نمونه . . .»

آرتق اون آلتیجی، اون یدنجی عصرلری طاقم طاقم
کوستیرر تصویرلر ، رسملر ، خریطه لر . . بری طرفده
ایسه الیازیلری . . (ریشلیو) نك کاتبلرنجه قلمه النمش ،
بالذات قاردینال طرفدن تصحیح ایدلمش خاطرلر . .
مورخ بونلر ایچون :

« او نوع وئائقنددرکه ندرتی ، اهمیتی ، نفی حسیله
انسان پیش نظرء تدقیقه آلیرکن حقیقی برهیجانندن
کندینی منع ایده میور . » دییور .

یابومدقق برهم مسلك ، برسیاسی ، برناظر ایسه او
هیجان تضاعف ایتمز ، استفاده ایسه او نسبتده اولمازمی ؟
(هانوتو) نك کتبخانه سنی احباسندن بری شویله توقیف
ایله یور : زمانه نك خاطراتی ، معاصرینك حکایاتی ،

مناقشه لر ، وقوعات يوميه دن باحث غزته لر ، حاصلی
 ساده اون التجی ، اون یدنجی عصر میلادی یه دأر
 ایکی بیکی متجاوز جلد . . . فقط مورخه کوره : « ان
 بیوک منبع اوراق رسمیه درکه اون سنه دن بری انظار
 عمومیه یه عرض اولوندی . وقایع ماضیه یی کیف مایشاء
 تنویر ایچون مورخینمزك النده برمشعله یرینه قائم اولسه
 یریدر . فرانسه تاریخچی ناقص ، حتی بعض نقطه لرجه
 صوریدر . مثلاً جریده لره کوره تاریخ زمانی یازمق کیدر .
 خط ط عظیمه ، وقایع سطحیه ایچون طوغریدر . فقط
 بونلرله تعمیق حادثات ایتک ، وقوعات ومسائل عظمایک
 کنهنه مطلع اولمق خالدر . بونک ایچون اوراق رسمیه یی
 نظر تبعدن کچیرمک مقتضیدر : مثلاً (ریشلیو) یی اله
 آلام : بودرجه مهم بر صاحب سیاستک تاریخیه اشتغال
 ایدن محرر شمعدی منابع رسمیه سایه سنده قاردینالک
 حیاته دأر هرکون اون دقیقه کوزدن کچیره بیایر . حال
 بوکه بالذات (ریشلیو) کندینه دأر بوقدر معلوماته مالک
 دکلدی . بوندن ماعدا قاردینال باشقه لرینه نه یازدی .
 باشقه لرندن نه مکتوب الیسه اوده الدهدر . ده وار :
 صاحب ترجمه نک معاصرلری بویولده خاطرات ، مخبرات ،
 مذاکرات سیاسیه صورتیه نه قلمه آدیلسه تدقیق ایده

بیلیرز . بونک ایچون حین حاجتده (لوندره) ، (روما) ،
 (ونديك) خزائن اوراقنه وارنجه یه قدر تحریاته قویولورز »
 ديمك زمانمزدده مورخلك بودرجه ایلری کوتوریلور .
 رفقادر بویولده مراقی اولانلر ، بومعروضاتمه اهمیت
 ویرنلر (هانوتو) نك اخیراً نشر ایدیلن ایکی جلد (فار-
 دینال ده ریشلیو) تاریخی نظر مطالعه دن کچیرسونلر .
 پك مستثنا ، پك مفید بر اثر کورمش اولورلر .

*

* *

عصریمزده بالخاصه عالم ادب وافکارده ، آذان عمو-
 میه بی طولذیران ناملردن بری ده (الکساندر دوما) در .
 تاچوجقلغمزده (مونته قریستو) نظر حیرت وخیالمزی
 جلب ایلدی . صوکره پدره بدل اولاد کلدی . . (لادام
 اوقالمیا) ایله بو حیرت وخیاله باشقه بررنك ویردی .
 یالکز فکریمزی دکل ، قلبمزی ده هیجانه دوشوردی .
 حقیقت ! (الکساندر دوما) لر غریب برقاملیادر . بیوک
 پدر مستملکاندن برنده دنیا یه گلش ، برحبش برولد غیر
 مشروعدر . فقط فطرتك یاردیمیه (ناپولئون) زماننده
 جنرال رتبه سنه قدر واریمور . فطرتك یاردیمی دیدم
 اوت طوغری سوزدر . قوص قوجه بروجود ، دمیر
 کبی اللر ، بیلکله . . پارلاق برذکایه انضمام ایدنجه ایجه

ایشه یارایور . کوچك برفقره : برڪون بوحبش
کنج ایکن بابالغیله برابر تیاروده ، لوجهده بولونیور .
بیلدکردن بری ایچری کیریور . بونی برکوله ، براوشاق
صانیور . اوپولده معامله ایتدکن ماعدا - کوله کز -
میدر ، - دیه لوجه صاحبنه سؤاله بیله قالقیشیور ،
بوسوزی ایشیدر ایشتمز (الکساندر دوما) بر ، ایکی
دیمه‌یور ، باجاقلرندن طوتدینی کبی حریفی لوجهدن پالاس
پاندراس اشاغی یوارلایور ، ایشته بیوک پدر بویله بر
چوق ماجرادن ، محاربه‌لردن صوکره متقاعداً ایتالایه
چکیلیور ، اوراده اولنیور . (مونته قریستو) مؤافی بو
ازدواجدن دنیایه کلیور . بوصیرهده جنرالک سلاح‌ارقادا-
شلرندن برینه بوولادتن باحث بر مکتوبی وارکه شو
حاشیه‌یی محتویدر : « مولود قرص قوجامان بر اوغلان ..
دمیندن باشندن یوقاری ایشه‌دی . اوغوردر ، برطاع
سعدده علامتدر دکلای ؟ » های های . . بوندن مسعود
برطالامی اولور ؟ . (دوماپر) نه‌لریامدی نه‌لر .. حکایه نویس
اولدی ، تیارو محرری اولدی ، تاجر اولدی ، سیاح
اولدی ، فمیر اولدی ، زنکین اولدی .. شاعر اولدی ..
حاصلی جهانده بر آدم ایچون نه اولمق ممکن ایسه جمله -
سندن اولدی . حکایه‌لری اقطار عالمه یاییلدی .. (مونته

قریستو) هر دیله کزیور . . احبادن برویر کومدیری
 واردی . . حکایه مراقلیسی ایدی . هر شیئه مثال (مونته
 قریستو) دن کتیر یردی . بونکه برابر (دومایر) ک بیوک
 برشاعر اولدینی بنجه مجهول ایدی . . کچن کون فرانسر
 تیار و سنده اوینانان بر اثر بو حقیقتی ده میدان قویدی
 موزوناً قلمه آلمش بر (درام) ، برواقعه . . لکن
 غرامیاندن باحث اودرجه کوزل پارچه لری محتوی که عادتاً
 بر هوغو قلمندن چیقمشه بکزه یور . هله بومنظومه لری
 (قومهدی فرانسه ز) ک او کمال تپرا او یونجیلاری انشاد
 اید بنجه لطافت فوق الحد آرتیور . .

بر سرگذشت ، بر فاجعه غرام تویلری اور پرتیور .
 بعض قلملرده بر خاصه واردر . ولو نقصان ایله آوده
 اولسون . . نه یازسه لر ، نه یاپسه لر مطالعینه سودیر لر .
 (آکساندر دوما) ده بویله در . مثلاً شو او یونده بر قاق
 قصور کوزه چارپیور . . مع مافیه شوق ایله دیکلنیور . .
 (دومافیس) اولایدی قابل دکل بویله بر تیارو قلمه
 آمازدی . . آم ، ایشته بابا ایله اوغل آراسنده نه بیوک
 فرق . . . برنجی اوکنه ، آردینه باقار . . صاخی ، صولی
 دوشونمز . . چالا قلم ، چالا طبان کیدر . . ایکنجی بر
 دأرمدن ، بر مقیاسدن ذره جه دیشاری چیقماز . . ممکن

اواسه بش سنه سوکره کی حرکتی شمیدن آمین ایتک
ایستر . . اثرلری ده بویله در بر فلسفه در ، بر معیار در ،
بر موازنه در .

*

* *

تقریباً بر سنه اولیور (اقدام) ک یارس مخابر ایکنی
ایضا ایله یورم . . بوزمینده نظره دقتی ال زیاده بر نقطه یه
دیکدم . . شوامکن ، شو مخابر لکدن بر مقصود حاصل
اولسون . . . بر فائده کورلسون . مخابر صرف نقل حوادثن
عبارت اولایدی هیچ ایدی . اوزمان بوراده بر ترک
بولونماسنه ، بورادن قلم اویناتمنه نه حاجت ، ایشته اوروپا
غزته لری محرر لریمز پیش ترجمه یه آیلرل . . ایسته دکلرینی
اوراق حوادثمزه کچیریرلر . . نته کیم کچیریورلرده . .
فقط مخابر حقیر شوبلده دلار انک بالخاصه شئونات علمیه
وفیه سنه قاریشدم . بونلردن نظر ادراکه تمثیل ایدنلری
المدن کلیدی مرتبه (اقدام) ه نقله قویولدم . . پارسیده
بروقعه اولمش ، بر آدم اولدیرلمش ، بر خانه بیقلمش ، شاید
نخبه علمیه مه تماس ایتمزسه وظیفه مده دکل . . بنجه قلم
شویله طورسون قاله بیله آلتماز . لیکن بر کتاب نشر
اولونمش ، بر حادثه فیه وادیه اولمش . مطالعاتمه توافق
ایدیور . . بنی دوشوندیریور . در حال حوزه خامه مه

کیرر . . ممکن ایسه بو صحیفه لرده یر طوتار . . قارئین
 کرامدن حوادث علمیه و فنیه بکله یئرلرک انتظار ی بوشه
 چیقماز . . برقاچ یرده تکرار ایتدم: معهود (ریشبورغ) ،
 (یونسون دوترای) ، (مونته پن) حکایه لرینک لسانمه
 ترجمه ایدلمسینه نه درجه معارض ایسه م قورقونج ، فقط بی
 اساس ، قوف ، قوری حوادث فبیعه نك اوراق حوادثمه
 نقلنه او قدر ضدم . . چونکه بونلردن فائده یرینه مضرت
 حاصل اولور . بر ذهن بسـیـطک مطالعاتی افعاله انعکاس
 ایلر . . ایشته شو صیره ده (جنوه) شهرنده اطبادن ،
 فلاسفه دن مرکب بر مؤتمر بین الملل وار — صحیح ، مؤ -
 تمري قبول ایدمه یز ، غریب کلیر — قونغره وار . .
 (قونغره بین الملل آتروپولوژیه) — نه خوش ترکیب ؟
 — اعضادن بری جدی دلائل ایله اوراق حوادث ستو -
 ننده بویله وقائع فبیعه دن بحث ایدلمسینه شدتله اعتراض
 ایله یور . « برارکک برقادی اولدیرمش . . اندن سوکرده
 کندیسینی آصمش . . بو صیره ده اوجاق آتش آلمش . .
 بشیکده کی چوجق ده یانمش ، . دیرکن خدمتچی قیز بو
 منظره ایله عقلنی قاجیرمش . . اوک اوست قاتندن سوقاغه
 فیر لایه رق اولمش . . دهانه لر اولمش نه لر ؟ . » انصاف اید -
 لسون ، بویله بر حادثه دن نه فائده مأمولدیر ؟ اوجانم ستونلره

یازیق دکلکی که بومالا یعنیلره حصر ایدیایور . . بوکا بدل
 الک بسیط بر بحث ادبی یازلسه دهامفید اولمازمی ؟
 غزتهلرک بوخستهانی بزدن زیاده غریبه عأددر . . سیئه
 نقلید بزی ده بوکریوملره صوقغه باشلایور . حذر ایتلی یز
 حذر . مثلا کچن کون پارسده (فوتن) سوقا غنده
 کویا بر حادئه خیمه اولدی . . سکسانلک براختیار افتاده سی
 اولدینی ایکی قادینک پچاق ایله ضربه قتلنه اوغرایور ،
 آشفتهلر حریفک پاره سی بیورلر . صوکرده جاننه قصد
 ایتک ایسته یورلر . برکت ویرسون که یارملر درین دکل . .
 آدجغز اولمایور . بووقعه ایله بتون جریدملر طولدی . .
 (نان) کبی جدی صحیفه لر بیله بوشابنه دن قورتولمادی . .
 (فوتن) سوقا غنه فوج فوج غزته قارئلری کیتدی .
 دوشوندم . . بردرلو بووقعه ده حائز اهمیت بر نقطه کوره .
 مه دم . . مستکره بر حریف حسیات شهوانیه نه بومرتبه
 اسیر اولمش . . آفتهلرک بو قدر انه دوشمش . . استکرا !
 فکر مده بوندن باشقه ملاحظه ارلمازدی . . لکن (فوتن)
 سوقا غنی جنایتی (غزتهلری ده عامه بی ده ایجه اشغال اید .
 بیوردی . . دیرکن جهت عدلیه تحقیقاته کیریشدی .
 استنطاق نفتیش ، نهایت تشکیل وقع ، اصولی . . برده
 چیتا چیتا اختیارک نفسنه سوء قصد ایله دیکی میدانه

چیقماسونی ؟ او قدر کورلیتلر بوشه کیتدی . . بنم بو مسئله نظر دقمی جلب ایدن ایشته بوتشکیل جرم اصولی اولدی . . مدعی عمومی مستنطق ، مجرمی ، مقتولی ، مضروبی الیورلر . محل وقعیه کیدیورلر . . جرمی اولدیفی کبی تشکیله ، بوتشکیلدرده کشف حقیقته چالیشیورلر . بواصول بعضاً بیوک خدمت کوریور . . مثلاً (فونتن) سوقاغی ماده سنده جاننه قصد ایدلیکنی ادعا ایله ین اختیار تشکیل جرم اتناسنده مبهوت اولیو . یردی ، کیکلدی . مکر پاره سنی یدکاری ایچون بوقاد . ینلره دلگیر اولمش ، برای انتقام بویله بر افترا ترتیب ایله مش . .

حاصلی بومملکتک علومندن ، فنونندن ، بدایعندن استفاده ایتلی . . ادبیاته ، درس لرینه ، تقریر لرینه دائر مخبر اتده بولنلی . . مشاهیر علما و فضلا سنی یدش نظره تدقیقه آلملی . . تیاترولرینی ، مشهرلرینی بوادب و کمال کاشانه لرینی کزملی . . آکلاملی ، آکلاتملی . . باقی نه وارسه - فکرمجه - همجدر . ذاتاً بودیارک یوزینی آغارتان بر طبقه ممتازة خلقدرکه بالخاصه ، وصف ایده کلدیکم کالانتک مبدعی بونلر در . . کری قالانلر ، سفسطیات ، سفاهت ، هزلیات ایله اوغراشانلر . بولون دقلری یره خیر ایتمه یورلرکه

بزجه مفید اولسونلر . . بنابرین یاراندن بعضیلری نه
دیرسه دیسون . . شمدی یه قدر اولدینی کبی شمیدن
صوکره قلم قصیرم یواندن هیچ شایماز . . قریباً اویانمغه
باشلایان پارس حیات علم و ادبی کچن سنه دن ده زیاذه
شوق ایله امید ایله غیرتله تصویره قویولور .

*

* *

چار حضر تلی عن قریب فرانسه یه کله جک ، پارس
عالم معیشتنه کسب وقوف ، ایده جکدر . تکمیل پارس او
حکمدار محترمی استقبال و تحجیل اتمکله اعلان فخر
وشادی ایله جک ، چار حضر تلینه بر مبر صلیح و آشتی
نظریله باقیه جق .

§ پارس بلده سی بوکون هر سنه دن زیاذه خالی کور -
ینیور . اجنبیلر ایله ایالانده ساکن اولان اهالی صوک بهار
سیاحتلینی اجرا اتمک ایچون چار حضر تلینک سیاحتنه
انتظار ایدیورلر . حالبوکه فعالیت درون شهرده دوام
ایدیور . (بو وا دو بولونی) ده آز چوق غلبه لک کور -
یلیور . حلول ایده جک موسم ایچون تیساتر ولرده یکی
پروگراملر تطبیق اولنه جفی ، یکی یکی لعبیات تجربه ایلدیکی
کوریلیور . کچنلرده غرب شمنه و فری استاسیوننه کیمش
ایدم . موقوفده یولجیلرک توقفنه مخصوص اولان محله

دیوارلره اوست اوسته طیاش صره سیله دیزلش بر سوری
 وەلوسپیدلر کوردەم . هر زمان شەند و فرە رکوب ایچون
 موقفده بر برینی ایتە دورته قوشایشان اهالی یرینه دیزی
 دیزی وەلوسپیدلر ، پارلاق و مدور ماکنه لر کورمک بکا
 تحف کلدی . بریغین بر کومه بیسقات بر آلائی وەلوسپید!
 مأمورلردن برینه بو قدرده وەلوسپیدک بریکدیرلدیکنک
 سببی سوردم : — دکز حاملرندن عودت ایدیورلر
 دیدی .

ایشته ، شمدی ده قرانسه ده بر وەلوسپید
 چیاغیناغیدر ، کیدیور . هرکس بر ماکنه نك اوستنه
 صیچرایوب بولوارلرک ، جاده لرک بر باشندن بر باشنه
 اوچیور . طیبیلرک راپورینه باقیلیر ایسه بوسنه دکز حما
 ملرنده کچن سنه کی قدر غلبه لك ، ازدحام وقوعه کلماش .
 بونک سببی ده هرکسک ماکنه لره بنمکدن ، وەلوسپید
 قوشدیرمقدن بانیو ایتکه وقت بوله مامسی ایمش . کیمسه ده
 بشقه شیلرله اشتغاله وقت یوق . متصل وەلوسپید قوشد
 یریلیور . کتابچیملر ، مؤلفلر اثرلرینک او قومندیغندن
 شکایتلر ایدیورلر ، بونی ده وەلوسپید ماکنه سنک تعمم
 وانتشارندن منبعث اولدیغنی سویلیورلر . طوغری ،
 او قومغه وقت نروده بولنه جق . اله کچن وقت وەلوسپیده

صرف اولیور. قادیانلار، خصوصاً اورقیق الحس نسوان
رومان او قومغه شمدی یه قدر پک منه مک ایدی .
شمدی ده روماندن بوس بتون واز کچمشلردر . لکن
ییسقلت ، بوقعلی رومان ، خیالی روماندن زیاده فکرلری
تسخیر ایدیور ، اولنرده وولوسپیده بینمکده ارککاره
عادتا رقابت ایدیور . آتیا وولوسپیدلرک نه مرتبه اتشار
ایده جکنی ، ساحه وسیعه مدنیته کونک برنده اسب چار
پایه بدل ، رخس دو پای آهننک واسعه مشی و حرکت
اوله جغنی تعین ایده بیلیمک ایچون پارسک موقفلری ،
استاسیونلری استیلا ایدن بوکومه کومه ماکنه لری کور-
ملی ، دیزی دیزی وولوسپیدلری تماشا ایتلی . عادتا « سن
لازار استاسیونی ایلك ناظره بر وولوسپید مشهری
منظره سنی ارانه ایدیور . کوچکلی بیوکلی هر جنسدن
بولیور .

§ یاقینده پارسده برکدی سرکسی کشاد اولنه جق .
نباتات باغچه سی بوکا مشهر اوله جق . شمدی یه قدر بویله
برسرکنک کشاد ایدلیکی یوق ایدی . هیئت مجموعه سنک
تماشا کرانه غرابت بخش اوله جعی ظاهر در . یومشاق
آیاقلی ، پارلاق کوزلی ، اوزون بیقلی بیکلرجه کدینک برر
پلنک نمونه سی کبی موضوع ساحه تشهر اولدقلری

کورمك نه غريب منظره ! هر غرابتي بر عادت صره سته
 كچيرن پارسليمر بونی ده احتمالات عدادینه داخل ایتدی ،
 بر امر طبیعی عد اولنغه باشلادی . هر شیئك سرکیسی
 اولسون ، مشهری ترتیب ایدلسون ده نچون کدی مشهری
 اولسون ؟ ایشه اوده یاپیله حق . بونی یازار ایکن کدیله
 فرط تمایلله معروف اولان (ته توفیل — غوتیه) نك
 « پلنكك نواز شیباب دست بشر اوله بيلمسیچون جناب
 حق کدی بی انسانه احسان ایتدی » سوزی وارد خاطر
 اولدی .

§ پارسك موده مراقیلری بیننده ایشه بر مسئله ده .
 تکمیل قوستوم تلبس ایدنلرک سوقاقدہ یورودکلری زمان
 پانطالونلرینک پاچهلرینی بوکملرینه موده اربابنجه مساعده
 وارمیدر ؟ ارباب خبره دن بعضیسی بوکا جواز ویرمامشیر
 بعضلری ده صباحلین بوکیلوب اقشام بوککک جائز اولمیه حنی
 فکرینی بیان ایتمشیر .

موده ده ده نلر کورپله جک !

« پارسده چار . — تداركات — جنوه ده كى قونفره . .
 غطرى ال اوزونافى . . . عدم مسئوليت . . . (بون مارشه)
 مفازهلرنده سرقت . . . محكوميت . . . (برانژه) قانونى . . .
 نيك نام . . . مادر بخطا . . . لطافت وعصمت قانونيه . . .
 وه لوسپيد كثرى ، تعب فكرى . . . قلت مطالعه . . . بشريتك
 خسارى . . . »

چار حضر تلى پارسه كليور . كيفيت بو سبتون
 تحقق ايتدى . . . ايكنجى نيقولافرنجى تشرين اولك
 بشنجى كوني (شربورغ) لياينه اينيور ، التجبى كوني
 پارسه كيوريور . خلاف واقع بعض قيل وقاله رغماً بو
 سياحتده چاريچده قوجه سنه رفاقت ايله يور . آرتق
 رسمى ، غيررسمى بوتون پارس اركانى ، هيئتى ، اهاليسى
 بو حكمدار متفق آلايشلرله ، طنطله لرله قبوله حاضرلا .
 ميور . هر طرفدن شنلكلر ترتيب اولونيور . . موسيقيلر ،
 اويونلر ، اكلنجىلر تدارك ايديليور . . برهريج مرج
 شادمانيدر ، كيديور . . فرانسزلر مسافر پروردور .
 با خصوص مسافر بويله بيوك ، بويله غرور نواز

اولورسه .. هله بوسفر آرایه روسیه ، فرانسه اتفاتی ده
کیریور ..

فرانسه — روسیه اتفاتی ! نه غریب حالدرکه هر
فرستده ، هر زمینده بوخلقه ارئه اولونیور ، طورییور .
شاعرلر ، رساملر ، ادیبلر ، مورخلر ، محررلر
جهان بوکا خدمت ایدیور .. بومقصده خادم نه شعرلر ،
نه لوحلر ، نه حکایه لر کشف ولوح ایلدی !. آنلردن
صرف نظر تاریخک اعماق خفایاسنه ال اوزادیلهرق
بو وفاق مؤید نه فقره لر ، نه خاطرلر حیقهارلدی ! .
اون سکزنجی عصر میلادی اواسطده اون بشنجی
(لوئی) هنوز برصبی ، (دوق دورئان) نائب حکومت
ایکن بیوک (پترو) پارسه کیور .. دها ایلیک ملاقاتده
قرالی قوجاغنه آلیور ، اوپیور .. ایشته روایت حاضره یه
کوره اتفاق واقعک مبدأ انعقادی شو بوسه اولیور .

فی الحقیقه بیوک (پترو) اوزمان فرانسه یی درحال
متفق ایدینه میور ، مایوساً دونیور .. نه مه کرک ...
مورخلر بویله دیورلر ! برتمل وضع ایدیور ، بوفکری
اورنایه قویور ، بوتخمی اکیور یا ... ایشته شو ثمره
آندندر .. ینه بوعصرده اون انتیجی (لوئی) نک
زمانده چارویچ (پول) — بالاخره ایمپراطور برنجی

(پول) .. او وقت شمال قوتی — قاریسیله برابرینه
پارسیلارک مسافری اولیور .. قرالی برپارچه صغوق
بولیور . فقط بشیکده کی اون یدنجی (لوتی) یی اشتیاق
ایله در آغوش ایله یور .. بعده چوجق بویونجه بو
خاطره نی یاده کتیر مسنی ده سود ننه دن رجا ایدیور ..
ایشته بوبوسه ده فرانسه — رسیه اتفاقی ایکنجی برتختیم
اولیور . بوامل شوکھواره ده طوغیور . چونکه (پول)
نوزادی اوپر ، قوجاقلارکن بو استقبالی دوشونیور ، بو
امیده صار یلیور مش .. ایمراطورده ، اون یدنجی
(لوتی) ده بوبهاردن بر غنجه ، بو آغاجدن بر میوه بیله
دوشیر مکسزین سونیور ، نهان اولیور ییور لر .. لکن
— ینه مورخلرک دیدیکی کچی — نه مه کرک .. اومیوه ،
غنجه ، امید ، امل بر کره بر زمین بولدی یا ، فیض
آلیور .. ایکنجی (آلکساندر) اوچنجی (ناپولئون) ی
زیارت ایله یور اما بوندن پک ثمره چیقما یور . امور
داخایه نی تعقیب ایدن محاربه بو خاطره نی اونوتدیریور .
نهایت اوچنجی (آلکساندر) اتفاق واقعی ذروه کالنه
ایردیریور . پارسه کله یور سه ده ایش کوریور . آمیرال
(آولهان) ی کوندیریور . سورکلی شنلکله میدان
ویریور . (قرونشتاد) ده آمیرال (ژروه) ی قبول

ایدیور . ایکی مملکت آره سنده صمیمی برسیاله مصافات
وجوده کتیریور . اوتار یخدن بری دیلارده ، کوکلرده
بونلر یر طوتیور . اوغلی ایکنجی (نیقولا) ایسه ،
ایشته بوجریانه نابع اولیور . اصابت ایدیور . سیاسیات
عالمده ؛ امور مالیه ده ، استقرضاتده ، سائرده بو
موانستلردن روسیه نك چكه چكى منافع بر طرفه طورسون
شمدی به قدر فرانسه پك آز مسافرلر ایچون بو قدر
تداركات اختیار ایتمش اولسه كرك . (شربورغ) لیاننده
آمیرال (ژروم) نك قومانداسی آاتنده بیوك بر دونما
جمع ایدلدی . فرانسه نك هر جهتدن ، چارك اوكنه
كچید رسمی ایچون ، عسکر ، اردو جلبنه باشلانیدی .
یولار ، اسناسیونلر یكیدن نفریش ، مبانی امیریہ تعمیر
اولوندی . چار پارسدن كچر كن بر احتشام عالمده
یوزمك ، بیوكدن ، كوچكدن خاطر وخیاله كلز آثار
شوق وشادمانی كورمكدر . بونلری ده صیره سی كلنجه
كونی كونه (اقدام) ه نقل ایدر ، شمديلك بوتفصیلات
ایله اکتفا ایلرز .

*

* *

جنوه دن اخیراً تشكّل ایدن قونغره نك مذاكرات
و مقرراتنه هیچ عطف نظر دقت بیوردیكزمی ؟ نه غریب

مسائلدن باحث ایدی . اے صوک مسئله که فطری ، جلی
ال اوزونلغنی ، خرسزلنی مدار بحث ایدیوردی ، بر
لظه تدقیقه شایسته در . کبار بر قالدین کوریورسکیز .
زنکین ، رفاهیت ایچنده ، همان هیج برشینه احتیاجی
یوق . برکون (بون مارشه) مغازه لری کی بر مغازه یه
کیدییور ، دخول سربست اولدینی ایچون ایچری کیریور ،
کزییور . امتعه واشیای متنوعیه دائر سرکیلر کوریور ،
بونلری قارشیدیریور ، سوزییور ، دیرکن بر آراق
همان بر سوق طبعی ایلر بر ایپٹ مندیله یا بر باشقه متاعه
ال اوزاتیور . لکن قاپودن چیقارکن اوتهدن بری وقعیه یی
اوزاقدن اوزاغه سیر ایدن مبصرک اشارت ودالاتیله
یاقه یی الہ ویریور .

— خانم طور یکز . . مدیرک او طه سنه بیور یکز . .
جیکزده کی مندیلی ، متاعی چیقاریکز . .
سرقت ثابت اولدی . . یا اواشناده لزومنه کوره آز ،
چوق بر جزای نقدی آللهرق سارق براقیایور ، یا خود
محکمه یه ویریایور . (جنوه) قونفره سنه کوره بوفعلده
مسئولیت یوق . . سرقت بلا اختیار اولیور . . بو بر سوق
فطریدر . . قباحت مغازه صاحب لرینک درکه اولیله امتعه
واشیای متنوعیه یی عمومک نظر حرص وطمعنه کیف

مايشاء عرض ایدیورلر .. بویله ضعفانك علاندن استفاده
ایله یورلر . بری طرفده اوچ کوندن بری آغزینه بر لقمه
اکمک صوقایان برفقیر ، برسفیل ، بر بدبخت ده بر اکمکچی
دکاننك اوکندن کچرکن همان سوق فطری ایله سرقرته ال
اوزاتما یورمی ؟ بو ایکی فعل آره سنده برفرق وارسه
شبه یوق ، که اوده بوسفیلک لهنه در ، علیه دکل ...
بنجه بر یکی اوته کندن هیچ بر زمان دها چوق مسئؤل
عد ایدیه مز ..

نه ایسه کچن کون بویولده بر سارقه نك محاکمه سی
اوایوردی .. قادین بیوک بر عالیه منسوب اولسه
کرکدرکه بر درلو اسمنی ، هویتنی ویرمک ایسته مه یوردی .
رئیس چوق زورلادی .. — « خام ، هویتکی سویله ..
(بهر انژه) قانونندن استفاده ایدرسك .. » ممکن دکل .
نهایت محکمه بو غریب ، بو مجهول خرسزی اوچ آیه
محکوم ایتدی .. بوقاری کیمدر ، ندر ؛ نره دن کلیور ؟
بر درلو بیلینه مدی . (بهر انژه) قانونی : لطیفدر ..
ذاتاً (بر اثره) نامنده بر لطافت واردر . بو اسمی اول
شععه لاندیران بو عصرک عوامجه اک بیوک بر شاعری ،
بر داستان نویسیدر . ۱۸۱۰ دن ۱۸۴۰ ه قدر
(بر انژه) نك شرقیلری آذان عالمی طولیدردی . نقط

ایماندن (بر اثره) کوچك ، خير آميز بر قانون بندي ايله
 سلف همنامی همان کولیکده براقق ، « اکر مقصود اثرسه
 مصرع برجسته کافیدر » قول مشهورینه بر دلیل معکوس
 کوسترمک اوزره در . بو (بر اثره) ایماندن اخلاق
 حسنه صاحبی بر بیر مزیتمیردر . . توجه عامه بی
 استخفاف ايله بر قاچ سنه اول الواح و تصاویر پرده
 پیروانانک نظرگاه عمومه وضعی منع ایچونینه بر قانون
 یاپدی ، هر جهتمدن اعتراضه ، اوغرا دی . . فقط آد مجزک
 امورنده می ! . استقبال اشل خیر کدر . . حقیقت ، باشقه
 اثره هیچ احتیاج یوق . . شو ایکی قانون بندي ایچون
 (بر اثره) نامی الی الابد حرمتله بنامدر . ایکی کون اول
 جریان ایدن شو محاکمه یه عطف نظر امعان بیوریکز :
 بر بچاره ، بر کوزل خدمتچی قیز بر کنجک تیغ
 اغفال و هتکنه اوغرار بر چوجق صاحبی اولور . . فقط
 نه یاپسون . . بونازی بسله یه میور . بونوزادی ناصل
 بسله سون . . بابا دن ، هیپات ، هیچ امید یوق . .
 یراقدی ، کیتدی . . محکمه یه مراجعت ایدمن ایتسه ده
 حکمی اولاماز . . بر کون طفل نا طاعنی آلیر ، پارسک
 ایصنر بر گوشه سنه ، یعنی قدیم دیوان محاسبات خرابه -
 لرینه کوتوریر . براقیر کن یاقه بی اله ویریر ، پنجه ضابطه یه

دوشر .. ايشته بوجرمده قانون شمدي ميدانه چيقدی .
 « ايصمى ومنزوى برکوشيه ترك اطفال ايدن مادرلر اوچ
 آيدن ايکى سنه يه قدر ... » آه فقط اک بيوک مسئؤل بر
 قيزجغزى اغفل ايدرك باشنه شوبارى يوکله تنك دکلدر ؟
 اوت زنه ار بو جهتي قاله آلاملى .. بيهوده بر تحريك
 عداوتدن باشقه ايشه ياراماز . قلاکتى چکن چوجقه
 مادر بخطا در .. پدرک چونکه وظيفه سنده دکل .. بو
 طرفدن فعل مکروه ومستکرهنى يتيرير ، جرمى جنايتى
 ايشلر ايشله مز .. صاللانہ صاللانہ سربست سربست او
 بر طرفه کچر ، ينه عينى سيئه يه باشلار . بو برحقسنرلقدرد ،
 برظالمدر . قيزجغز قات قات مظلومدر .. بو خصوصى
 هرکس کي ارکان محکمه ده بيليور .. فقط نه ياپيله بيلير ،
 حکم شئرن ايجاب مشيت بويله ايسته يور . قانون ميدانده
 طور ييور .. اوچ آيدن ايکى سنه يه قدر بر جزا ويرمک
 لابددر ، ضرور يدر . برکت ويرسون که بوانصافسنرايى
 تعديل ايچون الله (برائزه) قانونى وار .. ايشته لطافت
 وعصمت قانونيه بوکا ديرلر که حين حاجتده معصوملرک
 امدادينه يتشير .. بو قيزجغز ينه اوچ آيه محکوم اولور ..
 چاره يوق . آنجق (براثره) قانوننک تطيقيه محکوم
 اولور .. يعنى جزا موقع اجرايه قونماز .. محکومک

تپه‌سندہ معلق طور پر . شاید جرم تکرر ایدرسہ ایفا
اولونور . . ایتمزسہ زمین عفو ونسیانہ گیر . . نیجہ
عصمتاری شو لطیف قانون سقوطن دن محافظہ ایتمش ،
بشریتہ خدمت ایله مشدر . مصرع برجستہ دن نہ چیتار . .
از بویله اولمی . . انسان بویله نیک نام براقلی . . دگلی ؟

*

* *

وہلوسید وہلوسید ! بودورک اک بیوک علامتی
وہلوسیددر . پارس خلقنی اکثریتلہ قاووران بومراق
بوحر صدر . ہلہ شو تعطیل زمانی سوقاقلردہ وہلوسید
سواراندن کچلمز . . شمندوفر استاسیونلری وہلوسید-
لرلہ مالامالدر . . وہلوسیدینی قاپان صیفیہلرہ طاغیلیور . .
قادین ، ارکک ، قیز ، اوغلان تومن تومن وہلوسید
سواران . . ہلہ البسہ رنگ رنگ ، چشید چشید . .
ارکک قیافتندہ قادینلر . . جانباز کی ارککلر . بعضاً بر
وہلوسیددہ صرہ صرہ ایکی ، اوچ ، درت ، بش حتی
آتی کشی وار . بویله لرینہ (ناندوم) دیورلر . باشدہ
برارکک ، ایکنجی برقادین . . اوچنجی ارکک طبقی طورنا
قطاری کی دیزیلیور . فقط یلدریم کی سوزیلیور ،
کیورلر .

وہلوسیدک خدمتی نہ در بر مراقی ، برہوسی

اوقشامقدر . تجربه مه کوره بویله در . بوکا مقابل مضرتنه
ایسه حد و حساب یوق . اولاه وه لوسپید اوستیده هیچ
برایش کورولمز ، اوقونماز ، یازلماز . حتی جدی بر تفکره
بیله قویولونماز . بونکله برابر ذهن یورولور . طبقی
ساعتلرجه عملیات فکریه ده بولونمش کبی یورولور . بو
هفته بر مجموعه فنیه ده اطباءدن بری بویله سویله یور .
بونکله برابر وه لوسپید انسانه تبدیل طبیعت ایتدیریور .
ساکن ، حلیم بر شخص وه لوسپید سوار اولونجه شدید ،
عکسی اولیویریور . یوجیلره درشت معامله ایدیور .
بر سکوتی ایسه وه لوسپیده بیننجه چکلمز بر کوه زهیه
دونیور ، هم قوشیور ، هم سویله نیور .

بویله ایکن خلقده بو آله شو ابتلا نه در ؟ فکرجه
(توالستوی) نک دیدیکی کبی بشریت قرنلردن ، عصرلردن
بری تدقیقات معنویه ایله ، تفکرات ایله اوغراشدی ،
طوردی آرتق بو جهتجه غنا کلدی . . برازده مادیانه
صامق ، دوشونجه دن ، تفکردن خالی اولمق ایسته یور .
اما کتابجیلر شکایت ایدیور . کتابلر کیتدکجه صاتلماز
اولیورمش . کیمک وظیفه سنده ؟ .. شمدی فکریرینه
هرکس بر آفاق ، بر بدن تحریکله مشغولدر . اولدن مینی
مینی خانملر ، نازنینلر وقت خالیلرینی کوزل کوزل

حکایه‌ها ، شعرها و قوم‌نمونه‌ها کپی‌ریخته شدند . شمدی بو
 خصوصاً ده‌ها مفرح ، ده‌ها خوش
 بولیورلر . مشهور بر وکیل دعاوی کچن کون دیور-
 دی که : هفته‌ده بر بوش کونم واردی . بو کونی کتاب
 او قوم‌نمونه حصر ایدیوردم . . ده‌لوسپید میدان چیقالی
 بو مطالعه‌یه هیچ وقتم اولمایور . بزم کتابچی شکایت
 ایدیور . طور یور .

ده‌لوسپید ابتلا سندن مشتکیلر یالکاز کتابجیلر دکل .
 ترزیلرده مشتکی . . بر ده‌لوسپید سوار ایچون اثوابدن
 قولای نه وار . . قیصه‌جق بر جاکت ، بر پانطلون . .
 بویله بر طاقی اصهار لامغه بیله حاجت یوق . . هانکی
 مغازه‌یه کیدلسه اک اوجوز فیئات ایله بونلرک اک کوزلی
 بولنور . جدی بر ده‌لوسپید سوار ایچون ایسه باشقه درلو
 اثواب کیمکه پک آز وقت قالیر . .

ده‌لوسپیددن بر شکایت ده‌ها که قادی‌نلره مخصوص
 اولمقله برابر تأثیر مدهشی حس‌بیله او بر لرینی کو لکده
 براقیور . . فرانسه بر زماندن بری قلت نسلدن ، فقدان
 ذریتدن شکوی ایله یور ، هر طرفدن اقوام سائریه
 نسبتله انسانمز آزالیور دیه باغیریورلر . بوکا بکارلغک
 کثرتی ، معیشتک ضیق و شدتی کبی بر چوق سبیلر وار .

كنجلك اكثرىسى اولمز اولدى. اك بيوك عائله ئر ثروتى
 اقسامه دوشورمه مك ايچون بر ، نهايت ايكي دن زياده
 چوجق ايسته ميورلر.. نه ايسه، فرانسه يي تلاشه دوشورن
 بو مسئله نك وخامتنه وه لوسپيدده يارديم ايتمكه باشلادى .
 كيجه ، كوندوز بو آلتله دولاشان قيزلر ، قادينلر قيصر
 اوليور ، چوجق طوغورميور . نه سويله نيرسه سويله -
 نسون ، باغيراسون ، چاغيرلسون .. بو خالق شوابتلادن
 منع ايتمك محالدر . بو محالى آ كلامق ايچون بر بازار كوني
 پارس جوارنده بر شهرا هك باشنه كچملى طورملى ...
 اكابردن ، اعاديدن ، زنكيدن ، فقيردن ، كوچكدن ،
 بيوكدن ، اركاك ، قادين فوج فوج سرعتله كچن ،
 سوكلون كچي -وزولان وه لوسپيد سوارلري كورملى .
 بونلرك شو عملياتدن حس ايتدكلري شوق ييسودى
 سيمالرنده حيرتله تماشا ايتملى . انسان بويله تماشا لردن
 صوكره بهت ايچنه دوشيور دوشيورده ندر ، نه اوليور ،
 نره كيديورز ديه زمين وسمايه ، صاغه صوله ملول
 ملول باقيور ...

چارك پارسى زيارتى — بيوك اوپرا ده قومەدى فرانسەزده ،
انجمن داننده ، بر خاطره ، بيوك پترو واعضاي انجمن —
پارسده نهنيور ، بر فرانغه يك ، آت اتى ، اشك اتى ، قاطراتى
مأكولات بازاري ، اصول تفتيش ، حيله لر ، — قادين
مكتوبلرى مؤلفك بر نزاکتى ، يكي بر اثرى ، (ويكتور هوغو)
ايچون بر هيكل ، بوكا قارشيلق اولارق شاعرك مخابراتى ،
مكتوبلرى ، انواعى ، (هانرى دور يئان) ك (تونكن) دن
هندستان سياحتنامه مى .

چار حضر تلرينك زيارتى پارسى باشدن باشه ، كو
چكدن بيوكه ، چوجقدن اختياره قدر هپ اشغال ايله يور .
بو زيارتك جدولى ، پروغرامى نشر اولوندى . دقيقه سى
دقيقه سنه طولو ، معين اوچ كون . . بودقيقه لرك تفصيلاتى
زمانى زمانه اقدامه نقل ايلرز . . شمدي شو جدولده
اوچ نقطه واركه بالخاصه شايان تفسيردر .

اولا (بيوك اوپرا) . . پارسك اك يوجه تزيينانندن
لطائفندن بر يدر ، اك دلارا بر موقعده كائندر . بيوك
جادم لرك تاجانكاهنده در . خارجدن بر كاشانه يه ، بر كاشانه
طرب وصفايه بكزر . . داخلدن يكي يولده بر بهشت

آبادی آندیریر . آویزملر ، تصویرلر ، شـعـشـعـلر نظری
 پرتولره غرق ایلر . برده بولطافت نظریه یه اویون ،
 موسیقی انضمام ایدنجه انسان مست اولور ، مست حظوظ
 اولور . بوعالمده میدر ، باشقه بوعالمده میدر ، برمدت
 کسیره مز . بوتماشا ایله قلباً عیناً ، تکرار ایجه طولقدن
 صوکره بنانك بالقوننه چیقارده (اوپرا) جاده سنك
 شـعـشـعـ سنه ، های هوی شطارتنه باقار طالارسه آهنگ ،
 تنزه ، صفا بومملکته ناصل آوازده احتیاج وسفالتی ستر
 ایدیور ، کولکده بر اقیور آکلار . . وقتیه رفقادر
 بری « پارسه کیتدکی ، بیوک اوپرانك بالقونندن کیجه
 اوپرا جاده سنی سیر ایتدکی ، اتمه دکسه یازیق . . چونکه
 بوشهر شـعـشـعـه داری آکلامادك طانیمادك دیمکدر » دیور -
 دی . یالکز بر طرفدن باقیلیر ایسه طوغری ، مع مافیه
 تحف سوز . طبقی بر جهندن باقنجه تام ، او بر یاندن
 کورنجه ناقص کورونن معهود ماسکه لر کی ، او قدر تحف
 برسوز .

لکن بومناظری چارک اثنای زیارتنده کورملی
 اوپرای داخلدن ، خارجدن ، بالقوندن ، صحنه دن اوزمان
 تماشا ایتلی . . جاده لر شـعـشـعـه جه قمرانیور ، تزینات ،
 شویله بر طرفه طور نسون ، روح ماده یه ، اساس منظره یه

باقکر .. اولاً تکمیل اویونجیلر ، بسته کارلر ، صنعتکارلر
 هپ بر آغزدن روسلرک شرق ملیسنی آغنی به قویوایورلر .
 بو آهنگ ، بو طرب قدر دافریب نه اولاییلر ؟ دنیانک
 اک کوزل سسلیلرندن مرکب بر هیئت ینه اک کوزل بر
 اصول ایله نغمه ساز اولسون .

ثانیاً (سن سان) دن بر افتتاح ، بر لطیف پارچه ،
 بو ذات فرانسه نک حالا اک بیروک موسیقی شناسیدر که
 کچنلرده موسیقی ایله لاتیجی سنه آشنا آغنی بر دائره
 مخصوصه ده شوق و شطارت ایچنده اعلان ایتدی .
 بوندن الی سنه اول هنوز اون یاشنده چوجق ایکن بو
 موسیقی شناس ینه اودا ئرده پیانونک باشنه کچرک
 آهنگ رنکیزله سامعینی بویله جه شاد ایتمش .

ثالثاً : (رهیر) ک (سیکور) ندن ایکنجی پارچه که
 مدام (روزقارون) ، موسیو (آواره) و (رهنو) کبی
 اک ماهر مغنیلر طرفدن انشاد اولونیور .

حاصلی بیوک اوپرا چارک بر یحق ساعتی بویله نفائس
 ایچنده اشغال ایله یور . شایان دقتدر : بوتماشا کاهده
 اکثریا موسیقی شناسان اجانبندن ، ایتالیادن ، آلمانیادن ،
 آوستریادن ، بالخاصه (واغزدن) پارچهلر بولونوردی .
 بوسفر آنلر دن اثر یوق . منظره باشدن اشاغی فرانسه

و فرانسز محصولی . . بوندن سوکره چار حضرتلری
ایچون (قومه دی فرانسه ز) ده برتماشا احضار اولونیور .
طبیعی چار حضرتلرینه فرانسه نك اك بيوك تياتروسنی
كوسترمك لازمدی . بوساحده ايسه اولامدير (ژول
قلارتي) طرفندن تنظيم اولنش بر تكميرنامه يي
اويونچيلردن (مونه سوللی) انشاد ايليه جقدر (مونه
سوللی) فرانسه نك حالا همان اك بيوك اويونچيسي ،
(قومه دی فرانسه ز) ك اك قديم بر خادميدر . ثانياً
(آلفره ددوموسه) دن (برهواوهوس) عنوانی اويون
اوينانه جقدر . بر پرده دن عبارت آثار مختصره صيره -
سنده بوندن لطيف اثر اولماز . ذاتاً (موسه) طبعنده ،
فطرتنده شاعر بو عصرده نادر دكيدر ؟ ثالثاً (قورنه ی) ك
(سيد) ندن مبارزه فصلی ينه (مونه سوللی) طرفندن
تقریر اولنه جقدر . رابعاً ده (مولیه ر) ك بيلكيچ
قادينلری موقع تماشايه قونه جقدر .

ايشته فرانسه ادبياتنك ، تياتروسنك برزبدۀ لطائف !
بو قدر مختصر بر مدت ایچون بوندن كزیده بر انتخاب
قابلمی ؟

بوزيارت جدولنده برده انجمن دانش وار . چار
حضرتلری اثر قدیمه اقتفا ايله بوهيئت علمایی ، كورمك

ایستادی . اوپله یا ، بونلر فرانسه نك الك بیوك علماسی
 دیمکدر . تماشاچه دکر .. بوانجمن دانشك مختلف اجتماعی
 واردر . کاه یازمقله توکنمک بیلمین برقاموس کیرمه
 چالیشمق ایچون طوپلانیر کاه انتخاب وقبول اعضا ایله
 اوغراشیر .. کاه تدقیقات علمیه ، آناز منتشره حقنده
 تعیین و توزیع مکافاتیه حصر وقت ایدر . چارک یوم
 زیارتنده برنجی نوع اجتماع واقع اولیور . بوجلسه
 مشهوره نك ریاستی اعضانك الك قدیمی ، یعنی (ارسته له
 غووه) ایفا ایدیور . کچن کونکی انتخاب بویله نتیجه
 ویردی . چونکه انجمنده رئیس لر اوچ آیدن اوچ آیه
 تبدل ایدر . (لهغووه) ۱۸۰۷ ده طوغمش برپیرایدی ،
 ۱۸۵۶ ده انجمنه داخل اولدی . محرردر حکایه
 نویسدر . تیاترو مؤلفیدر . خواجهدر اخلاق یوندندر .
 فقط بنجه الك مشهور اثری ، الك بیوك همتی « تاریخ معنوی
 نساء » عنواننده کی تألیفیدر . بوکتاب مؤلفک بومبحثه
 دائر محصول تدریساتیدر . فقط بونجه سنه لردن بری
 ایدی تجیلده طولاشیور ، طور بیور .

حقوق نسوانی مدافعه یازلمش اثرلر میاننده بوندن
 بلیغی ، مکملی هنوز یوق .

(لهغووه) نك بوجلسه مشهورده ریاسته کچیرلمسی

یاشنه حرمة در . اولاً رئیس چار حضر تترینه خطاباً بر
 نطق شکران ایراد ایده جقدر . ثانیاً اعضادن برشاعر
 شهیر ، (قویه) موقعه ، حاله مناسب کوچک بر منظومه
 او قویه جقدر . ثالثاً ینه اعضادن (قونت دوسونویل) بیوک
 پترویه دائر یازدینی اثری ایکنجی نیقولایه تحفه و تقدیم
 ایله یه جقدر . بوندن صوکره ارکان انجمن بر معتاد
 قاموس کبیر ایله مشغول اولاجقدر . چار بر مدت بو
 اشتغالی کوردکدن صوکره هیئته وداع ایله دیشاری
 حقیقه جقدر .

روسیه چارلریله فرانسه انجمن دانشی آراسنده بر
 مناسبت قدیمه وار . . بوده تا بیوک پترودن باشلا یور .
 وقتیه بو ایمپراطور فرانسه یه کلدیکی زمان بو هیئت
 علمایی ده زیارت ایتمش ، حتی او زمان مذاکراته بیله
 قاریشمش ، انجمنده موجود بولنان روسیه خریطه سنک
 بعض یا کلش نقطه لرینی تصحیح ایله مش . مثلاً بحر حزرده
 برچوق خطالر وارمش . . بوفضلنه ، بوهمته قارشی بر
 جمیه اولمق اوزره انجمن دانشده بالآخره جاری فخری
 بر نوع اعضای فوق العاده کبی عد ایله مش . ایسته بو
 خاطره درکه روس اکابرینی فرانسه یی هر زیارته انجمن
 دانشه طوغری سوق ایله یور . کچن سنه غراندوقلردن

بری ایله پرنس (لوبانوف) ده بویله یامشدی . حتی
 بو بریکی انجمنك قاموس کبیر ایله اشتغالی پک مفید و پک
 اکلنجه لی بولمشدی . باقه لم ایکنجی (نیقولا) حضر تله -
 ینک بوبابده کی - کمی ، حسی ناصل اولور . غرتله ردن
 بری دیورکه : ایمپراطورک شوز یارتی عمومزک ذهنتی
 چلیدی . برکشمکش ، بر قارغاشه اقدر کیدیور . آنجق
 انجمن دانش اعضاسی اعتدال دمدن آیرلما یورلر .

*

* *

پارسده یمک بجئی جدآ مسئله حیاتدر . آیده
 یوزلرجه بیکلرجه فرانقلرله کچینلر باشلرینی قورتایرلر
 فقط بومقداری بولامایانلر ، هر یمک ایچون بش
 غروشدن زیاده صرف ایده مه یینلر بلایه زور دایانیرلر .
 فی الحقیقه ظاهر حاله کوره هر طرفده فوج فوج لوقاظه لر
 واردرکه بر فرانغه مکمل بریمک ویریرلر .. یعنی قوجه
 برا مک ، بر شراب ، ایکی ات ، بر سبزه ، بر یمش ..
 اعلا بر سفره دیمک . فقط بویمکی انسان یمسده آچاغه
 باشقه درلو طایانسه دهایی اولور . صحتی دهاکوزل
 محافظه ایدر . چونکه شو پاتاش اونندن اکمک بر طرفه
 قونورسه کری قالانلر غدا دکل ، بلا در . شراب
 صرف اسپرتودر . انسانی دلی ایدر . زهرلر ، حتی

اولدیریر . فقط هیچ بسله مز . اتلره کلنجه آت ،
 اشك ، قاطر اتلری . . بومزاحمه طایانیر معده وارسه
 عشق اولسون . پارسده آتله یولده کیدرکن دوشر ،
 سقط اولور ، اولورلر ، ایسته لوقانطه لر بونلردن سرمایہ
 ایدینیر . سبزه ، یینیر ، یمش ایسه صرف سوپروندیدر .
 سز بونلری اشته ایلہ کیریر ، آیقہلار ، طوریرکن
 لوقانطه نك دستکاهنده کی قادین سزی حیرتله سوزر ،
 تماشا ایدر طوریر . . لوقانطه جینک بونده هیچ صنعی
 یوق ، قباحت مشترینک ، یاخود ضرورتک ، درد
 معیشتکدر . چونکه بو قدر یمک قابل اکل مواددن
 اوله بیلیمک ایچون بش غروش دکل ، یکر می غروش
 ایستر . .

حکومت بو تهلهکه لرك ممکن مرتبه اوکنی آلمق
 ایچون ما کولات بازارلرینی هر صباح شو یله بر نظره
 تفتیشدن کچیریور ، اتلرده ، سبزه لرده وسائرده مواد
 مضره و متعفنہ وارسه بونلری ابطال ایلہ یور . بالفرض
 آنلرك اوزرینه غازیانی دوکیور . صوکره بونوع مادهلر
 آنحق کو بره اولارق باغچوانلره ساتیلہ بیایور . فقط
 جهانده هر شیئه فساد قاریشدینی کی بوکاده قاریشیور .
 اخیراً بالخاصه شاگردانک بولندینی محلهلرده لوقانطه لر

بوچشید مواد ما کوله یه انتشارگاه اولدی ده مشتریلردن
برچونگی خسته لاندی . لوقانطه جیلر باغچه لره س-وق
اولونان بوکوبرملری اصولجه حق ساتون آلیرلر ، یولدن
چویریرلر ، دکانلرینه کتیریرلر .

بو ماده لر ده کی غاز قوقوسنی عجبا مشتریلر حس
ایتمه دیمی ؟ یا خود ما مورلر وظیفه لرینی ای ایضا
ایتمه دیلرمی ؟ یوقسه ما کولاتی تمامیه غازلامدیلرمی ؟ هر نه
اولورسه اولسون ، تمدنک بو وجهه مشئومی انسانی
دلگیر ایله یور . ایشته بدویتله مدنیت آره سنده کوچک
برموازنه ! بربدوی ساده خرما یر ، دوه سودی ابجر .
ینه صحت وسعادت ایچنده یاشار . بویله بر مدنی ایسه
یتیمش بش درلو ما کولاته قفسانی صوقارده صحت
وسعادتدن اثر بولاماز . ممالکتمزک هر گوشه سنده طاغ
کبی آدملر ، یکیتلر ، رنجبرلر کوریرز . عمرلرینی اکمله ،
پنیرله ، صوغان ایله کچیریرلر . مع مافیه ذره جه قوتدن
دوشمزلر . بوراده کی انسانلر بویله یاپسه لر چوق کچمز ،
او بر دنیا یه کوچرلر . مدنیتک برنجی علامتی توفیر
احتیاجاتدر . بوده عمومیت نظرندن دائمی فواید اولسه
بیله خصوصیتجه بویله دکل . . حاجاتک تکثری طبقه
ناسدن بر قسمنی ممنون ایلر . لکن اکثریتی اوزره

پارس ، لوندره ، عالم‌رینی ، بو عظمتی ، بودبدبیه‌نی ، بو
 فقری ، بو ضرورتی ، حاصلی بو‌های وهوی معیشتی
 کوردکجه قولانغده باشدن بانه برسوز چینلار : اوده :
 « التده قالانك وای حالنه » در . فی الحقیقه بوتمدن
 برکانلری یوکسکده کیلر ایچون ذوق ، صفا ، راحت .
 سعادت پوسکوریر اما آچاقده کیلری یاقار ، قاووریر .

*

اخیراً کتاب شکلنده نشر اولونان اثر عاجزاندمی ،
 (قادین مکتوبلری) نى برتشکرنامه ایله مؤلفه تقدیم
 ایتدمدی . کچن کون (مارسل پره‌وو) بکا کاتب
 خصوصیسینی کوندردی ، بعض التفاتلردن ، نوازشلردن
 باشقه قریباً نشری مقرر بولونان یکی بر حکایه‌سنی ،
 (بستان مخفی) یی ده لطفاً نظره نقدیریمه قویدیردی .


(بستان مخفی) کله جک تشرین ثانیدن اعتباراً
 (ره‌ووده‌پازی) ده قسم قسم انتشار ایدمجه‌در . اوته‌دن
 بری محافل ادبیه‌ده مدار بحث ایدیه کلن بواثر برطرز
 مجددانه یازلمش بر حکایه‌در . بوفرستدن استفاده ایله
 (مارسل پره‌وو) نك حیاتنه دائر کاتبدن بعض معلومات
 ایستدمدی . بوکون بکا مؤلفک مفصل بر ترجمه حالیه
 برده رسمنی کوندیریور . بونلردن اوزون اوزادییه

استفاده می آتی به تعلیق ایله شمديك شوراجقده بو محرر
ستوده مقاله دائر بر نبذه تفصيلاته کيريشيورم : (قادين
مکتوبلری مؤلفی ۱۸۶۲ تار یخنده طوغش ، ديمك
شمدي تقريباً اوتوز دوت ياشنده درکه دها کنج ديمکدر .
مکتب اعداديده ايکن خارق العاده برذکا کوستر .
ييور ، همان هر درسدن برنجی چيقيور . صوکره
(بوليتيقيق) مکتبه کير ييور . رياضيه دن يد طولا
صاحبی اوليور . بو مکتبدن خروجنده ولايتلارده کی
(رژی) فابريقه لرندن برينه مهندسلکه کير ييور ،
تا مکتب صيره لرنده ايکن یازی یازمغه باشلايور . يکرمی
ياشنده بللی باشلی بر محرر اوليور . يکرمی بش اوتوز
سنلرنده ايسه اک پارلاق ، اک بيوک اثرلری وجوده
کتير ييور . آرتق آندن صوکر مأمور يتدن استعفا ایله
بوسه بوتون محررلکه دوکيليور . حکایه نویسان زمان
ایچنده بو قدر چابوق ، بو قدر کنج پارلایان هیچ
خاطريمه کله يور . « بر معاشقك اعترافاتی » بوکون
عمومیتله مظهر تقدیر و تجیل اولمش بر اثر نفيسدر . بو
حکایه قلم حقیرانه مله ترکجه يه نقل اولونمش ايکن سعادت
غرته سنك تفرقه ستونلرنده پریشان قالدی . موافق بر
کسوء طبعه کیره مەدی . اوجهتی طالبریمز دوشونسون .

بوهفته نظر دقتمه (ویتنور هوغو) نك اخبارات
 ومكانباتنك ترجمه سنی جارپدی . شاعرك ستایشكارلرندن
 مركب برهیت بو اثری هر لسانه اولدیغی کبی ترجمه یه ده
 ترجمه ایتدیرمك ایسته یور . بومکتوبلر ایکی جلد طوتیور ،
 هنوز نشر اولونمادی طاقم طاقدر . برنجی طاقم صباوت
 مکتوبلریدرکه ایچلرندن بری شاعرك کینه سنی ، تذکره
 ولادتی محتویدر . (هوغو) ۱۸۱۵ ده اون اوچ یاشنده
 ایکن نشر آتاره باشلايخه بوقدر کنج اولدیغنه کیمسه
 اینانمایور ، تذکره ولادتی میدانه چیقارمق مجبوری
 بوندن ایلری کلیور . ایکنجی طاقم شاعرك پدر ووالده سنه
 کوندردیکی مکتوبلردر . اوچنجی طاقم ازدواجه دائر
 مباحثه واستشاره ومساعده مکاتیبیدر . دردنجی طاقم
 (هوغو) نك قاریسنه یازدیغی مکتوبلردرکه (ریمس)
 سیاحتندن ده باخشدردر . شاعر (ریمس) ه اونجی
 (شارل) ك رسم تتوجنده بولونمق اوزره کیدیور .
 ایلک دفعه اوله رق ده اوراده (لامارتین) ایله برابر بر
 نشان افتخاره مظهر اولیور . بشنجی طاقم انجمن دانش
 اعضاسندن (پاوی) یه یازلمش مکتوبلردن مرکبدر .
 التنجی طاقم مشهور (لامنه) یه یازیلان مکتوبلردر .
 یدنجی طاقم شاعرك تیاترولرینه دائر مکاتیبندن متشکلدر .

سکزنجی طاقم (هوغو) نك چو جقارینه یازدینی مکتو-
بلردر . طقوزنجی طاقم ده (سنت بوو) . کوندردیکی
مکانیدر .

(هوغو) نك شو مخا براتی بالجه السنه متمدنیه
ترجه اولنه رق نشر ایدلکدن سوکره بوندن حصوله
کان مبالغ ایله شاعره برهیکل رکز اولنق مقرر ایمش .
(ویتور هوغو) بو عصرک اک پارلاق دهاسندن
ذکاسندن بریدر . بونک ایچون شو مخا براتده بالطبع
غایت موجب استفاده جهتلر واردر . شو فرصتدن
استفاده ایله بونلری پی در پی لسانمزه نقل ایتسهک فایده
اولماز .



پارسلده روسیه و فرانسه شنلکاری ، صوك استحضارات ،
مناظر ، روسیه و فرانسه اتفاق ، منشأی ، مورخلر ، معارف
ناظری (رامبو) ، انجمن دانش اعضاسندن (آلبرسورل) ،
علوم سیاسیه مکتبی معلمیندن (آلبر واندال) .

دونکی مکتوبی پوسته یه ویر دکن صوکره نه
اولیور ، نهیتور کورمک ایچون (سن ژرمن) جاده سنی
طوته رق (شانزه لیزه) یه طوغری یوله قویولدم . فرا-
نسه نك خارجیه نظارتی ، روسیه سفارتی یعنی چار
وچاریچه نك مسافرة اینه جکلری محل بو طرفلرده
اولدینی ایچون دبده نك تزیناتك ده اك چوغی ینسه بو
جهتلرده ایدی . اولا چاده نك هر ایکی جابنه ، هراون ،
اون بش آدیم باشنه قوص قوجه برر صاری دیرك دیکلمش ،
بونلرك تپه سنه روسیه و فرانسه بایراقلری آصامشدی .
دها غربی : شو ستونلری رکز ایتك ایچون اعلا بوز
کبی قالدیرملری دلیور ، خرده خاش ایدیورلردی .
خانه لر فوج فوج بایراقلرله دونادلمشدی . بعض پنجرملرك ،

بالقونلرک اوستنده — کیرایه ویریلیر پنجره ، کرایه ویر-
 یلیر بالقون — دییه یازیلیدی . تحفی شوکه بو پنجره لری ،
 بالقونلری احتوا ایدن دائرملرک بالفرض اوچ ای ایچون
 ایجاری مثلاً سکنز یوز فرانق اولدینی حانده پنجره یا
 بالقون اوچ دوت کون ایچون بیک فرانغه زور استیجار
 اولنه بیلور ، دو شونملی . رغبت عامه حیات اقتصادیه ده
 نه بیوک یر طو تیور . (سن) نهرینک اوزرنده کی
 کوپر یلردن چارک کذرگاهنده بولونانلر یکی یکی الکتریق
 فنارلری ایله تزین ایدلمش ، هله (شاتزهایزه) اوکنده کی
 (قونقورد) میدانی . بومیدانک ستونی رنک رنک
 شعشعلره غرق اولونمش . . کیچه اولورده بونار هپ
 بردن پرتو آیرسه بهشت آرا بر منظره حصوله کلیر . .
 بودبدبه ، طنطنه هپ بویله دوام ایدیور . شهر آیینک
 بو مرتبه سنی پارس بلکه ایلمک دفعه کوریهور . بیوک
 اوپرانک اوکنده ملون الکتریق فنارلرندن ایکی طاق
 ظفر یاپالمش که بر صنع فوق الطبیعه یه بکزه یور . ینه بوراده
 بیوک بر بنانک دائراً مدار بالقونلری طبیعت غبطه ویریر
 صنعی چیچکلرله قوشادلمش ، بویله مناظر تعریفدن زیاده
 تماشا ایچوندور . اطناب مسئله موجب صداع اولور .
 بوفیه ضاتک ، بوتزیناتک ، بوشعشعلرک مصدری

روسیه و فرانسه اتفاقیدر . فرانسلرك بوسوك دورده
یتیشن اك بیوك مورخلری چوقدن بری روسیهی اوزون
اوزادییه تتبع ایله فرانسهیه اكلاتیور ، سودیریور -
لردی .

معارف ناظر لاحقی (رامبو) موسقوفلره دائر جلد
جلد اثرلر یازدی ، دفعات ایله روسیهیه سیاحت ایتدی .
بومملکتی کوکندن پیش مطالعهیه آلدی . کچن سنه بوزات
مجلس اعیانه کیرنجه کندی کندیعه : « ایسته روسیه و فرا-
نسه اتفاق قی کوندن کونه میدان آلیور ، بو اتفاقك
مروجلری امور اداره هپ ایلری کیدیور » دیدمدی .
بوملاحظه طوغری ایدی :

نیسانده هیئت حاضره وکلا تأسس ایدنجه برچوق
مزایاسندن ماعدا روسیهده خوش کورلیدیکی ، روسیه
و فرانسه اتفاقنه بالخاصه طرفدار اولدینی ایچون (هانوتو)
خارجیه نظارتنه آلدی . بوندن ماعدا ینه بو اتفاق قی تا
ابتدادن فکر آ ترتیب ایدنلردن ، حاضر لایانلردن مورخ
(رامبو) ده معارف ناظری نصب اولوندی . حاصلی
هیئته ممکن اولدینی قدر بویولده برلون ویرلدی . چارك
بارسی زیارت ملحوظه سنه برزمین حاضر لاندی . (رامبو)
فرانسز رجا لادن (ژول فری) نك مقریتندن ایدی .

(تونکن) لره ، (مادا غاشقار) لره کوز دیکيوردی .
 بوسياحت طوغریمیدر ایشته هنوز حل اولونامیان
 مشکلاتک بری ده بودر . بیوک بیوک آدمیر کوریرسکزکه
 بویولده فتوحاتک علیهنده بولایور . . بو حال فرانسه نی
 اوروپاچه ضعفه دوشوریور ، عسکرینی پاره سنی دیار
 بعیده یه سوق ایتدیریور ، وظیفه سنی اونوتدیریور
 دیورلر . . اخیراً (مادا غاشقار) ده اولدینی کبی بویولده
 اوغراتیلان بعض مشکلات عظامده بونلره آز چوق حق
 ویردیریور . .

شو تفصیلاتدن مقصد ، بومسلك سیاسی حسیله
 بوذات روسیه و فرانسه اتفاقه مخالف دینه من سده
 بیکانه کورینوردی . (رامبو) نك تبعاتی ، مطالعاتی ،
 آناریدرکه بالآخره (ژول فری) دن شوبیکانه لکی رفع
 ایله یور . . یالکز اندنمی یا ، (ژول فری) بر مثالدر بر
 نمونه در . اوزمانلر کوچک ، بیوک عموم فرانسه ارکانی
 بوفکرده ، بومسلكده ایدی (رامبو) یه (سورل ،
 واندال ، هانوتو) کبی دیگر ائ بیوک تاریخشناسلرده
 التحاق ایله دی ، بوفکر عمومی باشقه براسقامت آلدی .
 لکن مورخلرک بوباده کی مقصدلری دهاممدوحدر .
 فعلی اولمقدن زیاده فکریدر . (رامبو) روسیه دولتی

ناصل تشکل ایڊیور، ناصل بیویور، نیچون ترقی
ایڊیور، بویولده برچوق تدقیقات یوروتد کدن
صوکره ماضی یی، حالی، استقبالی بربرینه قاریشدرق
محاکمه ایله یور: آتی یی بیوک. موافق بولیور بونکچو-
ندرکه فرانسه نك بویله برمعینی اولمسنی اوزله یور

معارف ناظری، مورخ، معلم، هردرلو شمولیله
فاضل (رامبو) نك روسیه و فرانسه اتفاقه ویردیکی
رنکی عادی بر آدمك بوبابده کی ولوله تحسسانیه قاریشدر-
ماملیدر. کذا (آلبر سورل) که انجمن دانش اعضاءدن
علوم سیاسیه مکتبک معلمین بنامندندر سیاسیه دائر
تدریساتنده، آثارنده بتون بوفکری بسالر، سرپر،
مقدمه ابن خلدونده حیات اقوامه دائر بر فلسفه واردرکه
وقتیله مجروح کورلدیکی حالده شمعی اصول تقلب،
یاتکامل دیه برکسویه صوقیله رق اورتایه قونیور.
بواصوله تطبیق ایله درکه مورخلر روسیه یی ایسته دکری
درجه یه چیقارییورلر. . بر دیگر محررده (آلبر واندال)
درکه ینه علوم سیاسیه مکتبی معلملرندندر. فقط روسیه
تاریخی بومورخنن الله کچنجه باشقه برصورته کیریور.
(واندال) ك بوبابده کی تدقیقاتی هپ فرانسه نقطه نظر-
ندندر. فرانسه ایله روسیه مناسباتنك حاله، استقباله

مفید اوله جق صور تده ماضی به ناظر بردور بینیدر .
 برنجی (نایوئون) ایله برنجی (آکساندر) ک بر (نیلزبت)
 ملاقاتنه (واندال) قوس قوچه ایکی مجلد وقف ایله یور .
 بواثرلری ده انجمن دانش مکافات ایله قارشیلادقدن ماعدا
 مؤثری ده همان اعضا میاننه آلمق ایسته یور . دیمک بو
 تتبعات اوله قوری قوری به دکل . بویولده برمحصول
 میدانه قویمق ایچون مؤلف فرانسه نك آثار واوراقتی
 آلت اوست ایتدکن صوکره پترسبورغه کیدیور .
 ایکی سنه متمادیاً برشهرک حزبنه اوراق رسمیه سنی
 کوزدن کچیریور .

بالفرض شو (نیلزبت) ملاقاتنه عائد اثر کیرده
 محررک باشلیجه املی تا ابتدادن بری فرانسه ، روسیه
 منافعنک اتحادینی کوسترمکدر .

خلاصه بوکون کوردیکمز شنلکدرک ، علامثم شادمانینک
 تملی بویله آهسته آهسته قورولدی . یاواش یاواش بتون خلق
 بو طرفه کچدی . بواتفاقه معارض اولانلر کیتدکجه تبدیل
 فکره دکلسه ده سکوته مجبور اولدی . دون بیوک جاده لرک
 تزیناتی کورمک ایچون رئیس حکومت اورالری طولاً -
 شدی . او برکون ، دها او برکون مغازملر ، دکانلر ،
 معاملات رسمی غیر رسمی هپ تعطیل اولیور .

(شربورع) دن پارسه قدر چارك كچه جكي يرلر هپ
 محافظه عسكريه آلتنه آندى . مملكتك اك بيوك آدملى ،
 ناظرلر ، جنرالر ، واليلر بوايشله اوغراشيورلر . سوقا
 قلرده چار و چاريچه نك رسملرندن كچلمه يور . صحائف
 مطبوعات بتون روسيه ايله ط . ليدر . فيغارو ، تان ،
 غولوا كى بيوك يومى غزته لردن باشقه اسبوعى ، شهرى
 نيم شهرى رسائل موقوته روس حواذيله ، آناريله مالا
 مالدر . مادام (آدام) ك بوهفته چيقان (نوول ره وو)
 سنده روسيه دن بحث ايمه ين بر صحيفه بيله بولمق محال . .
 بو خلق هر زمان حسياتنه ، افكارينه بر بازيچه ، بر نقطه
 ميل آرادى طوردى ، بر سفرده املنى بويولده بولدى .
 بحسب المزاج بر فرانسز دائما شوق ، نمايش ، محبت
 ايستر . اننه بويلاه بر فرصت كچر سه افراط ايله اعلان
 شادمانى ايدر . مغازلرده شمدى اك چوق صايباير بر متاع
 وارسه اوده يوكدن ، پاموقدن ابيكدن روس بايراغيدر .
 كيه جك ، ييه جك ، ايچه جك هپ روسدن نشان ويريه ،
 چار و چاريچه نك رسملى شكر قوطولرندن ، جزدا
 نلردن ، طبقه لردن باشلايه رق پوسته لره مخصوص اوراق
 مخبريه قدر تعمم ايتدى . هوا مساعده ايدرسه بوهفته
 ايچون امثالسنز بر عيد بشارت اولور . فقط جلوؤ روزكار

بی اماندر . بش ، التی کوندر کونش باشمزدہ پارل پارل
 پارلارکن بوکون سمایی اوزون اوزون بولو طلر استیلا
 ایلہدی . یارین یاغمورلر بیتمز ، توکنمز ، سیلار ، بورالر
 باشلارسه بومسرت تاخ ایدلمش اولور . برهفته در رصد
 خانه سنده هفته آتی ایچون کشف هوا ایلہ اوغراشیلیور .
 علمای راصدیندن کیمی آچیق برسا تخمین ایلہ یور .
 کیمی ده عکسنی ادعا ایدیور . . طبق اطبا کبی علم ہیئت
 اربابی ده بردرلو اتفاق ایدہ میورلر . کچن آی پارسی آلت
 اوست ایدن بورا ایچون برینک قولنه کوره باقیجیلر
 راصدلردر متبصر داوراندیلر .



چار و چاريچه حضرتلرينك پارسه مواصلتلى، زيارتلى ،
(ايزه) ده ضيافت ، نطفلى ، كيجه ، شهر آين ، بيوك
(اوپرا) ده مسامره ، فرانسه ده بو زيارته دائر افكار
وحسيات عموميه .

چار و چاريچه حضرتلرى دون صباح پارسه مواصلت
ايتديلر . (بولونيا) اورماندن كچمك محال ايدى .
بوسياحتى حرفى حرفنه تفصيل ايتمك بلهكه موجب
غنا اولور . بوبابده اك روحلى نقطه لرى يازمق كفايت
ايدر صانيرم . مسافرلى بالخاصه قبول ايچون بش اون
كون ظرفنده بر استاسيون انشا اولونمش ، خاطر وحياله
كلز تزينات ايله دونادلمشدى . بوموقعك اطرافى خنجا
خنيج خلق ايله طولمشدى . ساعت اونه تقرب ايدنجه ،
زمان مواصلت ياقلاشنجه هركى برسكوت ، مهيب بر
سكوندر الدى . بعضاً تياروده برحال اولور ، منظره نك
اك جان الاجق بر آنى كلير ناظرون وار قوتيله صحنه يه
عطف نظر وفكر ايلر . كيمي النى هوايه قالديرمش ايكن

ایندیرمز، کیمی مندیانی جیندن چیقارمش ایکن یوزنی
 سیلمز، عموم بکیر، حادثه منتظره یی بکیر. اورتالنی
 برسکونتدر آیر، شاید بری اوصیره ده بوسکوتی ازقضا
 اخلال ایلسه هرطرفدن هدف عتاب اونور. ایشته
 دون صباح ده چار و چاریچه حضر تلی پارس طوپراغه
 آیق باصارلرکن بیکرجه خلق بو وضعیتده، بو حالدده،
 بو حسدده ایدی. نه ایسه، طوپلر آیلدی، روس مارشی
 چالندی، چار کورندی، بتون شابقه لر قفالردن هوایه
 فیرلادی. رئیس حکومت چاریچه یه قوائی تقدیم ایدیو-
 ردی. استاسیونک زمینی نه ایله مفروش ایدی. بوجهت
 هیچ خاطره کلز. کل، چیچک یاپراقلی ایله مفروش
 ایدی. بالخاصه ایمراطوریچه بویله بر ساحه یه باصه رقدن
 یوریوردی.

بورادن تا روسیه سفارتنه کیدنجه یه قدر، (لاق)
 جاده سندن، (سورن) یولندن، (دوفنی) قاپوسندن ،
 (بوواده بولونی) جاده سندن ، (پلاس ده له تووال) دن،
 (مجلس مبعوثان) اوکندن کچرکن مسافرله خلق طر -
 قندن کوسستریان حسن قبولی، نمایشی، آلاشی تفصیل
 ایتک ایچون بش اون صحیفه یازی ایستر. یانمده براختیار
 واردی، هیچ برشی کورمه دیکی حالدده ینه بو مراسمه

بولو ندیغی ایچون سوینیوردی . قاریسی ایسه چاریچه نك
شمسیه-نی کوردیکندن دولای افتخار ایدی-وردی .
کوچک برچوچق برطرفدن اوموزیمه ، برطرفدن دیواره
دایانه رق یوکسلی ، آلائی مشاهده ایتدی . بونکچون بکا
نه درلو بیان شکران ایده جکئی بیلمه یوردی تا اوتهده
ایسه قیزلردن، ارککلردن مرکب اوزون برکروه شاب:

En France pour cinq jours

Et dans notre cœur pour toujours

دیه یوکسک سسله ترنم ایدی-وردی . آلائی کچدکن
صوکره ازدحامک آجیسی دویولغه باشلایوردی . چوچقلر
آغلایور، اختیارلر بونالیور، هرکس معذب اولیوردی .
بودرلو مزاحمه ایکی اوچ یاشنده کی اطفالی صوقان والده لره
نه دینیر؟

سفارت قاپوسنه حین مواصلتلرنده رئیس حکومت
مسافرلردن آریلیر ، (الیزه) یه کیدر . چار و چاریچه
سفارتخانه یه کیرلر . بوصیره ده ارا به دن اینر اینمز ایمپرا -
طورک اول امرده صاعده کی لوای عسکری بی سلاملامسی
نظر دقتی جلب ایلر . اوکله یمکی سفارتمده خصوصی بر
صورتمده ینیر ، سفرده ده هیچ مدعو بولونماز .

بری طرفدن مینی مینی (غراندوشس اولغا) سود

ننه سیله ، ماینجیلرله برلکده (موزپارناس) استاسیونندن
 آریجه پارسه کیر ، بوچوجقمزده خاقدن همان ابونی قدر
 آلقیش کوریر ، هرجهتدن (یاشاسونلر !) کرکه فیرلار .
 یمکن صوکره مسافرلر استراحته قویولورلر . فقط
 چوق کچمز ، رئیسّه حکومت مادام (فور) ، قیزی
 (لوسی فور) ایله برابر ادای خوش آمدی یه کایر . .
 (لوسی فور) تقریباً یکرمی بش ایله اوتوز اراسنده
 هنوز بکار برقیز ، لکن پک زیاده معلومات ، اهمیت صاحبی
 بر چوق جمعیات خیرییه دایما ریاست ، پدرینه اکثر
 خصوصاتده ، احوالده معانت و رفاقت ایلر . برارالق بر
 قیل وقال اولدی . خارجیه ناظری (هانوتو) ایله (لوسی
 فور) ک ازدواج ایده جکی سویلندی . لکن بوحوادئک
 اصلی چیقمادی .

بوزیارتجیلر کیتدکن صوکره چار و چاریچا (سن ژرمن)
 جاده سندن ، (قونقورد) موقعندن ، (رووایال) سوقا-
 غندن ، (بولوارمالزرب) دن مرور ایله روس کلیسا سنه
 کیدرلر . اورادن چیقارلر ، (الیزه) ده رئیس حکومتی
 زیارت ایدرلر . اولاً وظیفه دینه ، صوکره وظیفه رسمیه
 چارلرک حیاتنده بو بر عادتدر . (فلیکس فور) اعیان
 ومبعوثان متجیزانی مسافر محترمه برر برر تقدیمه باشلار .

اعیانندن مجلس ملی رئیس قدیمی (بوفه) بالخاصه مظهر
توجه اولور. اسبق رئیس وکلا، خارجیه، حربیه ناظری
(ده فریسنه) ده نظر دقتی جلب ایلر . .

صره موسیو (قونستان) ه کلنجه ایمراطور :
او ! موسیو (قونستان) سز طول مدت نظارتده
بولوندیکنز، دگلی ! دیر .

— اوت ، افندم ، اوچ یچق سنه . . .
— اوت اوילה . تمام اوچ یچق سنه اوزونجه برمد -
تجرك ! بومکالمه تبسمه باعث اولور . چونکه مقصد
فرانسه ده ناظر لرك سرعت و کثرت تبدلنه بر تلخیص
لطیف ؟ .

اسبق باش وکیل (ریو) ایسه نوبت تقدیم کندینه
کلنجه :

— تخماری اکلیدیکی وقت موقع اقتدارده بولونمق
شرقی بنمدی .

دیمک ایسترسده کندینی طوبالار . . اتفاق تخماری
سوزندن احتراز ایدر . سوزینی :

— بن موقع اقتدارده ایکن بوامور عظیمه وقوعه
کلدی :

دیر ایمراطورده :

— اوت ، امور عظیمه ، جدا عظیمه

جوابی ویرر .

بعضیاری دیورلر که شو اوچ درت سوز اکلایانلر
ایچون اوزون برنطقدن دهـا بایغدر . چارک بو هیئتله
شوصیمی ملاقاتنه پک اهمیت ویریلور . چونکه (ایزه)
دن چیقار چیقماز خط حرکت مقررہ خلافتده اوله رق
ایکینجی نیقولا طوغری اعیان ومبعوثان رئیسارینی زیارته
کیدییور ، ایشته بو ائنده ایدی که بلکه اوزون برتزهدن
یورغون دوشه رک یاواش یاواش حجره فقیرانه مه دونیوردم .
باقدم که (سن ژرمن) جاہ سنده ارا به لری ، تراموایلی
طور دیر ییورلر ، طوردم . خط حرکتده برصراحت
یوق . بونه در . دیرکن آشاغیدن طوغری بر کورلتیدر
قوپدی . باراقلی ، مزراقلی بر آلا ی سواری آراسنده
اوچ بیوک آرا به کوروندی ، برنجی آرا به ده صاغن چار ،
صولدن جنرال (بووادفر) اوطورییوردی . او بری
یاشاسون چار ، یاشاسون روسیه آوازم لینه قارشی کولو .
مسیه یور ، خلقه ممنونانه سالاملر ویریوردی . بریکی ده
مقتخرانه اطرافه باقینوردی . سیرجیلردن قادینلر چاریچه
نر ده دیه باغیریورلر ، بونعمت غیر مترقبه دن طولانی
هرکس ممنون اولیوردی . چونکه سوقاق نسبتاً تنها

ایدی، بوکچید حسابده یوقدی. یوزلرجه فرابق ویرمشده
برنجره استیجار ایتیش قدر نئل مرام اولدق .

اقشام (الیزه) سراینده مسافرلرک شرفه ۲۲۰
کشیک برضیافت کشیده اوندی . ایمپراطورک یاننده
مادام فور ایله رئیس حکومتک یاننده ایمپراطوریجه
اوطوریورلردی . بالجه رؤسا، وکلا ، نظار بوضیافتده
حاضر ایدیلر .

یمکک ختامنه طوغری رئیس حکومت آیاغه قالقار .
چاره خطاباً شوسوزلری سویلر :

— پارسه انهای دخوله ذات حشمتاً بکزه عرض
اولان منظره صفوت حسیاتمه بر دلیل باهردرکه ،
اومارم ، طور اغمزه آیق باصارکن سزده املزجه بر
تأثیر پیدا ایتشدر . ذات حشمتاً بکزک آرامزده موجو-
دیتی استقباله بر اعتماد متقابل ایله ، بر فعالیت منتظمه ایله
یکدیگرینه ال ویرن ایکی قلم بیننده کی روابط محبتی تأیید
ایله دی . قوی الشکیمه بر ایمپراطورلق ایله فعال برحکو-
متک اتحادی مسالمت عمومییه تأثیرینی دها شمیدین
اجرایه باشلادی . بر صداقت مجربه ایله کسب تقویت
ایدرك بواحد نفوذ مسعودینی هر طرفه عن قریب ییار .
بتون ملتک ترجانی اوله رق ذات حشمتاً بکزه حکو-

متكزك ، دوريكزك عظمى ايمپراطوريچه حضرت تارينك سعادتي، اقبالي يد حشمتكزه معاق بولنان ملك وسيعكزك معمورتي ايجون تمنياتى تجديد ايلرم . شونى ده علاوه مه مساعده بيورلسون ايمپراطوريچه حضرت تارينك دعوت واقعه ني لطفاً اسعافه مسارعت بيورملرى فرانسه لك باعث شوق وتحسى اولدى . ملكتمزده اقامت معززه لرى هيچ شهبه يوقدر زواك نا پذير برخاطره براقير . قدحى ايمپراطور ايكنجى نيقولا ايمپراطوريچه فهدوروونا حضرت تارينك شرفه رفع ايله يورم . .

بونطقى متعاقب روس مارشى چالينير . بعده ايمپراطور شوجوانى ويردى :

— نيجه دهالك ، نيجه مزيتلرك ، نيجه ضيالك منبعى بولنان شوپارس شهر شهيرنده ايمپراطوريچه وبكا كوستريلن حسن قبول فوق الحد رقت وتأثيرمه باعث اولدى . اونودماز خاطره لر ، نمونه لر ، كوره نكلره صادق قاله رق غايت قيمتدار رابطه لرله متحدين بولونان برملك رئيسى سلا ملامق ايجون فرانسه يه كلدم . ديديككزكي بودوستلق شويبات سايه سنده اك مسعود بر صورتده ثمره ويرير ، متنفذ اولور . رئيس افندى ، بتون فرانسه يه قارشى بو حسياتك ترجاننى اولمكزى رجا ايدر .

ایمپراطور یچه ایچون، بنمچون بیان ایتدیگنر
تمنیا ته بالتشکر فرانسه نك شاننه نوش ایلر و فرانسه رئیس
حکومتنك شرفنه قدحمی رفع ایلرم .

بوسفر نطقلر (شربورغ) ده کیلردن دها مهم، حتی
شمعدی یه قدر آلمانیا ده، ویانه ده بو صورتله سویله نلردن ده
روحلی اولدیغی ایچون بوکون فرانسز جرائدی هیجان
ایله مالا مالدر. رئیس حکومت روابط قیدینی کوزل بولیور،
چار بوکا کوزل معنی ویریور . بوندن ماعدا اونودلر
خاطره لردن، نمونه لردن، یعنی پدرینك بو یولده کی افکار
مترقبه سندن بحثه قدر واریور . بوتفصیل ایده کلدیکمز
یوم دبده نك وقایعی ایچنده شونطقلرله ایمپراطورک اعیانه،
مبعوثانه ناکهانی زیار تلری بیوک بریر طوتیور . چونکه
بونلرک هرا یکسی ده فرانسه اتفاقنه باشقه بر قوت، رنك،
وسعت ویریور .

(الیزه سیرا یندن چیقار چیقماز مسافر لر طوغری
بیوک (اوپرا) یه، بیوک مسامره یه کیدیور لر . کیجه
اولدی، سواقلر دونان دی . (شانزه الیزه)، (قونقورد)
میدانی، بیوک جائه لر، (اوپرا) نك اوکی اوقدر مشعشع
اوقدر نورانی که انسان بر زمین حقیقتده می، یوقسه بیك
برکیجه نك برکوشه خیالنده می طولاشیور، اکلایه مایور .

(قونقورد) میداننده کی ستون منورک کوچ بلا التنده
 بریره شویله صوقولدمدی . بوانئاده حاضر و ن ایچنده
 لطیف ، بوانواردن ، بوآناردن ، بولیله بهجندن دهها
 لطیف برقیز کوزومه چارپدی . ایشته اوزمان بیک بر
 کیجه دن برفقره کزین یادیمه کلدی ، لسانمدن شویله جه
 بلا اختیار صادر اولدی . بلکه بو پارچه خاطر لرده در :
 نائم اویانیور ، کاشانه ده کی بر پری لطافته : « کوزل ،
 یانمه کلکیز ، یاقلاشکز . . پارماغمک اوجنی ایصیریکنز تا که
 بیله یم ، اویویور می یم ، اویانیقمی یم ؟ » دیور . بنده کی
 کستاخغه باقلی ، بوشعشه فکرمی قاماشدیرنجه ، هله بر
 الکتریق ضیاسیله جبهه جبهه یه کلن بو آشوب جمالده
 نظریمی تسخیر ایدنجه لسانمدن بلا اختیار نائمک سوزلری
 دوکولمه باشلادی . ذاتا هرکس بو حسده ایدی . هرکس
 بنی آلیشلا دی . حتی قیز جغز بیله آنه سیله برابر بولطفه
 ادبیه یه کولدی . غریب اقایمدر ، ادبیاتدن طیشاری
 چیقلمازسه چوق ایلری کیدیلیر .

(اوپرا) ده کی مسامره پک زنکین اولمش ، ذاتا
 خارج بویله اولدقدن صوکره داخل به اولماز .

فقط بنجه کیجه نک اک مشعشع زینتی (ایفل) قله سی
 جوارنده کی ، (تروقاده رو) ده کی صنایع ناریه تظاهراتی ،

فیشنکر ایدی . شے شے نك بودرجه سی یادیه بیه کلزدی .
چار نولطائف کورمکه کله مه دی . اولا کوچك فیشنکر
باشلادی . اورتاده الکتریق دن بر مهر صنعی متصل
دونور ، اطرافه شے شے پاش اوایوردی . کیتدجه هوئی
فیشنکر بیودی . دمتلر ، چیچکلر ، قندیلر سرپمکه
باشلادی . آراده صیره ده ایسه بیوک برفیشك نوردن
یاغور یاغدی ریوردی ، دیرکن ، دها بیوک برپارچه ده ،
سمایی عادتاً مشعشع براکین تارلاسنه دوندیریوردی .
بورام بوام رنگ رنگ آشدن اکیئر درت طرفه یاییو-
ردی . فقط حیرت ! .. بواننده (ایفل) قله سی غایت
قویو ، قیرمزی بر رنگه تپه دن طیرناغه طوتوشدی ،
بر آتش قلغه دوندی . اوکجه شراره لر پوسکورمکه باشلا-
دی . صوکره بوشراره لر نور اولدی ، مهتاب اولدی .
رنکدن رنگه کیردی . خلقده برفریاد بهت وبهجتدر
کیدییوردی . قله سوندی . زمینده کی مصنوع ، مشکل
برچارداق طوتوشدی ، هزار حیرت ! نوردن ، آشدن ،
رنکدن تصویرلر ، عسکرلر ، کچید رسملری ، قرونشتاد
طولونلر .. دیرکن قله نك دیننده کی معهود چشمه ساردن
شلاله کی انوار آقیور . همده کونا کون رنگا رنگ کوپو-
کلر صاچا رقدن آقیور بوصیره ده برلجه فیشك ده سمایی

تپه‌لریزه وارنجه‌یه قدر ماوی ، قیرمزی ، یشیل ، صاری ،
 بوقلمون لامبدرله ، لامبه‌جقارله طولدیردی . بوکیجه‌نی
 صباحنه دکین تصویر ایده بیلیمک ، نهایت « ایشته بوکیجه
 صباح اولدی » دیه بیلیمک ایچون حسن وعشق ناظم
 کزینک قامی کبی برخامه سحر آفرین ایسترکه اویلا
 اولسه آرتق نه پوسته‌یه وقت ، نه بنده طاقت ، نه ده شو
 صحیفه‌لرده یر قالمادی ، آمان قارئین کرامه غنا کلسون
 قورقوسی ده جابا ، چونکه ، مشتریسنز متاع ضایعدر .



چار و چارمچه حضراتنك پارسده ايكنجى كونلرى ، اوكله دن
اولكى زيارتلىر ، صوكره كيلر ، (اوچنجى آلکساندر) كوپر -
يسنده ، انجمن دانش كبيرده ، ضربخانه ده ، دائرة بلديه ده
(قومه دى فرانسه ز) ده .

ايشته پارسده بركون ، خارق العاده بركون . .
عمر مده مخابرلك ، يازمچىلىق ايلك دفعه اولارق بروظيفه يه
بيوك بروظيفه قارشى بنى برپارچه بيلديرييور . يازى
يازمغه اوتنه دن برى ميلم مراقم واردى . وقتيله مكته بده
ايكن اك اوزون درسلى قلمه آلمقدن ، بالاخره
مأمور يته صحيفه لرجه مضطهر كتابت ايتمكدن ييلما -
دمدى . حيرت ، بر زيارتى تصوير ايچون ايشته قلممه
ييلغىلىق كليور . چونكه فعاليت بشريه بويلا بر حركتى
نادر كوردى . ذكالىر ، تصورلر ، دهالر دونكى كبي دكل
ساده بومملكته ده ، بلكه دنيا نك هر طرفنده نادراً
ايشله دى ، بونكله برابر نه خوش ، نه ملايم ايش ! .
چار اولكى كيجه (اليزه) ده پارسى ، دهاسنى ، ضياسنى ،

مزایای صمیمیتله مدح ایدیوردی . زیارتک ایلك
 کونی مسافرلرک شرفه بولدهده تعطیل اشغال ایدلمشدی .
 دونینه مسافرلرک شرفه ایشه باشلانلادی . فعالیت
 براوجدن اوبر اوجه سیاله کبی سریانه قویولدی اوح .
 بوخلقدن الک آت قاتی ، بو طورطی یی آتیکز ، چونکه
 بوزوالیلر قانون معیشتدن خارجه فیردادقلری ، یاخود
 ایجری کیرمه دکلری ایچون حسابله کلزلر . خیردن
 زیاده شره ناچار هدف ، بالضروره مصدر اولورلر .
 حبس خانه لرده ، میکه لرده ، سفالتکاهلرده افای عمر
 ایدرلر . بوندن پکده مسئؤل اولماسلر کرک . قوانین
 اقتصادی بویله ایسته یور . حاصلی بوصفی قاله آلمایکز
 متباقیلره باقیکز . نه کوریرسکز ؟ مدنیتک الک کزیده
 محصوللری .. هرکس چالشیور . قوعد مدنییه اتباعاً ،
 مرفهاً ، معزراً چالشیور . چالشانلر مسعود اولیورلر .
 علمی ، ادبی ، هوائی اذواق تمدنک هیچ برندن محروم
 قالمایورلر . صیره سنه کوره کتابلری ، غزتهلری
 اوقورلر ، تیاترولرینه ، کلنجهلرینه ، کیدیور ،
 مسیرهلری ، صیفیهلری کزیورلر . حیاتهده ممکن ایسه
 بیوک ، هر حالده خوش بریز براقیورلر . خلاصه بر عمر
 خجسته کچیورلر . ایسته مقصود مدنیتده بودکلیدر ؟

بونکچوندرکه چارك بو خصوصده کی ستایشلری پک
بجا ایدی .

*

* *

دون صباح ، سمانا ملایمدی ، بولوطلردن زمان
زمان ایری دانهلر ، نملر دوکولیوردی . بونلر بر آراق
اوزونجه باران شکلی آلدی .. مع مافیه (سن ژرمن) ،
(-ن میشل) جاده لری سراسر خلق ایله مالا مال
ایدی . بوازدحامه سبب شو ایدی که چار ساعت طقوز
بچقمده بویوللردن کچهرک (نوتردام) کلیسایه کیدیور -
دی . قارلر مزدن بوبنایی طانیایانلر ، ایشیتمه ینلر
واری ؟ عصرک اک بیوک شاعری اک کوزل آتارندن
برنده ، برحکایه سنده بواثری برقات دها تأیید ایتدی
فی الحقیقه (نوتردام) پارسک ، بلکه بتون عالمک هرایکی
مدلولایله اک یوجه بناسنددر . پارس باش پستقوسی
قاردینال (ریشار) قیرمزی بر لباس رسمی ایله
مسافرلری قارشیلایور .

بیوک ، مدبدب بر آرابه ، صاغ طرفده النده لطیف
بردمت ایمپراطور یچه ، صول طرفده برعسکر البسه سیله
ایمپراطور ، قارشیلرنده ایسه رئیس حکومت اوطوریور ،
ایمپراطور یچه یه شومدی آرابه یه بیزرکن تقدیم ایدن ده

اورد . چارده هر دقیقه بشوش برسیا وارکه خالک پک
 خوشنه کیدیور . (نوتر دام) جوارنده (بارار)
 ریختنندن کچرکن عمله دن بری « یاشاسون چار » دیه
 باغیریور ، ایمپراطورده بونادی یه ملتقانه سلام ویریور .
 آراتق سیرجیلر کورملی . حریفک اطرافنی صاریورلر ،
 « سنی سلاملادی . سکا کولدی » دیه قولندن ، اتکندن
 چکیور ، طور یورلر . مسافرلر (نوتر دام) ی ایجه
 زیارت ایدیورلر . کلیسانک چالغیسی روس مارشنی
 چالیور . قاردینال ، چاره مشهور (پاستور) ک مرقدینی
 کوستریور . پاستور بیوک برعلامه ، بیوک بردیندار
 ایدی دیور . ایمپراطور وایمپراطور یچه مکتب حربیه نک
 پاپاسنه ، (راهب لانوس) . بالخاصه التفات ایدیورلر .
 حریف بوندن صوک درجه محظوظ اولیور . قوشه
 قوشه دائره عسکریه یه کیدرک نعمت موفقیتنی آکلاتیور ،
 یولده ایسه خلقدن بونکچون آلقیشلره ، تبریکلره مظهر
 اولیور ، فرانسلرجه روس توجهی بودرجه حائر قیمت
 اولدی . مسافرلر (نوتر دام) دن صوکره موسویلرک
 حاوراسنی ده کوردکدن صوکره دائره عدلیه یه کیتدیور .
 بوداره پارسک اک فوق العاده مبانی رسمیه سندنذر .
 لکن مظروفی ظرفدن رنکیندر . فی الحقیقه فرانسه نک

اك بيوك آدملىرى ارباب حقوقىدن يتشمه يورمى ،
(ژول فاور) لر ، (غامبتا) لر ، (غرهوى) لر ، بويله
دكلىدى ؟

حالاده بويله دكلىدر ؟ يا حكامدهكى ، وكلاى دعاويدهكى
مزايای علميه ، قواى تنطقيه نه دينير ؟ محاكمه لر دائما
برر فصل علم و ادبدر . مدعى عمومى هيچ شبهه يوق ،
مطلق ادبدر . دعوى وكلى ايسه مزيت علميه سيله
آندن آشاغى قالماز . بونلرك اثوابى ده نظر پيرادر .
اوزرلرنده قيرمى ، مذهب جبهه لر : باشده ينه او
صورتله توغرى ، بريكيلرنده ايسه بول ، سياه حرمانيلر ،
عادتا فراجه لر ، ينه باشده بياض سرپوشلر . . يوزلرجه
افراددن مركب بويله برهيت تصور ايدىكز . . بوزكچى
مردن محشم بوبنده چار و چاريچهي قارشىلاسون ،
كزديرسون ، ايشته آلايك دائره عدايه يه ورودى ،
زيارتى بويله اولدى .

اوجوارده (سنت شاپل) نامنده قديم بركليسادمه
واردى كه شهرت و اهميتيله شايان زيارت ايدى . مسافرلر
بورايى ده كوره رك ينه (سن ميشل) جاده سنه طوغرى
يوله قويولديلر . بوسفر جاده نك ازدحامى ايكي قات . .
ازدحام آراسيره يايا قالديرملرندن اورتايه فيرلايور . بو

صیرده ضابطه مأمور یله برکورتیدر قویور . بوکور -
 لیلردن برنده حریفک بری قفاسنه بریومروق یدی ،
 شاپقه بوغازینه قدر کچدی ، ضرر یوق ، دون بوکون
 ایچون صاتون النمش .

آلای بوسفر (یانتئون) ، مرقد اکابره کیریور .
 ایکنجی نیقولاً رئیس اسبق (سادی قارنو) نک قبرینه
 بر دمت براقیور . متوفانک او غلارینه ، مبعوثانندن
 (ارست قارنو) یه ، (فرانسوا قارنو) یه التفاتلرده
 بولونیور . بیوک (قارنو) نک ، جنرال (مارسو) نک
 مقبره لرینده آیری آیری زیارت ایلهیور . مشاهیر رساما -
 ندن (بونا) نک ، (لوران) ک ، (بوویس ده شاوان) ک
 بوبنده کی رسملرینی دقتله تماشا ایدیور ، بوصوک رسامی
 پک زیاده بکه نیور . . قارئین کرام البته در خاطر
 بیوریرلر . کچنلرده (بوویس ده شاوان) دن (اقدام) ده
 ایجه بحث ایتدکدی . آلای (پانتئون) دن چیقارکن
 (شکسپیر) قیافتنده اوزون صاچلی برذات چاریجه یه
 طوغری ایلرلر ، برکاغد ویرمک ایستر ، موفق اوله ماز ،
 بوکاغده نه وار ؟ دییه حریفه صورارلر . . پارسک
 بوبنده کی فکری جوابی ویرر . بوفکر شو قطعاً لطیفه
 ايله اجمال اولونیور . فقط ناصل ترجمه ایتلی :

— ایا چاریچه ، ایا مادر ! ای روح معزز و معظم ،
 بوطور مضفرانه یی آلمغه تماماً حقکز وار . چونکه
 الماسلره ، انجودن تاجلره بدل چوجغکزه مالکسکز ..
 ساده الکی حسیله ترجمه یه کله دیکی ایچون کوکلم بو
 قطعه نك اصلی شورایه فرانسه زجه اوله رق علاوه ایتمک
 ایسته یور :

a l'Impératrice

O Tsarine, o mère, âme douce et grande ! vous avez
 bien raison d'avoir l'air triomphant au lieu de dia
 mants, de perles en guirlande vous avez votre enfant.

یارس قادیلرنجه ایمپراطوریچه نك بر فضیاتی ، مزیتی
 والده اولمسه یدر . بیوک (ناپولئون) ه بر کون ادبیّه
 مشهوره مادام (استائل) ی تقدیم ایتمشلر ، بالطبع بو
 صیره ده قادینک قوه عالمیه ، مزایای ادبیّه سنی ده تعداد
 ایتمشلر .

(ناپولئون) بوتمدیحاتی مهمسه مه یه رك دیکه دکدن
 صوکره شویله مزیفانه بر طور ایله — مادام ! قاچ
 چوجغکز وار ؟ — دیمش که بریکی هیچ چوجق صاحبی
 اولمادیغی ایچون محجوب دوشمش . ایشه بویکی بیوک
 قفا آرمه سنده شو حادثه دن ابتداء بر مبیانت حاصل
 اولیور که یاواش یاواش اک درین عداوته دونیور . شونی

ديك ايسترم كه فرانسزلر ، ايلرى كاپر فرانسز قادينلرى
چوجقلريله پك افنخار ايدرلر . چارچهنك شهيدن
برقيزى ، نسوانمك ديدىكى كچى ، پرلانطه كچى برقيزى ،
برده يولجيسى وار . بوندن بيوك مزيت اولورمى ؟

بعضيلرى بويولده او قدر ايلرى كيديورلر كه نچون
بو مراسمه ايمپراطورله ايمپراطوريجهنك ، ياخود سود
ننهلريله ، داديلريله آرقهده بر آرابهده مينى مينى (اولغا)
بولونمايور ؟ ديورلر . يوق ، چوجنك يورولمسندن ،
صيقلمسندن قورقويورلر سه قادينلر يمزه ، آننهلر يمزه
مساعده ايتسونلر ، سفارتخانه نك باغچه سنه كيدرك
قوجا قده چوجق برر برر (غراندوشس) ك او كسندن
كچسونلر ، فرانسه وروسيه اتفاقى اوزمان تاكهواره دن
بيودلمش اولور ، مطالعه سنى ايلرى سورييورلر .

بعده آلاى رصدخانه نك كوشه سندن ، (مون پاراناس)
جاده سندن مرور ايله (انواليد) ديدكلرى متقاعدين
عسكريه پناهنه كيديور . . بوراده بر مشهر عسكرى
واركه فرانسه محارباتسندن ، مظفرياتسندن بعض غنائم
حربيه يي محتويدر . بوندن ماعدا بيوك (ناپولئون) ك
مرقدى ده بوراده در . ايمپراطور بو مرقدى رقت
وسكونتله اوزون اوزادى يه زيارت ايله يور . اويله يا ،

اوکنده یاتان بر داهی-در . برداهیء حربدرکه بشریت-ه
 اومولماز بر نمونه کوس-تردی . ینه بوب-ساده طوپچیلان
 مشهری کبی برچوق نفائسدن بائنه اک مشهور عسکری
 رساملرک لوحه لری ده بولونیور . چار بولوحه لری سوه
 سوه تماشا ایدر . بونوع رساملرک شودورده اک پارلاخی
 عد اولونان (ادوار ده تئی) ه التفات کوس-تیر .
 (ده تائی) دن وقتیه بحت ایتدمدی . فرانسه نك مناظر
 عسکریه خصوصنده حالاً دها بیوک رسامی یوق . بو
 صانك لوحه لری هپ قوجه قوجه محصوللرکه هربری
 لاقل اوچ درت مترو عرض و طولنده در . بونلردن
 (لوکسنبورغ) مشهرنده کی « خیال » بیوک بر بدیعه-ر .
 بر آلائی فرانسر عسکرلری ، فرانسلرک دیدیکی کبی
 قیرمزی قالپاقلی ، قیرمزی پانطلونلی پیاده لر ، (پیو-
 یبو) لر کوزل اککش بر تارلاده یاتیورلر ، اویویورلر .
 شفق سوکیور . طلوع آهسته آهسته افقدن کندینی
 کوس-تریور . سلاخلر اورتاده دسته دسته چانلمش
 طورییور . تا خاتمۀ افقده ، اوزاقده بر نور ، بر ضیا ،
 بر خیال پارل پارل پارلایور سماءه ایسه بورام بورام ،
 بولوط کبی بایراقلر ، خفیف خفیف تموج ایله یورکه
 ایمپراطورلق زماننده کی ، محاربه لره دلالت ایدیور .

بویله مهیب ، مع هذا لطیف ، مونس برمنظره آذر .
 لطافت خیاله مهارت و قدرت صنعت باشقه رنگ
 و یرمش . . . بولوحده او یله بروضوح وارکه انسان
 عسکرلرک رؤیاسنه وارنجهیه قدر هر نکته یی همان کشف
 ایدر کی اولیور .

بناءً علیه امپراطورک بویله بر صاحب مزیتہ التفاتی
 یک بحادر . (انوالید) زیارتندن صوکره مسافرلر
 اوکله یمکی ایچون روسیه سفارتنه کیدیوزلر . (فلیقس
 فور) دیگر سفارت قابوسندن آریلیور . بویکه مدعو
 بولناتلر (اورئان) خاندانی افرادیدر . (دوق دومال) ،
 (دوق ده شارت) و سائر پرنس ، پرنسس لر کی ..

ایشته اوکلهیه قدر کی زیارتلر بولردن عبارتدر .
 اوکله دن صوکره کیلری تصویر ایچون بویله بش التی
 ستون دها ایستر . . عجبا بوده قارئین کرامه تعب
 و یرمزی ؟ نه اولورسه اولسون مخابر ناچیز کی
 وظیفه سنی سومکدن باشقه مزیتی اولمایان بر محرر شو
 زیارت عظامانک اک کزیده ، بونکله برابر اک لطیف کوشه .
 لرینی سکوت ایله کچه مز ، کچرسه خطا ایدر . فی الحقیقه
 اوچنچی آلکساندر کو پریسنده کی ، آلاش ، نشیده ،
 سائر بر طرفه طورسون ، انجمن دانشده کی مصاحبه

کزین ، جلسہ بہین ، دائرۂ بلدیہ دہ کی مسامرۂ موسیقیہ ،
 ہلہ (قومہ دی فرانسیز) دہ کی مباحث و مناظر غرا
 تصویر اولونما مق قابلمی ؟

بوایکنجی کون بووقایعہ ، بوزیارتہ باشقہ برطرز ،
 براہمیت ویردی کہ بونکله روسیہ و فرانسیہ اتفاقنک . .
 مودتنک ، موانسنک — نہ دیرسہ کز ، روایت مختلف
 اولسہدہ جملہ نک مقصودی بر ، — تاریخچہ وقایعہ
 بیوک بریر طوتدی . ایمپراطور یالکیز خارجیہ ناظری
 (ہانوتو) یہ (الکساندر نوسکی) نشانک اک بیوک
 رتبہ سنی اعطا ایلہ اکتفا ایتہدی . عین نشانی مبعوثان
 واعیان رئیس لرینہدہ توجیہ ایلہدی کہ بونلر زیارتلر کی
 حسابدہ ، انتظاردہ یوقدی . دیمک چارشو زیاندن
 فوق المأمول ممنون اولدی . عموم فرانسیہ مطبوعات
 بوندادہ ، بوحسدہ ، بوسونجدهدر . ابتہاجک بومرتبہ سنہ
 براز شائبہ مبالغہ عطف اولونسیہ بیلہ اک بیطرف نظرلرہ
 عیادیرکہ شوزیارت تماماً موفقیت ویردی . ہرخطوہ ،
 ہررتیب ، ہرمنظرہ یولندہ جریان ایتدی . مسافرلرک
 نظرندہ فرانسیہ نک قدری بیودی . بوجہت آتیدہ کی
 صحیفہ لرلہ دہا کرزل اکلاشیلیر .

*

* *

اوکله دن صوکره :

مسافر لر یمکدن صوکره براز دیکله نیرلر ، مدعوین
ایله قونوشیرلر . بعده اوچنجی (آلكساندر) کو پرینه
کیدرلر . ساعت ایکی یه طوغری روسیه سفارتخانه سیله
بو کوپری آراسنده کی جاده لر ، سوقاقلر خنجا خنچ خلق
ایله مالا مالدی . بو سفر سما آچمش ، کونش لطافت
ذی قیمت خریفانه سنی اطرافه صاحجه باشلامشدی .
(الیزه) دن طوغری کان بیوک آرابه ایمپراطوری ،
ایمپراطور یچه نی سفارتخانه دن آلمغه کیدرکن سیرجیلردن
« مونزاره ، یاشا مونزاره ! » دییه بر کورانی قوپدی
بربوش آرابه ایچون بودرجه ولوله قوپارمق پارسلیله ،
بومزاح مفتونلرینه متوقفدر . (مونزاره) دیدکلری
مسافرله خدمت ایدن آرابه جی ، اسپر ، سالیس — نه
ایسترسه کنز دیکنز — ایشته بو آدمدر . شو مراسمه
اک زیاده کوزه چارپدینی ایچون بر هفته دن بری اک
کوچکلرندن اک بیوکلرینه وارنجه یه قدر غزته لر بو
حریفله اوغراشدیلر . (مونزاره) برلقبدر ، بو حقیقی
بیامه ین شو دغدغه یی ایشیدنجه مهم بر زاندن بحث
اولونیور صانیر . (تن) ک بر نظریه سنه ، یعنی ایچنده
یاشایان عالمک انسانه دائما القای فکر ایده کلدیکنه

اینا تملیدر. چونکه ایشه شو (مونثاره) جنابلری قلممی
بیله بکا رغماً اشغال ایله دی.

کوجیجک بر چوجق ایکن المه پاره کچنجه هان
سلیمانیه دن بایزید میدانسه فیرلار، معهود (پانوراما)
صندقلرینه کوزیمی دیکه رک اون آتی کوپریی پارس
شهرینی حیرتله تماشا ایدردم.. یدی، سکز سنه اول
پارسه ایلاک ورودمده بوتماشای طفلانه خاطریمه کلدی.
صحیح، ایشه کوپریلرک حدی، حسابی یوق.. دمیردن
طاشدن، فقط هپ مشکل، هپ بیوک.. ایشه
(قونقورد) کوپریسندن صوکره بردها انشا اولونیور.
بوفکر تجارت ناظرینک ایش. صوکره کیده کیده میدان
آمش. بوکون حقیقت اولیور. اوپله یا باباسنک نامه
برجسر مظنطان انشا ایتمکدن، بونکده شو صیره ده کندی
ایله وضع اساس رسمنی ایفا قیلماقندن، رسم کشادینی
بیک طقوزیوز سرکیسندده یایماقندن دهها کوزل بر جمیه
ایکینجی نیقولایه، بومسافر معززه ارانه اولنه بیلیرمی؟ بو
کوپرینک محل انشاسنه، (سن) نهرینک شوایکی مقابل
نقطه سنه بش اون کوندر اسکله لر قورلدی. کیجه کوندوز
چایشیلدی. تمل حاضر لاندی. اولکی کیجه
(تروقادهره) دن، فیشکلردن کایرکن اورادن کچدک،

عمله حارل حارل چایشیورلردی . نهرک صاغنه برکاشانه
 یاییلدی . باشند باشه مدبدبأ تفریش اولندی . اورتایه
 اتی سریر قوندی . بونلر ایمراطوره ، ایمراطوریچه ،
 رئیس حکومت، اعیان و مبعوثان رئیس‌لرینه ، رئیس وکلایه
 مخصوص ایدی . ساعت ایکی بچقده (فلیقس فور) ایله
 بریکیلر ، اوچده دخی مسافرلر کادیلر . بومقام مخصوصاره
 کچکیلر . مدعوین سائرده یرلشدیلر . خلق تا اوزاقده
 قالیور . همان برشی کورمیوردی . یانمده (سوربون)
 طلاب متحیزه سندن بری واردی . بکا (فلوریان) ک
 حکایه لرندن شو پارچه یی نقل ایدیوردی :

Je vois bien quelque chose.

Mais, je ne sais pour quelle cause,

Je ne distingue pas très bien.

یعنی : صحیح برشی کوریورم . فقط ، بیله مم نه
 سببه مبنی ، کوردیکمی پک ایی تمیز ایده میورم . نه ایسه ،
 مسافرلر مواصلت ایدر ایتمز موسیقی روس و فرانسر
 مارش‌لرینی ترنمه باشلار .

« Enfants de Lutèce » یعنی « پارس چوجقلری »

دینیلن بر هیئت شبابده هپ بر آغزدن (فاوست) دن
 بر نغمه او قورلرکه « اجدادیمزک شرف ابدیسی » ترانه سیله

باشلار . بو صیره ده « قومه دی فرانسه ز » ارکانندن
 (پول مونه) اورتایه طوغری ایلرلر . انجمن دانش
 اعضاسندن (ژوزه ماریا ده هه ره دیا) نك بو رسم
 ایچون تنظیم ایتدیکی « ایمپراطوره سلام » — سعی
 وصالج « عنوانی مظلومه یی انشاد ایدر . اصول انشاد
 فرانسه ده باشلی باشنه بر قدرکه اکثریا او یونجیلره
 مخصوصدر . مشهور شاعرلر ، مؤلفلر تیاتروییه و سائر یه
 دائر یازدقلری اثرلری هیچ بر زمان کندیلمی او قومازلر .
 قرائتده ، انشادده باشقه اهمیت ، مهارت کورلیور .
 نیجه کوزل اثرلر وارکه فسا او قوندقلری ، سویله ندکلری
 ایچون ساممینده هیچ بر تأثیر وجوده کتیرمزلر . فرانسر
 شاعر لرندن حالا (فرانسه ووا قوپه) ایله (آرمان
 سیلوستر) برده (قاتول منس) شعرلری بالذات
 اوقورلر ، اوبرلری هپ اوقوتورلر .

(هه ره دیا) نك بوشعری حقیقه پارلاق دوشمش ،
 ایشته شاعرلک بویه اولورسه سویلیر .. حریف فکری
 نه کوزل بر نظام وانتظام دائره سنده تفسیر ایله یور .
 ایمپراطور مدح ایله سوزه باشلایور ، « ضرری یوق »
 شعر لسان الهیدر ، شاعرلر حکمدار لرله سنلی بنلی
 کوروشه بیلیرلر . « دیور . بعده ایمپراطور یچیه صوکره

پارس خلقنه آقیشلرینه کچور ، ایکی قومک اتحادندن
 بحث ایله یور . فقط او یله کوزل تشبیهلر ، استعاره لر ،
 تلمیحلر ایله بحث ایله یور که فکری قلبی اهترازه دوشو .
 ریور . نهایت بر فلسفه یاپور صالح و مسالمت عمومیه یی
 بوصورتله شو صیره ده . بوزمینک قعر آسود کیسنه وضع
 ایدیلان حجر اساسییه قویور ، کومیور . او یله بلیغ بر
 لسان بو کهنه بیان ایله ادا اولونورمی ! ممکن اولورسه
 بو پارچه یی بالاخره ترجمه ایله آریجه قارئین کرامتزه
 عرض ایدرز .

بونشیده پک زیاده هیجانی موجب اولیور ، هر
 طرفدن « یاشاسون ایمپراطور » ندالری یوکسلیور .
 چارده مبسوط اولیور ، مؤلفی کورمک ایسته یور ،
 بوراده میدردیه صوریور !.. الله استعداد اولونجه کار
 کندنی کوستیر ، دیرلر . باشقه لری ایمپراطوری کورمکه
 جان آتیورلر . ایمپراطور بو شاعری کورمک ایچون
 آرایور .

بوندن صوکره فرانسلرک (لورن) مارشی
 چالنیور . بعده تجارت ناظری (هازی بوشه) چاره
 طوغری ایلریله یه رک شونطق سویله یور :
 « فرانسه پدر معزیزکنر خاطره سنه پایتختک آثار

عظیمه سندن برینی تحفه ایتک ایستهدی . ذات حشمتاً .
 بکزدن فرانسه حکومتی نامنه رجا ایلم رئیس حکومت
 ایله برابر اوچنچی (آلکساندر) کوپریسنک حجر
 اساسینی وضع بیوریکز . پاریسی بوکوپری بیک طقوز
 یوز سرکیسنه الصاق ایله جکدر . بووجهله شو تجیل
 وتکریم ایدم کلدی کمز صالح و مسالمت عمومیه اثر عظیمه
 موافقت علیه حشمتاً بیلری وایمپراطوریچه حضرتلرینک
 حایه کزیده لری انضمام ایتش اولور .

مسافرلر بوسوزلره قارشى روى قبول کوسـتره رک
 باش اکرلر . اورتاده کی اوافق ماصه نک اوستنه دریدن
 برکاغد قونورکه محتویاتی شودر :

یدی تشرین اول بیک سکزیوز

طقسان آتی

حشمتلو ایکنچی نیقولا حضرتلری

عموم روسیه ایمپراطوری ، حشمتلو ایمپراطوریچه

آلکساندر فهدروونا حضرتلری

موسیو فلیقس فور

فرانسه حکومتی رئیس

۱۹۰۰ . شهر عمومیسنک و اوچنچی آلکساندر

کوپریسنک برنجی طاشنی وضع ایتدیلر .

پورسعدہ حاضر بولنا نثر :

موسیو (لوبہ) مجلس اعیان ریسی

موسیو (بریسون) مجلس مبعوثان ریسی

موسیو (مہلین) رئیس وکلا وزارت ناظری

موسیو موسیو :

دارلان عدلیہ ناظری

ہانوتو خارجیہ ناظری

قوشری مالیہ ناظری

جنرال بیو حربیہ ناظری

آمرال بنار بحریہ ناظری

رامبو معارف عمومیہ ناظری

ہانری بوشہ تجارت ناظری

آندرہ لہ بون مستملکات ناظری

دلپوخ مستشار

بیقار ۱۹۰۰ مشہر عمومی قومیسری

بووار ۱۹۰۰ مشہر عمومی سندنہ خدمات معماریہ

مدیری

رمزال طرق ومعار مهندس عمومیسی

امضا :

ایمپراطور ، ایمپراطوریچہ ، (فلیقس فور) بو

مضبوطه نك زيريني امضاالارلر ، (هانري بوشه) ده
 بونلرك آلتنه امضاسنى وضع ايدر صوكره هپ بردن
 ايلريلر، اسكله يه طوغرى كيدرلر. چار و چاريچه ورئس
 حكومت اللرينه آلتون چكيچي ، ماله يي آير ، حجر
 اساسي ي مهرلر كي ياپارلر بعده بو طاش مخصوصاً
 حاضر لانان دليكه قونارق تانهرك قعرينه اينر كه آرتق
 الى آخرالدوران اوراده قالسه كرك .. بواننده منظره
 يك مهيب اولور ، موسيقى باشلار ، نهرك ايكي جانبندن
 آقيشلر يوكسليز . صول طرفدن ايسه چيچكلر ،
 دمتلر ، بايراكلر آراسنده بر صاندال پيدا اولور . ايچنده
 مكتب بحريه دن اون ايكي ملازم كورك چكيورلر ، بر
 بر ضابط دومنه باقيور ، بونلرك اور تاسنده غايت ساده
 بياض لباسلر كيمش اون آلتى كنج قيزكه هر برى پارس
 تجار معتبره سندن بر عائله يه منسوب .. ايمپراطوريچه
 چيچك تقديم ايتمه كليورلر .. لكن بونقده اويله عادى
 بر صورتده دكل .. اك دلارا شكوفه لر ، غايت الغايه مصنع
 بر صاقسى ايچنده .. صاندال ياناشير . ايمپراطوريچه بو
 منظره لطيفه دن هيجهانه كليز ، دخترانك اوكنه طوغرى
 كيتمك ايستر رئس حكومت بوكا مانع اولور . چاريچه يي
 چادره دعوت ايلر .. قيزلر دكزدن چيقان پريلر ، مالكة


دریالر کی ساحله اینر . هرکی برهيجاندر آير . ايمپرا .
 طور يچه نك كوزلری صولانیر بوبنات پاكيزه ادا حیرت
 آرا برانتظام ایله یوریرلر ، نقدمه لریخی ادا ایدرلر . برر
 برر چاریچه نك الی اوپرلر : اوده بیان تشکر ایلر .

بوندن صوکره ایمپراطوره ۱۹۰۰ سرکیسنگ ارکانی
 تقدیم اولونور . بورسمده ختام بولور . آلائی بوموقعدن
 چکلدکن صوکره خالق ، مدعولری کورمیلیدی .
 رؤسانك اوطوردقلری الی سریره طوغری قوشوشو .
 رلر . بوصورتله مسافرله برنقطه تماس پیدا ایتدکلرندن
 دولانی سونیورلردی .

هیئت بوندن صوکره انجمن دانشه کیتدی . انجمن
 دانش (مازارن) سراینده کائندرکه بوده (سن)
 کنارنده ، صول ساحلده در . (آر) کوپرینسندن کچیلنجه
 جبهه یه کلیر تاقاپودن معارف ناظری مسافرلری قارشیلار
 مردیوانده ایسه هیئت اداره انجمن استقباله کایر . . بو
 هیئت مدیر (لهغووه) دن ، مستشار (دهووکوه) دن
 کاتب دائمی (غاستون بواسیه) دن مرکبدر . بوذواتدن
 برنجیسی ، اولجه یازدیغز وجه ایله اعضای انجمنك الك
 مسنی ، بونکله برابر پك لطیف ، بنام برمحرر مؤلف
 اولدیغی ایچون بوفصله رئیس انتخاب ایدلدی . (دهوو

کوئە) ایسه روس امورینه ، ادبیاتنه بالخاصه واقف بر
 محرر شهیدردر . مسافرلر بویلهجه قرقلر اجتماعکاهنه
 کیرلر . مدیر (لهغووه) — مذاکره باشلار و بر
 ادای بلخ ایله کوزل برنطق ایراد ایلر . بونطق جداً بر
 جوهر ادب و معرفتدر . خطیب تابووک پترودن سوزه
 باشلایه رق لطیف بر صورتده ایکنجی نيقولایه قدر نقل
 کلام ایله یور ، بو دوره یه « فرانسه و روسیه محبت
 صمیمیه سنک ایکی یوزنجی سنه دوریه سنه مخصوص یوم
 عیددر » دییور . فقط بو قدرله اولماز . بوسوزلر یازیقدر .
 ضیاعه اوغراماسون . آتیده صحیفه لر یزمه کچیرملی یز .
 بوندن سوکره شاعر (فرانسوا قونیه) کلامه آغاز ایله
 « حشمتلو روسیه ایمپراطور و ایمپراطور یچه سی حضراتنه »
 دییه اوزون برنشیده اوقویور ، او برنشیده محتشم ،
 عمومی ایدی ، بوسفرکی ساکن ، خصوصیدر . بعده
 اعضادن (دوسونویل) بیووک (پترویه) دائر اثر
 جدیدندن برصحیفه قرائت ایتک ایسته یورسه ده وقت
 قالمایور . لکن بواثرلر بر معتاد آنتون حروف ایله یازلمش
 اولدینی حالده برخاطره اوله رق انجمن نامنه مسافرلر
 تقدیم اولونیور . نهایت هیئت انجمن معروف « قاموس
 عمومی » ایله اشتغاله قویولیورلر . اوح ، بو قاموس

عمومی ، بیتمز توکنمز مسئله در . سنه لردن بری حالا
 (a) حرفنده اولدینی ایچون خلقك دائما استهزاسنه
 اوغرا دی . فقط ، کورنار سویله یور ، قرقلرك بوقاموس
 مذاکراتی جداً مهیب ایمش ، نافع ایمش . بو سفر
 (animer) کله سنی موقع مذاکره یه قویمش لر ایمش .
 (ژول له متر) ، (ساردو) ، (سولای وپردوم) ،
 (له غووه) ؛ (قلارتی) ، (بروتی یر) بو مذاکره یه
 اشتراك ایلدکلرندن بحث غایت جاذبه دار اولمش .
 ایمپراطورك ده ، ایمپراطور یچه نك ده نظر دقتی جلب
 ایله مش . او قدر که چاراعضایی برر برر طانیق ایسته مش .
 شمیدیلک بو قدر اکتفا ایدر ، بویومه عائد تفصیلات
 متبایه یی «بوکونک ایشنی یارینه براقما» اخطارینه رغماً
 فردایه ناچار تعلیق ایلرز .



۸ تشرین اول ۱۸۹۶

برنجی کون زیارات رسمیه ایله یکدی . بنابرین بر
پارچه صوغوقدی . ایکنجی کون مسافرلر بوعالمه ایصنمغه
باشلادیلر . هله ایمپراطورک پارس حقنده ذکر ایتدیکمز
مدائحی پارسلیلرک سرپوشنی هوایه اوچوردی . طرفینده
شوق وهیجان صوک درجهیی بولدی . ذاتاً بوزیارتک
روحی ده شو ایکنجی کونده ایدی . بیوک (اوپرا) ،
موسیقی هر طرفده بولونور . آلمانیاک (واغزی) بو
خصوصده جهانی کولکهده براقدی . سوقاقلرک تزیناتی ،
شهر آیین فی الحقیقه خارق العاده اما دیگر بیوک بلده لرده ده
اولابیلیر . ازدحام ، خلق ، طنطنه دبدبه هکذا بویله در .
فقط اوچنجی (الکساندر) کوپریسنگ رسم مخصوصنده کی
آلایش ، (پول مونه) نک انشاد ایله دیکی نشیده ،
اوچیچکار ، او اون التی قیز صرف بودیارک مخصوصا -
تندندر . برفرانسز ، حتی پارس رنکیله ملوندرد . یا انجمن

دانش ! پارسك مزایای علمیه و ادبیة سنی طایان بر فکر
ایلك فرصته هان بوکوشه دن خوشه چین اولمق ایستر .
انجمنده کی بو خاصه فرانسلرک مجله وایدر . چونکه
(غونقور) لر ، (دودولر) کبی ال ایلری کایر ذکالربیلله
بوتأسیسك عالیهنده بولونیورلر . اجنبیلردن ده بونکته نك
فرقه وارانلر آذر . کلن روسلر اوتهدن بری فرانسه
ادبیاتیلله ، افکار ادبیة سیله لسانیلله اوغراشه کلدکاری
ایچون اکثریا بوزمرء قلیله دندرلر . چارده انجمن
مخصوصه زیارته کیتیمی بوزیارته اعمیت ویرمسیله بویله
اولدیغنی اثبات ایتدی . ایشه فرانسلرک بوبابده کی
فکری بوضورتله خلاصه اولونیورکه بوده مصیب اولسه
کرک .

برذهن که فرانسه ادبیاتیلله ، فرانسلر لسانیلله اوغراشیر
بواشتغالندن ده محظوظ اولور . انکچون بولسا نك اک
بیوک بلغاسندن مرکب بر جمعیتک و قتیلله عربلرک عکاظی
کبی بر جمعیتک بواغته دائر مذاکراتی ایشتمکدن شعراسنی
دیگله مکدن ، ادباسنی کورمکدن بیوک بر حظ تصور
ایدیلیرمی ؟ هیمز آز ، چوق بومشغله یه واقفز هانکی
اذواق فکریه یی شو انجمنک بویله بر جلسه سنی تماشا
ایتمکدن دهارنکین بولورز . ایشه بوزیارتک شوایکنجی ،

کونی تلذیذ ایدن احوال دن بری ده بوایدی . لکن کیجه
(قومهدی فرانسه ز) ده کی تماشا بویولده ، دها باشقه ،
دها مستثنا ایدی .

مسافر لر انجمن داشدن چیقارق ضربخانه یه کیتدیلر .
مادالیه لرک ، روس مسکوکاتنک صورت ضربخی کوردیلر .
فرانسه ده ضرب مسکوکات خصوصی پک عمومیدر .
بالفرض الکزده برکولچه آتون وار .. دکلی ؟ بومعدنی
حکومتک شو ضربخانه سنه کوتوریرسکیز فرقی مصرقی
آلهرق سزه بوندن نه قدر چیقارسه او قدر اچقه ضرب
ایدر لر . ضربخانه برداثره رسمیه اولمقدن زیاده بر محل
صایع و تجارتدر .

بوزیارت اشناسنده مسافر لرک شرفه خاطره لر ضرب
اولوندی . آندن صوکره چار و چاریچه دائرة بلدییه
کیتدیلر ، اورایی ده زیارت . ایتدیلر . پارسک بلدییه سی
بیوک بر اهمیتی حائزدر . مجلس بلدی رئیس (بودن)
اوتوز وچ یاشنده معروف برنامک حامی بر ذاندرکه ،
هیچ شبهه یوق ، عن قریب ایلر یلر . بوریاست فرانسه ده
مقامات عالییه همان ممر کبیدر . ناظر لرک بر چوغی ،
(فلوکه لر) لر ، (شوتان) لر هپ بورادن کچدیلر .
حاصلی بوهیئت ، بومجلس پارس شهرینک مأموری اولمقله

مفتخر در. رئیس مسافر لر خوش آمدی طرزنده کوچک
 برنطق شکران آمیز ایراد ایله دی. موسیقی ایکی طرفک
 مارشنی چالیدی. برده غایت کوزل برقونسر ویرلیدی.
 بعده چار و چاریچه سفارتخانه یه طوغری یوله قویولایلر.
 (شانه) ده (اوپرا قومیق) ک اوکندن کچرکن بنادن
 لطیف بر موسیقیدر باشلادی. بوتیاترونک چالغیسی بر جملیه
 اولمق اوزره ایمپراطورک روسیه ده کی آلاینه مخصوص
 مارشی چالیوردی. (اوپرا قومیق) هان بیوک اوپرا
 درجه سنده بر منظره رسمیه درکه شمدی موقتاً بر بناده
 بولونیور. قریباً بونکیچون انشا اولنان بر محله نقل
 ایدیله جکدر. اسکی بنا بوندن بش اون سنه اول بر قضایه
 اوغراددی. یاندی ایدی.

کیجه روسیه سفارتخانه سنده بر ضیافت رسمیه واردی.
 ایمپراطور و ایمپراطوریچه فرانسه ارکان حکومتی دعوت
 ایتشلردی. یمکدن سوکره آلاهی هیئتیه (قومه دی
 فرانسه ز) ه کیتدی. ایشه فرانسه نک، پارسک مخصوص.
 صاندن بری ده بو منظره در. بوتیاترو، بومؤلفر، بو
 او یونجیلر صرف شو بلده یه، شواقلیمه، شوذکایه خاسدر.
 (مولیه ر) لر، (راسین) لر، (قورنی) لر، زمانمه
 کلک ایچرن (لاییش) لر، (اوژییه) لر، (دوما فیس) لر،

(سارابر نار) لر ، (مونه سولایلر) ، (ره شانبرغ) لر ،
 (قوکلن) لر باشقه مملکتلرده بولونماز . بوکاده اک بیوک
 دلیل شودرکه بو او یونجیلر هر سنه تانیورقدن ، لوندره دن ،
 پترسبورغه دکین بیوک شهرلری دور ایدرلر ، اورالرده
 مظفرانه اجرای صنعت ایلر ، دنیالر قدر مو فقیه
 قازانیرلر .

(پترسبورغ) ک قومه دی فرانسه ز) ارکانیله الفتی
 هم پک زیاده ، هم پک قدیمدر ، تا بیوک پترو زماننده
 باشلار ، بیک ایمپراطورلق زماننده بالخاصه فیض آیلر .
 (ناپولئون) فرانسه ناک ماهر ، مشهور ، دلارا براو یونجی
 قادیننی روسیه ایمپراطورینه ، برنجی (آلکساندر) .
 کوندیرر . آرتق اندن صوکره (نوا) وادیلرنده فرانسه ز
 او یونجیلری فوج فوج جرید اوینارلر . بونکچ-وندرکه
 دون کیجه (قومه دی فرانسه ز) ارکانی قادین ارکاک ، قرقی
 متجاوز اولدقلری حالدده صحنه یه حیقیدیلر . بر معتاد رنگین
 برادا ایله قادینلر باشقه ، اککلر باشقه بر صورتده لوجه ده کی
 چار وچار یجه نی سالاملادیلر . صوکره بونلرک ایچندن
 (مونه سوللی) اوکه طوغری ایلریله دی ، مدیر (ژول
 قلاتری) نک بولیله ، بو منظره ایچ-ون تنظیم ایتدیکی
 اوزون برش-عرك برنجی ، ایکنجی ، اوچنجی یارچه سنی

اوقۇدى. بو (ژول قلاتى) نە وسعت انگيز برورنجه در.
 كاه غزته جي، كاه حكايه نويس كاه تياترو مؤلفى، بىعضا ده
 بويله شاعر اولور.

كچن مکتوبلر مدن برنده بو ذاتى، عدد تايفاجه
 (وولتر) ى چوقدن كچن بوقوجه محررى آكلاتمدى.
 اقوال سابقه ايشته بريكي دايلى ده: (ژول قلاتى)
 رتى) نك بو محصل نقيس موزونى اولار روسيه يي
 شاعرانه، هم پك شاعرانه — صارى اكين كچى صارى،
 بياض، قار كچى بياض — ديه، مدح ايله يور. بعده بو
 اقليمك بالخاصه (قومه دى فرانسز) اركاننه، منسوبلرينه
 پك مونس، مشفق برپناه اولديغى آكلاتيور. ايكي
 مملكتك ادبياتى، تياتروسنى ال اله، آغوش آغوشه
 ويريريور. نيجه اويونچيلر پترسبورغدن فيض آلدى ده
 اوسايه ده بوراده پارلادى، نيجه اويونلر (نوا) ساحلرنده
 انجلا ايتدكن صوكره پارسده باشقه برشوق وتعالى
 بولدى، دييور. مثال اوله رق شمدى عرض ايدجكلىرى
 (هواوهوس) اثرينى كوسترييوركه (آفرد دوموسه) نك
 بو محصلولى فى الحقيقه ايلك او كچه روسيه ده اوينامغه
 باشلايور.

ينه شاعرك قولنجه: ايشته بوسببه مبنيدر كه شو

(مولیه‌ر) مسلككنك بوساكن آواره‌لری روسیه ایمپراطور
وایمپراطور یچه‌سنه متواضعانه رفع حرمت و محبت ایله یو-
رلر . . دیرکن بوصیرده قادین او یونجیلردن مادموازل
(ره‌یشنبرغ) ایلرله یور، دردجی قطعه‌یی ایراد ایدیور،
بز، قادینلر، بزده بو حسیاتده مشترکز دییور. بعده
مادام (بارماتا)، مادموازل (بارت) بشنجی و آلتنجی
قطعه ایله جاری، چارچی‌یی تجیل ایدرکدن منظومه‌یه
خاتمه ویریورلر.

قلممده کی محدودیتی سیر ایتلی. بوجانم شعری نه
صوغوق خلاصه ایتدی. فقط قباحت بنده می؟ بویله
شکسته بسته بر افاده سریعه ایله بوقدر اولور. زمین
وزمان مساعده ایتلی ده بوکزیده پارچهلر آهسته آهسته،
ممکنسه حرفی حرفنه، نکته‌سی نکته‌سنه لسانمزه ترجمه
اولونملی . .

بونشیده دن صوکره (هواوهوس) او یونی اوینانیر.
اوچنجی پرده دن مسافرلر پک محظوظ اولورلر. او یو-
نجیلری بالذات طانیق ایستلر. ایمپراطور مادموازل
(ره‌یشنبرغ) ی مقدا (پترسبورغ) ده کوردیکی
خاطرلار. بعده (مولیه‌ر) ك (بیلکیج قادینلری) اوینا-
نیر. کوچك (قوکان) ایجه موفقیت قازانیر . . منظره

بیتر ، الای طاغیایر . ایشته بوکیجه مراسمی ده بویله ختامه ایرر .

احبادن برینک دلائیلله هرکس کیتدکن ، تیاترو بوشالقدن سوکره تزینات داخلیهی کوره بیلیمک ایچون (قومهدی فرانسهز) ه کیردمدی . سالونک شعشعه سنی ، دیوارده کی هربری تیاترو مؤلفات قدیمه وکزیده سندن برینی عرض ایدن (غوبان) حالیلرینی سیر ایدرکن خارجدن برکورتلی قوپدی . مکر خلق قاپولرک محافظه سنی خفیف بوله رق ایچری هجوم ایدر . تیاترونک داخای کورمک ایستر . لکن چوق کچمه دی ، ضابطه مأمورلری کلدیله ، بزی ده انلرله برابر سوروکله دیله ، چیقاردیله ، آرتق ازیله ، دوکیله اورادن بیوک جاده لره قدر کچه بیلدک ، بوجاده لرک های وهوی شمانی . ازدحامی ، تزیناتی ، شعشعه لری محشردن ، فقط مزین ، مطرا ، مشعشع بر محشردن نمونه نما ایدی . قندیامی ایسترسک فوج فوج .. ضیامی اوزلرسک بولوط .. بولوط .. چیچک ، سوس ، زینتمی دیلرسک اتک اتک .. بوندن ماعدا طرف طرف آلا فرانغه خیالار ، بز مکیلردن دها مظنطن ، خزش ، کزیده خیالرکه باد هوا تماشاولونیور . یعنی بعض تجارتکاهلردن عرض ایدیلن (لائرن ماثریق)

لوحه لری بونلرک اک دلفریپی (پتی یاریزین) اداره خا-
نه سنده کی منظره ایدی که اولاً چاردن و چاریچه دن رئیس
حکومتدن باشلایه رق بومراسمده کی مشاهیرک بویله ضیالر
ایچنده رنک رنک برر تصویرینی کوستردی. نوبت چاره،
چارچییه هاله مینی مینی (اولفا) یه کلدجه بی-ککرجه
خلقدن بر آلفیش آوازه سیدر قویوردی. بچاره سمع
ضعیفم، بویله کمره، یوجه دمدمه لره تصادف ایتدیکی
ایچون هر ولوله ده سرسمله شیوردی. بومنظره دن
صوکره پرده ده: بکله ییکز. سزه مسافرلرک شربورغ
لیمانه وبعده پارسه صورت مواصلتلرینی مین مخابر
مخصوصمزک چیقاردیغی تصاویری کوستره جکز، یازیسی
اوقوندی. بکله ییکز دیمکه لزوم وارمی، اشاغی یوقاری
کیتمک قابل دکل که.. قلدق اوراده اسیر حیرت، نه تاب
کذر، نه فکر عودت...

اوح، ایشته شربورغ شهری، نه لطیف تصویر،
ایشته لیمان، ایشته ترسانه ایشته دونما، ایشته چارک
کیسی، مسافرلرک ورودی. شو، بو بتون مناظر واقعه
حرفی حرفه تصویر اولونمش.

بو (پتی یاریزین) طبقی (پتی ژورنال) کبی اون
پاره یه صاتیایر، فقط میلیونلرجه صاتیایر برغزته درکه

خاقي اكلنديرمك ايچون بو قدر مصارف اختيار ايله يور .
 بور سملري چيقارتيور . بولوحه يي كوستر بيور .
 شو تماشا لرله ذهن ايجه طولاش ، فكرم حظوظ
 بولمشدي . لكن ناصل اولدي ده كلبه احزانمه دونر كن
 (سن پر) سواقندن كچر كن او كمه چيقان برهيت ،
 حزين برهيت بونشاطمي باشدن آشاغي تلخ ايله دي ،
 ايكي ضابطه مأموري سديه كي دمير بر قاريوله ده سراپا
 مستور بر انسان كوتور بيور لردي . اورتونك التدن
 آجي ، غايت آجي بر فرياد كليوردي . مكر بي چاره مجروح
 شو از دحام اثناسنده بر آرا بهنك التده قاله رق ازلمش ،
 خرده خاش اولمش اولمش ، جوارده كي شفقت خسته خا-
 نه سنه ايصال اولونيور مش . شو وقعه غزته ده اوقونسه
 هيچ نظر دقي جلب ايتمز ، لكن كيجه ياريسي بويله
 كوريلنجه انسانه باشقه درلو تاثير ايديور . شهود ايله
 سمع آراسنده كي بوفر ق شمد يه قدر بودرجه قوتله
 كوزومك او كنه كلمه ديد ي . بنم كي رقت قلب اصحابي
 حزين منظره لره چوق زده ايور . اويقو مفكره مي اويو-
 شدير نجه يه قدر بو وقعه ده كوزومك او كندن كيتمه دي .

*

* *

پارسدن : ۹ تشرين اول

دون چار و چاريچه حصر تلرينك پارسده اوچنجي ،

فرانسه‌ده دردنجی کونلری ایدی . هوا کوزل ، شهر ، صاف ، حار ایدی . بویله بریوم خزان بو اقلیمده نادر کورونور . لکن مسافرلر پارسه وداع ایدیور . سوقا - قلردن کچرکن خلق « کیتمه ییکز ، برقاچ کون دها قالکیز » دیسه باغیریورلردی . بوصمیمیت ایمپراطورک خوشنه کیتمش اولمی که کچن کونکی صباح یکننده (دوق دومال) ه پارسه لیری ایجه مدح ایتدکدن ، جاده لری ، شو خنجا خنج امواج بشریه ایله طولو جاده لری برر فسیح سالونه ، کبار سالونه بکزتدکدن صوکره بهارده بوکوزل افلیمه ینه کله جکئی ، فقط بوسفر منکراً کله رک مملکتی ایسته دیکی کبی سراسر تدقیق و تماشا ایده جکئی سویله یور . بوسو - زی (قومهدی فرانسه ز) ارکاننه ، هیئتنده تکرار ایله یور ، ربیعه اوزون اوزادییه بولوشورز ، دییور ، نهایت بوخصوصی عمومه رسماً بیلدیریور ، افشا ایدیور . ایشته بونکچوندرکه بوکون غزته لر صحائف ابتهاج ایله مالا مالدر . پارس شهرینه بوندن بیوک النفات ، بوندن بیوک جمیله اولماز دییه اظهار شادمانی ایله یورلر . ایمپراطورک قوانجه : « پارسده انسان حظوظدن حظوظه مساردن مساره قونیور ؛ قلب ایچوزده ، نظر ایچونده اذواق متضاعف ، مسرت بی نهایه اولیور . بزه ایفای تمنیات

خوش آمدی ایچون احتمالہ صیغماز صورتہ سوقاقرہ
دوکیان خلق ایسہ فیج برصالونی . بردارڈ کباری
آندیریور»

چار و چاریچہ علی الصباح بعض مسافرلری قبول
ایتدکن صوکرہ طوتوز بحقدہ (لوور) موزہ سنی ،
مشہرینی تماشایہ کیدیورلر . (لوور) فرانسدہ صنایع
نفیسہ نک اک بیوک تجلیکاهیدر ، بر دریادر . بردریای
نفائسدردکہ میلیو نلرلہ تقدیر اولو ناماز . تا معاصرینہ
وارنجہیہ قدر فرانسدہ نک ، عالمک اک مشہور رساملرندن
اک پارلاق اثرلری محتویدر . بولجہ نفاستی تعریف ایچون
جلدلر ایستر . .

معارف ناظریہ فرانسدہ نک حالاً اک معروف رسا -
ملری ، صنایع نفیسہ آدملری بو مشہردہ بریکیرلر ،
مسافرلری قبول ایدرلر . بوارباب صنعت آراسندہ برقاچ
دفعہ شو مخا براندہ ذکری کچن (دہ تایی) لردن ،
(پووی دہ شاوان) لردن ، (بونا) لردن باشقہ بردہ
مادموازل (روزابونور) وارکہ طوقسان یاشندہ برقاد -
یندر . باباسنک شاگرد مہارتیدر . چار و چاریچہ نک
بالخاصہ مظهر التفاتی اولیور . آرقاداشلرمدن بری
بکا بو آفت معرفتک آئارندن برمرعا عرض ایدر بیوک


اون دردنجی (لوئی) نك انشا کرده سیدرکه بعضاً پك
 حزين ، بعضاً ده پك لطيف اولمق اوزه اوچ بیوک
 عصرک خاطر اتیله مالا مالدر . (پارق) دیدکلری بستان
 مطرا اون یدنجی عصرک احتشاماتنه سونوک فقط هر
 حالده مهیب برنمونه در .

یولار ، چنلر ، حوضلر ، صولر ، هیکلر ، لیمو -
 نلقلر ، مشجرملر ، قریه لر فی الحقیقه شمعی ملول ملول
 طوریه لرلر . لکن ینه فکرمه انجلا ویریورلر . هله بیوک
 صولر ییلان ارسلان ، قاپلان آغزلرندن ، چشید چشید
 فسقیه لرندن ، قوللردن ، بللردن ، رنکا رنک هیکلردن
 کاه شالاه ، کاه دمت ، هیولا صورتنده . . کاه سیل ،
 چاغلایان کاهده حیوان ، انسان شکلنده فیشقیرمغه باشلا -
 نیجه فکر وقلب ونظر خارق العاده برمشغله بولیور .
 خوشالانیور . مسافرلر هپ بونلری کوریرلر . نهایت
 سرایدکی دائره مخصوصهده استراحته چکیلیرلر . .
 ایمپراطور وایمپراطوریچه اون دردنجی (لوئی) نك دائره
 مخصوصهسنده راحت آلیرلر . دائره اوچ عصر اول نه
 ایسه ینه اویله اولور . ینه اویله مطرا دوشه نیر ، سو -
 سله نیر . ذاتاً اشیای قدیمه ضیاعه اوغرامادی ، حتی بو
 مناسبته تجدید و تکثیرده اولوندی . اسکیسندن ده

مظنن اولدی .

رئیس حکومتده اون دردنجی (لوتی) نك ندیمه -
لرندن مادام (دهمنتون) ك دائره سنده آرام ایلر. اندن
صوكره بیوك برصالونده بیوك برضیافت ویریایر . بر
طرفه چار، برطرفه رئیس حکومت کچر. اوبری صاغنه
مادام (فوری) ، بریکی ده ایمراطوریچه نی آلیر ، . مد -
عوین سائرده برموجب ترتیب یراشدیریلر.

یمك بیتنجه مسامر، رقص، شعر، سرقی، موسیقی،
اویون باشلا ركه براز وقته محتاج اولدینی ایچون بونلرك
تصویرینی ده یارینه براقیورز .



چا وچارېچه حضرتلرينك (ورسای) زیارتلری ، مسامره ،
شعر ، ادبیات شرقی ، موسیقی ، رقص تیاترو ، (سوللی
پرودوم) ، (آفره دده موسه) ، (سارابر نار) ، (قوکلن) ،
(دهلونی) ، (لودویغ هاله وی) ، (میلاق) ، عزیمت .

مسافرلره بیوک اوپرا ، (قومه دی فرانسه ز) کوستر-
ادی . فقط بونکه پارسک بویولده اک بیوک اصحاب معرفتی ،
شطارتی ماهیتی عرض ایدلمش اولمادی . ایشته (سارابر)
که بوکون ' اویونجیلرک سرتاجیدر ، مع مافییه چوقدن
چکلدی . (قومه دی فرانسه ز) ده داخل دکل ، کذا
بیوک (قوکلن) ده امثالسز بر مضحکه بازدرکه همان عینی
موقعه در . بوندن ماعدا (وودویل) (اوپراقومیق)
کبی بیوک صحنه لرك شعشعلری ، اک برنجی اویونجیلری ده
خارجده قالدی . ایشته بونقائصی تکمیل ایتک ، فرانسه نك
بالجمله بدایع فکریه سندن ، نزاهت ادبیه سندن ، شوقندن
شطارتندن موافق بر نمونه کوسترمک ایچون مسافرلرك
(ورسای) قصرینی اثنای زیارتلرنده برمسامره ترتیب
اولوندی .

بو بنای مطرا که ندیمک دیدیکی کبی : قصر روح
افزا دکل حسن وبها مأوسیدر . خارجا داخل ، ماده ،
معنی اک دلفریب مبانی تارخیخه دندر . بویه برمسامره
ایچون موافق بروادی دکلیدر ؟ فرانسه نك مزیتته ،
صنعتنه ، علویت ماضیه وحالیه سنه دائر حضار کرامه بر
فکر حقیقی القا ایتزمی ؟

بو ملاحظه مبنیدر که دون کیجه ساعت یدییه
طوغری بو قصرک (هرکول) نامی ویردکاری بیوک
صالونی شعله لر ایچنده یوزییه وردی . مسافر لر اوبر
طرفده یمکده ایدیلر . براز صوکره بورایه کله جکلاردی .
بری جهته براوطه ده (سارا برنار) تزله سنی دفع ایتمک
ایچون نه یاپاجغنی بیاسمه یور ، بوغازینه فیرچه ایله علاج
سوریوردی . (سارا برنار) ، هیچ شبهه یوق ، دورک
اک بیوک فاجعه بازیدر . اک بیوک موفقیتی ده (لادام
اوقاملیا) ددر . زیر اداره سنده کی (ره نسانس) تیارو-
سندمه کچن هفته دن بری ینه بو او یونی اوینامغه باشلادی .
انسان کیتملی ، بومنظره یی کورملی ، فقط مدققانه ،
روح شناسانه کورملی . الده قلم هر لحظه یی ، هر هیجانی
اشارت ایتلی (قوکلن) ، محفوظاتنه دن اک زیاده
ایمپراطورک خوشنه کیدن پارچه هانکیسیدر ؟ دییه

ماینجیلردن برینه صوریوردی . چار ، دها چارویچ
ایکن بر اویونجینک آغزندن (آلفونس دوده) نك بر
حکایه سنی ایشتمش و بوندن پك محظوظ اولمشدی .
قوکلن ینه بوپارچه یی تقریر ایتك ایسته یور . چونکه
اوچنجی آلكساندرده بوثری بکنمش ، حتی اوغلنه
توصیه ایتمشدی .

(دهلونی) ، بو اختیار مضحکه باز ایسه (آلفرد
دوموسه) دن — بر مسامره ضایعه — عنوانی نشیده یی
انشاده حاضر لانیور . (دهلونی) بر پیر روشنضمیردرکه
(قومهدی فرانسه ز) ك ایلری کلیر اویونجیلرندن
ایدی . شمعی متقاعددر ، کچن سنه اوغلنی بومسلکه ،
بو صحنه یه سوقدی . (آلفرد دوموسه) نك اجاسندن
ایدی . بو ترتیبات بیتر ، وقت کلیر ، مسافر لر صالونه
کیرر لر ، اوطوریر لر .

اولا (سارا برنار) اورتایه چیقار . (سوللی پرو -
دوم) ك — (ورسای) اورماننده کی پری — دیه بو
مبحثه دائر یازدیغی منظومه یی شایان حیرت و مفتونیت ،
بر وضع ایله ، بر ادا ایله ، برسسله اوقرر (سوللی
پروودوم) دن ادبیات حقیقه درس لر نده اوزون اوزا -
دی یه بحث ایتك ، بعض ترجمه لر بیله کوستردك . بو ذات

بر شاعر ، بر فیلسوف ، بر ادیب حکیمدر . شو کو چک
منظومه سنده بیله بوفاسنه سنی ، بو حکمتی کوسه تیور .
بوندن اول چاره خطا بآک بیوک شاعر دن بر ایکیسی
دها بالمناسبه نشیده یاز دیلر ، کوردک . . بونارله برده
شونظم اخیری مقایسه ایتسه کنز آراده بیوک فرق بولور .
سکز . (سوللی پرودوم) ه کوره (ورسای) اورماننده کی
بری شاعرانه ، فیلسوفانه بر لسان ایله — فلسفه ایله
شعرک بودرجه امتزاجنه حیرت اولونور ! — یکر می
یش سنه دن بری بو اورمانده ساکن ، آسوده او بودیغی ،
هیچ برسس ، هیچ بر پتیر دی ایشتمه دیکنی ، دیرکن
بوکون مشجره اهترازه کله رک بیوک ، والا بر خیالک
کندینه شو سوزلری سوبله دیکنی آکلاتیور . بوسوزلر
چار ایله چاریچه ده دأردر ، خیالت پرییه نصیحت
ویریور . بومسافر لر نه در ، ناصلدر نه لطافت و مزیتده .
در ، بونلری نه صور تله قبول ایتمیدر ، آلقشلاملیدر
بیلدیریور . فقط نه بایغانه ، نه حکیمانه بیلدیریور
او قدر که ایمراطور بونشیده دن پک زیاده هیجانه کایور .
ناشده بی زیاده سیله آلقیشلایور .

(سارابر نار) دن صو کره موسیو (دلا) ، مادام
(آمل) کبی پارسک اک بیوک مغنی و مغنیه لری بر ایکی

شرقی سویلہ یورلر . . بونلرک ایچندہ — چوبان قزی ،
 یاغور یاغور ، یاغور یاغور — عنوانلر پارچہ دہ وارکہ
 جدآ طرب افزادر . بعدہ (دہلونی) ذکر ایتدی کمز
 برمسامرہ ضایعہ نی ادای مخصوصیلہ تقریرہ باشلایور .
 (موسہ) بو عصرک بالطبع اک بیوک شعراسندن بریدر .
 فقط برجہتیجہ یکتادر ، اک بیوکدر ، جہاندہ اک یانیق ،
 اک حزین شعرلر بوشاعرہ سانج اولمشدر . بونکله برابر
 اک شاطر سوزلردہ بوداہینک سنو حاندندر . شو عید
 شادمانیدہ کوردک . برایکی اوچ کرہ بوقریحہ غرانک
 محمولات نفیسہ سنہ مراجعت اولوندی . (ویقتور
 هوغو) یه ، (لامارتین) ، (آلفرد دہوینی) یه میل
 ایدلدی . چونکہ بونلردہ آیری آیری ، بیوک بیوک
 مزیتلر اولقلہ برابر (موسہ) فطرتی ، بو طبع مستنا ،
 بوفکر شطارت آرا ، بو حزن دلفریب و وجدانربا یوق .
 بر مسامرہ ضایعہ — شویتلرلہ باشلایور :

« کچن اقشام (قومہ دی فرانسه ز) دہ یالکزددم .
 یاخود همان یالکز کچی ایدم . مؤلف پک مظهر موفقیّت
 اولمادی . چونکہ باشقہ بری دکل ، انجق (مولیہر) دی .. »
 بونک اوزرینہ ایمپراطور باشنی رئیس حکومتدن
 طرفہ دوندیریر ، کولومسر ، چونکہ ، معلومیا ، برکیجہ

اول مسافر لر (قومهدی فرانسه ز) ده ایدی . (هوا و هوس) ده (موسه) نك ، یعنی بوشاعر کدی .

بوده بیتر ، صیره (قوکلن) • کایر چار بو او یونجی یی کورنجه باشیله سالاملار ، تبسم ایدر . ذاتاً بو حال (قوکلن) • خاصدر : کوچك بیوك هر کسه القای ایتسام ایلر . بوسفر تقریر اولنان اثر (آلفونس دوده) نك ایدی . بو محررده مؤثر ، مستهزی ، بونکله برابر مفید ، مدقق بر قلم واردر . بوقلمله درکه انجمن دانشی فنا خیر پالادی ، بومیانه یه اصلا کیرمیه جکنی علناً سویلیدی . فقط نه اولورسه اولسون ، ایشه نامی اعضای انجمنله دائماً برابر کلیور . وقیله ولایانده کی طابعلردن بری (دوده) نك برکتانی با صدقن صوکره امضانک یانه انجمن دانشدن قیدینی قویار . اوت ، فرانسه نك اک بیوک معاصرین ادبانی کوزدن کچریرکن (دوده) لری ، خاطرلاماق محالدر . انکچوندرکه بوذاتلری آراسنه آلمادجه انجمن دانش ناقصدر .

(قوکلن) ك بو تقریری : تارالارده (سوپردفه) عنوانلی پارچه ایدی . بوققره ایمپراطوریده ، ایمپراطور ریچه نی ده پك اکلندیریور .

هاله قوکلن : « بیلدم ، بیلدم ، بونه برشاعر در ،

نده بر پر نسدرد . بر (سوپره فه) در « دینیکی زمان
هرایکسی ده کوله دن کندیلرینی آلامیورلر . روح ماده
(سوپره فه) یه دائر کسکنن بر هجویه دن ، بر هجویه لطیفه
وادیه دن عبارتدر .

بوندن صوکره پارسک اک معروف رقاص ورقاصه -
لرندن ، متشکل بر هیئت اسکی یوله رقصله باشلار .
(ساراباند) ، (مه نوئه) ، (پاوان) ، (پاس پیه) دیدکلری
بو او یونلر شو صیره ده پک اعتبارده در . کچنلرده (لاپورت
سن مارتن) تیاتروسنده (پاوان رقص دلفرینی کوره رک
» پارس خاطرملری « میاننده اقدامه کوندردمی . بور قصلر
بالخاصه اون یدنجی عصره مخصوصدر . (ورسای)
قصری ده بوعصرک بر مأوای معلا سیدر . شومسامره
ده کی جلوه زمانه باقلی . . حال ایله ماضی بی ناصل ، نه
درجه قاریشدیریور . حاضر وندن بعضیلری کوزلرینی
او غوشدیریورلر . تاریخمی تدقیق و تماشا ایدیور ،
یوقسه بر حقیقتمی کوریورلر . خیالتلر ، سایه لر ، لطیف ،
صاف صدرنک سایه و خیالتلر دونیور ، طولاشیور .
لکن عاقبت سونیوریریورلر . ایشته اوزمان انسان رؤیاده
اولمدیغنی آکلا یور . نهایت (لودوویق هاله وی) ایله
(میلاق) کینه بو لیلله ایچون مشترکاً یازدقلری (لالوت)


اسمنده کی اویون اویون اوینانیور . بوا یکی ذات حالا
 اک مشهور تیاترو مؤلفانندن ، بونکه بر ایر اک ایلری
 کلیر حکایه نویساندنرلر . (هاله وی) نک (آبرقونستان)
 نامنده کی حکایه سی انفس نفائسدر . ینه بو محرردن —
 بر ادواج عاشقانه — حافظه م بوجهتجه قارا کلکجه در —
 غالباً خالد ضیا بک افندی — طرفدن — بر ازدواجک
 تاریخ معاشقه سی — دییه تقلید ویا اقتباس صورتیه تر —
 جمه دن زیاده تألیف طرزنده لسانمه نقل اولوندی .
 بو مؤلفلر بر برلرینه پک بکزرلر . هرایکی سی ده علی العموم
 پارس صحنه لرینی ، بالخاصه (قومه دی فرانسه ز) ی ترین
 ایدرلر . بودورده مسلك مخصوصنجه اک بیوک بر تیاترو
 مؤلفی عدایدلدیکی حالدیه بیوک برادیمزک هر نه دنسه براز
 اوافق کوردیکی (ساردو) دن همان صوکره کلیرلر . بو
 (لالوت) اویونی ده مسافرلرک خوشنه کیدر . هاله
 ایمپراطور یچه طایاناماز خاتمه یه طوغری بول بولنه کولر .
 (لالوت) ی اوینایانلردن بری مادام (ره ژان) ایدی که
 (ووودیل) تیاتروسنک برنجی ، نجم موفقیتیدر ، (سار -
 دو) نک معروف (مادام سازژن) اثری کچن سنه بو صحنه ده
 موقع تماشا یه قوندی . بو اویونده اک بیوک یرطوتان
 (ره ژان) بیتمز توکنمز موفقیت قازاندی .

تماشابتدکدن صوکره مسافرلر اویونجیلره ، مؤلفلره
آیری آیری التفاتلرده بولونورلر .

بعده آرابه لره بینهرک استاسیونه طوغریلرلر .
چونکه بوکون (شالون) ده بیوک برکجید رسمی اولیور .
روسیه چارینه فرانسه نك قوه بریه سندن ده بر نمونه کوستر-
یلیوردی .

ایشته بوزیارتک دردنجی کونی ده بویله ختامه ایردی .
کوندن کونه شوق زیاده اشدی . موفقیت مرتبه مأموله بی
آشدی . (شالون) رسمندن ده موافق بر صدا کلیر ،
بوراده بالطبع ایراد ایدیله جک نطقلر اولکیلرک درجه -
سنی بولور . حاصلی بویوم وداع ده اوبرلری کبی تدریجاً
دها شن ، دها روحلی اولورسه فرانسزلر ایچون بوسیا -
حت ابدی برعید مسرتدر . دها شمیدین کیمی بوخا -
طره یی مین اوله رق (شانزه لیزه) یه بر علامت وضعی ،
رکزینی ، کیمی ده فرانسه آایلرندن برینه ایکنجی
(نیس قول) نامی ویرلمسنی تکلیف ایدیور . بولوله
خارجه ده خوش عکس ایله یور . انکلتزه غزته لری بو
الایشی رعنا بولیورلر . آلمانیا جریده لری ملایم کوریو -
رلر . هپ بردن صالح و مسالمت عمومیه دن بحت ایله
وقوعاتی وار قوتیله او طرفه چویریورلر . ایشته هیچ

اولملازسه ۱۹۰۰ تاریخچه . یکرمنجی عصره قدر امین ،
 ساکن ، آسوده بروادی ! آرش ، محاربه دکل ، ایش
 باشنه ! هردولت رفاهیت ملکه حانجه غیرت ایتسون ،
 اقبال بشر آز چوق شورادن ، بورادن طوغسون ،
 دیورلر . کوزل سوز .



ایکی ناظر ، ایکی نطق ، امور داخلیه ، امور معارف ،
بر تأسیس کزین ، ایتامخانه اولاد معرفت — پارس عدلیه
نظارتی ، ارکان عدلیه ، مآثر عدلیه ، نواقص عدلیه ، یکانه
اثر معاصرین (برانژ) قانونی

روس شنلکری بیتدی . فرانسه ینه اسکی روشنه ،
اسکی عالنه کیردی . ینه مناقشه لر ، منافسه لر ، مصاحبه لر ،
درس لر ، معامله لر هپ باشلادی . شو منافسه لفظی قلمه
اوילה کلیشی کوزل ایلیمه دی . بومملکت منافساتک بالخاصه
اوجاغیدر . کچن کون داخلیه نظری (بارتو) بیوک بر
افترا یه هدف اولدی . یکرمی بش یاشنده امور دولته
بسمله کش ابتدا اوله رق هنوز اوتوز ایکی یاشنده ایکن
بویله نظارتدن نظارته کچن وهیئت حاضره وکلانک بررکن
مهمنی تشکیل ایدن بوکنیج — ولو خارق العاده برمزیت
علمیه یی حائز اولسون ولو حقوق وعلوم سیاسیه مکتبلر-
ینک اک پارلاق مأذونلرندن بولونسون — ینه شو اقبال
ناهمکامندن دولای پک چوق حسدلری تحریک ایدر .
تا احوال خصوصیه سنه وارنجه یه قدر معارض ، مهاجم

بولور : — (بارتو) اوله ندى . برجهازه مالك اولدى .
 ناصل اولدى بيلور ميسكز ؟ نافعہ نظارتنده ايكن غرب
 شمندو فرلرينك حصہ سنداتنه دائر هوا اوينادى .
 مأموريتى ، عفتى سوء استعمال ايتدى ده او ثروتى بويله
 قازاندى — كې قیل وقاللر اوتهدن ، بریدن يوز كوستير .
 جهانده كذبدن ، افترا دن قولای نه وار ؟ باخصوص
 مسئله بوزوات معروفیه تعلق ايدرسه . . . فقط بوناظر
 اويله كورلتى به پاپوش براقاندردن دكل ايمش كه ايلك خطوه ده
 مهاجرينه قارشى طوردى . بومفترياته نه درلو مقابله
 ايتسون ! بومملكتده بونك ايچون تملسز بر عادت ، بر
 « دوللو » ، بر مبارزه عادتي وار اما بو واسطه غرب
 كولنج اولسه بيله تين حقائقه ذره جه خادم دكل ،
 (الحکم لمن غلب) ك چركين ، قيصير بروجهي ! . .
 محكمه لره مراجعته كلنجه : فرانسه ده اصول عدليه حاضره
 مفتريلرى تأديبدن زياده مفترياتى اشاعه به خدمت ايدىيور ،
 عدالت كج اوليور ، كوچ اوليور ، سونوك اوليور .
 اوحالده الده انجق بر چاره قاليور . اوده خصوصى بر
 هيئت فخرية عدول تشكيل ! . ايسته (بارتو) ده اك
 صوك بو چارهي مصيب كوردى . حتى اكثر يتله عدوان
 مسلكندن متشكل اولمق اوزره بويله بر انجمن جمع

ایتدیردی. تحقیقات، مذاکرات مباحثات نتیجه‌ده اتفاق
 آرا ایله قرار ویرلدی که اسنادات واقعه صرف کذب
 وافترا ایمش. ناظر غایة الغایه صلاح، استقامت صاحبی
 برذات ایمش. الله بوحجت کچر کچمز (بارتو) بوفرستدن
 استفاده ایله کچن کون مملکتنه، مسقط رأسنه کیتدی.
 اوراده اوزون، برنطق ایراد ایله دی. هیئت حاضرء
 وکلانک اس‌الاساس حرکاتی دور ودراز بسط ایتدی.
 بوهیئت نه قدر مشکل زمانده رأس کاره کچدیکنی، مع
 مافیة بومشکلاتدن ذره‌جه ییلمه‌یه‌رق بلندانه ایفای وظیفه
 ایله بوکون انک انک ثمرات موفقیت اقتطاف ایله‌دیکنی
 سویله‌دی: «مملکتک سیاسیات خارجیہ سنه باقلسون
 هانکی فصلده بو قدر پارلاق بر مرتبه‌یه ایرمشدر.
 زیارات و مسرات اخیرہ تاریخ عصریمزک انک رنگین سطر-
 لرینی تشکیل ایلر. امور داخلیه‌یه کلنجه بوسکونت، بو
 آسایش، معاملاتده بواطراد آز نعمتیدر؟ تجارتیمزک،
 زراعتیمزک، ثروتمزک، اقبال و تعالیسنه جانسپارانه
 چالیشیورز. نیچون عدولریمز بویله یاپمادیلر، یاپامادیلر»
 دیمک ایسته‌دی.

بو قوی المال نطق بر معتاد بر طرفدن تقدیراته،
 بر طرفدن اعتراضاته هدف اولدی. وادی سیاسیده

ذاتاً هیچ بر زمان تفریط و افراطك آردی آتماز ، هیچ
بر زمان حقیقت آكلاشماز . بودیارك عادات سیاسیسه
كوچك بر نمونه اولق اوزره شو بر قاچ سطری قارالادق .
اوله اولسهیدی بو كلفته بیله كیر مزدك .

فرانسه معارف ناظر لاحق (رامبو) دن بر قاچ
مقالده بحث ایتدمدی . بو ذاتك بیوك بر مورخ ، بر ادیب
اولدیفنی سویله دمدی ، حتی آثارندن بعضیلرینی بیله ذكر
ایله دمدی . ایشه دون صنایع نفیسه مكته بنده ایراد ایتدیکی
یكی بر نطق ، بر نطق لطیف مدعیات سابقه می تأیید ایله یور .
فن و معرفتده مسالك حاضره نك اك لطیفی ، بونكه برابر
اك حزینی هانكی سیدر ؟ اوله رساملق ، ثانیاً تیاتر اولرده
اویونجیلق ، اوت ، شهرت ، شرف ، شان كلیرسه رسا -
ملقدن لطیف ، دلفریب نه وار ؟ انسان بر (میله) بر
(مه یسونیه) یابر (سارا برنار) ، بر (ره ژان) اولسه
نه ایستر . آه ، فقط یابونعمت کندینی بکله تیر ، بکله تیرده
كلز ، یا خود موتدن صوكره كلیرسه افسوس ؟ اولمازمی ؟
بوزمینده نیجه اصحاب معرفت و مهارت واركه بر درلو
صحاب مجهولیتدن قورتولامیورلر ، بودرد ایله ده یاقه -
لرینی ده پنجه سفالتدن قورتارامیورلر . نهایت عمرك بودرجه
آجیلرینه ، ستملرینه مقاومت کتیره مه یه رك روزگار بی

امانجه قدری بیلنمه‌ین برورد ربیعی کبی سونیورییورلر،
 آرقه‌لرنده برقاچ غنجه براقه‌رق سونیورییورلر، علماً
 تحقق ایدن قانون توارثه کوره بو غنجه‌لرده بر مزیت
 فطریه اولق لازم کلیر. فقط بونلری بیوتمک، بسلامک،
 میدانان چیقارمق ایچون برال، برید مشفق ایستر...
 ایشته فرانسه نك الك مشهور صنعتکار قادینلری طوپلا-
 ندیلر، مسلکداشلرندن، فلک‌زده مسلکداشلرندن قاله
 بونوع یتیم‌لر ایچون بر ایتامخانه تأسیس ایتدیلر. دون
 بوتأسیس کزینک توزیع مکافات رسمی اولیوردی.
 معارف ناظری ذکر ایتدیکمز نطقنده موفقیتله عدم
 موفقیتک بووادیده نه درین فرق اولدیغنی شویله جه
 میدانان قویدی:

«سز. خانملر، افندیلر، سزکه مسعود، مظفر
 صنعتکاراندنسکز والوان ظفر نشانکزی ماویلر ایچنده
 عرض و رفع ایدیورسکز، طبقی سزک کبی عین هواده
 پرواز ایله دکلری حالده مجادله‌نک تا ابتداسنده مغدور،
 قربان دوشن آرقداشلیمیزی اونوتما دیکنر، اونوتما-
 یکزده ایشته بو بچارملرک قیزلرینی بویله اولادلغه قبول
 ایلدیکنر، بو معصومه‌لر ایتام معرفت، ایتام شان وشر-
 قدرلر. بوتأسیس بهین ایسه بیوک برکاشانه معرفتدر

فرانسه خلقی فن و معرفته افتاده ، ارباب معرفته ایسه
 عادتاً عاشق اولدینی ایچون اثر خیریگزه جاندن اشتراك
 ایله دی . بوچوچقلرك معاونتته شتاب ایتمکی بروظیفه
 مقدسه بیلدی . چونکه بونلرك والدینی آتش سماوی بی
 غصب ایتمکه وبوندن وطن ایچون یکیدن نیییه سرتاج
 شرف یاتمغه چالیشیرکن هلاک اولدیلر . بومینی مینی
 فلکزده لر ایچون بسله دیککز حب و وفایه خلقمز اشتراك
 ایلر . چونکه بیلنمز بلکه شوکوچیجك قنالرده اومتو-
 فالری بی حضور ایدن خیال شان وعظمتدن برر نبذه
 برر ایز واردر . »

بونطق بویله رنگین بر طرز اوילה مزین ، مطرا بر
 اسلوب ایله دوام ایله دی . پك چوق نقطه لر خاطرمدہ
 قالمدی . قالانلری بیله بحق ترجمه قلمده قدرت اولاماز .
 مدیره ایتامخانه بو اطفال صنعتکارانی اوילה صنعت نفاستك
 اك یوجه طبقه سیله ، رسم ایله ، نفائس علویه ایله دکل
 فقط نقش ، کرکف ، تصویر کبی دهاسیط ، دهاس
 نافع ایشارله اشغال ایله یورمش . باقکز خطیب ادیب
 والدین ایله اولاد آره سنده کی بو اختلاف مشغله یه شویله جه
 نه کوزل معنی ویریور :

« شبهه یوق مدیره مشفقہ بو خصوصده اوکی جی

طولارینه بکزه یورکه نیچه سودکلرینی اوفستحسرایه قاپدیر۔
دقلری ایچون صوک چوجقلرینک نظرلرینی بحر محیطدن
چویرمکه جابالارلر . »

ناظر ایتاخا نه نک مؤسسہ لرینی کیف مایشا ، مدح
ایتدی . فی الحقیقه بویله یتیمہ لری اولاداغہ قبول ایتک ،
صوکرده بودرجه رقت ونوازشله بیوتمک یتشدیر مک
اک دلارا بر شفقندر .

چوجقلره نه مکافات ویرلدی ، بیلیرمیسکنز ؟ بر
دفتر ، تصرف صندوقلرینه مخصوص بردفتر عادتایکی
یولده برقمقه . . . قیزجغزالنه کچن پاره بی طوغری بر
پوسته اداره سنه کوتوریر ، بودفتره کچیرتیر . سرمایہ سنی
چوغالتیر . کیده کیده شویله بویله بر جهاز صاحبی اولور .
فطرت بشردہ کی هوس تصرف واقتصادی اوپاندیر مق
ایچون نه کوزل واسطه . بوتصرف صندوقلرینک هر درلو
منافعندن ماعدا بویولده کی خدماتی لایعده در .

*

* *

پارسک عدلیه نظارتی مهیب ، خوش بر بنادر .
شهرک اورتاسنده ، (سن) نهرینک ایکی آياغی آراسنده کی
جزیره صغیره ده کائندر . بنانک قدرینی بردرجه دها ترفیع
ایدن (سنت شاپل) نامنده کی معبد قدیمی محتوی اولمسیدر .

بو معبد عینی (نو تردام) کبی غایت معروف بر اثر در .
 ارکان عدلیه هر سنه بوموسمده صیفیه لردن عودت ایتد .
 کلری زمان بریوم مخصوصده بو (سنت شاپل) معبدینه
 مجتمعاً کیرلر دعا ایدرلر . اوکده حکام... هیئت هیئت...
 تمیز هیئی ، استیناف هیئی ، بدایت هیئی ... قیب
 قرمزی جبهلر ، ینه قیرمزی توغلر ... هپ قیرمزی ،
 حتی شودعای معتاده بیله قیرمزی دعا دیورلر ...
 آرقهده وکلای دعاوی که مزیت واحتشامده حاکم لردن
 هیچ آشاغی قالماز . ذاتاً ارباب حقوقک الکل بلندی حکا .
 مدن زیاده بو میانهده بولونیور . بونلرده کی اثواب ایسه
 سیاهلی ، بیاضلی بول حرمانیلر ، باشده ینه بویله شربو .
 شلر ... بوارکان شودعادن چیققدن صوکره طاقم طاقم
 دائرملرینه کیدیورلر . اوراده هر دائره نک باش مدعی
 عمومیهی مسائل حاضره حقوقیه دن برینه تعلق ایدر
 صورتده عالمانه ، حاکمانه برنطق ایراد ایلور .

کچن کونکی رسمده استیناف مدعی عمومیهی اخیراً
 اجتماع ایدن حبسخانهلر قونغر مسنه دائر برنطق سویله دی .
 بالخاصه ضرورت ، سفالت مضایقه دوشکونلری ، قربانلری
 ایچون حکامک نظر مرحمتی غایت بلیغاته عبارملرله جلب
 ایله دی .

فقط بری طرفه کی تمیز باش مدعی عمومی سنک
 نطقی باشقه بر قوتی ، بر جاذبه یی حائر ایدی . (قروپی)
 نامنی طاشیان بوذات بیوک بر فاضل ، بر عالم ، بر ادیبدر .
 ذاتاً بوموقعی اشغال ایدنلر اکثریتله بویله اولیور . مدعی
 عمومی ملک بوذروه سنده مطلق طلاق و فضاخته ،
 بلاغته ، ادبیاته احتیاج کور یلیور . وقتیه (بولانزه)
 مسئله سنده بو وضعیه یی ایفا ایدن (گزنه ی ده بورپه)
 خاطره کلیورمی ؟ نه بیوک بر حکایه نویس ، بر ادیب ،
 بر تیاترو مؤلفی ایدی . حالا ده اوپله در . مطبوعاتده
 (ژولده غلووه) نام مستعارینی آلیوردی . علم حقوق
 ایله ، امور عدلیه ایله اشغال قلمه باشقه فیض باشقه برکت
 ویریور . ایشته مدار بحشمز (قروپی) نک (ره ووده
 دوموند) ده اوپله مقاله لری وارکه هم عالمی ، هم ادبی ،
 هم صوک درجه ده نافع ، هم ده غایه الغایه لطیف . .
 بو فاضل حقوق آشنا بوسفرکی نطق رسمیننده (ناپو -
 لئون و هیئت عدول) بحثی تتبع ایله دی .
 بوندن صوکره مدعی عمومی تأسیسات عدلیه نک
 بر تاریخچه سنی یابینور .

ایشته بومراسم بوضورتله گذران ایتدی . فرانسه ده
 ارکان عدلیه بو قدر پارلاق اولمغله برابر دائماً هدف اعتراف

ضد لر . چونکه قوانین عدلیه نواقصدن خالی اولمادی
 ایچون دعاوی اکثریا رخنه یه اوغرایور . ارباب تدقیقه
 کوره بونقصان اک زیاده دعوالرک پک چوق عقدۀ تأخیره ،
 سورونجه یه دوشمندن ایلری کلیور . بوکاده باشلیجه
 سبب قوانینک غایت قدیم اولمیدر . فی الحقیقه بتون مآثر
 عدلیه تاابتدای عصرده وجود بولمشر . اوزماندن بری
 ایسه مملکت ، عادت نه قدر دیکشدی ! شمندوفرلر ،
 یوللر ، بواختلاط ، بومواردات یوقدی ، اخلاق واطوار
 یویله دکلدی . مثلاً ۱۸۱۰ تاریخلر نده مارسلیدن پارسه
 بر شاهد جای ایچون درت ، بش کون لازم اید یسه
 شمدی بوکا اون ایکی ساعت کافیدر . امور سائرده
 یویله در . تقریباً بر عصردن بری قوانینی کوزلجه تعدیل
 ایدر مآثر عدلیه کورولمه دی . بووادیده انحق بر اثر
 میدان قوندی که بوده نه قدر لطیف ، رنگین اولسه شو
 مدت وسیعیه کوره کفایت ایتمز . فی الحقیقه اعیانندن
 (به رانثره) نک بوندن براق سنه اول وضع ایتدیردیکی
 قانون بیوک بر لطافتی حائزدر . محافظ عصمتدر ، حامی
 معصومیتدر . عادل محرمیتدر . حاصلی رعنادر اعلادر .
 کچنلرده بالمناسبه بوقانوندن بر مقاله مده بحث ایتدمدی .
 بنابرین شوفرستدن استفاده ایله بومسئله مهمه یی تکراریمه

قارئین کرام البتہ رضا کو ستریر لر : پک چوق محاکمہ
شویله وقعہ لرہ تصادف اولونیور : مثلاً کچنلرده بر قیز ،
یچاره ، مغدور بر قیز پارسک اورتاسنده کی قدیم دیوان
محاسبات خرابه لرینه بر چوقق براقیر کن یانه یی اله ویریر .
آه ایشته بر جرم « ایصسنز یرلرہ ترک اطفال ایدن والدہ لر
آلتی آیدن اوچ سنہ یه قدر محکوم اولور لر » اوله اما بو
قیز جغز مغدوردر ، برانصافسنز حریف شوزواللی یی
اغفال ایدر ، کبه براقیر ، صوکره سمتنه اوغرا ماز نه
یایسون ؟ معیشتنی تدارکدن عاجز ایکن بو چوقغنی ناصل
بسله سون ، باخصوص بویله برعائله ایله برابر ناصل
چالشسون ، بونوزادی بر ایتامخانه یه ویره بیلمک ایچون
آیده لا اقل اوچ درت یوز غروش ایسترکه بو پاره یی
نرده بولملی ؟ پکی مغفل ، پدری تعقیب ایتسون ،
محکمہ یه جلب ایله سونمی دییه جکسکزر . . بوکا قانون
ذره جه مساعد دکل . . بالعکس . . احوال ایشته میدا-
نده در ، برقادینجغز معصومدر ، هیچ اولمازسه مغدوردر .
مغدور مدنیت وسفاقتدر سفالتدر ، حاصلی مغدوردر .
بوجهتی هیئت حاکمده آکلایور لکن نه یایسون ، قانون
قطعیدر . برکت ویرسون که (به رانثره) قانونی امداده
یتیشیر ، حکامک وجداننه بر پارچه سکونت ویریر . بو

قانون مشفق موجب آنجه شو مجرمه ینه محکوم اولور، انجق
(به رائره) قانوننک تطیقای قیدیله محکوم اولور. یعنی
جزا در حال اجرا اولونماز. محکومک باشنده معاق برا-
قلیر. شاید جرم تکرر ایدرسه اووقت ایفا قیلیر.
بر مدت معینه ظرفنده تکرر ایتمزسه مجرم کاملاً نجات
بولور.

باخصوص بوملکه کتیده شوقانونه نه قدر مواقع تطبیقه
کوریلور. کذا چکلرده (جنوه) قونغرهمده مدار بحث
اولیوردی بر نوع سارقلر، فطرة الی اوزونلر، غیر
اختیاری خرسزلر واردرکه فعللرندن پک مسئل اولماسلر
کک. بیوک عالیه دن برقادین، زنکین برقادین (بون مارشه)
مغزه لری کبی واسع براشیا وامتعه معرضنه کیدیور؛
درلو متاعلر باشند اشاغی میدانه سرلش طوریهور.
خانم سوق فطرت ایله بلا اختیار، بلا احتیاج بونلردن
برینه ال اوزا تیرکن یاقه یی اله ویریور. فی الحقیقه
برباقیشه کوره شو سرقت بریده سائقه ضرورت ایله وقوعه
کله برخرسزلقدن ده چرکیندر اما بوسارقه فوق العاده یی
علی العاده تأدیه قویولمق را کوریه مز. اولا مسئله
اختیار، مسئله مسئولیت وار، ثانیاً ناحق یره بر فردی
جمعیته یوکسک بر درجه سندن برمنزله سفلاسنه تنزیل

خوفی وار . بوحالده (بهر انزه) قانونی رعنا ایشه یارار .
جزا مجرمك باشنده معلق بولونور . جرم تکرر ایدنجه
کندیسنی در حال کوستیر .

بو (بر انزه) مجلس اعیان اعضا سندن محویت
پرست ، مستقیم الاطوار ، کندی جاننده ، فقط عصمت
اخلاق خصوصنده طبقی اسکی رومالیر کبی متعصب بر
ذاتدر . صنایع نفیسه نامنه پارسك اوته سنده ، بریسنده
عرض اولونان چیریل چپلاق سفاهت وشهوانیت تصا -
ویرینی ینه بوقانون تکلیفی ایله منع ایتدیردی . حتی (درت
صنعت) نامی التئده نهایت متناسب الاندام قیزلری ،
قادینلری عریان تشهیر ایتك ایستهین برکروهی تعقیبات
عدلیه به بیله اوغراتدی . بونك ایچون پك چوق تها -
جماته اعتراضاته حقاراته هدف اولدی اما وظیفه سنده
دکدی . جمعیه بورجنی ادا ایتدی . اخلافه کوزل برنام
براقدی . برقاج ارباب اغراضك نه حکمی اولا بیلیر ؟
افعالیه افتخاره حقیدر . کاشکی هر فردی حیاتدن بوقدر
نعمت نصیب اولسه !

نقش بر آب

(ناپولئون) ه دائر

نقش بر آب ، عنوان بسیطی خوشمه کیدر .
بونکچون در که شمدی به قدر بو عنوان آلتند بر قاج مقاله
یازدم . بونلردن بر ایکیسی شو صحیفه لرده کوروندی .
بویولده یازیلری « نقش بر آب » تسمیه ایتمکده محویت
دکل ، اصابت وار . اوت ، شو سطرلر صو اوزرینه
یازی یازمق کیدر . وقتیه چوجق ایکن آرنالود کوبنده
آقینتی کنارینه کیدر ، اله اوافق اوافق طاشلر آلیر ،
برر برر دـکـزه فیرلا تهرق سطح آبدہ نقوش یاپار ،
اکنیردم . اوزمان فکریمه بازیجه بو ایدی . شمدی
شو بازیچه دهامقبول بر کسویه کیردی ، صفحه مطبوعاته
کچدی . نه اولورسه اولسون ، بتون بوتفکرات ، بو
مساعی ، بو آمال نقش آبدر . آنجق بونقشـلـر بر قاج
موجه دن صو کره نابدید اولما دن اول بعض نظره رغبه
انعطاف ایلرسه نه موطلی !

نقش بر آب نه ترجمه در ، نه تألیف در ، سریع بر
مطالعه نك قالمده ، قلممده براق دینی ایزلردن متشکلدر .
مثلاً کچنلرده ناپولئوننه دأئر بر چوق صحیفه لر او قودوم .
بوصاحب دها بشریتك براستئاسیدر .

هرشیده اساس آرایان ارباب حکمت (ناپولئون) -
ده کی کلیت دهایی قسمأً منسقط رأسنه ، قورسیقه نك
خارق العاده مناظرینه ، طبایعنه ، کونشنه ، طاغنه ،
دکزینه ، اورماننه عطف ایدیورلر . شبهه یوق ، بر
فطرت غرانك کیف مایشا تجلیسنه بو نوع بدایع
طبیعیه نك ده خدمتی اولور . سنه لرحه بویله رنگین ،
مخوف ، مشغشغ قایالر ، منظره لر ایچنده یوارلانا ن ذکی ،
خارقه نمون بر چوجق بو حیات ایله غائب ایتمز قازانیر .
آنجق جوهرك ده فضیلتی انکار اولونما ملی . . مایه ده
قدرت ، مزیت بولونماسه یدی بو کسبی استفاده لر
اولمازدی . بو مسئله اوزوندور . بعضیلری : هر تعالی ،
هر تجلی وهیدر دیرلر . بعضیلری ده عکسنی ادعا ایدرلر .
افراط ایله تفریط ، چونکه حقیقت اورناده قالیور .
ذاتاً هپ بویله در . . بیچاره حقیقه تك یری دائماً غصب
اولونور . بری او طرفه چکر ، او بری بو طرفه . .
طوغری یولی کیمسه تعقیب ایتك ایسته مز .

*

* *

هایدی بو جهت بویله اواسون . (ناپولئون)
 طبیعتدن بو صورتله بالغاً مابلغ فیض آسون . لکن بو
 قدر اولماز ، بوفیض اوتجلی یه کفایت ایتمز . فرانسه
 حکما سندن بری (موتتی) دییورکه : پک چوق
 انسانلرده پک لطیف ، پک مکمل خاصه لر واردر .
 کیمینک فکری ، کیمینک قلبی ، کیمینک نکاهی رنکیندر .
 فلانده شجاعت ، فلانده ملاحظه ، فلانده تقید برکالدر .
 لکن بو خواصک جمله سنی جامع بر صاحب دها کورمک
 میسر اولمیدی . « (موتتی) اون یدنجی عصر حکما -
 سندنر . ایکی عصر دها صوکره دنیا یه کلش اولسه یدی
 (ناپولئون) ده مکملیت بشریه نک بیوک بر نمونه سنی
 کوریردی . چونکه بوداهی اک بیوک افعالی یالکز تصور
 دکل اجرا ایتک مزیتنه ده مالکیدی .

(ناپولئون) ک برقولی وار : « اویله صاندقلری کبی
 بنده پک قورسیقه لی فطرتی یوقدر » ، بعض ارباب
 تدقیق بوسوزک عکسینی ادعا ایدیورلر : (ناپولئون) ک
 فضائلندن برچوغنی بوقورسیقه لی اولق خصوصنه عطف
 ایله یورلر . بالاده کی تأثیرات طبیعیه ماده سنی کوردک .
 بوندن ماعدا معلومدرکه ، کنج (بوناپارت) ایتالیا
 اردولرینه قوماندان اولنجه معیتنده کی یاشلی باشلی جنراللر

سویله نمکه باش-لادیلر . فقط حیرت ، چوق کچمه دی ،
 بو آمر شاب بتون او اختیارلره کندینی ناصل سودیردی ،
 سوزینی او امرینی نه خوش کچیردی . کویا قلب بشری
 سنه لرجه نتبع ایله مش ، او قدر کوکلره حکم ایدیوردی .
 بو مهارت ده قورسیقه لی اولمقدن ایلری کلیوردی .
 معرفت بشر بر علمدر که مدنیلردن زیادد نیم وحشیلره رعا
 معلومدر . بریکیلر انسانک تمایلاتی ، نواقصنی ، ضعفنی ده
 ایی بیلیرلر . قورسیقه لیلر ایسه اوزمان بویله ایدی ، نیم
 وحشی ایدی . . بر عائله او برینه دشمن اولوردی .
 ایکسندن بری فنا بولونجه یه قدر بر مقاتله در کیدردی .
 هر فرد دایما تیقظه تقیدله یاشاردی . اورتاده بر جدالدر
 سورردی . (ناپولئون) ده کی طبع جنکجویانه یه ، میل
 و مهارت محاربانیه بوندن موافق سبب اولورمی ؟
 مع مافیه زمانک بیوک حکیمی ، (تن) — اداره
 حاضره — عنوانلی اثرنده بوسببی قانون وراثنده آرایور ،
 (ناپولئون) ک اجسادینی تا اون بشنچی عصرده کی
 ایتالیان محاربلیینه قدر چیقارییور ، اورتایه اوزون
 اوزادی یه بر شجره ، سلسله قوییور . طبقی (زولا) نک
 (دو قور پاسقال) حکایه سنده (روغون ماقار) لر ایچون
 یاپدینی شجره نسال کی . . فقط بر محررک دیدیکی کی

بونوع آغاچلر اویله نارین ، یاش اویورلر که نه طرفه ایسته نلسه اوترفه بالسهوله میل ایدیورلر .
جهانده احوالی ، عاداتی اک چوق تدقیق ، محاکمه ،
تتبع ، تحقیق اوانان اعظمک بریده بالبع (ناپولئون) -
در . بویولده حدسنز ، حسابسنز خاطرهلر ، مقالهلر
کتابلر یازلدی .

بونلردن برچوغی بعض غرائب عادات ، مخصوصات
کوسترییورلر که اولدن (بوناپارت) ه خاص ظن
اولونیوردی . حال بوکه بالاخره آکلاشلدی ، بو عادتلر ،
بو طبیعتلر قورسیقه لی اولمقدن منبعث ایمش . آرادن یوز
سنه کچدیکی حالد شمدی قورسیقه آطه سنه کیداسه ینه
بو حالاته تصادف اولونیورمش . . . مثلاً بونوع عاداتدن
اولمق اوزره (ناپولئون) اک زیاده طاووق یرمش ،
یمکی یریمز باشقه لرینک بتیرمسنی بکله مزدن سفره دن
فیرلارمش ، آز شراب ایچرمش ، یمکلردن هیچ شکایت
ایتمه رک نه ویریرلرسه یرمش . . . هپ قورسیقه عاداتی . .
طرز حکایه ده مکتب حقیقیونک اعظمندن عد
اولونان (استاندال) دییورکه : (ناپولئون) طبعاً
والده سنه بکزه یور . ایمپراطورک خارق العاده بر فطرتی
وار . نه زمان ایسته سه اوزمان اویویور . فقط آنه سی دم

بویله ایدی . ذاتاً مدنیت حاضره نك ایجاباتنه آلیشمایان
 بالجمله قورسیقه لیلرده بویله در . اویقوده سهوات ، یقظهده
 سهولت ، یمکده ، ایچمکده سهوات ، آه فقط بونلر هپ
 خواص طبیعیّه بشریه دندر . حیات مدنیّه نك سیئه
 ضرورتی بوطبیعتی اخلال ایله یور . چوللری کزدم ،
 بدویلرله بولوندم ، کویلرله یاتدم ، قالدقم ... بودیارد
 اولدینی کبی اویقوسزلق ، اشتهاسزلق هیچ کوزیمه
 ایلیشمیدی . هرکس ایسته دیکی زمان یاتیور ، اویویور ،
 ایسته دیکی زمان قالقیور ییوردی . هیچ بر فرد یوقدی که
 اویومق ایچون (مورفین) آراسون ، یمک ایچون
 (آبسنّت) ایچسون ... چهره تمدنک بوکر یزلرینی
 سیخجه ، تمیز ایدنجه انسانی بردوشونجه در آلیور .
 هیچ خاطرمدن چیقماز : ولایتلریمزدن برنده ایدی ..
 پرکره یوجیلقدمه کیجه صباحه قدر آتلیمزی سوردک ..
 صباحلین برطاغ کنارنده لطیف برکویه ایندک : وکویده
 بر صو واردی که آغستوس آینده بیله بوز کبی ایدی .
 یوصوی ایچدک ، یمکی یدک . . بر آغاج آلتنده اویقویه
 طالدق . اوچ ساعت صوکره اویانجه قارنمزینه طبیل
 ظورناچالیوردی . حاصلی ایستدیکمز وقت اوییور ، ییور ،
 ایچیوردق . حرکاتمز باشند آشاغی کلشی کوزلدی .

دائماً بونملکتده هر کس بویله یاپیوردی . شمعی شو
 حیاتی پارسک اطبا سنه آ کلاتسه م ، بونکه برابر او زمان
 طور ب کبی صا غلام یاشادیغمی ده سویله سه م سوزیمه
 اینانملر ، فنا محالدر دیرلر . . اوح ، جانم فن ! بعضاً
 اویله بو طر قیرارسک که (افلاس علوم) دییه باغیرانلره
 پک چوق نقطه لرجه حق و یردیر یرسک . مدنیتدن
 مقصود رفاهیت بشریه ایسه (بیتاس) قریه سنده بولدیغم
 رفاهیت حیاتی پارسده (روچیلد) اولسه م زور بولورم .
 ایشته بر مسئله که حل ایدنه عشق اولسون . . شویله
 بویله مدنیت اویله برکونی پی در پی بویله بر شهره تحویل
 ایتمکدن عبارت قالیور که بوده بر چوق بیچاره لرك
 حضورینی ماده و معناً اخلا لدن عبارت دکلیدر ؟

صددن دیشاری چیقمد دگی ، ینه (ناپوئون) ه
 کلیم . . ایمپراطورک عادتلرندن بری ده خدمتجیلرینی
 دوکمکدی . بونکه برابر بونلره قاشی اوقات سائرده
 اکثریا رفق ونوازش کوستریور ، صمیمیتده بولونیور .
 بر طرفدن او شدت ، دیگر جهتدن بوملایمت قورسیقا
 عادتسنددر . (ناپوئون) پدرندن ، عائله سندن بویله
 کوردی . حتی ایمپراطورلغنده بیله اقر باسیله منازعه لری
 چوقدی . مع مافیه فطرتنده بر عائله محبتی ، بر عائله میلی

واردی که صرف قورسیقه لی اولمقدن منبعث ایدی .

*

* *

(ناپولئون) ك بر عادتى ده الـده بر چاقى دائما
 او طور دینی اعلا جوز قولتوغی یونتار طور یرمش ،
 بو خصلت مخربانه ده صرف قورسیقه محصولی ایمش .
 چوجق ایکن الـده بیچاق اورمانلرده ، باغچه لرده کسمکه
 یونتمه آلیشان ایمپراطور بو طبیعت ثانیه دن بردرلو واز
 کچه میور . سیاحیندن بری نقل ایله یور . قورسیقه
 آطه سنده ، (آراقسیو) ده بتون آغاجلر باغچه لرده کی
 قانابه لر کسک ، کرتیک ایچنده ایمش ، دیمک بو فطرت
 علی العموم قورسیقه لیلره خاصدر .

(ناپولئون) ك والده سنه و بالمله قادینلره قارشى
 حرمتسزلیکی مشهوردر . مادام (استائل) ه معامله سنی
 بیلورز . ایشته بوخوی ده قورسیقه ثمره سیدر .
 قورسیقه ده قادینلرک هان حکمی یوق کبی ایمش . بر
 والده یه قاچ چوجغـکـز وار — دییه صوریلنجه
 چوجقدن مقصد ارکک اولاد ایمش ، قیزلر حسابه
 کیرمه یور ، برقادینک درت قیزی اولسه ده هیچ اوغلی
 اولمسه — چوجغم یوق ... آنجق درت قیزم وار —
 جوانی ویزیور .

پراس (مترنیخ) خاطراتنده دیورکه ، (ناپولئون)
 آغزندن برقادینه قارشی اصلا بر التفات ایشیدله دی .
 بوسوز بر دوست لسانندن چیقمامش اولسه بیله ینه بر
 حقیقت اولابیایر . چونکه قورسیقه ده تربیه بویله در .
 بو تربیه ایسه فطرتده او قدر یرطوتیورکه (ناپولئون)
 کبی قوجه برداهی بیله بوکا قارشی کله میور . ینه بر تربیه
 ساقه سیله ایمپراطور همان هیچ کولمز ، شطارت ، سوئج
 نه در بیلمز ایمش ، خفتدن ، حویپالقدن صوک درجه
 خدته کلیرمش .. هپ قورسیقه خصائی ..


دها تخفی اعلا خطیب ، کاتب اولدینی حالده
 فرانزجه بی فنا تلفظ ایدرمش ، یالکیز کاتب دکل شاعر
 ایمش ده . بوندن بر قاج سنه اول المه بر بیوک مجموعه
 اشعار کچدی که (ناپولئون) نک مکتبده ایکن سویله دیکی
 بر شعری محتوی ایدی . بو شعر نه دن باحثدی بیلیر -
 میسکز ؟ بر کو پکدن قاپلان کبی بر کو پکدن ، بویله نظمه
 مقتدر اولسه بیله (ناپولئون) غریب غریب تلفظ
 خطالری یاییورمش . مثلاً (session) یرینه (section)
 کذا (point culminant) دیه جکی یرده (point fulminant)
 و (amnistic) یه بدل ایسه (armistice) ، نهایت
 rentes viagères ایچونده rentes voyagères دیورمش .

غریبی شو که حالا بتون بو خطیئات لفظیه قورسیقه ده
 شایع ایش ، اوراده متصل بویله تلفظ ایدرلر ،
 طوریرلر ایش . (ناپولئون) ه دائر ال درین تدقیقات
 یوروتن مورخ شهر (تن) شو حکمی ویریور :
 « ناپولئون بردعوی وکیلی اولدینی قدر برضابط ، بر
 عسکر ، بر اداره آمیدر » بوکا تعجب ایتمه ملی . چونکه
 قورسیقه لیلر مهارت نطقیه ، انتظام ، اداره ، شجاعت
 و بسالت ایله معروفدرلر . (ناپولئون) قورسیقه قومنک
 ال مکمل ، ال خاص ، ال کزیده برغنجه سیدرکه بو
 خواص قومیه نک بالطبع کافه سنی ال واسع صورتده
 حازدر .

شو غربیه یه ده دقت بیورلسون . مثلاً (۱۸۱۳) ده
 (درسد) ده (مترسیخ) ایله برابر اولدینی زمان وقوعه
 کلدیکی کبی (ناپولئون) حدت ایدنجه کلاهنی یره آتار ،
 حتی آیاغیله دورتر ، ایتروش . برسیاح مدقق دیورکه :
 اخیراً قورسیقه ده براختیار ایله مباحثه ایدیوردق .
 حریف (ناپولئون) ک علیهنده کی بیانا تمدن حدته
 کلدی ، باغیردی ، سرپوشنی یره آتدی ، آیاغیله
 چیکنده دی .

دیمک طبقی (ناپولئون) کبی یامش ، حاصلی جهانی

حیرتده براقان برداهی حرب خصائل خارق العاده سندن
 يك چوغنك منبعی قورسیقه دن ، مسقط رأسندن
 آلیور . مع مافییه ایش آنلری آلمقده دکل ، بودرجه
 بلندده رفع ایلمکده درکه ایشته حکمت شئونات جلوؤ
 ابهامنی بونقطهده کرستریور .



پارس خاطرہ لری

(پورت سن مارتن) تیاتروسندہ بر او یون ژان قالو —
(قوکلن) لر

متوالیاً اقدامہ کوندر دیکم ہفتہ مکتوب لری شئونات
مدنیہ دن علی الاطلاق باحث ، شخصی اولمقدن زیادہ
عمومیدر لر . حال بوکہ بوشہر دلارادہ مخابر حقیر اویلہ
وقوعات شخصییہ تصادف ایلہ یورم کہ بونلر ایجابنہ کورہ
شو مخابراندہ یر طوتسہ ظن ایدرم قارئین کراجمہ موجب
عبرت واستفادہ اولور . ذاتاً مسالک ومقصد عاجزانہ مہ
ہفتہ دہ بر مخابرہ ، بر مکتوب آز کلیور . بناء علیہ ہفتہ
مکتوبلرینہ بردہ (پارس خاطرہ لری) علاوہ ایتک اقتضا
ایدیور .

پارس خاطرہ لری ، ثمرہ مطالعات دکل فقط محصول
مشاہداتدر . محرر ناچیزک محصول مشاہداتیدر .
بونلرک ایچندہ بلکہ بی لزوم لری اولور ، نہ حکمی وار ؟

بر شاعر خوشگو مزك دیدیکی کبی : خدما صفا دع
 ما کدر... طبایع مختلفدر، بویله مسائله انتخاب مشکدر.
 بر قلم قصیر حاله باقادن سزه اتک انک شوبستان معرفندن
 ثمرات کتیریور . چوروکلرینی ، خاملرینی بر طرفه
 آتار، ایشه یارارلرینی آیرسکز.. (پارس خاطرملری) نک
 همشهر یلرمزه ایکنجی یولده بر خدمتی ده اولور . بو
 صحیفه لر ممکندر بر قلاووزیرینه ده کچر. مثلاً فلان مسلکده
 فلان مشربده بر اویون کورمک ایچون پارسک هانکی
 تیاتروسنه کیتملی نه یولده ، ناصل کیتملی ، معاملات و منا.
 سبات نهدرلودر ، کذا ادبادن ، فضلادن ، مؤلفیندن فلان
 ذات صورت خصوصیه ده ندر ، ناصلدر ، نه وجه ایله در؟
 مشاهدات شخصیه استناداً بسط اولونان بومطالعات
 باطبع هم طوغری ، هم مفید اولور .

دون کلبه حقیرانه مه کیررکن مردیواندن احبادن
 برینه راست کلدیم . بنی آرایور ، بولامانجه مضطرباً
 دونیورمش . بو تصادف خوشنه کیتدی : « هایدی ایشک
 یوقسه برابر کیدر یمک یرز . صوکره (پورت سن
 مارتن) تیاتروسنده (ژان قالو) اویوننی سیر ایدرز .
 ایشه مؤلفدن بکا بر تلغراف کلدی . بزم ایچون بوکیجه
 تیاتروده ایکی قولتوق حاضر ایمش » دیدی . بویله بر

تکلیف نعیمی قبول ایتمک ممکنمی ؟ (پورت سن مارتن)
 برنجی درجده برتیا ترو... (ژان قالو) اعلا براویون...
 بوتیا ترو و قتیله (آلکساندر دوما) نک تأسیس ایتدیکی
 معروف (تئارایستوریک) ک بروجہ منقلبی ایسه ده شو
 صوک زمانلرده پک بیوک اهمیت کسب ایتدی . چونکه
 بیوک (قوکلن) کبی طرز مختص و صنجه شـودورده اک
 مشهور براویونجینک زیر اداره سنه کیردی . کبار عالمنک
 بر نزهتکاهی اولدی . او قدرکه امثالنی پک چوق دفعه لر
 کولکه ده براقدی .

بیوک (قوکلن) کچن سنه یه قدر فرانسنز تیاتروسنده
 اوینایوردی . (مولیه ر) اک رنگین اثرلرنده بیوک موقعلر
 اشغال ایدیوردی . دیرکن بردنبره او صحنه دن چکلدی .
 (پورت سن مارتن) ه کچدی . چونکه بوساحه فکرنجه
 دها واسعدی . بوراده ایسته دیکی اویونلری اوینایه بیلیر
 تماشایی آرزوسنه کوره تقلیب و تدویر ایلردی . سربستی
 اطوار و حرکاتی اوتده غایت محدود بریده ایسه فوق الحد
 محدود ایدی . کچن سنه (ساردو) نک (ترمیدور) یله ،
 شاعر و طنزور (پول دهرولد) ک (دو که غان) یله
 بومطالعانک اصابتی اثبات ایتدی ، سورکلی موفقیتلر
 قازاندی . لکن فرانسنز تیاتروسی ایشه قاریشـدی ، بو

نشئه‌ی، بو آهنگی اخلال ایله دی . معلوم یا (قومه‌دی
فرانسه‌ز) فرانسه‌نك ، بلكه‌دی بتون عالمك بر تماشاكاه
مشهوریدركه — (مولیه‌ر) ك اوی — اقبیله معروفدر،
نیم رسمیدر . چونكه مدیرخی حكومت نصب ایلر ،
بوندن ماعدا مصارفی ده قسماً حكومت تسویه ایلر .
(قومه‌دی فرانسه‌ز) ، اویونجیلرینه طواغون معاش
ویردكدن ماعدا بر مدت متادیه خدمتدن صوكره ، تقاعد
وسائره صورتیله کلی اكرامیه‌لرده دخی بولونور . ایشه
(قوكلن) ده خدمات مسبوقه‌سینه بناءً بویولده اكراماته
مظهر اولشدی . . انجق بوقدر تلطیفاته قارشی برنظام ،
بر معاهده موجبینجه بوتیساترونك اویونجیلری اوزرنده
بیوك برحق اولیور . اوده شاید بونلردن بری بویله
سنةلرجه خدمتله معاشلر ، سرمایه‌لر ، حصه‌لر قازاندقن
صوكره بوتماشاكاهی ترك ایتمكه قالقیشیرسه پارسك باشقه بر
صحنه‌سنده اوینامامغه یا ولایاته و ممالك اجنبیه‌یه لعبیاته کیتمكه ،
یا خود بوسبوتون بومسلكدن چكلمكه مجبوردر . (قوكلن)
بومعاهده‌ی آباق آلتنه آلمق ایسته‌دی . (قومه‌دی فرا-
نسه‌ز) دن چیقدی ، استعفا ایتدی . (پورت سن
مارتن) ده ، ینه پارسده اوینامغه باشلادی . ایش
محاکمه‌یه دوشدی . محكمه (قوكلن) ی حقسنر چیقار

دی . معاهدۀ واقعیه هر مخالفتمده فرانسر تیاتروسنه
 بش یوز ، بالاخره بیک فرائق تضمینات اعطاسنه محکوم
 ایتدی . (قوکان) برایکی کرم بوجزایی ویردی . لکن
 باقدی که باشه چیقاجق شی دکل . اوینامقدن فراغت
 ایله دی . بوسفر او یونجینک دوستلری ، مفتونلری ایشه
 قاریشیدی . بودرجه ماهر بر صاحب صنعتی اجرای مهارت
 وصنعتدن منع ایتک عمومک جاتی صیقدی . دیرکن
 بوحسیات عمومیه اشتراک ایدن معارف ناظری نظا -
 منامه نك بر بنددن استفاده ایله مسئلهیه بر چاره بولدی .
 بونی ده هرا یکی طرفه طوعاً و کرهاً قبول ایتدیردی .
 ناظرک حکمنه کوره (۱۸۹۹) تاریخنه قدر (قوکان)
 ینه (پورت سن مارتن) تیاتروسنده قالیور . الحاق بو
 مدت ایچون (قومهدی فرانسه) ه بر مقدار تضمینات
 ویریور ، یعنی عائدات قدیمه سندن بر قسمی ترك ایله یور .
 بوتاریخدن صوکره ایسه بوسبوتون بوایکنجی تماشاگاهه
 یعنی لانه قدیمه کیریور . شو مشكلک بوصورتله فصلی
 (قوکان) طرفدارلرینک شوقنی موجب اولدی . (ژان
 قالو) او یونی ده بوشوقك ایلک ثمره سیدر .

بواثر تاریخنیدن بر پارچه در . (ژان قالو) اون
 آلتنجی عصر افرادندن بریدر . بوذات بیوک برعائله دن

ایمش ، فقط فطر تنك سو قیله هوا نیاسکه دوشمش .
 نهایت مزاحه اورارق بویولده غایت معروف بر رسم
 اولمش . . . تاریخك بوفصانی اوچ کنج مؤلف بر صورت
 جدیدیه قلب ایله شواویونی وجوده کتیریرلر ، اون ایکی
 پرده تشکیل ایدرلر . . برکون کیدر ، (قوکان) ی
 بولور اثرلرینی تقدیم ایدرلر .

برچوق مذاکره ، مشاوره دن صوکره اون ایکی
 پرده بشقه تنزیل ایدلک شرطیله اثرمظهر قبول اولور .
 ایشته بووجه ایله (پورت سن مارتن) تماشاگاهنه قوبور .
 بووایون بنده تحف برتأثیر براقیدی . تشبیه برپارچه
 بایاغیدر ، فقط ضرری یوق ، طوغریدر : بعض یمکملر
 واردر ، وجوده باسکه هیچ یاردیم ایتمز لر . مثلاً الماسیه
 وامثالی کبی . . مع مافیہ ینه خوشه کیدرلر . اشتهایله
 اکل اولورلر . ایشته بو اثرده اوپله در . بو منظره دن
 فکر دن زیاده کوز خوشالانسه کر کدر . نه اولورسه
 اولسون ، بو تماشادن انسان محظوظ اولیور . برنجی
 پرده قالقیور : نظرده برلوقانطه ، برکویلی لوقانطه سی ،
 برنوع الافرانغه خان پیدا اولیور . (ژال قالو) باباسندن
 قاقچش آیرلمش بو خاندن سر بستانه ، سر سریانه ذوق
 وطربله یاشایور ، بورجه کیریور ، سفاهته دالیور . باباسی

(ژان قالو) مشهور بر جنرالدرکه جوارده بر شهرده اقامت
ایله یور. دیرکن بوکودن بر آلائی چنکانه لر کچور او یون،
ذوق، صفا... ایچلرندمه کوزل کوزل قیزلر، فالجیلر
آیجیلر وار. اوکلرندمه ایسه قوص قوجه بر آئی...
بو حیوانک آدی (باتیست)... طیبی بر انسان، بر
او یونجی آئی شکلنه کیرمش، لکن او قدر مهارتله ایفای
وظیفه ایله یورکه شو تقلید زور نفریق اولونیور (ژان
قالو) بو چنکانه لری کورنجه مستغرق حظوظ اولیور
ضیافتلر ویریور. برقات دهها بورجه باتیور. دیرکن
بواننده بر چنکانه قیزینه عبائی یاقیور. قیزده (ژان قالو) یی
سویور. بر یکی اوبرینک رسمنی یاییور. اوتکی بونک
طالغنه فالنه باقیور. بواننده (ژان قالو) نک مریسی،
معلمی کلیور: (بیلوس)... مشرب فیلسوفانه صاحبی
بر ذات بونکله برابر تلمیذینی جاندن سویور. بتون
بوسیاحتلرده آرقه سندن تعقیب ایله یور. هر سقوطده امداد
دینه یتشیور: بو (بیلوس) او یوننی ایفا ایدن (قوکلن) ک
اوغلی (ژان قوکلن). الولد سراییه قول معروفی ایشته
بو محله صرف ایدملیدر. چونکه اوغلی ده بابا قدر
صنعتنده مهارت کوستریور. عاقبت (ژان قالو) نک
پدری مارشال (ژان قالو) ده اورابه کلیور. اوغلی

اطاعتہ دعوت ایله یور . بویله حالاردن واز چکمه ، خانه پدره ، سلك عسکری یه کله رک عمجه زاده لرندن برقیزله ازدواجه سوق ایدیور . بو حیات چوجغک فکرینه تماماً مخالف اما نه یاپسون . پدرینه اطاعت ایتمه سه داینلرک انه دوشه جک . حبسه کیره جک . . . او حالده برطرفدن محبس دیگر طرفدن ازدواج . . . بویکی درددن برینک اختیاری اقتضا ایدیور . (بیابوس) ک ابرامیله ایکنجی شقی اختیار ایله یور .

ایکنجی پرده آچیلنجه منظره جداً لطیف ، ماره شالک قوناغنده برصالون . . فوج فوج ارککلر ، قادینلر رقص ایدیورلر . لکن اون آلتنجی عصره مخصوص بر رقص ظریف که آدینه (پاون) دیورلر . قیافتلره . البسه یه ، تزیناته باقنجه بودرجه مصرفه شاشماق ممکن دکل . . . موقع باشدن باشه زینت ایچنده ، . . مدعولر ، رقاصلر ، رقاصه لر ایسه مزین ، سراپا مزین . . بو ایکنجی پرده اثرک ثروت زینت جهتیله احتشامنی صولک درجه یه واردیریور . (ژان قالو) عمجه زاده سیله بالضروره اوله نیو ، بونکچون سوز کسلمک اوزره اما بویکی کنج بربرلرندن همان نفرت ایدیورلر . . بر او طه ده باش باشه قانجه یکدیگرندن صیقیلیورلر . هیچ بر بحث محاوره بولامایورلر . چونکه

اوغلان چنکانه قیزی سویور . قیز ایسه مارشالک
یاورلرندن برینه عاشق . . بو حقیقت میدان چیقور .
(ژان قالو) قیزی عاشقنه اعاده ایتک ایسته یور . فقط
کیفتی ماره شاله ناصل آچلی . . بومشکل وظیفه یه کیمی
مأمور ایتلی . . اوغلان بوایشی درعهد ایله مک فکرینه
دوشیور . (بیلوس) قیامت قوپاریو . . دلیمسک ،
اولماز اولماز دییه باغیریور . قیز ، صوکره عاشقی خاطره
کلیور ، (بیلوس) بونلرده مخالفت ایله یور . اوله ایسه
بوایش ایچون سندن باشقه کیمسه قالمایور دییه اوچ کنج
بردن معامک باشنه اوشوشیورلر . (بیلوس) — بنی ؟
اه کوسترمه سون ، النمه یازدیه بوز سون ، دییه فریاد
ایدیور ، تتره یور ، ماره شالک حدتی کوز اوکنه کتیر -
یور . . بولو حده جدا کولونجدر . (بیابوس) آرانمله
بولونماز مخحک برنمونه در . نهایت قاباق بو یچاره نک
باشنه پاتلایور . حقیقتی ماره شاله بو عرض ایدیور . .
امانه عرض ایدیش . . کله لر حریفک بوغازندن چیقما -
یور ، چیقما یور . . برککه له مه در کیدیور . برکت
ویرسونکه بواثناده (ژان قالو) ایچری کیریورده
باباسنی ایشدن آگاه ایله یور . ماره شاله حدتک حد
وحسابی یوق . بو حدتدرکه آد مجزه اوغلنه قارشى —

اولنك، ضابط اولوق ايسته مه يورسك. چونكه عسكرك لكدن قورقيورسك .. آچاق . — ديديريور . بوكه زواللي كنجه ييلد يرم كهي تاثير ايد يور . (ژان قالو) حقيقه صاحب فضيلت ، مرد بر شابدرد . بوتحقيره تحمل ايد . ميور . نفر اوله رق عسكركه كير مكي ، بويله جه محاربه يه كيتمكي باباسنه تكليف ايله يور . بوتكليف مع الممنونيه قبول اولونيور . ژان قالو (غاريهل) اسمنده بر يوزباشينك بلوكنه ويريليور . لكن تصادف ، بوغاريهل ايله (ژان قالو) آراسنده وقتيله بر ماجرا كچمش ، كنچ عسكرك زمانيله بر مبارزه ده بوضابطي مغلوب ومحجوب ايتمش .. بونكچون بو وسيله ايله ضابط نفر دن انتقام چاره لرني دوشونيور . ذاتاً بوضابط فرانسه خدمت عسكريه سنه صيقشمش بر ايتاليان جاسوسيدر ، معيتنده (روفينه للى) اسمنده بر ملازم واردركه بوده ايكنجي براي تاليان جاسوسيدر . بو روفينه للى بي بيوك قوكلن اوينا يور . حريف ايتاليان شيوم سنى ، ايتاليان تلفظنى اويله تقليد ايله يوركه حاضر ون كولمكدن قاتيليور .

اوچنچي پرده بر محاربه جوارى عرض ايله يور . بر دكر من كنارنده بر بلوك عسكرك سلاحلى چاتمش نوبت بلكه يورلر . (ژان قالو) شجاعتنه مبنى بوبلوكك چاوشى

اولمش . . لکن حالا انتقام المق ایچون یوز باشی برفرسته
انتظار ایله یور . عسکر لر گاه تقسیم غنائم ایدیور لر ، گاه
کزینیور لر . . دکر من قوص قوجه بر یل دکر منی متصل
دونیور . . شمدی یه قدر هیچ بر تیاتروده بونوع واسع
ترینات منظورم اولمادی .

بوصیره لرده معهور چنکانه لر گروهی آیلرله ، چادر-
لریله بوسمه اوغرایور لر ، (ژان قالو) یی کوریر کورمن
صیچرایور ، سوینیور لر . . بر یار قدیم . . بوحر یفلرده
مدنیلردن زیاده آثار حقیقت ، بوی وفاوار . حقوق
ماضی یی اونوتمایور لر . لکن ایچلرندن اوکوزل قیز ، او
(ریچا) یوق . . (ژان قالو) معلو مات آلیور ایلک
تلاکیدن ، تصادفدن بری بوقیزجغز مسرت وشطارتی
غائب ایتمش ، یمیور ، ایچمه یور ، اوپله ساکن ساکن
قیرلرده کوشه لرده طولاشیورمش . . دمنده ینه کروهدن
آریله رق ایسسز بر طرفه چکلمش ، مع مافیه جوارده
ایمش . . عشق علائمی ، (ژان قالو) نک محبتی . . بوخبر
کنج عسکری متأثر ، متحسس ، غرامنی تزید ایدیور . .
بوکوچه به لر کیدوبده شو تصادفی اکلاتقدن صوکره
(ریچا) قوشه قوشه کلیور ، عاشق معشوقنی بولیور .
سویشمه لر ، اوپوشمه لر . . بو فصل اولدجه شاعرانه در . .

ذاتاً ايلاک تالاقى ده بويله شاعرانه ايدى . . (رڭيا) نك
چنگاه حياتى ، عالمى تصويرى ، تعريفى واردى . جداً
رنگين ايدى . بايرلرده ، چايرلرده ياتمق ، يووارلامق . .
کيجه اويورکن کوکبلرى وداعلامق ، سلاملامق طبعى
تحسسه دوشوريوردى .

ايكى سودا زده نك بوملاقانى ائناسنده يوز باشى
(غارييل) اورتايه چيقيور — وای ، کيمدر او ! . .
بلوکلک چاوشى نوبت زمانى بر آلفته ايله بويله فضا حتمه
بولونسون . . تکدير ، توييخ . . قيزى تحقير ، ضرب . .
بو درجه حقارته چاوش دايانا ميور . ضابطنه ال قالدير .
ييور . . بو ائشاده ماره شالده کليور ، وقعه دن خبردار
اوليور . عسکر لکجه بيوک برجنايت ديمک . . (ژان قالو)
چاوش ايرتسى کونى ديوان حربيه نقل ايدلمک اوزره
دکرمنه حبس اولونيور . حال فنا ، چونکه بويله مسائل
عسکريه ده ديوان حربک حکمى اکثريتله اعدا مدر .
ماره شال ايسه ايشک اهميته بناءً اوغلنه هيچ مرحت
ايتيور ، ياخود ايدمه ميور . . يالکيز دميندن تحف براشکه
بينه رک بو تحصنکاهه کان (بيابوس) دکرمنک قاپوسنده
آغلايور . يووارلانيور . نوبتى معهود (روفينه لى) دن
شنا کردينى کورمک ايچون تضرعاته ، بولونيور . فقط

فائده يوق. (ريچا) نك اخباريله جوارده كزينن چنكانه لر
 ماوقعدن خبر آليور ، اوصولجه جق كليور ، دكر مني
 حر كته قويور ، يلپازملره صاريله رق برر برر ايجري
 كي ريور ، (ژان قالو) يي قاچيريورلر . . ايشته كوز
 ايجون غايه الغايه لطيف برغدا : دكر منك حر كتي ،
 يلپازمك هر دالنه بر انسان اصلمش دال دونه دونه
 پنجره نك حذا سنه كلنجه ايجري صيچرايورلر . . ينه
 بويله جه عودت ايدرك (ژان قالو) يي قورتاريورلر .

دردنجي پرده بر اورمان كوستريور . . همان صحيح
 دينيله جك مرتبه ده قوص قوجه آغاچلر . . اوتلر . .
 (روفينه للى) بر بلوك عسكر ايله بورالري طولاشيور .
 چنكانه لري ، فراري ني آرايور .

بوصيره ده يوزباشي (غاربيهل) دن ده بعض امور
 جاسوسانه يه ، يعنى فرانسه اردوسنك حر كاتي ايتاليانلره
 افشايله دائر تعليمات آليور . بو ايش ايجون بلوكي تفتيشاته
 كوندرمك ، بو ايسسز مشجره ده بر كويلي يي بكه مك
 لازم كليور . . ايشته بو انتظار ، (روفينه للى) نك
 شو حالى اترك اك مضحك ، اك كوزل پارچه سيدير .
 (قوكلن) وار قوت مضحكه بازي سني كوستريور . بو
 صمت وسكونتك قلبنه القا ايتديكي خوف وخشيتي رعنا

ارانه ايله يور . گاه اوکسو ريور ، گاه اتره يور ، گاه
 باغرييور ، برصدا ايله خاجانه دوشيور ، رنگدن رنگه
 کيرييور . برخفيف روزگار ايله پوصلايه شاشيرييور ،
 نه ياپاجغني بيلمه يور . مهارت صنعت ده بونلره ديرلر .
 بويله حقائق ابداع ايتلي ، اقوال و حرکاتي احکام روحيه
 تطبيق ايله ملي . . حيرت ! بواننده آغاچلردن برر برر
 آدملر اينيورلر . . معهود چنکانهلر . . ينه حيرت !
 ايجلر نده (ژان قالو) . . دهها تحفي معلم (بيلبوس)
 وار . هرايکيسي ده اورنکي ، اوقيافتي آلمش ، اورتاده کي
 آغاچدن اولاکو چبه نك آييسي ، (باتيست) اينيور .
 ياواش ياواش (روفينه لاي) نك ياننه کيدييور ، اوطور -
 ييور . حريفک زانا دهشت سکونتدن اودي پاطلايوردی .
 بودب مدهشي کورير کورمز بر فرياددر قوپارييور .
 نه ايسه ، چنکانهلر کليورلر . اطرافني صارييورلر . لکن
 (ژان قالو) يوقايدن تکميل لاقيرديلري ايشيتدي ، اهانت
 و خيالي آکلادی . حمية غليانه کلدي . . (روفينه لاي) يي
 تضيقه باشلايور ، اسرار جاسوسانه يي آله رق باباسنه ،
 مملکتنه خدمت ايتک ، خائنلري ميدانه چيقارمق ايسته
 يور . (روفينه لاي) تردد ايله يور ، جواب ويرمه يور .
 ديرکن هپ چکيليورييور ، حريفی بلالي (باتيست) ايله

براقیورلر .. آی قوئی ، قویروغنی صالایه صالایه یانه
 کلنجه یچاره خائن خائفده چیغلقلرک بیکی برپارهیه ! ..
 (قوکلن) ک بوسیره ده آیدن قاچه رق براغاچه طیرمانشی
 وار .. حقیقه بوطور صنعت مضحکه نک ذروه سیدر .
 مجلس تکرار انعقاد ایدیور .. (روفینه للی) افشای سره
 قائل اولیور . انجق (یلبوس) « دیورکه : » بنم یرمه
 شاید سن اولایک نه یاپاردک ؟ اوده « درت سبیه مبنی
 حقیقی سویلردم .. برنجی سبب .. » دیردیمز (روفینه للی) :
 اوته کیلره حاجت یوق ، اوته کیلره حاجت یوق ! . دیه
 باغیریور .

الکلام یجر الکلام یا الشیء بالشیء یدکر ، یاخود
 الحدیث شئون .. حاصلی نه دیرسه کز دیکنز .. بحث
 اوزادی . بلکه قارئین کرامه کلال کلیر .. اختصار اقتضا
 ایدیور . بشنجی پرده تعقیبات ، محاربات ، مبارزات ایله
 باشلایور ، اوילה دوام ایدیور ، اويله بتیور . (غاریه ل)
 بو ائناده اوریلیور . اولیور . (روفینه للی) بر معتاد
 طریق اهانته صاپیور ، غالبلر طرفه کچیور . فرانسزلر
 ایتالیا نلری مغلوب ایدیور ، مظفر اولیورلر . بو ظرفه
 طرف طرق خدمت ایدن (ژان قالو) چاوش ایله چنکانه
 قیزی (ریجا) ده ماره شالک امریله ، تکلیفیله بربرینه
 واریور ، مراملرینه سعادتلرینه ایریورلر .

بوایونی بتون منقدین اکلنجه لی بولایلر . فقط
 ایشه او قدر . . تیاترودن مقصد یالکیز اکلنجه میدر !
 بویه اولورسه طفلانه اولور . اکثریت بویه مناظره
 اکلنک ایچون دکل . عبرت واستفاده ایچون کیدر .
 کورمدیکم شیلری کوردم . رقصیلر ، دکرمنلر ، بویه
 صنعی اورمانلر حاصلی بتون بوتزینات بنی غشی ایتدی .
 بر مدت ذوقی اوقشادی . لکن شمدی شویه دوشو -
 نیورم زده بر (اوتللو) ، زده بر (هاملت) ، حتی
 زده بر (محب نسوان) وامثالی ، زده بوایون ، دیورم .
 کوزلرمی قاپاینجیه فکرآ اور مناظره دالیورم . بر بکنی
 اونوتیورم . (قوکلن) بوسفر بزی ساده کولرددی .
 لکن دیگر سفرلر هم کولدیریور . هم دوشوندیریورددی .
 اولاییلرکه پارس خلقی شمدی یه قدر بونوع منظره لرك
 کونا کوتنی کورمش ، جدیتدن غنا کتیرمشدر . . انکچون
 زمین زمین بو مزاحی بلکه خوش بولور . نه مه کرك ،
 بز هنوز بو حاله کله دن بزه (قومهدی فرانسه ز) ده کی ،
 (اوده ئون) ده کی اویونلر کبی فلسفه لر ، حقیقتلر
 مقتضیدر . مطالعاتمزی موافق بولورلر ، تشویق بیوریر -
 لرسه شمدیدن صو کره صیره سی کلدکجه بونلرک ده زبده سنی
 تاریخچه سنی عرض ایلرز .



احوال خصوصیه ادبایه مراق ، اسبابی ، ادبای خیالیون ،
(آفرده دوموسه) (ژورژ سان) ، (ویکتور هوغو)
(سنت بوو) ... خصوصیتلری مخبره لری ، شهرت آفتدر

فرانسه ده زمانه خلقنده ادبای عصرک مخفی ، غیر
مخفی ، صمیمی ، غیر صمیمی ، حاصلی بالجمله احوال
خصوصیه سنه دائر او یله شدید بر تجسس ، بر مراق
وارکه انسانه حیرت ویریور . (ویکتور هوغو) نه
ایدی ، ناصدی ، نه هوسله ، نه مشربله یاشایوردی ،
بوقدرله اکتفا اولونمایور . ایلری کیدیلیور ، تجسسات
خسیسه دوشولیور . خصوصیتک اک چرکین کوشه لری ،
حیات عائله نک اک مستور کریزلری قاریشدیریلیور ،
فاریشدیریلیورده اخلاق و آدابه منافی نشریاته ، قیل
وقالره قدر واریلیور ، ناحق یره اک بیوک شرفلره ،
شهرتلره نقیصه ایراث ایدیلیور . بوحالک سببی نه در ؟
ادبیات قدیمده هیچ احوال خصوصیه دن بحث یوقدی .
(راسین) لر ، (قور نه ی) لر اثرلرینه هیچ حس

ذاتیلرینی . حال خصوصیلرینی ، دردلرینی . دوشونجه لرینی
 قاریش دیرمازلردی ، اون یدنجی عصرک آثار ادبیه سنده
 شخصیاتندن ، بویولده شخصیاتندن هیچ نشانه یوقدر .
 اون سکزنجی عصرک اواخرینه طوغری ادبیات خیالیه
 یوز کوستریور ، بومسلکک ایلك تخملرینی اکن
 فیلسوف معروف مشهور « اعترافات » ی ایله ایچنده
 نه وار نه یوق میدانه دوکیور ، صوکره بتون ادبای
 خیالیون حاللرندن ، سرگذشتلرندن منظومه لر ، حکایه لر
 یاپیورلر . بالفرض (لامارتین) ک (کول) عنوانلی شعر
 کزینی کوچک برسرانجام عاشقانه ک محصولیدر . بر
 وزیر ادبیز بونظمی تحف برافاده ایله ترکیه یه نقل ایتمش .
 غریبدر : نمونه ادبیاتده کی پارچه لرده کورلیدیکی اوزره
 نثرأ مبتانت الفاضله صوکه درجه رعایت ایدن بو ذات
 نظماً سکتله ره ، اماله لر ، زحافلره جواز ویریور .
 سببی : لسان شعریمزک محدودیتی اواسه کرک . فکرده
 جودت ، فن ، قدرت اولورسه افاده نظمییه من دارالیور ،
 دارالیور .. ناظمی یحضور ایدیور . بواسطرابی حس
 ایتمه مک ایچون کچن کون بر مجموعه موقوته ده کی
 « قوپارمه » لوحه دلاراسنی تصویر ایدن استاد قدر طبعاً
 علماً بلند اولمی .. بو « قوپارمه » محصول نوزمینی تکامل

اخیر ادیبزدن سویملی بر نمونه کوستریور . اسلوبده کی
 متانت ، سلاست ، جلادت — فقط هپ کلفتدن ،
 طنطنه دن عاری اولمق اوزره — دوام ایدیور . شایان
 دقت جهت شوکه معنائکده مزیتی بیویور . کزیده ،
 خوش اولمقله برابر بو درجه آز انفاظه او قدر وفیر ،
 درین ، بونکله برابر نازک ، لطیف معنی املا ایتک
 (قوپارمه) ناظمنک اک صوک مخصوصاتنددر ، شو
 مطالعه هر نه دنسه قلممک اوجنه کلیوردی . چوقدن
 بری شعر یمزله تغدی ایتمین فکر ادبده شویکی پارچه
 ایجه یر طوتدیغی ایچون بوسوزلر فضلهده اولسه معذور
 کوریاير .

احوال خصوصیه سندن محصولات ادبیه وجوده
 کتیرمک مراقی ساده (لامارتین) ه منحصر دکل ،
 بتون ادبای خیالیونه خاصدر . (ویقتور هوغو)
 سفیلره سرگذشتندن پک چوق صحیفه لر قویور .
 سائرلری هکذا .. فقط (آفرده دوموسه) ایله (ژورژ-
 سان) ه کلنجه بواصولک ذروه سنه واریور . قارئلریمز
 بوایکی ادبی ، شاعری ده ، حکایه نویسی ده اعلا طائیرلر .
 او برینک شعرلری ، کوچک حکایه لری تیاترولری عالمه
 داستان اولدی .. واسفا بزه ترجمه ایدلدی . ایدلدی

ایسه ده پک جزئی ... وقتا که م کایر بهار یکسر ، اشیاده
عیان اولور تغیر ، دییه بشلایان (یاد ایت) شعر متحسی
(موسه) نک بر منظومه سندن سانحه در ، صدار .
(افسوس) ده شو منظومه پک مکمل ترجمه ایدلمش .
مطالعه بیورلسون . استادک تنظیری تألیفدن اشاغی
قلماز . ینه بویله اوفاق اوفاق بر ایکی پارچهدن باشقه
بوادیبدن لسانمزدده ترجمه یوق کبی ... نه مه کړک ! ..
هب (موسه) یی طانیرز .. (ژورژسان) ایسه ادبیاتمزه
پک بیکانه در . مترجم لریمز ایچون بو حکایه نویسدن اعلا
مأخذ اولاماز ایکن هر نه دن ایسه بوجهته رغبت
بیورلماش .. حال بوکه بویله اولماییدی بکا قالیرسه
(ژورژسان) بزه (اوقتاو فوییه) یی ، (اونه) یی
اونوتدیریردی .. چونکه ، بر قادین اولایغندمیدر ،
نهدر ؟ ده روح استیناسدر ، ده صیجا قدر ، طبعه ،
خیاله ده ملایمدر . بونکله برابر بلکه ده مفیددر .

کچنلر ده (موسه) ایله (سان) ک معاشقاندن
بالماسبه بحث ایتمدی : شاعر هنوز اک یوجه دم
شببندده ایکن عالم ادبیاتده حکایه نویسه راست کلیور .
بریکی ده کنج ایسه ده ایکی چوجق صاحبی .. آنجق
زوجندن آیری یاشایور . ایکی رفیق ادب در حال ال اله

کوکل کوکله ویریورلر ، معاشقهیه درین بر معاشقهیه
 دوشویورلر . سرگذشت عاشقانه لری ایتالیا کی طبیعتک
 برمهده بدایعنده کچیرمک ایسته یورلر . . (وندیك) .
 کیدیورلر . . فقط نه اولیور ، نه اولمایور ، اوراده ایکی
 معاشق آراسنده بیوک بر منازعه ، بر منافرت قویور ،
 شاعر مجروح ، بی تاب ، مؤلم بر صورتده مملکتته عودت
 ایدیور . بودرددن بردها افاقت بولمایور . . بوسایهده
 اک پارلاق اک حزین سنوحات شعریه سنی میدان قویدقدن
 صوکره سونیور ، کیدیور . بو بر وقعه درکه شبانی عصری
 اک زیاده اهتزازه دوشوریر ، تا مکتب صیره لرنده ورد
 زبان اولور ، طوریر . شمدی خلق ممکنمی که بو وقعه دن
 مراقه دوشمه سون « عجبا شو سیاحتده نه اولدی . بو
 منافرت مهلبکه نه دن حصوله کادی ؟ » دیمه سون . .
 باخصوص که بر چوق طرفدن یانغینه کوروکله کیدلدی . .
 شاعرک وفاتندن صوکره قاردشی (هی وهو) دییه بر
 اثر یازی ، احوال مبسوطه نك مسئولیتنی هپ (ژورژ
 سان) . یوکلتمک ایسته دی ، بریکی ایسه (هووهی)
 دییه نفسنی مدافعه ایله دی . لیکن بونلرله حقیقت بتون
 بتون اکلاشیلامادی ، عامه نك بوبابده هیجانی ، تجسسی
 سکون بولمادی . . آه ، ایشته آرادن سنه لر کچپورده بو

سکون ینہ حاصل اولمایور . بوسائقہ ایله درک (موسه) -
 نك ، (ژورژ سان) ك اخبار اتندن كچنلارده اله كچن
 پارچه لر نشر ایدلدی . شاعر ك عائله واولادی مخالفت
 ایتدیكى ایچون بونشریاتده يك ایلری کیدیلهمدی . فقط
 ینہ مراقی بسلر کوچك بر نتیجه حصوله کلدی . .
 مکاتب سالفه دن برنده عرض ایتدمدی : ایش یالکز
 (هو وهی) دن عبارت دگش ، آراده برده (زید)
 وارمش ، شمدی (هو وهی وزید) دیورز .

شاعر له حکایه نویس آراسنده هنوز الفتك ، سیا -
 حتك ايلك دملرنده منازعه قویور . . عاشقانه ، مهلك
 بر منازعه ، یعنی هم معاشقه ، هم منافرت . . بوحالره
 چوق تصادف ایدرسکیزکه سائق کاه قصقناجلق . بعضاده
 حسد ، یاباشقه بر حسدر ، ایکی فرد هم سوشیرلر ، هم
 دیدیکله شیرلر . . آریلیرلر سه مضطرب اولورلر ، برلشیرلر سه
 ینہ عذاب چکرلر . بوکاده سبب تخائف فطرتدر .
 (موسه) ايله (ژورژ سان) آراسنده کی اختلاف طبایعی
 ایسه کچنلرده (بورژ) بر طیب معنوی کی خارق العاده
 بر صورتده تشریح ايله یوردی . شاعر بوسبوتون هوا
 پرست ، حسنه ، کوکله ، آمانه تابع . . زمان اولور انه
 قلم آماز ، آلاماز . . او قدر دلخون . . چالیشاماز ،

اویویاماز ، قالقاماز بر درد ، بر درد مجهول ، بر درد بی
 امان ایله بلا سبب بی حضور اولور ، طوریر . بر فطرت که
 نفسنک مغلوبی ، رقیق ، متهیج ، متردد . بونکه برابر
 بردها ، بردهای خارق العاده . . . حکایه نویسه کنگجه :
 اصول انتظام ، اطراد ، نفسه قارشی غلبه صوک درجه بی
 بولیور . . هوا و هوسنه جانی ایسترسه مغلوب اولیور
 سویور ، سویشیور . فقط بونکه برابر ایسته دیکی
 دقیقه ده چالیشیور ، یازیور . . همده صحیفه لر ، کتابلر
 یازیور . او تجلدات بیهوشانه یه براهیت و یرمه یور ،
 حزمی الدن براقایور . آرقداشی براضطراب مخفی ایله
 بری طرفده نالان ایکن ماصه نک باشنه کچور . آسوده
 آسوده ایشنی کوریور ، ایشته (بورژه) یه کوره منازعه
 واقعه یه سبب حقیقی آنجق بویله اولاییلر . . لکن عامه
 بو دلائل علمیه یه قناعت کتیر میور . براهین فعایه
 ایسته یور . شو وقوعات اثناسنده کی مخبراتی حرفی
 حرفه کرر مک ، هله آراده کی شخص ثالث ، زید کیمدر ؟
 بیلیمک سودا سنه دوشویور . بوسودا مشروع دکل ،
 فقط قباحت ادبای خیالیونده که خلقه بوفکری تلقین
 ایتدیلر . . . ایشته بو خطالرینک سیئه لرینی چکیورلر . .
 شو فرانسه ، روسیه شنلکلیری بیتدکن صوکره پارس

مطبوعاتى ، ادبىاسنى خلقنى بو (ژورژ سان - موسه)
مسائلى باشدن باشه اشغال ايتدى ، محافل ادبيه ده ،
غزته لرده ، رساله لرده بويولده مطالعاتدن كچلمز اولدى
ديرسه م اينانكز . چونكه حقيقتدر . آراده بر شخص
نالت ، بر زید وار ديدك . . بيلورز . بوزید شاعر
خسته دوشديكى زمان جلب ايديلن كنچ بر ايتاليان طيبي
(پاژلو) در . بر طرفدن معاشقى ، رفيق سياحتى اولوم
دوشكنده بايغين بايغين ياتاركن برى جهتمده (ژورژ سان)
بو كنچ ايتاليان ايله عشق والفته قويوليور ، حتى زمان
زمان بر لحظه كندينه كلن شاعر معاشقه سنى كاه طبيك
آغوشنده بوليور . بعضاً هرايكيسنك عيى قد حدن چاى
ايچدكلرينى كورييور . فقط نه ياپسون ؟ ضعف ايچنده در ،
يى تاب وتواندر . . سويله يه مز ، حتى ايكله يه مز . ايسته
بو حاللر ، بو خاطر ملر (موسه) يى پارسه قاجير ييورلر ،
آغلانتيور ، صيزلانيور ، نهايت اولديرييورلر ، چونكه
سوديكنك هراهانتنه رغماً حلاً عاشق هم ده جانندن
عاشق . . بوكاده اك يانيق دليل شو ماجرانك تلقين
ايتديكى « تشرين اول كيجه لرى » كى جهان دكر اشعار
حزن آرادر . بو كشفيات ايله شو تجسس عامه سكون
بولدى . آرتق شوايى اديبك ياد حزينلرى مستريح قالير ،


عائله لری ده ، ورته ده بوولوله دن قورتولور صانیرسه کز
خطا ایدرسکیز .. شمدی میدانه ، زید ، یعنی (پاژللو)
چیقدی . نه بولونماز برفرست .. باخصوص که بوایتالیان
طیبی هنوز بر حیات ایسه ... همان غزته جیلر وندیکه
قوشوشورلر . شمدی طقسان یاشنه وارن بواختیاری
برقصرده ، برکوشده بولورلر .. آمان سویله ، ناصل
اولدی ؟ ناصل (ژورژسان) ایله سویشدیکز ؟ بو محبت
نه قدر دوام ایتدی ؟ اکلات ، اکلات ... فقط حریف
زوالمی صاگیر .. زور لاقیردی ایشیدیور . نه ایسه ، سوال
جواب یازی ایله اولور : بوایتالیانه کوره (لاسان)
حکمی ، خاطره سی ، اهمیتی پک آز .. ایکی ، اوچ آی
سورمش بر سر گذشتن عبارت .. (ژورژسان) یاخود
(پاژللو) نک دیدیکی (لاسان) هن جائی مشربلکی
حسبیه آندن ده بیقیورنجه طیب ده کندینی چکیور .
اوله مهلك اضطرابلره دوشمه یور . بوسایه ده درکه ایشته
طقسان یاشنه قدر یاشایور . اولاد و عیال صاحبی اولیور .
(لاسان) ک وفاتی ایشتدیکی زمان محزون بیله اولمایور ..
بوروایت اوغلندن . مع مافیه ایشته بر طاس که (ژورژ
سان) بونکله چای ایچمش ، بلکه معهود شرب
مشرکدر .. (پاژللو) ده حکایه نویسک عاشقانه ،

مفتونانه مکتوبلری وار اما ویرمه یور ، آتی یه صاقلایور .
 آنجق بونلردن ایکی اوچ صحیفه لق بر اعلان عشق
 کوستریور . . . نه دلارا پارچه . (ژورژسان) هیچ بر
 حکایه سنده ، هیچ بر عاشقه بودرجه یانیق سوز سویاتما .
 مش اولسه کرک . . « کوزلسک ، جبهک صاف ، چهره ک
 جاذبه دار . . فقط قلبک ناصلدر ؟ . محبتدن خوشنود .
 میسک ؟ . بنی مسعود ایدر میسک ؟ نکاه لمعه فشانک
 روحکدن بر شعله میدر ؟ روحآده او قدر کوزلیسک ؟
 لسانک بکا آشنا دکل . . سن ده بنمکنی اکلامایورسک . .
 نه مه کرک . . قلبلر یمز کوروشیور ، اکلاشیور یا . .
 کافی . . » مآنده ، لیکن دهامحرق ، دهامهیچ بر
 صورتده بر عشقنامه که (پاژلو) یه خطابآدر . (ژورژ
 سان) بالآخره موسیقی شناساندن مشهور (شوپن)
 ایله ، بعده (لیچ) ایله ینه اوزون اوزادی یه معاشقاتده
 بولونیور . . نه یامان قادین : بر طرفدن عصرک اک
 کوزللرندن بری ، دیگر جهتدن بیوک بر حکایه نویس
 بر ادیب ، حتی بر فیلسوف . . چونکه اثرلرنده بر فلسفه
 وار . بونکله برابر سرگذشت حیاتی ده تصویره ، خیاله ،
 بیانه صیغماز درجدهده خارق العاده ، غریب . . نه ایسه
 شوبخته فرانسه ده صحیفه لر ، کتابلر وقف اولوندی . بزده

بوايكي ستونی حصر ايله يورز . . البته چوق كورلر .
 مشاهير عصر دن شو ايكي بيجاره نك ال مخفي نقطه لر
 وارنجيه قدر خلق دن آلدقلى ضربه تجسسه (ويقتور
 هوغو) ده هه ف اوليور . ويقتور هوغو ايله منقد مشهور
 (سنت بوو) اوتنه دنبري ايچدكلى بريره كيدر ايكي دوست
 ايكن كونك برنده يكدىكرندن آريليورلر . همده قطعياً
 وابدياً آريليور . . بو حاله قارشى همان عمومك تجسى
 قاباريور . بونك آلتنده نه اولسه كرك ؟ باخصوص ايشته
 (سنت بوو) كتاب عشق ، ديهه بوجهته تماس ايدر غايت
 معنيدار ايكي حكايه نشر ايله يور . ديكر طرف دن شاعرك
 قرينه سيله منقد سويشيرلر مس ديهه آلتدن آله برفيصيلدى
 پيدا اوليور . مادام (هوغو) كوزلا كجه بو عصر ك فريده
 لرندن معدوددر . بر زمان دنبري (ويقتور هوغو) نك
 مكتوبلريني ، مخبرات خصوصيه سنى خلق بلكه يوردي .
 بالخاصه شو مراقى تسكين ايچون بلكه يوردي ، بلكه بو
 مكتوبلرك ايچنده (سنت بوو) ه خطاباً يازلمشلىرى
 واردركه ممكندر وقعه معلومه ي افشا ايدرلر . بو مخبرات
 ايشته نشر اولوندى . فى الحقيقه منقد معروفه كوندرلش
 بعض مكاتبى ده محتوى . . آنجق ايسته نلديكي درجه ده
 افشاي اسرار ايله ميور . (ويقتور هوغو) محب قديمه

که نک برنده بر مکتوب کوندر ییور : « بر بر یئزدن
آرملی یز ، بر بر یئزی اونوتملی یز . مع مافیسه قلبه مدکی
موقعکدن امین اول « دیور ، تظلم ای دیور . . صوک بر
مکتوبده ایسه بوسبوتون قطع علاقه یه قدر کیدییور . .
ایشته بو . . شو مخابر لر تجسس عمومی یه بر پارچه تماس
ایله یور اما کافی دکل . . بودیو بو قدر غذا ایله طویماز ،
دها ایستر ، ایستر فقط یوق . . مثلاً شو وقعه ایچون
وقوع حالی دور و دراز مبین مکتوبلر اولمی . . هوغو
یازمی ، زوجہ سی یازمی . . (سنت بوو) یازمی هپ
یازمی . . حال بوکه مکتوبلرک ایچنده نه محرملری ، نه
خصوصیلری وار . . زواللی شاعر بونلردن برینک
نهایتندہ شوسوزلری سویله یور : « بومکتوبی غایت محرم
طوتیکز ، ایکیمزک آرامزده قالسون . . اسبابی معلومدر »
بو آرزویه نه کوزل رعایت اولونیور دکلگی ؟ ایکیمزدن
مقصود عجبا برجدید ایله بر عتیق میدرکه بواسرار محفوظه
کسوه طبعه قدر کیریور . ادبیاتجه شونشریانک جزئی
فوائدی اولسه بیلہ اخلاجه خساری آز دکل . . شعرلرینی
حکایه لرینی ، اثرلرینی ، انتقادلرینی اوقویونجه بواسحاب
دهایی ذهنأ بلند مراتبه رفع ایله یورز . . حاللرینی ،
حقیقتلرینی ، ماهیتلرینی فوقزده ، فوق ادراکزده

کور ییورز . فقط صوکره شو یچاره لری برده بویله معنی
 عریان ایدیورنجه اکلا یورز که آنلرده بزم کبی ایمش ..
 (هوغو) نك مخبراتندن نظر دفته چارپان بر نقطه ده
 شو که شاعر شهرت و شرفی نه قدر دقت و رقتله بسله یور .
 مدائنخنده بولونانلری التفاتنامه لرله تسریر ایله یور ،
 معترضلرینه دقیقه قانه جوابلر ویری یور . هیچ بر فرصتی الدن
 قاچیر میور . بویولده ساعت کبی موازنه ایله ، حساب ایله
 یور و یور . یور و یور ده بر عصرک بالجمله آوازه صیتی
 عاقبت نفسنده جمع ایله یور .



پارس خاطرہ لری

بش انجمن دانشك اجتماع عمومىسى

پارسمده بش انجمن دانش وارد ر . برى بيوك
انجمن دانش كه بونلرك پيرى ، سرفرازى ، روحى
اولداينى ايچون اك بيوك فضلائك ، علمائك ، مشاهيرك
مأمنيدر ، ديكر دردى بوكا نسبةً ايكنجى درجه ده
قاليرلر . شوبش انجمن هر سنه بوموسمده متحداً اجتماع
ايدرلر . آندن صوكره آرياييرلر . بواجتماع عموميده هر
برى برهيئنه مخصوص اولمق اوزره اعضادن بش ذات
حاله ، زما نه موافق برر نطق ايراد ايلرلر . دون ينه
بر معتاد بواجتماع سنوى واقع اولدى . خطبا مياننده
بالخاصه اديب ومنقد معروف (ژول له متر) داخل ايدى .
باخصوص غايتله تجسس عمومى يى داعى بر مسئله دن بحث
ايتمك اوزره داخلدى . (ژول له متر) عصر ك اك دينج ،
اك فسيح ، اك كسكين ، اك كنيج ، اك پارلاق ذكارلندن
بريدر . بوصيفه لرده برقاج دفعه تذكارى كچن بومتفكر
بلند نه لر ياز مادي ، نه لردن بحث ايمه دى ، نه لره

کیریشمه‌دی ، با خصوص موفقیتله کیریشدی . بر زمان
 (ده‌با) غزته سنده تیاترو منقدی اولدی . بونقیداتی ،
 تفرقه‌لری شمدی طقوز جلد دن مرکب اولمق اوزره
 کتاب شکیلده منتشر در . ادبیات ، ادب ، علم ، فلسفه
 نقطه نظرندن تیاترو ایچون بوندن کزیده مجله ، رهبر
 اولماز . فرانسه‌نک مناظرندن ، صحنه‌لرندن بحقی استفاده
 ایتک بونلری جداً مطالعه‌دن صوکره اولور . (ژول
 له متر) — معاصرین — عنوان عمومیهسی آلتنده ادبای
 عصره دأر الی جلد انتقادات نشر ایله‌دی . ماهیت
 ومقصود مؤاخذه‌یه ، بوفن مشکله‌دأر بوندن جلی دستور
 خاطریمه کله‌یور . (سنت بوو) ک بازار ایرتسی کونی
 وار اما — معاصرین — باشقه جلوه‌یه ، باشقه فیض
 تجده ، باشقه روح زمانه مالکدر . بو قدرمی یا ؟ بو
 ذکای وسیمک اقراننه فوق‌العاده رجحانلری ده
 کوریلور . بومنقد (سنت بوو) کبی دائرة تنقیده
 محصور قالمایور ، نه ده (سارسه‌ی) کبی ساده تیاترو
 تنقیداتیه اوغراشمایور . حین حاجتده (ساردو) کبی
 بر تیاترو مؤلفی ، (بورژه) کبی بر حکایه نویس ، حتی
 (پرودوم) کبی بر شاعر اولویور . بونکچون الده‌کی
 آثار برر حجتدر . اوزون اوزادی یه عرض دلا ئله

حاجت یوق وقت ده ... (ژول له متر) دن ماعدا خطبا
 میاننده (لارومه) ده واردی . (ادبیات حقیقه)
 درس لری بو معلمك قدرتی کوستر دی . اولکی کون
 حجره حقیرانه مه کیره رك ماسه نك اوزرنده شو جمعیت
 کزین ایچون بر دخول بیاتی بولونجه شو جاذبه لره بناء
 انبساطمه پایان یوقدی . هم بویله واسع بر هیئت فضلابی
 کیف مایشاء تماشا ایتك هم اویله جهان دکر سوزلر
 دیکله مك بنجه بر نعمت ایدی . باخصوص شوایکی نطقدن
 برنجیسی « snobs » ترجمه قابل ایسه — متصافین —
 دیدکلری بر گروهه عائد ایدی . ایکنجیسی ده یونانستا
 نده کی (باکوس) تیاتروسنه تعلق ایدی یوردی .
 (snobisme) دینیان بر نوع « تصالف » بو عصرده پك
 مبدولدر . وسعت افکار و آثار بویله اقتضا ایله یور .
 یونان تیاتروسی ایسه کیتدکجه اویانیور . بناء علیه شو
 موضوعلرک هر ایکسی ده هوسکاران علم و ادبی جلب
 ایدن ماده لردن ایدی . بونکچون درکه دون قوص
 قوجه دائره خنججا خنج خلق ایله مالا مالدی .

(سن) نهرینه همان ناظر ، صول ساحلده کاش
 بیوک بر کاشانه که (مازارن) سرایی نامنی طاشیور ،
 بتون انجمنلره محل اجتماع اولیور . (مازارن) معلو -

مدر . اصلاً ایتالیان ایسه ده قاردینال (ریشلیو) دن
 سوکره باخصوص اون دردنجی (لوئی) نك زمان
 صباوتنده فرانسه نك رأس اداره سنی طنطنه ، ولوله ،
 دغدغه ایله اشغال ایله دی . بوتأسیس ، بوسرای اكا
 منسوب اولدیغندن حالا نامیله یاد اولونیور . محل اجتماع
 بیوك ، مزین بردائرکه قاپولر جامدن اولدینی ایچون
 باشقه زینت بولیور . هله حضارك نظافتنه ، سوسنه ،
 اعضای انجمنك یشیل یشیل البسه سنه ، اکتریتله بم بیاض
 قفالرینه انسان عادتاً مفتون اولیور . صاغ طرفده بر
 قادین واردی که متصل سویله نیوردی . صول طرفده کی
 افندی ابسه هیچ سسنی چیقارمایوردی . بویله مجالسده
 سکوت بنجه بحق آلتوندر . چونکه پك چوق کوه زه لر
 تقریرك حسن سمعنه مانع اولورلر . بوده بنم نه قدر
 ضمیمه کیدر . ضمیمه کیتدیکی ایچون ده اکثراً باشمه کلیر .
 جهان بویله در .

اولا علوم سیاسیه و اخلاقیه انجمنندن بری سوزه
 باشلادی . کوزل ، مفید ، مختصر سوزلر : « هر نه قدر
 اصول ، وسائط مختلف ایسه ده کامه علوم وفنون بردر ؛
 بر مقصده خادمدر . . . بو حقیقت کوندن کونه تظاهری
 ایدیور . موضوع فکر و ذکا نه در ؟ طبیعت دکلی ؟

طبیعتده ایسه قوا و اشکال ثروت و وسعتله تخالف ایتسه
بیله اساساً هپ موجودات بر برینه بکزرلر . دیمک ،
بونکچون آیری آیری علوم و فنونه خدمت ایدن شوبش
انجمن مجتمعا بر هدفه منعطف عین هیئدن عبارت عد
اولنه بیلیر . بوندن سوکره خطیب کچن سنه کی اجتماعدن
بری هر قسمدن متوفالری برر آعداد ایله دی . بونلردن
(زول سیمون) ، (لئون صای) هم علوم اخلاقیه
وسیاسیه انجمننه ، هم ده بیوک انجمن دانشه داخل
ایدیلر . روسیه ایمپراطور و ایمپراطور یچه سنک زیارت
معلومه سنه دائر بعض الفضاظ تجلییه ایله نفاق ختامه
ایردی . بوسرده خاطریمه هر نه دنسه (آلفونس دوده) -
نک (ابدی) نامنده کی اثری کلدی . معلوم یا انجمن
دانش اعضاسنه (ابدیلر) دیرلر . چونکه شکوه و شرفک
بومرتبه سی انسانه گویا برنوع مزیت ابدیه ویریورمش .
هر نه ایسه (دوده) بو حکایه سننده انجمنلرک بویله بر
اجتماع سنوینسی تصویر ایله یور . حاضرین آره سنده بر
(غراندوق) بولوندیریور . اشخاص وقعهدن رئیسسه
همان عینی سوزلری سویله تیور . لیکن خاتمه ده نه کسکین
برهجویه میدانه قویور . بتون بو آلایش ، بودغدغه ،
بوتجمع سنتر جهل ، حزم غرور ، نمایش ایچون بر

واسطه در دیمك ایسته یور... بنجه بعضاً او یله اولسه بیله
 اکثریا بویله دكل... چونكه ایشته صنایع نفیسه انجمنك
 مرخصی (لارومه) كه نه كزیده برخطابته بولوندی.
 بوذات كوزل برادیب (استاد) برمنقد اولمغله برابر
 فنون نفیسه مسائننده، رسمده، تیاتروده جداً یكتادر.
 تتبعات وفیره، مطالعات عمیقه صاحبیدر. كچن سنه آتنده
 (اولمپیاد او یونلری) اولدی. (لارومه) بونلرده
 حاضر بولوندی. بوزیارته کی سیاحتده کی تحسسانی او
 زمان جسته جسته (تان) غزته سنه كوندردی. ایشته
 شو نطقده بوتنزه ادبیدن برمحصولدر. تیاترو موجودی
 یونانلیدر. (باكوس) تیاتروسی ایسه صحنه لك پیری،
 پیر ازلیسیدر. چونكه (اشیل)، (سوفوقل)،
 (آریستوفان)، (اورپید) كبی اك بیوك، اك ابدی
 فاجعه نویسار اك كوزل اثرلری، اولمك سونمك بیلمه یین
 اثرلری بوساحده عرض ایله دیلر. (سوفوقل) ك
 (ادیپ روال) سی دركه (قومه دی فرانسه ز) ك حالاً
 بیله اك بلند اك رعنا زینتیدر. اوته کیلرده بویله در،
 زمانی كلیور عرض ایدرز. ایشته (لارومه) بو صحنه یه،
 بوساحه یه، بوتیاترویه دائر همان یاریم ساعت ایراد مقال
 ایله دی. كچن سنه کی سیاحتنده بویری كوردیكی ایچون

ماضی ایله موازنه ایده ایده تعریفه قویولدی . آندن
 سوکره اوینجیلر ناصیل ، نه طرفده اوینارلر . نظار
 نره ده بونورلر مش اوزون اوزادی یه بسط ایتدی .
 قدیمدن بری ذهاب عمومی یه کوره سخنه شمیدی اولدینی
 کبی یوکسکده ایش . (روما) محرریندن (ویترو) ده
 آتارنده بویله یازیورمش . فقط اخیراً آلمانیا علماسندن
 برذات یونانستانه کیدر . حیرت آرا برجهد ایله قرقندن
 سوکره یونان لسانی ، ادبیاتی ، تاریخی ، روحنی
 اوکره نیر ، (آرکهئولوژی) تحریاتنه باشلار . دیرکن بو
 ذهاب قدیمی ابطال ایتمک ایستر : خایر ، (باکوس)
 تیاتروسنده اوینجیلر یوکسکده ، سخنده دکل ، اوکده ،
 موسیقی یرنده . دوزیرده . — طبقی بزده کی ظهوری
 قوللرنده اولدینی کبی — اوینایورلردی . بومناقشه ایجه
 اوزامش اولملی که (لارومه) یی بو قدر اشغال ایتدی .
 فرانسه نك آتیه ده الی سنه دنبری بر مکتبی واردرکه
 باخاصه فنون نفیسه نك بومملکته ، بوقسمه تعلق ایدن
 شعبه سیله مشغولور . شو مکتبک مدیری بو آلمان عالمنه
 معارض چیقار . طرفین خرابه یه کیدر . معارضه لرینی
 اوراده یوریتیرلر . فرانسه عالمی مدعاسنی مؤید براهین
 ایراد ایلر . آلمان عالمی ایسه بونلری جرح ایده مز .

خطیب شو ماجرای کیف مایشاً نقل ایتدکن صوکره :
 « ایشته افدیلر ، بو بر کوچك مظفريتدر . ادبی ،
 صاحی اولسهده هر حالده بر مظفريتدر ، بر فرانسه
 مظفريتدر . » دیدی . هر طرفدن آلقیشلر باشلادی ،
 هله یانمده کی قادین بو فرصدن استفاده ایله آفرینلری
 بربر آرقه سنه صالیویریور . (لارومه) نك بویله
 حسیات وطنپروری یی اوقشامق عادتیدر . بنم کبی بر
 سنه دن بری درسارینی تعقیب ایدنلر بوجهتی بیایرلر .
 فقط شو کوچيچك تیاترو مسئله سطحیه سنده بودرجه
 ولوله یه لزوم وارمی ؟ ایشته بوکا عقل بسیطم زور
 یاتیور . چونکه غالباً بو مسائل علمیه نك وسعتی احاطه
 ایدمییور . بویله بر حقیقتی میدان قویق ایچون علماً نه
 بیوک سرمایه ایستراکلامایور . اسکی ویکی بالجمله ادبیات
 عمومیه یی جداً ادراك واقتطاف لزومنی بیله میور ، نه
 ایسه ، خطیب (باکوس) تیاتروسنده کی عادات و آدابیه
 بیان ایله دی . بونلرله فرانسه ده کی عادات حاضره یی
 مقایسه ایتدی . زمانك منقدرینه بدل اوراده حاکم
 وارمش ، اویونجیلری درجه لرینه کوره تقدیر ایدرلر مش .
 فقط بعضاً عامه بو تقدیراته قاریشه رق حکامك رأینه رغماً
 مؤلفلرك مراتبنی ترفیع یاتنزیل ایلر مش ، حتی برکون

(سحابه‌لر) اثرینی تماشادن صوکره (آریستوفان) ک
 برنجیلدکنی حاکم‌لر دن مطالبه یه قالدیشمش ، دیرکن
 (افلاطون) سرد اعتراض ایله بوتیاترو تغلی نه دیمکدر؟
 حکام مسئوله نك حکمنه ، رأینه بدل غیر موظف بر
 کروهك سوزلری قائم اولسون ، روامیدر؟ دییه حدت
 ایتمش فقط نه مهیب منظره دکامی؟ بر طرفدن
 (آریستوفان) لر دیگر جهتمدن (افلاطون) لر حقیقی
 بر ساحة عظمت وحشمت ...

(لارومه) یونان خلقنك شوعادتتی ، (افلاطون) ک
 شو اخطارینی ذکر ایتدکدن صوکره «(قونسرو اتوار)
 مدیری هیچ شبهه یوق یونان فیلسوفنك بر قولانی تصدیق
 ایدر» دیدی . حاضرین بوکا کولدیله . یانمده کی قادین
 ایسه «نه لطیف ، نه خوش» دییه بر دیزی مداح
 صرف ایتدی .

(قونسرو اتوار) ، پارسده موسیقی ، شرقی ، نطق
 مکتبیدر . تیاترو او یونجیلری اکثریتله بورادن یتیشیرلر .
 هر سنه بومکتبک امتحانلرنده خلق هیئت میزه یه مخالفت
 ایتک ایسته‌دیکی ایچون خطیب شوسوزلرله بوکا تلمیحده
 بولوندی .

یونان تیاتروسيله فرانسه تیاتروسی آراسنده بویه

بر مدت موازنه یوریتبهرك (لارومه) برنجينك آثارني
 خارق العاده بولمغه برابر ايكنجينك اصولی ، آدابی ،
 اويونجیلرینی دها زیاده مدح ایتدی . « (مونه سولای)
 قدر (ادیپ رووا) یی کوزل اوینایان اولامادی ، تاریخ
 بیلمه یور . برده یونانستانده اويونجیلر هپ ارککدی ،
 بونلردن هیچ قادین یوقدی . فرانسیز تیاتروسی بو
 جهتجه ده حائر رجحان لطافتدر . بوندن بحق استفاده
 اولونمق ، بو فرق ایجه نظرلره وضع ایدلمک ایچون
 (قومه دی فرانسیز) ده کی ارکانمز قالمیلی ، هیئتله
 (باکوس) تیاتروسنک خرابه سنه کیتیلی ، (ادیپ رووا) -
 لری وسائرملری اوراده اویناملی ، کله جک سنه آتنده کی
 فرانسیز مکتبئنک الانجی سنه دوریه سیدر ، بویولده
 سنلک ، شادمانی اولمق ملحوظدر که شوتصور اوصیره ده
 اعلا موقع اجرایه قونابیلیر « سوزلریله نطقنه خاتمه
 ویردی . (لارومه) دن صوکره (دیولافوا) سوزه
 باشلادی . قارئلرمن بلکه بواسمی طائیرلر ، (دیولافوا)
 مشهور ، متفنن برسیاحدر . شرقه ده ، ازمنه قدیمه یه ده
 پک واقفدر . بو طریق علم وکالده زوجه سی ده کندندن
 کری قالماز . ایرانه دائر اک زیاده معلومات ویرن حین
 حاجتده اک کوزل قلم یوروتن مادام (دیولافوا) در .

ایشته اوکزده کی پنجشنبه کونی (اوده ثون) تیاتروسندده
 (اشیل) ك (ایرانیلر) اویوننه دأثر بیان مطالعات
 ایدم جکدرکه بومطالعه مزی ده ، اویونی ده قارئین کرامه
 برتفصیل عرض ایدرز ، (دیولافوا) نك بربرادری ده
 وارکه طیبیدر . مادام (دیولافوا) علمه ، فضائله
 استاداً احراز مساعده ایله مش ، ارکاک اثوابیله کزیور .
 بوتبدیل قیافته هرکس ایچون رخصت یوق . دوقتور
 (دیولافوا) یه کانجه بوذات او قدر شیق که عادتاً قادینلر
 کبی قورسه کیور ، ینکه سیله تحف بر تضاد تشکیل ایله یور .
 بونطق بوندن صوکره کلن « تاریخ سیارات » ه دأثر
 ایکنجی بر نطق عالمانه ، فاضلانه ايسده اصل مقصدمزه ،
 (ژول له متر) نك سوزلرینه وقت ، یر قالمایور : متصاف
 نهدر ، بیلیورمیسکز ؟ هانی کور کورینه ، خیر و شری
 بلا تمیز بر تقلید ، بر اتباع ، بر هوس یوقی ؟ ایشته بوکا
 تصلف دیورلر .. شوکله یه بر معنی بزجه ده ویریله بیلیر .
 چونکه نتیجه حدینی ، اقتدارینی بیلمه مکه واریر . مثلاً
 شواملاً مسئله سنی قاله آلیکز ... اورتایه شویله بویله تجدد
 چیقارلدی . (باشقا) لر ، (صوکر) لر یازلمغه
 باشلاندى . دیرکن ایش متصلفلرک اله دوشدی . ترکه
 بدل (تورک) بیله دنیلدی . بوتحریفاته طوغری بیلیر

بیلمز یوریر بر آلائی مجددلر پیدا اولدی که بوکاده آنجق
تصلف دینه بیایر . تصلف یالکز تجدد منهصر در .
صانماییکز . . بعض متصافین ده وارد که قدما پرستدر .
مثلاً بونلره الکتریقدن ، (ادیسون) دن بحث ایدر -
سکز ... آدم سن ده ، قدیمدر ، قاضی میردندر دیرلر
آلیر ماما زلفه کلیرلر . فقط پارسک متصلفلری هم
چوقدر . هم یاماندر . . . بالفرض برقچ سنه اول بو
مملکتده آلمان موسیقیسنه بر میل ، رغبت او یاندی . . .
کومه کومه تصلف اربابی میدانه چیقدی . . . وارسه بو
موسیقی ، یوقسه بوموسیقی بیلدکلرندن ، آکلادکلرندن می
حاشا . . . سوز اولسون ، تصلف اولسون ..

(ژول له متر) تصافی بویله اوزون اوزادی یه
تعریف ایتدکدن صوکره متصلفینی عادی اولسه بیله
فائدهسز کورمیور . برمسلك ، برتجدد اساساً مقبول
ایسه متصلفیندن ، بو طرفدارلقدن استفاده ایلر ، دکسه
بو قوف طرفدارلرک هیچ حکمی اولماز . بویله اصحاب
تصلف اولماسه یدی ، بالفرض فرانسه ادبیاتنده اون
یدنچی عصرک قسم او انده کی تصفی لسان ، اون سکزنچی
عصرده کی علوم سیاسییه وطبیعیه نک فن ادبیه امتزاجی ،
(روسو) نک مسلك حسی وطبیعیسی ، بالآخره مسلك

حقیقی ، نهایت زمانمزدہ کی مسلک فکری بویله سہولتہ
فیض آلہ مزدی . چونکہ جہانندہ بالضرورہ افکار عادیہ
افکار دقیقہ یہ مقداراً غالبدر . بویله کور کورینہ اتباعلر
اولماسہ بریکی او برینہ غلبہ چالاماز . تصلف حقیقتدہ
ذکا ، دہایہ بر اطاعتدر ، کورولتی ایله ، پاطیردی ایله
ہر نہ صورتہ اولورسہ اولسون بر اطاعتدر ، دیمک
تصلف نہ قدر چوق اولورسہ ادبیات او قدر کار ایدر .
بوکا بزدن مثال بولورز .. دہا چوق اولمادی . میدانہ
برایکی ادبیز چیقدی . اثریمزی ، شعریمزی یکی برقالہ
صوقدی . متصلفینک ہمتی اولماسہیدی بوتجدد او قدر
مہاجملہ قارشی کولسکدہ قلمازمیدی ، اونودلمازمیدی ؟
ادبیات قدیمہ ایله جدیدہ آرسندہ - سن - ایله - سز -
بینندہ کی قدر فرق واردر حکمنی ویرن استادہ متصلفلر
ہپ بر آغز دن : اوت او یلہدر ، (سن) ایله (سز) ،
(قیرمزی) ایله (ماوی) ، (اسقارپین) ایله (لاپچین)
آراسندہ نہ فرق وار ایسہ ادبیات قدیمہ وجدیدہ نک
فرقلری دہ بویله در دیہ بیلیر بیامز اتباع ایتہ سیدیلر ..
مسکدہ بر فیض حاصل اولورمیدی ؟ اگ غریبی نہدر ؟
(ژول لہ متر) تصلفی بویله تعریف ایدیوردی دگلی ؟
ہیچ شبہ یوق ، سامعین آراسندہ پک چوق متصافین

واردی هله یانمده کی قادین مطلق بونلردن ایدی . لکن
 بو حالک محسنات عدیده سندن بری ده نفسی هویتی ،
 ماهیتنی بیلیمه مک ، آکلاما مقدر . بیلیمه آکلاسه تصاف
 اولماز . بو مرضه .. مرض دینه من چونکه ایشته مقبول
 دکسه ده مضر تسر عد ایدیلرور . هر نه ایسه بو عادت ،
 بو خصلت کنجلره پک ساریدر . (سفیلار) مترجمی
 وقتيله بر طرز ترجمه اختیار ایله دی که لسانمک شیوه سنه
 هیچ توافق ایتزدی . فقط نیجه شبانمز بو طرزی دلارا
 بولورلر ، کوکله چیقاریرلردی . تصاف هر زمینه
 کیریور . . مودا بيله اکثریا بو خصیصه نك محصولیدر .
 متصلفین سایه سند اويله قوص قوجه یاقه لر چیقدی ،
 یاپیلدی ، ینه متصلفین سایه سنده اوزون اوزون اتکلر
 عمومی ، ضروری اولدی . هپ تصاف ، هپ تصالف ..
 بوکا بناء درکه دونکی خطیب ادیب تصلفی فلسفه نقطه
 نظرندن ده آیریمجه تتبع ایله پک طبیعی بولدی ، بو بر
 وهمدر . فقط بشریت وهم ایله یورومیورمی ؟ ترقیات
 بشریه بتون بویه اولمایورمی ؟ بو فلسفه بر پارچه اوزون
 اما هر حالده متصلفلری اويله پک خوار کورمه ملی ..
 آنلرکده بوفیض وتجدد عمومیده آز ، چوق بولدقلری
 وار ، دکی ؟

علی کمال بک


پارسه سنک

اوچنجی جلد

معارف نظارت جلیله سنک رخصتیه

اقدام غزته سنک پارس مخبر مخصوصی (علی کمال) بک افندیك
مذکور غزته ده مندرج اولان مقالات نفیسه متنوعه سی کتاب
صورتنده دخی باصلمق قارئین عثمانیه جه مطلوب و ملتزم اولدیغی
کرك اوخصوصه دائر آلنان مکاتیبک مطالعه سندن، کرك شفاهاً
وقوع بولان افاداتدن اکلاشلایغندن بونلری غزته صحیفه لرنده قالمق
کبی برضیاعدن محافظه — اولجه طبع اولنان (ادبیات حقیقیه)
ایله (قادین مکتوبلری) مستثنا اولمق اوزره — جلد جلد اوله رق
آیریمجه ده تمثیل ایله ک

در سعادت - اقدام مطبعه سی



نقش بر آب :

صنایع نفیسه‌یه دائر . .

اوتهدن بری المـدن کلدیکی ، دیلمک دوندیکی قدر
شو صحیفه‌لرده عرض و تصویر ایله یورم: بومملکتک صنایع
نفیسه‌جه ترقیاتی خارق‌العاده‌در، صنایع نفیسه‌دن مقصودم
برپارچه عمومیدر: رسم فن معماری ، فن هیکل‌تراشی ،
موسیقی ، شعر حتی قسماً ادبیات بنجه صرف صنایع
نفیسه‌دندر . . بواقلمک فوج فوج رساملری ، معمار -
لری ، هیکل‌تراشلری ، شاعرلری اولیور؟ . . او قدرکه
بری دیگرندن کوزل . . بر فیض ، بر تسابق ، بر تفوق‌در
کیدییور . . فی الحقیقه دارالتدریس‌لرک مکملیتی بویولده
باشلیجه برسییدر اما صنایع نفیسه اوله یك بیلدیکمز کی
تعلیمه کلز . کچن کون بر مجموعه موقوتده بر شاعر کنیزمز
سرگذشت شاعریتک بودم نوهوسانه‌سنی اکلاتیور .
عروضی ناصل ، نه‌صورتله او کرندیکنی نقل اییدیوردی . .

بوتعلم که — تعبیر جائز ایسه — صرف خدای نابت . . .
 یعنی طاغده یتیشن اوتلر کی کندیلکندن یتور . لکن
 بوبر حقیقتدرکه شعرا مزك ، هله شبان شعرا مزك همان
 کافه سیله واقعدر . . کنجلر یمزدن عروض اوقویانلر پک
 نادر اولسه کرک . . همده نروده اوقوملی ، ناصل اوقو-
 ملی ، نه دن اوقوملی . . قواعد ، ادبیات درس لری مژده
 اولدن هیچ بوفصل یوقدی . . یکیدن علاوه اولوندیسه
 او باشقه . . . یاریم یاکاش برافعله وتفعله مخابر ناچیزك
 المدنده کایر . . . بحور عروض ، ولوجزئی اولسون ،
 نه درلو ذهنمه کلیردی ؟ لسانمدن طوروب طوریرکن —
 زور مور ، نه ایسه — ناصل موزون سوز چیقمغه
 باشلادی ؟ . . شعر ایله اشتغال ایدن رفقا شاهد مدر : اوکجه
 بویله هازبی محابا کی وزنه کسب قدرت ایله دكده مضارع ،
 متقارب ، وافر ، رمل دییه بحرلری صوکره دن اوکر -
 ندك . . مع مافیه اوکر ندكده نه کاریمز اولدی ، بکا برکره
 عربجه تدریس ایدن بر فاضل دانا حیرت ایتدی . .
 چونکه درسه باشلارکن عروض عربی بی بیلوب بیلمد -
 یکمی صورمش ، خایر ، جوابی المشدی . . لکن ایکی
 اوچ درس کچد کدن ، برایکی نمونه کورلد کدن صوکره
 باقدی که اك مشکل بیتلری تقطیع ایتك بنجه ایشدن

دکدی : ولولا الشعر بالعلماء یزری مفاعلتن ، مفاعلتن ،
 فعولان دیمک اودرجه سهل ایدی . . امام شافعیئک شو
 بیت کزینی نره دن خاطریمه کلدی ! حافظه مده باشقه نیجه
 مثالر وار . . قارئین کرامدن طبع حقیرانه واقف بولو-
 نمایانلر — شو آدمه باق ، وزن بیلمکله تفاخر ایتمک
 ایسته یور . . — دیرلر . . لکن مقصدم بویله دکلدیر .
 صافدر . . حتی بوجرئی شاعر لکله افتخار ایتمک هیچ
 خاطریمه کله دی . . شمدی ایسه هیچ کلز . چونکه
 زمین شعری ، ترک ایده لی خیلی زمان اولدی . حتی کچن
 کون بر بحث قارالارکن بر ایکی بیت سویله مک لازم
 کلدی ده کهنه طبع شاعرانه م ایجه یوردی ، بر آراق
 صاحبه لادی بیله . چونکه وزنی قاریشدیریور . « بدفطرت
 بیله عاجزدر » سوزینی موزوندر دیه اورتایه قویمغه قدر
 واری یوردی . بونکچون « بوفطرت بیله عجز آوردر »
 دیمک لزومنی آکلامایوردی . زواللی اختیار! حال بوکه
 دم شبانده اوزون اوزون منظومه لر ، تخمیسلر ، سویلر-
 دی ده بروتده بیله یانیلمازدی . . نه ایسه ، ایشته
 بعضیلری بویله وهی عروض واقفی اولیورلر . بعضیلری
 ایسه بردرلو بو معرفتی — تعبیرده مبالغه وار — قابل
 دکل اکتساب ایده مه یورلر . . آرقداشلرمدن بری جداً

بر فطرت عاشقانه‌یه ، شاعرانه‌یه مالکدی . بر حسنه ، بر
جاذبه‌یه قارشی در حال مست اولوردی . اودرجه رقیق
القلب ایدی . . . بچاره دائماً یانار یاقیلیرده : انجذابک
کوریلیر زرده بر آفت کورسهک . . کورمه دم سن کبی
عالمده بلاخواه کوکل . . فریاد خامنی باغرینه نقش ایتک
ایستردی . شعرى صوڪ درجه سوردی . کیده کیده
شاعر لکده اوزندی . . فقط نه سویلهسه ، نه یازسه
وزندن ساقط ایدی . حتی هانکی شعرى آغزینه آلسه
دقیق برمهارتله وزنی در حال اسقاط ایدیور بیوردی که
بوصنعت هیچ بریمزک المزدن کله یوردی .

صنایع نفیسه دن بزده بر نبذه سی وارسه اوده شعر در .
فن معماری دائره احاطه مه کیرمه دیکی ایچون باشقه . .
شمدی آکلا یورم که شعرده نسبتاً مترقی ز . . بوشعبه فنون
نفاستی من القدیم اولدجه دوشونمش ، یوروتمشز . .
باقیلر فضولیلر ، نفعلیلر هله ندیلر ، غالبلر ، قوجه
راغبیلر فرانسه ده بیله یتشه یدیلر ، فکر عاجزانه محجه ینه
مدار مفخرت ، اولورلردی . آثارده کی تربیه وکوره .
نکدن متولد بعض یولسز ، محدود الوانه آلدانماملی .
مؤثرده کی قوه ده‌ایه باقلی . . نفعلیدن صوکره کیلری
ذکر ایدرکن قلمدن (هله) قیدی قایدی ! — ثقیل ،

مقیل شو جناس بر آفرین دکریا! . . . — چونکه ندیمک
 طبع شوخانه سنی بیله سیدی ، اکلاسه سیدی اروپا ، شو
 حوپا ! اروپا ! بوکون قلمده بر بر سجعدر ! جناسدر
 کیدیور ! . . — نه ایسه شو حوپا اروپا مست اولور.
 دی . « ندیم نامه بر شاعر جهان وار ، کند زلفه دوشسون
 الهی اول عیار » نکته لری . لطیفه لری بتون دیلری
 طولاشردی . غالب دده ایسه بیوک بر مجدد ، مجدد ادب
 عدا اولونوردی . چونکه غربده اورتایه بر فکر تجدید
 قویمق ایچون طرز اسلافی اوفاق ، ناقص ، ناکافی کورمکله
 ایسه باشلاملی . ذکا ، دهاده بو ابتدایه یاردیم ایدرسه
 مقصد حاصل اولور . شیخ ایسه : « طرز سافه نقد
 ایتدم ، بر باشقه لغت تکلم ایتدم » دییه سوزده بدأ ایله
 تا : « ایندم که زشاعری اثر نیست ، سلطان سخن منم
 دیگر نیست » ه قدر واریور . . فقط ادعاسندن پارلاق
 نمونه لر ویریور . . حسن وعشقک طردیه لر ، نعمت
 وامشالی کبی اقسامی فکر ادب ایچون برر نور پاره در .
 حکیم سنائی ، شاعر فرزدق بلکه عین مرتبه فیکرو
 ذکاده درلر . . فقط بحسب الموقع (مولیه ر) کبی برتباترو
 یازامازلر ، کذا (راسین) ، (لامارتین) ، شهبه یوق ،
 دها بیوک ، دها بلیغ ، دها نافع شعرا وادبا دندرلر اما

« بن اولور سه م يته آشفته اولور خلق جهان ، حسن
 تعبير زبان چن خا كمن » فخر لطيفنى سويله ين (حسن
 قلعه) لى ترك قدر بر قصيده تزيين ايده مزلر . . بتون
 بواصحاب دهانك بيتلرى آلنسه يدى ده فنا معاينه ، موازنه
 اولونسه يدى فكرجه آراده پك چوق مشابهنه ، مساوات
 بولونوردى . حكماى حاضرهدن (تن) ك شوحيغه لرده
 برقاج دفعه بسط اولنان اقليمه . موقعه ، ميانه يه دائر
 نظريه سندن آيرلما مى . . فضولى درت ، بش عصر اول
 بغدادده كله جكنه بو عصر ك اورته سنده ، فرانسه ده
 يتشه يدى . عين ذكا ، عين فطرت ايله يتشه يدى سوز
 وكداز شاعرانه سيله ، غراميات عاشقانه سيله زمانى ولوله يه
 ويرن (موسى) يي كولكه ده براقيردى . بريكنك (كدر)
 عنوانلى شعر حزن آراسنى اوبرينك « دوست بي پروا ،
 فلك بي رحم ، دوران بي سكون ، درد چوق ، همدرد
 يوق ، دشمن قوى ، طالع زبون » كې يانيق سوزلريله
 مقايسه بيوريكز . بو حقيقت همان اكلاشيلير .

حاصلى صنايع نفيسه جه ، ياخود فنون نفيسه جه
 يوزيمزى آغار تير الله بر سرمايه وارسه اوته دن برى
 بكنمه ديكمز خير پالاديغمز شعر يمزد ر . (شويلاه ، بويلاه)
 رساله سنده كى مباحثات شاعرانه غريب اولسه بيله دقت

بیورلسون که مخا برلردن بری دیکرینک — حزین —
 ردیفی غزلاندن بریتنی مدح ایتدکن سوکره تقریباً
 « نه اولور ؟ رساملریمزدن بری شونظمک محتوی اولد -
 یعنی معنای بلندی کوزجه تصویر ایلسده میداننه برلوجه ،
 برلوجه بدایع قویسه... » دیور ، بوکا بالاخره « شوقی
 دستمده کی رطل کرانم سویله یور » کی تصویره دکر
 سوزلرده علاوه ایله یور اما نه ایسه شویله بویله شاعرک
 فکرندنه شعر ایله رسمک مناسبتی کندیاکنندن ناصل
 اوپانیور . . . بوکا ایکنجی بز دلیلده یوقاریدن بری
 کوردیکمز وجه ایله شعریمز ناصل ناقابل تعلم ایسه رسمده
 ایشته اوپلدر ، مکتبله ، تدریس ایله انسان رسام اولد -
 ماز . . . بونکچون فطرتک یاردیمی ایستر . فرانسر
 رساملرندن بری ، اکثریا واقع اولدینی اوزره ، مشهور
 برمحردرده ! . . . فی الحقیقه بوسنه (رفائلی) نک (شازنه
 لیزه) مشهرنده دلارا اثرلینی تماشا ایله دک . فقط جر -
 یده لرده ، رساله لرده صحائف لطیفه سنی ده اوقودوق . . .
 کچنلرده (فیغارو) ده (کوبا) یه سوق اولنان اسپانیا
 عسا کرینک حالنی تصویر ایدیور ، یازیده قلمله فیرچه بی
 بربرینه قارشیدیریوردی . مقاله اوقدر نظر پیرا ایدی .
 بو هفته ده مادام (آدام) ک (نوول ره وو) سی فنون

نفیسه‌یه دائر اوزون بر مطالعه نشر ایله یورکه سطح
 ذهنمه بوتقش بر آبی حصوله کتیرن ایشته شومقاله در .
 آمریقایلر لوازم مدنیه مك بوقسمنده یعنی فنون نفیسه‌ده
 کریدرلر ، اوروپایه مغلوبدرلر . مع مافیه بو نقصانی
 تلافیه جانندن چالیشیورلر . بویولده مکتبلر ، مدرسه‌لر ،
 مشهرلر ، حاصلی نه لازمه یاییورلر . (رافائلی) بونلره
 شویولده جواب ویریور : « آمریقاده فنون نفیسه مکتبلری
 تأسیس ایتدیکیز ، اوپله می ؟ بو مکانبده مقصدیکیز نه
 تدریس اینمکدر . اوروپاده بویله مدرسه‌لرده نه تدریس
 اولونیورسه عینی ، یعنی : فنون نفیسه . . . ایمدی ،
 حقیقتی واضحاً ، جملاً سویله مک کرکدر : « فنون نفیسه
 تدرس اولونماز . . » (اوژوند لاقرووا) نک بر سوزی
 واردرکه فرصت دوشدکجه لسانمک اوجنه کلیر . چونکه
 فنون نفیسه نک تدریسات حاضره‌سنی اختراع ایدنلره
 وبودعتی مسلکینی تعیین وعدم تعیین ایچون برکنج رسامی ،
 سکز اون سنه اوغراشدیرمق درجه‌سنه واردیرانلره بر
 جواب مسکتدر : « بررسام صنعتی یادرحال بیلیر ،
 اوکره نیر یالی الابد بیلمز ، اوکره مز . . » (ده لا -
 قرووا) طوغری سویله یور : « برانسان فطرتنده فنون
 نفیسه‌یه استعداد وارسه بوفطرت مطلق اشتعال ایدر .

نه ارلورسه اولسون بر واسطه بولور ، کندی کوسه تیر «
 (ده لاقرووا) بوعصرک الک بیوک رساملرندن بریدر .
 رسمده مساک خیالیونک موجدیدر . (ویقنور هوغو) نک
 فیرچه وادیسنده بر یولداشیدر . کوزل بر قلمی ده
 واردر که خاطرملری حالا دقت ولتله او قونیور . « فنون
 نفیسه تدرس اولونماز » . حقیقی سوز .. (رافائلی) نک
 تفسیراتنده بر پارچه مبالغه اواسه بیله ینه من حیث المجموع
 اساس طوغریدر . باخصوص شو سطرلردن بو جهت
 دها واضح اکلاشیایور : « ۱۸۷۰ تاریخنده ایدی .
 یکریمی یاشنده ایدم . فون نفیسه ایله اشتغاله کوکلمده
 شدید بر آرزو واردی . پتون صنایع نظر دقیمی جلب
 ایدیوردی . مع مافیه اوسنه یه مخصوص صالونک ،
 مشهر سنوینک کشادی قریب اولدینی ایچون بر لوحه
 یاپه رق کلشی کوزل اورایه کوندرمکه قرار ویردم .
 اوزمانه قدر المه هیچ فیرچه آلامدی . بناءً علیه استفسار
 مسئله ایله دم . رفقای شبامدن بری برتیا ترو مصورینک
 اوغلی بکا بر پوصله تنظیم ایتدی . فیرچه بویا ، کاغد ،
 حاصی نه لازمه آلدیردی بونلری طویلادم . اوه کیردم .
 ایکی اوچ کون ظرفنده بر اورمان کناری تصویر ایدرک
 قرق پارملک بر چرچیوه یه کچیردم . صالونه کوندردم .


نه دیرسکوز؟ لوحه مظهر قبول اولدی ! ۱۸۷۰ سالوننده
 « اورمان کناری » دیه بر موقع بیله اشغال ایله دی .
 حال بوکه اوزمانه قدر هیچ بر رسم درسی آلامدمدی .
 بولوحه ده ایلك محصول دستمندی . ایمدی بوفتی ، بو
 معرفتی بکا بکم اوکرتدی ! تکرار ایدرم : صنایع نفیسه
 تدرس ایله اولماز . انسانده برشی یانمغه ، سویلمکه استعداد
 وارسه ناصل اولورسه اولسون او مهارت کندینی
 کوستیر . »

(رفائلی) نك رسم ایچون سویلدیکی بوسوزلر بالجله
 فنون نفیسه یه شاملدر . شاعر اولق ایچونده اوزون
 اوزادی یه بلاغت اوقومغه ، عروض ، بدیع ، بیان
 وسائر کورمکه حاجت یوقدر .

مع مافیه شوتفصیلاتدن صنایع نفیسه مکتبیری اولمالی ،
 رسم ، شعر ، موسیقی و امثالی تدریس وتدرس ایدلمه ملی
 فکری اکلاشلمسون . بونوع تدریسات لازمدر . آنجق
 اصول حاضرء تعلیم اوروپاده بیله بوکا کافی کور نیمور .
 بوقونندن مقصد نه در ؟ اخلاق وافکار عمومیه یی تهذیب
 وتربیه ایتمکدر ... رساملر ، شاعرلر ، هیکل تراشلر ،
 حاصلی فنون نفیسه اربابی بتون برر افکار و اخلاق
 خواجه لریدر . برلوحه نك ، برشعرک ، برمحصول نفیسک

فکره درجه نفوذی هیچ بر زمان انکار اولونماز .. آنجق
شمدي به قدر صانعین نفائس ناقص بریولده تحصیل صنعت
ایلدکاری ایچون نادراً بو خیره مصدر اولورلر . پک
چوق اشعار ، الواح اخلاق خاقی اصلاحدن زیاده افساد
ایله یور ، (رفائلی) بوخاظیری برر برر تعداد ایتدکن
صوکره چاره اندفاعی ده کوستریور ، یعنی فنون نفیسه یی
بو شوا بدن تجرید ایله مک ، بشریتی بونعمت رقیقه دن
بحق مستفید قیلمق ناصل اولور ؟ بیلدیریور . صنعت
وطبیعتی بربرینه مزج ایله بردستور یاییور . نفائسی ،
بوخصوصه عائد مکانی بتون بوقاعده یه مستنداً ترتیب
ایدیور . شویکرمی اوتوز صحیفه تدقیقات انتقادییه یی
مطالعهدن اول اوروپانک و بالخاصه فرانسه نک فنون
نفیسه سنه کور کورینه برحیرت ، برمفتونیت واردی .
شمدي بوخس تقدیر زائل اولمادی ، اولاماز ، چونکه
حقیقیدر . آنجق بو تنقیدات بکا کوستردی که جهانده اک
مکمل اک دلارانه وارسه اویله نواقصدن عاری ، تماماً
کمال ایله منجلی دکل .. هانکی دوحه مکملیتک اولورسه
اولسون مطلق فوقی وار . فرانسه ده فنون نفیسه
خارق العاده ، دکل ؟ شورسامک ، شو منقدک ، شو
ادیبک وصف ایتدیکی صایدیغی قصورلر اکمال ایداسون

بوخارق العاده لك دها تعالى ايدر . اوزمان ده يكي دن يكي يه
ينه محتاج اصلاح نقطه لر كشف اولونور . قدمه قدمه
برتر قيدر كيدر ، قانون تمدن بويله در . باشليجه مقصودم
(رافائلی) نك شو مقاله نفيسه سنی مجملأ واضحاً قارئین
كرامه عرض ايتمكدي . ليكن هنوز بو نقطه يه گله دن ايسته
سطوح مخصوصه نقوش ايله طولدي . او حالده بو وظيفه يي
باشقه بر فاصله براقيرز .



پارس خاطر دلری

بعض خاطرات صباوت واردرکه انسانك حافظه سنده
حرفی حرفه کوکله لشیر ، قالیر . حافظه بونلر ایچ-ون
کیتدکجه انجلا ایدر . طویل البصر اولور . آرادن آجی ،
طاتلی سنه لر کچر ، انسان دکشیر ، جهان دکشیرده ینه
بوصاف ایزلری غائب اولماز : خیلی ... خیلی زمان اول ،
او قدرکه بومسافه بکا عادتاً برعصر کبی کورونیور ...
بر پنجشنبه صباحی بنی او یقودن او یاندر دیلر . کیدیر دیلر ،
سوسله دیلر .. چونکه هنوز یالکیز کینمک المدن کله -
یوردی .. آرقه مده یا آجیق مور ، یا خود قویو ماوی
قطیفه دن — ایشته بوفر ق موشکافانه پک یادیمه کیرمه یور —
نه ایسه بویله برقات اثواب واردی . هله باشمده کی قیرمزی
فسله بویندن قولتوغمه معلق مزین ، مذهب ، مطرا
جزء کیسه سنه هیچ دییه جک یوقدی . یا فسمه طاقلمش
الماس ایکنه لر نه دینیردی که بونلر متصل پارل پارل پارلا -
یورلردی . سلیمانیه دن ، باب مشیخت اتصالندن آرابه لره ،

آچیق لاندولره بئندک .. اوتار یخده بونوع کردونه لر ،
 نوادر دن ، تجدد اتدن ایدی . انجق بوچشید مراسمه
 مخصوص ایدی . بز بویله جه اوکده .. آرقه مزدن فوج
 فوج خلق ... آمینجیلری ، الهیجیلری ایله (دوه اوغلی) ،
 (حاجی قادین) مکتبلرینک هیئاتی .. خواجه لر ، چوجقلر ،
 خدمتجیلر ، تلمیذر ... فضله اوله رق سیرجیلر ، مارین
 وعابرین ده بونلره التحاق ایله یورلردی . غالباً اوزمان
 عادت بویله ایدی . الهیجیلر برر حلقه تشکیل ایدرک ،
 آمینجیلر ایسه ایکیشر ایکیشر یورییورلر ، یانده کلن
 خواجه لر ، قالفه لرده بونلره نظارت ، مغرورانه نظارت
 ایدی یورلردی . فصل فصل ، مناوبه الهیلر تلاوت
 اولونیور .. هر طوراق باشنده کوچک بیوک یتیم سکیان
 آغز دن آمین ندالری فی رلایوردی . بو آلا ی ایله بایزیدی ،
 فنجانجیلر یوقوشنی ، شورایی ، بورایی هپ طولاشدق ..
 یولمزده انکوری صوفدن آغیر فراجهلی ، قالین یاشماقلی
 حاتم شوبله جه طورییور . — (ماشا الله ، قرق بر
 ماشا لله ..) دیه بز ی الفیشالایورلردی . تا اوزمان بیله
 بویله قوری آوازه تحسین سمعمره خوش انعکاس ایدی یور-
 دی . انسان فطرة مغلوب آلا یشدر .. نهایت اوه
 دوندک .. چوجقلرده مکتبلرینه عودت ایتدی لر ..

سلامتک اوست قاتنده رحلهلر آلت قاتنده سفره لر
 قورولمشدی . قاردشمله برابر جواجه مزك اوكنه ايلك
 دفعه اولارق ديز چوكك . بسمله دن بدأ ايله قارغه جق
 بورغاجغه قدر فاتحه تحصيل و تعلیمی برر برر ككه لهك ..
 هیچ یوقدنینه آفرینلر آلدق . یچاره پدریمك فرط
 مسرتله كوزلرندن یاش آقیوردی .. آق صاقالی بنجه باشقه
 برجاذبه نورانی آلیوردی . حرمله سلامق آراسنده کی
 فاصله ده ناشکیبانه بزى بکله یین والده مزك همشیره لر یمزك
 سويجلیرینه ، شوق و شطارتلرینه ایسه پایان یوقدی . اویله
 فورانله بزى اوپیور ، قوچاقلا یورلردی . آرادن یکر می
 ایکی ، یکر می اوچ ، سینه کچدیکی حالدله نیچون بوخاطره
 صباوت حافظه مک الك کزین کوشه سنده منقوش قالیور ..
 نیچون مرور زمان ، زمان بی آمان ايله خاطرمدن نه لر ،
 نه یاد کزیده لر ، نه امللر ، نه لطافتلر چیقورده بوچیقما .
 یور . چونکه بودم صباوت ابوین محبتی ، قاردش محبتی ،
 عائله محبتی کبی حسیات حقیقه ايله مدغمدر . انسان
 طریق کماله نه قدر ایلر یلر سه بو حسلرک قیمتی ، مزیت
 ونجابتی اودرجه آکلا یور .. بونلره او مرتبه شوق ايله
 صاریلیور فی الحقیقه شومکتبه باشلانمق خاطره سنده فکر
 مفتونمی الك چوق تلایذ ایدن نقطه وجود معنویسی بیله

بکا حالا جهانده هر موجودیتدن ، حتی موجودیتدن
 دها معزز ، دها قیمتمدار بر پیر ستوده سیرك آق صقالی ،
 وجه روشنی ، دمعۀ مسرتلری دکلیدر ؟ بو تحسّسات
 طفلانیه سبب شودرکه مخابر ناجیزه دون باشقه درلو
 بر مکتبه باشلانمق میسر اولدی ده حافظه مک بر طبقه سی
 شوسائقه ایله ایشته کنیدیکنندن تموجه کلدی ! پارسك
 مکتب حقوقی اعلادر ، متیندر . فقط بومکتبک دروسی
 علوم سیاسیه مکتبک تدریسانیله مزج ایتمک اعلادن
 اعلادر ، متینک متیندر . مخبرات سابقه مده بلکه عرض
 ایتدم . علوم سیاسیه مکتبی فرانسه نک (نن) (له ئون سای)
 (بوتمی) کبی اک مشهور معاصرین طرفندن تشکیل
 اولونمش بر مدرسه سیدرکه استعداد کوره ، برایکی سنه ده
 یا اوچ سنه ده اکال اولونور . بودارالتدريس صرف
 خصوصی اولمقله برابر ترقیات عصریه نک صوک براورنکی
 مکاتب عالیهنک همان موقفی اولدیغی ایچون باشلانغیجمدن
 اعتباراً اکال تحصیلمه قدر بومکتبه عائد خاطر اتمدن ،
 مشهور داتمدن مفیدلرینی شو صحیفه لره نقل ایتمک اخص
 آمالندر . خدا توفیق نصیب ایلرسه بکا بوندن بیوک تجلی ،
 مملکت مزده کی مشتاقان معارفه ده دها کوزل بر تحفه اولماز .
 دون تشرین ناینک اوچی ایدی . مکتبک قیودی

آچلمشدى. كيتدم ، على الاصول كاتې كوردم ، مقصديى
 سويلهدم ، بكا مطبوع بر كاغد اوزاتديلر « شوورقه يى
 طولدير يگز . » ديديلر . اولاه عائله اسمى : بزده يوق ..
 نزده طوغدك ؟ قولاي .. هانكي تاريخده طوغدك ؟
 ۷ رجب ۱۲۸۵ ى فرنك تاريخنه صوقق مشكل اما اولدن
 بو حساب اولمشدى . و ليلرك كي مدر ؟ قولاي .. مرتبه لرك
 نه در ؟ قولاي . مكتب حقوقك هانكي سنده سكه ؟
 قولاي ، هپ قولاي .. اوچ يوز فرائق اجرتى ده بومعاملات
 ايله برابر ادا اينجه المه بر قيرمزي كاغد ويرديلر كه
 بر طرفى اسممى ، نومرومى محتوى ، ديكر جهتن درسلك
 عددنى ، اوقاتى مين .. بويله جه مكتبه قيد اولوندقن
 صوكره اولاه كتابت دائره سنك ياننده كي كتبخانه يه كيردم ،
 كاغديمى كوستردم .. اوراجه بر قيد يورودلى .. نه
 اعلا دائره ، كنش كنش ماصه لر ، حقه لر .. قوجه
 قوجه كتابلر . نظيف ، باشدن باشه نظيف ، لطيف ..
 اورتاده برسكوتدر ، احتشامدر كيديور . سعى وعمل
 ايچون بوندن كوزل پناه اولماز . باخصوص شمدي
 صوغوقلر باشلايور . مزين بر بنانك نا گوشه جكنده ،
 سادن اينر كن برنجى قاتده اولسه بيله حجره فقيرانه مده
 آرتق اوطورلماز اولور . آلتى طاش ، اوستى طاش ،

اطرافى طاش ، جابا اوله رق آتشد يوق . برودت ايسه
 قيشك اك ملايم دمنده تحت الصفر . . . ، مكتيبك كتيبخا -
 نه سنى بويله جه بر قولان ايتدكدن ، اك قيمتدار كتب
 علميه نك بوخزينده موجوديتنى كوردكدن صوكره برر
 برر درسخانه لرى طولاشدم . . صيره لر هيچ مكاتب رسميه
 نككنه بکزه ميور ، بيك قات دها مزين ، دها مكمل . .
 درسخانه دكل عادتا برر دائره سياسيون مكتب
 حقوقده انسان همان يوكسكجه بريره اوطورمغه ، پالطو -
 سنى ، شمسويه سنى هپ قوجاغنه المغه ، بونلرك اوزرينه
 حقه سنى دفترينى قويارق يازى يازمغه ، تقرير ضبط ايتمه
 مجبوردر . كوكلده شوق تحصيل اولدقدن صوكره شو
 حال پریشانده بيله باشقه لذت وار اما تدریسگاهده بويله
 خارق العاده برانظام تجلی ايدرسه اولدت باشقه لطافت
 كسب ايديور . درسخانه لرك برى غايت بيوك . متوفى
 (لئون ساي) اصول ماليه سنى بودائره واسعه ده تدریس
 ايله ديكي حاليه طلبه يه ير بولمق ممكن اولمامش . سامعينك
 نصفى ديشاريده قاهره بر كورلتيدر باشلامشده دها بيوك
 بر درسخانه بولونجه يه قدر بوخواجه بالضروره چكلمش .
 قدرت علميه بوكا ديرلر . فقط اسف اولنوركه چوق
 كچه دن اولوم آرايه كيرر ، معلم عزلتگاه ابديسنه كيرر

بوسفر مشتاقین بتون بتون محرومیته دوشر .
 برنجی قات ایشته بویلهجه کتبخانه لردن ، درسخانه -
 لردن متشکل ... قابودن کیررکن پالطولری ، شمسیه لری
 قویمغه ، آصمغه مخد-وص ، منتظم بریر اولدینی ایچون
 انسان صور بونده کی . مکتب حقوقده کی کبی بونلری
 درسخانه دن درس-خانه یه ، درسدن درسه قولتوغنده
 طاشیمغه مجبور قالمایور .

برنجی قاتک اورتا یرنده برحولی وارکه طلبیه محل
 تفسدر . اورتا یرده ایکی هیکل مرکوزکه مکتبک مؤ -
 سسلری نامنه در . بونلردن بری اوتنه دن بری مزایاسنی
 تعداد ایده کلدی کمز (هیپولیت تن) درکه ۱۸۲۰ ده طو -
 غمش ، ۱۹۸۲ ده وفات ایدیور . ۱۸۷۴ دن وفاتنه
 قدرده مکتبک هیئت اداره سنده داخل بولونیور . .
 حواینک جبهه سینه سیاه صوما کی طاشدن برلوحه
 کچیرلمش . . . مکتبه هدیه وخیرده بولنان ذواتک اسامیسی
 بولوحه یه منقوشدر . برکوشه ده ایسه کوچک برچرچیوه
 ایله دری اوزرینه یازلمش ، یازلمش دکل ، ایشلنمش . .
 چونکه اومرتبه مزین ، برشهادتنامه معلق . . عجیا ایکی
 سینه صوکره یدمده بویله برمتاع ذی قیمت ، برمفتاح
 حزیت بولونا جقمی ؟ تقدیر ، مع مافیه تقدیره قارشی بزده


عرض تدبیردن کری قالمایز . . لازمۀ عرفان بویله در . .
 بو شهادتنامه برهوس طفلانه بر ابتلا صانلماسون . .
 بعضاً شهادتنامه اولورده جوهر اولماز . . قفاینه اسکی
 حمام، اسکی طاسدر. مقصودم ایکی سنه متادیا بویله کزیده
 براشتغادن صوکره اله کیرمسی مأمول بهرهدن دم اور-
 مقدر. بو حس مقبولی ایسه هپ اکلارز. طویارز دکلای؟
 مکیتک ایکنجی قاتنده بیوک بردائره قرائت وارکه یرلی ،
 اجنبی اک مشهور غزته لری ، اک معروف مجموعه موقو-
 ته لری کونی کوننه، زمانی زمانه محتویدر. پارس مطبوعاتی
 شویله طورسون ، لوندرونک جنوهنک ، بروکساک ،
 ایتالیانک ، برلینک اک بیوک اوراق حوادثی، اورتایه سر-
 لمش طورییور. طلبه ایکی درس آراسنده بونلری کوزدن
 کچیریورلر. بومطالعه امثالسر برنممتدر. انجق افراطدن
 توقی ایتلی . . انسان هر غزته ، هر مجموعه بی اوقومغه
 قویولورسه باشقه هیچ برایش کوره مز، مقصدینه ده موفق
 اولماز . . دقتله ، سراپا اوقومق ایچون ایکی غزته ، بر
 مجموعه موقوته انتخاب ایتلی . . متبایسنه شویله بر قوش
 باقیشی کوز کز دیرملی . . بودائره یه کیرنجه خاطریمه درحال
 (نوول ره وو) نک صوک جزئی کلدی . . بونسخه ده صنایع
 نفیسه یه دائر بر بند مهم واردی . اوچ بچق فرائق ویره-

رك اثرى اشتراک ايسه بوراده طويا طويا، زبده و خلاصه
 آلا آلا او قومق البته اولايدي . بو مطالعه ايکي يقيق
 ساعت سوردی . فقط نه مفرح ، نه دلارايرکه انسانه
 بوغاز ايچنك اكلطيف گوشه لريني اونوتديرييور . قابه
 او قدر مونس کليور . اكل اوست قاتده ايسه مدير مکتب
 عائله سيله برابر اقامت ايديور . . ايسته بودار اعر فانك ظوا-
 هري شوندن عبارتدر . بو وطنه ، روحنه تدریساتنه کلهجه:
 بوده درت شعبه يه آريليور . . برنجي شعبه : شعبه
 اداريه ، که اصول اداره ملکه عائد علومى ، موادى ،
 دروسى محتويدر . ايکنجى شعبه : شعبه اقتصاديه وماليه در .
 اوچنجى شعبه : شعبه سياسيه در . دردنجى شعبه ، شعبه
 عموميه در . طلاب شو درت شعبه دن برينى انتخابده
 مختارددر . بوشعباتك دروسى بعضاً مشترك بعضاً متفرقددر .
 اجانب اکثریتله شعبه سياسيه کيردکاری حالده بنجه شعبه
 عموميه دهها مرجع کورلدی . چونکه دهها کوچدر .
 « فصعب العلا فى الصعب والسهل فى السهل » در . بوندن
 باشقه توسيع مسلك ايچون دهها نافعدر . بر محررک دهها
 ايشنه يارار . شعبه سياسيه مأمورين خارجيه قونسلوسلره
 موافقدر . مع مافيه هپ هوش ، هپ لطيف ، هرجهت
 هر شعبه دلارا . . ذاتاً درسلا اکثریتله بربرينه قاريشيور .

حتی بونلری یکدیگرینه مزج ایتک بیلله ممکن اولیور .
 بالجله شعباتی بر تفصیل بیانه شمذیلک میدان ده یوق محل ده .
 انجق شعبه عمومیه ده کی شودرسلره دقت بیورلسون . بونلر
 هر سنه باشقه باشقه اولمق اوزره درت قسمه آیریلیور .
 دروس منتظمه ، دروس اختیاریه ، تعدیل و تکریر و سوءال
 وجواب مذاکره لری ، تطبیقات و عملیات مذاکره -
 لری . . . بوسنه کی دروس منتظمه : اولاً قوانین مدنیّه
 بالقیاس . . یعنی هر مملکتک مجله مزه معادل قانونلری بربر
 لریله مقایسه اولونیور . ثانیاً بلجیقا ، اسویچره ، اوستریا
 و مجارستان المانیا و ایتالیا دواتلرینک اصول اداره لری .
 ثالثاً ۱۷۸۹ دن زمانمزه قدر اوروپانک تاریخ سیاسی . .
 رابعاً : صوک ایکی عصر ظرفنده کی افکار سیاسیونک ،
 تمایلات عمومیه نک تاریخی خامساً : حقوق بین الملل . .
 سادساً : علم اقتصاد . . سابعاً اصول مالیه . . . دروس
 اختیاریه : اولاً عمله قوانینی . . . ثانیاً : وسطی آسیاده
 مسائل سیاسییه و اقتصادیه . . . (سیام ، آنام ، چین
 ژاپونیا ، قوره حکومتلری) تعدیل و تکریر و سؤال
 وجواب مذاکره لری : اولاً تاریخ سیاسییه دائر ، ثانیاً
 تاریخ و عصر حاضر سیاسیاتی ایله حقوق بین الملله و اصول
 وضعیه قوانینه دائر . . بونلرک خارجنده درت شعبه یه

مخصوص اولوق اوزره دروس متعممه که اصول دفتری به
 دائر مذاکرات و عمایا تدن ، اقتصاد نقطه نظرندن فرا-
 نسیه متعلق مسائل زراعیه دن وسائر ددن عبارتدر . بو
 سنه (شعبه عمومیه) به عائدات تدریسات ایسته بونلردن
 مرکبدر . سنه آئیده تبدل ایله یور . ایکی سنه ظرفده
 ایسه مستقل بر نخبه علمیه تشکیل ایله یور . بونخبه به یا
 آلمانجه ، یا انگلیزجه اولوق اوزره برده اسان اجنبی علاوه
 ایدیایور . امتحانلره کیریلیور دروس منتظمه دن امتحان
 ضروریدر . اوبرلری ایچون اختیاریدر . حواجه لر
 ایچون ، درس لک ماهیتی ایچون تفصیلاتی آتی به برا-
 قیورم . بونلری برر برر تفهمدن ، تجربه دن صوکره
 عرص ایتک البته ده موافقدر . بومدرسه تجمل وتکمل
 ذاتی ایچون بولونماز بر پناهدر . استعداد سعی وغیرت
 حسن نیت یاور اولورسه بومنبع معرفتدن انسان بر فیض
 بی انتها آیر . برده بونلره اساس ده ، تربیه وتعلیم صباوت
 وشباب ده یاردیم ایتلی . علوم ابتدائیه بی کورمش فقط
 ایشه یارار صورتده کورمش اوللی . مثلا مخابر حقیر ،
 مکتبده و قتیله اوزون اوزادی به جغرافیا او قودمدی .
 حتی بوفندن بر ایکی سنه مکافات الدمدی . هیهات ؟ شمدی
 بنده جغرافیا جه او یله بر فقدان وقوف وار که بوسنه

ساعتارجہ ، (ایزہ رقلوس) ك ، (ویدال لابلاش) ك
 قوجہ قوجہ خریطہ لری ، کتابلری بورنمك دیندن
 كچمزه بر ایکی امتیخاندہ عدم موفقیت محققدر. تحصیل
 قدیم بر ایشہ یارامادی. چونکہ اساساً بیسود بر حافظہ
 مانعہ سندن عبارت ایدی. امتحانہ بش اون کون فالہ
 کتابی اوکہ آلیور، پایاغان کبی حرفیاً کور کورینہ ذهنمزه
 صوقیور، برر (ایوینغستون) ، برر (استانی)
 اولیور، میدانہ چیقیوردق .



پارسيه معاونت عموميہ ، نقصاني ، تياتروده انتقادی ،
 « اصحاب خير » اويوني ، اخلاق وعادات عموميہ ناصل تصوير
 وتنقيد اولونيور ، معاونت عموميہ نك بروجہ مفیدی . (ووژ)
 اصولی ، محسناتی ، معاونت حقیقیہ .

ممالك مدنيه ده مسائل حاضرۂ اجتماعيه نك ان بيوكي
 فقر وسفالت ، فقر وسفالتك هيئت بشريه يه اچديغي
 ياره لردر . لوندره ، پارس ، نيورق ، ويانه كي مدنيت
 بركانلرنده ، كوريي-ورز ، ايشيديورز كونده يوزلرجه
 بچاره لر سفيلار يانيور ، قاورياليور . كول اويور .
 وقتيله بو صحيفه لرده عرض ايتدمدي . (زولا) صوك
 حكايه سنده ، (دوماده) ده پارسك طبقه سفلاي
 سفالتندن بر پرده قالديريور ، مادي ومعنوي الك مدهش
 معنا سيله بزه اجي بر لوحه كوسترييوردي . حريف
 صباحدن اقشامه قدر طولاشيور . برايش آرايور ،
 حتي سوقاق سوپوريجيلكنه قائل اويورده ينه شوامل
 بسيطنه ايره ميور ، ينه اچاغك پنجه بي امانندن ياقه سني
 قورتارامايور . تشكلات حاضرۂ مدنيه دن منبعث بويله

فلاکتله چاره ساز اولمق ایچون هر طرفده معاونت
عمومیه اصولنه مراجعت اولونیور . بویولده رسمی ،
غیر رسمی هیئتله تشکیل ایدیلیور . پارسده بیوک ، رسمی ،
برمعاونت عمومیه هیئت و اردر که میایونلر اوزرینه
مؤسسدر ، بومقصد ایچون هر سنه ملیونلر صرف
ایلیور ، اوتهدن بریدن تومن تومن اعانه آلیور . حتی
کچنلرده چاردن اون بیک لیرا آلدی . . براقچ کون اول
وفات ایدن اعیان رئیس سابقی (شامل لاقور) ثروتک
کلی بر قسمنی بوتأسیده ترک ایلهدی . بوقدر مساعد بر
زمین ایله برابر شوو تأسیس خیرک نواقصنه ، عجزینه
پایان یوق . . . ینه فوج فوج انسانلر ، عائلهلر آج قالیور ،
سفالته ، اضطرابه ، موته دوشیور ، ینه اولان اولیور .
اولا قصورئ بیوکی بو هیئتک رسمیتنده صانیلیوردی .
بر فقیر خسته دوشدی ، معطل ، پریشان قالدی دگلی ؟
« معاونت عمومیه » همان امداده یتیشه بیلیمک ، مریضی
در حال بر خسته خانه یه قالدیرمق ایچون نه لر ، نه معامله
رسمیه لر ایسترد . . اولا سفالتکده یه طیب کلیر ، بیچاره یی
معاینه ایدر : « پکی ، خسته سک ، خسته خانه یه کیرمیلیسک ،
براستدعا یاز ، دائره یه مراجعت ایت ، فذلکه یاییلیر ،
شویله اولور ، بویله اولور » حکمنی ویریر . استدعا

ایچون پاره ایستر ، تمغا قانونی موجبجه اوچ درت
غروشلق پول ایستر . حال بوکه حریفده بوقدر اچقه
اولایدی ، بلکه خسته دوشمزدی ، بلکه پنجه سفالتدن
یاقهیی قورتایردی ، برکون دها وقت قازانهرق بلکه
برایش بولوردی . خسته بومعامله مشوشهیی ایفادن
ایسه اولمکی ، دینمکی ، — ها ، دیلانه مز . قانوناً ممنوعدر
— سورونمکی دها قولای کوریر . شو قوص قوجامان
معاونت عمومیه دن ، طیبیدن ، خسته خانه دن ، سائر دن
هیچ بر استفاده ایده مز . حاصلی ، تدقیقات واقعیه کوره
معاونت عمومیه نك دها نیجه بویه خطیاتی اوایور . بو
خطیه لره دائر انتقاداتك شمیدی به قدر حدی ، حسابی
یوقدی . فقط هر نه دنسه بوااعتراضلر هیچ قولانغه کیر .
میوردی . غیر رسمی تشکل ایدن هیئات خیریه یه ایسه بر
نظر ملائمتله باقیلیوردی . فقط ایشته یونکچون تیاترو
صحنه سنده تجلی ایدن بر انتقاد پارس اهالیسنی نظراً ،
فکراً بوبابده همان دیکشیدردی . هرکس معاونت عمومیه یه
دائر موجود اصولك نقصانندن دها جدی شکایت
باشلادی . جمعیات خیریّه خصوصیه خیلی هدف استهزا
اولدی . بو حالی کوردکن صوکره (شکسپر) لر ،
(مولییر) لر کبی اک بیوک تیاترو مؤلفلرینك اخلاق

وافکار عمومیه درجه تأثیرینی ذهنم اییدن ای ادراکه باشلایور . کیم بیلیر ؟ (اوتللو) نیجه قیصقانیج قوجهلره بر مثال عبرت اولمشدر . (زور طیب) ایسه پک چوق ساخته اطبایی خیلی قورقوتمش ، دوشونمشدر . (ریانک انجای) نی کوره رک صلاحه یاقلاشان ، یاخود یاقلاشمق ایستهین (تارتوف) لرده نادر اولمالی . . « اصحاب خیر » او یونی (لاپورت سن مارتن) ده اخیراً موقع تماشایه قوندی . فکر ترقی زمانه جداً موافق بر اثر در . نه فیعدر ، نه مضحکدر ، اخلاق وعادات وقتی الفی الفنه مصور بر لوحه در اما نظر امعان ایله باقیلیرسه اک مفید فاجعه ، اک نافع مضحکدر . شمدی یه قدر بویولده کی آثارک موضوعی اکثریتله عشق ایدی . (اوژییه) ، (دوما - فیس) ، (ساردو) کی اک بیوک محررلر بیله تیاتروده بوموضوعدن زور آریایورلر . نکته ونخیه فکریه لرینی هپ اسرار غرام اوزرینه اوقیورلر . ایسته شو اصحاب خیر او یونی کنج بر مؤلفک قلمندن چیقمقله برابر بو اساسه منسوج اولمادینی ایچون عوامهده ، خواصهده باشقه صورتله تأثیر ایلهدی . صاحب اثر مسائل حاضره اجتماعیهدن اک مشکلرینی حاده تدقیقدن کچیریور ، نظر دقته عرض اییدیور فقط نه صورتله کچیریور ، ناصل

عرض ایدیور . بیلور میسکز ؟ اویله بومسئله لری
اوزون اوزادی یه حل و فصل ایله اوغراشایور . بونلره
نه سبب نه نتیجه هیچ آرامیور . حقائق وقائع نه در ؟
نه وجه ایله اولیور ؟ گذار ایله یور ؟ برمهارت موشکافانه
ایله کوزیمزک اوکنه قویور . . مثلاً اوسته ایله عمله
آراسنده کی منازعه اوروپاده برولوله در . . فقط بوموقعده
اوسته کله سنی بزده کی معنای محدودندن دها شمولی
طوتملیدر . . امتیازی آلارق ، لوازمی تدارک ایدرک ،
برچوق عمله طوته رق ، سرمایه قویارق بر معدن اوجا-
غنی ایشله تن آدم اوسته در . عمله ، عمله طرفدارلری
دیورلرکه : بالفرض شو معدن ایشنده برثمری ، نتیجه یی
میدانه قویان سعی وعملدرکه اوده بزه عائددر . سعی وعمل
اولماسه سرمایه بش پاره ایتمز سرمایه بیله صرف سعی
وعمل محصولیدر . دیمک هر حق سعی وعملکدر .
سرمایه دار بویولده چوق کری قالیر . بوسوزلر پک
حکمته موافق اولماسه بیله اوستهلردن ، گروه مرئیندن
بعضیلری بوعمله تظلماتی دیکله مک ، شو ایکی صنف
آراسنده کی مناسبات حاضرینی تعدیل ایله مک ایسته یورلر .
بویولده اصوللر بیله اورتایه قویورلر . . ایشته اصحاب
خیر اویونی بواصوللرک قوفلغنی میدان چیقارییور ، اوسته

ایله عمله آراسنده کی منازعه ازیله نك بویله سطحی تحسینات
ایله زائل اولمایه جغنی کوسـتریور . بویولده تشکل ایتمش
براداره ارانه ایله یورکه کیتدکجه اغتشاشه، خرابه دوشیور.
اوسته یوز ویردکجه عمله شیاریور ، عمله شیاردقجه ایشلر
کری قالیور ، عاقبت افلاس یوز کوسـتریور ، تجارت
باتیور. حاصلی بر برلوحه که صرف حقائق احوالی عرض
ایدیـور . فقط زهی غرائب ، نه قدر مضحک ، مؤلم ،
عبرت آمیز بر صورتده عرض ایله یور . قارن قارنه ایچنده
یشـادیغمز حقیقت بویله ده ، بویله ایمش ده خبریمز یوق .
صحنه امدادیمزه کله سیدی ینه خبریمز اولمازدی بو او یونده
بعض صاحبات خیرک تشکیل ایتدیکی بوجمعیتی ، بوجمعیتمک
افعالی، آثارینی مصور برلوحه وارکه تماشا سنه طویولماز..
برچوق خانملر خیرانه میل ایدبیورلر . . کیمی سوس
ایچون ، کیمی قوروم ایچون . . طویولاندقلری زمان ایسه
دردلری ، دوشونجهلری بر برلرینه غلبه وادی خیرده
بری دیگرندن ایلری کیتمک ایچون درلو مسخره لقلر . .
مثلا کوزل بر خانم بر سـفیله ، برو بشـه [*] ایله بر قدح

[*] — (بش) ، (اوباش) که مفردیدرکه بر پارچه
غریب ایسه ده (اوباشان) غلط فاخشی منع ایچون قوالانسه
فنا اولماز .

شراب ویریور ، قدحی بونکله مصادمده ایدیور .
 صخته نوش ایله یور . بدبخت حریف بومعامله مشفقنی
 سرخوشانه او یله تفسیر ایله یور که حاضر وندن برینه :
 « هی ، باق ، بوقاره کوزلی خانم استرسه بنم قوجه قاری
 همان بوشاره ، انی الیرم » دیمکه قدر واریور . . بونازنینلر
 بویله سفسطه ایله وقت کچیررلر کن بری طرفده نیجه
 فقرا ، ضعفافندان معاونت سائقه سیله آچلقدن اولیور .
 دها غریبی شواذهان بسیطه یه اک زیاده سفلا ی ندامت
 پیشه مجرمین قدیمه شایسته اکرام وشفقت کورونیور .
 کویا بویله اولونجه فعل خیر دها بیویور . بونک ایچون
 ناموسکار بر فقیر بیلدکلرندن بریچاره نك اسکیدن حیدود
 اولدیغنی ، بویولده جزا چکدیکنی مشعر دفتر هویتی
 استعاره ایدیورده کلیور . جمعیت خیرییه بو برات مزیت
 ایله عرض وجود ایله یه رک مظهر معاونت اولیور . ینه
 عفیف بر قیزده وقتیه کویا آلفته لکده بولوندیغنی اثبات
 ایچون بویله برواسطه یه مراجعت ایله یور . . مقصدم
 اویونی تعریف ایتک دکلدرد . فقط شوتصاویر نظر عبرته
 چارپمایورمی ؟ بو حاللر ، بو حقیقتلر چرکین دکلی ؟ بلاهت
 قوقولری ویرمیورمی ؟ حق سائق بشریه بو قدر کولونج
 اولدیغنی حالد نیچون بویله دوربینلر المزه کچمدکجه کوزیمزه

کیرمه یور . ایشته بزی بودقائه آگاه ایدن تیارو بر
نعمتدر ، بر مکتبندر . بر فلسفه در . بونوع « معاونت
عمومیه » نك نواقصی حتی بعضاً محظوری اوته دن بری
عمومك ، بالخاصه انکلیز لرك دقتی جلب ایله یور .
فی الحقیقه بوکون سفالته دوشمش بر فقیری بساله ، یارین
ینه بساله ، اوبرکون بسالیهمیه جك دکلیسك ؟ . بیچاره یی
عطالته بنابرین ضرورته برقات دهامستعد قیلدقدن
صوکره ترك ایدیورسك دیمکدرکه فعلکدن خیریرینه
همان شر حصوله کلیورکی . . معاونت حقیقیه ناصل
اولور؟ ضرورت ، سفالت بر طبقه بر حیاتدرکه مخصوصاتی
صرف آچلقدن عبارت دکلدر . دهامتعدددر . بدمستی ،
یأس ، عجز عطالت هپ بوزمره دندر . آچاغی شوویه
بویه تلاقی ایت ، اوبرلری ، دهامهلککری قالدقدن
صوکره نه حکمی وار ، برچاره بولمی که سفالزده یی
شوبلایانك جمله سندن قورتارسون ، بناءً علیه بودرکه دن
السون بدرجه دهامترفع ایله سون ، بوزمین پیستیده
قالدقجه . بوهوای مستکرها تنفس ایتدکجه بر اراق
قارنی طویسه بیله نجات بولاماز . بالعکس عشرت ،
عطالت کی عوائد سائرمه دهامفرته میل ایلر . فقط
ایشته بوترفع مرتبه غایت مشکل اولدینی ایچون پك

چو قلمر افعال خیریدن ، خیراتدن ، بنوع تأیساتدن
 مأیوس کورونیورلر . « بونارک دودی برمدت دها
 اوزاتمقدن باشقه خدمتی اولمایور » دیورلر . حتی بو او یون
 صاحبی بیله غالباً شوفکری طاشیور ، فی الحقیقه اثری
 صرف تصویر وقائعدن عبارت ، محاکمه و مکاشفه دن بری
 ایسه ده لوحه نك اوته سنده ، بریسنده کی اوافق اوافق ،
 اینجه اینجه رنگار دن بویله اکلاشیلیور که بوده او بر
 نفریطك افراطی ، یا خود افراطك نفریطی دیمکدر .
 هر حاله ایکی منتها بر برینه تماس ایدیور . (ژول فری) .
 نك ، رئیس وکلای لاحق (مه لین) ك مسقط راسی ،
 (ووژ) ولایتی (آلاس لورن) ایله هم محدود اولدینی
 ایچون فرانسزلرجه پك حائز قیمتدر . بو ولایتده برقاج
 زمان اول (مه لین) ك ریاستی آلتنده خصوصی بر معاونت
 عمومیه هیئتئ تشکل ایتدی که افرادی مملکتك برچوق
 اغنیاسندن ، تجارندن مرکبدر . ووژ اهاالیسندن هر هانکی
 فقیر اولورسه اولسون ایشسزلکه ، سفالته اوغراینجه
 بو هیئتك یا مرکزنده کی یاپارسده کی شعبه لرندن برینه
 مراجعت ایلر . شعبه حریفه هیچ پاره ویرمز . چونکه
 بالفعل مجربدر ، بویله صدقه انسانده عزت نفسی ،
 متاتی ، عزمی تقلیل ایله یور ، ضعفه ضرورته برقات دها


سبب اولیور. فرانسه ده برقچ سنه اول برکیمیا کر واردی:
 (شورول) که یوز ایکی یاشنده وفات ایله دی. یوزنجی
 سنه ولادتی تسعید اولونورکن سویله مشدی. بومدت
 مدیده عمرنده آغزینه شراب نه در آلماش، حتی بو
 اجتماع شادمانیده بيله شامپانیا یرینه صو ایچدی. نه ایسه
 بوذاته بوکون رهباندن بری: «جانم نه ایچون هیچ فقرايه
 صدقه ویرمیورسکنز؟» دیر عالم ایسه انجیلاک احکامنه
 رعایت ایچون، کندیکزه یا پالمسنی ایسته مه دیککنز شیئی
 باشقه سنه یا پماییکز «جوانی ویریرکه صورتده بویر
 لطیفه دن عبارت ایسه ده حقیقتده بر حکمتدر. تصدق
 حالا وجه معتادینه کوره مزیتنی بیان انسان موتی
 صدقیه ترجیح ایلر. ایسته بو حقیقتی نظر دفته آلاق
 (ووژ) معاونت عمومیه هیئی سفیلاره صدقه دکل، ایش
 ویریور. جمعیتک تجاردن، اوسته لردن، صانع لردن بر
 چوق ارکانی وار دیدک دکل؟ فقیر، شعبه طرفندن
 پوصله ایله صیره سنه، ایجابنه کوره بونلردن برینه کوندر.
 یلیور. کیزلیجه اوتاجره صانه ده خبر ویریلیور. آرتق
 ایش اولسه ده، اولمسه ده بو آدم اوفقیری اشغال
 ایله یور، چالیشدیریور، بسله یور. صوکره بونکچون
 جمعیتله حسابلاشیور. دیمک میدانده براغانه وار اما

سچی و عمل ، منفعت متقابله کس و سینه کیردیکی ایچون
هیچ صدقه رنگینی آمایور ، هیچ عزت نفسه طوقونما-
یور . ممالک متمدننده ازدیاد سفالتک باشایچه اسبابندن
بری ده کوی ، ولایت اهایسنک مرکزہ اجتماعی اولدینی
ایچون (ووز) جمعیتی پارسده یا قالدینی بولدینی محتاج
همشهریارینی اک زیاده مملکتلرینه اعاده ایله اوراده
یرلشدیریور . بواصولک بر نفی ده محتاج حقیقی ایله
غیر حقیقینک ، ساعی ایله عاطلک تمیزینه خدمتیدر جمعیتہ
مراجعت ایدن فقیر فی الحقیقه حسن نیت صاحبی ، ایش
محرومی ایسه بو واسطه ایله مرامنه ایرر . بوسایه ده کیت
کیده بلکه بوسبوتون ذل سفالتدن قورتولور ، یوق
بویله دکل ده چالیشمادن پاره قازانمق ، فقرندن استفاده
ایله معاونت عمومیه به بار اولمق ایستر ارباب عطالتدن
ایسه شوصورتله فویا درحال میدانہ چیقار ، چونکه
صاحب مراجعت مسئلہ نی تعقیب ایله مز ، پوصلہ نی
مرجعنه کوتوره رک ایش آرامز . ولوشو حرکتلرندن
طولای مسئل اولسه لرده انسان بویله لرینه آجیور .
دون کیجه یاریسنه طوغری بر آرقاداش ایله (لوکسمبورغ)
باغچه سنک آرقه طرفندن کلیوردق . رفیقم کلیشی کوزل

بر شرقی سویله یوردی ، آرا صیره ده برابرجه قهقهه لر
 صالیویریوردق . بو صیره ده یانمزدن برسفیل ، کئواپرست ،
 برپارس بدبختی کچدی . . . حریف بزی ، نشئه مزی ،
 قهقهه مزی سویله سوزدکن صوکره دیشلرینی
 غیجیرداته رق : « کولکز . . بنم کبی شودقیقه ده یاتاجق
 یر دوشونمه یورسکیزی . کولکز کولکز . . صباحدن
 اقشامه قدر ایت کبی چالیشمغه مقابل اکمک سویله
 طورسون یاتاق پاره سنی زور قازانلردن دکلسکیزی کولکز
 کولکز . . » دییه دییه ده ابرچوق سویله نه سویله نه
 کیتدی . کوزلری قارانلقده پارل پارل پارلایوردی . بر
 کین ، برغضبله پارلایوردی . ففرک ثروته کینی ، ضرورتک
 رفاهیه غرضی . بوپارس سفیللری انسانده هم حس نفرت ،
 هم حس مرحمت اویندیریورلر . نفرت ، چونکه بونلردن
 اشنع مخلوق اولماز ، عشرت ایله کئول ایله ، حقد و غلظت
 ایله اودرجه بی بولملشدردرکه وجدانلرنده صاغلام بر نقطه
 همان یوق کیه در . اک مقدس حسیات بشریه دن بی
 خبردرلر . . برحیدود بیله بعضاً عهدنده وفا کبی اخلاق
 یارارلقلری کوسه تیر . . بونلرده شو محاسندن قطره
 بولونماز . . فقط بوکا مقابله اولاد ، ابوین قتلی کبر اک

شنيع جنبتلره وارنجهيه قدر استعداد کورونور . کچن
 سنه (ايکي ولد) عنوانيله غريب بر حكاية فجيعة نشر
 اولوندى که اخيراً تيار ويده تحویل ايديلهرك (۳۱۲) نجي
 دفعه اولق اوزره شمدي حالا (آمبيکو) ده موقع تماشايه
 قونيور . بوائر پك چوق نقطه لرجه خيالى وهيت
 عموميه جه عادى اولغله برابر پارسك حيات سفاشته
 ماهيت سفاستنه تعلق ايله ين جهتلرجه خارق العاده در ،
 صرف حقيقتدر . بو حقيقت بزه نه چركين لوحه لر كوستر-
 ييور ! بو مخلوقات بد بختك اك زياده كينه اوغرايان ضابطه
 مأمورلريدن . ايشته برمدتن برى بونلره مخصوص
 محله لرده بومأمورلردن . بر ايکي پاره ليور ، اولديرييور
 طور ييورلر . فى الحقيقه مأمور مجروح وظيفه اوغورنده
 قربان كيتديكى ايچون اولوم دوشكنده نشانلره ، تقاعد
 معاشلرينه مظهر اوليور اما چه سود ، حيات الدن
 كيدييور . . بونكه برابر بوسفيللره ينه مرحمت ايديلر .
 چونكه بوافعالك مسئوليتي هپ انلره راجع اولماز .
 بو قدر آغير برابر مذلتله عمره تحمل ايتك ايچون بو
 بچاره لر عشرته مجبور اوليورلر . بوعشرت ايسه پيس
 بر كئولدن عبارت اولدينى ايچون شارباريني عادتاً چيلدير-

تيور، اڭ بيوك جنائتلره ، شىناعتلره سوق ايله يور .
 ايشته اخيراً براستادك، برعالمك، برصاحب خيرك دالائيله،
 فرياديله حكومتجه موقع تذكره قونان انحصار كئول
 مسئله سنك نخبه محسناتى بوفسادك منعى بوزهرك محوى ،
 مشروبات كئوليه نك شوسيه دن تطهيريدر . . .



پارس خاطرہ لری

وقتندن اول طوغان جوجقلره مخصوص قولوجقه

دون بازار ایدی. یوم تعطیل، یوم تنزه، برپارچهده
یوم عطالت برقاچ زماندن بری بازارلری بیوک (بولوار)
لری برباشدن برباشه یایان طولاشمق عادتدر. انسان
ایچنده بولوندیغی عالمه کیت کیده تمثیل ایدیور. پارسه
ایلاک ورودمده بویله ازدحاملی یرلر، بوهای وهو،
بوشمات جانمی صیقاردی شمدی بونلر اولماسه جانم
صیقیلیور. کچلرده برقاچ کون بر صیفیه مسافرت
کیتدمدی. بکا بر باغچه نک کوشه سنده ایسنر سداسز
بر اوطة ویردیله. اوح، نه اعلا یر، انسان راحت
راحت یاتار، قالقار اوپور، اوقور، یازار ایدی. فقط
حقیقت بوتفکره توافقی ایتهدی. یاتاغه کیرنجه بوسکوت
وسکونت اویقومی قاچیردی. سمع فکرم، کوکلم ارا به
کورلتیلری، حیوان پاطریدیلری بویله غمغمه لر ایسته یور-
لردی. بونلر اولمايچه بردرلو استراحت قویولما یورلردی.

طبقی دکر منجیلر کبی که شاید کیجه بردن بره چرخ
 طور یرده دمدمه کسیایر سه در حال او یانیزیر بیورلر ، بو
 آغنگ تکراراً باشلامانجه او یو یامیورلر . بونکله برابر پارسک
 بیوک (بولوارلر) نده باشقه بر جاذبهده وار که انسانه
 مرور زمان ایله تاثیر ایله یور . بوساحده دنیانک دوت
 کوشه سندن مخلوقلر کوریلیر . انکایزلر ، المانلر ، حاصلی
 اوروپالیلر شویله بر طرفه طور سون دولودولو امریقایلیر ،
 اوسترالیالیلر ، چینلیر ، ژاپونیالیلر بریاندن بریانه کچر ،
 کزر طور یرلر . بیوک (اوپرا) جاده سنده کی بر چای
 مغازه سنک چراغی اثوابیله ، علامتیله برچینلی ایدی .
 بواجناس مختلفه دن ماعدا تا (اوپرا) دن ، (وودویل) -
 دن . . . (رهنسانس) ، (لاپورت سن مارتن) ،
 وارنجهیه قدر تیاترولر ، رنگ رنگ منظرلر ، اکلنجهلر ،
 اعلانلر ، چشید چشید ، یکی مواد ، یکی اصول اعلانلر
 بو جاده لرك مخصوصاتندر . مثلاً عین رنگده قوص
 قوجامان شایقه لرله ، عین بچمده اوزون پاردوسو لرله ،
 مزین شمسیه لرله ایکی افندی ، ایکی شیق موسیو آهسته
 آهسته یوریورلر ، برقچ آدیم آرقه دن ینه طبق بونلره
 بکزر ، عین روشده ، عین قیافتده ایکی کشی دهله .
 آرقه دن عین منوال اوزره دیگر ایکی فرد ... بو آلایدن

حیرته کایر سکز ، فقط بونددر ؟ دیبه دوشونمکزم قالماز
 بوموسییولردن ان اوکده کیلر براطراد ، بر آخنک ایله
 شویله بر مقام طر تدریرلر : « بویکجه (فولی برژر) ده
 فوق العاده اویونار وار .. (اسقالا) ده (ایوت کیلر) ،
 (پولن) ... » برنجی صیره بو ترانه یی بیتیریر بیتیرمز ،
 ایکنجی باشلار ، ایکنجی صوصنجه اوچنجی ترنم ایدر .
 بوددبه (فولی برژر) ، (اسقالا) کی بعض مناطر
 شاطرنک اعلانی ایچون ایمش .. چونکه بوا کلنجه
 اشاعهرینه دیوارلر ، غزته لر کفایت ایتمه یور ... پارس
 ارباب ذوق کیجه یی سحرلره قدر بوشو خانه شطارتکا -
 هارده کچیردکن صکره صباحه قارشی یاتاغه کیررلر .
 تا ایکندی یه طوغری زور اویانیرلر ، غزته وسائره
 اوقومغه و قتمی قالیر .. فقط غروب ایله برابر بیوک
 (بولوار) شویله شغورانه کزبیلر ، قولان ایدیایر ، بر
 قهوه ده برپارچه آبست ایله اشتهایرینه کتیریلر ، دره دن
 تپه دن مناقشه لر ، علمی ، ادبی کلیشی کوزل فقط هپ
 قوف ، هپ اساسنر مباحثه لرله باشده کی خمار
 کیدریلر . نهایت براز (قینا قینا) ایله زواللی معده تصفیه
 اولونور .. صوکره چوق کچمز یمک ، اکلنجه ، باشلا -
 یه رق صباحره قدر سورر .. ایشته پارسده بر صنف

مخصوصك حياتى بويله دره . بو آلافرانغه خراباتيرك اك
 پارلاق نمونه لرى ده بيوك (بولوار) ك قهوه لرنده قالد .
 يرملرنده بولونور . بوميانه نك مزينانتدن برى ده يكي
 اختراعاته مخصوص منظره لر دره . (تله فون) ايله او پرانك
 موسيقي سنى ايشتمك ، (فوتوغراف) ايله نطقلر اويونلر ،
 سائرملر ديكله مك آرتق اسكيلشدى . شمدى (كينه
 توسقوب) چيقدى كه طبقى (فوتوغراف) كې انسان
 بو آلتله هم كورييور ، هم ايشيدييور . منلا ايشته
 (ساردو) نك كچن سنه (وودويل) ده لايىن قطع
 اوينانان (مادام سان ژن) اويونندن بر پرده : اويونچيلرى
 منظره يى ، اورته يرده (ره ژان) ي عيني له ، كسوه لري له ،
 قياقتلريله سير ايدييورسك ، الده بايراق يورييورلر ،
 كزييورلر ، ترنم ايدييورلر . اك يوجه نغمه دن آياق
 پانزديلرينه وارنجه يه قدر بتون بوسسلر واضحاً سمعكه
 كيرييور . باشقه برصندوقده ايسه كچن قيش (نوووسيرق)
 صحنه سنده ايكي ترك پهلواننك كورشدكلرينى كوستير بر
 منظره : پهلوانلر اوتهدن برى كورديكمز ، بيلديكمز
 وجه ايله چپلاق ، باجاقلرنده برر قيصببت (كسوه ،
 كسوة) وجودلرنده تپهدن طيرناغه زيتون ياغى ، طبقى
 قايش كې بربدن . . . بونلرى بوراده ايكن كوردمدى .

روم ایلیدن ایکی پوماق ایدیلر . بری احمد ، او بری ده
غالباً مصطفی ایدی . شوساحده ، بوساحده قوت ،
مهارت کوستردیلر ، برچوق ایتالیانلری ، انکلیزلری ،
فرانسزلری طوپ کبی دوردیلر ، فیرلاتدیلر . جـدا
مخلفیت قازانه رق بومسلکه وقف عمر ایتیش جانبازلرک
محسودی اولدیلر . . (کینه توسقوپ) له برابرینه ایجادات
اخیره دن (سینه ماتوغراف) وارسه ده مقصدم دیگر بر
منظره مهمه دن بحث ایتک اولدینی ایچون بو آله دائر
تفصیلاته وقت قالمایور . فرانسه ده هر سنه ۸۵۰۰۰۰ چوجق
طوغیور ، بونلردن ۱۳۰۰۰۰ ی وقتدن اول دنیایه
کلدکاری ایچون یاشامیورلر ، سونیویریورلر . انتخاب
خیردن دو قنور (لیون) بو محصول ناهنکاملری
اضمه حلالدن قورتارمق ایچون عادتاً بر قولو چغه ایجاد
ایتیش . ایشته بواختراع بهین بیسوک (بولوار) لردن بر
محل مخصوصده الی سانتیمه انظار عامه یه عرض اولو .
نیور ، طورییور . قوجامان براوطه ایکی طرفه صیره
صیره معدندن ، یوکسک ، آیاقلی قفسلر ، قوش قفسلری
دیزلش ، بونلرک اولک طرفلری جامدن ، ایچارنده ایسه
صیره سنه کوره آلتی ، یدی ، سکز آیلق چوجقلر وار .
مینی مینی قیز ، ارکک آووج قدر نوباوهر ، متصل او یو .


یورلر . زمان زمان سودننه لر کلیور ، بویاور ووجه قملری
 یووالرندن چیقارییور ، امزیریورلر . بوقفس ، بویووا
 ممکن مرتبه رحم مادری آندییریور ، خارجدن بربری
 ایله ایچری هوا ادخال اولنیور . مدخلده بر میزان الحراره ،
 برده اوجاق اولدینی ایچون بو هوا دائماً بر درجه حرارتده
 بولونیور که بودرجه ده نوزادک سنه کوره اوتوز قرق
 آراسیدر . بومعیش ، بویووا سایه سنده ولو زمانندن
 اول بوجهان فایه پرواز ایتش اولسون بومصوملر
 حیاتدن نصیبه دار اولیورلر ، بوجه ایله طقوز آی اون
 کونی چیقاردقن صوکره آرتق آغوش مادرده کیف
 مایشاء یاشایه بیلورلر .

برنجی قفسده آلی آیلق بر قیز واردی یاما بر بیکه
 بکزه یوردی ، او قدر کوچکدی . حیاتدن هیچ نشان
 ویرمیوردی . انجق بر آراق الی اویناتدی . ایکنجی
 قفسده یدی آیلق براوغلان یانیوردی که اوبرندن چوق
 بیوکدی . چونکه اولایدی آیلق ایکن طوغمش ، ثانیاً
 بر آیدن بریده بویووایه کیرمشدی . بوصبیاندن بری
 زمانی بولدینی ایچون اوکون آرتق قولوجه دن چیقار .
 یلیور ، والده سنه تسلیم ایدی یوردی . بومحافظه حیات
 اعلا ، چونکه بونوع اطفالک شووجه ایله یوزده ۷۲ ی

نماتدن قورتاریله بیلیمور . اشقی عجبیا بوئر شو نقیصه دن
دولایی مادام العمر معلول قلمایورلرمی ؟ بو اطفال اول
امرده جوجه ، بکاپک نحیف ، خنیف کوروندی . بو بر
عذر در امانه ایسه . لیکن یاباشقه دورلو نحافتلره ،
علتلمده مبتلا اولورلر ، بر درلو دوره صباوتی کچه مزلر سه
شو امکار بی سود اولمازمی ؟ آه ، بو بر مطالعه که انصاف
فسرجه سنه در . ابوت ، امومت نه در بیلمه یلارک ،
طائمیایانلرک ذهنته وارد اولور . بر پدر بر مادر بر کره
اولادینی بو کون نیجه هلاکدن قورتارسونده یارین ایچون
ینه لبریز آمالدر . بو املی ، ولوپایدار اولماسه ده ،
سوندیرمک روامیدر ؟ بو تماشای معصومیت ، شو اطفال
نابموسم بنده بر خاطره او یاندیردی . او یمزده چوجقلمده
(مامادادی) دیردک (ظرافت) اسمنده بر زنجی آشجیمز -
واردی ، نهایت آزاد ایدلدی ، قوجهیه واردی . بر مدت
صوکره ایکی اوغلان بردن طوغوردی ، فقط وقتندن
بر یچق آی اول طوغوردی . زوالیلر طوغدقلری کون
صباحدن اقشامه دکی غلایلر ، باغیر دیلر . . لیکن
کیتدکجه قوتدن دوشدیلر . چایشقدق چبالادق ، طیبیه
مراجعت ایتدک . بر چاره بولامادق . . ایتدادن ایجه
قوی لیکن صوکره نحیف اولیو یر دیلر ، عاقبت بری اوکجه

دیگری بش دقیقه صوکره سونیویردی . بوقولوچقه
اصولی اوزمان موجود اولایدی بلکه بونوزادلری قورتا-
رمق ممکن اولوردی . (دوقنور) لیون پارسده بویلهجه
طوغان فقرا چوجقلرینی طوپلایور ، شوقولوچقهلرده
بیوتیور . زمانی کلنجه والدهلرینه تسایم ایله یور . بومعرض
اطفال « اثر مادرانه » دییوزلر . وقتیهله (نیس) ده
تجربه ایله رک موافق ثمره لر الده ایدلمش . . بوسفر
شو تجربه لرده حسن نتیجه ویریرسه هر محله ده فقرا ایچون
برر بویله محل تاسیس ایدلمک مقرردر . زنکینلرده بو
قولوچقه لردن ایجار ایله بر ، یا ایکی عدد ویریلیور .
بعض قفسلرده ایکی چوجق بردن واردی . شایان دقت
شوجهت که بونوزادلر قولوچقه ده بولوندقچه هیچ
آغلامایورلر ، پک آز قیملدانیورلر ، فقط دیشاری
حقیقجه اطوار حیاتی باشند اشاغی طاقینیورلر . کچنلرده
پارس انجمن دانش طبیسنده بواختراعه دائر مذاکرات
اولدی ، مختع تبریک ایدلدی . فی الحقیقه بیکارجه اطفالی
نچه موتدن قورتارمق بر ظفر ، بر موفقیقت ، برخیردر .
علوم وفنونک بوحسناتنه کوز یومق شبیره مزاج اولمغه
متوقفدر که « رنجیده اولور دیدۀ خفاش ضیادن » عتایی
بویله لرینه راجعدر . (پاستور) قودوزی ، بوبلای

انسانیتک باشندن قالایریر، (رو) قوش پلازینی. بو طاعون
 معصومینی دفع ایلر، (لیون) ایسه بونلر قدر اومانسه
 بیلله طبیعتت برنقصاننه امداد ایدر، بو کالات هب محاسن
 علمیه وفیه دندر. ذاتاً (بروتییر) کبی بعض ادبانک
 «افلاس علوم» دییه اورتایه قویدقاری ادعا شو بدایعه
 راجع دکل، معترضلرک مقدار ادیبی ده بوجهتی ایما
 ایلر. بونلر شونی دیمک ایسته یورلر که بعض شارلاتانلر
 علم نامنه درلو درلو محال وعدلرده بولوندیلر. نهایت
 وعدلرینی ایفا ایده مه دیلر افلاس ایتدیلر. کیمی حقائق
 شئونه عالم صفتیله بر معنای غریب ویریوردی کیمی ینه
 بوکسوه ایله ماهیت بشری، حکمت آدمیتی ا کلاتمق
 ایسته یوردی. بومدعیاتک صوکیدرکه قوف چیمقدی.
 یوقسه (پاستور) ک (رو) نک اختراعانی کبی صرف
 علمه تعلق ایدن تجلیلری هیچ کیمسه انکار ایله میور.
 ذاتاً «وغایه سعی العالمین ضلال» حکمی ده (ضلال)
 قیدندن مستبان اولدینی اوزره بریکیلردن زیاده اوبرلرینه
 راجعدر.



(اوده ئون) تياتروسنده

تاريخچه مطبوعاتمژده يکي بر خطوه ، بر قدمدرکه
پارسک اک جدی اکادې تياترولرندن برنده بر غزته مز ،
(اقدام) مز بر مأمور ، بر مخابر بولنديرييور . (تان) ،
(دهبا) وسائر منقدرلينک ، (سارسهی) لرك ،
(فاکه) لرك آرم سنه منقد حقيرده من غير حد
قاريشيور . في الحقيقه او برلرنده کی قدرت علميه ، وسعت
فنيه بر يکننده يوق . فقط بوکا مقابل حسابيه صيغمز بر
حسن نيت ، بر هوس ، برامل وارکه آز ، چوق تلافي
مافات ايده بياير . (اوده ئون) ايکنجی (تئاتر فرانسه)
عد اولنور . اهميتجه اولسه ده رسميتجه ، جديجه ،
فنيجه ، ادبجه همان (قومهدی فرانسه ز) دن صوکره
کلیر . اکثر مملکتلرجه تياترولر مکتب ادب ، منبع تربيه
عد اولنورق تهذيب افکار عموميه ایچون بويولده تأسيسانه
مجبوریت کوريليور . ايشته (اوده ئون) ده فرانسه
حکومتک بويله بر تأسيسیدرکه بالخاصه نشر فيوض عرفانه

خادمدر . خلقه برچوق منافی ، دواته اکثریا کای
 مصارفی موجبدر . ایرادی صرفیاتی قورتارمز . تخصیصات
 رسمیه امداده یتشیر . (اوده ئون) — سن — نهرینک
 صول ساحلنده (قارتیه لاتن) دیدکاری محله طلابک
 اورته سنده مکتبلرک ، دارالفنونلرک تا کوبکننده کائندر .
 بوندن مقصود ارباب تحصیلک بو صحنه یی تماشاسنی ممکن
 مرتبه تسهیلدر . بودیار معرفتک حالی غریبدر . برکره
 تشرین ثانی کایرده دارالتدریس لر آچیلیر ، درس لر فوج
 فوج باشلارسه برشا کرد عرفان کز مکه ، اکلنمکه دکل
 یمک یمکه ، کوز آچغه وقت بوله ماز . (اوده ئون) کبی
 بورننک دیننده بر منظره اولمازسه بویولده محاسن
 ادبیه دن ده استفاده ایده مز . بکا کچن کون رفقادان
 بعضلری نصل وقت کچیریورسک دیه صوریورلر . آم .
 بویرلرده وقت کچیرله یور ، بوراده وقت کنیدیلکنندن
 اوچیور ، آقیور ، قاجیور . قاشله کوز اراسنده کون
 هفته ، هفته آی ، آی موسم اولیور . . بکا شودقیقه ده
 اویله کلیورکه دون یاز ایدی ، حرارت اوتوز درت ، اوتوز
 بش درجه یی بویوردی ، هرکس قیرلره ، صیفیه لره
 قوشوشیوردی . حیرت ، بوکون قیش اولمش ، جهان
 بومرکز های وهویه بریکمش ، صوغوقلر صفره قدر

وارییور . ایکی کوندر اقدامک مخبرات اسبوعیه سنی
 یازمق ایچون فکرم چیرپینیور ، طورییوردی . فقط ،
 صباحلین کوز آچادن غزته بیله او قومادن درس زمانی
 کلیور . بردرسدن بردرسه کیدرکن صوکرده برپارچه
 بونلره دائر نتبعه قویولورکن اوکله اولیور ، یمک یاریم
 یاکلیش بیتمه دن اوکله دن صوکرده مخصوص مشاغل
 عرفان باشلایور . کیجه آرامه ، تنزه فرصت بولانلره
 موطلی ! . . ماصه مک برطبقه سنه باقدجه یوردم چین
 ایدیور . جوابسز قالمش مکتوبلر ، سکتیه اوغرامش
 سپارشلر ، هب تقصیرات ، هب تقصیرات که نیجه تویخاته ،
 انکساراته میدان ویریور ، برکت ویرسون که ایلک
 فرصته — العفو عند کرام الناس مبذول — دیه مظنطن
 براستغفای قصور ایله قورتولمق امیددی هر لحظه الدهدر .
 کچن یاز (اوده ئون) مدیرلری استعفا ایتدیلر . یرلرینه
 دیگر ایکی ذات انتخاب اولندی . بونلرک بری (پول
 ژینستی) که مزیت صاحبی برادیبدر ، وقتیلله (ژیل
 بلاس) ده منقد ایدی . (سنه ادبیه) ده نشر ایله دی که
 (ژورژ دانیل) ک (سنه سیاسی) سنه بر یولداش ،
 ادبی بر یولداشدر . بریکی برسنه لک وقایع ادبیه یی بسط
 ایلر . بوؤلفک (اون یدنجی لوی) کبی تیاتروییه متعلق

تألیفاتی ده وار . ایکنجی مدیر (انطوان) درکه نه اتم ،
 نه ده خارق العاده بر عرفان صاحبدر . انجیق پارس عالمجه
 پک معروفدر . برقچ سنه اول (تئاتر لیر) ده مدیر
 ایدی . آز مصرف ، آز کلفت ایله بیوک بیوک مهارتار
 کوستردی . صحنه تماشاویه نظر پیرا اویونلر قوبدی .
 مشهور اولدی . بوشهرت سائقه سیله درکه بوسفر (اوده-
 ئون) مدیرینه کچدی . بو ایکی رئیس بنامندن دولایی
 بوسنه شو تیاتروجه بیوک تجلیات امید اولونیوردی .
 یکی یکی اثرلر ، معرفتار ، مزیتلر بکله نیوردی . کچن
 تشرین اولک اوننده ساحه آچلادی . ایلك منظره لر امل
 منتظری بوشه چیقاردی . مناظر موضوعه دن (شیللر) ک
 (دون قارلوس) ی بنجه پک قیمتدار بر محصول اولدینی
 حالده خوشه کیتمه دی . (توفیل غوتیه) نک بر
 حکایه سنندن استخراج ایدیلان معروف ، موزون بر
 اویونده ، (قاپتان فراقاس) ده هر نه دنسه موققت
 بولمادی . دیرکن بوسره لرده مدیرین آراسنده ایکی
 کونش بر آسمانه صیغمایه جفی ایچون ، بر منازعه ده قوبدی .
 (ژنستی) استغفایه قدر واردی . نه ایسه معارف
 ناظری در حال ایشه قاریشهرق بوتهاکه نک اوکنی آلدی ،
 ایکی منازعک آراسنی بولدی . وظائفی تحدید ایله دی .

شمدي ده پنجشنبه منظره لری ، تقریر لری . مصاحبه لری
 باشلادی . اوده ئون بروادی مستحسن و موفقه برپارچه
 کیره بیلدی . بوسنه شو پنجشنبه منظره لری جدی بر
 اهتمام ادیبانه ایله ترتیب اولوندی . اک کوزل مقرر لر ،
 اک مقبول اثرلر انتخاب ایدلدی . برنجی منظره دون
 جریان ایتدی . مقرر مادام (دیسولافوا) ایدی ،
 اویون یونان فاجعه نویس لرندن (آشیل) ک (ایرانیلر) ی
 ایدی . بوندن ماعدا غایت کزین ، کزیده بر موسیقی ده
 واردی . دون اوکله دن صوکره آلا فرانغه ساعت برده
 (اوده ئون) خنججا خنج خلق ایله مالا مال ایدی .
 ایشته بوندن بیوک علامت موفقیت اولماز . پارس تماشا-
 کاهلرنده بر اترک مزیتی مشتریک عددیله ، واردانک
 مقدار یله موازنه اولونور . پرده آچلدی ، صحنه محتشم
 بر خرابه عرض ایله یوردی . اویونچیلردن مادام (ته سا-
 ندیه) بر پر ی ، بر الهه ، الهه جمال قیافتیله اورتایه
 چیقدی ، بیاض بر اورتویه بورونمشدی ، سیم سیاه
 صاچلرینی بویندن اشاغی ، طوپوقلرینه دوغری
 صالیویرمشدی . قورلاری باشدن باشه چپلاق ایدی .
 بوقیافت ساحرانیه برده رنگین بر حسن و آن علاوه
 ایدک ، بر خرابه ده بویله بر دلربایه تصادف ایتسه کز نه حاله

کایرسکز ؟ باخصوص اودلربای مهیب بیانه صیغماز بر
طلاقله، بر بلاغته سزه ابدیت محصولات فکریه دائر
برنطق ایراد ایلر . برنشیده کزین تلاوت ایدرسه . .
مادام (ته ساندیه) منظره واقعهیه برحسن ابتدا اولوق
اوزره اعماق ماضیدن ، دوران فسادن ، آثار بقادن
باحث برخاطره بلیغه اوquدی ، سویلهدی . مفهومک
مرتبه بلندینه قرائتک لطافت رنگینی انضمام ایدیور ،
انسان عادتاً مست ، مست حظوظ ، حظوظ ادب
وحکمت اولیور . بودوران بردولابدیر ، جهان فانیدر ،
هانی اقوام ماضی ؟ هانی ایرانیلر ؟ هانی یونانیلر ،
فارسیلر ، لیدیه لیلر ! . . اوت ، جهان فانیدر . فقط
آثار فکریه بشریتله برابر باقیدر . آرادن اعصار نامعدود
کچدی . . ایشه بر (آشیل) ینه بیکلرجه قلوبی شوسا .
حده هیجانه دوشوریور . بونکله هیج شبهه یوق ،
ماورای ابدیتده اوده هیجانه دوشیور . آلقیشلری
طویور ، اثر پایدارلغی کوستریور . بوسوزلر هپ اعلا .
علوی . لکن بنجه شو منظرده اک شایان دقت اویونجیده کی
قوه ناطقه ، مزیت فصاحت ، قدرت طلاقدر . ادبیاتک
بوقسمنه ، فن ناطقهیه درکه بز هیج اهمیت ویرمه یز . .
هر پارچه یی عین اطراد ایله او قورز ، قرائتمز سراپا

يكنسق ، جان صيقار صورتده يكنسقدر ، تجويديمزى
 بردرلو ادبياتمه تطبيق ايدمهدهك. ناجى افندى مرحوم
 ايجون كوزل شعر اوقوردى ديرلر . فى الحقيقه معلمك
 قرائى فاما دكلى ، كلهله ، حرفله حقى ويريردى .
 باخصوص ادبيات فارسيله خوش بر شيوه عجمانه بيله
 آليردى . فقط بنجه بونلر مقصده كفائت ايتمز . ناطقه
 حقيقه شودر كه مثلا انسان اله اشپر ، ياترز ، ياتارق كى
 بر تياترو آلايفى زمان هر نكته يى ، هر سطرى ، هر قسمى
 تشخيص ، تعيين ايدركدن اوقويا بيلملى ، حروفه ، كلماته
 عاداتا جان ويرملى . اثرده كى مزيت انجق بويله بر قرائتله
 سامعينه انتقال ايدر . بوجهتى ادبامزك ، قرامزك ،
 معلمينمزك تميز و تدقيقنه ايجه بر عرض ايدن اولسه ،
 باخصوص مکتبليمزده اصول قرائت بووجه ايله برفن ،
 برفن ناطقه درجه سنه رفع ايداسه كوزل اولمازمى ؟ مادام
 (تهسانديه) بومقاله ابتدائيه يى بيتدكدن صوكره پرده
 قاپاندى . ايكنجى پرده آچيلنجه اورتايه بر ماصه قوندى .
 چوق كچمدى ماصه نك باشنه ستره پانظالون كينمش ، بر
 بك ، بر شيق بكى چيقدى .. فرنك كوملكى ، بيون باغى ،
 سياه البسه هپ يرنده اما سيماده صاقال ، بيقدن اثر
 يوق . حال بوكه ياش باشى بر پارچه آشمشه بكمزه يور .

برقادرین . . علمیه ، کماله پک چوق ارککاری یاری
یولده براقیر برقادرین . . . مادام (دیولافوا) . . دانه
دانه ، نازک ، آهنگدار ، زنانه ، فقط ینه متین بر سسله
نه کوزل اداره لسان ایدی . ر . بو طلاق دکه رجانه
اولماز . . (اشیل) ک بو (ایرانیار) اویونی نه در ؛ مقررده
بلیغه بونقطه دن سوزه کیرشدی قرون اولانک یونانیاری ،
ایرانیلری معلومدر ، (ماراتون) ، (سالامین) محاربیلری ،
مظفریتلری ده مشهوردر . (اشیل) بر فاجعه نویس ،
بر ادیب ایدی ، یونانستان قدیمک انجم اربعه ادبندن
بربدی اما زمان زمان محاربده اولیوردی . حاصلی ،
بر صاحب سیف و قلعدی . (ماراتون) ده ، (سالامین) ده
بولوندی ، همده شجیعانه ، جانسپارانہ بولوندی .
برنجیده یارمله ندی بیله . . ایکنجینک فرداسنده ایسه بو
(ایرانیار) فاجعه سنی یازدی . تاریخ قدیمک بوفصل
معروفی قارئینمیزک البته خاطرہ لرنده در . (سالامین) ده
ناصل ، (تمستوقل) ک نه درلو حیلہ سیلہ سرخس ،
یونانیلر محاربہ یه طوتوشدیلر . « اور ، فقط دیکه ! »
قول مشهرینه قدر البته یادلرینه کلیر . . حیلہ میلہ اما بر
وطنپرور مملکتته (ترموپیل) ظفری قدر برشرف
قازاندردی . ایشته (اشیل) بو محاربہ دن بر فاجعه تشکیل
ایله یور . صحنہ یی یونانستاندن ایرانہ ، (سوس) ه نقل

ایله یور. ایلک پرده بر دائره کوستریور، اختیار ایرانیلر
 بورایه طو پالانارق یونانستانه کیدن سرخس اردوسنه
 دائر حسب حال ایدیورلر. خیلی زمان اولدی، اردودن
 خبر یوق. عجیبانه حالده در؛ بومشاخ برای محافظه
 مملکتده قالدیلر. صاچلری، صاقللری بم بیاض،
 مناوبه سوبله یورلر. بر طرفندنده موسیقی آهنگساز
 اولیور. بو آهنگ سوزلرده کی لطافتی برقات ده
 آرتیریور. فکر بشر یک چوق ترقی ایتدی، ادبیات
 دنیالر قدر ایلریله دی دیرسه ک خطا ایدرز. (اشیل) ک
 شوطلوعات کزیده سنی زمانک آثار ادبیه سنده نادراً
 بولورز. نته کیم معلقانک یک چوق پارچه لری نی هنوز
 تنظیر ایده مدیکمز کی. فن ادبیزک نقائصندن بریده
 بر تاریخ ادبیات عمومیه مزک فقدانیدر. حال بوکه ادبیات
 اساساً، املاً، روحاً هر دور، هراقبم ایچون برذر.
 ترکده، عجمده، عربده، افرنجده نرده اولورسه ذروء
 کمال ادبه وصول ایچون علی الاطلاق، ملی، اجنبی،
 متأخر، متقدم ادبیات عالمنه وقوف کرکدر.

شو اختیار ایرانیلر بویله حسب حالده ایکن صحنه یه
 (سرخس) ک والده سی کلیور. بوقادینه فرنکلر (آطوسا)
 نامنی ویریورلر. بز بوکله یی ناصل تلفظ ایتلی یز؟ نه
 ایسه (آطوسا) ده اردودن، اوغلندن، فمدان خبردن

بحث آچيور . باخسوس دون کيجه قورقونج بررؤيا
 کوردیکی ایچون بوخی خلجان واضطرابله یوروتیور .
 بوفصلله مناره فنا دکل . برطرفدن بوقادین ایله معیتده کی
 جوارى دلارانک حالاری ، طورلری ، دیگر جهتدن
 اختیارلرک قیافتلری ، تلاشاری فکری اوقشایور ، بونکله
 برابر بسله یورده . چونکه زمان زمان موسیقی ایله ، فصل
 فصل بواشیخاص آراسنده ادیبانه ، شاعرانه ، فیلسوفانه
 بر مکمله جریان ایدیور . ذاتاً فاجعه نویس الک زیاده
 مهارتی بونلرده کوستریور . یوقسه وقوعات پک سطحی
 برصورتده جاریدر . شوانلرده (سرخس) اردوسندن
 بردمدار ، برساعی کلیور . ایچری کیریور . اردونک
 اضمحلانی خبر ویریور . بوخبری ایرالماز (آطوسا)
 برفریاد محرق ، درین برفریاد قوپازیور ، بایلیور . نهدن
 صوکره آیلور . مغلوبیت ناصل اولدی ، کیملر اولدی ،
 کیملر صاغ قالدی ؟ برر برر ساعی به نقل ایتدیریور .
 بوپارچهده شاعرانه در . شعر ایله ، موسیقی ایله مالامالدر .
 حقائقدن عاری اولسه ، افکار زمانه توافق ایتسه بیله
 کوزلدر . ایکنچی پردهده (آطوسا) ، جاریلر اختیارلر ،
 سیاهلر ایچنده دارانک قبرینه کیدیورلر ، طوپلانیورلر ،
 چیچکلر آصیورلر ، شراب ، سود ، بال دوکیورلر ،
 نظم ایدیورلر . بوملک متوفانک روحانیتدن فلاکتلری

ایچون استمداد ایدیورلر . بو فصلده اختیارلرک فر یاد
استمدادلری موسیقینک ترنمات حزن آراسنه قاریشیورده
قلبی تتره تیور .

نهایت بوناله لرله ، بوچیچکلرله ، بوتظلملرله ، آینلرله
دارا حرکته کلیور ، او یانیور ، مزاردن چیقیور . بو
اختیارلرده ، قاریسنده نصیحت ، تسلی ویریور « وقتیه
هاتفلر بکا سزیله دیدی . بونتیجه حزینه ، بوعاقبت مؤسسه
نجه محققدی » دیور . حاضرین شوبعت بعدالموتدن
مبهوت ، لال اولیور . بر جواب ویره میورلر . نهنه باشند
باشه ظلمت ایچنده ایدی ، دارا ، یاخود خیالت دارا بر
میت کبی یردن توره دی ، طوغرلدی ، بوندن صوکره
غریب برالداع ایله دارا ینه عزلتکاه ابدیسنه چکلدی ،
(آطوسا) مبهوت ، متفکر ، مع مافیه برپارچه متسلی
اولدینی حالد کاشانه سنه دونیور . اختیارلر ایرانک
ماضیسنه دائر برحسب حال ماتمه قویولیورلر . بومحاربهدن
اولکی حالی اسفله دوشونیورلر : « تایواناستانلره قدر
کیدرک ، بوغازلری طولدیره رق ، طبیعتله چارپیشه رق
یوز بیکلرجه انسانلری یوق یره هلاک ایتک نه روا
ایدی ؟ دیورلر . بوصیره ده ایچری سرخس کیریور ،
یاپ یالکیز اوست باش پارچه پارچه سرفیل ، پریشان ...
اختیارلر ایله سرخس آراسنده یکیدن فلا کته دائر بر

فصل تغلم، وتاهف باشلايور. كوزلردن چشمه كجي ياشلر
 آقيور، ياقملر ييرتيايور، بر نوحه در . بر فرياد در .
 بر سوز و كداز در كيديور . موسيقي ده بو مامه رفاقت
 ايله يور. ديمك ازمنه متقدمه فاجعه بويله اوليور مش...
 عصر يمزك تمكين وسكونته بدل غريبو و حركت اختيار
 اولونيور مش... ايشته اويون بوواويلا ايله ختامه
 ايريور .

شو خلاصه دن مستبان اولديني اوزره اثرده تياترو
 مهارتي، محاسني يوق . انجق بر قوه ادبيه . بر مزيت
 حسيه وار . محرر قلمني قلبنه، قاننه باطيريور مش ،
 بو سطرلري حصوله كتيرن پارمقارك (ماراتون) ،
 (سالامين) معركلرنده قالج اويناتدقلى نظر امعانه
 اوساعت چارپيور . مادام (ديو لافوا) بو منظره ، بو
 اثر اوزرينه همان بر ساعت متمادياً ايراد مقال ايله دي .
 اويوني بويله جه شرح ايتدكن صوكره محاسني برر برر
 سايدى ، (اشيل) ايچون طرز فاجعه نك موجودير ،
 ديدى . برالمان معلمى ديووركه : «اساسى بر قومك
 روحنه تعلق ، تماس ايلرسه بر فاجعه تاثيراتي اوزمان
 كوستير . حياتي ، قوتى منشاندن آير...» بو حكمه
 كوره (ايرانيلى) نادرالامثال بر فاجعه در . يونانستان
 قديمك تياترولرى پك فقيرانه ايمش ، زمانمзде لااقل

اون بش، یکر می او یونجی ایله اوینانان بالفرض شو اثر
 اووقت ایکی او یونجی ایله اوینا نیرمش . مثلاً مؤلف
 (آطوسا) ایله (سرخس) ی صحنه ده قارشیا لاشدیرمایور .
 چونکه بوا یکی وظیفه یی ده عینی او یونجی ایفا ایله یور .
 حال بوکه بو تقابل کله یدی خوش بر منظره اولوردی .
 فرانسزلر بویله موقعه ده : « C'était une scène à faire »
 دیورلر . (تان) ک تیاترو منقدی (سارسه ی) بوا فاده یی
 چوق استعمال ایله یور . (سارسه ی) ی قارئلریمز
 بلکه بیلیلر ، اثرلریله ، اذکاریله شو صحیفه لری ایجه
 اشغال ایدیور . بو محرر معروف لطیف الاطوار ،
 مزاحکار ، یازمقدن اوصاف ناماز ، جداً قرق انبار بر
 اختیاردر . هیچ کتاب نشر ایله مز . لایعد ولایحی
 غزتلره ، رساله لره مقاله ویرمکه اکتفا ایدر ، مقاله لری
 قطعاً طوپلاماز ، طوپلاتماز . او یله اولماسه یدی ، ساده
 اوتوز ایکی سنه دن بری هر بازار ایرتسی منتظماً بلافاصله
 (تان) ده نشر ایتدیکی ایکی صحیفه تفرقه ایله قاموسلر ،
 محیطلر تشکیل ایدردی . حال بوکه بومقدار آتارندن
 برجزء ، کوچک برجزء در . پارسه لیلر (سارسه ی) .
 عمجه لقبی ویریرلر . (سارسه ی) ک بر عادت و ارمش ،
 یازی یازارکن قدح قدح بیرا ایچرمش . . پارسه برنوع
 بیرا قدملری واردرکه همان بر قووائی آندیریرلر . بونلره

تسمیہ بالند صورتیہ (نصف) نامی ویریلر . بریازار
کونی (سارسی) اوکنہ بویہ مشکل ، مالی بر (نصف)
قویارق تفرقہ سی یازارکن (تان) مدیری (آدرین
ہرار) ایجری کیرر . منقدك (C'était une scène à faire)
قول مبذوانہ تلمیح ایله (C'était une scène à faire) دیر .
(Seine) یعنی (سن) نہری . . جناس فنا دکل . مادام
(دیولافوا) (ایرانیلر) ك محاسنندن سوکرہ نقائصی
کوستردی . عالمانہ برتنقید یوروتدی . دارانك دیرلمسی
وسائرہ کی محالانك اہمیتی یوق . ازمنہ قدیمہ آثارندہ
بویہ مبالغات اولور . انجق تصوراندہ حقائق تاریخیہ یہ
بیوك بیوك خدیتلر وار . دارانك قبری (سوس) دہ
دکل (سوس) ہ ایکی آیلق برمسافہدہ کائندر . (آطوسا)
اختیارلرک یانہ ناصل چیقیور ؟ ایراندہ بویہ ملکہ لر
کیمسہ یہ کورونمزدی . حتی مقبرلری بیلہ انظار ناسدن
صاقلانمق ایچوق قات قات دیوارلرلہ احاطہ اولونوردی .
بوندن ماعدا فارسیلردہ اویلہ قبرہ شراب دوکمک وسائرہ
عادتلری یوقدی . ہلہ دارانك نصیحتلری نہ قدر تحف . .
طبقی (آشیل) ك خیالاتی (اولیس) ہ نہ سویلہ یورسہ
دارانك کی دہ اختیارلرہ بویہ ادارہ اسان ایدیور .
بوندن ماعدا (آشیل) ہ ، بوسوزلرہ کورہ ایرانیلر
(اپیکور) مسالکندہ صانیلیور . حیاتہ عین محبت ،

اذواقه عين انهماك. . . حضوظات شهوانيه عمرلك مقصد
 معلا سیدر ، حیات بر مضحکه در ، بوندن ممکن مرتبه
 متلذذ اولمی ، چونکه فردا مجهولدر . بونلر هپ یونان
 فلسفه لری که ایرانه هیچ توافق ایتمز . . مع مافیه (اشیل)
 بوتصانلری بیله رکدن اختیار ایله دی . قصدی ، املی
 یونانیلری شوخاطره ظفر ایله هیجانه ، خلیجانه ویرمکی .
 بومله ایرمک ایچون حقه اتقی بیله آفاق آلتنه آتقی کبی
 فداکارلقردن چکنمه دی . یوقسه (اشیل) ک ایران ،
 عادات واحوال فارسیه یی بیلدیکنه ینه بو اثرده نیجه
 دلائل وار . بو تقریرده ، بو او یونده بنی مستفید ،
 منبسط قیلدی . نه کوزل اصول معرفت . بویله اولورسه
 تیاترو بر مکتب ادبدر . بو مقررده بلیغه سایه سنده (اشیل) ،
 (ایرانیلر) نه در ایجه ذهنیه کیردی . یونان ، فارس
 احوالنه ، دارالره ، سرخسلره دائر فیکرمده مفید بر
 اطلاع حصوله کلدی . ازمنه متقدمه ده کی فاجعه نویسلره ،
 فاجعه یه دائر معلوماتم آرتدی ، بالاخره او یونده منظره ده
 بو مصاحبه یی برقات دها نفسیر ایله دی . مخابر حقیر
 ایچون اعلا برکون کچدی . تأسف اولونور که بو صحبت
 ونعمت ادبیه یی اطرافیه دها زیاده بیانه نه قلمده قدرت
 نه ده بو صحیفه لرده یر یوق . . .

عرض تعزيت

بوهفته کی محبراتمه باشلامدن مشكل بروظيفه تعزيتك
 ايفاسی اقتضا ايدييور . اوتهدن بری اقدامی ده ، بوخباير
 حقيری ده ، التفات و معاونت فاضلانهلريله مسرور و مستدار
 ايدن مستشرق شهير ، استاد بی نظير (بارييه ده مينار) ك
 مخدومی دون وفات ايلدی . هردرلو فضائل علميه ايله
 برابر اك بيوك محاسن فطريه يي ده جامع بولونان بوعلامه
 صاحب كمالاتك بويله آجي ، براولاد آجيسي ايله مصاب
 اولملری بالجله محبليخی ، تلميذلریخی ، مستفيض عرفانلریخی
 بالخاصه بزى داغدار اسف ايله دی . لسانمرك ، ادبیا تمرك ،
 مليتمرك شرقمرك غریبه باشليجه مدافع لرندن ، طرافدار
 لرندن اولدقلریخی ماده و معنأ اظهار واثبات بيوران
 فاضل مشارالیه قارشى بوحسیات تعزيتكارانه مزه بالطبع
 بتون قارئلریمز اشتراك ايدرلر . ادبیات غریبه يي (قولله ژ
 ده فرانس) ده تركجه مزى السنه شرقیه مکتبنده جدی
 برسى ، براجهتاد ايله تعالیم و نشر ايله دكدن ماعدا جلد
 جلد اثرلر ، آسیا انجمنی كبی عالی تأسیسلر ايله تا

فردوسی‌لردن ، شهنامه‌لردن ابتداءً زمانمزه قدر نیجه نفائس
 آثار شرقیه بی خزائن مجهولهٔ ماضیه دن برر برر اخراج
 ایله انظار عرفان غربه قدر شناسانه ، عالمانه عرض
 ایتک الی الابد شایان شکران بر خدمت جیدهٔ کزین
 دکلیدر ؟ علامهٔ مشارالیه شو واقعهٔ مؤسسهٔ حسبیه هر
 طرفدن فوج فوج علائم تعزیت و حرمت کوردکلری
 صیره ده شوندا ی اسفمزی ایشیتسونلر بزم ایچون وظیفهٔ
 شکر و منت بویله ایجاب ایلر . مخدوملری هنوز کنج
 ایدی . اوت ؛ بقا ممکن دکدر کرچه کیم دوان فانیده ،
 فنا اما بلای محضدر وقت جوانیده . شو قدر که فضلائک
 مزایای کزیده سندن بری ده صبر جمیلدر . بزه تسلی
 ویرن ده بوجهتدر .

هفته مکتوبلری

ترقیات ادبیه ، فرانسه انجمن دانش کبیری . یکی منتخبلر ،
 (آناتول فرانس) ، (قوستاده بورغار) ، یوم دخوللری .
 یکی نامزدلر : (فردیناند فابر) (آلبرواندال) ، (هانوتو)
 یوم انتخابلری ، بونلره دائر افکار وحسیات عمومیه ، مطالعات
 خصوصیه :

فرانسه جه ترقیات ادبیه نک اک کوزل مرآتی ،
 دیدیکمز کی ، اندام آینه سی — بعض احوال شاده دن

صرف نظر اولونديغی حالده — انجمن دانش کیردر .
 بر شهرت ادبیه ، بر تجدد ادب ، بر مزیت علمیه کاله
 قوامنه کلیدی کلمهیمی بومیزانه باقلى . در حال کورونور .
 فی الحقیقه هر نه دن سه گاه گاه یولسزاققر اولیور . خصو -
 صیاته شخصیاته ذکا ، دهاء قربان ایدیلیور . بونادرانک
 حکمی یوقدر . انجمن دانش برقچ آیدن بری یاز مناسبتیه
 همان تعطیلده کبی ایدی . انتخابات ، مذاکرات مهمه بتون
 تشرین ثانیه ، کانون اوله تعلیق اولونمشدی . . اعضادن
 پک چوغی سیاحتیه چیقمشلردی . (بورژوازی) لر ،
 (لوتی) لر کوچک ، بیوک (بریتانیا) لری کزیورلر ،
 یکی یکی محصوللر ایچون سرمایه لر طوپلایورلردی .
 فقط ایشته تشرین ثانی اولدی ، کانون اول یاقلاشدی . .
 منتخبلرک قبوللرینه ، نامزدلرک انتخابلرینه مباشرت
 اقتضا ایتدی . اول امرده اورتاده کچن سنه منتخبلرندن
 (آناتول فرانس) وارکه (فردینانزدهله سپس) ک
 یرینه کچور . . آناتول فرانس نادیده بر ذکادر ،
 بر قلمدر . آریازار . کوزل یازار . (غاستون ده شان) دن
 اول (تان) ده « حیات ادبیه » محرری ایدی « ادبیات
 حقیقه ده » بومقد کزیده دن بر نمونه کوسترک . (آناتول
 فرانس) دکمه ادیبلری علم و کالجیه یاری یولده بر اقیر

بر نادره عرفاندر . کانون ثانیده انجمن دانشه دخول
 ایله یور . بو یوم دخوله بر معتاد بر نطق ایراد ایده جکدر
 کیدردیکلر ، اکلار بونطقی ، بورسمی شو صحیفه لره بر
 تفیصل کچیریرز . قارئینمز انجمنک بوعادتیی بیلیرلر .
 هر یکی اعضا یوم دخوله سلفنه دائر اولجه ، حکمی بر
 نطق سویله مکه مجبوردر . اعضای انجمندن بری بوکا
 جواب ویریر . (اناتول فرانس) درت بش آیدن بری
 بونطقی حاضر لامقله مشغول ایدی . تا سویش قانالنه
 کیتدی ، مصری کزدی . بحر سفیدی طولاشدی .
 (فردینان دهله سپس) ک آنارینی بالذات کوردی . بو
 خصوصده بر فکر عمیق ایدندی . فقط اورتاده ، بیوک
 بر مشکل ، بر (پاناما) وار . (دهله سپس) سویش ایله
 دروه شان و شرفی بولدی ، سنه لرجه فرانسه نک ،
 عصرک اک بیوک آدمی عد اولندی ، هر طرفدن تقدیس
 و تکریم ایدلدی . دیرکن آرایه (پاناما) کیرنجه بوکاشانه
 صیت وصفایا بردن بره کو چو ویردی . طوزله بوز
 اولدی . (دهله سپس) لر (فردینان) دن (ویقتور) ،
 بیوک پدردن حفیده وارنجهیه قدر برر سارق . عد
 اولونیوردی . آرتق بوندن صوکره اسکی شعشعه دهادن ،
 (سویش) دن . خدمات سابقه دن کیمسه بر ذره بیله

کورمدی . شمعی (آناتول فرانس) غایه الغایه دقت
 ومهارت ایله ، ادبیات ایله ، حکمتله ، مزیتله سلفنک
 مساویسنی مسکوت عنه کچمکه ، محاسنی ممکن مرتبه
 آلقیشلامغه مجبوردر . اصول آداب انجمن بویلهدر .
 مع مافیه ماضیده بوکا مخالف حرکت ایدن ، سلفنی
 مواخذه وتقبیح ایلهین اعضا وارسهده اکثریت متوفایه
 شین کتیره جک حرکاتدن مجانبتی سویور . . طبع حلیمنه ،
 رفق فکرینه کوره (آناتول فرانس) ده بویکنجی
 قسمدن اولسه کرکدر . بر ایکی هفتهیه قدر بوجهتی
 آکلارز .

*

* *

ایکنجی منتخبه کلنجه (قوستاده بورغار) . .
 ایشه برذات که وادی ادبه بوزمانه قدر نامعروف ایدی .
 آناری ایسه (ساووا) یه دائر برتاریخدن عبارتدر . نه
 ایچون انتخاب اولوندی ، نه یه بر چوق ذکالره ، دهالره
 ترجیح ایدلدی . . بوکا اک برنجی سبب شوکه بومارکی
 شو انتخابده (زولا) نک یکانه رقیبی ایدی . . یانی
 یابریکنی آملیددی . انجمن دانش تراکتی ، حجابی
 قدرته ، شجاعته ، کستاخانه بر شجاعته ترجیح ایلیدی .
 حکایه نوبسی رد ایتدی . دیورلرکه بو (قوستاده

بورغار) ارباب اصلتدن برمارکی ایمش... (ساووا) نك
 بیوک برخاندانه منسوب اولمغله برابر مکمل بر صالون
 آدمی ایمش... انجمن دانش ایسه بر صالون، ادبیات
 ایچون، قلم ایچون، کمال ایچون بر صالون ایمش که ساده
 ارباب تألیفات دکل، اصحاب لقلقیاتده مأمن اوللی ایمش.
 (ایمش) لردن ده اکلاشلدیغی اوزره بوسوزلر شایان
 وثوق اولاماز... بری طرفده حریف بیوک بر مرتبه
 عرفان کوسترسون، بردورک، بر قومک تاریخچه اجتماعی
 وطیعیسندن شایان عبرت بر نمونه، برخارقه ابراز ایله سون،
 بر سنی فوق العاده مالکی اولسون، بر اسلوب متین
 حکمت میدانه قویسون... نه وار؟ حقیقت ادبیه و علمیه دن
 آیرلادیغی، اوهامی، قوری اقوالی، ساخته اطواری
 سومه دیکی ایچون انجمن دانشک ردینه اوغراسون،
 اک عاجزلردن، بسیطلردن آشاغی طوتولسون. ده
 نحفی یا کنز انجمن دانشک دکل، بر چوقلرینک بوابده کی
 شدت وحدت لیدر. اوته کی نه ایسه اما شو بریکلرک
 بوغریب اوفکه سنه اذعان بر درلو معنی ویرم میور...
 مدیتک، مدیت غریبه نک بعض شوائبدن تلویثاتندن،
 بز، شرقیلر بحق شکایت ایدیورز. بر نوع جوش
 و خروش فحشیاتدن، وفرت سفاهات وسیئاتدن بیزار

اولیور . قلباً ، عصمه زده نیورز . . اعلا بو بر خاصه
 مقبوله که صفوت فطرت مزه دلالت ایلر . . یکی ینه بو
 مدیت غریبه عالمندن بر منصف ، بر حقکو شو پرده
 آلتده کی رذائل جمیز کی بر قلمله برر برر میدانه
 چیقاریر ، غربیلرک یوزینه فیرلاتیر ، حقائق یکان یکان
 میدانه دوکرسه بو صاحب خیری بز علی الخصوص
 تقیجی ، یوقسه تقدیر می ایتلی یز . بر یاره کورلمزسه ،
 آکلاشلمازسه تداوی اولونماز . . غربک بویارملری قاله
 آتماز ، معاینه اولونمازسه بویله مستور قالیر ، بیور ،
 کیدر . غریبدر : بالفرض (نانا) یی اوقوموق مضر
 اولی رده کورمک ، همده چرکین بر صورتده کورمک
 مضر تدن عاری عد ایدیلیور . (نانا) یی اله المقدن توقی
 ایدنلر پارس عالم سفاهتمه نیجه (نانالر) له دوشوب
 قالمقدن چکنمه یورلر . . (اوقتاوفویه) ، (ژورژاونه)
 حکایه لر یله قفامزی طولدیریرز . قادین ، ارکک ، قیز ،
 اوغلان بر برندن زیاده لطافت و مزیت معنویه ایله متخلق
 انسانلر ! اوح نه اعلا ، نه اعلا ! . . دیرکن فرانسه
 طوپراغنه آیق باصارز . . قارشیمزه مطلق بر (بویو)
 بر (موآن روژ) حاصلی بویله بر فحش خانه قاچقینی ،
 نازنینی کلیر . . درحال (فویه) نک (سیدی) فی تخطر

ایلرز .. قیزی بوعصمتده ، بوخاقتده فرض ایدرز . بر
 ارککه راست کلسهک آنی ده معهود فقیر دایقسانلی
 صاینرز ... آرتق ضرردن ضرره ، خساردن خساره ،
 غفلتدن غفلته یوارلانیرز .. کوردیکزمی ؟ مطالعتمز درد
 حیاتمزه نه کوزل یاردیم ایلدی . بزو بووادیده نه لطیف
 رهبرلک ایتدی ؟ .. طبعیونک آثارنده ملوث جهتلر
 وارمش ! بکی اما بونلر نه قدر ملوث اولورسه اولسون
 حقائقک اونده بری دکل ... زمانهده ایسه بو حقیققلری
 بیلمه ییمز ، اکلایما ییمز یوق .. اویله ایسه بونلرک تأثیرات
 مضره سنه قارشى بو نوع مطالعات ایله اول امرده
 ساحلانسق دها کوزل اولمازمی ؟ ای بیلملی که بر فکر
 محاکمه وملاحظیه مستعد ایسه بویولده قرائلردن یک
 چوق استفاده ایدر . چونکه بونلر انسانه سیئاتی ساده
 سیئات دییه کوستیرلر اما قدرت مصورانهلریله ، طرز
 حکیمانهلریله برطرفدن فطرتده کی میل حسناتی ده اهتزاز
 دوشورلر .. پارسک ، فرانسه نک معالی ومحاسنی کوردجه
 اطرا واعلادن چکنمه یورز . فقط مساویسنه تصادف
 ایدرسهک سکوت ایله مه ملی یز . کچن بازار اقشامی بانتصادف
 محله مزک . اک معروف براکنجه محله کیتدمدی . یرلی ،
 اجنبی آرقداشلریمک یک چوغی بو یرلرک مداوملرندن

ایدیله . بوحال طرب وصفاده نلر کوردیکمی سویله سیم ،
 حقیقتیله غننه سیله سویله سیم سویله بیاسیم ، هیچ شبهه
 یوق ، (روغون ماقار) مؤلفی یاری یولده براقیرم ..
 قیزلر واردرکه رقص نامنه باجاقلرینی بر مترو هوایه
 قالدیریورلردی . ارککلر ایسه بومذاته قارشی صیری تیور ،
 سوینیور ، دهانه خلطلرده بولونیورلردی . یالکیز
 بوقدرمی یا ، بونلردن ماعدا هر کوشده حسابیه ، وجدانه
 صیغماز ادب و عفت جرائمی کیف مایشاء اجرا اولو-
 نیوردی . بوحالات حکومتک مأمورین ضابطه نك نظر
 جوازی آلتندم حریان ایدیوردی ، اکثریتله ناظرلر ،
 سیرجیلر ، حتی فاعللرده فرانسه نك ، خارجک شبانی
 ایدیله .. بوزوالیلره فکرآ باشقه بر تربیه متینه ویریلیدی ،
 بویله عالملرک حقائق نه در عواقبی نه درلودر ذهن
 نوشکفته لرینه صوقولاییدی بر (نانا) ، (بر آسومورا) ،
 (ژرمینی لاسرنو) ایله ، بوقیزغین دمیرلرله وجداناً ،
 معناً ، ادباً ، حکمةً توپلری اورپرتیلیدی . بوچرکابدن
 معدملری بولانیردی .. بنجه بر حقیقتدرکه بو جرخ
 اولوناماز ..


شوایکی رسم قبولدن ماعدا قریباً انجمن دانش
 ایچون اوچ بیوک انتخاب اولیور . (آلکساندر دومافیس)

ایله (لئون سای) ، ، (شامل لاقور) . برر خلف تعیین
ایدیلیور . برنجی ایچون کچن بهارده بیوک مناقشه جریان
ایتدی . بوکاده سبب (زولا) ایدی که صوک دورده
اون آلتی رایه قدر چیقدی ، بررای دها آلایدی ، بو قدر
موانه رغماً ایچری کیریوردی . بوسفر (زولا) ینه
نامزددر . فقط شمدی رقیبی اوایکی کبی بروکیل دعاوی
دکل ، آسوده مرغوب ، محترم بر حکایه نویسد ،
(فردینان فابر) در . بوذات اک زیاده صنف رهبانه ،
مسلک روحانییه دائر اثر یازار . ذاتاً اولجه راهب ایش ،
تبدیل مسلک ایله مش . . مع مافیہ املاً ، علماً ، قلماً ،
معتدلدر . انجمن دانش ایچون عادتاً بچلمش خفتاندر .
بوکا بناءً (زولا) طرفدارلری بوسفر مایوس کورونیو-
رلر . مجادلهیه کیرمه مک بیله ایسته یورلر . ایکنجی ایچون
نامزد یکانه (آلبر واندال) درکه زمانک بیوک بر مورخی ،
علوم سیاسیه مکتبنک براستاد بنامیدر . آانارنده اک زیاده
امور شرقیه و بالخاصه روسیه ایله اوغراشیر . ذاتاً مؤلفاتی
تعدد ایتمز . حجت عرفانی کچنلرده نشر ایله دیکی ایکی
بیوک مجلددر که برنجی (آلکساندر) ایله بیوک (ناپوایون)ک
(تبسیت) ملاقاتنه دائردر . بنوع مورخلر تاریخک
(مونوغرافی) دنیان قسم مخصوصنه چالیشیرلر . (لهئون

(سای) ده علوم سیاسیه مکتبده خواجه لک ایتدیکی ایچون
 بوخیر الخلف انجمن دانشجه پک مصیب کوریایور .
 تاریخ بوصوک دورده بیوک برفیض آلدی . مورخین
 جدیده (کیزو) لری ، (تیر) لری بوجهتجه کواکده
 براقدی . رفقادن علمک بوشعبه رنکینه مراق بیورانلر
 بالخاصه (سورل) ، (لاویس) ، (رامبو) ، (هانوتو) ،
 (واندال) کبی مورخلری اوقوسونلر . کافیدر . بونلرک
 هربری بووادیده بردورک قهرمانیدر . (سورل) بالخاصه
 کچن عصرک اواخریله صوک عصرده کی فرانسه ایله روسیه
 ایله بر مسئله شرقیه ایله اوغراشدی . (لاویس) باشلیجه
 آلمانیا شمدیکی آلمانیا فرانسه یه طایتیدی . (رامبو)
 یکی ، اسکی روسیه نک بر مصور حقیقیسی اولدی (هانوتو)
 اون التیجی ، اون یدنجی عصرده کی فرانسه دن برچوق
 حقائق استخراج ایله دی . (واندال) ایسه صوک
 روسیه یی ، امور شرقیه یی میدان دوکدی . بو مؤلفلرک
 هربری شعبه لرینه دائر او یله تحقیقات ، تدقیقات یورو-
 تدیلرکه شمدی یه قدر بویله تاریخ یازانلر یوق کبی ایدی .
 بالفرض (لاویس) سنه لرجه آلمانیا ده بولوندی . مادام
 (استائل) اووقتک آلمانیا سی ناصل کشف ایتمش ایسه
 (لاویس) ده بوزمانک کنی او یله ظاهره چیقاردی .

(واندال) ، هله (رامبو) ايسه ، تعمير معذور کورولسون ، روسيه نك عادتاً بر قورديدرلر . . (سورل) طول مدت شرقدہ کزدی . بو مزايای کسيه دن ماعددا بو ذاتلر فطره ده خارق العاده درلر . هپ کوزل يازييورلر ، باخصوص کوزل سويله يورلر . اودرجه نطوق ، او قدر خطييدرلر . (هانوتو) آنجق بلای ، باشلی بر اثر : بر « قاردينال ريشليو) ميدانه قويמש ايکن ايشته انجمن دانشه خواهشله دعوت ايديليور . چونکه بيوک بر بهره سياسی کوستردی ، بر مزيت خطابت ابراز ايله دی . (شامل لاقور) ده سياسيوندن ایدی ، رئيس اعيان ایدی . بويله سلفه اويله بر خاف هر طرفه مناسب کورلدي . الله استعداد اولونجه کارکندين کوستير — (کنديني) ديه م ، چونکه وزن الدن کيدر . . طبقی : حسن اولور کيم سير ايدرکن اختيار الدن کيدر ، کي . ينه کچنلرده ارقداشلر مدن بری نقل ايله يور . اون اون بش سنه اول (هانوتو) قولتوغنده بر جزؤدان آسوده آسوده (شارن) مکتبه دوام ايدر کوچک بر خواهجه ، بر خواهجه تاريخ ايمش که صنفده آنجق برقاج طلبه وارمش . . اکلنجه بيلمز ، اويون بيلمز . بر کتبخانه يه ، بر حجره سنه ، برده مکتبه کيدر ، کليرمش . . کونک برنده بر غزته ده

نشر ایله دیکی بر مقاله تارخیخه حس-بیله پارلاییه یرمش .
 خارجیه نظارتنه ، (غامبتا) نك ، (ژول فری) نك معینه
 کیرمش .. دیرکن چوق کچمه مش ، بومرتبه یی بولش ،
 کوندن کونده ایلر یله یور . سن ایسه هنر ز قرق
 راده لرنده در ،



مصاحبه علميه

« مصاحبه علميه » عنوانى آلتنده قارئین کرامه زمان زمان بويله مقاله لر عرض ايده جکيز.. شو (علميه) وصفی مدعيانه کورلمه سون ، بومصاحبه لر پارسک اک يوجه تدريساتندن مقتطفدر . شکسته بسته در . بلکه ده ناقصدر . ناتمامدر .. فقط هر حاله حقيقيدر . نافعدر . کچن سنه ينه بوموسمده (صوروبون) دارالفنوننک ادبيات حقيقيه درسلي ني شو صحيفه لره نقل ايدرکن : « ادبيات نخبه آمالدر » ديدمدى . شمدى ادبياتدن زياده علوم سياسيه و اخلاقيه نخبه آمالدر . ادبياتده کوزل . فقط بزمنچون اک کوزل بريکيلردر . بنده کي شوتحول امل صورتده برعدم ثبات اماره سيدر ، فقط حقيقتمده اويله دکلدر . مقصدينه عين مقصددر .. هدف ينه اوهدفدر ، يالکيز بونلره ده اول ، ده امين بر صورتده وصول ايچون يول ديكشدى . پک چوق نواقصى اولديني حاله قارئین کرامدن « ادبيات حقيقيه » درسلي ني خوش ، موافق ،

مفيد بولانلر اولدى . بنجه بومصاحبه علميه لر اودرجه خوش ، يعنى بسيط ، سطحى اولماسه بيله دها فائده منددر . فكر حقيقت ايچون دها لطيفدر ، دها جاذبه داردر . بو مقاله لر بردرسه ، برعلمه برشعبه انحصار ايتمز . هرتلدن چالار .. آنجق هر مصاحبه يکنسقدر . شبهه يوق ، هر درس ايچون دائما بر مقاله يازه بيلمک ممکن اولايدي ، اعلادى .. فقط بوکانه بنده وقت ، اقتدار ، نهده شو نشر يانده وسعت وار . بر زمان مطبوعاتمزدن برى (خوشه چينى) ديه کوزل بر تعبير ، بر ترکيب بولمىدى . بومصاحبات علميه بر خوشه چينيدر . پارسک دارالفنون ترلارلرندن بر خوشه چينيدر . اک زياته مکتبليمز ، طلبه من بنى دوشونديرير . ابي ، کوتوشو سطرلرى قارالارکن بتون بونلره خدمت اميدى ، معاونت شوقى رهبر خامه مدر ، تازيانه فکر عاطلمدر . قارئلمک آراسنده بونوع هوسکاران عرفانک وجودىنى تصور ايتمک بنجه برمفخرتدر ، بز طلبه ايکن مطبوعاتمزدن بعض نقطه لرده فوائدمزدن دم اورمقله برابر اکثرياده مضراتمزه خدمت ايله يوردى . قولاغمىزى بيسود ، بوش ترانه لرله طولدير . ييوردى . غايه علوم وفقونى آينه ادراکمزه پک سطحى عکس ايتدير ييوردى . غروريمىز ، اوهايمىز ،

خیالاتمزی کیف مایشاء اوقشایوردی . اما حقا ثقمزی
هیچ تهذیب ایتمه یوردی . بر ذهن نوشکفته یی ، اک زیاده
تحصیل و تکمله محتاج اولدینی بر دمه ، بیلدیکمز معهود
غزافر و شلغه ، قصیده پردازلغه سوق ایتک فناءلقلک
اک بیوکیدر . بومالایغیلره صرف ایدیلان اوقات قیمتدار
هدردر . صحائف مطبوعه مز بویله طفلانه شائبه لردن
هنوز قورتولمادی ، فقط بز بوسیئه نک اک بیوک دردینی
چکدک .. بو آجینی شمدی آکلایوروز ، شو ملاحظاتی
کوزدن کچیرنلر امین اولسونلر .. وادی عرفانده ساده
مساعی کیفیت ایتمز ، هدفی ده کوزل تعین ایتک لازمدر .
صباحلره قدر کوز نوری دوکه رک ایکی پاره ایتمز ، بر
ایشه یاراماز ، مفید دکل بـاکـه مضر بش بیت وجوده
کتیرمک برنوهوس ایچون نفس ادب و عرفانه قارشیی
بر سوء قصددر . چونکه عمرک اک لطیف ، بونکله برابر
اک مشکل ، اک دقیق بردمنی تشکیل ایدن بوایام تحصیلک
وظائفی ، مشاغلی بیوکدر ، وفیردر ، بنابرین تصرفی ده
پک متیقظانه ، عادتاً مسکانه اولمایددر . مطالعاتمه بـاکـه
اصابت یوقدر . نه مه کرک ، بنجه حقیقت بویلددر . بو حقی
مدافعه ده بورجمدر . زمان کیتدکجه ظنمی تأیید ایله یور ..
شو حسب حالدن مقصد بومـصـاحبه علمیه لرک روشنی بر

پارچه تعییندر . یعنی بونلر طلابه بردستور دکل ، حاشا ،
برخاطره ، برخاطره حقمون اولوق داعیه سیله یازیاور .
مضامین ، اساس ، روح جهانک الک بیوک فضالاسندن ،
فرانسه نک مابه الافتخار معلمینندن مقتطف اولدینی ایچون
سوزلرم امید ایدرم که مسموع بلکده مقبول اولور .

*

* *

فرانسه دارالفنونلرنده برعاتت واردر . معلم هفته ده
بالفرض بر ساعت درسه حصر ایلر دکل . ایریجه بر
ساعت ده عین درسه دائر مذاکره یه تخصیص ایدر .
بوندن ماعدا بعضاً اوچنچی بر ساعتده طلبه یی تقریر
وتألیفه آلیشدیریر . . مثلاً انجمن دانش اعضاسندن مورخ
مشهور (آبرسورل) فرانسه نک افاضلنددر ، علوم
سیاسیه مکتببنده (تاریخ سیاسی) معلمیدر . جهان دکر
برفصاحت ، برطلاقت ، برقدرتله یازار ، سویلر ، حقیقی
برعلامه ، براستاد فضائناماددر ، بومدائحی قوری بر
انجذاب علامتی صانماییکز . . فی الحقیقه اوتهدن بری هر
یرده بویله توصیفات مبذولدر ، فقط بو توصیف حقیقی
آنلره مقیس اولاماز . . چونکه آثاره ، اقواله ، افعاله
مستنددر . بونلری ده پیدرپی کوریرز ، (آبرسورل)
کچن چهارشنبه کونی (تاریخ سیاسی) یه باشلادی ، بر

درس ویردی . بوکون اودرسه دائر برمصاحبه ، بر
مذاکره یورتدی که ایشته شو مقاله مزه اساس بوماده
کزیده در . (سورل) ک بو تدریساتی عصر حاضرک
تاریخ سیاسیتندن متشکلدر . ایکی سنه ظرفنده تدریس
اولونیور . بر سنه ۱۷۸۹ دن ۱۸۱۴ ده قدر کلیور .
سنه تالیهده بو تاریخدن بدأ ایله زمان حاضری بولیور .
بوسنه ، حسن تصادف ، قسم اولدن باشلاپورز . بو
کونکی مذاکراتک موضوعاتی شونلر ایدی :

اولا درسک خطوطی .. یعنی نرم لردن نه صورتله
کپیورز ، هانکی نقاطی تعقیب ایله یورز ؟ هانکی نقطه -
لرده چوق طور ییورز ؟ حاصلی درسه حاضر لایمق
ایچون طلبیه برجدول ، بردستور ، بردمدار ..
ثانیاً نسخ اصلیه واساسیه ... مناقشات ومذاکرات
نه وجه ایله جریان ایتدی . اوراق ، وثائق آثار نه در ؛
نرمده در ؟

ثالثاً بوتحصیلی یورومتک ایچون نه صورتله چالیشمیلدر .
طلبیه اوکرتلمیلدر . نسخ اصلیه نه صورتله تنقید ، اثرلر
نه وجهله تدقیق ایدیلر بیلدیرمکدر . بواوچ موضوعدن
برنجی وایکنجی بوسنه مذاکراتنده .. اوچنجی
کله جک سنه نککیلرده کوره جکز . بوندن ماعداینه

بوسنه (بيليوغرافى) ديدكاري اصول كتيبده بودرسه
تعلق ايدر صورتده كوزدن كچيره جكز . (سورل) بو
مقدمه دن صوكره شو سوزلري سويلدى :

« تفصيلاته كيريشمه دن اول سنه آتیه جدولمه
كچيرديكمز » بودرسه ناصل چايشمايدر ؟ « فصلانه دائر
براجمال عرض ايتك ايسـترم . بوبابده خواجهيه تعلق
ايدن وظيفه اول امرده بالطبع درسنى حاضرلامق ثانياً
سوزلريني طلبه يه ديكلتمكدر . شاگردانه ترتب ايله ين
وطيفه ايسه اولاً ديكله مك ، دقتله ديكله مك . ثانياً ضبط
تقرير ايله مكدر . [*] (نوط) آلمقدر . ديكله مك
خصوصى الدهدر ، استعدادده ، ميله تابعدر . ضبط تقريره
كلنجه بونكچون بر مهارت ، بر ممارسه ، بر نوع فن
ايستر . اولاً افكار عموميه يي ، قواعد اساسيه يي اخذ

[*] لسانمه كلمات افرنجيه صوقق اك برنجى ضددر . فقط
بعض محررلريمز ، مترجلريمز هيچ بر سببه ، فائده يه مستند
اولفسزين ، بوجهتى او قدر سوء استعمال ايله ديلر ، تركجه يه
الفاظ اجنبيه صوقديلركه هر كس بونلرك بزرده مقابلتي همان غائب
ايتدى ، يا غائب ايتك اوزره در . ينابر ين بويله ايكيده برده
بزرده قوس آچق ضروريدر . بوسوء استعمالته ده هيچ برفائده
يوقدر . بوني (لسان بحث) ديه بر مقاله مده اثبات ايتدمدى .
تأسف اولونوركه بومقاله كسوة طبعه كيرمه ده . اوزون اولدينى
ايچون بر كوشه ده قالدى .

ایله ، اشارت ایله اکتفا ایتمیدر . اوילה تفرعاته یاییلما-
 ملیدر . حرفی حرفنه تقریری الده ایتمه قویولماملی ،
 چابالاماملی در . بنده افکار عمومیه آذر ، اوقدر آذرکه
 بونلر اکثریتله تکرر ایدرلر . تکرر ایتدجکه طلبه کولرلر ،
 بربرلرینه قولاتوق دورترلر . عامهجه زبانزد اولدیغی وجه
 ایله : ایشته خواجه ینه (دادا) سنه باشلادی . دیرلر .
 مع مافیه شایان دقتدرکه شاگردان اکثریا امتحانده بو
 افکاری . شو (دادا) لری ، لسانمک پلمسنگلرینی — کله
 پک عامیانه در اما طوغریمیدر ؟ بویله میدر ؟ — بیلمزلر .
 چونکه بونلر مبدول بولدقلری ایچون ضبط ایتزلر ،
 دفترلرینه ، خاطرملرینه صوقمازلر . حال بوکه نجه تقریراتمک
 اساسی بوماده لردر .

• ضبط تقریر خصوصنده کندی یاغکزله قاورولکنز .
 (استه نوغرافی) یه واقف اولسه کنز بیلله شودرسلرده
 بو واسطه یه مراجعت ایتیه کنز . چونکه چوق وقت غائب
 ایدر . آز استفاده ایلر سکز . هله (استه نوغرافی) ایله
 درسلمدن ضبط ایدلمش دییه اوتده بریده صاتیلان
 طاش باصماسیله مطبوع دفترلره هیچ هوس ایله مییکز .
 بونلر باشدن اشاغی خطا ایله مالا مالدر . اکثریتله
 اویدیرمادر . مضر اولور مفید اولماز . برده بوددفترلی

یازانلر ، باصانلر حقوقه تجاوز ایله یورلر . نه حق ایله
 بلا مساعده درس لریمی غصب ایتک جراتنده بولونیورلر ،
 بوندن توقی ایدک .. شاید (استوغرافی) ایله سوزلریمی
 ضبط ایتسه کز بیله زنه ار بونوع طابعاره ویرمه ییکز .
 مکتب اعدادیده ایکن آفرین الملق ایچون کوزلجه ضبط
 تقریر ایلردیکز .. شمدی بووظیفه یی اقبالکز ، تحصیلکز
 ایچون ایفا ایده جکسکز . کوریورسکز معلمک النده
 برخلاصه وار . درسنی بوخلاصه یه باقه رقدن ویریور .
 توسیع ایدیور . ایشه مضبوطاتکز بوپارچه دن عبارت
 قالسون دها ایلری کیتمه ییکز . وقتم اولسه یدی بوقسمی
 سزه دایما استکتاب ایدردم ... فقط وقتم توق ... بواجال
 افکار عمومیه دن متشکادرکه بالاخره بعض مساعی دها
 علاوه ایدیلنجه باشند اشاغی درسنی محتوی اولور .
 بنابرین تقریردن آنجق بونقطه لری ضبطه ، کاغده کچیرمکه
 اهتمام ایدیکز . بونلردن برینی ذکر ایدر ایکن بن دایما
 یا : « ایشه برنقطه که بالخاصه نظر دقتکزی جالبدر .. »
 یاخود : « بوبرماده اساسیه در ، حفظ ایدیکز » کی قید
 قوللانیرم . درسده کی مضبوطات قلمیه کزی بویله اساسه
 حصر ایدرسه کز هم دقتکز یورولماز ، همده وقتکز بول
 اولور ، خامه کز ، فراخ فراخ یوریر . بومضبوطاتک

بالآخره توسیعی ایچون برمارسه یه محتاجسکز که اوده برقاچ
نمونه کورمه کز ، او قوما کز یا پما کز ایله حصوله کلیر ..
بویولده اک مفید ، اک پارلاق نمونه لری . (تن) ایله
(فرستل قولانثر) ده بولورسکز .. بونلر کتابلری
خارق العاده بر صنعتله خلاصه ایدر لر ، بر فهرس مواد
یا پارلر . ذاتاً بوفهرس کتابک قاناوچه سیدر ، اساسیدر .
طبقی سزک شودرس ایچون آلا جغکز قیدلر کبیدر .
طبقی المده کی خلاصه یه اجماله بکزر . بالفرض (تن) ک
آثارندن بر بابی اوککزه قوییکز ، او قوییکز . پی در پی
خلاصه ایدیکز . صوکره بو خلاصه یی اثرک نهایتنده کی
فهرس مواد ایله تطبیق ایله یه رک فرقلری کوریکز . بو
یولده ملکه قازانیرسکز ... بو تجربه یی بنم آثارمله ده
یورتمک ایسترسه کز (اوروپا و فرانسه ...) نامنده کی
تألیفمک بوفصله تعلق ایدن او چنچی جلدینه مراجعت
ایدیکز . حاصلی بواجمال ، اختصار اصولندن ایرناییکز .
تفرعاتی ، وقایعی اوزون اوزادی یه ضبطه لزوم یوقدر .
بونلری هانکی کتابده اولورسه بولورسکز ... ذاتاً هر
درسی بالآخره مطالعات ، قرائت ایله توسیعه مجبورسکز .
بونکچون سزه دائماً محل مراجعت توصیه ایلرم . ذاتاً
بوجهت شومذاکره مزک بررکنتی تشکیل ایدیور . مثلاً

کله جک در سده ۱۷۸۹ تاریخ لرنده انکاترمک اوروپا
دولت لریله مناسبانندن بحث ایده جکم . بونکچون خار جدن
بعض آثار مطامعه ایتزسه کز درسی نه حفظ ایده بیایر -
سکیز ، نه ده بحق آ کلا رسکیز . بناء علیه بودرسله برابر
هانکی کتابلری ، باخصوص بوکتابلرک هانکی فصللری
اوقومکیز لازمدر ، بوجهتی بیلیمک وظیفه کزک بر قسم
مهمیدر . بوسورتله توشیح ایتدکدن صوکره مضبوطا -
تکزی ، قیودیکزی کوزدن کچیره رک ذهنکیز ده درسی
کوزلجه توسیع ، ترتیب ایله یه بیلیر سکیز . بنجه هر درسی
قلمه آلمغه حاجت یوقدر . بوخصوص چوق وقته
محتاجدر . انشاده ملکه ایچون ایسه بر ایکی تجربه کفایت
ایدر . بناء علیه بوجهته مراق ایتیه سکیز ... برده شو
وارکه بویالک درس لری تماماً ضبط ایده مزسه کز ، حفظ
ایله یه مزسه کز ، حاضر لایه مزسه کز ، مأیوس اولمایسکیز ...
بوبرالفترکه یاواش یاواش حصوله کلیر .. ابتدادن بویله
اولور .. چونکه خواجه یه بیکانه سکیز ، درسه بیکانه سکیز ..
حاصلی بویولده هنوز برنوع عجمیسکیز .. »
نه کوزل مقدمه دکلی ؟ باخصوص بنچون نه قدر
مفید اولدی .

بالاده ذکر ی کچن (تن) ایله (فوستل قولانثر) ی

قارئینز بلکہ طائیرلر . . برنجیدن بوصحیفہ لردہ چوق
 بحث ایتدک . فی الحقیقہ زمانک علومنہ ، فنوننہ ، ادبیاتنہ
 (تن) قدر نفوذ ایتش حکما بودورده آذر . کدا
 (فوستل قولانثر) ده مستثنا بر مورخ ، دقیق ، نوادا
 بر حکیمدر . آتیده ، ظن ایدرمکہ ، بومصاحبہ علمیه لردہ
 شو ایکی قطب کالدن اوزون اوزادی یه دم اورورز .
 (سورل) شووصایایی بتیردکن صوکره تفصیلات آتیه یه
 کچدی :

« درسمة بوسنه دوامه باشلایان افندیلره بوجئته متعلق
 بعض اصطلاحاتی تفسیر ایتمک ایسترم . . مثلاً « منابع
 تاریخیه » (Sources historiques) دیورز ، نه دیمکدر .
 « وثائق تاریخیه » (Documents historiques) نه در ؟
 نه لردن مرکبدر ؟ منابع تاریخیه وثیقہ لردن متشکلدر .
 بو وثیقہ لرایسه :

اولا : (دیپلوماسی) یه متعلق مخبراتدر . . .
 (Correspondances diplomatiques) هر دولتک ممالک
 اجنبیه ده وکیلری (représentants) واردرکه داءا
 مرکزده کی خارجیه ناظریه مخبراتده بولنورلر .

ثانیا (قونفرانس) لرك ضبطنامه لریدر (Procèsverbaux)
 کوریورز ، هر درلو مسائل سیاسییه دائر بین الدول

(قونفرانس) لر اولور . بونلرك ضبطنامه لرینه (پروتو قول) دیرکه نارنج ایچون یینه کوزل برمنبدر ، زمان زمان ، ایجابنه کوره بروثیقه در .

منابعدن ، وثائقدن باشقه برده خاطرات وارد .
ناظرلر ، سفیرلر ، حاصلی اکثریتله (دیپلومات) لر قولدن زیاده فعل آدمیدرلر . بر خارجیه ناظرینک اخلاف ایچون خاطرات قیدینه ، دفتر اعمال تحریرینه وقتی اولاماز .. بایکه سفرا بوکا وقت بولایسولر .. هر حالده بویله خاطرات محررین طرفندن یازیایر . بونلرده نافع نقطه لر اولایایر . چونکه اوزاتک احساب وقوفدن اولسی ملحوظدر .. یاخود بومصاحبه یی سز دیکله دکن صوکره مفید بولورسکز ، قلمه آیرسکز ، دفتر خاطرا- تکزه قویارسکز . ایشته بتون بو محررات اخلافه قایر .
وثائق تاریخیه دن اولور . شوقدرکه بونلرك بوسبتون صحت وفوآندینه اعتماد لازم کلز . بعضاً صرف دوزمه یا خطیه دار ، یا غرضکارانه اولایایر . مع مافیه بعضاده یك طوغری ، يك جدیدرلر . بو جهتلرك تمیزی هر کسک قدرت و فطانتنه کوره در . بو وثائق یا ال یازیسیله ، ناشنیده اولور . یاخود آثار مطبوعه دن بولونور . بو جهتك اهمیتی یوقدر . وثیقه صحیح اولسون ایستر


مطبوع ، ایستر غیر مطبوع بولونسون . مورخ تاریخی
 بونوع وثائق اساسیه استناداً یازار ، ساده بونلری
 مأخذ اتخاذ ایدرسه بویله مساعی به ، آثاره برنجی درجه
 آثاری ، برنجی درجه مساعیسی درلر . ایکنجی درجه
 مساعیسی ایسه اسلافک بویله وثیقه لره کوره وجوده
 کتیردکلری تألیفاتدن مستنبط ؛ مأخوذ اثرلر در . حالا
 ساده برنجی درجه اوزره چالیشیر مورخ یوق . شمعی
 هرایکی جهت مزج اولونور . هرایکی نوع مساعیدن ده
 استفاده ایدیلیر . مؤلفات ماضیه دن بیوک بیوک فوائد
 مستنبطدر .

تاریخ یا عمومی در ، بشریتک برقصانی ، برقومک
 باشند باشه احوالی بیان ایلر . (بوسسوئه) نک ، تاریخ
 عمومی کی یاخود خصوصیدر ، محصوردر . برشخصه ،
 بروقه یه متعلقدر (هابوتو) نک (قاردینال ریشلیو) یه
 دائر اخیراً نشر ایله دیکی اثر کی . . بوکا (مونوغرافی)
 دیرلر . اصول کتبه کلنجه : منابع تاریخیه اولمق اوزره
 آثار مطبوعه کفایت ایلر . ناشنیده ، نادیده منبعلره
 صوکره هوس ایدرسکیز . تحصیلکیز ایچون قسم اول
 کافیدر . براترک ، بروثیقه نک مطبوعی طوریرکن بر
 چوق وقت صرف ایدرک غیر مطبوعی آرامغه ، تدقیق

ایتمکه هیچ لزوم یوقدر . بر ماده یه ، بر بخشه دائر درلو
 کتابله مراجعت ایتملیدر ؛ بوبابده اصول کتبدن ناصل
 استفاده ایله ملیدر . بونک ایچون اک برنجی رهبر بر
 خصوصه متعلق کوزل بر کتابک مواد اساسیه سیدر .
 خاتمه ده کی ، یاخود ابتداده کی اجمالیدر . بواجماله کورده
 بر فهرس عمومی یه مراجعت اولونور . مثلاً ازمنه متأخره
 تاریخنه دائر کوزل بر فهرس عمومی (علوم سیاسییه)
 مکتبنک رساله شهریه سندم بر قاج سنه اول (۱۵) کانون ثانی
 ۱۸۹۰) نشر اولوندی . مؤرخیندن (غابرییل مونو) نک
 بویولده بر اثری ده واردر که غایت مفیددر . (تراجم احوال)
 — بالفرض (دیدو) نک کی — ده بومقصدده خدمت ایلر .
 هر صاحب ترجمه نک آثاری خاتمه فصلده بجملاً مندر .
 جدر . آلمانیاده بواصول کتب ایچون مکمل اثرلر
 وجوده کتیرلدی . بوخصوصه اتدن درسه تعلق ایدنلره
 عائد ایضاحاتی بیاناتی بندن آلیرسکز . »

برنجی مذاکره بوراده یتدی . فقط مصاحبه
 بالضروره اوزادی ، کوچک حروفله ده اولسه ایکی
 ستونی کچدی . . بزده ایسه برظن وارکه مقاله بوحدی
 تجاوز ایدنجه قارئنه غنا ویریرز . صانیورز . بو حال
 بنده هیچ واقع اولمایور . کوزل بر اثر نه قدر اوزون

اولورسه او قدر خوشمه کیدیور . حتی یتئویرنجه جانمی
 صیقیه . ر . بر طالب علم ایچون (سورل) ک بوسوزلری ،
 قلم قاصرمله منقول اولسه بیله ، کوزلدر . مفیددر .
 بنابرین غنا و یرمه ملی ، و یرمزده ؛ اوت ؛ مطالعه دن
 مقصد قوری بروقت کچیرمک ، اوقونانی آکلاماق ،
 بویولده فکر یورمامق ایسه اوزمان ایکی ستون دکل ،
 ایکی سطر بیله روح صیقار . یوق ، یوق . سعیک اک
 مستحسنی ، اک لطیفی شوق ایله ، هیجان ایله لبریزدرکه
 غنا نه در ، تعب نه در بیلمز . بویله اولونجه وجود
 یورولور ، تابدن دوشر فکرینه طورمز ، یورور .
 یورور . معنویاتک مادیاته درجه تفوقی کوستیر . بو
 مدافعه اساساً بر پارچه طرفگیرانه یعنی شوفضله ستونلری
 اوقوتمق ایچون ایسه ده حقیقته موافقددر . نظر دفته
 اصابت ایلر ، بکا حق و یردیریر . . چونکه غنمدده
 قارئین کرام اودرجه مکرمدرلر ، محقدرلر .



نقش برآب : حکایه نویسانکه دائر

دون پوسته کلمشی . مطبوعاتزدن بکا کوندریلنلره
شویله برکوز کزدیردم .. باقدم .. باشند باشه ادبیات ،
حکایه ، شعر ، بعضاً ده فلسفه ، یاخود معلومات فیه ،
معلومات ابتدائیة فیه .. بونلر اعلا .. هرکسک اوقویه
بیله جکی ماده لر .. فقط بوقوجه ساحه ده ارباب جدیده
غدا اولاییلر اساسلی مقاله لرده بولونمالمیمی ؟ برکره
نظر بیوراسون . اوروپا رسائل موقوته سنده نه بیوک
مسائل علمییه وار . هرعلمه مخصوص بررساله موقوته نک
وجودی ده جابا ! نیچون بز بویله یامایورز ؟ فنیات دییه
غزته ستونلرندن طوپلامه صحائف طفلانه نشرایله یورز ..
حال بوکه ادبیاتده ایجه ایلری کیدیورز .. بونقصانک
سبیلری همزجه معلومدر . اولا برنجی شق زوردر ،
آغیردر ، بیوک اساس ، درین براشتغال ایستر . ایکنجی
ایسه دهاقولای ، دهاسطیحی اولمقله برابر بزه مونسدر ،
موافقدر . برمحرمیز نه درلو تحصیل کورمش اولورسه

اولسون صقيلنجه اله قلمی آلیر ، خیال ، حافظه صاغ
اولسون بر حكايه ، بعضاً كوزل بر حكايه يازيويرير . هله
طبعنده استعداد وارسه اوزون بر منظومه بهمه حال
سويلر . فقط عين ذات ممكنمی كه بالفرض يا علم حقوقه ،
يا علم اقتصاده دائر بر مقاله قلمه آلا بيلسون .. مكر كه
بو علملردن تا ابتدادن بری بر بهره كلی ايدنمش اولسون .
بويله دكسه طاش چاتلاسه بويولده اثبات مزيت ايلر بر
صحيفه بيله وجوده كتيره مز .. (انحصار كئول) بحی
بر مدتدن بری فرانسه یی ، اوروپایی اشغال ايله يور .
هر طرفده عمومیتله مناقشات جریان ایدیور ، طور یور .
بویابده عالمانه ، واقفانه بر صورتده قلم اویناتیمان رساله ،
غزته قالمدیغی حالده صحائف مطبوعه امتزده بوجدیاتدن
انشراح صدره بادی بر نبذه كورمدهك .. نیچون فرانسه نك
ادباسنی ، شعراسنی اك متروك اثرلرینه وارنجیه قدر برر
برر طانیورز ، (موسه) یی ، (ژورژ سان) ی بلکه
بك چوق فرانسلردن دها ایی بیلورز ؟ نه دن علماسنی ،
فضلاسنی منسی براقیورز ؟ بریکیلر اوته کیلردن اقدمدر .
اوبرلری زینت مثابه سنده در . آرقه مزده اثواب ، اویمزده
اكمك اولمادقدن صوكره رنك رنك بویون باغلری
دوشونمك ، مذهب ماصهلر ، مطرا آویزملر تصور ايله مك

متانت افکاره دلالت ایتمز . بو موأخذملر هېمزمه ، فقط
هېمزدن زیاده شبانمزه عأندر . بز . شمدي اوتوزه
یاقلاشانلریمز آرقق زور تبدیل استقامت ایدرز . ادبیاتدن ،
هوائیاتدن ، سطحیاتدن قلممزی مشکل ایله چویریرز . بکا
اویله کلیور ، نفسمده کی بو نوع تجربهلر عادتاً یأسمه ،
فریادیمه باعث اولیور . نه اولوری ، بوندن اون . اون
بش سنه اول بنده بوقضا بولونهیدی ، ذهنم بر چوق
مالایغنی یرینه علوم حقیقه ایله ، ایلریده ایشه یارار
اساسلرله طولاییدی !.. حافظه کده اوتوز بیک مصراع
اولسون ؛ عجمدن ، عربدن ، ترکدن ، بش پاره ایتمز ،
ینه اصول مالیهی آکلایامازسک ، فقط ذهنکی باشقه
درلو پرورده ایدیک بویله اولمازدی . هم بواعیاد هوا
پرستنه انسانه فساتمایلات ویریور . جهانیه برنظر
بیقیدانه ایله باقق ، دائماً وهم و خیال ایله اوغراشمق
برطبیعت ثانیه اولیور . تاریخ ، جغرافیا هپ نفکره بر
شعر کی کلیورکه بوبرشیئه در . فیض حقیقی ایچون بر
سیئه مانعه در .

بونقیصه اورتادن قالقمازسه مطبوعاتمزده ، مؤلفا-
تمزده روح قوت اولماز . بالفرض حکایه یازی-ورز ،
همده پک چوق یازی-ورز . نه ایچون بووادیده مؤلنین

غربك كعبنه وارا مایورز . . روس محرر لرندن (تولهسو-
ئی) دن ، (تورکه نهف) دن فرانسه زجه دن ، انگلیزجه یه
ترجمه اولونمادق کتاب قالمادی . بزده نهیه بویله اولمایور.
برده حق الانصاف دوشونلسون هانکی حکایه مز واردرکه
امثال غربیه سیله اوموز اوپوشه بیلسون . حالاً بر حکایه
نویس علمه جداً آشنا دکلسه زور قلم یوروتور ، ساده
حافظه ، خیال پاره ایتمز . فکر جداً مهذب اولمی که ،
اون طقوزنجی عصرک اعتبارینه رغبتنه دکر بر اثر وجوده
کتیرسون ، یکی یکی نکته لر بولسون ، مزایا کشف
ایتسون ،

*

* *

بوآیک اون بشندن اعتباراً (رووده یاری) ده
اوتهدن بری شو صحیفه لره برچوق آتاریخی نقل ایتدی کمز
(مارسل پره وو) نک یکی بر محصولی نشر اولونمغه
باشلادی . بو حکایه نک عنوانی (بستان مخفی) در . برنجی
پارچه نظر مطالعه مدن کچدی . بکا اویله کلدی که مؤلف
بیوک بر بهرّه عامی یه ملاک ایکن خامه سنه مستثنا برادا
ویرمک ایچون عادتاً اضطراب چکیور . موضوع پک
ساده کورونیور : اورتا حالدیه برعائله دن برقادین ازدوا-
جندن اون اوچ سنه صوکره برکیجه اوپه سنده یالکز

قالیور . بر سیاحت حسبیلہ طشرہ یہ کیدن قوجه سندن
دور بولونیور . کندی کندینه حسب حالہ باشلا یور .
ایشته بوساده ، بومحدود اساس اوزرینه اوچ یوز المی ،
درت یوز صحیفه بر بنا قورمق کرکدر . آرتق دوشونملی ،
بونک ایچون خامه ده نه قدر عصاره ، نه مرتبه جوهر
بولونمیدر . چونکه بوحائف متعدده آرمسندہ لزومسز-
لری اولورسه بر باددر ، امک برهرا اولور . شوکوچک
موضوع بیلہ محررک طبیعتی ، میانی ، ناصل کوستریور ؛
قادین مکتوبلرندن (ژولیتک ازدواجی) ندن کورمدکی که
(مارسل پرهو) خامه سنی خانم الیلہ اوینا تمقدن
خوشلانیر ؛ دائما بویله یاپار . بوندن ماعداینه بواثرلردن
آکلامادقی که بونکله برابر حسب حال ، دفتر اعمال
طریقنی سور . (ژولیتک ازدواجی) بوصورتله یازلمش ،
نه قدر دلفریبانه یازلمشدر . قادین مکتوبلرینک ایسه
(سیمونه نک دفتر اعمالی) (لبالاقلر) کبی الک کوزل
پارچه لری بومنوال اوزره در . ایشته (بستان مخفی) ده
باشلیجه شخص وقعہ بویله بر قادیندر . محل وقعہ ده
بر او طه اولیور . اولا قادین نه اولدیغنی زهدن کلدیکنی
آکلاتیور ، باخصوص فصل صباوتی بک لطیف بر
صورته آکلاتیور . شو باشلانغجدن بیلہ مؤلفک قوه

عرفانی در حال تبین ایدیور . سوزلرده مزیت وار .
 مع مافیه بر منقد مدقق بوسطارلرده بلکه بر بوی تکررات
 بولابیلیر . حکایه نویس باشقه آتارندن صرف ایله دیکی
 دقائق ، نکاتی ینه عین صورتله بوشحیفه لرده تکرار
 ایله یور . ذاتاً چیغرده مکرردر . بو بر نقیصه در که
 (بورژه) لرك (موپاسان) لرك قلملرند ، هیچ واقع
 اولماز . بریکیلر هرایکی اثرده بریکی طرز ایجاد ایدرلر .
 یکی کوز ، یکی فکر بولورلر . ایشته (مارسل پروو)
 بو خصوصجه انلردن کری دیمک ایشه ده بونقصانی مزایای
 سائر ایله بلکه تلافی ایده بیلیر . قادین او طه سنده
 او طور ییور . کیجه یاریسی اولیور بر تخطراتدر ، تفکراتدر
 کیدیور . یانی باشنده کی او طه ده هنوز اون بر یاشنده کی
 قیز جغزی او یویور . (لیل اقلر) خاطره کتیرلسون .
 تصورلر نه درجه تکرر ایدیور . او پارچه ده ده بویله
 دکلیدی ؛ چوجق حجره مجاورده او یوما یور میدی ؟
 نه ایشه بومعصومه یه دأرده والده لسانندن اولدینی ایچون
 مونس حسب حال یوریور . بونقطه دن بر نکته صیچرایور .
 آنه سنک سوزلرینه باقیلیرسه بو اون بر یاشنده کی قیز نفع
 و مادیجه بیوکلرله یاریشه چیقیور ، ده ها بوسندن پاره . .
 تشدیدرا ایله پارره دوشونیور . زمانه دن بر علامت که

شمدی یه قدر تصویر اولونمادی . بونفصیلاتی اوقورکن
 ذهنمه بر مراقدر کیدیوردی : شو محدود ابتدا ایله
 محرر بوقوجه حکایه یی ناصل اکال ایدم بیایر ؟ باخصوص
 بو اوطه دن بو کیجه دن نه درلو بر مخرج بولور .. بز
 اولساق ، باجه دن پنجره دن ایچری مطلق بر عاشق
 صوقاردق ، حاضر یاتاق اوطه سندم یزده ! .. که کا ! ..
 بر معاشقه در . بر معانقه در . کیدر . کیسه یی بوله مازساق
 بو نعمته اوشاغی مستغرق ایدردک .. فقط بر لوردق .
 افندینک بیلدکلی اولور . شو اولور ، بو اولور . هله
 بو صورتله ساده بر حسبجالی ، بعض اون خیفه دکل ،
 بر خیفه بیله یوروته مزدک . شو مواخذمه بر پارچه
 ایلری کیدیورم اما بو سوزلر اوته دن بری مزیت
 کوسترمش محررلریمزدن زیاده مخبر عاجز کی بو وادیده
 یکی یلته نلره در . (مارسل پره وو) بو کچیده غایت
 ساده ، صاف بر قاجاماق بولیور . قادین بر آراتق دولابدن
 شبابنده ، قیزلغنده قارالادیغی روزنامه یی چیقاریور .
 یانه یاقیله اوقویور . نه روحپرور سوزلر ؟ نه رنگین
 خاطرلر ! برمدتده بونلرله کچیردکن صوکره بردنبره
 کوزینه بر آناختار ایلشیور . وای ، افندی آناختارلرینی
 عجله ایله چکمه سنک اوستنده اونوتارق کیتمش .. بو

نقطه ده حکایه باشقه رنک آلیور. بو آناختار ، بوچکمه ،
 بو حادثه اوزرینه روح شناسانه ، دقیقانه برایی صحیفه
 وارکه عادتاً معنوی بر تشریح درسنه بکزه یور ، بزه بر
 قلب رقیقی هر درلو الوانیله کوستریور . بو آناختاره ال
 سورملیمی ، سورمه ملیمی ، بوچکمه یی آچلیمی ،
 آچه ملی می ؟ بومسئله نك تصویرى تماشایه دکر نهایت
 چکمه چه آچیلیور . فاجعه باشلا یور . افدینك اوراقی ،
 اك مخفی ، اك محرم اوراقی میدانه چیقیور آجی ، آجی
 حقیقتلر اورتایه دوکویور . بر لحظه اول جهانك اك
 صالحی ظن اولونان بوزوجك متعدد آلفته لری وارمش ..
 حتی بونلردن بر چو جنی بیله اولمش ، ایشته ایك اوجی
 طوتلدی . آرتق صوکی چوراب سو کوکی کبی کیدیور .
 مقصد حکایه یی خلاصه ایتمک اولمادینی ایچون بویولده
 دهها زیاده تفصیلاته لزوم یوق . شو صحیفه لرده اك زیاده
 نظر دقنمه چارپان مؤلفده کی احوال روحیه یه ، حقائق
 نظریه یه اطلاع کالی ؛ برده وقایعه ، زمانه ، اموره
 وقوفدر . بونلر هپ قدرت علمیه ثمره لیدر .

مثلاً قادین ، قیز ایکن رنک رنک آمال بسله یور .
 مکتب صیره لرنده بر (ژورژ سان) اولمق سوداسنه
 دوشیور . پیانودن ، موسیقیدن امداد بکله یور . فقط

و قتا که اوله نیور ، آسوده حال بر عالمه صاحبی او ایور .
 بو طاتی املار برر برر سونیور ، سونمه یور ، اونودیلیور ،
 قاله بیله آلمایور . چو جق بشکی پیانودن زیاده ذهنی
 اشغال ایله یور . هیات ، احبامدن ، اقر بامدن نه قدر
 بویله کنج قیزلر بیلیرم ..

(استطراد — بو هفته کی ثروت فونوده کوزل یازلمش
 بر مقاله ادبیه وار که بر چوق تدقیقات صیره سنده شو
 (کنج) کلمه سنی ده قاریش دیور ، بر قاعده اورتایه قویمق
 ایسته یور . بو هفته تشکر اولونور . اسامیزی باشدن باشه
 قواعد آلتنه آلمق عادتاً بزمچون بر وظیفه در . آنجق
 بویولده بالطبع منطقدن حقیقتدن آیرلما ملی بز . صاحب
 مقاله : « کنج قیز — دیمه ملی بز . کنج مذکر در ،
 مؤنثی تازه در . » دیمک ایسته یور . بویله میدر ؟ بنجه بو
 جهت مشکو کدر ، حتی عرف استعماله مغایر در . کنج
 ترکیه بر صفتدر ، بویله در . بعضاً موصوفدن عاری اولارق
 « زواللی کنج ! » دیور ز ، مذکر آ کلاشیلیور ، مؤنث
 آ کلاشلمایور . بو خصوص هر لسانده بویله در . تذکیر
 دائماً تأنیثه غالبدر . بر قادین ایچونده ، بر ارکک ایچونده
 « کنج یاشنده وفات ایله دی » دینیر . چونکه تازه یاش
 اولماز . یوق ، مقصد بو صفتلری موصوف اوله رق

استعمال ایله دیکمز وقت شو نکته یه رعایت اولونسون
 دیمك ایسه بوده محالدر . عامه یی بوفره آلیشدیرمق
 زورجه در . بوندن برفأئده ملحوظ دكل .. نه ایچون
 برقید ؟ ذاتاً لسانمز قیود ایچنده ازلیبور . عربجه ده ،
 فرانسه زجه ده والسنه سائره ده اولدینی کبی بزده اشیا
 واوصاف ایچون مذکر مؤنث وارمی ؟ برده (کنج)
 ترکجه ، (تازه) فارسیدر ، بنا برین بوتوجیه شو جهته زجه ده
 عنیدر . مع مافیه ، تکرار ایدرم ، ترکجه مزى روابط ،
 قواعد آلتنه آلفه چالشمق هر حالده برسی مقبولدر .
 صده کلیم : اوت ، اقربامدن نه قدر بویله کنج
 قیزلر بیلیم : قوجهیه وارمادن اول ادیبه لکه ، موسیقی
 شناسلغه اوزه نیرلر ، استقبال ایچون دورلودورلو کاشانه صفا
 قورارلردی . فقط برکره اوله نیجه بتون بواملار بوشه
 چیقاردی . باشلیجه غائله : مطبخ ، تنجره ، چوجق بزى
 اولوردی . حقیقت خیاله نسبة پک بی اماندر . بو حکایه ده
 محررک بوالدینی برنکته ده کوچیجک قیزک فطرت نقود
 پرستیسیدر . حرص وهوس نقد کیده کیده انسانده علو
 جناب وارسه قیریور ، دوکیور . زمانه نك صبیانی پاره ،
 ثروت ، رفاهیت دوشونیورلر . اولدن ایسه اطفال بویله
 تمایلات بیلمزلردی . . مینی مینی دختر آنه سیله آزیجق

حسب حاله طالعچه همان فردای ملحوظدن ، ثروتدن ،
 نقوددن بحث ايله يور : - « آننه عجبا بر زمان كاملاً زنكين
 اولا بيليرمى يز ؟ آتليز ، آرابه لريز اولورمى ؟ زنكين ،
 حقيقى معناسيله زنكين ! بويله قورى ، محدود بر ثروت
 دكل . سز بوفرقى اكلاما يورسكز . » بوسوزلر اونبر
 ياشنده بر معصومه لسانندن چيقسون ، باخصوص بويله
 بر طور استخفافكارانه ايله چيقسون ، ابوينه قارشى
 چيقسون . انسان بوكا حيرتدن كنديني آلاماز . . مع
 مافيه تمايلات زمانه ي تابشكدن كوسترمك ايچون بوندن
 حقيقى تصويرده اولاماز .

شو صحيفه لرده نظر دقتمه چاربان بر جهتده جهان
 مدنيتك مخصوصات اخيره سندن برتاسيسدر : برادارده كه
 قارى ، قوجه آراسنده وقوعه كلن بودرلو معاملات
 محرمانه يه ال اوزانيور ، دهانه لره قاريشيور ! حريف
 قاري سندن كوچك بر شهبه ده بولونيور دكلى ؟ بواداره يه
 مراجعت ايتسون كافيدر . بوشهبه سنى حرفى حرفه ازاله
 ايلر . باله كس قادين قوجه سندن مشتكى ايسه ينه بوتاسيس
 امدادينه يتيشير . . طلاق ايچون واسطه لر بولور .
 آد مجغزى اولماق فيرلدا قلره صوقار ، باصديرير ، معناً
 آصديرير . حاصلى خاطر و خياله كلز دولابلر چويرير .

محرم بالمناسبه ايشته بويله برهيئت تصوير ايله يور . شبهه
 يوق ، بوتصوير برلوحه حقيقه دن مقتبسدر ، اويله اولماسه
 بودرجه رنگين اولماز . . اداره مأموري اوراق خصوص-
 صيه يي ، بواسراري شويله برکوزدن کچيردکن صوکره
 قادينه : « خانم اکلاشدي . شمدی بزه برجرم ، برجرم
 مشهود لازمدر . تا که افندي هيچ بر اعتراضده
 بولوناماسون ، مهوت قالسون . » دييور ، ياتفرعات سائره
 دها پارلاق دکلیدر ؟ بوتصاوير بوشي بوشنه ، کليشي کوزل
 ظن اولوناماسون ، بونلرک ضمننده اوروپاي مدنيتک درين
 درين انتقادلری وار . بوسطرلر آدمی دوشونديرييور ،
 نره دن کليورز : نرده يز ، نره يه کيديورز ؟ کوسترييور .
 ايشته بويله اولورسه حکايه مفيد ، مؤثر ، معنيدار اولور .
 برفن يرينه کچر . فقط بونکچون ، يعنی بويله يازا بيلمک ،
 بويله ياپا بيلمک ايچون يوقايدن بری ذکر ايتديکمز
 وجه ايله بهرء علمی صاحبي اولمق ايستر . ساده برکرم ،
 برده اصلی بولاييلمکه اولماز . ايکی غنجه ايله بر بهار
 کتيريله مز . بردوکون کلين کويکدنمی عبارتيدر بونکله
 برابر يا اوغنجه لر ساخته ، صولوق ، سونوک ، يا اوعروس
 وعريس کور ، طوپال ، ياپمه ، يالان اولورسه . . يازيق
 دکلی بوزع حکايه لری يازمق ايچون صرف اولونان اوقاته .

امکلمه .. (بستان مخفی) ده کی لطافتدن بری ده صفحات
 موضعه، عدد که طقی صفحات قری آندیرییور، عین
 آهنگ عین لطافت ایله برصفحه دن او برینه کچور. قادی
 آناختارلری بولدی، قوجه سیله درونی غیابی مبارزملره
 باشلادی، طلاق انتقام، ایچون چاره لر ارادی، معهود
 اداره تفتیشانه کتدی، برنجی فصلدن ایکنجی به انتقال
 نه قدر ساده، ملایم اولدی دکی؟ ایکنجیدن اوچنجی به
 عین صورت مرور واقعدر. کوچک برتصادف، بر
 تصادف که برچوق خاطرات صباوت او یاندیرییور،
 او یاندیرییورده او بر آلامی، اهانت زوجی، طلاق
 اونوتدیریر کی اولیور. بونلر هپ اعلا، هپ کوزل؟
 پکی .. به یله آثار وجوده کتیره بیلمک ایچون نه یاملی؟ ..
 نه یاملی ده به صورنله اداره خامه ایتلی؟ .. نه یاملی ده بو
 درلو نفائس، حقائق میدان قویملی! . اکتساب عرفان
 ایله ملی، احتیاجات عصره یارار صورتده صاحب علم
 اولمی .. یوقسه سوزلریمزده، یازدقلریمزده اولیاندن
 اولور.



هفته مکتوبلری

پارس دارالفنونك رسم كشادی ، تنظیمات جدیده ، فرانسه معارفی ، خادملری ، (لاویس) لر ، (رامبو) لر ، رجال حقیقه ، خدمات حقیقه .

چکن هفتهك پارسجه اك مهم وقایعدن بری ، بلنكده برنجیسی پارس دارالفنونك رسم كشادیدر . بودورده نادراً بویله براحتفال آهنگدار اولدی ، قوجه ، مزین ، مطرا ، او قدركه دیوارلرندن اك دلارا تصاویر معنیدار انجلا ایدیور ، حالی هیئتی ، صیره لری ، فسحتی انظار خارق العاده برلوحه ، بر ساحه عرض ایله یور . حاصلی بویله بر درس خانه . بر دارالفیض اك کوچك بر فرده وارنجیه قدر خنجا خنچ خلق ایله طولدی .

بوموفقیترلر دن بری ، بلنكده برنجیسی معارف جهتیدر . حكومات متمدنه دن پك آزی واردركه بویله نسبه جزئی بر مدت ظرفنده بوقدر ترقیات عرفان کوستره بیلمش اولسون . . المانیاك درت گوشه سندن مشهور (ساوینی)

کې خواجہ لر طویلا یوردی که بو غیرت ، بواجتهاد ثمر سیله
 (۱۸۶۶) (۱۸۷۰) ظفر لری الدہ ایتدی . عین وجه
 ایله فرانسه ده یکر می بش سنه اول ده ها حزین بر
 اضمحلالک فردای مؤثریله بو وادی عرقانپرستی نی
 طوتدی . مکتبلر آچدی ، متاع معارفه توصیفه صیغماز
 برواج ویردی . فرانسه بودجه سندن آغیر بر بودجه
 نادرا کوریلیر . او یله ایکن بو بودجه نك اك آغیر قسمی
 معارفدر ...

*

* *

بومملکتک اعظمندن (ژول فری) ی حیاتنده
 بیتمز ، توکنمز اعتراضلره هدف اولدی . فرانسه یه
 منتهای شرقده نامحدود ممالک قازانیدردی ، هیچ یوقدن
 بر مالکانه مستملکات علاوه ایتدی ده بالعکس شکرانه
 بدل کفرانه اوغرادی . دشمنلرنجه بو بر سلاح اولدی :
 « وای ، چوجقلریمز ، عسکرلریمز ، پاره لریمز ، ماللریمز ،
 بوقطعات مجهوله ده سونسون ، نابید اولسون .. وای ..
 وای » دییه فریادلر قوپارلدی . (تونکن) بیچاره حریفک
 قفسانه کچیرلدی . کذا ینه عین الدن چیقان معارف
 قانونلری . معارف تأسیساتی کیف مایشاء مؤأخذہ
 ایدلدی ، لغتلا ره مؤأخذہ ایدلدی .. وقتاکه آرادن پک

چوق زمان کچمه دی ، صیف عدل و امان ورود ایلهدی .
 آرتق مهر حقیقت کوزلره کیردی . کوشه دن ، بوجاقدن
 قوپان بعض کهنه مخالفتره باقلمایه رق (ژول فری)
 تجیل اولونمغه باشلادی ، هیئت اعیانه رئیس تعیین
 ایدلدی . چه سود ، خاتمہ حیات ده آد مجزیه بوتعالی
 حقله برابر ، ریاستدن اون یدی کون صوکره کلدی .

(۱۸۷۹) ده معارف ناظری ایکن (ژول فری)

معیتده ناظر لاحق اولدیغی حالدہ فرانسه دارالفنونلری
 ایچون بعض اصلاحات تصویره آلدی ، بویولده بونکچون
 برانجمن تشکیل ایتدی ، برتمل آتدی . انجمن دانشلری
 بر بر دارالفنون هیئتنه قویدی . صوکره مرکزده کی
 حقوق ، طب مکتبیلری دارالفنونک ادبیات ، علوم
 قسمی طویلادی . جمله سندن هیئتنک زیر اداره سنده بر
 دارالفنون تشکیل ایلهدی ، هر قسمی ایسه بوعمومدن بر
 شعبه مشابهنه قویدی . بوتشکیلاتی حصوله کتیرمک
 ایچون سنه لرحه چابالاندی . چونکه تا بنالرینه وارنجه یه
 بوتأسیسات ماده و معنأ تجدید اولوندی . بوکون شو تجدد
 موجبنجه فرانسه ده بردکل ، متعدد دارالفنونلر واردر .
 بونلر شعبات مختلفه یی محتویدر ، مع مافیه مستقلدر .
 باشلی باشنه بر هیئنه تابعدر . مثلاً پارس دارالفنونی حقوق ،

طب ، ادبیات ، علوم و سائرہ شعبہ لری استیعاب ایار .
 بواسطه محسناتی شودر که اولاً بتون شعبات بر هیئت
 عمومیه نك تحت اداره و نظارتندہ در . ترقیلری ، تعالیری ،
 تجدد لری مشترکدر . امور جه آرالرنده بر تعاون حکمفرما .
 در . . زمان حاضر ك علامت متمازہ سندن بری اختصاصدر .
 بر طبیب ساده طبیب اولمغه چالیشیر . هر شیئہ ، هر خیالہ ،
 هر محالہ اوزنمز ، مثلاً اقوام قدیمہ دہ ، بالفرض برخواجہ
 یتیمش ایکی علم ایله اوغراشیردی ، جمله سندن دہ الحق اضعف
 العباد بر شارلاتان اولا بیلیردی . مکرکه ابن سینالر ، ابن
 خلدونلر کی ازلی دهاتدن بولونسون . بونکله برابر
 تحصیل حاضر بر طبیبی ساده طب ایله اوغراشیرماز ،
 یعنی اودرجه محصور بر وادیده بر اقاماز . بوفکری دها
 واضح ، دها مجمل بیان ایتک ایچون معارف ناظری
 (رامبو) نك نطقندن شو پارچه بی عیناً نقل ایله مک
 مقتضیدر . « دارالفنون حاضر هر شیئی بیلیر ، فقط فنا
 بیلیر آدملر ، صاغدن صولدن شهادتنامه لر طوپالایان
 سطحی مقلدلر ، پیاغانلر یتشدر مکله مکلف دکل . مع مافیه
 میدانہ قویدینی اطبا ، ادبا علمای حقوقده یالکز بو
 وادیده محصور ، محدود قالمازلر ، بر شعبه تحصیل ایله
 اکثفا ایتزلر . » (رامبو) شو تجدد اخیرک تا ابتدادن

بری مروجلرندن ، خادملرندن ایدی . بوکون خدمت
 متمادیه سنک ثمراتی اقتطاف ایله یور . هم ده اک کوزل
 صورتله ، رئیس ، ناظر صفتیله اقتطاف ایله یور . حقیقت!
 زمانمزد علم حقوق طلبه سندن بری ساده مکتب - حقوق
 ایله اکتفا ایدمز . (صوروبون) . . (لارومه) یه ،
 (فاکه) یه (ده شانل) . حاصلی ادبیاه ده دوامه مجبور
 اولور . چونکه بویله اولمازسه محدود قایلر . محررین
 و معلمین حاضر . آراسنده بعضیلری وارکه هم مکتب
 حقوقدن ، هم ادبیاتدن مأذوندلر . مثلاً نظار شبان
 سابقه دن (پووان قاره) کبی که اعلا بروکیل دعاوی ،
 بیوک بر ادبدر . هله بر قسمی ده انحصار کئول مروجی
 (آغلاو) کبی هم حقوق عالمیدر ، هم طیبیدر . شبهه
 وارمی که بوذاتلر شوپله ذوالجناحین اولمق سایه سنده
 بین الاقران احراز امتیاز ائمه سونلر . (پووان قاره)
 مجلس مبعوثانده پارمقوله کوسه تیلیر ، هر هیئت وکلا یه
 خواهشله دعوت اولونور . (هانوتو) نک بر قسم
 داخلیدر . طلابک بوصورتله حاضر لائمی ، اکتساب
 فیوضات ایله می ایچونده ترتیبات جدیده غایه الغایه
 مساعددر . دارافتون بر اولدی : طب شعبه سنی تعقیب
 ایدن بر شاگرد بالسم له علوم جهته ده اشتراک ایدر .

ادبیات ایله حقوقده بویله در . (رامبو) خاتمۀ نطقنه
 طوغری بوجوق حقائق صیرم سنده : « بز ناصل یایمق
 ایسترسهك دارالفنون جدید ، هیچ شبهه یوق ، اوله
 اولور . بز دن مقصد شاگرداندر ، معلمیندر . جهد
 ایتلی ، مزیت کوسترملی ، بوتأسیساتی ، بوترتیاتی اعلا
 ایله ملی یز » سوزلرینده سویله دی .

*

* *

(رامبو) مجلس اعیانه کیرنجیه ، ناظرانجه کچنجیه
 قدر درافنونده معلمدی . طلبه ایله اوته دن بری
 طانیش یوردی . انک ایچون بواختفالدۀ سورکلی آلقیشلره
 مظهر اولدی . فقط (لاویس) پارسده هیئت تعلیمیه نك
 روحیدر . شاگردان هر درسده کورواتی ایدر لر .
 بوذاتک درسنه کلنجه برر اطاعت مجسمه اولور لر .
 شخصده کی قدرت علمیه مزیت فطریه افکار شبانه بو
 مرتبه القای حرمت ایله یور . ایشته شو انجمنده سوز
 بوذاته انتقال ایدنجه باشند باشه فوج فوج علامت تحسیندر
 قویدی . . سوکره اورتانچی درین برسکوت آلدی .
 بونطق طلبیه خطاباً ایدی . حضار سائرہ بی هیچ قاله
 المایوردی . حتی « طلبه افندیلر ! » دبیہ باشلا یوردی ،
 عادتا بردرسہ ، علمانه بر نصیحتہ بکزم یوردی : بو قدر

دبدبه نه ایچون اولیور . تحصیل ایچون دگلی ؟ تحصیلدن
نه درلو استفاده ایتلیدر ، علمی نه صورتله استعمال
ایله ملیدر ؛ برحاکم قانونی تطبیق ایدرکن نقائصی کوریر ،
باخصوص بونلرک تعدیلنی طلب ایدرسه فکر عالمانه
صاحیدر . برمأمور ایفای مأموریت ایلرکن محدودیتدن
دیشاری چیقار . مشغولیتنک درجه سنی ، کمال نقصانی
اکلارسه کذا فکر عالمانه مالیکیدر . هرکس دولت مأمور-
رینه کوز دیکمه ملیدر ، اوت . فقط نه اولورسه اولسون
جمعیت بشریه ده هر فرد بویله بر وظیفه ترتب ایلر . .
ایشته علمک تحصیلک اک برنجی خدمتی بو وظیفه نیک
تسویلیدر . (لاویس) دن باشقه دارالفنون مدیریله بلدیہ
رئیس ، نهایت رئیس حکومت ده بواجتماعده غایت کوزل
سوزلر سویله دیلر . مقصدم بورسماک تعریفدن زیاده
بووسیله ایله فرانسه نیک معارفندن دم اورمق ، بزمچون
استفاده واستفاضه املیله دم اورمقدردر . « ، الحکمة
ضالۃ . . . » امر منیفی بویله مباحثده دائماً دیلمک
اوجنه کلیر . . ناجی افندی مرحوم بوقول شریفی بر
یتدہ مألأ ذکر ایله دکن صوکره : « فارغ نیک و بد
اولوب اول . صوکره احذ ایتلی انی نه کورل ! » قیدینی
قویبور . « نه کوزل ! » برپارچه لفظاً قافیہ خاطری

ایچون کبی کورونیور اما معنی طوغربدر . اوت . اولاً
فارغ نیک و بد اولمی ده صوکره اجانبیدن اخذ حکمت
ایله ملی . . بکا قایر سه بوخده تی علمایه ، فضالایه . معلمینه
براقلی . . شیعقلره دکل . . اون یدنجی عصر میلادیده
فرانسزلر آلمانیایی کچیکندی . پروسیا هنوز اویانمغه
باشلایوردی ، اوستریا بر چوق اندیشه لره دوشویوردی .
کوچک حکومتلر ایسه (وستفالی) معاهده سیله صورتده
حمایه ، حقیقتده فیضدن محروم ایدلمشلردی . (لینچ) لره
(شیللر) لره ، (کوته) لره نائلیتدن ، باخصوص
(ناپولئون) ضربه سیله اویاندقدن صوکره آلمانلر فرانسه ده
سائرده ، دشمنده ، دوستده نه کوردیلر سه کوزل ،
مکمل نه کوردیلر سه آلدیلر ، آلدقلرینه دهالریخی ، مزیت
قومیه لریخی ده علاوه ایله دیلر بوکونکی حال فوق العاده یی
بولدیلر . شمدی فرانسزلرده اویانمغه ، حقیقتی آ کلامغه
باشلایورلرده (رن) نهرینک اوبر طرفنده علومدن ،
ککلاتدن اله کچیره بیلدکلری نمونه لری درحال تقلید ایله -
یورلر ، بویولده هیچ تعصب کوسترمه یورلر .

تنقیداتم طفره فروشانه اولیورسه ده باس یوق
هانکی تنقیدیمز آز چوق بویله دکل . کچن کون مخبراتمدن
برنده قلمدن (داغدار اسف ایله دی) ترکیبی قاجمش ،

مجموعه معلم : « پیدای الفت ایله دی دینه من . چونکه
پیداده معنای مصدریت یوقدر . کسب الفت ایله دی
دیمی « دیور . بوقاعدهیه کرره داغدار اسف ایله دی ،
دوچار عذاب ایله دی ده خطا اولمی . . . بویله ترکیب
لایق قطع قلملریزدن صدور ایله یور . الده حل مشکل
ایدن قواعد کتایمز وارمی ، نه کزر ! حاصلی اورویا
عربلردن بر چوق حکمیاتی تاراج ایدرجه سنه آلدی
بریکلر ایسه بالآخره تعصب ایتدیلر ، بویله یاپامادیلر .
ایشته انکچون غرب ایله شرق آراسنده کی شوفر ق عظیم
ترقی وجوده کلدی که هر نه دینیرسه دینسون بکاپک بیوک
عصر لرله اقتحام اولونمایه جق درجده بیوک کورونیور .
مدار بحمز ، یعنی شودار الفنونلر بر تماشای اولونور ،
دولاشیر تدقیق ایدیلیرسه بو حقیقت آ کلاشیلیر .



حیات قیرینتیلری :

کریمه :

اکا بردن برینک قیزی ایدی که بروقت قومشومزدی .
بش اتی یاشنده ایکن عادتاً چرکین کورونیوردی .
یاچوجقدن زیاده جوجه یه بکزه یوردی . فقط بیودکجه
برپارچه لطیفله شدی . اون دردینه ، اون بشنه طوغری
ینه کوزل دکل ایدی ایسه ده خوشیدی ، باخصوص
طراوت نوجوانیسیله ، پنبه ننیله ، صیرما صاچیله آز ،
چوق دلفریب ایدی . همان بریاشده اولدیغمز ایچون
ارامزده ابتدای صباوتدن بری برمنابیت معصومانه ،
طفلانه برمناسبت باشلادی :

بابامک براعتیاد کزینی واردی : هرکون علی السحر
اویقودن قالقار ، صلاة صبحی ادا ایچون جواریمزده کی
جامعه کیدردی ، بعضاً بوعبادته بنی ده ، قاردشلمی ده
برابر کوتوریردی . عمریمک بودمی هیچ خاطرمدن
چیقماز ، حافظه مده او قدر صفوتله منجلیدر ، سواققلر

تنها، جهان پرسکوت. بز آل اله، سوینه سوینه یوریردک..
 بر مردیوندن یوقاری چیقارق جامعک حول فسیحنه
 کیردیکمز زمان نسیم باشقه بر جودتله یوزیمزه چاربار،
 پیش نظریمز ده کی سالخورده آغاچلر بزی باشقه بر
 برملایمتله، رفق ایله قارشیلارلر ایدی. فولانمز هر
 طرفدن برصدای انبساط کلیردی که بونک ده منبعی قلبمزه،
 قلب عابد و صافمزه ایدی. اوزمان حیاتمز نه قدر غل
 وغشدن آزاده بولونیوردی! افسوس! . توالی دوران
 بوسعدتی ناصل الت اوست ایله دی، نه پدر قالدی، نه
 دادر قالدی. نه ده اله بو خاطره لری بسلر اثر قالدی..
 بعضاً بویله صباح نمازندن صوکره ساعتلرجه یینه
 جامعده قالیردق. کیمی عزیزی، کیمی قاضی میر، کیمی
 گلستان اوقوتان معلمین کرامت خلقه تدریساتی برر برر
 طولاشیردق. طولاشیردق، چونکه بودرسلردن برنبذه
 بیله اکلامادیغمز ایچون عین نقطه ده قالمقدن صیقیلردق.
 بابامزک بودوردن مراقی، مرامی بزی بر آن اول علمه
 ایصنیرمق ایدی. نظرندم جامع درسی باشقه علویتی،
 باشقه فیوضاتی حائز ایدی. برکون بو اشتغالات کزیده دن
 صوکره اوه عودت ایدرکن (کریمه) نک پدرینه،
 قومشومزه راست کلدک، قوناغک قاپوسنده آیافده

طور یوردی . بز علی الاصول انک اوپنک ، شوبله کری
 چکلنک . . پدرمله کورشمکه باشلادیلر سوز جامع
 درسلیرنه ، گلستان تدریساتی دیکله دیکمزه انتقال ایدنجه
 قومشو کولومسه دی : « حاجی افندی مخدوم دهـا
 کوچکدر ، اوپله مباحثه عقل ایردیره مز . چوجنی
 اقشاملری ، یاصباحلری بر آراق بز کوندرده (کریمه)
 ایله برابر تحفه وهی اوقوسون ، او برلری صوکره . . »
 دیدی . بوتارینخن اعتباراً ایکی کونده بر کریمه نك قوناغنه
 یا صباحین ساعت ایکیده یا اقشام یمکن صوکره ،
 کیدیوردم . . اوزمانه قدر بوکاشانه خیال طفلانه مده
 بیوک یر توتیوردی . ناصل طوماسون . . قرق اوطالی
 بر قرناق . بر طرفدن بوغاز ایچنک منتهاسنه ، دیگر
 جهتدن تا اطهرلک آرقه سنه ناظر ایدی . . هله باغچه ،
 برجهان لطائف بر زمین بدایعدی . . لیونلر ، رنگ رنگ
 حوضلر ، آغاچلر ، چیچکلر ، یشلر بتون بهجت آرا
 ایدی ، بو حقائقه برچوق خیالات ، خرافاتده انضمام
 ایدیوردی . بعض بیلیکیج قادینلرک روایتنه کوره
 قومشومزک بستان خارق العاده سنده نهلردن باشقه صاف
 مرمردن بر قویو واردی که قارما قاریشیق لیرالره ،
 مجیدیه لرله مالا مال ایدی . بودفینه دن صاحب مسعودی

زمان زمان آلتون بر باقراجله پاره چکیوردی . فقط
 شویقینلرده غالباً قویونک دیی کورنمکه باشلا یوردی .
 چونکه قومشو ارا به لرندن ، آتلرندن براییکسنی ساتدیر .
 مشدی . شو ماصالار بوقدرله ده قالمایوردی . بز قوناغه
 کیرنلردن ، چیقانلردن ، قومشومزله صیقی صیقی
 کوروشنلردن اولدیغمز ایچون عمومیتله بوقیل و قاللره
 اینانمایوردق . فقط بونقایات غریبه ، بو حکایات کاذبه
 چوجقلرک سمعه حقیقتدن خوش کلیوردی . بونکچو -
 ندرکه تحفه وهی اوقومق اوره بوکاشانهک تاقلنه ،
 دائرة حرمک اک ایچ طرفه داخل اولونجه درونمده بر
 برنشئه طوغدی . (کریمه) نک بکا قارشى حسن قبولی ده
 بوشوقه باشقه ازدیاد ویریوردی .

قادین برخواجه ، اوت ، هیچ تعجب ایتمه ییکز ،
 برخواجه خانم ، بزه تحفه دن درس کوسترمکه باشلادی .
 ایلک کونی برنجی صحیفه یی حافظه مزه صوقدی . . کله
 کله ، حرف حرف وزن ایله ، آهنگ ایله صوقدی .
 اولاً (حمد یحید) ، ثانیاً (اوکرمفر) ، ثالثاً (مایه)
 دیسه ازبرله یوردق . بواوچ پارچه یی بربرندن آیری ،
 همده فنا آیری ماده لر صانیوردق ، چونکه ازقضا
 بر لشدیره جک اولورسه ق خواجه مز درحال کوپلره

بینیور ، باغریور ، چاغریور دی . بر قاج درس بویله
 دوام ایتدکن سوکره بر کون بنی بک افدینک حضورینه
 چیقاردیلر . برنجی بابی شویله مقطع بر صورتده اوقوتدیالر .
 (کریمه) ده حافظه یوقدی . فقط بنده چوقدی . همده
 بک چوقدی . بوقرائت لسانده بلا فاصله ، بلا خطا
 موزون ، مرتب سوکی یوریوردی . اما کلملر آغزنده
 پارچه پارچه اولیور . سوزده ربط ، معنی ، هیچ بر
 مزیت قالمایوردی . بودقائی خواجده ، حاضر و زده
 بیلیمه یورلردی . قومشو بک شو موفقیتدن بک نشئه دار
 اولدی : ایرتسی کیجه پدرمله ، سائر لریله برابر اوطوریرکن
 ینه بنی سلامغه ایسته دی . . ینه عین درس ، عین فصل ،
 عین وجهه ایله تکرر ایله دی . حاضر و ن حیرت ایچنده
 ایدی . صودن از بر جایا کمی بیلدیکی ایچون بو حال بابامک
 تعجبی موجب اولمادی . فقط هر طرفدن کلن : « حاجی
 افندی ، بوچوجنی کوزل اوقوت ، ذهنی بک آچیق »
 کی اخطارلر غرور ابوتنی اوقشادی .

*

* *

بو افتخار طفلانه بر طرفه دورسون ، کید کیده بز
 (کریمه) ایله حقیقی بردوست اولدق . صباوتک دوستلغی
 نه خوشدر . مادی و معنوی هر درلو شوا بندن عاریدر .

انسان آرقاداشنی سور ، فقط نیچون سور بیلمز ،
 سوداسندن بر نتیجه ، بر امل بکله مز . . سور ، ایشته
 بو قدر . . سمایی ، انجیمی ، مهتابی ناصل سویورسه او یله
 سور . تلاقیلرده سونیر ، افتراقلرده آغلار . بو محبت
 محض عصمت اولدینی ایچون آراده جمالده آرانماز .
 کوزللك ، چرکینلک نه در بیلمز ، دوشونلمز . بیلدکلر -
 یزدن نیجه لری واردی که شوقیزدن ، (کریمه) دن بیک
 قات لطیف ایدیلر ، حتی بو وفرت لطافله صوکرملری
 بنی چوق دوشوندیردیلر . فقط چوجقلقده هیچ بری
 بودرجه نظر میلمی جلب ایله مه دی . حاصلی ، اون ،
 اون بریاشنه قدر کریمه ایله برابر او قودق ، برابر یاشادق .
 حیرت ، بیودکجه آرا مزده بوصوغو قللق ، بر آچیق قللق پیدا
 اولیوردی . لکن ینه یکدیگر کریمزه مونس قالیوردق .
 چونکه پک چوق خاطرات صباوت ایله بربریمزه باغلی
 ایدک . ابونیمزجه ، بن کریمه . . اعلا برقاری ، قوجه . .
 ذاتاً قومشو بک بکا چوقدن داماد نظریله باقیوردی ،
 او یله معامله ایدیوردی ، هر حاله علاقه دار اولیور ،
 هر ایشمه قاریشیوردی . شو مکتبه کیتسون ، بوجهته
 کلسون کی اخطارلرینه پدرجه بیوک اهمیت ویریایوردی .
 اون دردی مزه طوغری بن لیلی بر مکتبه کیرنجبه کریمه بی

کورمز اولدمدی ، همان همانده اونو تدمدی . چونکه
 هوسا تدمه یکی یکی تمایلات پیدا اولیدی . بر یاز بز
 بروسده ایدک . . قومشو بکک فنا حالد خسته اولدیغنه
 دائر پدرمه بر مکتوب کلدی . . ایکی کون صوکره همان
 استانبوله دوندک . . بر کیچه پدرم بنی هر نه دنسه خسته نک
 یانسه کوتوردی . آد مجنز مغنیدار مغنیدار بکا باقدن
 صوکره باشمی اوقشادی . بو حال رقتمه طوقوندی .
 ذاتاً اوصولوق سیما ، اوچوقور کوزلر ، اویاناق ، او هیئت
 وهله اولاده حیرتمی تحریک ایتشدی . . چوق کچمه دی ،
 کوزلر مدن یاش بوشانیویردی . . بنی همان دیشاری
 چیقاردیلر ، اوه کتیر دیلر . ایکی کون صوکره قومشو
 بک ارتحال ایله دی بو ائنهالرده نه اولدی ، بیتدی ،
 بیامه یورم . آرادن ده اوج درت آی کچمه دی . اویمزده
 برفیص قوصدر ، برتدار کدر کیدیوردی . پدر ، والده
 مغنیدار مغنیدار بکا قارشی بر برینه باقیش یورلردی . بر
 کون دایمک بویله مخفی بر مکالمده ابوینمه خطاباً : « جانم ،
 اون بش یاشنده بر چوجق اوله ندیر بایر می ؟ مکتب ،
 تحصیل نه اولور ! بوسنده کی قاری قوجهلردن ناصل
 برعائله چیقار ؟ بو عادتا بر جرمددر ، عاقبتی فنا بر حرکتدر ،
 انصاف بیوریکز » دیدیکنی فقط بابامدن « آدم سن ده !

او قورسه او قور ، او قومازسه ايشته مغازه کيتسون
 کلسون . ام رزقنى ويريرمش « ايله جراب آلدیغنى
 تصادفاً ايشيتدم . آرتق ايش اكلاشلدى ، بنى اولدير -
 ييورلر ، همده کریمه ايله اولدير ييورلر . اوح ! . اوح . .
 فنا دکل او قوجه قوناغه ایچ کوکی ، بك ، افندی اولیورزمه
 کریمه دن زیاده بودبدبه املمی او قشایوردی . مکتب
 آرقاداشلرملدن برقچه بوتشبدن مغرورانه بحث ایتدم .
 بونلردن بری ، (مخدوم) بك بوسوزلیمه پك علاقهدار
 کورونیور ، پك قولاق قابارتی-وردی . بو چ-وجق
 خوشحال ، نازك ، سويلی ایدی . . آرامزده آز چوق
 بر اعتباری حازدی . .

*

* *

بر پنجشنبه اقشامی اوه عودتمده ابوینمی غایت محزون ،
 متأثر بولدمدی . . پدرمده حدت ، شدت حددن افزون
 ایدی . بو حالک سببی نه در ؟ دییه بر دوش-و سجه در ، بر
 تجسسدر بنی آلدی . نهایت اساس مسئله میدانده چیققدی .
 اوته دن بری بکا نامزد ، ازدواجی مقرر ایکن اورنایه
 بیك درلو شیلر کیرهرك قومشومز کریمه خانم کچن صالی
 کونی بی محبابا ، (مخدوم) بکه نکاه ایدیلیورمش . بو
 حادثه اول امرده بنم ایچ-ون ده اوزون بر تأثره بادی

اولدی . . فقط بوحزنم انحق بر عزت نفس اذاسندن
منبعشدی . درد عشق ایله ، حرص منال ایله آلوده
دکلدی . ایچمده ناحق یره مخدوم بکه برعداوت حصوله
کلدی . . اوقدرکه ایرتسی کونی مکتبده بولوشونجه
بوکنجه قارشی اظهار انفعالدن کندیمی آلامادم . بوسنده
قلوب غایت متحسس اولیور رقیب مضفرم بو اغبراریمی
اکلاینجیه بکا اوزون بر مکتوب یازدی . بو نگاهده بو
ازدواجده ، بتون بومعاملاتده هیچ صنعی اولمادیغنی
بیلدیریور ، والدہ سنک جبریلہ ، اصراریلہ بو جرمی
ایشله دیکنی سویله یور . حتی بونکچون بر طرفدن وجداناً
بکا قارشی معذب اولمغله برابر دیگر جهتدن قیزی
سومه مک ، بو استقبالدن قورقمق دوشونجه سیله اضطراب
چکدیکنی علاوه ایله یور . نهایت عفویمی تمنی ایله شاید
بو اولمازسه شوعقدی بوزمغه ، بو خطایان تعمیره قدر
واراجغنی بیلدیریوردی . آم ، بونامه ندامت اوزمان
بکاه لطیف کلدی ، نه درجه درونی بر ایتهاجه سبب
اولدی . هله جرم ، خطا اعترافلری پک خوشمه
کیدییوردی . چونکه انسان ایچون دشمننه بیله بویله
تسایم حق ایتدیرمک بر مسرتدر . مغدوریت بعضاً بر
فضیلت یرینه کچه بیایر : « الفضل ماشهدت به الاعداء » ده

لطیفدر . بوشق ایلله (مخدوم) غایت محبانه ، وفاکارانه
 برجواب یازدمدی . . اوح ، ای سن لطیف شباب . .
 باشند باشه فداکارلرده ، علو جنابده ، سماحتده مسابقه
 ایلله مالا مالسک ، بویولده جهانله طاش چقاریرسک . . .
 شووقه مخدومه آرامزده انبساط اخوته سببیت
 ویردی ، بربریمزه عادتاً محرم اسرار اولدق . . چوجقچقغز
 تالیلله زفافندن بدء ایلله بـتون وقایع ازدواجنی پی درپی
 بکا نقل ایدیوردی . حتی ماضیده کی مناسباتمزه دائر
 کریمه دن ، زوجه سندن آلا بیلدیکی معلوماتی بیلله سویله -
 مکنن چکنمه یوردی . شمه یوقدی که بنی قائم والده سندن ،
 حتی قاریسندن ده ایلری طوتیـوردی . فقط بعضاً
 کریمه یی اوقدر فصل ایدیـوردی که بو سوزلریله بنی
 دوشوندیریـوردی . . دهـا غریبی شوکه اقشاملری اکثریا
 یکی کلینی یالکز براقیوردی ، بر چرق وسیله لرله کاه
 والده سنده ، کاه باشقه اقباسنده قالیوردی . . برکون یانا
 یاقیله بکا دیدی که « برادر ، الله عشقنه بکا عقل اوکرت ،
 بوقیز ایلک کریمه طوقونیور ، هیج خوشمه کیمه یور .
 قائم والدیم بنی آتله ، آرابه لرله دکل آتونلره مستغرق
 ایتسه نافله . . اوف . . نه یاملی ؟ افتراق وجدانه طوقو-
 نیور . فقط هیج اولمازسه کیجه لری آیری اوطه لرده

یاقم ممکن دگی ؟ بواز دواج نه بلا ایتمش ! »

*

**


مخدوم غایت یاقیشقلی ، غایت لطیف برکنج ایدی .
 بونکه برابر کریمه نك محاسنندن هیچ برنی بیلمه یور ،
 معاینی ایسه تپه دن طیرناغه قدر کوریوردی . روایتنه
 کوره اقشاملری اوه عودتنده قاریسیله باش باشه قالنجه
 روح صقندیسندن اولیور ، نه یاپاجغنی شاشیریوردی .
 چونکه بوتازه وجودلرده هنوز حیات حیوانیه
 قبارمامشدی ، اورتاده کی فقدان محبت معنویه بی تعدیل
 ایدر برلنت ماده دهامیدان آلامشدی . بو احوال
 سائقه سیله شو اون بشلک قاری قوجه آراسنده اوچ
 درت آی طفلانه منازعه لردن ، منافسه لردن ماعدا بر
 مناسبت پیدا اولمادی ، دردنجی آی بیتمه مشدی ، بر صبح
 مخدوم کلدی ، مکتبه بنی بولدی . شوسوزلری سویله دی :
 « ایشته برادر ، آرتق هپ اولدی ، بیتدی . اقشام جانمه
 طاق دیدی ، کریمه ایله بتون بتونه بوزوشدق . بردها
 اوقوناغه دوزسه م بکا لغت اولسون . . نه قدر مسعود
 ایمشک که بو مضیقیه دوشمده ک . . بو قیز قدر انسانه
 عذاب روح اولماز . دون ایکنیدین صوکره اوه دوندم ،
 اوطیه کیردم . در حال قوشه قوشه یانمه کلدی . اول

« وای بك افندی، ناصل اولدی ده بوکون بویله ایرکندن
تشریف بیورلدی » کبی صوغوق صوغوق سویلهندی ،
سسمی چیقارمادم . المه کیف مانفق برکتاب آلارق
برکوشیه چکلم . آرقه می ده عنادیمه آکا چویردم ،
اوده عنادینه یرینی دکیشدیردی . قارشیمه کچدی . بکا
برچوق صاحبه صاپان شیلر صوردی . . اوت ، خایردن ،
یا برباش حرکتندن باشقه جواب آلامانجه غایت حدیدانه
برطور ایله « آیول ، ساده کتاب او قویا جغکه آزیجق ده
سوزلریمه جواب ویرسهک آ ، شمدی عالمککمی طوتدی »
دیددی . بن ده عین شدتله « بکا سنک سوزلرکدن خیر
یوق ، کتابدن خیر وار » جوابی ویردم . . مناقشه
اوزادی . نهایت خانم یوزیمه قارشی « وای بك افندی
وای . . ماشالله او قودیکز او قودیکزده علامه اولدیکز .
انکچون کچن سنه امتحاندن دوندیکز په په . . . » دیه
ذوقلنمکه قالفیشماسونمی ؟ . . آرتق فس باشمدن
فیرلادی . . آغزیمه کلنی سویلهدم ، برده لساندن « وای
شاشی کوزلی خانم افندی . . » سوزی قاجیویرنجه باقدمکه
قیزک بکزی آتدی ، چککلی کلیدلهندی ، کوزلرندن
ذاتاً یاش بوشانیوردی . بو انصاده قائم والده ایجری
کیمرک بو حالی کوردی ، همان قوشدی چو جغی

قوجاقلادی ، بکاده غایت آجی بر قاج لاقیردی سوبله‌دی ،
 ذاتاً بورابطه دوام ایدمزدی . شو مناسبته بردها
 عودت ایتمه‌مک اوزره همان بوقوناغی ترک ایتدم .
 دون کیجه آغلادم ، صیزلادم ، والدیمی ده اقناع ایتدم :
 بوکون انشتم قائم والدیه کیدرک نکاحدن ، نفقه‌دن
 واز کچرلر سه تطلیقه مهیا اولدیمگی تکلیف ایدیور ،
 انلرده دونکی تأثیرک تأثیریه بوکا حاضر درلر . . هر حاله
 بونتیجه ابی اولدی . »

غریبی شوکه مخدومک طورنده بر فرح واردی .
 بووقعه‌یی دیکله‌دم ، اوزمان حافظه‌مده طولاشان واصفک :
 « نه قیرارسک ایکیده برده بسم خاطرمی ، کرکل ای طفل
 زیانکار اویونجاق دکل آ » ییتی خاطرلادمی شمدی
 آکلایورم که بوتخطر غایت معیندار ایش . . شوقاری ،
 قوجه هنوز چوجق ایدیلر . هم‌ده زیانکار چوجقلردن
 ایدیلر . بونلرک اله اویونجاق یرینه نه‌ویردیلر ، ازدواج . .
 ایشته اوده بوبله پارچه پارچه اولیویردی . شوافتراق ،
 شو طلاق اول امرده بنی درونی سه‌یندیردی . عزت
 نفسمجه بر انتقام یرینه کچدی . فقط بالخاصه بوسبيله ،
 بوسائقه ایله بیچاره کریمه‌نک دردندن درده ، فلاکتدن
 فلاکته دوشه‌رک نهایت ورم دوشکنه سرلديکنی کوردم ،

صبا و تمزی، ماضی بی حزین حزین آندم . وفانندن بر هفته
 اول بچاره قیز جغز استفسار خاطر ایچون کلن آننه مک
 اللرندن بی تاب یا قالا مش، « آه، خام تیزه جکم، کاشکی
 و قتیله او غلکزه واره ایدم ! بلکه شمدی بویله اولمازدی ..
 بکا بتون شو بلا، شو آجی ایلمک ازدواجمدن کلدی » دیه
 هونکور هونکور آغلامش . والدیم بوسوزلری نقل
 ایدنجه بنمده کوزلرمدن یاش بوشانیو یردی .



پارس خاطرہ لری

(قولون) قونسری : Concert Colonne

(قونسر) هنوز اسامزده مقابلی بولونا مایان کلمات اجنبیه دندر . بو نوع کلمه دن بعضی لری محال ترجمه در . مثلاً تله فون کبی ذاناً بونلری ترجمه یه چالیشم اقمده اولادر . چونکه بویولده منابعمز اولسه اولسه عربی وفارسی دکللی ! عربلرک ، عجملرک زمان فیضنده ایسه تله فون یوقدی . فقط (قونغرہ) بویله دکل ، (اقونومی) بویله دکل الده مؤتمر ، اقتصاد کبی نیجه سرمایہ لر وار . (قونسر) ایسه بو ایکی منته انک اورتاسنده در . بو خصوصده سوء استعمالی هیچ تجویز ایتہ دیکنی دائماً بیان ایدہ کلن وهله بالمناصبہ (سنبلہ) وسائرہ ده افرنجانہ عبارتہ لردن ، ترجمہ لردن شکایت ایلہ یں ناجی افندی مرحوم : (اوجی) عنوانلی منظومہ تقلیدیه سندہ : « ویریکز مشربمجه برقونسر » دیور . نه ایسه ، ادبیات ایلہ اشتغال ایدنلر بیلیرلر که شعرك موسیقی ایلہ ارتباطی

فوق العاده در . رسمه ده بویله در . هله غریبه انسان
 بر کره بواوچ شیدن بریله اوغراشمغه باشلادی اوبرینه
 صیچر اما مق محالدر . مخابر حقیر ابتدالری آز ، چوق
 شعر ایله ، ادبیات ایله اشتغال ایدردم . فقط برقاج دفعه
 شو صحیفه لرده سرد ایتدیکم وجه ایله بواشتغال بنی رسمه
 سوق ایتدی . شمدی ده موسیقی یه سوق ایله یور . چونکه
 بورسم اولما ینجی محاسن ادبیه نك برچوق نکاتی فکرده
 مستور قالدینی کبی موسیقی اولما زسه ادبیاتک ینه برچوق
 نکاتی فکرده مستور قالدینی کبی موسیقی اولما زسه ادبیاتک
 ینه برچوق لذا نذدن محرومیت یوز کوستریور . کچن
 کون بر مخا برمده (اشیل) ک اخیراً (اوده ئون) ده
 اوینایان (ایرانیلر) ندن بحث ایتدمدی . . بلکه قارئین
 کرام دقت بیوردیلر . بواثرک بر قسمنه ، فصل موسیقی یسنه
 دائر بر درلو بیان مطالعه ایده مدم . . فی الحقیقه بو آهنگی
 دیکله مک بکا بر نشئه ویریدی . . او قدر . فقط ادبیاتده ،
 بر پارچه ده رسمده اولدینی کبی شرنشاطک اسبابی ، کنهی
 نه در ، محصولک کوزلاکی نه جهتدن طیران ایدیور ،
 کشف ایتک ، یا خود کشفه چالشمق المدن کله دی .
 بویولده کی نقصانمک چاره اکانی آرادینم صیره لرده ایدی که
 پارسده کی (مطبوعات اجنبیه) هیئتک رئیسی (لوتی

ماقون (اعضاءن مخابرين سائرہ ايلہ برابر بکادہ آراسيره
 (اوپرا) نك ، (شاتله) نك بعض بيوك قونسرلرينه
 كيدەرك بوكادائر غزته مده بيان مطالعه ايتمكلگى تكليف
 ايله دى . بويله بر تكليف لطيف البته رد اولونماز .
 باخصوص بوقونسرلر آرامقله بونماز ، جهانك اك يوجه ،
 اك دلفريب اهنكلرنندندر . هرپازار كوني اوكله دن صوكره
 (شاتله) ده مشاهير موسيقى شناساندن (قولون) ،
 (شازم ايزم) ده ايسه ينه مشهورلردن (لامورو) برر
 قونسر ويريرلر كه شوايكي محفل پارسك دكل ، بايكه بتون
 عالمك اك دلارا طربكده لرنندندر .

دون (قولون) قونسرنده فرانسه استنادلرندن
 (برليوج) ك غايتله معروف بر اثرى ترنم اولونيوردى .
 قارئين كرامدن موسيقى يه واقف اولالار (هكتور
 برليوج) دى ده ، بو محصلولنى يعنى — (فاوست) ك
 عذابى — نى ده بنسدن اى طائيرلر . (هكتور برليوج)
 اومشاهيردندر كه اوتهدن برى نظر عبرتمى جاب ايلردى .
 چونكه پارس عالمنده (برليوج) منازعه لرى ، مناقشه لرى ،
 حتى معاشقه لرى حالا زبازددر . بو ذات استعداد فطرينك
 هر مانعه رغماً تجليسنه كوزل بر مثال اولايي . اوبوينى
 (برليوج) دى اولاي سلك طبابته صوقديلر ، بويولده

صوك درجه اصرار ايله ديلر ، تهديد ايتديلر . چوجق
ديكلمه دي ، پارسده مكتب طيبه يه دكل (اوپرا) يه
دوام ايله دي ، تشريحي ، ساژم يي برطرفه آتهرق آهنگله ،
طربله اوغراشدي . في الحقيقه بونكچون اقرباسنك
غضبنه اوغرا دي ، حتى معاشدن ، معيشتدن محروم
قالدي . (برليوج) هر درلو موانعه اوغرا دي ، آثاري
هيچ بريره قبول ايتديرمه دي ، ايتدير دكاري نه خالصانه
چالديرمادي . آلدن آلتنه نيجه خدعه لره هدف اولدي ،
بركت ورسونكه بواحوالي حس ايدن برصاحب خير .
مشهور (باغانيني) موسيقي شناسه يكرمي بيك فرائق
اهدا ايتمك كي برلطف ايله امداده يتشدي ده بيوك بر
ذكاي ضياعدن قورتاردي . بعض طربكاهلرده (برليوج)
دن كورل پارچه لر ايشيتدمدي . مثلاً شاعر حزن اتما
(ميلووا) بك — عرب آتي — عنوانيله برنظم محترمي
وار . موسيقي شناس بو شعره نه دلفريب بر آهنگ
اويديرمش . انسان منظومه يي ده ، موسيقيسني ده برابر
ايشيدنجه ، باخصوص بنم كي چول كورمش ، عربستانده
كز مشلردن ايسه عادتاً مست حظوظ اوليور ، اويله باشدن
باشه صاف ، آچيق ، بولوطسز برسم ، بورام بورام يانيق ،
قوري برزمين ، هله كحيلانلر ، دوه لر ، چادرلر ، بدوي

قیزلری آرایور، بر لحظه بویله بر عالمه طایور . (میاوا) -
 ده کی فطرت شاعرانه ایسه بواحتساسانه باشقه بر لطافت
 الم ویریور . الملك ده لطافتی اولور می ؟ دیمه سون . .
 لسانمزمده ترجمه اولونان (سقوط اوراق) جدا مؤلدر .
 فقط لطیفدر ، لطیفك لطیفدر . (برایوج) ایسه بو
 حزن لطافت افزایی ، یاخود بو لطافت حزن آرای
 آهنگ حزینیه بر درجه ده اعلایه یور . فقط (فالوست)
 عذابی مؤلفك انفس آتاریدر . محصولات سائر سندن
 بالاتر در . آه ، زمان نه بیوک حاکمدر . بوندن الی سنه
 اول یعنی (۱۸۴۶) ده ینه عین اثر پارسك بر صحنه سنده ،
 (اوپرا قومیق) ده عرض اولنیور ، عادتاً تزییفه اوغرایور .
 دون ایسه باشند باشه آلقیشلانندی ، او یله آلقیشلانندی که
 (قولون) ده سائر صنعتکاران ده بوموفقیتمدن مبهوت
 اولدیلر . (قولون) بر رئیس ماهر موسیقیدر که طاقنده
 یوزی متجاوز افراد واردر . بونلرک بر چوغی کان ،
 بر قسمی آلات سائر دن چالارلر . آرتق بویله بر هیئتندن
 نه درلو آهنگ اولسه چیقمازمی ؟ باخصوص رأس
 اداره لرنده بر صاحب معرفت بولونورسه ، هله موضوع ده
 مدار بچشمز کی هر جهتی جامع ، یعنی تعیرمز اوزره
 تیزدن ، پستدن ، حاصلی هر درلو مقامدن ، هر نوع تلدن

برمحصول جامع الکل اولورسه . . (فاوست) ک عذابى
 درت بیوک پارچه دن متشکل بر اثر در ، کفته جهده کوزلدر .
 هه بسته جه بر خارقدر . اوچنجی پارچهده بر شرقی
 وارددر که شطارت ایچنده یوزیور . بو اثر نفیس بعضاً
 حزن ایله مالا مال کورونیور . بعضاً مفرح ، طرب
 انکیز اولیور . ذاتاً صاعده صولده ارکک ، قادین مغیلر
 وار که زمان زمان هپ بر اغزدن ترنمه باشلایه رق بو
 آهنگک روشنی تبدیل ایدیورلر . المانیا جداً بو خصوصجه
 فرانسه یی کولکده براقیور . قرون اخیره نک تشکیله
 مدنیت انقسام ایتدی اولیه قرون وسطاده اولدیغی کبی
 عمومی ، بین الملل قالمادی . قرونمزده ، بالخاصه زمانمزده
 برانکایز مدنیتی ، برفرانسز مدنیتی برالمان مدنیتی وار .
 المان مدنیتی کچن عصرک اواخرینه ، بو عصرک ابتدالینه
 طوغری فیض الارق دوریمزده کی وجه اقبالی بولونجه
 المان مدنیتی ، المان صنایعی ، ادبیاتی ، علومی ، فونیده
 کندینی کوسترمکه باشلادی . موسیقی ایسه بونلرک تاجی
 اولدی . چونکه المان موسیقیسنه حالاً جهان غبطه
 کشدر . هر سنه موسم مخصوصنده (واغز) ک مسقط
 رأسی ، (بایروت) شهرى اکبردن بر چون موسیقی
 هوسکارلریله طولار . بوندن ماعداینه المان بسته لری

جهانی طولاشیر ، ایشته فرانسه موسیقی شناسانی آراسنده
 بولطافتی اک اول کشف ایدرک اولیه بر مساکه چالیشان
 (هکتوبر ایوج) اولدی . بونک ایچوندرکه (واغتر) :
 « فرانسه بسته کارلرندن پاره ایچون چالیشمامش ، پاره
 ایچون اثر وجوده کتیرمه مش بر ذات وار ایسه اوده
 (برلیوج) در « دیور . فی الحقیقه (برلیوج) واغتردن
 اول کلدی اما (موزار) دن ، (بتهوون) دن درس
 فیضنی الدی . بو حکمتیه مبنیدرکه آناری فرانسزلردن
 قدح ورد کورنجه اوده کیدیور ، المانلره مراجعت
 ایله یور ، انلردن استمداد ایدیور . المان مدیتی ، فرانسز
 مدیتی دییه انقساملر وهله اولاده ناموافق ظن اولونور ،
 مدنیت ایچون بو درجه فرق اولورمی دینیر . بوکا اک
 مقنع برمثال شووموسیقی بحشدر . بوفنه نه قدر بیکانه
 اولورسه کز اولکز برکره بالفرض (واغتر) ی ، برکرده
 (سن سان) ی دیکلاییکز . . آراده نه بیوک فرق
 کورورسکز ، طویارسکز . برنجی طربنا کدر ، متموجدر ،
 متهیجدر ، ولوله ایچنده یورور . ایکنجی خوشدر ، بسیطدر ،
 آسوده در ، غایت حسیاتی سور ، بومحتمله پک ترمین اولور .
 مثلا چارک پارسی زیارتنده ملیت حسیله هیچ المان
 بسته کارلرندن اثر ترنم اولونمادی . هپ فرانسز آثارینه

مراجعت ایدلدی . بونکچون آهنگده اويله ولوله ،
طنطنه اولمادی . (برلیوج) بوبابده بر استنادر . مثلاً
دون ترنم اولونان اثرنده اويله دبده ناک پارچه لر وار .
دی که چین چین اوتیورلردی . طبل ، زیل ، کمان ،
فلأوطه هپ بربرینه قاریش یوردی . هله بوصیره
(قولون) ک ، رئیسک حالی جداً شایان دقت ایدی .
آدمجغز اشارت ، اداره دردیله عادتاً پارچه پارچه اولیوردی .
قوانی بر آرشون هوایه قالدیریور ، ایندیریور ، باشنی
حرص ایله لاینقطع صالایور ، حاصلی قان ترلر ایچنه
باطیوردی . اويله یا ، بوندن مشکل وظیفه می اولور ؟
بو درجه عصبی حرکات سراپا موزون اولسون ! اويله
اولماسه موسیقی لحظه ده بوزولور ، بو آهنگک ناظمی
(قولون) ایدی . بتون چالغیچیلرک ، مغنیلرک نظرلری
لحظه لحظه اکا ، حرکاتنه ، عصبیاتنه معطوف ایدی .

حضاردن بری نقل ایله دی : برکون ینه بویله مهیج
بر ترنم اثناسنده ایکن حاضر وندن برایکی قادین هر نه دنسه
دیشاری چیقمق ایسترلر ، چیق اارکن ده بالطبع براز
کورلتی ایدرلر . (قولون) بو حالی کورور کورمز ایله
کوچک بر اشارت ویریر ، یوز نغمه کاری ده هپ بردن ،
ان واحده صوصدیریر . اورتاده چبت قالماز . .

دوش-ونملی معیت رئیس نه دقتله تعقیب ایله یورمش ؛ بکا
(فاوست) که عذابا باشند باشه خوش کلدی. فرانسلرک
سودکاری آسوده ، حسی جهتلر طبع سودا پرستی
اوقشایوردی ، المان مخصوصاته بکزمین طرب انکیز
طرفلرده محشم بر عسکری موسیقیسنی ، برحاربه
چالغیسنی ، برظفر مارشنی آندیریور ، ذوقه طوقونیو-
ردی . گفته ایسه بالخاصه نشاطمه باعث اولدی . هله
هله مغیلردن بری کوزل برسسله :

Le vilain hiver a fait place au printemps

« شتای مردود نوبهاره تحول ایتدی » دییه بر
نشیده اوقودی ، لطائف طبیعتی بر اطرا ایله دی که بیلمم
آهنکه مزدوج اولدینی ایچونمی روحده موجهلر مسرت
موجهلری حصوله کتیردی . برمغنیه ایسه غرامه دائر
برفصل کچدی ، حضاری عادتاً مبهوت ایتدی بو فصلدن
صوکره هرکس ککه لیوردی ؛ هرکس نه سویلیه جگنی
بیلمه یوردی .

بوموسیقی ایله موسیقیمز آراسنده بیوک برفرق وار.
بزمکی ساده در، صوک درجه ساده در ، یکنسقدر ، بسیطدر.
بوندن متلذذ اولمق ایچون غایة الغایه رقیق ، حساس برطبعه
حالك اولمی ، تأثره وسیله آراملی ، طر قونمادن قیرلملی ...

غربککی ایسه بکا پک عالمانه پک مغلق کورونیور، قفاده
 کلی ۲۰۰، بهرۀ بدایع یوقسه زور اکلاشیلیر. هر حالده
 موسیقی غدا ی روح دینلرک حق وار. دوندن بری
 روحده بر انبساط، برفرح متموجدر. قوجه روح
 شمدی عادتاً رعنا بر سفره دن هنوز قالمشده ممنونانه،
 مفتخرانه اللریخی اوغوشدیران بر شکمپروره بکزه یور.



مصاحبه علمی

مکتب‌لریمزده ، مطالعاتمزمده الك برنجی قصوریمز هانکی
نوع کتابلرده ، هانکی مأخذلره مراجعت ایده جکمزی
بیلمه مکدر . مثلاً قرون اخیره ، یاخود عصر حاضر
تاریخی کوزدن کچیریورز . . بالطبع بونک ایچون
خواجه نك تقریری کفایت ایتمز . خارجدن باخصوص
غربدن ، مؤلفات غربیه دن تتبعات ایستر ، فقط هانی
دلیلیمز ؟ بر دلیل که وقوف صاحبی اولسون . بو نوع
تألیفاتی ایجه بیلسون . معلمز قاپودن چیقارکن اوده
یالان یا کلش اولمق اوزره بر اثر توصیه ایدرکه یابولامیز ،
بولسه قده املمزه تماماً موافق کوره مهیز . چونکه
زمانه ده بویله آثار اودرجه وسعت ، اهمیت کسب ایتدی که
هر ماده یه دائر تألیفات عادتاً باشقه دره . بونقصانمزی ممکن
مرتبه کیدرمک ، شو صحیفه لرله رفقایه بویولده بر خدمت
ناچیزده بولونمق امیدندهیم . . کچنلرده سویلدیکم کبی

سوزلرم بو دیارک اک یوجه تدریساتندن مقتطفدر . بناءً
عایه نافعدر ،

(آلبر سورل) ینه بوهفته تاریخ سیاسی درسند
بونوع وصایای مهمه ده بولوندی ، ۱۷۸۹ دن ۱۸۱۵ ه
قدر کچن زمانی بونقطه نظر دن مطالعه ایچون شودرس
خارجنده هانکی آثاره ونه یولده مراجعت ایله ملی .. برر
برر کوسترمکه باشلادی . اولاً بویولده برفهرس توصیه
ایله دی که علوم سیاسییه مکتبک مجموعه مخصوصه شهریه -
سند نشر اولونمشدر . بوفهرس پک مفید اولمغله برابر
شوصفحه ده ایشمزه یاراماز . چونکه غابت خصصی ،
پک اوزون ، زیاده سیله دقیق . معلم بو خصوصه متعلق
مؤلفاتی ایکی قسمه آیردی . عمومی وخصوصی :

مؤلفات عمومیه : — اول امرده مجامع معاهدات ..
بونلرکده برنجیسی (توتو) (Tétot) نك فهرس معاهدات
تیدر . . Répertoire chronologique des traités که ایکی
جلد دن متشکلدر . بوکتسابی الده ایتمک شووعنوان ایله
مؤلفک اسمنی اوروپا کتابچیلرندن هانکی برینه اولورسه
اولسون یازمق کافیدر . شمدی بواثر ندر : نه ایشه
یارار . برنجی جلد زمانمزه قدر اوروپا دولترلی آراسنده
نهدرلو معاهدات منعقد اولمش ایسه تاریخ یعنی chronologie

ترتیبیله مصر حدز . بالفرض (فرانقفورت) معاهده سنی
بولق ایسته یورز . تاریخی بیل یورز (۱۸۷۱) .. همان کتابی
آچار ، بو عددی الد ایدر ، بونکه معاهده هانکی اثرده ،
نزه ده مندر جدر اکلارز . چونکه بو جلد آنجق بر
بر فهرسدر . معاهدات نزه لرده در ، کوس تیر ، فقط
بونلری احتوا ایتمز . معاهده نك تاریخی خاطریمزده
یوق .. هانکی دولتر بیننده منعقد اولدینی وار . بالفرض
فرانسه ایله آلمانیا آراسنده .. اوزمان ایکنجی جلد
مراجعت ایدرز که بو فهرس ده دول معاهده موجبجه
معاهداتی محتویدر . (ته تو) بواژنده بعضاً (مارتنس) -
لرک مجموعه معاهداتنه قارئینی یوللایور . (Martens) لرک
بواژری کوزلدر :

Recueil des principaux traités de paix depuis 1761.

شوقدرکه (۱۷۹۱-۱۸۰۰) ه قدر کلیر ، قالیر .. صوکره
برقاج علاوه بی محتویدر ، بر فهرسی ده شاملدر اما شو
تنوعه بناءً ایچندن چیمق مشکدر (ته تو) واسطه سیله
(مارتنس) لره مراجعت ایتمک ده موافقدر . بر رفیق
ایله بر کون آرا مزده (مارتنس) لره دائر بر مناقشه
یوکسلیدی .. رفیق (مارتنس) بر آلماندر دیوردی ..
بن خایر روسدر ، جوانی ویریوردم .. چوق کچمه دی

اکلادق که آرقاداشم شو ذکرى کچن (مارتنس) لردن
 بحث ایدیوردی . چونکه دائماً انده بونلرک (Guide
 diplomatique) نامنده اثرى بولونیوردی ، مخابر حقیر
 ایسه زمانمزه کی مشهور حقوق دول عالمی ، روس مؤلفی
 اوقویوردم ، آندن دم اوریوردم .

(مارتنس) لرک آثارى فرانسزجه در ، طبعی
 مختلفدر .. کچن سنه بونلردن اوچ مجلد قرق پاره مقابلنده
 المه کچدی .. غایت کهنه برطبع امانه حکمی وار .. قرق
 پاره یه صودن اوجوز ..

شو (مارتنس) لرک بیوکی اولدقجه معروفدر .
 (ویانه) قولغرمسندہ ضبط کاتبی ایدی . اثرینی یکنلری
 تعقیب ایتدیلر . کتابک علاوه لری ده بونلردندر .

مؤلفات خصوصیه — بونکچون ده اک موافق اثر
 (ده قلیز) « Decleres » ک فرانسه مجموعه معاهداتیدر .

« Recueil des traités de France » بواثر آنجق ۱۸۱۵ دن
 باشلار ، زمانمزه قدر کلیر .. شو قدرکه ۱۷۱۳ دن اعتباراً
 بالجله فرانسه معاهداتنه دائر ایضاحات ویریر . ایشته شو
 معلوماتی الله ایتدکن صوکره ارتق بز ایچون ۱۷۸۹ —
 ۱۸۱۵ تاریخ سیاسینی تحصیل ایدرکن اوروپا دولتلری
 بیننده منعقدهرهانکی بر معاهده یه مراجعت اقتضا ایدرسه

ایتمون ایشمز قولایدر . همان کتبخانه‌یه کیدرز ، آثار
مبسوطه‌یه بی بولورز ، مطلوب‌بیزی بالسوله استحصال
ایدرز .

فقط بو تحصیلده مرجع مطالعه بو قدرله قالماز ..
دها نه لر وار ، تاریخ زمانک اک برنجی ، اک مهم فصلی
جغرافیا ایله برابر نتیجی ، تدقیقیدر . بویله جغرافیا ایله
متمم اولمسه تاریخ ناقصدر . بنابرین اوروپاده (جغرافیا
واسطه‌سیله تاریخ) باشلی باشنه بر اصول ، بر فن تشکیل
ایلهور . تاریخ ایچون آطلاسری یاییلور . خریطه لر نقش
اولونیور . بو علمک موجدی آلمانلردر . فرانسلر
صوک دورده بوجهته میل ایلهدیلر . شو حقیقتی اعتراف
ایدن (سورل) در . دها دمنیدن درسده : بویله تاریخی
خریطه لریمز یوقدی . اولاً بونلری آلمانلار کتیرتمک
مجبور اولدم . بر ایکی سنه اولده شودیوارده کوردکلر-
یکزی بالذات یاپدیردم .. دیدی . دیوارده اوچ خریطه
واردی ، بری اوروپانک ۱۷۸۹ دهکی تشکلاتی ، تشکلات
تاریخیه‌سنی عیاناً کوستریوردی . دیکری بوقطعه‌نک
(۱۸۱۵) دهکی حالی ، هیئتنی مشعردی . اوچنجیسی ده
عین شکلی (۱۸۸۹) ده ارائه ایلهوردی . قارئک ذهنده
بوعصرک احوال تاریخیه‌سنی اویاندیریورلردی . حاصلی

بو نوع تالیفات فرانسه ده یکیدر : بونلرک برنجیسی
(فریمان) « Frimann » ک « جغرافیا واسطه سیله تاریخ
عمومی » سی :

Histoire générale par la géographie درکه برترجه -
در . (لاویس) ک قلمندن چیقما برمدخل ایله برده
کوچک بر آطالاسی شاملدر . بومدخل مؤلفک قدرت
علمیه تاریخیه سندن آکلاشدیغی اوزره اعلادن اعلادر .
آطالاس ایسه جداً نفیسددر . اولجه ده سویله دمدی .
(لاویس) فرانسه نک اوילה آدملرندن اوילה استادلرندن ،
مورخلرندن ، مؤفلرندرکه سعیرلیله ، مادی ومعنوی
اثرلریله بومملکتی بومملکتک معارفی ، دارالفنونلری
احیا ایله دیلر . آریجه برمخابره ایله قارئین کرامه عرض
ایتدیکمز کچن هفته کی صوربون جمعیتی بو حقی برقات ده
اظهار ایتدی .

بونقطة نظردن ایکنجی براترده (هیملی) Himly نک
اوروپا دول مرکزیه سنک تاریخ تشکلات اقلیمیه سیدر :

Histoire de la formaion territoriale des Etats de l'
Europe centrale.

دول مرکزیه : باچبقا ، هولاندا ، آلمانیا اوستریا
دواتلریدر .

(هیملی) اسمی حامی یه بکزدیکی ایچون کتب
علمیه اکثریا کوزمه ایلشدجه نظر دقیمی وهله اولاده
جلب ایدردی . کوکلدن همان ، آمان بر ترک اولماسون
تمنسی قوپاردی که لحظه ده سونیوریردی . بوذات پارس
دارالفنونک مدیر ثانیسی ، فرانسه نک بر استاد بی مدا-
نیسیدر . او قدرکه (سورل) ، بوقوجه (سورل) بيله
نامنی ذکر ایدرکن « استادم » قیدینی ده تردیف ايله یور .
علما بویه اولور . شہادت ندر ؟ بیامز ، شهرت پشنده
قوشماز . ساخته اوضاع طاقینمز هویتندن ، مزیتندن
زیاده ، باشقه کورنمک هوس باطنه دوشمز . مع مافیه
شان وشرف آياغنه کلیر .. ابدی بر صورتده کلیر ..
او برلری کبی دکل .. فرانسه ده دها نیجه بویه اکابر
وارکه اسملری آنجق کتابلرده ، کتبخانه لرده کوریلور ..
مستشرقیندن (شفر) لر ، (باریبه ده مینار) لر ، (پاوده ده
قورنی) لرده بویه در . فقط برکرده ده عوامه مراجعت
اولونسون بوافاضلک هیچ برینی طانیماز .. بری طرفده کی
بش پاره لك برشارلاتانی ، برقوق مبعوثی ایسه قضا
باطلاتیرجه سنه آلقشار ، سور ، تقدیر ایدر طوریر .
(سورل) بوصوک کتابی ده ، مؤلفی ده شاگردانه
بالخاصه توصیه ايله دی . بویه نوادر آناری او قویکزی ایدینکنز

دیدي . فقط الله برده آتلاس بولنق لازمدر . بو
 وادیده سويله دیکمز کبی ایلری کیدن آلمانلردر .
 فرانسزلر اخیراً بویولده سلوک ایلهدیلر . جغرافیایه ،
 تاریخه متعلق مفید خریطه لر تنظیمنه باشلادیلر بونوع
 آتلاسلردن اک موافقی آلمانیاده (اسپرونر) (Sprunner) ک
 اثریدر . فرانسزجده ايسه (ویدال لابلاش) - Vidal
 Lablache ککی ایله (شرادل) Chradel ککیدر . بوایکنجی
 اترك صوکیا پراغی (سورل) ک قلمندن چیقمشدر که صوک
 ایکی عصرده کی اوروپائی تشکلات مختلفه سیاسیه سیله درت
 فصلده عرض ایله یور .

معلم بوبخته شوسوزلری تردیف ایلهدی : « محویت
 کوستره حکم دیه استفاده کزی تحدید ایتک ایسته م . .
 قاممندن چیقان شوخریطه یه مراجعت ایتلیسکز ، چوق
 ایشکزه یارار . باخصوص بعض ایضاحات تاریخیه یی ده
 شاملدر . بویله مطبوع ومصرح اولدینی ایچون درسک
 بوخصوصه تعاق ایدن قسمنی مختصر کچرم . اکا کوره
 طاورانکز » بواطلاسلرک هرایکسی ده مکتبک کتبخانه .
 سند موجوددر . ایسته دیکمز دقیقه ده کوزومزک
 اوکنده در . برنجیسی پارس طابعلرندن (آرمان قولن) ده
 ایکنجیسی (هاشت) ده مطبوعدر . بزده بونوع اثر

هیچ خاطریه کله یور . شمدی به قدر خریطه لریمز بتون
 جغرافیایه متعلق ایدی . تاریخ نقطه نظرندن بویه
 تنظیماته هیچ کیریشمه دک . . حال بوکه بوبابده نه قدر
 احتیاجز واردر . سطحیاتدن آیرمالی ، اعماقه کوز دیکملی
 تا که بر معرفت کوستریله بیلسون ، زمانه ده اظهار واکتاب
 معارف اودرجه کوجلشدی . نه ایسه ، ینه استاد مصا -
 حبه سنده دوام ایله سون : « شمدی موضوع تدریساتمه
 کله م : بوموضوع اورویانک (دیپلوماسی) تاریخچی ۱۷۸۹ :
 ۱۸۸۹ Histoire diplomatique de l'Europe دیپورز ،
 بوتسمیه طوغری دکدر ، اساسه توافق ایتمز . . چونکه
 موضوع حقیقیمز اوروپا دولترلینک بو مدت ظرفنده کی
 تاریخ سیاسیاندر . بز یالکز اوروپا دیپلوماتلرینک
 آراسنده جریان ایتمش معاملاتدن ، مذاکراتدن بحث
 ایتیه جکزکه برنجی عنوان ایله اکتفا اولونسون هر دولته
 تاریخ سیاسیاتندن مقصدیمزه موافق برنجه استحصال
 ایله به جکز . . انجق شو سر لوحه سزی ، دفتکزی
 جالدر . بویه اولورسه ده قولايدر ، فکریکزه ده
 موافقدر . امتحانلریکزه یارار ، صانیرسکز ، بودرسه
 قوشارسکز . بزده ، غریبدر ؛ طلبه علم ایچون دکل
 امتحان ایچون چالیشیر . . نه اوکره نیرسه امتحان ایچون ،

خلاصه ، اجمال ، توسیع هې امتحان سؤاللری نه در !
 احاطه لرینی ساده بونقطه لره تحدید ایلرلر . . تحف دکللی !
 امتحانلرده اسئلهم اکثریتله عین تکرراتدن عبارت
 اولدیغی حالده بونلری اولدن استفسار ایدنلر . . بیلنلر
 ینه اکثریا جوابدن عاجز قالرلر . . ایشه امتحان ایچون
 چالیشانلر بویله تمی دست اولور .

نه ایسه ، بزده بویولده تدریسات تاریخیه یکیدر .
 کچن سنه (بورژوا) شمذیکی معارف ناظری (رامبو) نک
 یرینه بومکتبه اون سکزنجی عصرک تاریخ سیاسینی
 اوقوتدی ، پک مکمل اوقوتدی . (فلاسان) « Flassan » ک
 تاریخ عمومیی :

histoire générale et raisonnée de la diplomatie fran-
 çaise 1809-12.

واردر که غایت نافعدر ، اون سکزنجی عصرلردن
 باحذر . ممالک اجنبیه کوندریلن سفرای جدیدیه
 مأموریتلرینه دائر تعلیمات محرره ویریلردی . ایشه
 (فلاسان) اثرینی بوکی منابعدن اقتباس ایلهمشدر .

ینه بونوع آتاردن اولمق اوزره (یلفلد) « Bielfeld » ک
 اوروپاده تأسیسات سیاسیه « Institutions politiques »
 de l'Europe. عنوانلی کتابی واردر که بودوره متعلقدر .

تاریخك شو فصلنه دائر تبعاته قویولو نجه باقدم كه مختلف
ممالك تردن برچوق افراط عادات و آداب دولیه خصو -
صنده عین افکاری بسله یورلر . بوكا سبب نه در ؟ وقتیه
— مشهور منقد ادب — (سنت بوو) ده مورخ
(سه یوس) ك ممالك اجنبیه ده فرانسه تهذیباتی :

La culture française à l'étranger.

نامنده کی اثری ایچون بعض تفصیلات کوردمدی . بونك
اوزرینه مراق ایتدم . شو کتابه مراجعت ایله دم . بونده
(بیلفلد) ك بر تاریخ سیاسیاتندن بحث اولونیوردی .
بونارخ نهایت اله کچدی : « اروپا دولتلری ؛ داخله ،
خارجده عادت سیاسیه لری » مندرجات بوندن عبارت
ایدی نه کورسهم ایی ؟ مکر فرانسه یه ، اجانبه یاپیلان
معلومات سالفه هپ بو آدمدن ، بو اتردن مأخوذ دگلی
ایمش . . ممالك مختلفه دن ، افراد مختلفه بو خصوصده عین
افکاری حائر بولونیورلردی . چونکه بونلری بتون
(بیلفلد) دن آلدیلر . بو مؤلف اودورك یكانه استاد
سیاسیاتی ایدی »

شو صروده کوچك براستطرا ده مساعده بیورلسرن .
نه صورتله چالیشدق لرینی ، شو بهر ؤ خارق العاده یی نه وجه
ایله احراز ایله دکلرینی بویله افاضلك لسانندن ایشتمك بر

نعمت دکلیدر ! بو حال انسانه باشقه شوق ویریور .
(سول) بعده تفصیلات آتییه کچدی :

« شمدییه قدر ذکر اولنان آثار ۱۷۸۹ تاریخندن ،
یعنی درسمنزك ابتداسندن مقدمکی دوره متعلق ایدی .
شمیدین صوکره بیان ایده جکمز اثرلر ایسه بوفصلدن قسماً
مقدمدر ، قسماً مؤخردر . اولا (فاویه) «Favier» نك :

Considérations sur la politique des Etats de l'Europe
اوروپا دولترلینك سیاستنه دائر محاکمات نامنده کی اثری
کلیر . (فاویه) بعض تقصیراتنه مبنی بالضروره مأموریتدن
چکلدی . تعلیمات سیاسیه دییه بر کتاب تألیف ایله دی .
بوزات فرانسه نك آوستریا و پروسیا ایله اتفاقنه شدیداً
طرفدار ایدی . بوندن طولانی فرقه مخالفه نك النده بر
آلت اولدی . یازدینی قیدئر اورتا بر محرر ، (سولهوی)
طرفندن جمع ایدلدی . بالا آخره قونت (سیکور)
بونلری نشر ایله دی . بومعلومات تاریخ سیاسیات ایچون
غایت نافعدر . اهمیتی حائزدر . بو اثرده فصللمزدن
مقدمدر . بودور ایچون کوزل بر مرجعده کچنلرده سزه
توصیه ایله دیکم (دارست) « Dareste » ك فرانسه تاریخ
عمومیسیدر که اون ایکی جلدن مرکبدر زمانمزه قدر
کلیر . بوندن صوکره بنم هنوز درت جلدی نشر اولنان

از اخیره مراجعه ایتلیسکیز . ۱۷۸۹ دن اعتباراً
 (اوروپا و فرانسه ...) اول امرده اون سنه‌ک تدریسات
 نتیجه‌سند ایکنجی ، اوچنجی ، دردنجی جلدلری یازدم ،
 سوکره بونلردن افکار عمومیه ایدینه‌رک جلد اولی قومه
 آلدیم . بوجلد برمدخلدر . بر مؤلف تاریخ یازارکن قلمی
 ایکی صورتله یوروتور . یاقایعی بر طرفه بر اقریر ساده
 قواعد عمومیه بیان ایلر ، اوزمان تاریخ دکل . ادبیات
 اولور . یاخود ساده وقعه‌لرله اکتفا ایدر . عمومی قاعده‌لر
 استخراج ایلر مز . بعضاً هریکی جهتی ده مزج ایلر . . .
 برنجی جلدده‌کی قواعد عمومیه بتون او بر جلدلرده‌کی
 وقایعدن مستخرجدر ، مستنبطدر .

(لاویس — رامبو) نك تاریخ عمومیسندن سکزنجی
 جلد اخیراً نشر اولوندی که بواثر صرف زمانمزه نقابل
 ایلر ۱۷۸۹ — ۱۷۹۹ بوندن ماعدا ایشه سزه اوفاق ،
 کزیده بر اثر دها . . مؤلف ، (ژوایان) « Julian » بر
 مکتب اعدادنی معلمی که (فوستل تولانژ) ک طلبه‌سند
 ندر . کتابک عنوانی : اون سکزنجی عصرک مورخلرندن
 منتخبات :

Extraits des historiens de 18 me siècles

باشنده مؤلفنک مورخلره دائر بر مدخلی وار .

اوح . . زمانه ده مکتب شاگردانی نه قدر مسعود ! . بزم
 بویله کتابلردن او قومق میسر اولمادی . بویله کتابلردن که
 شو خواجه لغمزده بیله شوق ایله او قویورز . بومدخل
 برتجددر . منتخبات ایسه جداً مزیتشناسانه در . بو اوافق
 مجلدی مطلق نظر مطالعه دن کچیریکز . . .

*

* *

ایشته بو مصاحبه نافع بویله ختامه ایردی . شو
 تفصیلاتدن امید ایدرم که قارئینمزك پك چوغی مستفید
 اولور . انسان هر علمده بویله بر رهبر مطالعه ایدینمکه
 مجبوردر . . شو صوك کتابلر آز چوق نظر تدقیقمدن
 کچدی . . (دارست) ك تاریخ عمومیسندن بر جلدی
 او قودم آمان یاربی . . جهانده نه اثرلر وارمش . .
 بو تاریخ بوندن یکر می سنه اول نشر اولونمش . . . بویله
 نفائسدن ، (تیه) لردن ، (کیزو) لردن ، (مینه) لردن
 (میشله) لردن تحصیل یوروتهرك بو ذروء عال العال کالی
 بولدیغی حالده (سورل) کوچك فقط کزیده بر کتاب
 ایچون صباوتمده نه یه الهه کیرمه دی دیسه یانیور ،
 یاقیلیور . . . زمانه نك چوجقلرینه غبطه ایدیور . .
 (دارست) ك تاریخی بر پرلانطه در که صفوت ، وضوح
 لطافت ایچنده یوزیور . شو دقیقه ده فرانسه تاریخنك

حافظه مده الكوزل تجلی ایدن قسمی ۱۷۷۰ دن ۱۷۸۹ •
 قدر مرور ایدن دوردر . (تورغو) لر ، (مالزرب) لر ،
 (نكیر) لر حرفی حرفه املار یله ، اساسلریله ذهنمده
 مرسمدر . . چونكه (دارست) كچن هفته نظر مطالعه
 مدن كچدی . . آسوده ، آهسته بر صورتده كچدی . بر
 آب خوشجریان کبی رونقلی كچدی . شاعرلریمزدده
 خاطری قالماسون ، رفتار موزون جانانی آکیرجه سنه
 آهنگ لطافتله كچدی . . (سورل) ك تألیفی ایسه ایشه
 کوزیمك اوکند طوریور . . آم ، فقط نه محرومیتدر .
 نه بوکون نه یارین ، بلکه نه ده بوهفته بونعمتدن استفاده
 میسر دکل . . بوحائف کزیده بی اوقومغه وقت یوق . .
 بر ادا که طبق یونان اساطیرنده کی (تانتال) اشکنجه سنی
 آندیریور . .

(لاویس — رامبو) نك تاریخ عمومیسنه کلنجه
 صوك جلدك چیقیدیغنی طویار طویماز حجره حقیرانه مک
 همان آلت قاتنده کی (آرمان قولن) کتابخانه سنه کنیدی
 آندم ، بو عادت می سورم : پاره می بیله سوینه سوینه کتابه
 ویریرم . بر کتابه تملک بنجه باشقه بر صفا در . و قتیله علم
 اخلاقك تملک بختنده شو خاصه فطریه بی بر نبذه سرد
 ایتدمدی : بر چوجغه بر متاعی ، بر نسنه بی عاریه ویریکز .

فی الحقیقه او معصومی بر پارچه سویندیر رسکز . . عین
شیئی عین مخلوقه عاریه دکل بوسبوتون بخش ایدر سه کز
بوسونج بیک قات دها سورکای اولور . دیمک ذوق تملک
فطرته مکنوزدر . بوبر هوس طفلانه ظن اولونماسون
چونکه بیوکلرده دها زیاده در .

(لاویس — رامبو) تاریخ عمومی طبق بیوک
(آنسیقلوبه دی) کی بر هیئت ممتازة علمیہ نک قلمندن
چیقیور ، هر بحثی بر صاحب اختصاص یازیور . مثلاً
فرانسه تاریخنک (۱۷۸۹ دن ۱۸۹۳) . قدر کچن فصائی
اک زیاده (صوربون) معلملرندن (اولار) بیلیرکه
عمرینی ، اشتغالنی بودور تاریخی یه حصر ایلمشدر .
درسلی ، یازیلی بوتون بو خصوصه عائددر . ایشته
شوصوک جلدک بوقسمی (اولار) کرر . (روسیه یه ،
دولت علیه) یه تعلق ایدن جهاتی (رامبو) قلمه الیور .
سائرلری ده بوکا مقیددر . محصول طوقوز اون قلمدن
حصوله کله بر اثر تعاوندر . تاریخ ادبیاتی (امیل فاکه)
تاریخ اقتصادی علوم سیاسیہ مکتبی معلملرندن (آرنونه)
بسط ایدیور . حاصلی باشدن باشه قاعده اختصاصه
رعایت اولونیورکه زمانه ده بو اصول بیوک ، مفید بر
دستوردر .

هفته مکتوبلری

(سارا برنار) کیمدر ، نه در ، نه اولدی ؟ برعید شادمانی ،
اولا (غراند اوتل) ده ؛ (ساردو) ، نطق . . صوکره
(رهنه سانس) تیاتروسنده : (فدر) اویونی ، شاعرلر ،
منظره لر ، شعرلر .. برشعشع بی مثال ..

بو هفته نك پارس عالمنجه روح شئونانی ، زبده الوقایعی ،
نخبه مساری ، (سارا برنار) ، بو صنعتکار دلارا ، بو
سحاره ذوقنون ، بو پری معرفت ، حاصلی هر درلو
مدلول محاسن و بداعیله بوقادین اولدی . (سارا برنار)
کیمدر ، تعریفه لزوم وارمی ؟ تا (نیاغارا) شلاله لرندن
(باغراد) بندلرینه ، او عمانلردن بو قطره لره وارنجه یه
قدر فطرتک بوموهبه مجسمه سنی بیلمه یین ، تقدیرایتمه یین ،
سومه یین هیج اولمازسه آرامزده البته یوق ، اوت ، یوق :
اهل دل بر برینی بیلمه مک انصاف دکل . . . نه حاجت ،
انکلیزجه ، اسپانیولجه ، فرانسیزجه ، آلمانجه ، حاصلی
هانکی بر مجموعه اشعاری اولورسه اولسون ، آچیکیز

« سارا برنار » عنوان كزینی التمدد پارلاق ، لطیف ،
 صیرمه سنه كوره یانیق جاذبه دار برپارچه یه تصادف ایلر سكر .
 سوزیمه دلیل ایسترسه كز (بونلر ودر) . مراجعت ایله
 ییكز ، مدعالمك تركجه ده کی ثبوتی سوه سوه كوریکز .
 بوشهرت نره دن کلیور ؟ بوقادینده نه مزیت وار ؟ ..
 ایشته بیوك بیوك مسئله لر : تیاترو بروادی عرفان ،
 بر ساحة کمال ایسه بوقادین الکرعنا دلاوریدر . بومکتبک
 دوریمزده الکر بیوك استاد کالاتی اودر . (سارا برنار)
 اولماییدی فرانسه ده تیاترو بوزروؤ عال العالی بولامازدی ،
 (نیورق) لری حتی (ویانه) لری ، (استانبول) لری ،
 (پترسبورغ) لری بویله هیجانه دوشوره مزدی . کچن
 کون بوفواره مهارت کندی قلمیله بر جریده ادبیه ده
 یازیوردی : (قانادا) ده خلق مهیج بر تماشادن صوکره
 شوقه ، غلیانه کلهرک نه درلو اظهار مسرت ایلیه جکنی
 بیلمه مش ، صنعتکارک کردونه ظفریی سـوینه سـوینه
 چکمش .. دها بوکا ممائل نه مظفریتلر ، نه موفقیتلر که
 بـتون فرانسه شرفی ، لوای هنرینی اعلا ایله خاتمه
 بولیورمش ... بوشعشعلر ، بوتعالیلر البته صرف
 حسن و جمال اثری ، تأثیری اولماسه کرک .. چونکه اول
 (سارا برنار) اوقدر کوزل دکل ، حتی عادی بر نظرله

باقی‌لیرسه هیچ کوزل بیله دکل .. هله شم‌دی سنی الی
 التمش اراسنده که بونقطه برقادین ایچون نه اولورسه اولسون،
 درجه زوالدر .. فقط هنر ، کمال انسانه برشباب نامتاهی
 ویریور .. بوکون صحنه تماشا یه عطف نظر ایدیکز :
 بوجهان آرا (لادام او قاملیا) حالا اوکنجلك ، حالا
 اوجاذبه ایچنده یوزیور . سنه لک تاثیر و تضیق کرانی
 عادتاً کوله کوله استخفاف ایدیور .

فقط واسفای بورقانون طبعیدر ، ازلیدر : دست
 مشیت زواله نه رتبه کمال ایله اولورسه اولسون مقاومت
 محالدر ، کونک برنده بومغلوبیت (سارابرناز) ایچون
 بیله محققدر . فی الحقیقه قوجه دلبر دلارا حالا شو
 مجادله ده بلندانه دوام ایله یور ، کوندن کونه معرض تجلیده
 یکی یکی علائم قوت و شباب کوستریور : ایکی آیدر هر
 کیجه متمادی ، حتی بعضاً کوندوزلری ده (لادام او قاملیا) یی
 اوینادی ، بیکلرجه خلقی کولرکن آغلاندی ، آغلایر
 کن کولدیردی : هر حالده دوشوندیردی ، طاشندیردی ..
 اندن صوکرده شوائنلرده افکار ادبییه یی اک زیاده اشغال
 ایدن جهانقدر اما بدبخت برشاعرك ، برادیك ، آدیله ،
 صانیله (موسه) نك : (لور انزاقیلیو) سنی ، بومشکل ،
 مشکل اولدینی ایچون مکمل ، معجز او یونئی اوینادی ،

نوين ، رنکين ، کزين برادا ايله اوينادی . او قدرکه بو
تماشادن صوکره زیارت تبریکه سینه کلن انجمن دانش
اعضاسندن پیرنزا کتسمیر (دوق دومال) ه اوطور مق
تکلیف ایتدی ده : « مادام ، هر نه قدر اختیار ایسه مده
بردهایه قارشی آیاقده طورا بیلیرم » جواب نقدر پاشی
آلدی . حاصلی تیاتروی ، اویونخیلنی ، بوضعتی ، بوفنی
برمرتبه خارق العاده یه چیقاردی . فوج فوج کوکلری
تسخیر ایلهدی ، وجدانلری تلذذ ایتدی . لکن فردا ،
فردای زوال ، زوال طبیعی یا قلاشیور ، بو آجی حقیقی
هرکس بیلور ، حتی ایکی کره ایکی درت ایدردن ده
طوغری بیلور . چونکه صحنه تماشالرده بعضاً ایکی کره
ایکی بش ایدیور . بونک ایچون پارسک ادیبلری ،
باخصه تیاترو مؤلفلری دوشوندیلر نه یاسونلرده بو خارقه
معرفته قارشی قبل الزوال منت وشکرانلری بحق اعلان
ایتسونلر ؟ .. نهایت شو موفقیات متوالیه صیره سنده
(سارابر نار) ک شرفه برعید شادمانی اجرا ایتمکه ،
بویولده نطقلر اوقومغه ، شعرلر سویله مکه قرار ویردیلر .

*

* *

باشده مؤلف شهیر (ساردو) اولمق اوزره کچن
چهارشنبه کونی الی یوزکشی (غرانداوتل) ده ، اوچ

بيوك سفره باشنده طو بالانديلر . . بونلرك ايچنده
(فرانسووا قوپه) ، (لوديويق هالدهوي) كجي انجمن
دانش اعضاسندن اعظمده واردى . (ساردو) ، هيچ
شبهه يوق ، تياترو خصوصنده دورك اك بيول مؤلفيدر.
مجموعه ابوالضياده كي معروف برنامه تفقيده بو محرره
برپارچه اشاعى بر نظارله باقيليورسهده بلكه اوزمان اويله
ايدى ، فقط شمدى بوقلمدن چيقان بديعلر فرانس-
تماشا كاهلرينك اك ادرا كپيرا تزيباتندندر .

(سارا برنار) له قول قوله ايچرى كيردكن ، يان
يانه يمك يدكن صوكره (ساردو) شو اوافق نطقى
سويلر : « خاملر ، افنديلر . . بوكون برعيد شادمانى ايله
تكريمه چاليشديغمز داهيه معزومك ، صنعتكار ميجلك
كامليله اطراى شرف وشانى ، بو خدمت مفتخره ، بندن
زياده ، شاعرلره دوشيور ، برازدن بوجهتى كورورسكز . .
نيجه او يونلرك مبدع حقيقيسى بو صاحبه كالدر كه تياترونك ،
بو اقليمك مالكة ذى قدر تيدر . بو خصوصجه لايىنقطع
بتون عالمك تقدير كاهيدر ، ستايشز اريدن . اوزاقدن
بويله مزاي ايجنده پارلايان بو خارقه نى برده بز مسعودلر
كجي خصوصيت ، صميميت عالنده طائيلي . نه علوى بر مادر
مشفقدر ، نه شفقت ، نه خير ، نه لطافت منبعيدر بيلملى كه

بحق مزایای جهانقدیرینه اکتساب وقوف اولونسون ..
 ایشته بووالده کزیدهیه ، بوعائله کزینه درکه سورکلی
 برسعادت ، اوزون برسلامت تمنی ایلرز . قدحی هم
 او بیوک ، هم بولطیف ، مشفق (سارا) نك صحتنه رفع
 ایدیورم »

بونطق همان عینله نقل ایتدم .. چونکه صنعتکارک
 مرتبه بلندی تماماً تصویر ایله یور . (سارا برنار) بو
 سوزلرله اودرجه رفته کلیرکه « محبانم ، متدار و متبیج
 برقلب ایله سزه : تشکر ! تشکر ! تشکر ! دیرم » جمله سنی
 انجق سویله یه بیلهرک ایکی اللریکی کوکسنه قویدقدن صوکره
 مدعوینه طوغری اوزانیر . یعنی « قابم ، بتون قابم
 سزکر » دیمک ایستر . آرتق بونك اوزرینه هرکس
 مستغرق هیجان اولور ، قادینلر عادتاً کوزیاشی دوکرلر ..
 (ساردو) بیله فوران احتساسات ایله آغلار . موسیقی
 (سارا) نك شرفه شاعر مشهور (آرمان سیلوستر) ك
 تنظیم ایلهدیکی مارشی چالغیه باشلار .

ساعت اوچ بچقه طوغری هیئت اورادن قالقار ،
 (رهناس) تیائروسنه طوغریایر .. بو آلایده کیملر
 یوق کیملر ؟ (پووان قاره) ، (ژوزف ریناق) کبی
 مبعوثلر ، (مهزیر ، هالهوی ، ساردو) کبی انجمن

دانش کبیر ارکانی ، مشاهیردن (ژول له متر) لر ،
(سارسهی) لر ، (دهتای) لر . . حاصلی کورولمکه
شایسته بر هیئت کزیده . . فرانکلرک دیدیکی کبی بتون
پارس . .

*

* *

ساعت دردی چاریک کیجه (رهنسانس) تیاتروسنده
پرده آچیلیر . (سارا برنار) معروف (فهدر) اویونیه
میدانه چیقار . بواویون اون یدنجی عصرک ، بلکهده
بتون فرانسهک اک بیوک تیاترو ، فاجعه مؤلفی (راسین)
دندر . روایات ادبیه دندرکه برکون (وولتره) : « طبق
فاجعه نویس (قورنی) . پایدیغک کبی (راسین) ک
آثارینهده صحیفه حاشیه انتقادیه یازسهک آ دیرلر .
قوجه فیلسوف : « اوح . بولکفته نه حاجت وار . بوبابدهکی
فکرمی اکلایمق ایسته یورسه کز (راسین) دن هر صحیفهک
الته (خارق العاده !) سوزنی بنچون یازیکز » جوابی
ویریر . حقیقت (راسین) دائما ، یکتا بر شاعر در . بر
مؤلفدر . آثاری اکثریتله یونان فاجعه نویسانندن
مأخوذدر . فقط (وواتر) ک دیدیکی کبی هپ خارق -
العاده در . بواترلردن (فهدر) اویونی یونانک انجم
اربعه ادبندن (اورپید) ک بر محصولدن مقبلسدر .

(سارابر نار) ك تجلیاتندن . ظفر لرندن بری (فهر) اولدینی ایچون بو عیده بو منظره دن او چنجی پارچه مناسب کورلدی . برنده بونکار معرفت سویله نیور ، ایکله یور ، فریاد ایدیور ، لغت اوقیور . بو آراق ایسه بر طور احتشامکارانه ایله کوکسنی آچهرق :

« ایشته قلم . اور خنچریکی اورایه اور » دیور ، ایشته اوزمان حضاری برغلیاندر ، بر بکادر آیور ، بویله بر ایکی او یوندن صوکره پرده آچلدی . منظره ، بوسفر ، بر منظره غرا ایدی . ایکی ستون یشیل یاپراقلر اراسنده (سارا) ینه (فهر) اتوابیله چیچکدن بر قولتوغه اوطورمشدی . آرقه سنده بیاض ، قیرمزی قاملیلردن اورلمش بر حواله واردی که سمای صافنه ، بوورد لطیفه خوش برزمین اولیوردی . آباق اوچنده ، یانی باشنده باشلرنده کلدن تاجلر برلباس طراوت ایچنده قادینلر اوطوریور ، اکا قارشی کولومسه یورلردی . صاغنده ایسه بو عید ایچون نشیده لر حاضر لایان بش شاعر دیزیلی ایدیلر . بر طرفده ده برکنج بولنیوردی .

اولا کنج سوزه باشلادی ، کوزل نکته لر صرف ایتدی . خاتمه ده ایسه : « سز (لادام اوقاملیا) نی اوینارکن پریلره غبطه ویریر بر سحر ایله شاعرک :

شبابت سیم و شبابت قلب حضور و سعادتک ایکی نشانه
 توأمیدر، حقیقتی نظرلرده تجلی ایتدیریورسکیز بز شباب
 فانی ز . هیات ! شباب ابدی سزسکیز . دهاء بویله تمیز
 ایدر . ایشته ، مادام چیچککار ، اتک اتک چیچککار . .
 بزدن سزه انجق بوقدر بر تقدمة اولاییلیر . « دیدی ،
 خوش دگلی ؛ بوندن صوکره بش شاعردن برنجیسی ،
 (فرانسووا قویه) شعرینی اوقودی . اوح ! نه کوزل
 پارچه ، همده برخاطره لطیفه یی حاکی ! شاعرك « روحم
 ایشته نیسان . . » دییه بر نظمی وارمش . . بونی بیلمم
 تاقاچ سنه اول (سارا برنار) اوقومش . . (قویه) بویاد
 کزینی تذکار ایله قلبی ، روحنی اوقشایه رق مخاطبه سنه :
 « خاطرلایورمیسك ؟ » دییور . طبقی (لامارتین) ك
 معروف (کول) منظومه سنده اولدینی کی . خاطرلایور-
 میسك ، صوکره ده « ماضی سنك خاطره کی متألم ایده مز .
 چونکه ، سنكجون ، ای دلارای جمال باکال ، ای
 بیرایه کال باجمال ، دائماً نیساندر » بیتیله نظمیه خاتمه
 ویریور . شاعر نشیده سنی بیتیرنجه یاقلاشیور ، ممدوحه .
 سنك اللرینی اوپمك ایسته یور ، اونهاال معرفت ایسه
 یاناقلرینی اوزاتیور .


بعده (ادمون هاراقور) (ههره دییا) برده اخیراً

انجمن دانشه اعضا انتخاب اولونان (آندره تورییه)
منظومه لرینی قرائت ایله یورلر . . فقط اک بیوک موفقیتی
صوک شاعرک ، (روستان) ک شعری قازانیور . .
بو محصول او قدر زنکین ایدی که (سارا برنار) ی عشق
وجال ایچنده منجلی برالهه معرفت صورتنده کوستریو-
ردی بودور مادیاتده ، بو عصر مادیاتده ناصل برخارقه ،
بر استشنا اولدیغنی شاعرانه تصویر ایله یوردی . نهایت
« بعضاً دکلئ (سارا) ، اوینارکن حس ایدیورسک که
(شکسپیر) ک دوداقلری پارماقلر کده کی یوزوکلردن بوسه
چین اولیور » دیوردی .

ایشته بو عید شادمانی بویله چیچکلر ، شعرلر ، ظفرلر
ایچنده ختامه ایرییور . دنیاک هر طرفدن (سارا برنار) ه
تبریکلر ، هدیهلر ، تاجلر کایور . فرانسه حکومتندن ده بر
نشان بکله نیوردی . هر نه دنسه بو خصوص کانون نانیه
قالدی .

کچلرده بر (اتنوغرافیا) درسنده معلم روسیه ده کی
موسویلردن ، بونلره متعلق قانونلردن بحث ایله یوردی .
بوملر کتده بوموسوی قیز تیاتروییه او یونجی بیله اولاماز-
مش . . دیمک عصرک ایکی بیوک او یونجیدی ، بویولده
ایکی داهیسی (راشل) ، (سارا برنار) بو حوالیده

دنیا به کله یدیلر مزیتلرینی اورتایه قویایمايه جقلردی، هیات
 ادبی تجلی-لرندن محروم براقه جقلردی . چونکه هر
 ایکسی ده مات موسویه دندر . خاطرات شبابی چن کون
 (ژورنال) ده اوزون اوزادی به نقل ایلرکن (سارا)
 بوجهتی هیچ قاله آلمایور . برده شایان دقت شوکه بتون
 بودبدیه ، بوشعشعه ، بوکید اثناسنده هیچ صنعتکارک
 سندن بحث اولونمایور . زهی مخلوق مسعودکه مادام
 العمر کنج کورونیور . اويله عد ایدیلیور .



نقش بر آب : شعره دائر

بونقش بر آب ، اخيراً بيوك بر كشمكشه دوشن بر
فرانسز شاعر بنه ، (آلفر د دو موسه) يه ، دولا يئسييله
من جهة شعره دائر در . اولجده عرض ايلديكمز وجه
ايله (موسه) پارس مطبوعاتى اوچ آيدر سراپا اشغال
ايله دى : چارك پارسى زيارتنده فرانسز تياتروسيله
(ورساي) سراينده بعض مناظر عرض اولوندى ايدى يا .
بو نلردن باشليجه لرى (موسه) نك آثارندن ايدى . .
ايسته بو آتش اورادن باشلادى . . اولا شاعرك (ژورژ
سان) ايله معاشقاتى اوزون اوزادى يه شرح اولوندى ،
اك مخفى نقطه لر ديديك ديديك ايدلى ، كوردك . .
صوكره بوشاعر ناكامه دائر برسورى مكتوبلر ، اثرلر
ميدان انتشاره قوندى ، اك معروف صحائف ادبيه ده
(موسه) دن مباحث مودا اولدى . اك بيوك تياترولر
بييله (موسه) دن آثار ايله طولدى ، بوزمره دندر كه
شمى (رهناس) تياتروسنده (سارا برنار) بيوك بر

موفقیته (لورازاقسیو) اویونی اوینایور، طورییور .
 بوسیرهده بیوک بر مسئله چیقدی : (موسه) شاعر میدر :
 نه درجده بر شاعر در : شعری ندر : بوجهتی بتون
 ادبادن صور دیلر . برایکی استئادن صرف نظر اکثریته
 بوسؤاله نه جواب النسه بکنیرسکز ! (موسه) شاعر
 دکل ، اولسه اولسه بر تیاترو مؤلفیدر . یا خودکه درجه
 ثانیهده ، یعنی شویله بویله بر شاعر در . آمان ، بو حکمه
 سبب ندر ؟ (موسه) شاعر عد اولونمازه بو مرتبه یی
 کیم احراز ایدم بیلیر ؟ بز شمدی یه قدر فرانسزلرک بو
 عصرده انجق اوچ بیوک شاعری وار صانیوردق :
 (هوغو ، لامارتین ، موسه) حتی بومثلث مبجلک صوک
 ضلعنی او برلرندن دهارنکین ، دهاموزون بولیوردق . .
 چونکه (یادایت) لر ، سائرلر شویله طورسون ، باخاصه
 «کیجهلر» ، بوی امان یارچهلر ، بوقلب یارهلری ، بو
 دموع خونین درونمزی اومولماز بر هیجانه دوشوریو -
 ردی ، حالاده دوشوریور .

اوحالده ادبای زمانک شو حکم اخیری نهدن ایلری
 کلیور ؟ بوسببی آرارکن شعره تعلق ایدر بر نقطه مهمه
 کوزمه ایلشدی که بومسئله بر زمان مطبوعاتمزی ده اسیجه اشغال
 ایلهدیکی ایچون شو صحیفه لرده برنبذه نقش اولونمغه دکر :

ایضاح مرام املیله اولاً شعرادن (قاتول مندرس) ك
 بوبابده کی حکمنی مختصراً بسط ایله یهیم : « برائری پایدار
 ایتمک ایچون صفت (بزم ایچون اك واسع شمولیله لفظ)
 کفایت ایتمز . چونکه الهام ، روح ، دها ، (بزه کوره
 ینه اك دقیق ، اك بلند مدلولیله معنی) ده ایستر . فقط
 اساساً يك آز ، ظن اواندیغندن زیاده آز تغیره اوغرایان
 صفت ، لفظ ، بوخاصه ابدیه وعمومیه اولماینجه هیچ بر
 اثر الی الابد بقا بولماز . . (آلفره دوموسه) بنجه
 بوقانونی طانیماق خطاسنده بولوندی . »

بوندن صوکره (قاتول مندرس) بوسوزلرینی تفسیره
 کیریشیور . فیوضات الهامیه وروحانیه جه ، معناه
 « کیجه لر » ناظمك نه درجه بلند مرتبه اولدیغنی
 سویله یور . بوجهتی من قبل الفطره تمیزینه عطف ایله یور ،
 بعده لفظاً ، صفة ، صورة مسامحه کارلغنی ، سرد ایله یور ،
 بوشائبه بی عطالتنه ، حویپالغنه ، حایلازلغنه ویریور .
 طوغری سوز ، طوغری مطالعه که بنجه بر حقیقت احرا-
 بی ده شامل کورونیور : قوه الهامیه ، فیوضات معنویه
 دها ، ثمره سیدر . ثروت ، صفت ، تجلیات لفظیه استعداد
 محصلیدر . یعنی اوبری نسبة زیاده وهیدر ، بریکی
 اکثریتله کسیدر .

*

* *

ایشته مسئله وانحاً اورتایه قوندی : تامعهود ضناد
غوغاسندن بری بزی اشغال ایدن لفظ ومعنی یاطیردیسندن
عبارت ایمش . . لفظجه مسامحاتک قربانی اولارق بوکون
(آلفرد دوموسه) سریر بلند شاعریتندن بدرجه
آشاغی اینیور . برکت ویرسون که الیه اهمیت ویرمه یهرک
میدانه قویدینی تیارتو مؤلفاتی وار . بوتالیفاتدرکه شاعره
مرتبه دهاسنی محافظه ایتدیریور .

هنوز مکتب صیره لرنده ایکن ترجمان حقیقت ،
جریده حوادث ستونلری برچوق رفقاکی بنیده هوس
شعره مبتلا قیلدی . . فوائدی مضراتنه دکه یین بوکینه
ابتلائی عبرة للساثرین تفسیر ایتک مقصودمدر . نه ایسه ،
اله شکسته بسته بر قلم آلق ، غزته لره زور بلا اثر قبول
ایتدیره بیلمک واده اولامازسه برقاچ بویولده اقران
ایله بر مجموعه موقوته نشر ایله مک دردنی باشمه کلدیکی
زمان مطبوعاتمزی بوافظ ومعنی ولوله لری قاپلایوردی .
استاد اکرمله شاگردانه معنویوندن ، ناجی ایله تلمیذلری
لفظیوندن ایدیلر . معلمک بویله اولمغه حق واردی ،
چونکه الهامی یک آز ، صفی ، بویولده علمی چوقدی . .
کوچک برخطای نفظیده بولونمازدی . . چونکه عربی ،
فارسی ، ترکی قواعدینه غایة الغایه ، حتی لزومندن زیاده

آشنا ایدی . . شولزومندن زیاده قیدی ، وهله اولاده
 غریب کورونور . برترک ، بنجه ، عربی وفارسی قواعدینه
 پک دالارسه خوش ، سربست ، سرین ترکه یازاماز .
 چونکه اک طوغری ، اک لطیف تراکیب و عبارات
 ترکیه ده دیگر ایکی لسانه قیاس ایله خطالر وهم ایدر .
 (انتقاد) یرینه (تنقید) دیمکدن قورقار ، حتی بوکله یی
 عربجه ده بولامادیغی ایچون آغزه آلاماق ایستر ، اسلامیت ،
 کبی مصادر مضاعفه یه متحیر قالیر « خارقه نما ، حزن
 آلوده ، ترکیلری خطیه دار بولور ، هله (خطیه دار) .
 قورشون آتار . نه دیمکدر ، نه بارباراقدردر ، خطا باشقه ،
 خطیه یه باشقه در ، دییه باغیر بر . مزعج برمشکلپسند ،
 عادی بر محرر ، بایاغی برکاتب اولور . ناجی افندی له الحمد
 بودرجه یه کیتمزدی ، بویله لره مقیس اولمازدی . حتی
 بوبابده کی انتقاداتنده اکثریا معقول ایدی . عادی مساحه
 لری قاله آدیرمایه جق درجه ده کی بی وکلکنی تسلیم
 ایتمه مکده غیر محقدی حال بوکه علی العاده مساحات
 ادبایه دائما حرمت کوستیردی . بونکچون راغب پاشایه
 دائر بر اثر بیله حاضر لایوردی . . بومناقشه امثالی کبی
 افراط و تفریطه دوکولدی . تلامیذ استاد لری ده بویوله
 سور وکله دیلر .

آرتق بر کره قفالر قیزدقدن سوکره ایش صرف
 شخصیات یوانی طوتدی . حقیقت عئاده فدا اولوندی .
 حاصلی بومناقشه دن هیچ بر حقیقت ظاهر اولمادی .

*

* *

برکون پارسده آچیلان (موسه) مباحثاتی بزه
 بو حقیقتی بحق کوستریر ، الفاظشکنلریمز بر نمونه عبرت
 اولور : باقیکنز بومبحثده ادبادن (پول هرویو) نه
 دیور : — بوادیب مشهور بر حکایه نویسدیر ، بر تیاترو
 مؤلفیدیر ، کچن سنه بو صحیفه لرده خلاصه ایله دیکمز
 « قیصقاجلر » اثریله بیوک موفقیت قازاندی ، بوسنه ایسه
 قانون بشر دییه یکی بر اثر حاضر لایور —

« اون یدی یاشنده ایکن (موسه) نك پك مفتونی
 ایدم . اوزمان هنوز ادبیاتك كافه جوانینی طانیادن بنجه
 اك بیوك شاعر غرام (موسه) ایدی . فقط ، بالاخره
 بوادیبی بلکه اون کره او قودوم . . طوغریسنی سویله یه یممی ؟
 او قودجقه مفتونیت قدیمه زائل اولدی . چونکه اثرده
 بیوك بیوك شوائب لفظیه تصادف ایله دم . انك ایچون
 بنجه بوشاعری (ویقتور هوغو) لر ، (لامارتین) لرله
 هممرتبه عد ایله مک جائز دکل . حتی (شارل
 بودلر) ی ، (له قونت ده لیل) ی بیله اکا ترجیح


ایلرم . . . بریکیلرده برصنعت غرا ، برظرف دلار آوار .
 برده (موسه) نك بعض تشبیهاتی هیچ خرشمه کیتمز . .
 مثلاً بر منظومه سنده برقادیك بوینی قاره ، رونق ثلجه
 بکرتیور . برکردن نسا که انسا ندنه برحس خار محبت
 او یاندیریر . ناصل بویله موتی آندیریر صوغوق برلونه ،
 بر ماده یه قیاس اولونور . بوتشیه پك بارددر . »

نشدتلی حکم دکلې ؟ لیکن ابدان (رنه مزرووا)
 بو خصوصده دها ایلری کیدیور . (موسه) نك اشعارینی
 بربری آردینه دیزلمش ، فنا دیزلمش برسوری کلمات بیسود
 دیه توصیف ایله یور . لیکن تیاترولرینی عیوقه چیقارییور .
 بو حاله سبب نهدر ؟ شاعرك الفاظه عدم دقتیدر .
 دوشونملی ، میدانله او قدر بدیع ، رنکین پارچه لر بیله
 قویدقدن صوکره ینه بودقتسزلك بودرجه موجب تقبیح
 اولیور قوجه بر شهرت ادبییه یی یقیور . بواءتراضاتده
 مبالغه اولسه كرك ، بلکه شوادیلر برنوع افراطه ، وهمه
 دوشیورلر . عصرک تمایلات مفرطه سنه قایلیدورلر . نه
 اولورسه اولسون لفظه . کله لرك مطابقه قافیه لر دقت
 ایتهمك (موسه) ایچون برشائبه یرینه کچور . بوده بزه
 بالخاصه شبان شعر امزه برمثال عبرتدر . بونلر امین
 اولسونلر که اوفاق بر خطای لفظی الك کوزل بر بیتي

کورله تیر . . کور میور می یز ؟ بردختر دلارا اعضا سندن
 برنده کی اوفاق برقصور ایله حسنی غائب ایدیویریور .
 قدامدن واصفك اشعارنده بعضاً کوزل مضمونلره
 تصادف اولونیور . . مثلاً بالخاصه شریقلرده ، مسدسلرده
 خوش پارچه لر بولونیور فقط بونلرک چوغنی شائبه
 لفظیه رخنه دار ایله یور . او قدر که : « نه قیرارسک ایکیده
 برده بنم خاطریمی . کوکل ای طفل زیانکار اویونجاق
 دکل آ » کبی سکتة خطایه پک چوق اوغرامادن او قونا
 بیلیر لری اندردر . « اولما سوقاق سوپور که سی قادین ،
 قادینجق اول » نقراتی ایسه آغزه آلتما یور . حال بوکه
 فطرت شاعرانه جهتیله واصف قدامنک بر چوغنه
 فائقدر .

مع مافیه بو معائب لفظیه نک سییاتی ساده شعره
 حصر ایتیملی . . نثریمزی ده نظر دقنه آلملی . . . فی الحقیقه
 قواعد عثمانیه کمالیه تقرر ایتیه دیکی ایچون بحق طوغری
 یازی یازمق بزده کوچدر ، حتی محالدر . لکن اورتاده
 برحد وار . کچیلرده بره مقاله مده سهواً « کاشانه نفیسه »
 دینلمشدی جانم صیقادی ، کذا اخیراً ینه بویله جه
 « اوروپای مدنی » دینلمشدی ، بوکاده جانم صیقادی . .
 بوخطالر بنجه معروف اولدینی ایچون بوصیقندی حصوله

کلیور . . حتی حب صحت و سلامتده کوکلم دها ایلری
 کیتمک ایسته یور . (معنی ، جزء ، بدء) یازمغه
 اوزه نیورم ، فقط بردرلو موفق اوله میورم . . هرکس
 (معنأ ، جزؤ ، بدأ) خطالرینه آلیشمش ، بوالفتک
 اوکنه کچلمه یور . حاصلی ، کوچک ، بیوک بتون ادبامز
 ایجه دوشونسونلر : بوکون چالا قلم یازیورلر ، « غیب
 ایتدم ، اهل مراق ، هر آدملر » دیور ، قواعدی چیکنه-
 یورلر . یارین بونلرله معاتب اولسه لر کرکدر . ظرف
 ومظروف بر برندن متین اولملی که اثر الی الابد قیمتدن
 دوشمه سون حتی کوچک ، یاکلیش تمایلات زمانه دن
 اویاه اکلاشیلورکه لفظ معنادن زیاده خوشه کیدیور ،
 نظری ، فکری دها چابوق اهتزازه دوشوریور .



پارسده مخابر اجنبیه هیئت

چکن کیجه پارسده کی بالجمله محابرین اجنبیه (غراند-
اوتل) ده بیوک بر ضیافتده اجتماع ایتدیلر . اقدام نامنه
دعوت ایله دکاری ایچون مخابر حقیرده بواجتماعه کیتدمدی .
نه هیئت ! بر معرض عمومی به بکزییهور . آقین آقین
مخابرلر اسویچردهن ، اسوچدن ، اسپانیادن ، انگلتره دن ،
بروکسلدن ، لهستاندن ، روسیه دن ، ایلك دفعه اوله رق
بوعاجزده ممالك عثمانیه دن . . . ترك اولدیغمی آکلار
آکلاماز روسیه دن (نوووستی) مخابری یانمه صوقولدی .
اوزون اوزادی کورشدک . . متفقاً زمان زمان شرقی
مدح ایله دک . . غربی برچوق نقطه لرجه مؤاخذه ایتدک . .
ادبیات شرقیه ، هله روس ادبیاتی مدار بحشمز اولیوردی .
لسانمک اوجنه متصل (تولستوئی) کلیوردی . (حرب
وصلح) اترینه دائر شویله بسط مطالعه ایله دمدی :
» بوبر حکایه دکل . . بر تاریخ ، رعنا ، جلی ، عالی بر
تاریخ ، او قدرکه بر عصری بسط ایله یور اما بتون اعصاری

کوستریور . بر ملتدن دم اوریور اما بالجمله مللی تشریح
ایدیور . محول دهاء بویله اولورکه سراپا قدرت فکریه
ایله ، فسحت احاطه ایله ، فیوضات ایله مش-حوندر .
(تولستوئی) ده الڭ چوق خوشمه کیدن بر قومک حیاته
ویردیکی روح ، معنادر . بر لڭء بشریه نك قعرینه طالارق
آووج آووج ، اتك اتك دیشاری چیقاردیغی درر
حکمدر .. بوکزیده اثرلرده بر فلسفه وارکه هنوز بکدردر .
بالفرض کچنلرده (زولا ، دوما ، موپاسان) ایچون
فرانسزجه اوله رق نشر ایلدیکی رساله ده سعیه ، سر قته ،
سائرمیه دائر اوایله ملاحظات حکمیه سرد ایله یورکه بونلر
صورته غریب کورینور سه ده حقیقته غایت معنیداردر ،
حکیمانه در .

نه ایسه ، بو (تولستوئی) چوق اوزادی ، بر پارچه ده
(نورکه نف) دن ، بهار صولرندن ، سائره دن دم
اوردق . مخاطم براز متعجبانه : « روس ادبیاتی فرانسه-
جه دن می اوقودیکز ، ترکلرده آثار اجنبیهیه بو قدر
مراق وارمی ؟ » دیدی . فقط بوکا قارشئی « روسیه افکار
ادبیه سنده بنده کی بومیلی ایلك اوکجه اویندیران برترکجه
تألیفدر » جوابی آنجه دها زیاده حیرته دوشدی . . .
تفسیر مسئله ایتمک ایچون مستشرقه فاضله کلنار خانم

افیدن ، مشار الیهانک تألیفی اولان (روس ادبیاتی)
 ندن بحث اتمک لازم کلدی . . بوحقائفی (نوووستی)
 مخا برنجہ بوسہ بوتون مجھول ایش . روسیہ جہ ادیبہ
 عرفانک اعلا تر جہ یازدیغنی بیامہ یور ایش . . ہلہ
 بزده کی ترقیاتک بو مرتبہ سنی ہیچ امید اتمہ یور مش . .
 اندن سوکرہ روسیہ ، ہلہ (تولستوئی) یہ دائرہ بکا
 اوزون اوزادی یہ معلومات ویردی کہ بولنری عرض
 وتفصیلہ بالطبع شو صحیفہ لر کفایت اتمز . .

*

* *

بوجعیت ، منسوب اولدقلری غزتہ لرہ مخا برین
 اجنبیہ نک کوزلجہ خدمت ایدہ بیامسی ایچون پارسہ
 نہ یامالری لازم کله جکنی اول امرده موقع مذاکرہ یہ
 قویدی . . پارس ارباب مطبوعاتنک مظهر بولوندقلری
 مساعدات ہنوز مخا برین اجنبیہ یہ ویرلہ یور . بر پارسل
 غزتہ جی ہر دائرہ یہ ، ہر تیاترویہ ، ہریرہ بلا پروا
 کیریور . چقیور ، اعلا معلومات ، حوادث آلیور .
 بر جریدہ اجنبیہ مخا بری ایسہ بولردن دائما محروم
 قالور . کچن فرانسر ، روس شنلکلی اثناسندہ
 (قومہ دی فرانسر) ، (اوپرا) ، (شانزہ ایزہ) ،
 (ورسای) مناظر و مراسمندہ مخا برین اجنبیہ دن همان

کیمسه یوقدی . بوجهتله برقاچ آی اول غزته جیلردن
 مرکب اولق اوزره (بودا پشته) ده تشکل ایله ین جمعیت
 مخصوصه ده بومسئله موقع بحثه قوندی . قریباً
 (استقھولم) ده جمعی مقرر بولونان محررین قونغره سنده
 دخی مدار مناقشه اواسه کرکدر . جرائد اجنبیه نک
 بوجهتجه محافظه حقوقی لازمدر . شرقدرکه مخابرلرده
 وظیفه لرنده مسامحه کوسترمه ملیدر . مخابر وارکه هیچ
 برغزته یه منتسب دکل . . هفته ده بر مقاله بیله یازمایور .
 مخابرلکی برسوس ، بر آلت نفع اولق اوزره طاقینور .
 بویله لرینی ایچمزه آلمقدن احتراز ایتلی یز . برتیاترو ،
 بر تماشاکورورسه ک ، بر جمعیه دعوت اولونورسه ق اکا دائر
 درحال غزته مزه بر مقاله یوللاملی یز . بو مقاله یی ده
 هیئت اداره یه کوسترملی یز .

دها بونوع بعض مناقشاتدن صوکره ممالک عثمانیه ده کی
 غزته لر ، بالخاصه اقدامه دائر مخابر عاجزدن معلومات
 ایسته دیلر . . تحف دکلکی ؟ هرولایتده رسمی برغزته من
 اولدینی هیچ بیلمه یورلر مش که بوندن عادتاً تهجبه
 دوشدیلر . بو اصولک تاریخ وضعی صور دیلر . هله
 بوتاریخک قدمنی آکلار آکلماز شاشیر دیلر . . غزته یی
 بز، چون تأسیسات جدیده دن صانیورلر مش . .

(اقدام) ك حتماً بيوكلكي ، مندرجاً نجه اهميتي ايله
 برابر اون پاره يه صائلمسـنه حيرت ايتديلر . . مع مافيه
 اون بيلك نسخه فروختي آز بولديلر .
 بوندن صـوكره رئيس هيئت (لوتى ماقون) غزته -
 جيلكك فضائلنه دائر بعض اقوالى مفيده سرد ايلهـدى .
 متانت اخلاقه ، صفوت افكاره اك زياده بو مسلكده
 احتياج واردر . بر غزته جى قلميله خدمت ايدر ، مضرت ده
 ايدر . انكچون يازى يازاركن منافع خسيـسه ذاتيهـي
 دكل ، بالخاصه وظائف انسانيهـي كوز اوكنه آلميدر .
 دوريمزده بويولده اك كوزل ، اك پارلاق ، اك نجيب بر
 نمونه كچنلرده وفات ايدن (ژول سيمون) ايدى . هيچ
 بر فرد بو پير ستوده ضمير قدر شو مسلكه شان وشرف
 ويره مەدى ، سـكـز ياشـندن سـكـسان ياشنه قدر (ژول
 سيمون) قلمى الدن براقهـدى . غزته جيلكى حين حاجتده
 هر مسلكه ترجيح ايلهـدى . بوكون همز او مبارك ذاتك
 تلاميد عرفانى يز . او اثر مستحسنه مقتفى اولمغله مفتخرز .
 برايكى سـنه اول بو هيئتك يـنه بويـله بر اجتماعنه (ژول
 سيمون) رياست ايله يورمشكه بو خاطره حاضر وندن
 بر چوغنه موجب تاثر اولدى . مسـلكـمـزك مزايـى
 عديده سـندن برى ده هانكى خدمته ، هانكى مأموريتـه

هانکی رتبه‌یه اولورسه اولسون یول آچه بيلمکدر .
استادلریمزدن برینک ، (ژول قلاتی) نك دیدیکی کبی :
« غزته جیلار بر محرری هر مرتبه‌یه ایصال ایدر ، انجق
ایچنده چیتا بيلمیدر . » بومیانه‌ده مشهور (سارسه‌ی) ك
نامی‌ده لسان تجیله آلدی . چونکه بوذاتده شو طریقت
ایچون صاف بر حرص ، بر ابتلا وار . ایسته‌یورکه
وفاننده سنك مزارینه ساده « غزته‌جی » وصفی یازلسون .
بونکچوندركه دائماً صرف جریده‌لر مقاله یازی‌ور ،
باشقه هیچ بریره یازمایور ، هیچ کتابة ، مؤلفکده هوس
ایله‌میور .

*

* *

بوسوزلر اوزون اوزادی‌یه آلقیشلره مظهر اولدی .
بو اجتماعی بر ضیافت ، نفیس بر یمك تعقیب ایله‌دی .
یمکدن صوکره لطیف بر قونسر ویرلدی : اولا پارسك
اك مشهور مغنیلرندن (Yon Lug) یون لوغ اوچ شرقی
سویله‌دی‌که هر طرفدن مسرتله تلقی اولندی . صوکره
موسیقی شناساندن معلمه‌لردن (Céci e Bauty) مادموازل
(سه سیل بوتری) اوچ درت فصل ماندوان چالارق
همیزی مست حظوظ ایتدی . ماندوان ، کیتاره بر
درجه‌یه قدر عوده ، برپارچه‌جقده قانونه بکزه‌دکلری

ایچون بزه ، شرقایلره خوش کایر . . . فقط بویله هنوز
 یکر می یکر می بش یاشلرنده کی بردختر مہارت پروردن
 بوچانی نی دیکله مکده باشقه صفا وار . ماندولین ممالکت مزده
 دخی یایلسه عودک ، قانونک برنی طوتسه فا اولماز .
 بریکیلر پک یکنسقدر . ایشته بویله خارق العاده موسیقی
 شناسلر ، باخصوص موسیقی شناس مادموازلر یتشدیرمکه
 خدمت ایدن پارسک (قونسرواتووار) ی ، بوتاسیس
 کزین فرانسه معارف نظارتک صرف ایتدیکی اتک اتک
 پاره فکر محجہ بجمادر . نہایت ، معروف براستاد تغنی :
 (Montoya) مونتو یا اک کوزل کفته لرنندن ، بسته لرنندن
 بر قاجنی انشاد ایله دی . بونلر اللرده دائر ، مطبوع
 اولدینی ایچون بروجه آتی اسملرینی ذکر ایله یورز .
 قارئیندن بو صنعتہ مراق بیورانلرک بلکه شو تذکار
 خوشنه کیدر :

برنجی شرقی : La Bercense Bleue یعنی ماوی صا -
 لنجباق ایدی کہ بسته جہده ، کفته جہده روحی
 اوقشایوردی . . بحر محیطک طالعہ لری ، ماوی طالعہ لری
 آراسنده عشق و هوا یوزندن قعر نابودی غرامہ صاللانہ
 صاللانہ سوینہ سوینہ کیدر ایکی سودازدہ بی تصویر
 ایله یوردی . ایکنجی پارچہ ایسہ : (یلپازہ) اسمندہ بر

لطیفه شاعرانه ایدی . او چنچی کفته ده ! (عشق محال)
 عنوان معنیدارینی حائز دی که بوده مزاج انکیز ایدی .
 ایسته پارسده کی مطبوعات اجنبیه خادم لری کچن کیجه یی
 بویله شوق واستفاده ایله کچیر دیلر . بوسایه ده قلم لری نی
 بیله دیلر ، غزته لرینه ده کوزل خدمت ایتمه که حاضر لا-
 ندیلر . . واسفا ، بو ذواتک هان جمله سی صرف غزته جی
 ایدیلر ، باشقه بر مشغولیته مالک دکملر دی . بوندن ماعدا
 هر بری ده ، اوتوز ، یکر می ، لا اقل اون سنده دن بری
 پارسده بولونیورلردی ، اوروپایی باشندن اشاغی
 طانیورلردی . . بو مخابر ناچیز ایسه بو محسناتک هیچ برینه
 مالک اولما دقندن ماعدا مبتدی بر طالب عرفاندر . نه ایسه ،
 بلکه سنه لر کچر سه بزده او مرتبه یی بولورز ، اقدامی بو
 میانه ده ده کوزل عرض ایدرز .



حیات قرنتیلری : نیچون ؟ نەدن ؟

پارسە (بوز مارشە) مغازەلرینک قەربندە (لاینەن) خستەخانەسندە بوندن خیلی . . خیلی زمان اول برکیجە یکریمی یاکرمی بش یاشندە برقادین وفات ایلەدی کە وفاندن برایی کون مقدم دنیا یە ایکی قیز چوجغی کتیرمشدی .
لخوسە نك خستەاغنە اطبادن کیمی ورم دیدیلر ، کیمی باشقە برقولب طاقدیلر . چوجقار ، ایتە-مخانە یە کوندردلی .
اورادە بیودلدی . برینک آدینی (نیچون ؟) ، اوبرینککینی (نەدن ؟) قویدیلر . بوایکی معصومە حقیقە یتیمک یتیمی ایدیلر . والدەلری ولایتلردن برندە اولدقجە بلالی باشلی بر عائلەدن ایکن برچوق فلاکت ، ضیاع نتیجەسەندە همان بیکس قالمش ، نہایت اقرباسندن ، اوزاقجە اقرباسندن بر حریفک رشتە اغفالیلە پارسە دوشمشدی . . حریف بو قیزجغزلە برابر اچیجە برمدت یاشار . نہایت یولداشنک کبە قالدیغنی اکلا نیجە — قادینلریمزک دیدیکی کبی — سەردە قدم باصار . قادین صاغە باش اوریر ، صولە باش اوریر ،

خدمتجیلکه قدر اینر . سفتادن سفالته کچر . . مهیت
 بو قدر آجیلره تحمل ایده من . — چونکه بویله نارین بر
 خلقت شویله طورسون : « انسان قره طاغ اولسه کتیر من
 بوکا طاقت » — خسته اولور . خسته خانه یه کیرر . .
 چوق کچمز وضع حملدن بر قاج کون صوکره ترک حیات
 ایدر .

ایشته ایتامخانه کی (نیچون ؟ نهدن ؟) بویله حزین ،
 سونوک بر نهالک غنجه لری ایدی . اوت ، فقط بو غنجه لر
 نه قدر بر برینه بکزه یوردی ، بومشاهتدن ایسه نه خوش
 بر لطافت طیران ایدی . وردی . اینکی نوزاد بر بشیکده
 بیویورلردی . غریبی ساده برابر بیومک دکل ، عادتا
 نفس بنفس برابر یاشایورلردی . بری کولسه او بری ده
 کوایوردی . دیرکن هرایکیسی ده بردن نادراً اغلایور -
 لردی . چونکه بومینی مینی فلک زده لک ناصیه توامنده
 هنوز او زماندن : او مظلوم که فریاده لک جرأت یوق
 لسانده . . تظلم ساکتی او قونیوردی . دها غریبی شوکه
 یاناقد (نیچون) صاغ طرفه دوتجه درحال (نهدن) ده
 او یله یاپیوردی . برابر او یانمق ، برابر او یومق ، حاصلی
 برابر وظائف حیاتیه یی ایفا ایتک ایسه امور دائمه دن
 ایدی . فی الحقیقه چوجقلر بیودکجه بو اتحاد فطرت

آزایوردی ، اکنینه مشابہت مادیه و معنویہ از چوق
باقی قالیوردی . قالدقہ دہا تظاہر ایلیوردی او قدرکہ
ایتامخانہ آدماری بویکی بخلاق بربرندن تمیز ایچون
مشکلات چکیورلردی ده اکثریا بولکفتی اختیا ایلمیور .
لردی . ایکی اسمی بربرینه قارشیدیرہرق (نیچون نهدن
اشاغی ، نیچون نهدن یوقاری) دیورلر ، کویا بر فرددن
بحث اییدیورلردی .

بویکیزلر درت بش یاشنه قدر بودارالایتامده
یاشادیلر . فقط شوفطرت غربہلری ، شو حال شاطرلری ،
هله درین بر اطافنلری حسبیله مرفهاً یاشادیلر . بعض
کبار عائلهلری بوزمین سیر و زیارتہ کلدجک شو غربہلری
کورییورلر ، مہوت اولیورلر ، در حال معاونتہ لرینه
شتاب ایلییورلردی . آہ ، بونلرک ایچنده نہ قدر قیصیر
زوجہلرہ مال و منال ایچنده زوجہلر واردی کہ بویله ایکی
محصول عمرہ مالکیت ایچون اک رنگین زینت جہانی
فدایہ حاضر دیلر . بودفینہ مجسمہ بی حزینہلرہ ترجیح
اییدییورلردی . حتی بونلردن بعضیلری تحف تحف
تصورلرہ بیله طالیورلردی . شو معصومہلری آلاق
اوزونجہ بر سیاحتہ چیقماق ، صوکرہ عودتہ اشہ ،
دوستہ ، قونو قومشویہ قارش یونلرہ والدیت ادعاسنہ

قالقیشمق ایسته یورلردی . فقط قوجه لر یله استشاره دن
صوکره بوتصوردن یانا یاقیله واز کچورلردی . « بویله
ایکی پرلانطه یی وجوده کتیرن نه مسعود بروالده ایمش .
روماده کی مشهور (غراکوس) لرك آنه لری قدر بختیار
ایمش . » دیـورلر . فقط اومادر ناکامک جهـانده اک
بیوک برفلک زده اولدیغنی ، اویله اولارق اولدیکنی هیچ
حسابه قاتمورلردی .

*

* *

« نیچون ، نه دن » آزیحق بیـونجه ، سرپیلنجه ،
آجیلنجه ایتامخانه نك عادتا کلی ، زینتی اولدیلر . یتیمه لر
بازار کونلری کز مکه صف صف چیقارکن بوتوأم دلارا
اک باشه قویولیوردی ، قویولیوردی ده مارین وعابرین
ایچون برنقطه انجذاب اولیوردی .

بوتیمز ، بولطافت سایه سنده درکه شومعصومه لر بیوک
بر مروته نائل اولدیلر . . بردار تربیه یه ، بر مدرسه یه
مجاناً قبول ایدلدیلر . میدانده ایکی دختر دلارا ، هربری
بردفینه اجمالی محتوی ایکی دختر دلارا چیقدی که حسنلرینه
انضمام ایدن سـعی وشطارتلری ایله بو اقلیمی ده یاواش ،
یاواش تسخیر ایتدیلر . . کوزل او قودیلر . کوزل یازدیلر .
بری رسمی سویوردی ، اوبری هیکلتراشلغه اوزه نیو -

ردی . فقط مدیرهٔ مکتب شو تمایلاته ممانت ایله یوردی .
چونکه بویچاره لر نه قدر دلفریب اولور لر سه اولسونلر
برقصوره مالک ایدیلر : فقیر ایدیلر . انکی چون او یله
رسم کی ، هیکل تراشلق کی مسالک عالییه اوزه نه مزاردی .
اولسه ، اولسه برر معلمه اولور لر دی . مع مافیه میلان
فطرته ممانت نه مشکدر . شو ممنوعیته رغماً (نیچون)
فرصت بولدجه رسملر ، لوحه لر یاییوردی که خواجه لرینی
بهته دوشوریوردی . برکزه (نه دن) ک تصویرینی نقش
ایله مشدی . مکتب خلقی شاشیردی لر ؛ قالدی لر . بریکی ده
اوبرینک اچیدن طبقی بوموفتیتله بر هیکانی یاممشدی . .
اک عریبی شو ایدی که بوتصویردن ، بو هیکلدن هانکیسی
کیمک ایدی ، (نیچون) کی ؟ (نه دن) کی ؟ بیلمه یور-
دی . چونکی حالا ایکی قاردش بر برینه او قدر مشابه
ایدیلر . حتی بو مشابعت بر سوری قاریشیق قلقلره میدان
ویردیکی ایچون مدیرهٔ مکتب مجبور اولمش ، بیوکوک
قولاغنه فیروزه دن ، کوچکککنه ایسه عقیقدن بر چفت
کوپه طاقمشدی . کوچک ، بیوک دیوروز ، بوده عندی
بر توجیهدر . فی الحقیقه بو مخلوقندن بری بر ساعت اول
دنیا به کلشدی . فقط بو هانکیسیدی ؟ کیم بیایر ؟ اونود-
لدی ، کیتدی . خسته خانه ده هر کون بویله تومن تومن

چو جق طوغيور . مأمورلرک بودقت خاطرینه بيله
کلز . . .

(نچن) ک نذنده ، کوکسنده کل شکلنده برقرمزی
لکه واردی . بونکچون اکا بیوک دنیلیدی . یوقسه هر
ایکی قامت ده عین طولده ، عین استقامتده ایدی . بعضاً
مناوبهٔ بری برپارچه ضعیفایور ، دیکری سمیزایور دی
اما چوق کچمه یور ، درحال بونسبت توازن ایله یوردی .
ایکی قاردش کوچکدن بری برابر ، بریاناقده یاتمق
عادتیی آلمشلردی . بیودیلر ، غنجه ایکن برکل ، قطره
برلجه ، برلجه لطافت ، بر آفت ، بر قیامت اولدیلر . ینه
بو عادتدن واز کچمه دیلر . بیوینجه ینه بوالفتی ترک
ایده مه دیلر . اویقو کوزلری استیلا ایدر ایتمز قوللر ،
سینه لر درحال بربرلرینه انصاق ایله یورلردی . اوزمان ،
ایشته اوزمان نظرده پک املیرا برلوحهٔ لطائف حصوله
کلیوردی . بیاضلر ایچنده بویله وضعیت عصمت ، بر
طور شفقت آنجه باشقه برمعنی صفا کسب ایله یوردی .
فی الحقیقه هرکورن بویکی وجود معزز ایچون بر
غبطه واشتیاق حس ایدی-وردی . چونکه بونلر دائماً
برابر حقیقورلر ؛ دائماً برابر کیریورلر ، مشاغل عادیه
بیته دن صرف نظر هیچ بر برندن آیرمایورلردی .

بونکچوندرکه بری نه کورمش ایسه او بری ده جهانندن
 او قدر بر خصه عینه آلمشدی . هرایکیسی عینی سوقاقدردن
 کچمشلر ، عین زمینارده کزمشلر ، عین مناظری تماشا
 ایتمشلردی . . هر شیئی بردن خاطرلایورلردی . هر
 نکتهیی برابر بیسنور ، برابر اونوتیورلردی . بری نه
 او قومش ، بلکهده نه یازمش ایسه او بری ده عینله او قدر
 او قومش ، یازمشدی . (نیچون) ده کیمه ، نهیه محبت ،
 مجلویت پیدا اولورسه (نه دن) ده عین احتیاسات
 حصوله کلیوردی . مع مافیه بتون بو حسیات ایکی قاردشک
 یکدیگرینه قارشی بسلیکی غرامک اوکنده سونیوریو-
 ردی ، طوکیوریوردی . بو حکمه مبنیدرکه شو حیات
 مشترکه دوام ایله دجکه بوایکی قلبده باشقه هیچ بر شکوفه
 محبت آچادی ، هیچ بر نسیم سودا اسمهدی ، هیچ بر
 کنجه ، نه قدر متمایل ، نه درجه مفتون کورونورسه
 کورونسون ، میلان پیدا اولمادی . . .

*

* *

یاش یکریمی بولدی . . غوائل زمان یوز کوستردی .
 آرتق ولو بویله دکه دن قوپار کلغنجهلردن اولسه لر بیله
 بو نازنینلره درد معیشته یاش باشه چاریشمق زمانی
 کلدی . ینه شو عصمتلرینه ، شو حسیه لارینه ، شو کالارینه

دعا ایتسونلرکه انکله بوبووادئ صعب‌المرورده نسبة
 ملایم بریول بولدیلر . . . هربری آری آری بیوک برر
 عائله‌یه معلمه اولارق کیردیلر . فقط بوافتراق ابتدادن
 نه مرتبه سوزشلی اولدی . ایکی قاردش بر برندن نه
 کریه‌لرله ، نه هیجانلرله آیرلدیلر ، آغلادیلر ، اوپوشدیلر ،
 صیزلادیلر ، کویا که بوفرقت ابدی ایدی . کویا که ایکی
 ساعتدن عبارت بر مسافه ، بر بعد نامتناهی ایدی . هله
 هرایکیسی ایچونده ایلمک لیلله هجران پک حزین ، پک
 الماک اولدی . قوللر ، سینهلر لاینقطع یکر می سنه‌دن
 بری بر لحظه غائب ایتمه‌دکلری مقابللرینی آرایورلردی .
 نه ایسه . بلای احتیاج انسانه هر تحملی ویرر ، برکت
 ویرسون که الفت ، اعتیاد چوق کچمز ، امداده یتشیر ،
 یاره‌یی قابوقلاتیر . باخصوص که (نچون . تندن) بر
 درجه‌یه قدر خوش بر میانه‌یه ، برر عائله‌یه دوشمشلردی .
 خانه‌ده معلمه دکل ، بر خانم حکمنی سور یورلردی .
 وظیفه‌یه ، عصمته ابتالاری هر کسک نظر ستایشنی جلب
 ایله یوردی . فقط اوزادجقه ، باخصوص آراده سیاحت ،
 صیفیه مناسبتیه ایکی اوچ آی بر برندن لاینقطع غیوبت
 وقوعه کلدکجه مفتونیت متقابله قدیمه آزالوردی ،
 خفیفله‌شیوردی . مع مافیه اوته‌دن بری بو لطیف غدایه

آلیشان شوایی رقیق خارجدن ینه اوچشید برمه ، بر
سود آرایوردی .

همشیره سنك فرقت و غیبتی ایله بوجوع معنوی یه
دوشه رك شوغدری آرادیغی صیره ده ایدی که (نچون)
معلمه اولارق خانه سینه کیردیکی عائله نك بیسوك اوغلنه
خوش ، دلارا ، باخصوص معصوم کورنمکه باشلادی . .
بودت ، و رقت قیزك ده ذوقنه کیتدی . . معصومانه ابتدا
ایدن بوانسیت ، بوالفت دها کوزل خاتمه بولدی . کنج
مئات اخلاق ، عصمت افکار کوستردی ، آراده کی
مخالفله ، شرائط نقیله اجتماعیه یه باقادی . معشوقه
قلبی زوجه لکه قبول ایله دی . کوکلنجه ، املنجه برعائله
تشکیل ایتدی . . یکرمی بش یاشنده بر زوج ! یکرمی
اوچنده بر زوجه ! هرایکیسی ده نجیب ! نظیف ! پاک ! . .
بوندن ماعدا ازدواجك ایکنجی ، اوچنچی آینده بر
محصول حیات امیدیه کوروندی ! . . اوح ! . . اوح ! . .
اتك انك سعادت ! صف صف چیچك ! . اوله اما هر
بهارك بر صرصر کرانی وار . بو مرتبه اعلان شادمانی یه
هنوز زمین مساعد دکل .

(نچون) بویه سعد و سرور ایچنده یووارلانیرکن
(نهدن) ده عین لذاتی ، کوچك برفرقتدن ، ازدواجدن

صرف نظر اولونديغی حالده همان عین وجه ایله طانیور .
 دی . بولونديغی قوناغـه برکنج ، (له ئون) کلیور ،
 کیدیوردی که خانمک اوزاقدن اوزاغه اقر باسندن ، بیوک
 وزنکین برعائله دن ایدی . دها ایلک کور شده (نهدن) .
 کوز دیکدی . (له ئون) هیکل تراش ، کوزل بر هیکل تراش
 ایدی که بو مزیت (نهدن) ایچون بر هدف مجلویت
 اولدی . . خلاصه چوق کچمه دی ، بومعارفیی بردرین
 سودا تعقیب ایله دی . معلمه طالیه سنی کز مکه کوتوردکجه
 (له ئون) ک بیت المساعیسنه اوغرایوردی . . یاواش
 یاواش بو محبت قیز شدی ، بر غرام درجه سنی بولدی .
 فقط بوایکی عاشقه ، اوبرلری کبی ، دکل زمان بر پارچه
 روی سخت کوسـتـردی . ایش میدانـه چیقـنجه معلمه یه
 قوناقدن یول ویردیله . (له ئون) ایسه ابوینی ایچه
 تضییقه صوقدیله . نفقه دن ، معاشدن محروم براقدیله .
 ابتداری بو آلامه ایکی سودازده کرزل مقاومت ایتدیله ،
 باش باشه ویردیله . چالیشدیله . برینک ایشنی اوبری
 اکال ایدیـسـوردی . معیشت شوبله بویله یوریودی .
 (نیچون) ده آلتدن آلتـه همشیره سنه امداد ایله یوردی .
 هیکل تراشک آرقداشـلـرـندـن بری (نهدن) . مفتون
 اولمشدی ، (له ئون) یوق ایکن قیزه دائمـا اعلان عشق

ایله یور ، دائماده جواب رد آلیوردی .

حاصلی شوبیکس قیز بوضرورت ایچنده بیله مسعود
ایدی ، ازدواج ، عائله امید ایله یوردی . هله حمائی حس
ایلدیکه سوینیوردی . بوسره لرده یاز مناسبتیله برقاچ کون
پدرینی ، والدہ سی کورمک ، بووسیله ایله بلیکه برطریق
مصالحه ده بولوق ، (نهدن) ی کلین اولارق قبول ایتدیر-
مک اوزره (لهئون) صیفیه کتدی . اوراده نه اولدی ،
نه بیتدی بیلمز ! اون بش کون صوکره رفیقہ فلاکتنه
بر وداعنامه کوندردی . آرتق پارسه دونمه یه جکنی ، بو
حیانه دوام ایدمه یه جکنی بیلدیردی ، بویله بر اعتذار
نامه ایله برابر بیک فرانقده خرجلق کوندردی . قیز
بوضربہ اهاتی یریمز صارصلدی ، بیوش اولدی ، موازنہ
ادراکنی غائب ایتدی . . بوش اشقینلق ائناسنده اوکنه
چیقان ایکنجی بر سودازده نک قوجاغنه بالضروره
دوشدی . . ذاتاً زوجی ، قائم پدری بحسب الشرف
برنجی وقعه اوزرینه (نیچون) ی همشیره سیله کوروشمکدن
همان منع ایتک ایسته یورلردی . بوایکنجی سرگذشت
یوز کوسترنجه بوسبوتون بو مطلوبلرینی یرینه کتیردیله .
ایکی روحی ، ایکی وجودده بر روحی بربرندن آیردیله .
آیرمغه موفق اولدیله . . خاطرله لر طرفیندن سیلنمکه

باشلادی . . ایکیزلردن بری او برینی آکاز اولدی . .
 فقط هر ایکسی ده هر نه دنسه حیاتدن ، صحتدن ، شطارتدن
 دوشدیلر ، اسکی طراوت و صباحتلرینی ، شطارت
 و ملاحترلرینی آیری آیری غائب ایتدیلر .

توامیتک صوک علائمندن اولاق اوزره (نیچون ،
 نه دن) همان عین فصلده حامل قالمشلردی . . آرتق
 آیلردن بری بر برلرینی کورمه یورلردی . کورسه لرده
 طانیامازلردی ، او قدر صارار مشلر ، صولمشلردی .
 زنکین اولدینی ایچون (نیچون) ناز و نعم ایچنده یاشایور ،
 درلو درلو اطبا ایله ، اصول ایله تداوی اولونیوردی .
 فقیر (نه دن) ایسه بونلرک هیچ برینی بولامیوردی .
 مع مافیه نه اولورسه اولسون نتیجه بر ایدی . . ایکی
 قاردش عین درد ایله ، عین صورتله ، برمرض موروث
 ایله طبقی والده لری کبی سونیورلردی . .

بری (شانزه ایزه) ده بیسوک برقوناقدنه بر اوغلان
 چوجنی طوغوردقدن صوکره اولدی . . او بری ده
 عین کون ، بامکه عین ساعت ظرفنده ، فقط (شفقت)
 خسته خانه سنه برتیز چوجنی دنیا یه کتیره ره رک ترک حیات
 ایله دی . .

(نیچون) ک تابوتی (پرلاشه ز) مزارلغنه اوکله دن

سوکره بر آلاى ، بر جم غفیر ، براحتشام ایله کوتوریلیرکن
 برایکی ساعت اولی عین مقبره یه (نه دن) ی دفن ایدن
 خسته خانه مأمورلری عودت ایله یورلردی . . شمدی بو
 ایکی مزار باطناً همان بر روح مشترکی احتوا ایتدکاری
 حالدہ ظاهراً او قدر یکدیگرینه بیکانه طور یورلرکه ! . .
 برینک اوزرنده قوجه برهیکل ، مزین بر طاش ، کومه
 کومه دمت وار ، زیارتنه فوج فوج ، زمان زمان قادینلر ،
 ارککلر شتاب ایله یور . . اوبری ایچون ایسه نه طاش
 وار ! نه زینت ، نه دمت وار ، نه ده زیارتجی وار . .



پارس خاطره لری : انجمن دانش کبیرده

آناطول فرانس

۱

دون ۲۴ کانون اول ۱۸۹۶ ایدی . (آناطول فرانس) ك انجمن دانش کبیره رسم دخولی واقع اولدی . بو بر حادۃ ادبیه که ، موضوعی ، ماهیتی اعتباریله صحیفه لر طولیدیر مغه دکر ، بویله بر مقاله ده بحق بسط اولونا بیلیرمی ؟ بو هیئت فضیلا ده بر عادت وارد در : یکی کیرن اعضا یوم دخولده سلفنه دائر اوزون بر نطق ایراد ایلر . اعضای قدیمه دن بری ایسه ینه اکا او یله اوزون بر جواب ویریر . بو ایکی نطق عادتا بر رجحت ادبیه در که بر فاضلک ، بر علامه نك ، بر ادیبك روحنی ، مزیتتی ، مألنی موبمو شار حدر . مثلا بوسفر (آناطول فرانس) بزه (سویش) قانائلك بانینسی ، مشهور (فردینان ده لسیس) ی باشند باشه تصویر ایلده دی . چونکه اکا خاف اولیوردی . اعضای انجمندن (غره آر) ایسه مقابله واقعه سنده

(آناطول فرانس) نه در؟ نه فیلسوفدر؟ کوستردی .
طبیعی بو مقالات اکثریا مدایحیدن عبارت اولور . فقط
بومدیحه لر اوقدر دکرله ، اساس ایله ، تدقیقی ایله صرف
ایدیلیرکه انسان مداهنه دن ذلدن ، عادیلکدن عاری
کورونور . ایکی بیـوک قضاای قارشى قارشى یه قویمق ،
بونلردن بریسنی بردهای فنا یابه ، برلمعه ماضی یه دائر
سویله تمک ، اوزون اوزادی یه سویله تمک : اوبرینه ده
بوسوزلرک قائلی ایچون بسط مطالعہ ایتدیرمک خوش
برممارسه علمیہ ، لطیف برمسامره ادبیہ دگلی ؟ بوندن
حاضر بولمق هر هوسکار ادبک ذوقنه کیتزمی ؟ ایشته
بوساحه دن بعید بولونان قارئلریمزی شودوقدن برنبذه
اولسون حصه دار ایتک املیلہ بوسطرلری قارالایورز :
اولا ، بلکه آراده موضوعمزی ، یاخود موضوعلر
یمزی مفصلا طانیایانلر واردر . شو اوچ ذاتی برپارچه
تفسیر ایتسهک فنا اولماز : (فردینان دوله سپس) سویش
قانانی آچان فرانسزدرکه بوائر عظیمه نه درلو موفق
اولدی ؟ (آناطول فرانس) ک نطقنی آتیـده شرح
ایدرکن کوریرر . (۱۸۰۵) ه طوغدی ، (۱۸۹۴) ده
اولدی . قانالک کشادی (۱۸۶۹) ده خـتـامه ایردی . .
وقتیلہ احمد مدحت افندی حضر بئرینک نشر ایله دیکری

(قرق انبار) مجموعه موقوفه سنده بورسم کشاده ، (دله سپس) . دائر اوزون بر مقاله واردی ، اويله خاطریمه کلیور . بو مجموعه غالباً ۱۲۸۹ ، ۱۲۹۰ تاریخلرینه طوغری حقیقوردی . فقط محتویات مهمه و نافعہ نقطه نظرندن بوگونکی رسائل موقوفه مزله فراخ فراخ مسا بقهیه کیریشه بیلیر . ش . سامی بکک (هفته) لری ده بویله در .

(فردینان ده لسپس) بو موفقیت غراسنک شوق بی انتہاسیله ایکنجی بر تشبث عظیمه جرأت ایله دی . (۱۸۷۸) ده آمریقایی اورتاسندن یارمغه ، ایکی بحر محیطی بربرلرینه برلشدیرمکه ، (پاناما) قانالی آچغه ابتدار ایتدی . فقط بودفعه ، دوشدی ، فنا دوشدی ، سقوطیله بر چوق عالیه لرك ثروتی ، حصه سنداتتی یعنی اقبال و سعادتتی ده سوندیردیکی ایچون (۱۸۹۰) ده محکمه لره سوروکلندی ، اوغلی (شارل) ایله برابر محکومیتسه ، اوغرا دی . او وقت نظر ده مهیب فقط حزن انکیز بر منظره پیدا اولدی . یکریمی سنه دن اول « بیوک فرانسر » خادم انسانیت عداولنان بر ذات جانی درکه سنه ایندیرلدی . برکت و یرسون که شیخوخت ، عتسه ، موت امداده یتشدی ده (شارل) کی (فردینان) حبس خانه یه .

جزادن جزایه اوغرامدی ، گوشه نکبت وانزواسنه ترك اولوندى . شو (پاناما) ضر به سنه هدف اولانلر ايچنده (ايفل) ده واردی که بونکچون وقتك غزته لرندن برى صورتده فراح انگيز ، حقیقه تده پك معیندار بر لطیفه یامیشدی : جهانده اك بیوك صیچرايش نه در ؟

— (ايفل) قله سندن (پاناما) قانالنه صیچرامقدر . ايشته (ده له سپس) ده سويشدن (پاناما) یه ، اعلا دن اسفله ، غایه شهرتدن خاتمه ذلته آتلامشدی .

*

* *

(فردینان ده له سپس) فردای اقبائنده (۱۸۷۴) ده انجمن دانشه معززاً مکرماً داخل اولمش حتی یوم دخولده (ارنست ره نان) طرفندن استقبالی ایدلمشدی . ايشته (آناطول فرانس) دون بو وراثتی طوپالایور . بویله بر ذاته خلف اولیوردی که بر معتاد سلفنه دائر بر نطق ، آداب ، نزاکته ، اصول باقیلیرسه مادخانه بر نطق ایراد ایتکه مجبور ایدی . فقط نه یاپسون ؟ اورتاده (پاناما) وار ، بوبلاوار . ممدوحنی شولکه دن نه صورتله قورتار . سون ؟ بو وظیفه فکر محدود اصحابی ایچون مشکل اولسه بیله شو ادیب ایچون قرلایدی . (آناطول فرانس) دن بر قاج مقاله مده بحث ایتدمدی . مقتونیت درجه سنده

ستایشکارانه بحث ایتدمدی . حتی بلکه بعضری شو
 بخشی برپارچه مفرطانه بولدیلر . اولیه ایسه آلداندیلر .
 چونکه محرر حقیر املجه ، حالجه نه درلو کالات قلمیه
 تصریر ایده بیلدسه هپ شو صاحب قلمده بولدمدی .
 اولاً : انسان برمکتبه ، برطرزه ، بروادییه ، برمساکه
 اسیر ، باغلی قالملی ، هرتارلای دولاشمالی ، هرصادن ،
 دالدن خوشه چین اولمی . . صیرهسنه کوره مسلك قدیمه ،
 بعضاده مسلك خیاله ، بعض کره ده مسلك حقیقییه ،
 مسلك طبیعییه میل ایتلی ، حاصل نه طرفده کوزل
 کوریر ، حق بولورسه اوطرفه قوشملی . . چونکه حسن
 و حقیقت بومساکدن برینه انحصار ایتمز ، هربرنده آز ،
 چوق موجودر . بویله سربست ، صاف ، آچیق برسلکه
 بلا پروا سبیل کمال دینه بیلیر .

بوتوجیه اعتراض بیورلماسون : بزده بانفرض بر
 ادیمز طرز قدیمک بتون فضائلی جامع بولونسه فضولی
 قدر فاضل اولسه ، بر قاقچ لسانده قاضلانه یازسه ،
 چیزسه ، نفعی کبی فارسییه آشنا بولونسه ، عز میلره
 طاش چیقارسه آندن صوکرده ده غربی ، السنه غربی ،
 ادبیات غربی رعنا طانیسه ، جامع الکل اولسه فنا میدر ؟
 اوت ، بیایره ، بر فردر . بو قدر کالات میسر دکلدرد .

فقط اولمازسه درجهٔ تیسرده بو مکملیته نیچون اوزونمه .
 ملی .. نیچون غربه صاپلانهرق شرقدن استفادیه التفات
 ایتمه ملی ؟

ایشته (آناتول فرانس) بویله بر سیل کمال
 سالکلر ننددر . املی ، هدفی ، نخبهٔ هوساتی حسندر ،
 حقدرد . بونلره زده راست کایرسه اورایه قوشار ،
 بونکچون کاه (زولا) ایله برابر اولور . کاه (ویقتور
 هوغو) یه میل ایلر . کاهده (راسین) ی سور . حتی
 الک کستاخانه ادارهٔ خامه ایدنلرله صیره سنه کوره اتفاقدن
 چکنمز . بونکچون اسلوبنده ، افکارنده ، مآلنده ،
 آمالنده بتون بومساکلرک محاسنندن ایزلر ، نشانهلر
 واردر . طرز بیانی طبقی بر (فلور) قلمندن چیقور .
 مش کبی استاداندر ، تراشیده در ، پارلاقدر . سوه سوه
 اوقونور ، اوقونورکن سکتیه ، نقصانه اوغرا نماز .
 فکرنده ایسه (ویقتور هوغو) نك عظمتی ، جودت
 خیالی زمین زمین مکشوفدر . (لامارتین) کبی حسیاتی
 زمان زمان غلیانده در . حاصلی ، بتون بومز ایادن کوزلجه
 نصیبه دار اولمق نعمتیه در که نه یاپسه ، نه یازسه کوزل
 دوشر . حکایه لری فکری ، خیالی حسی رقت و اهمیتله
 اوقشـار ، مقاله لری ، تنقیدلری خوشه کیدر ، انسانه

تأثیر ایدر . اک ساده ، اک بسیط بروقه‌یی ، بر موضوعی
 بو صاحب قلمه ویریکز ، باقکز ، نه شکلله نه شکل
 دلارایه صوقار . نه یاپار ، آرایه نه علاوه ایدر بیلنمز ،
 کورلمز ، حس اولونماز . فقط اثر لطیف اولور ، کزین
 اولور . شاعرلریمزک (سحر) ایله چوق اوغراشمالرینی ،
 لاینقطع : « سوز بولوب مسحور عشق ایتدم جلال
 ساحری » بولدی ناجی شهرت سحر مبینم ازدیاد « کی
 فخریه‌لرینی پک بی معنی صانمالی . برخامه ایچون سحره
 مالکیت اک بیوک فضیلتدر . ایشته (آناطول فرانس) ک
 قلمی سحر انکیذر . بویله اولماسه عادی بروقه‌یی ، بر
 حادثه‌یی ، برهیچی برامل ، بر پرلانظه مرتبه‌سنه اصعاد
 ایده‌مز .

بوقوت نره‌دن کلیور ؟ یننه تفصیلات آتیه‌دن ایجه
 آکلارز . بوکون فرانسه‌نک برقطب عرفانی درجه‌سنه
 ایرن ، اوتوز آتی ملیون خلقک قرق فاضلندن بری
 عد اولونان بوذاتک پدری برکتاجی ایمش . فقط اوילה
 (هاشت) لر ، (شارپانتته) لر ، (قوان) لر کی قوص
 قوجه برکتاجی دکل (وولتر) ریختمنده اوافق برصحاف
 ایمش ، کتب مستعمله آلیش ویریشیله اوغراشیرمش ..
 پارسی کورنلر بیایرلرکه (وولتر) ریختمی ، (مالاکه)

ریختمی، حاصلی (سن) نهرینک بو طرفلری بوکنارلری
 بزم صحافلر چارشوسنه بکزرلر. برجهتهده سرکیار، کتاب ،
 رسم آثار عتیقه وسائره سرکیلری ، دیگر جهتهده ایسه
 کتابچی دکانلری ... (آناطول فرانس) باباسنک دکاننده
 تاکندیسنی بیلدیکی دقیقه دن اعتباراً رافلری آلت اوست
 ایتمهک باشلامش ، بو صورتله مطالعهیه تحریات فکریهیه
 دهاکوچکدن بر ذوق مخصه -وص ایدنمش ، بو-ایهده
 بیودجکه تدقیقاتی یورته یورته بوکون عادتاً برکنزمعلومات
 اولمش ، نهی انه آلسه علمندن محفوظاتندن برچوق
 دقائق ایله توشیخ ایله یور ، هیچ برفنه بیکانه بولونمایور،
 هیچ برکالدن عجز کوس-ترمیور . بو حکایه نویس ، بر
 ادیب اولمقدن زیاده برمورخه ، مدقق برمورخه بکزه-
 یور . بالفرض کچن کون (سارا برنار) ک بیوک بر
 موفقیتله (ره نسانس) تیاتروسنده اوینایه کلدیکی
 (لورانزاقسیو) او یوننه ، (آلفرهد دوموسه) نک بو
 اثرینه دائر بر مجموعه موقوته ده ، (رووده پاری) ده
 اوفاق بر مقاله نشر ایله دی . قوه تبعیه نک بو مرتبه سینه
 حیرت ایتمهک محالدر. (لورانزاقسیو) کیملر ، نه در ؟
 شاعر بو فکری ، بو موضوعی نه صورتله ایدیندی ده بو
 محصولی وجوده کتیردی ؟ بو قدر بلیغ موجز لطیف

انجمنك معتادی اوزره اولا (آناطول فرانس)
 نحقی یازدی، (غره آر) و یردی. اوده اکا باقهرق
 جوابی حاضرلادی. برنجی نطق ایچون خالق آره سنده
 اولجه برقیل وقال اولدی (فردینان دله سپس) ك
 عاینده ایمش دیندی. فقط بالا آخره ینه برمعتاد اعضادن
 (غره آر)، (ووکوئه) (سورل) دن مرکب بر هیئت
 رسم دخولن برقاچ کون اول بونطقى استماع ایتدکن
 صوکره، (ووکوئه) نك یکی اعضایه: «حقیقت،
 سوزلریکزده برنجابت شجیعه وار» دیدیکی اکلاشینجه
 روایت کاذبه نك اوکی آلدی. افکار عمومییه (پاناما)
 دعواسندن بری (دله سپس) لرك عاینده ایدی.
 (آناطول فرانس) سلفنی کیف مایشاء مدح ایدرك،
 حتی معهود لکدن بیله تصفییه ایله یهرك بوافکاره بوسبو-
 تون قارشى کیتمش اولدی که برحرکت برشجاعت، بر
 نجابت عد اولونمغه شایسته در. اك زیاده بومواخذدن
 قورقان مادام (فردینان دله سپس) ایله چوجقسلری
 ایدی. بوپچاره لر اقبال ماضیدن صوکره شوصوك دورده
 اك بیوك آجیلری کوردیلر. هییچ اولمازسه بوانجمن
 دانش ساحه سنده بابالرینك، جدلرینك رئیس عالیه لرینك
 مدایحی، برنوع احیای خاطره سنی، معناً احای آلامنی

كورەرك ، ايشيدەرك تشغىۋەتەن سەنلەككە ئىستەيىورلردى ،
 بونكىچون اورايە كەشەلردى . ھىجىان ايلە خەتەپلەرى
 دىكلەيىورلردى . مەقسەتلەرنە ايرىدىلار ، املارنە موفىق
 اولدىلار . (فردىنان دەلەسپەس) نامى اك بىوك تەجىلات
 ايلە ، تەكرىمات ايلە تەنكار ايدىلدى .

رئىس ھەكۈمەتتەن زۈجەسىلە كرىمەسى (لوسى فور) دە
 بواجتەمەدە ھازىر ايدىلار . . تااوازاقەدەكى لطف بىر خەتەرى
 ھازىر بىر بىر نە كۈستەيىور ، (آناطول فرانس) ك
 قىزى دىيىورلردى . شۇدەققەدە بوقەنكە آتەندەن طوپلانان
 ۋەجۇدلىرىدىكى قەلەب ھەپ خۇش بىر آھنەك ايلە ، ھىچ شەبە
 يوق ، ھەنەزەز ايدىيىورلردى ، نىجە اولاد ، ئائىلە ، پەدر
 مەھبەتلەرى غەلەبانە كلىيوردى . فەقەت ايشەنە مەقالە يەتەدى . ھالە
 مۇۋەپپەقىيەتلىك خەتم ايدەمەدەك . فەلىلىكى يە آيرەمەقەن باشقە
 چارە يوق . . .



بو موضوعه دائر برنجی مقاله مده المـدن کلدیکی
مرتبه مفید برمدخل یاپدمدی . بوایکنجیده ایسه ینه
بقدرالاستطاعه نطقلری خلاصه ایله مک ، خلاصه لری
تفسیر ایتک املمدر :

(آناطول فرانس) تحف برصورتده سـوزه کیر -
یشیور ، اولایلا تکلف ، بلا تصنف ، طامدن طوشر
کبی اعضای انجمنه : « افندیلر اول امرده سـزه تشکر
ایده حکم » دییور . دنیانک اک شهر تکیری « دییه توصیف
ایله دیکی بو هیئت میانسه قبول اولوندینی ایچون اوزون
اوزادی یه حسب حال قویولمایور ، قویولق ایسته میور .
انجق بوانتخابک سـبـینی آراشدیریور ؟ نیچون اوایله فعال
برذاته بویله خیالپرست ، متفکر برحلف ویرلدی ؟ چونکه
عصرک اک بیهـک صاحب عزمی ، اک درین فعالنی صرف
کتابلر اراسنده ، تخیلات ایچنده بیـومـش بر فکر ایله
موازنه ایتک خوشدر ، نافعدر .

بوندن صوکره مدو حک ترجمه حالی کایور . آبا
 واجداد هپ مأمورین سیاسیه دن ایش . کیمی قونسلوسی؟
 کیمی سفیر ایش ، هربری سیاحت و سیاست ایچنده
 بیومش . . بوفقره یی (غره آر) نقل ایدیور . (فرد -
 یناند) ک عمجه لرندن بری ایلاک دفعه اوله رق آسیایی
 برباشدن برباشه دور ایش ، آیلرجه بحر احمر سواحلنده
 قالمش ، واپور بکله مش ، برسنه سبیریا اووالرینی طولاشمش ،
 کاروان آرامش . دیمک بو حرص هوس سیاحت (دهله
 سپس) عائله سنده فطری ایش .

(فردینان ده لپس) یکرمی یاشنده (ایزبون) ه
 قونسلوس شا کردی اولیور . بش سنه صوکره اسکند -
 ریه یه کوندریلیور : « افندیلر ، شو نقطه ده کوچک بر
 وقعه کوزه چارپارکه (پلوتارق) ک طرز تحریرینی تعقیب
 ایدن بو ترجمه نویس درحال نظر دقته آیر ، اشارت
 ایدر . چونکه بر فطرتک خواصنی محتویدر . بر حیاتک
 میلانی ، علامتی مشعردر »

بووقعه نه ایش . . اسکندریه یه اینه دن اول (فرد -
 ینان) طور سیناده قاراتنه بکله مکه مجبور اولمش که بوده
 شهاب متحرکنه بالطبع کران کلمش . . فقط آمری ،
 یعنی فرانسه قونسلوسی بو ثقاتی ازاله ایچون کنج مأموره .

بر چوق کتابلر یوللامش که بونلرک ایچنده مهندس
(له پر) ک، بحر سفیدک بحر احمره الصاقه دائر بر اثری
وارمش. بواثر (بونا پارت) ک امریله تدقیقات حقیقه یه
استناد ایا زلمش. سیاح شاب شو کتابی حرص وهوسله
اوقودقدن صوکره بر خیاله، برامله طالمش. بوقانالی
آچق سوداسنه دوشمش.

بعده (آناطول فرانس) مصره دائر بر چوق
معلومات ویریور، باخصوص شو معلوماتی موضوعه،
مقصدینه یارار بر نقطه نظر دن ویریور. (دله سپس) ک
پدری ایله محمد علی پاشا آراسنده ناقواله دن مناسبت
وارمش. اولاً، بوندن استفاده ایله یور. سعید پاشا
ایله (فردینان) آراسنده چو جقلقدن بر الفت ابتدا
ایدیور.

بو حقائق (آناطول فرانس) برر برر مصردن
طوپلامش. فقط بویله قوری قوری یه دکل، بر چوق
لطائف ایله توشیح ایدرک نقل ایله یور. بونقلیاته نه
مناسبت وار دینه سون. مورخلکک اک بیوک فضیلتی
وقایعک بر برینه ترتباتی کشف ایله مک بونلرک آراسنده کی
خط ملتصق و متمادی بولمقدر. (سویش) قانالی سعید
پاشا دورنده آچیلیور، پاشا بوکا اوزمان «قانالمز» نامی

ویریور . ذاتاً (فردینان) بالاخره بو خدیوک رأس
اداره کچدیکنی کورونجه مصره کلیور ، بواشته توسل
ایلیور .

(دمله سپس) اسکندریه ده کی بوایلک مأموریتدن
صوکره اسپانیایه کچور . خوشکور ، خوش صحبت لطیف
الاطوار اولدینی ایچون تاقرالیچه دن باشلیجه مأمورینه
قدر (مادرید) ده هرکسک توجهنی جلب ایله یور .
ینه تحف بروقه : برصباح قرالیچه نک معیتدن مادموازل
(اوژهنی مونتیرو) کلیور ، (دمله سپس) ه برجاده
بولونور ، اعدامه محکوم ایدیلن یکر می ضابطک عفوینه
وساطت ایتسنی طلب ایله یور . (فردینان) مهارتی ،
سیاستی ایله بوکا موفق اولیور . بو (اوژهنی مونتیرو)
بالاخره کیم اولسه بکنرسکز ؟ . . اوچنچی (ناپولئون) ک
قاریسی ایمپراطوریچه (اوژهنی) . . (ناپولئون) ایمپرا-
طورلغنه صعوددن بر ایکی سنه صوکره بوکلبرک جمالک ،
هردرلو مزایاسیله بواسپانیا دلبرینک ، بوجنوب آفتک
تأثیر جهانسوزینه دایانامادی . ید ازدواجنی طلب ایتدی ،
سوه سوه آلدی ذاتاً (اوژهنی) ایله (دمله لپس)
آراسنده اوزاقدن اوزاغه برقره بتده وار اما شوخوش
تصادف بالاخره تشبث عظیمنده ، سویش مفتحنه چوق

ياردیم ایدیور... طالع نه مسعودانه رفتار ایله یورییور،
 دکلکی؟ حریف اسکندریه ده سعید پاشانک توجهنی،
 دوستلغنی، (مادرید) ده ایمپراطوریچه (اوژهنی) نک
 منتی، همتی قازانیور.

*
* *

روماده کی اوافق بر موفقیت سز لکنه مبنی (فردینان
 ده له سپس) ۱۸۴۹ ده، قرق یدی یاشنده، ذروه
 کالنده سلاک سیاستدن چکلمکه مجبور اولیور. اووقت
 بوسبوتون، سنه لردن، تا طور سینا قارانتنه سندن بری
 فکرنی اشغال ایدن تشبث عظیمه وقف امل ایله یور.
 بویولده تدقیقاتده بولونیور. موجز بر اثر وجوده کتیریور،
 بر چوق لایحه لر، تصور لر کوزدن کچیریور، مهندس لرله
 بونکچون اوزون اوزادی به استشاره ایدیور، خریطه لر
 یاییور. بز (ده له سپس) ی مهندس عد ایدردک. حتی
 غالباً (قرق انبار) ده کی مقاله ده بویله دییوردی. فقط
 بو ذات هیچ بویله دکلش، حتی (اناطول فرانس) بو
 جهتی، یعنی (فردینان) ک هندسه اربابندن اولماسنی
 صویشده کی موفقیتی ایچون بر سائق فرض ایله یور، بو
 نقطه ده کوچک بر فلسفه ایلری سورییور. طبان طبانه
 علمه ملاصق اولورسه انسان بودرلو پارلاق فقط کستاخانه

افعاله جرأت ایدم مز. احترازه ، احتیاطه چوق رعایت
ایلر ، حرکاتی چوق نقید ایدر ، دیمک ایسته یور. بنجه ده
اساس هپ عزمندن ، همتدن عبارتدر . (همه ارجال تقاع
الجبال) حقیقتی ایچون (سرقرآن) مؤلف مشهوری ،
« سویش جدولنی کورسون ایدنلر شبهه » دییور .

بوجدولک فکر کشادی اسکیدر . تامصر فرعونلرندن
(رامز مس) قدر چیقار . حتی روایتیه باقیلیرسه
اوزمان آچلمش بیله . ایراتیلر مصره کویا بو طریق ایله
کیریورلر . دارا بیله بوکا چالیشیور . فقط بونلر ماصال
اولسه ده تاریخه کوره (آقسیموم) انهمزامنندن صوکره
(قله ئو پاترا) دوناماسنی بویله بر مجرادن قاچیریور .
روما ایمپراطورلری ده ینه بوجدولی استعمال ایدیورلر ،
حتی (تراژان) نهری دیه یاد ایله یورلر . نهایت عباسیلر
زماننده اسباب حربیه یه مبنی طولدیریلیور . (بوناپارت)
بالاخره بوجدولی تکراراً کشاده هوسنه دوشیور .
بالاده کوردک ، بونکچون ، بر خریطه بر لایحه بیله
یادیریور .

تاریخلریمزه باقیلیرسه سویش جدولنک برنجی کشادی
غیر واقعدر . فقط حقیقت بو صوک کشفه موافق اولسه
کرکدر . شوقدرکه ایلمک قنال طبعی بویله بیوک ، بویله

مکمل دکلدی، کوچک بر نهر دن، بر مجردان عبارت
ایدی .

بوعزم ایله، بوفکر ایله، بوتصور ایله یاشارکن بر
کون (دوله سپس) الله غزته یی آیور، باقیور که سعید
پاشا خدیو اولمش، اوچ آی صوکره مصره یوللانیور .
معیت خدیویده نیل وادیلرینی فرسخ فرسخ طولاشیور،
تاسودانه قد کیدیور . تشبته، املنه اساس قورمغه
باشلائیور . چالیشیور، چابالیور، آقین آقین مشکلاتی،
محالاتی افتتاحام ایله یور، گاه پارسه، گاه لوندرمه، گاه
درسه عادتله قوشیور، هر طرفه باش اورییور . اوچنچی
(ناپوائون) دن، (اوژنه) ده بیوک معاونت کورییور .
بوفصلی خطیب غایت کوزله بسط ایله یور . هر درلو
دقائقه سیاستله، نکاتیه، انکله سیله، فرانسه سیله،
غوامضیه کوسترییور، بونلری مفصلاً بیانہ تأسف
ایدرزکه حجز مساعده ایتمه یور .

سویس قانالی کشاد اولوندی . بوجرای معظمدن
برنهر مصنع مدینتدن ایلك مرور ایدن قوجه برواپورک
اک بیوک احتشامی، اک رعنا لطافتی صباحه و قدرت
وملاحتی ایله پارل پارل پارلایان ایمپراطوریجه (اوژنه)
ایدی . . بو ظفرک اک لطیف ثمره لرینی اقتطاف ده

(فردینانده لیس) ایله اوغلی (شارل) ایدی . زمان
 بوسعدتلی هپ آلت اوست ایله دی . بو مظهرلرک
 هر برینی برکوشه ادباره بی انصافانه آدی . سویشک
 تمتعاتی (پاناما) سوندیردی . بو خصوصی آناطول
 فرانس قلم دقیقه دانیله شویله بسط ایله یور :

« افدیلر ، کره مزى مدنیت بشریه نك احتیاجاتنه
 کوره قلب وتشکیل ایتک آرزوسنه دوشن مزیت
 عظیمه اصحابی افکار واشیانک سطح ارضه تمامی آهنگ
 تداولنی تأمین ایچون سویش جدولنی آجدقن صوکره
 وسطی آمریقادن برشهرام بحری کشاد ایدرک ایکی محیطی
 بربرینه الصاق ایتک املنی بسله دیلر . »

(لیدنیچ) خریطه عالمی تماشای ایدرکن بو فکری
 ایدینمشدی . (کوته) ایسه (۱۸۲۰) ده بویله برامر
 عظیمک اخلافدن بر داهییه میسر اولاجغنی امان عالمی
 (هومبولد) یازدقن صوکره شوسطرلری ده قارالایوردی :
 بویکی محیطک بر برینه الصاقی لابددر . وبرکون وقوعه
 کلیرده . . بوائر عظیمی کورمک ، اوزمانه قدر یاشامق
 ایسترم . فقط ممکن دکل که . . . حتی بکا سویشک کشادینی
 بیله کورمک نصیب اولمایه جقدر ، بویکی فعل حیرت
 آرای تماشایده بیلمک ایچون یاریم عصر دهها عمره

مالك اولق ايستر .»

(كوتە) نك بوسوزلری سویله دیکی تاریخدن اعتباراً یاریم عصر کچمه یور ، سویش آچیلور . (پانامانک) آچلمسینه ایسه رمق قالیور . (۱۸۷۰) ده برچوق فرانسز مهندس لری ، جغرافیا عالمری ، (ویس) لر ، (رملو) لر طولانیورلر . (دله سپس) ی ده بواجتماعه دعوت ایله یورلر . (پاناما) یه قرار ویریورلر . شو صورتله مسئولیت تخفف ایله یور . مع مافیله (دله سپس) شهرت جهان آراسنه ، عزمنه ، متانتنه ، دهاسنه استناداً بوکاده هر مشکله رغماً موفق اولوردی . فقط معینی بوقدی . بالعکس عین موقعده بیوک دشمنلری ، حائلری واردی . حکومت مجتمعه ده اولانجه مخالفتیله اوکنه چیقدی . عزمنه مانع اولدی قباحث کیمکدر . بونکچون سویش مفتحنی بویله تذلیل ایتک روامیدر ، انصافیدر !

*

* *

بوتاریخجه یی بو محاکمهی ، بو برائتنامه یی یابدقن صوکره (آناطول فرانس) سمت ادبه کچور . (۱۸۸۴) ده (فردینان دله سپس) ک انجمن دانشه صورت قبولی بسط ایله یور : بورسم قبولی ایفا ایدن (ارنست رنن) دن ستایشکارانه بحث ایله یور . چونکه (رنن) ی جانندن

سوئیور . بوفیا-وفه خلف اوله رقی شه میانه یه
 کیردیکی حالد کچنده وفات ایدن (شاملل لاقور) یوم
 دخولنده سلفنی ایجه خیر پالامشدی ، (آنا طول فرانس)
 بوتجاوزك انتقامنی المق ایسته یور .

(ویتور هوغو) اووقت خاتمه حیاتنده ایدی ،
 برقاج زمان اولی (دهله-سپس) . « سز اویله امور عظما
 ایله کائناتی ولله دوشور یور سکز که بونلر حرب دکل »
 یعنی شهمدی یه قدر بو درلو ظفرلر ، عظمتلر محاربه ده
 اولوردی « دیوردی .


اوزماندن بری سونن انجمن اعضا سندن ال
 پارلاقلیخی : یعنی ، تن پاستور ، رمان ، الکساندر
 دومالری لسان تجیل ایله ذکر ایله دکن صوکره خطیب
 (رمان) ك (دهله سپس) . جواباً ایراد ایتدیکی نطق
 وصفه کیریش یور : « نه حیرت آرا برنطق ! افندیلر . نه
 مرتبه افکار قدسیه ومونسه ایله موزون ومفرح بر
 صورتده موشح ، باشند باشه موشح سوزلر » دیوردی .

بعده اوزون اوزادی یه (رمان) ك ماهیتی تفسیره
 قویولور که بونکله عادتاً (شاملل لاقور) ك تجاوزاتنه
 جواب ویریور . (رمان) لطیف ایدی ، خوشه کو ،
 خوش صحبت ایدی . اوداسنه جان ویریردی ، الفتنه

دوام ایدنلر خاطرلارلرکه مجلس لطافت ایچنده یوزردی .
 بالاده کی نطقنده (دهله سپس) ، خطاباً : « سزی کوردجه
 متصل خاطریمه شوکلیر : نه اولور ، متفقاً ، مشترکاً بر
 ایشه تشبث ایله سهیدک . . » دیدی . بعضیلری مراق
 ایدرلر ، بوایش نه دیر دییه فیلسوفدن صورارلر ، لطیف ،
 بر جواب آلیرلر .

هر حالده بویه بر محصول خارق العاده اولوردی .
 ایکی مغزکه بری قوای فکریه ، دیکری آثار فعلیه ایله
 مالا مالدر .

نهایت (آناطول فرانس) ، (دهله سپس) ک خاتمۀ
 عمرینی ، زوالنی ، فلاکتی ، آجیلرینی بر قاچ سوزله پک
 حزین بر صورتده کوستره رک نطقنه خاتمۀ ویریور .
 (غره آر) ک جوابی ده اهمیتدن عاری دکل ،
 باخصوص ، خوش اما ایشته بومقاله مزده ختامه ایردی .
 بو مباحث کلال کتیر مزسه او خلاصه بی اوچنچی بر
 فصلده عرض ایلرز !



مصاحبه علمیہ

صوک دورہ قدر فرانسرلر دمہ آلمانیاہ ، انکاترمیہ ،
حاصلی بتون اجندیلرہ قارشى نظر باشقہ ایدی ، سطحی
ایدی . مثلاً بونلردن کندیلرینه خوش ، موافق کورینلری
تدقیق ایدی-ورلر ، او قویورلر ، آ کلا یورلر ، بویله
اولمایانلری قالہ بیله آلمایورلر ، یا خود فنا قالہ آلیورلردی .
فقط بو حالک برچوق مضراتی کورن ، تجربہ ایدن فضلا
دیدیلرکہ : « یوق ، بو غفلتدر . تربیہ باشقہ در : تعلم
باشقہ در ، بز بالفرض مؤلفات اجندیہ نی درس تربیہ
ایدینک ، وطن پرورلکده ، سائرده تکمیل ایله مک ایچون
دکل ، تزید عرفان ، توسیع معلومات قصدیله او قوملی یز .
رقیبلریمزی حال حقیقتلریله ، ماهیت واقعہ لریله بیلملی یز ،
املمزہ ، آرزومزہ کورہ تحریفہ چالیشمالی یز . . . بر
انکلیزی انکلیز ، بر آلمانی آلمان نقطہ نظرندن بیش
تدقیق وعبرته آلملی یز . . سادہ نقصانلرینه دکل ، کمالرینه ،
فیضانرینه ده علاقہ دار اولملی یز . . ولو کہ بو خصوص

بزمنچون حزن، آغز اولسون او برلرندن زیاده بریکلرینه
میل، مراق ایتملی نز ..»

ایشته بو فکر جیدک توسع ایله دیکی صیره لرده بر
طرفدن فرازه مباحثه اتنده بالخاصه انکلتزه وهله
آلمانیا به دائر آثار چوغالدی، دیگر جهتدن مکتبلرده
بوکا متعلق دروس مخصوصه کورندی. وادی ترقیده
خارق العاده بر سرعت کوستر علوم سیاسییه مکتبی ده
بویولده بر چوق تاسیسات مهمه دن ماعدا بونه :
« بوسوک ایکی عصر ظرفنده کی آلمان ترقیات و تقاب
فکریه سنه » دائر بر درس آچدی، بونکچون صرف
بو خصوصه وقف معای قیلمش بر استاد عرفان
بولدی ..

بو معلم، (لهوی برول) اوچ درت هفته در عصر
حاضر ابتدا سندن اعتباراً تکامل نقطه نظرندن بزه
آلمانیایی آکلاتمه باشلادی. هر فصلک تمایلاتی، مشاهیرینی،
(نیور) لری، (هاله) لری، (ساوینی) لری امللریله،
سعیلریله، مسلک لریله برر برر کوستردی. صوک جلسه ده
آلمانیا مورخلرینی اله آلدی .. بومبشده آلمانیا نك شعبات
علومدن تاریخده کی ترقیات فکریه سی ایچون کوچک بر
مدخل یاپدی .. بزه غایت نافع کورونن شوبحی دیلمزک

دوندیکی قدر بوحیفه لره بر معتاد نقل ایتک املنه
دوشدک :

« اون طوقوزنجی عصرده آلمانیاک حادثات مهمه
اساسیه سندن بری ده هر شیئی ، هر عامی تاریخ نقطه
نظرندن تتبع ایله مکدر . علم لغات دیدیکمز (فیلولوژی)
تدقیقاتی بتون تاریخ ایله اولمغه باشلادی . تدقیق و تحصیل
ادیانده ایسه تاریخه مراجعت ایدلدی . صنایع نفیسه نک
تاریخی تعمیق اولندی . بوندن ماعدا ساده مسالک
اقتصادیه ایچون دکل ، فقط شرائط اقتصادیه بحثده بیله
تاریخ بر دستور اولدی . شرائط اقتصادیه ایله مسالک
اقتصادیه آراسنده فرق واردر . مثلاً اون سکزنجی عصرک
ایکنجی فصلنده تأسس ایله یه رک (فیزیوقرات) نامی
آلان (تورغو) لک ، (میرابو) لک — مشهور (میرا-
بو) نک پدری — امل و فکر اقتصادیلری برمسلكدر ،
برمسلك اقتصادیدر . فقط ینه اودورده بالفرض عمله نک ،
صنایعک حالی ، زراعتک ، زراعتک روشی برشریطه در ،
شریطه اقتصادیه در

ینه بو عصر ایچنده درکه — شو جمله اکثریتیه
یادیغمز کبی قوری قوری یه ، زور زورینه معروف
تکریرلری تقلید ایچون دکل ، فقط بالضروره ، بالمناصبه در ،

— المانیاده قرون اولی ، قرون وسطی ، قرون اخیره تاریخلریله بالخاصه تاریخ مدنیت بیوک بر فیض وفوران بولدی . حتی تکامل اصولی ده بتون علومده ، فنونده ، فلسفده ، ادبیاتده بر دستور اولدی . بوصوک تجدد یالکیز المانیایه مخصوص عدایدیله مز ، ممالک سائریه ، هله انکلتیریهدده متعلقدر . (دارون) لر (سپنسر) لر هپ معروفزدر . فقط آلمانیاده بوترقیدن محروم قلمادی . بوندن ماعدا بعض بیوک آلمان مورخلری ادبیاتی ، اسلوبی تاریخده صوقدیلر . آثار تاریخیه لطافتله ، مهارتله . صنعتله یازلمغه باشلادی . بونلردن (رانکه) لر ، (سیبل) لر ، (درایچه) لر مشاهیر محرریندنده معدوددرلر . آلمان خلقی پک چوق کتاب ، باخصوص مجامع موقوته اوقور . بوصحیفه لر مباحث مفیدۀ تاریخیه ایله طولدی . الک شایان دقت شو جهتدرکه بودورده مورخلر معاملات سیاسییه جدأ تأثیر نفوذ ایتدیلر . اولافکار عمومیه نك صورت جریاننده حصه دار اولدیلر . مثلاً آلمانلغک تشکله بیوک یاردیم ایتدیلر .

ثانیاً ۱۸۳۰ دن (۱۸۴۸) ه قدر بالذات رأس امورده بواندیلر ثالثاً (پروسیا) نك افکار اتحادیه سنه کاه معارض واکثریا موافق اولدیلر ، جدأ خدمت

و معاونت ایله دیلر . ایشته آلمانیا ده فیوضات تاریخیه بو
 درجه یی بولدی ، حالاده بویله در . بوکون دارالفنونلره
 بر عطف نظر ایدلسه کوریلیرکه درسارک اوچ ربی
 تاریخه متعلقدر »

*

* *

بوتجایاته سبب نه در ، اون سکزنجی عصرده المانیاجه
 تاریخ بویله مترقی کورونمیور . . حتی بللی باشلی مورخده
 بولونمیور . فقط بو عصرک اواخرینه طوغری مشهور .
 (شیلار) — فلمنک استقلاللی — کبی بر ایکی اثر تاریخی
 یازیور . بوندن ماعدا تاریخ معلمکی ایدیور ، تاریخ
 درسی ویریور . (دون قارلوس) کبی اثر ادیبلرینی ده
 تاریخدن آلیور . کذا (هر در) بر معنای تاریخی میدانه
 قویور : مثلاً اوزمانه قدر آلمانلر (انجیل) ی فرانسرلر
 کبی بر نظر عمومی ایله کوریور ، بحق اکلامیورلردی .
 لکن ادوار تاریخیه یی یوقاری طوغری چیقیکز ، اودورده
 بر چوبان حالته ، حسیاتنه کیره رک اوپله بو مطاعه یه
 قویولمکز اوزمان برنکته ، بر حکمت آکلار سکز ،
 بومنبعدن بر فیض ، بر لذت آلیر سکز . . بر بو فکره
 هنوز بر دستور تاریخی نامنی ویره مه یز . فقط هر حالده
 بو بر معنای تاریخیدر . »

(ادبیات حقیقه) ده (له قونت ده لیل) فصلانه
 مراجعت بیورلسون . بوشاعر (راسین) ی ، (ویقتور
 هوغو) یی بر اثری یازارکن بو مغنای تاریخی به دقت
 ایتمه مکه موأخذه ایله یور . مثلاً برنجی ایچون : « بیوک
 (اسکندر) ی عادتاً بر زمان جهانگیری کبی سویله تیور .
 اوفکرده ، او حسیاتده کوس-تریور . . چونکه بوتالیفی
 قلمی الله آلدیغی زمان مؤلف دورنده ، عصرنده قالیور .
 موضوعک هنکامنه چیقما یور کیرمیور ، یا خود چیقما یور ،
 کیره میور . « دیور .

« (شیلار) تاریخی اصول قدیمه اوزره یازیوردی ،
 عادتاً (مونتسکیو) یه بکزه یوردی . ینه بودورک اعظمندن
 (له سینغ) ازمنه قدیمه یه دائر ایجه اثرلر نشر ایله مشدی «
 (ادبیات حقیقه) ده (له قونت ده لیل) فصلنده . بر
 آلمان قیزبله مکالمه مزده ، (له سینغ) دنده بر نبذه بحث
 ایتدک . . فقط اصل دستور تاریخی بونلردن صوکره
 میدانه چیقدی ، تاریخ بالجمله علوم ایچون برفرع ، رمحور
 عد اولوندی . (ساوینی) نیور) کبی علمای حقرق
 تاریخی مقصدلرینه ، مسالک لرینه معین ایدیندیلر . . بو
 دستور ، بوقاعده نه در ، ناصلی میدانه چیقدی ؟ آلمان

مورخلرینی بروجہ آتی برر برر کوزدن کچیرنجه بوجہتی
کوریر، آکلارز :

*
* *

بونلردن وقوعات صیره سیله برنجیسی (نیبور)
- nibuhr - درکه (۱۷۷۶) ده غالباً (قونپناغ) شهرنده
دنیا یه کلدی . . عن اصل دانیمارقه لیدر . مملکتده
کوزلجه تحصیل کوردکن صوکره اکمال معلومات ایچون
(کیل) . کیتدی . بالاخره دانیمارقه مالیه ناظری
(شیملمان) . کاتب اولدی . بعده انکلتره یه کیدرک بو
اقلیمده اقامتی ائناسنده روما تاریخی بلمناسبه مطالعه
وتتبعه قویولدی . (۱۸۰۴) ده (دانیمارقه) یه عودتله
بانقه مدیری اولدی . (۱۸۰۶) ده مشهور (اشتاین)
طرفندن (برلین) . دعوت اولوندی . »

بو (اشتاین) نه بیوک آدمدر ! بوکونکی شو قوص
قوجه ، شو قاب قوی (پروسیانک الک عالی بانیلرندن
بری وبلکه حق تقدم جهتیله برنجیسی بوذا تدر . الک
اوافق کوبلره وارنجه یه قدر مکتبلر آچغه ، تعمیم عرفان
ایله مکه چالیشدی . شمدی آکلا شیلیورکه بوفکر صورتده
غریب ایسه ده حقیقتده عالی ایمش . . ذاتاً اوزمان بتون
پروسیا ، آلمانیا افاضلی بومطالعده ایمش ، بوکا عازم

اولمش . . (اشتاین) مقصد مقدسنى حصوله کتيرمك
 ايچون دكل يالكز (پروسيا) ده بتون آلمانپاده ، بتون
 اوروپاده نه قدر آلمان عالمى وار (برلين) ه طوپلادى .
 (نييور) لر ، (ساويني) لر هپ بوزمره كزیده دندر .
 » (نييور) بونك اوزرينه (برلين) دارالفنوننه
 تاريخ معلمى تعيين اولندی مملكتنه خدمت ایتمه
 باشلادی . تدریساتی (روما) تاریخنه دائر ایدی . بونك
 ايچون كوزل بر روما تاریخی یازدی . بوكتاب ، حالا
 اللرده متدائر بر اثر نفیسیدر . (ساقس) ك (پروسيا) یه
 الحاقنى مصیب ، محق کوسترمك ايچون ده برخاطره نشر
 ایله دی . بعده (رومایه) سفیر اولدی . برقاج سنه ده
 اوراده قالدقن صوكره (۱۸۲۲) ده (بون) دارالفنو-
 ننده تکراراً تاريخ تعلیمنه باشلادی . (۱۸۳۱) ده
 فرانسه وقایعندن دولایى مایوساً ، منکوباً وفات ایله دی .
 کوریورزكه عمرى ، مسلکی مستثنا بر روشه تابع
 اولدی . . یوقاریدن اشاغی کلدی . . اوکجه اصول مالیه
 ایله ، امور حکومتله ، دولت آدملیله اوغراشدی . .
 صوكره تاريخ معلملکنه ، مورخلکنه کچدی .
 (نييور) بو اثرینك ، یعنی (روما) تاریخنك

• مقدمه سنده :

اولا — مملکت ته ، حکمدارینه قارشی حسیات
صداقتکار یسندن بحث ایله یور . .

ثانیاً — اوروپاده حصوله کلن وقایع عظاما سابقه سیله
تبعات و تفهمات تاریخیه قویولد یغنی بیان ایدی یور .
بوندن اولکی بحثمزده فرانسه وقوعاتنک آلمانیا ده تقابلات
فکریه یه میدان ویردیکنی سویله دکدی . ایشته بوده او قولمزه
بردلیلدر . (پروسیا) بر مستثا ، حزین حال کچیری یور .
بوکا قارشی اکا بر فعلا عاجز قالیورلر . وادی فکرمه
صایورلر . (ناپولئون) . مغلوب اولونجه استقبال ایچون
قوی بر (پروسیا) حاضر لامقدن باشقه وظیفه
بولامایورلر ، کورمه میورلر . هر برنده (پروسیا) یی
قورتارمق ، اعلا ایتمک حس شدید کیف مایشاء
میدان آلیور .

*

* *

بواثره ، (شوروما) تاریخنه دائر اوزون اوزادی یه
مطالعاته کیریشمه یز . (روما) مؤلفلرندن (تیت لیو) ک
بعض فقراتی بی اساس اولدیغنی (نیبور) بیلدیری یور ،
فقط بو حقیقت تاریخیه بی ادن اول برفرانسز مورخی ،
(بوفور) میدانه قویمیشدی . شو قدرکه (نیبور) ک
دستور تاریخیه یی پک نافعدر . بودستور شویله در :

اولا — نسخ اصلیه یی غایۃ الغایه ، دریندن درینه
تدقیق وتنقید ایلهمک لازمدر . بوکون بوبر بداهت
علمیه در . بر مؤلف بویولده تاریخ یازمازسه مورخ نامنه
کسب لیاقت ایده مز . حال بوکه اوزمان بویله دکلدی ،
نسخ اصلیه یی تنقیده هیچ رغبت اولونماوردی ، کلایشی
کوزل نقلیاته وانتخابات ایله اکتفا اولونیوردی . . .

اوروپاده بوکون بداهت درجه سنه کلن ، تاریخ کبی
ادبیاته ده ، السنیه ده ، حاصلی هر فقه ، هر علمه تطبیق
اولونان بوقاعده یه بزده رعایت ایله ملی یز . وقتیله (مؤتمر
مستشرقین) مقاله سنده ذکر ایلهدکدی . فاضل فضائلپرا
(بارییه ده مینار) ک سویله دیکی وجه ایله مؤلفات اسلامیه
مأخذلری کلایشی کوزل ، حتی خطالرله برابر بلا تدقیق
نقله میالدر . حال بوکه اثرک سلامتی ، قیمتی باشلیجه بو
اساسه مستنددر . انکچون بوشائبه بتون مساعی لاحقیه
ایراث سکتہ ایلر . فرانسه مورخینی ایچنده بنجه بووادیده
اک ایلری کیدنلردن بری (سورن) درکه اون التنجی
(لوی) یه متعلق بر مکتوبک ماهیتنی نه صورتله میدانه
چیقاردیغنی بر مصاحبه مزده بر تفصیل اکلاتمشدق .


ثانیاً — هر مورخ بر متبحر اولمیدر . بالجمله علومه
از ، چوق آشنا بولونماید ، بر محیطه ، بر قطبه بکزه ملیدر .

مع مافیه هر متبحر مورخ اولاماز . تاریخ یایمق ایچون ساده مأخذ بیسملک ، آلمق ، نقل ایتمک کفایت ایتمز ، قریحه دن علاواتده دخی بولونمیدر ، وقوعاتی محاکمه ایله ملیدر ، بسط افکار ایتمیدر .

بوجهت آلمان مؤلفلرنده بالخاصه واقعدر . بونلردن برمورخ اصلا حکایه ایله ، نقل ایله اکتفا ایتمز . اثرنده کندندن بر حصه انشایده بولوندیریر ، محصوانه بر چاشنی ذاتی ویریر . چونکه : « اثر یازار کشتی سرمایه کمالی قدر » بویه اولماسیدی ، بردوره دائر برمورخ رکتاب وجوده کتیردکن صوکره آرتق اودور ایچون باشقه لرینه اکمک قالماسدی ، حال بوکه بالفرض اون سکرنجی عصرک اواخری ، ناپولئون وسائر دوری ایچون هر ملتدن بر چوق مورخین اثر وجوده کتیردیلر . بونلر عین وقعه دن باحث اولقله برابر بتون باشقه رنکده ، باشقه مزیتده ، باشقه روشده در . چونکه هر مؤلفک اثرنده کندندن ، قریحه سندن بر پارچه واردرکه تألیفک روحنی تشکیل ایلر .

ثالثاً — تاریخی معاصریندن ایتمش کی یازمیدر . تاریخ عادتاً ذی حیات اولمیدر . مطالعی جلب ایتمی ، سوه سوه اوقونمیدر . بونکچون ال برنجی مزیت ده

حسن اسلوب ، قوۂ قلمیہ صاحبی اولمقدر . ایشته
 (نیبور) ك اورتایه قویدیغی دستور تاریخی بویله در .
 قاین کرام بو دستور استناداً مطالعۂ تاریخیه لرینی
 یوروتیرلرسه بزده پك چوق نقائصه تصادف ایدرلر .
 عمومیتله بر حکم ویرمك لازم ایسه بو دستور مطابق
 اولمق اوزره یازلمش المزده پك آز آثار واردر . بو آثار
 نادره ایسه اوچنجیدن ، برنجیدن آز حصه دار ،
 ایکنجیدن اکثریتله بسبتون محرومدرلر .



(اوده ئون) تياروسنده

اورپيد : آپولونيد .

(اوده ئون) ده بوسنه اوچنچي مصاحبه (آپولونيد) ه
دا ئردى . مباحثه يي يوروتن ده اوتەدن برى بوحيفه لرده
مزاياسنى ذكر ايدە كلكيكمز منقد معروف (ژول لاه متر)
ايدى . (آپولونيد) شعراى متأخريندن (قونت دە ليل) ك
برمحصول تقليديسيدركه اساسى (اورپيدك) ك (ايون)
عنوانلى فاجعه سندن مأخوذدر ، ملخصدر . (له قونت
دە ليل) عصر حاضر اشعارنده برمجدددر كه مسلكنى
(ادبيات حقيقه) درسالرنده ممكن مرتبه عرض
ايله دك . .

بوندن اولكى مقاله مده ادبيات غريبه نك اك برنجى
مادر عرفانى يونان ادبياتيدر ديمك ايستەمدى . . بوكا
برهان ده شودر كه فرانسه نك اك بيوك اديبلرى همان اك
كوزل اثرلرني ، ياخود اك كوزل اثرلرندن بر قسمنى
يونان آثارندن استفاضه صورتياه وجوده كتيرديار .

(فنه لون) ك (تله ماق) ی کوزمرك اوکنده در . فقط
 بوکتاب لسانمزه نه حزين بريان ايله نقل اولونمش . .
 کویا که مترجم کیمسه استفاده ایتمه سون دیه اثرینی محکم
 برکاید آلتنه آلمش . . تشبیه ثقیل دکلسه ، بوسوزلر
 دمیر لبلی به بکزرلر . . نه یینر ، نه چیکنه نیر ، نه اکلایشیلیر . .
 لکن ده اکلایشلمایان برجهت وارسه مکاتب رشديه مزده
 وطولانیسیله مکاتب اجنبیه ده بو ترجمه غریبه نك هنوز
 ترجمه به باشلامش اطفال ایچون قرائت کتابی اولارق طول
 مدت ، بلکه حالاده استعمال ایدلمسیدر . . انسان برکره
 (فنه لون) ك بوصاف ، بوساده ، بوآسوده بیانی ، برکرده
 یوسف کامل پاشانك اومغلق ، اوصرب ، اومشکل افاده سنی
 کوزدن کچیرنجه طایانامیور ، بر پارچه ده اکول ایسه ،
 اوطوز ، او آجی طوز . اوقایا طوزی نروده ؟ بوشکر ؟
 بوکلبشکر ، بوبادم شکری نروده ؟ دیمکدن کندینی آلامایور .
 یکرمی اوتوز سنه دن بری اصول ترجمه ده کی وجه نقلیمز
 ادبیاتمرك صفحات دورینه بر نمرنه ، اوافق ، پارلاق بر
 نمونه در : (تله ماق) دن صوکره (مه پرizon) کلیور .
 بوده اوبرینك شوا بئندن خالی قالمایور . مجموعه ابولضیاده
 (مه پرizon) ه دائر کوچك برتنقید او قودمدی که بوسیئه
 لفظ پرستی نی آچیقجه کوسترییوردی . بالاخره غریبدر ،

(فضائل اخلاقيه) ده عين خطايه دوشيور . بومترجين
 عظام اومغلق ، اومشکل طرز بيانہ بر مذرت اولارق
 موضوعك عظمتي ، فلسفہ سني ، علويتی کوستريورلر :
 (تله ماق) ك سنوحات شاعرانه سني باشقه بر بيان ايله ،
 بر بيان ساده ايله عرض ايتمك ، بحق عرض ايتمك قابل
 اولورمیدی ؟ هله (سيلويوپليقو) نك او حسیب حال وجداء
 نسوزینی ، اوتله نفات کونا کونی آچیق ، آسوده بر طرز
 افاده ايله ناصل افهام ایده بيلمی ایدی ؟ (روصو) نك
 نطق حکمت انکیزی ده بویله دکلیدر ؟ بومعذرت شایان
 دقتدر . فقط حقیقی اولدینی ایچون دکل . حالا ترجمه -
 لریمزده بوقاعدۀ غریبه یه رعایت اولونه کلدیکندن دولایی
 شایان دقتدر . بنجه بو بر بروهمدر ، هپمزه بالجله مترجم لریمزه
 عارض اولمش بروهمدر ، یالکز بیوک بر محرریمز وارکه
 بوشائبه دن منزه در ، انجق اوده بویله آنا ر علویۀ ادبیه
 ترجمه سینه کیریشمه یور ، یا خودکه ترجمه لرنده اسلوب
 عالی یه رغبت ایتمه یور . . شو اوچ ترجمه دن اك زیاده
 احتیساساتمه خوش کانی ، (سيلويوپليقو) یی اله
 آلیر سهق کوریرزکه اصلك لطافتی ، رقتی جاذبه لرینی
 ترجمه عادتاً تاراج ایتمش . . او قدرکه بویکی وجهی بر
 قاناوه چه ایشنك یوزیله ترسنه بیله تشبیه ایده مه یز . بر

جملهٔ افرنجیه‌ی حقیقی مؤداسیله، شیرین اداسیله ترجمه‌مره
نقل ایدمه‌یجه همان عربی، فارسی، مغلق مبهم برچوق
کله‌لره، ترکیلره مراجعت ایله‌یورز. میدانله غریب
غریب افاده‌لر قویورز. نقصان واقعی بوقوری بویا
ایله ستر ایدیورز. اساساً ینله اوحقیقی مؤدا، ینله
اوشرین ادا یوق بعضاً بو واسطهٔ اغلاق وابهامی تألیفا-
تمزده، بالخاصه تألیفات شعریه‌مزده دخی قوللانیورز..
چونکه فکر یوق، اساس یوق، روح یوق. شو
قصوریمیزی بونکه اورتیورز. کچیلده بر ادیب خلوقز
ثروت فنونده بوجهتی بالخاصه شبان ادبا و شعرا مزك
یوزینه پك نازك بر صورتده اوریوردی. هله نثر و شعر
جدیدیمزك یکی بردالی وارکه بتون نهفته، ناشنیده
کله‌لره، ترکیلره مستوردرد. فقط بوسـترك برسـبی،
اسلوبه تراشیده، نادیده بر ادا ویرمك اولسه بیله بر
عاتی ده زنه‌ار فقدان افکار اولماسون... بکا اویله
کلیور... او کوزل، او مطرا کله‌لر کوزمده عادتاً بر
غاز، بویاما بر غاز کبی توتیور، اکثریا اوقدر قوف
اولیور. افاده آچیق، بیان ساده، سوز ترجمه اولورسه
بوفویا در حال میدانله چیقار.

ایشته (تله‌ماق) یونان ادبیات‌سده مأخوذ بر اثر
اولدینی کبی (راسین) کچن هفتقه (سارا برنار)
بختنده برنبذه شرح ایله‌دیکمز (فدر) لری ، (آندر -
وماق) لری‌ده بویه‌در . (له‌قونت ده‌ایل) ده بویه
یاییور . . (آپولونید) ی منظوماً وجوده کتیریور .
او یونی تعریفه کیریشمه‌دن ، مصاحبه‌ی تفصیل ایتمه‌دن اول
برمعتاد مباحثه یعنی (ژوله‌متر) یه دائر بر قاج سوز
سویله‌مک ایسترم . . بو ذات فرانسه ادب‌اسنک اک صاحب
نفوذ لرندن ، اک مرعی الحاطر لرندن ، عادتاً شجعه‌انندندر .
بو وادیده مستثنا بر موقع اشغال ایدن کلک تنقیدیه همان
هر کسی قورقوتور ، علمیه ، معلوماتیه ، شعریه ، نثریه ،
حکایه‌سیله ، تیاتروسیله ، حاصلی هر طرزده ، هر چیغرده ،
هر مسئله‌ده کمالیه تمیز ایلر . انکچون دائمی محاباره
نارفته‌یه کیتیمک ایسترم . . خامه‌سنی الدم بر عصا ، قوری
بر عصا ، بر آلت مدافعه عدایلر . مقالاتنده بتون افکار
غریبه سرد ایدر فقط بونلری بویه بر قدرت ، بر فلسفه ،
بر نفوذ ایله سرد ایدر که غربت‌لری انسانه زور زورینه قبول
ایتدیریر . مثلاً کچن کون (فیغرو) ده اخیراً وفات ایدن
معروف بر صاحب خیره دائر بر بند نشر ایله‌دی . هر سنه
فقرا یه میلیونلرجه صدقه ویرن بوزنکین قادینی شوخیرا -

تند، شو حسانتند عادی برهنوعندن، بر اورتا حالیدن
 بوزمینده دها اشاغی طوتدی . نه یاپدی ایسه ناصل یاپدی
 ایسه یاپدی ، بریکنک صدقاتی ، جزئی صدقاتی او برینک
 میلیونلرجه خیراتندن دها فداکارانه ، دها عالیجنابانه ،
 دها باند اولدیغی اثبات ایله دی . صوکره : « اکا مشعشع
 جنازه آلا یلری حاضر لایورسکیز ، سوقاقلر نزار
 ایدیورسکیز ، هیکلار دیکمک ایسته یورسکیز . بوکا ایسه
 هیچ ، هیچ اندر هیچ . . اوله می : « دیدی دها غریبی
 شو بندینه : « زنکینلری تشجیع ایچون » عنوان
 مستهزیانه سنی ویردی .

بوسفرکی (اوده ئون) مصاحبه سننده عین مسلکی
 تعقیب ایله دی . ظن عمومی به رغماً (اورپید) ی ده ،
 (ایون) ی ده کوکله چیتاردی . (له قونت ده لیل)
 ایله (آپولونید) ی ده عادتاً باطیردی که بوجهت مطبوعاتجه
 بر مناقشه بیله میدان ویردی .

(ژول له متر) اولا (اورپید) ک ترجمه حالی
 تقریباً شویله خلاصه ایله دی : (اورپید) ک حیات
 و مماتی نظر پیرا اولدی ، یعنی غریب کچدی . بوفاجعه
 نویس (سالامین) یوم ظفرنده طوغدی . برنجی ،
 ایکنجی مصاحبه لرده کوردک . (اشیل) بو محاربه ده

عسکر اولارق بولونمش ، حتی (ایرانیلر) ی بوندن
چیقارمشدی . (سوفوقل) ایسه اووقت هنوز شبانه
کیریوردی . (اورپید) ک پدری برمفلس قدیم ایش که
(بعوئیه) دن آتیه هجرت ایش ، والدسی ایسه بر
صاتیجی ایش . . هر موسمه اوتیه بری ساتارمش .
فاجعه نویس اولادن اول ، (اورپید) پهلوان اولمش ،
رسام اولمش ، فیلسوف اولمش . زمانجه اک مشکوک
تیاترو مؤلفی ایدی . انجق بش دفعه مکافات قازاندی .
یعنی ۹۲ اثرندن ۸۷ سی دوشدی . ایکی دفعه اوله ندی .
بتون بوسه بیلره مبنی عجیب الاطوار ، عبوس الاخلاق
ایدی . غایت نسوانکریز کورونیوردی . بلکه قادینلری
وقتیله فضله سو دیکی ایچون بالاخره بو افراطه
دوشمشدی . عاقبتی مهلك ، حزین اولدی . اولاهییج
آدم یوزی کورمه مک ایچون آتیه جوارنده برمغاره یه
التجا ایتدی . صوکره بر چوق حسد لر ، عداوتلر
تحریک ایلهدی . نهایت بر کون قیرده کزراکن کوپکلر
اوزرینه آتیلدیلر ، فاجعه نویسی پارچه پارچه ایتدیلر .
بو ترجمه حالد بر پارچه مبالغه ، ماصال اولسه بیله
رنک عمومی ، هیئت عمومی طوغری کورینیور .
(ژول له متر) اسکی یونانیلر ایچنده (اورپید) ی اک

زیادہ سویور . چونکہ بر فکر متجسس ، زمانہ کورہ
 بر فکر مرقی صاحبی بولیور . (اورپید) مشہور
 (آناقساغور) ک تلمیذی ، (سقراط) ک محبی ایدی .
 نسبہ صاف کوزل بر فلسفہ مالکدی . تیاترولری جالب
 دقدر . فاجعہ نقطہ نظرندن (سوفرقل) دن اشانغی
 اواسہ ، او قدر فکریہ کوسترمسہ بیلہ برنجی دفعہ اولہرق
 صحنہ تماشاہ غرامیات عشقی صوقان ، ینہ ایلک دفعہ
 اولارق وادی خیالہ صاپان (اورپید) درکہ لطیف بر
 فیلسوف ، شاطر برادیبر . فاجعہ ینہ لون استہزا
 قاریش دیریر ، بوبر احتیاطسزاق اولسہدہ بو محالطہ
 اکثریا لذیذ دوشیور . (اورپید) اک آچیق مادیاتدن
 اک خفی حسیاتہ کچر ، صفوت ایلہ شہرتی بر برینہ مزج
 ایلر . ہم ملحد ، ہم متدیندر . الہلرینی انکار ایدر
 وسور . بویولده کی اساطیری استہزایہ آیر . فقط حسن
 وطراوتلرینی ، تصورندہ کی تصویر مطرالرینی تقدیس
 قیلار . . فاجعہ لرینی اک سربست ، اک متنوع ، اک
 موزون بر صورتہ یازار . بوصیرہدہ ہرمدن اوریر ،
 ہر تلمدن ، ہر ہوادن چالار ، تیاتر وجہ ہمان (آفرہدہ -
 دہ موشہ) ینہ بکزر . بونکچون حیاتندہ مظاهر اعتبار
 اولمادی . حاصلی (اورپید) یونان فاجعہ نویسہ لرینہ

دائر پیدا ایلهدیکمز فکره توافق ایتمز بر مؤلفدر .
 ایشته موضوعمزلک ادباً ماهیتی بوندن عبارتدر .
 شمعی (آپولونید) ی ، یاخود (ایون) ی خلاصه
 ایتلی یز . یونان فاجعه لرنده بر اصول وار : او یون
 اوینامادن اول اعضای وقعه دن بری روح ماجرای
 خلاصه ایلهیور . یعنی اثر نه در ؟ سرگذشت نه در ؟
 ابتدادن سویله یور . حال بوکه فرانسیز تیاترولرنده مقصد
 اصلی نتیجه یی مجهول براقه رق ، اوکجه دن سز دیرمه یه رک
 حاضر ونده بر مراق او یان دیرمقدر . بواثرده اساس ماده
 شویله در :

« آتنه پرنسسلرندن (قره ئوس) ی (آپولون)
 اغفال ایدیور ، بوندن برارکک چوجق دنیا یه کلیورکه
 معبود بوچوجنی آلاق (داف) معبدینه کوتوریور ،
 اوراده کیزلیجه بیوتدیریور . بعده (قره ئوس) معبود
 (ژوپتر) ک لایعد ولایحسی ولدلرندن بریله ، (اقسو -
 لاس) ایله اوله نیور . بوازدواجدن ذریت اولما ییجه زوج
 کیدیور ، (داف) هاتفه مراجعت ایلهیور ، (ایون) ی
 کویا وقتیله اوراده براقدینی بر چوجق دیسه بولیورکه
 حقیقته قاریسنک ولد زناسیدر . »

(ژول له متر) نک دیدیکی کی (اورپید) بووقعه یی

برچوق استهزالرله ، خجیعه لرله مزج ایله یهرك شواریخی
میدانه کتیریور . برنجی پرده اچیاور ، (دلف)
معبدی کورونیور . منظره جداً دلارا . یونان نفاستنی ،
یونان مدنیتی ، یونان لطافتی آندیریور ، بیوک ، بلند
آثار معماریه ، چیچکالر ، صولر ، دفنلر نظری
ترین ایله یور . (اییون) النده اوق ، یای معبدك
قابوسنده طولاشیور ، کلرله ، قوشلرله ، آغاچلرله
شاعرانه کوروشیور . ایشته بونقطه ده (اورپید) قوه
شعریه سنی ، صفوت روحیه سنی کوستیریور . (اییون) ی
تصویر ایدن اویونجی ایسه برکنج قیافته کیرمش برقادین
اولدینی ایچون لوحه دها پارلاق دوشیور ، بیلم نه دندر ،
قادینلرده قوه انشادیه دها لطیف اولیور . بوائلرده
(اقسولاس) قاریسیله ، معیتی خلقیله اورایه کلیور . قادینلر
معبده کیرمیور . حریف کیریور . مقصودینی هانفه
عرض ایدیور . « ایلک اوککه چیقان فرد اوغلکیر »
دییه (آپولون) دن جواب آلیور . قاپودن چیقارکن
(اییون) راست کلیور . « وای ، اوغلم ، کل قوجاغمه ،
سنگ باباکم » دیور . چوجق مستریحانه « اکلہ نیور -
میسکز ؟ » . جوانی ویریور . نه ایسه بویله برچوق
مناقشه دن صوکره اولاد پدرینی طانیور .

بر بڅنده (اور بږيد) ك قدرت مستهزيانه سني، استهزاي
 فيلسوفانه سني كوريورز . (آبولون) ولد زنا سني اغفال
 ايتديكي قادينك يعنى (قره نوس) ك قوجه سنه يوكله تيور .
 بويله برخير ايشله مك ، بيوكلك صاتمق ايستيور . بر پدر
 محرومه كيفه ماتفق بر چوجق ، بر والدیه اوغلني
 ويريور ، فقط حيله ايله ويريور . كندی ده فعل غير
 مشرو عنك صيقتديسندن قورتوليور . بابا ايله اوغل
 آراسنده كي شوايلك مكالمه يي (اور بږيد) ك فكرينه كوره
 (ژول له متر) اوزون اوزادي يه نقل ايله يور . شطارت
 فكريه ايله مالا مال بر صحيفه . نهايت چوجق ! « ديمك
 وقتيله سز بورايه كلديكز . . كيف حاليله بر كيجه قيزلرك
 پشینه دوشديكز : حاصلی بنی دنيایه كتيرديكز : » ديور .
 حريف ده شويله بويله بو خطا سني اعتراف ايديور .

(ايون) بابا سيله برابر آتنيه كيتمكدن صيقتليور ،
 خلق بكا بر پيچ ؛ براجنبي نظريه باقار ديه صيقتليور ،
 فقط (اقسونوس) ك اصرارينه ، ابرامنه مبنی عاقبت
 راضي اوليور . بوندن صوكره فاجعه يوز كوستريور .
 قوجه سنك بو صورتله اولاده مالكيته (قره نوس)
 قيصقانيور ، قيصقانچلغك انتقامني چوجقدن آلمق
 ايسته يور . براختياري آلت ايدرك (ايون) ي اتلافه

تثبت ایله یور . بو ولد زنا (دلف) ده کی آرقاداشلرینه
 برضیافت وداع ویریرکن ، عیش ونوشده ایکن اواختیار
 کلیور ، چوجغک قدخنه برشی قویور . فقط بوصرده
 هر نه دنسه حاضر وندن بری اوغورسنز برسوز سویله یور ،
 (اییون) وهمه دوشیور . النده کی قدحی یره دوکیور -
 ییور . دیرکن بر کوکرجین کلیور . دوکولن صوی
 ایچر ایچمز در حال چرپنه چرپنه اولیور یور . اختیاری
 یاقا لایورلر ، تضییق ایدیورلر . حقیقتی سویله تیورلر .
 صوکره (قره ئوس) ی تعقیب وتأدیه کیدیورلر . .
 بویاکنجی پرده نفاست ولطافت ایچنده یوزیور . اول
 فکر خوش ، فاجعه فنا دکل . . .

بر قادین انتقامی ، برحسد اثری تصویر ایله یور .
 ثایاً ضیافت جداً دلفریب ، قدحلر ، بزم نوشا نوش ،
 بوصرده کوزل کوزل سوزلر انسانی اکلندیریور .
 بوده (اورپید) ك قوة خیالیه سینه بر دایلدی . صحنه ده
 لطیف لطیف ، بیاض بیاض الدن اله قونا حمامه لر
 کورمک ایسه نظری اوقشایور . بو مزایای فیکریه یه
 ضمیمه اولمق اوزره (له قونت ده لیل) ك اك تراشیده ،
 اك پارلاق ، اك متین معمولات قدسیه بکزین اشعار
 آهنگداری ده آرایه کیریور ، ساده شوپارچه بیوک بر

اویونه بدل اولیور . ذاتاً (آپولونید) اوقدر تحریفه
اوغرامش ، (اییون) دن اودرجه آیرلمش که بوایکنجی
منظره دن بشقه شایان دقت جهتی قالمش . .

اوجنجی برده بر معبد کوستریور . (قره ئوس)
انتقامدن ، تادیبدن ، جزدان قورقارق بو معبدہ التجا
ایتمش ، (اییون) ده الئده سلاح قاپونک اوکنده
بکله یور . بوراده بر نبذه مطالعات فیلسوفانه وار .
(زول له متر) طوغری کشف ایتمش . . (اوربید)
هم ملحد ، هم متدین کورونیور . ایلمک فصلده بر
چوق تحسبات مذهبییه قویولان (اییون) بوسفر
عصیان ، الحاد آثاری کوستریور : « بو معبودلرک
یپدینی ندر ، هم مجرملری ، هم معصوملری حمایه
ایدرلر . « دیور . بوکشمکش ائناسنده الہ کلورلر . «
(اییون) ه برسپت کتیریور : « چوجق ، براق بو
قادینی ، شوسپتی آل ، آج ، ایچنده کی علامتله والده کی
آرا « دیور ، کیدیور . فقط (قره ئوس) اوتہ دن
بوسپتی کوریر ، کورمز « اولادم « دیه آتیایور .
بوغچه نک ایچنده نه وار ؟ نه یوق برر برر سویله یور . .
حقیقت میدانہ چیقیور . قادین آز قالدی اوغلنی زهرله-
یورمش ، اوغلنی ده آز قالدی آنه سنی اولدیریورمش . .

فقط (ایو) نینه فکر مستهزیه سینه صاپور، (آپولون) دن
اولدیغنه اینانماق ایسته یور. «پک چوق قادینلر شرکت
خطالری بویله بی-وکلره استاد ایله تخفیف ایتک املنه
دوشرلر» دییور. بوسره ده (آپولون) دن مرخصاً
کوچک بر آله-کلیور. ماقعی باشدن اشاعی نقل
ایدیور. حتی صیقلماسه (آپولون) بالذات کله رک بو
ایضاحاتی ویره جکدی، دیمکه قدر وارییور. بو ایضاحات
شودرکه (ایون) فی الحقیقه (قره نوس) ک (آپولون) دن
قایدینی چوجقدرکه مخصوصاً (دلف) معبدنده بومعبودک
زیر نظره حمایه سنده بیودی. فقط بو حقائق اورتایه
دوکه ملی تاکه (اقسوتوس) وهمیله قالسون، (ایون) ی
کندی چوجنی صانسون. بونکله اویون ختامه ایرییور.
شو خلاصه نه قدر ناقص اولسه ده (اورپید) ک بالاده
(ژول له متر) دن نقلاً شرح ایله دیکمز ماهیت حقیقیه
ادبییه سنی کوستر میورمی؟ نه (اشیل) ده، یعنی
(ایرایلر) اویوننده، نه ده (سوفوقل) ده، (فیلو-
قت) ده بویله فکر استهزا، معبودلری استخفاف، الحاد
کورمه دک، صرف فاجعه، باشدن باشه فاجعه کوردک...
بوندن ماعدا عشق، حرص شهوانی قوقولری ده هیچ
طویمادق. (اورپید) بو خواصی، بو حسیاتی بتون

بر برینه مزج ایله یور . بونکچوندرکه اثری زماننده
 مظهر اعتبار اولمادی . فقط ینه بونکچوندرکه شمعی
 مقبوله کچور ، الک بیوک منقدرک تقدیری جلب ایله یور .
 مباحث متبحریمز خاتمه یه طوغری بودور قدیم ایله
 دور حاضر آراسنده بر مقایسه یادی . (سالامین) یوم
 ظفرنده (اشیل) ۳۵ ، (سوفوقل) ایسه ۱۵ یاشنده
 ایدی . (اورپید) ده هنوز دنیایه کلیوردی . دیمک
 شواوچ شاعر معاصر درلر . (اشیل) ایله (اورپید)
 اراسنده نه قدر اختلاف وارسه (ساردو) ایله (دونهی)
 بیننده کی یاش فرقی ده او قدر در . (ساردو) بر قاج دفعه
 سویله دک . حالا تیاترو مؤلفلرینک پیریدر . (دونهی)
 ایسه بویولده کنج بر محرردر . شو مقایسه ایله مصاحبه
 کونه دیمک ایسته دی ؟ بو ایکی معاصریمزدن بری
 (اشیل) ، ، او بری (اورپید) ، بکزر می دیه جکدی .
 آکلاشیلامادی . یونان تیاتروسندنه (ایرانیلر) دن
 (ایون) ، قدر قرق سنه ده وقوعه کلن تبدل فرانسه ده
 (قورنه) ی دن (دومافیس) ، قدر ایکی عصر ظرفنده
 واقع اولدی . بونکله شو اکلاشیلیورکه یونان دهاسی
 دهاسرعتله خارق العاده بر سرعتله فیض بولیورمش .
 کذا قدرتی مرتبه سنده سطحیت وصافیت کوسترن مورخ

مشهور (هر دوت) ايله ملا حظـه و اعتـسادن ، دقت
 وانتقادن هيچ آيرلمايان (توسيديد) ك آراسنده كي فرق
 اون دوت سنه دن عبارت اولديغي كي عصر يمزده (كيزو)
 (اوگوستن تيهري) يئننده دخي بويله در . (كيزو)
 معلومدر ، حقيقه (هر دوت) ه بکزر ، (تيهري) ايسه
 بر مدقق ، بر متبصر در که (توسيديد) ي آنديرر . ينه
 بو قبيلدن اولمق اوزره بر عصر دن دهـا آز بر مدت
 ظرفنده (قسه نوفون) دن ، (پارمنيد) دن (فلاطون) ه ،
 (ارسطو) يه قدر بتون يونان فلسفه سي قوه تکميله سني ،
 انجلاسنی ، اقبالي کوستردی . بو کوچيچك قوم حقيقه
 برخارقه تاريخيه ایدی . فقط (ژول له متر) ده كي اخاطه
 انتقاديه دقت بيوريلىورمی ؟ ادبيات ، تاريخ ، فلسفه
 حاصلی هيچ بر جهت بو نظر دوريندن قورتولمايور .
 ظاهرده مختصر ، موجز کورونن شو اوقاف مقايسه لر
 باطناً بر اطلاع کلی يه ، بروسعت ذکايه دالدرلر .
 بوادي قارئلريزه ماده عرض ايدهيم . . اسمرجه ،
 سرد برسيا ، کنيش برجهه ، زاويه وجهيه غايت آچيق ،
 صاقال يوق . . صاچ ، بيق هنوز قيراني . : نظرلردن
 شدت فيشقيريور . ياخود بکا اويله کلدی . . هر حالده
 سراپا فعال ، قوي منتظم بروجوده اطوار مردانه سيله ده

بوش اولمادیغنی کوسترییور ، یاش ایسه قرق ایله قرق
بش آرالزنده کورونیور .

خاتمه ده مباحث حدیدانه برطرز آلدی . شوسوزلری
سویله دی :

« خاتملر ، افندیلر . کچن هفته یینه بوراده عین
مصاحبه یی یوروتدکن صوکره غزته لردن برنده شو
ساطرلری اوقودم که بونلری یازان ، ظن ایدرم بنه
دوستدر :

« دون (اوده ثون) ده صحنه تماشایه قونان (لهقونت
ده لیل) ک (آپولونید) ی (ژول له متر) نک مصاحبه سنه
رغمأ بیوک بر موفقیتیه مظهر اولدی . (له متر) بر شاعر
جهانپسند ایچون ، (لهقونت ده لیل) ایچون او یله مطالعه
یورتدی که بوکا قارشی حیرته دوشمکدن کندیتمیزی
آلامادق . مع مافیه بلکه قولاقاریمزه آلداندق . بو
سوزلری بردها تکرار ایتملرینی منقددن رجا ایلرز . »

« بوسوزلری عینله بروجه آتی تکرار ایدیورم ،
بلکه شو اعتراض واقع اولمایدی ، بو هفته براز تعدیل
ایلردم . (لهقونت ده لیل) ک شاعر لکنه دائر فکریمی
باشقه یرده ، یتمش ، سکسان صحیفه ایله عرض ایتدم :
بوراده او خصوصی بحثه قاتمایورم .

» (آپولونید) ایچون سزه برشی سویله میه جکم ،
 انجق شو جهت محقق که) له قونت ده لیل (ایون) ی
 بواثریله عادتاقوروتیور ، و قتیله ده ینه بویله جه (اورستی) ی
 قوروتمشدی . بوشاعر ، نجیب فقط محدود بر بدیعه نك ،
 بر نخبه آمالك اسیریدر . استهزانك دشمنیدر . آتارنده
 تحساستندن نبذه بولوندیرماز ، آرایه هیچ شـخصنی
 صومقاز ، (اورپید) ك فاجعه سنی (سوفوقل) نككنه
 دوندیردی ، حتی دهـا ایلری کوتوردی . بناء علیه
 محصول بام باشقه اولدی ، فی الحقیقه ینه برقیمته مالکدر .
 فقط نه اولور ایسه اولسون ایشده (اورپید) لك
 قالمادی »

بونك اوزرینه مصاحبه ختامه ایردی . او یون باشلا-
 دی که تفصیلاتی بـروجه بالا کـوستردك . انسانده قدرت
 عرفان اولدقدن صـوکره هیچ براعتراضدن قورقماز .
 (ژول له متر) نك صوك بیاناتی هر صفدن بورام بورام
 آلقیشلر قوباردی .



نقش برآب : ادبیات دائر

پارس رسائل موقوتہ سندن بری، (مرکوردہ فرانس)
بوهفته ینه تحف برماعبہ ادبیہ اورتایہ قویدی . بوجمعوہ
بر صحیفہ شباندرکہ بتون کنج محررلرہ ، کنج قارئلرہ
مالکدر . بونلر ایسہ باشدن باشہ افکار عجیبہ ، اقوال
غریبہ سرد ایتمکدن لذت آیلرلر . بوصورتلہ کویا
فوق العادہ لک ، خارقه پرورلک عرض ایدرلر : کچن سنہ
(الکساندر دومافیس) وفات ایتدیکی وقت (مرکوردہ
فرانس) قارئلرینہ برر برر صورتی : (لادام او قاملیا)
مؤلفنک هویت و مزیت ادبیہ سنہ دائر رأی طوپلادی .
بو آرای کورنلر کولمکدن باییلدی . بتون رأی صاحبیری
بالاتفاق شوقوجه محرری باطیر یورلردی . هیچ مثابه -
سندہ عد ایدیورلردی . کیمی : « الکساندر دوما
الکساندر دوما دیہ قولاقلر طولدیران حریف هنوز
ادبیاتہ نہدر بیلمز ، تیارودن هیچا کلاماز براعجوبہدر »
کیمی ده : « بو آدمک اک زیاده بیکانہ اولدینی ، ادراک

ایده مدیکی برنیکته وارسه اوده ادبیات باخا صه تیا ترودر «
 حکمنی ویریور ، اک غربی شو حاکمکر نتیجه ده متفقاً
 محکومی او قومادقلرینی ، طایمادقلرینی ، حتی او قومق ،
 طایمق ده ایسته مدکلرینی بیان ایله یورلردی . هر نه ایسه
 شوملعبه ادبیه طفلانه ، غافلانه اولمغله برابر پارس شباب
 ادبنک برنوع طبقه سنی ، بردرلو تمایانی کوستریر ،
 بناء علیه شایان عبرتدر . بومجموعه بوسفر ده ا تحف
 بر بحث یوروتیور ، معلوم یا ، کچنلرده وفات ایدن ادبای
 طبعیوندن (ادمون ده غونقور) بیوک بر ثروت براقدی .
 بونکله اون اعضادن مرکب برانجمن دانش تشکیلی
 وصیت ایتدی . (غونقور) انجمنه اعضا اولایلمک
 ایچون برنجی شرط بیوک انجمن دانشدن اولماق ،
 ایکنجی شرط ایسه انتخاب ایدیه بیلیمکدر . ایلاک متخیلری ،
 برنجی هیأتی بانی انجمن وصیتنامه سنده تعیین ایله یور .
 بونلردن (فلور) ، روس حکایه نویس شهری (تورکه تف)
 کی بعضیلری (غونقور) دن اول وفات ایدیورلر ،
 بنابرین بوتوجیهات زمان زمان برچوق تغیراته اوغرا -
 دقدن صوکره نهایت انجمن سکز اعضادن عبارت اولمق
 ودیکر ایکی اعضانک انتخابی شو سکزه محول بولونمق
 اوزره شویله تقرر ایدیور : آلفونس دوده ، له ثون

هەنیک ، کوستاوژفرووا ، رونی برادرلر ، اوقتاومیربو ،
 هرویسمان ، پول مارغربت ..

بوسکیز ذات صرف ادیب حکایه نویسدرلر .
 (آلفونس دوده) یی قارئلریمز هب طانیرلر ، (لهئون
 هەنیک) ایسه و قتیلە (زولا) نك آرقاداشلرندن ایدی .
 (مه‌دان) کیجه‌لری ، دییه (روغون‌ماقار) مؤلفی ایله
 بالاتفاق برتعاون افلام بیلە تشکیل ایتشلردی که متوفی
 (موپاسان) - حباب ذهن - اثر مشهوریله بو هیئتک
 بر رکن مخصوصی ایدی . (مه‌دان) - زولا - نك
 صیفیه‌سیدر . (مه‌دان) جیلر بش کشیدن مرکب ،
 مسلکاً متفق ایکن معروف (ارض) حکایه‌سنک ایتشارندن
 صوکره تفرقه‌یه دوشدیلر ، علناً (زولا) نك عامینه
 یورودیلر . (غونقور) نك انجمننده ابتدالری (نانا)
 محرری‌ده داخلدی . فقط بیوک انجمن دانشه نامزد
 اولمغله باشلانجه طی ایدلدی .

شوسکیزدن ایکنجیسی : (کوستاوژفرووا) صاحب
 مزیت برمنقد ، برمدققدر . بالخاصه انتقادات تصویریه
 دائر قلم یوروتور ، مع‌مافییه کوزل حکایه‌لر ، مقاله‌لرده
 یازار . اخیراً معهود (بلانکی) ایچون بیوک برکتاب
 نشر ایلهدی که مطالعات ادبیه‌نك افکار اجتماعیه ایله

امتزاجی کوستیر بر اثر کزیندر . (رونی) برادرلر
ایسه جداً زمین حکایه ده یکی برجیغیر آجدیلر . نه اسلوب ،
نه شطارت ! . . هر کله دن کزیده بر فکر طیران ایله یور .
محررین متفکرین میاننده بوایکی قاردش بیوک بر موقع
اشغال ایدیورلر . . حکایه لری بتون مختصر در ، اوفاق
اوفاقدر . فقط هب لطیف ، هب دلفریبدر . (اوقتاویربو)
ماهر ، ممتاز بر اسلوب صاحی ، معروف بر مقاله نویسد .
(هوویسمان) حکایه لریله مشهوردر . (مه دان) ارکانندن
ایدی . (پول مارغریت) ی ایسه وقتیه شو صحیفه لرده
بر تفصیل عرض ایله دک . . شمدی برادری (ویقتور
مارغریت) ایله مشترکاً یازی یازمغه باشلادی .

*

* *

شو تشریحات بزمچون بر پارچه زائد ، برازده
افرنجانه کورونسه بیله مقصدم بومملکتک تمایلات ادبیه -
سندن بر حصه عبرت و استفاده چیقارمقدر ، معذور
طوتیلیر . بو حسابه کوره بیوک انجمن دانش ایله
(غونقور) انجمنی اجتماع ایدنجه اعضانک عددی اللییه
وارییور . فقط (مرکورده فرانس) ایسته یورکه بومقدار
ینه قرقدن عبارت قالسون ، قارئلرندن صوریور :
بو سواله فوج فوج ، غریب غریب اوچ یوزی

متجاوز جواب کلیور . بواجوبه دن آکلاشلدیغه کوره شو ادیبلرک انجمن دانشه بکنمه دکاری ، عادی بولدقلری اون اعضادن بری (ده فریسینه) در . بزاجنبی ایکن بیلورزکه (ده فریسینه) نطوق برخطییدر . کتاب شکنده اخیراً نشر اولنان نطقلری اوילה مسائل جدیدی محتویدرکه فوائد حقیقه نقطه نظرندن بش اون جلد حکایهیه ، ادبیاته دکر . . بوندن ماعداینه عین ذالمک (فلسفه علوم) دیه برتألیف جلیلی واردر . بونلره آثار نظریه باقماق شوکنجملرک فکریخی ادبیات صوک درجه کورلندیکی ایچونددر . ادبیات سطحیاتدن عبارتدر ، سطحیاته الفت ، ابتلا ایسه یالکز بزده دکل بویله اک مترقی ، اک متمدن مملکتلرده بیله واقعدر .

ایشته بوادیبلر (فلسفه علوم) کبی قوجه بر برهان ذکایی هیچه عد ایدیورلر و کوچک بر بازیمجه فکرم خیاله صیغماز بر قیمت ویریورلر . (ده فریسینه) بی انجمن دانشدن چیقارمق ، یرینه بر حکایه فروشی قومق ایسته یورلر . بو نقطه عبرتدرکه بکا شو سطرلری یازدیریور . ایکنجی بکنم دکاری : (بورودانژن) بیوک بر مورخدر . (لوئی فیلیب) دورینه دائر یازدیغی تاریخیله بو عصرک تنویر ماهیتنه بحق خدمت ایتدی . شو اثردن

کچن کون بالمناسبه کوچک برفصل او قورکن فیکراً تعریفه
 کلز تلذلره دوشدمدی . بوصیرهده قارئلریمزه تاریخ
 مطالعهسی ایچون کوچک بر تجربه می عرض ایلیم :
 بویولده کی مطالعاتی او یله بالفرض قرون اخیره تاریخی
 اله آلهرق (۱۶۰۰) دن بدأ ایله بری طرفه طوغری
 یوروتیمورم . بویله اولورسه حقائق الوقائع فیکره بحق
 ترسم ایتیمور . برتقریر ، بردرس ، برمباحثه ویاساثره
 مناسبته اله بروقعۀ تاریخیه دوشیور دکلی ؟ بووقعیه
 دائر تدقیق وتبعه قویولیورم . صوکره هپ بومرکز
 اطرافنده دور ایتک ، بومحور دن آیرلماق اوزره وقایع
 وقایع اوستونه ییغیورم . تبعاًتم بر طرفدن برچوق
 ادوار تاریخیه یی استیعاب ایلیمور . دیگر جهتن بوتفرعات
 ذهنده ایجه یر طوتمش براصله مربوط اولدینی ایچون
 فکرمدن قولایقیله قاجامایور ، چیقامایور .

ایشته بونوع مطالعات ایچون (تورودانژن) کی
 مورخلر جهان دکر بر قیمتی حائزدرلر . حریف عمرینی
 بردورک بر قاج سینه نک تاریخنه وقف ایلیمور . او یله اما
 اوقطره ایله انسان عادتا برعمانه واقف اولیور . شبان
 ادبا شوهمتی بر درلو آ کلامایورلرده بو قدر مساعی
 مشکوره یی بر قاج سطر تقلبات ادبیه دن دهادون طوتیورلر .

(دوقده بروئی) ده بوقیلندر . انصاف ایتلی . . هیچ
اولمازسه بوذاتک (رهوو دوموند) . سینهلردن بری
یازدیغی مقالات حکمیه واجتماعیه وسیاسیه یی اوقوملی .
کچن یاز بوذات عین صحیفهده (یکریمی بش سنه صوکره)
عنوانیلر بر مقاله سیاسییه نشر ایله مشدی . بفرانسز
کنجی ایچون بوندن مفید ، بوندن شایان عبرت بر مقاله
اولمازدی . هیات ، شباب ادب بونوع آثار جدیه بر
نظر استحقاق ایله باقمقدن بر لحظه کری قالمایور .

*

* *

برکردهده بوکنجلاک شواللی اعضادن اک زیاده تقدیر
ایتدکلری اون کشییه توجیه نظر بیورلسون :

- « هره دیبا ، آناتول فرانس ، اوقتاو میربو ،
رونی ، بورژ ، ژفرووا ، هوویسمان ؛ دوده ، ژول
له متر ، پیرلوتی »

بونلردن برایکیسی قسماً استثناییدلیکی حالده متباقیسی
صرف ادیبدر ، حکایه نویسدر ، ادبیاتیچیدر . آمان
یاربی ، یازن خارجدن اولدیغمز ایچون حقیقتی کورمه یورز ،
یاخود بوچوچقلر فنا حالده آلدایورلر . دمنیدن (قامیل
روس) کبی قوص قوجه دعوی وکیلارینی اخراجدن
چکنمه دیلر . هله (غاستون بو واسیه) ، (غره آر)

کبی پارسک معارفنی ، دارالفنونلرینی احیا ایتمش ،
فرانسزجه یه باشقه بر قوت ، باشقه بر مزیت ویرمش
معلمین کرامی هیچا هیچ عد ایله دیلر . چونکه علم
حقوق ، ولو نخبه ادراک و عرفان اولسه ده ، جانلرینی
صیقار ، چونکه تبعات لسانیه ، تجرات لغویه طرز
قاعده شکنانه لرینه اصلا توافق ایله مز . فقط بر منصف
اورتایه چیقسه ده « آزیانکارلر ، ایشته بکنم دیککز
(غره آر) کچن کون انجمن دانشده ایراد ایله دیککی
برنطق ، ممکنسه بش سطرینه بر نظیره سویله بیککز ، دیسه
نه یایارلر ؟ شبهه یوق که لال اولورلر .

حاصلی ، دمیندن بویله یاپدیلر ، شمیدی ده مقبوللر
صیره سنده بتون جیدی ذکالری ، حقیقی دهالری
اونوتیورلر . تفکرات بشریه نکه الی جلوه لرینی اظهار
ایدن (رمان) لری (تن) لری کوزل اولمقله برابر
بسیط برنوع اعبات فکریه ایله اوغراشان (رونی) لردن
آشاغی طوتیورلر . آه ، بیلمه یورلر یاخود بیله میورلر
بیلمکده ایسته میورلر که شو ایکی فیلسوف بو عصرک
مرتبه فکریه نقطه نظرندن خارق العاده برتعالیسنه سبب
اولدیلر . بشریت ایچون بر زمین افکار حاضر لادیلر .
یکرمنجی عصر پک چوق حکایه نویسلیری ، شاعرلری ،

ادیبیری اونوتور ، اوقوماز اولور . فقط (تن) کبی بر
حکیمک حکمیاتندن دستورلر ، هیئت اجتماعیه ایچون
دستورلر یاپار .

ینه بوادیبای شبانک نظر نسیان ایله کوردکارندن
بری (آلبرسورل) درکه شو صحیفه لرده اوزن اوزادییه
عرض ایله دیکمز وجه ایله بومماکتک وجه کمانی آغارتان
معلمین بنامدن بریدر . هیچ شبهه یوق که بوا حکامی ویرن .
ادیبکلرک هیچ بری بو استادک رحله تدریسنده بر ساعت
اولسون بولونمادی ، بونکله برابر خارق العاده بر نتبع ،
بر عرفان . بر مزیت ایله یازدینی اثرلری ده ، حتی قسماً
اولسون ، اوقومادی . بویله اولماسهیدی ، یعنی او فم
کالاتدن نه پارلاق نه یامان کهرلر دوکیلیور کورسه یدیلر ،
ایشیتسه یدیلر بویله غافلانه حکملره جسارت ایدمزلردی .
ینه بوزمره دن مشهور (لاویس) ده هیچ قاله آلمانور .
حال بوکه بکا بویولده بر انتخاب تکلیف اولنسه یدی ایلك
رأیم طوغربدن طوغرییه بوا یکی ذاته کیدردی .

هیچ بر خواجه ، هیچ بر مورخ (سورل) قدر
نظره حرمت و مفتونیتی جلب ایله مدی . یابو فضالاده کی
طرز بیان ، اسلوب نه قدر مشعشدر مکملدر . حاصلی
ادیبات سطحیاتدن عبارتدر . شبانک تا ارکندن مسلك

تحریره دو کولن ، هیچ بر بهره ، سرمایه ایدینه دن
اکمال تحصیل ایلهمه دن انه قلمی آلان قسمی ایسه
سطحی ، صوک درجه سطحیدر . ذاتاً بوکروه ابدان ایشه
یارار غنجه لر نادراً یتیشیر . . بونلر اکثریتله قهوه لرده ،
میخانه ده ، طربخانه لرده اکمال انقاس ادب ایدرلر . چونکه
جدی کنج لر بوصیره ده شو مالایغیلرله اوغراشه جقلرینه ،
بویله ابله هانه حکملرله خلقی کولدیره جکلرینه بالعکس
دارالفنونلرده ، (لاویس) لرك (سورل) لرك ، رحله
تدریس لرنده دیرسک چوریتیر حاضر لانیز طوریرلر ،
یا بو یچاره لر انظار اجانبده اک بکنم دکلی ایضادن
برینک کوچک بر اثری (مرکورده فرانس) ک بش اون
سنه لکنه مرجح اولدیغی بیلسه لر نه دیرلر ، نه دیه جکلر ؟
یرمعتاد اجنیلری غفلت ، بلاهتله اتهام ایدرلر .



پارس خاطره‌لری : انجمن دانش کبیرده

آناطول فرانس

۳

بو بحث بر پارچه اوزادی . فقط برنجی نطقی ایکی
مقاله ده خلاصه ، بعض نقطه لرجه ده تفسیر ایتدکدن
صوکره بوایکنجی نطق یوز اوستی براقغه کوکلم قائل
اولمایور . اوزمان او بر مساعی ده ناقص قالیر . باقکنز
(غره آر) جوابنه نه کوزل باشلایور : « آلكساندر
دوما زاده برکون بکا اوطور شطارت انکیزيله شویله
دیوردی : « بویله بزی برر برر زیارت ایدم جکلرینه
ایستردم که نامزدلر ، انتخابدن برآی اول ، هپ بردن
براجتماعمزه کلسونلر ، بزه هویتلرندن بحث ایله سونلر .
بویله برامتحانده پدرم وقتيله خارق العاده برمهات
کوستره بیلیدی ، زمانم زده ایسه بیله مه یورم ، سزدن
زیاده سهولتله ، سعادتله بوتجربه یی ایفا ایدر کیم واردر ؟
هویتکزی حکایه ده یکتاسکنر . »

حقیقت ، (آناطول فرانس) بویله در . آثارند .
اکثریا روحنی شرح ایلر . فقط بونکله بزی صیقماز ،
بالعکس محظوظ ایدر . بریرده : « بن وار وسعتمله »
روحک وار قوتیله پارسلیم ، پارسک قالدرملرینی یکان
یکان طانیرم ، بتون طاشلرینی تقدیس ایدرم « دیور .
فقط پارس درلو درلودر . مثلاً شاعر معروف (برانژه) ده
پارسک مقتولرندن ، حیرت زده لرندندر . بتون شرقیلرند
بوشهر دلارایی وصف ایلر . فقط انکیچون پارسدن
مقصود (پاسی) محله سیدر ، هپ اومحله دن بحث ایلر ،
(پارس) نامی ، لطائفی ، مزایاسنی هپ اومحله یه ویریر .
ناجی افندی مرحومک « صوصکز قوش-جغزلرم
صوصکز » دییه باشلایان (آوجی) نظمی بوشاعر دن
مقتبسدردر . بوعصرک ابتدالرینه طوغری (برانژه) بر
چوق مهیج شرقیلر شعری سیاسیاته بیله صوقدی .
ذاتاً صباوتندن بری افراطی سوردی . تاصغرسند
نصرانیه ، نصرانیتک عادات و آییننه قارشى مبالا تسزلق ،
وعایتسزلك اظهار ایلهدی . برکون هوایی بولو طر قاپلار ،
بر فررطنه در پارلار . مینی مینی (برانژه) سوراق
قاپوسنک اوکنده طورییورمش ، آنه سی بر احتیاط ،
بر سبب تحفظ اولمق اوزره چوجغک یاننه برکامه آب

مقدس کتیریر ، قویار دیرکن بر ییلدیرمدر کلیر . جواره
 دوشر کوچیجک (برانژه) باییلیر . آیلدیغی زمان ایسه
 والده سنه ایلمک سوزی شو اولور : « سنک آب مقدسک
 نه ایسه یارار ؟ »

ینه صوک دورک داهیله لرندن مادام (استائل) ایسه
 آئارنده متصل پارسک (بان) سوقاغنی وردزبان ایدر .
 انکیچوندی پارس بوسوقاقدن عبارتدر . بوقادیندن بر قاق
 مصاحبه مزده اوزون اوزادی دم اوردق . زمانک بیوک
 بر مورخی کچن عصرک ده . اتی تعداد ایدرکن روسیه
 ایمپراطوریچه لرندن ایکنجی (قاترین) ایله مادام (استا-
 ئل) یدیه ذکر ایله یور . حتی بوبریکنی هر درلو خطادن ،
 لکدن منزله کوسه تیور . بوادییه ذاکمالک آئارندن
 بالخاصه آلمانیا ایله فرانسه یه عائد پارچه لری اوقوملی ،
 اوقوملی ده وقوعات ایله تطبیق ایله ملی ، صوکرده ده ولو
 بر مغز نازکدن صدور ایتیش اولسون ، بومحاکمیه بو
 اجتهاده ، بوقوه عرفانه شاملی . .

فرانسزلرک (دیغرمسیون) دیدکلری بر طرز تحریر
 واردرکه بالخاصه علمانک خوشنه کیتمز ، فقط بکا پک
 مونس کلیر . بو طرزده محرر طبقی بر مرغ بهار کبی
 دالین ، داله ، آغاجدن آغاجه ، زمیندن زمینه صحیح چرار .

ادبیاتدن تاریخه ، تاریخدن دیگر بر علمه ، برفه کچر
 طوریر . کچلرده انکلیزجه دن مترجم بر المانیا تاریخی المه
 دوشدی که سراپا شواصول اوزره یازلمشیدی . مورخ
 بالفرض پروسیایی اکلاتیرکن مشهور باش وکیل (اشتا-
 ین) ی ذکر ایتدی ، در حال بو صاحب سیاسته نقل
 کلام ایله یور ، انکله صحیفه لر طولدیریور . صوکره ایکی
 سطر آره سنده بر ماده دن طولانی (وستفاليا) معاهده سنی
 قاله آلتجه (ریشلیو) نك بو محصول مهارت سیاسیه سنی
 دور و دراز تفصیله قویویور ، حاصلی بویله چوراب
 سوکوکی کبی فصلدن فصله ، ایپدن ایپه فیرایور .
 بو طرز تحریر بکانه قدر مونس کلدیکنی تنزلاً یازدقلریمی
 او قویانلر بیلیرلر . . بلکه بعض کتب جدیده بو اصول
 موافق کورلمه سون . فقط غزته ستونلری کبی هر وادی یه ،
 هر مسئله کشاده ، آماده زمینلرده بویله یازیلیر ، مناسب
 دوشر ، قارئینی اکنسیریر . ذاتاً شو مقاله ده بیله
 ابتدادن بری بر معتاد بویله یامش ، (آناطول فرانس) دن ،
 (غره آر) دن یعنی موضوعلریمزدن (بر انژه) لره
 (استائل) لره صحیحچرامش ، بوزرومیه قدر کلمش ایکن
 بوسفر دها ایلری کیده جکم ، برقاج سطر یوقاریده کی
 « ادبیة ذاة الکمال » ترکیبنی طوتارق لسانمزه ، قواعد

اسانیه مزه آتلایه جغم . بوقاعده لری مدار بحث ایتمک بر
نوع کستاخاق عد اولونماز . . باخصوص بووادیده که
عمومیدر . یعنی برطریق عامدر ، قواعد کتابلریتمزده
بولونماقدن . بونلره مخالف اولماقدن سوکره لسانمز
عائد هر درلو قاعده یی ایسته دیکمز کی پیش نتبع وتنقیده
آلا بیلیرز . یوق بوقاعده اوتدن بری موضوع ،
کتبمزده مندرج ایسه اوزمان رعایتیه مجبورز . مثلاً
ترکیب اضافی ، ترکیب وصفی وسائر قواعدی کی . .
بری چیتسه ده بوموضوعاتی تحریفه قالدیشسه کستاخاق
ایتمش اولور .

*

**

(ادبیة ذاة الکمال) ترکیبند ایکی قاعده وارکه
هیچ برکتبمزده مصرح دکل . . اولا برقادینه لسانمزده
نه زمان ادیب ، نه زمان ادیبه دییه جکرز ؟ دائماً ادیبه
دییه مهیز اووقت : بوقادین ادیبه در ذکیه در ، دیمکه مجبور
اولورز . ترکجه قواعدینه ، شیوه سینه هیچ اهمیت
وبرمه مک ، لسانمزی بر عربی بوزوندیسندن عبارت عد
ایتمک ایسته ینلر بویله یاپارلر . مثلاً بونلردن بری برکون
قوجه راغب پاشایه برقادینی مدح ایدرکن : « افدم ،
ادیبه در ، ذکیه در ، فاضله در ، شاطره در » دیه سویله نمکه

قویولمش ، پاشا ایسه بولایت‌های تأسیس‌کردن بزار اولارق :
 « های های ، جواجه افندی ، های های » جواب
 مسکتنی ویرمش . ترکیب ترکیه ، یعنی قاعده ترکیه اوزره
 اولورسه مطابقت آرانمایه جنی ایچون بوقادین ادیبدر
 دیمک لازم کلیر . بوصفتی اسم مقامنده قوللانیرسه ق ،
 موصوفی آرادن قالدیریرسه ق بر مؤنشدن بحث ایدرکن
 (بوادیبه ، ادیبه لر ، بوشاعره ، شاعر لر) دیمکه مجبور .
 فقط بو قاعده پک چوق نقطه لرده مشکل التطبيق اولمقله
 برابر ادبامزجه مرعی طوتولمایور . ایشته معلمدن ، اک
 بیوک قاعده شناسمزدن بر مثال : « یدنجی عصر هجری
 رجائنده واکا بر اهل تصوفدن بولنان حضرت شیخ
 عمر بن الفارض ام دنیانک بیوتدیکی اولادک اک عزیزلرندن
 ودریتیم ، بنی کریم افندمزی بر زمان امزیرمش اولان
 جناب حلیمه نك (منسوبه) اولدینی بنی سـعد قبیله سی
 منسوبلرندندر . » نیچون (منسوبه اولدینی) دینیور ؟
 او حالده ادیبه در ، فاضله در ، های های در دیملی ؟
 حال بوکه ناجی افندی بوکا قائل اولماز . حاصلی بنجه :
 « جناب حلیمه فلان قبیله یه منسوبدر » ، « جناب حلیمه
 معصومه » ، « بومعصومه » دیملیدر . چونکه برنجیده
 ترکیب ترکیه در ، مطابقته لزوم یوقدر ، ایکنجیده ترکیب

ترکجه اولماق له برابر طرفین عریسدر . یعنی مطابقت
واجبدر ، اوچنجیده ایسه صفت اسم مقامنده قوللانیلور ،
تأیث علامتی قوناییلر .

(ذاة الکمال) جهته کلنجه : عربک (ذو) اداتی
حقنده کی قاعده معروفه سنه بزده رعایت ایده جکمی یز ؟
یعنی مرفوع ، منصوب و مجرور کوزده تهرک (ذو ، ذاء ،
ذی) دییه جکمی یز ؟ خایر ، لسانم زده بوتصرف محالدر .
بو اوج وجهدن انحق (ذی) یی آلیر ، هر زمان قوللانیلر .
ینه ناجیدن : « بصیرتمند اولان روح ، ذی بصر اولان
جسددن هر حالده اشرف اولمغله » مثالنده اولدیغی کبی .
فقط (ذو) نک برده مؤتی ، (ذاة) ی وار (ادیبه ذی-
الکمال) دیرسهک مطابقت واقع اولمایور . حال بوکه
ترکیب قاعده ترکیه اوزره اولماق له برابر طرفین عربی
اولدیغی ایچون مطابقت مشروطدر . بناء علیه (ادیبه
ذاة الکمال) دیملی یز . بویله اولماسه یدی (بوادیبه ذی
کمالدر) یاخود (بودلبر ذی کمال) دییه بیلیردک ، بوقاعده-
لری برپارچه قاریشیق اسم فاعل بولانلرک حتی واردر .
مع مافیه هر لسانک قواعدی مشکلدر . آلمانجه نک
فرانسزجه نک صرفلری ، نحولری ایچون بیسک درلو
مشکلات چکیورز . اک غریبی مکتبلریمزده (غرامر) ی

انجق اوج درت سنهده بتیره بلیورزده قواعد عثمانیه بی
ایکی اوج آیده دور ایدیویریورز. چونکه ایچنده قاعده
یوق که . . . قواعدیمز موجود ، فقط هنوز موضوع
دکل شو عرض ایتدی کمز ایکی قاعده مغلق ، مبهم اولابیلیر.
فقط مسئله ایجه معاینه ایدلسه عجبا شو اغلاق و ابراهمدن
بر حقیقت میدان چیقاریله مز می ؟ بزجه : های هایه ،
بیك کره های هایه ! . . .

*

* *

(غره آر) اول امرده (آناتول فرانس) ك صباوتی
شرح و تصویر ایله یور . بوجهتی بوندن اولکی مقاله لریمزده
کوستردك ، بوچوجق بر کتاب او قورکن کوچك بر تصویر
کورسه ، دقیق بر کله یه ایلشسه بیك درلو خیالاته
طالارمش . شوفقرا تی دیکله ییکز :

« برکون ایچنده کی بر تصویر ی دقله تماشایه قویولد یغکز
ایچون خواجه کز کتابکزی بیرتمشدی . بوکا نه قدر
قیزدیکز ، برکرده ینه مکتبه اوکله یکنده ایدی کز .
موسم تشرین ثانی ، هوا فنا ، یمک ضعیف ، طعماخانه
صوغوق ایدی . یمک یمور ؛ ایجه سیلنمه مش طاباغکره
باقیور ، طور ییوردیکز . اوزمان هنوز مکتبلرده بر عادت
مسعوده واردی . یمکده یوکسک سسله بر اثر ، بر پارچه

قراآت اولونیوردی . برده طاباقلارك شاقردیسی آراسنده
 (قله ئویاترا) نك آدینی ایشیدیکز . (پلوتارق) دن
 مأخوذ، مترجم برپارچه او قوندیغنی اکلادیکز . « قرالیچه
 اوزمان (انطوان) ك حضورینه چیقیوردی . فقط
 برسند ایدی که بوفصل حیاتده قادینلر شطارت فکریه بی،
 لطافت وجهیه بی مزج ایدرلر . حسن و جمال هر درلو
 تزیناتدن دها بلنددر ، دها قویدر . » اندن صوکره درلو
 درلو رواج طیبه نك ، نعم سائر نك توصیفی کلیوردی . .
 اوقت ، دیدیککز کبی ، بر خیالات منعنه کوزلریکزی لبریز
 ایله دی . قان شقاقلریکزده اوزون اوزادی یه ضربه
 ساز اولیوردی ایله ضربه لر که شان و شرفك حسن و آنك
 تأثیر یله متحوجدرلر ! براستغراق عمیقده دوشدیکز . . .
 (آناطول فرانس) او قودینی کتابلردن بویله متأثر
 اولیوردی . صباوتی بوصورتله پرورده ایتدی . بوسایه ده
 بیوک بر سرمایه عرفانه مظهر اولدی . (غره آر) بو
 تربیه نك وجوده کتیردیکی فکری ممکن مرتبه ماهرانه
 شرح ایله دکن صوکره شو حکمی ویریور :

« بواحتساسات صمیمیه قوتیله درکه سزهم برشاعر ،
 هم بر مورخ اولدیکز . آثار یکزده عیانا کوریلیر که
 شاعر مورخه مشعله ساز اولیور . مورخ شاعری

طوتیور، وقایه اییدیور. بتون یازدقلریکزده، کوچک
بیوک حکایه لرده، انتقادات ادبیه ده، فلسفه ده استعداد-
دیکزک بو تجلیسی رونموند.

« وادی تنقیده کچ کیردیکز. فقط حیاتیکنزک اک
فعال سنه لری بوزمین اشغال ایله دی. فن مؤاخذه ده
برایز، برائر بر اقدیکز. اوتوز سنه اول (ویلن) ایله
(ده ساسی) آره سنده جریان ایدن بر مکلمه ده حاضر دم:
موضوع بحث منقد (سنت بوو) ایدی. (پازار ایرتسی
مصاحبه لری) عالم ادبی اشغال ایله یوردی. ایکی مباحث،
بربرندن شدید اولدقلری ایچون بر دولو اولاشامیورلر-
دی. بحث قیزیشیوردی. (ویلن) منقد (سنت بوو) ه
شو قصوری بوایور ایدی: « تنقیداتی پک داللی، پک
قانادلیدر. هر طرفه قوشار، اوچار، هیچ برشیئه ارتباط
ایتمز؛ اله آووجه کیرمز. بو آدم اصلاً اونده بولونماز،
قطعیاً یرنده اوطورماز. » (ساسی) ایسه: « فقط انتقاد
ادبی ایشته بویله اولور. حقیقتده بو فن انسان ایچون
نفسندن خارجه انعطاف ایده بیلمکدر. » جواپی
ویردی.

هیچ کیمسه خاطریمه کله یورکه بوقاعده بی سزدن
ای آکلامش، تطبیق ایتش اولسون. سزه کوره بز

هر شيءى كندى نقطه نظريمزدن كوريه-ورز . بر كتاب
انجق بر مر آتدر كه نقش مخصوص مز اورايه منعطف
اولور . بونكچوندر كه بر كتابك نه قدر نسخه لري وارسه
او قدرده قارئنى واردر . هر كس ايسته ديكنى او قود يغمده
بولور . »

(آناتول فرانس) تياترونى سومه يور ، چونكه
بوتماشاى ذى حيات ايله خيالاتنه سد چكيلىور . بو محرر
ايچون بر كتابى او قومق ، باخصوص او قود قدن صوكره
اكا دائر واسع بر تخيله طامق لذائذ فكريه نك اك لطيفى
عد اولونيور . سنده لرحه بويله يامش ، حتى انه قلم بيله
آلامش . . حياتك اك مسود دمنى بوائلارده بوليور .
بوكا اولجه عرض ايله ديكمز وجهه ايله صرف حسن
وجمالنى رهبر اتخاذ ايدينش بر ممالك مستحسن ده يارديم
ايدنجه ميدانه بر محرر ، بر اديب چيقيور .

فرانسه ده اون يدنجى عصر كنجبه آمالى بدرقه
افكارى فضيلت . اون سكرنجى عصر ككى عقل ايدى .
عصر يمز ككى ايسه ابتدادن حسيات اولدى . بالاخره
(بالزاق) لر ، (فلوبر) لر ، (تن) لر كى حقيقيون
بوتهاجمات حسيه نك نقائصنى كوره رك طبيعته دونديلر ،
طبيعتى اورتايه قويديلر . فقط بو اصول ده نه قدر

بوزولدی ، نه درجه افراطه اوغرا دی . او قدرکه واراغدن چیقدی . بنابرین هرکس بو اضطرابی حس ایدرک تعدیلنه برچاره ، برامل ، بربدیعه آرامغه باشلادی . بونلردن بری ، بلکه برنجیسی (آناطول فرانس) اولدی که درد واقعه دوائی ذوق سلیم ایله فکر سالمده بولدی . انتقاداتندن برنده شویله سویله یوردی : « حکایه طبیعی علم اوزرینه مؤسسدر ، دییورلر . بویله ادعا ایدیورلر . حقیقته ایسه علم صرف طوغریدن عبار - تدرکه بونقطهده اکا مخالفدر . فن ایسه کون دیمکدرکه انکله هیچ برمناسبتی حائز دکل . . بونوع حکایه نافله یره علمدن فنه فندن علمه باش اوریور ، طورییور . هرایکیسنجهده مدخولدر . چونکه نه مفیددر نه ده کوزل . . حیاتی ظلال نشاط آورایله املا ایتمه سهیدی فن بودرجه مشاقه ، کافته ، مزاحمه دکر میدی ؟ »

(آناطول فرانس) لک بوهجومی نه لطیف ، نه ده نافع اثر میدانه قویامادقلری حالمه « طبیعیوندنز ، طبیعی بز » دییه قولاققلری طولدیران بعض حکایه نویسان ایچوندور . عجبا منقد ، (زولا) یی بونلردن عد ایدیورمی ؟ پک چوق نقطه لرجه خیر ، فقط بعض جهت لرجه ده اوت . . مع مافیله بلکه بو ایکنجی خصوصده بر پارچه افراطه

صاپيور ياخود که بعض افکار مقررديه زياده رعايت
کوستريور .

ايشته کچن هفته انجمن دانشه کيرن بو فرانسر
ادينک ماهيتي المزدن کلديکي مرتبه عرض ايله دک . .
بومعروضاتدن بزمچون برفائده چيقارمق ممکن ايسه
اوده شويله اولاييلير که شوزکانک توسعني دوشونيرز ،
پيش امعانه آليرز ، بوندن مقداريمزه کوره مستفيد
اولورز . هر مسالکدن نقاط نفيسه يي آلمی . آری کبی هر
کوزل چيچکه قونملي ، حسن و جمالدن باشقه رهبر
آراماملي . بواصولی موافق بولمايانلر بيله شو سائقه ايله
فکراً محاکمه يه قويولورلر ، ينه قازانيرلر . موافق بولانلر
ايسه مسئله يي ده ازياده تعميق ايچون بومؤافقي او قوملي ،
بنجه اولاي (حيات ادبيه) لريني او قورملي . بوکليات دوت
جلدن عبارتدر که فرانسه ده بش آلتی سنه نك ماهيت
فکريه سنی اک مشهور آثاردن استدلال ايله شرح ايلر .
بونلری او قودقدن صوکرده برر دستور ايدنمکه
چالشملي ، بويله يانمغه ، بويله يازمغه ، باخصوص بويله
دوشونمکه آيشملي .



اقتصاد اقدام

۱

چکن سنه پارسده خصوصی بر مکتب تأسیس اولوندی .
آدینه « علوم اجتماعیه مکتبی » دیندی . اجرت تدریسیه
طلابه علوم ایچون سنوی اون فرانقن عبارت ایدی .
بودرجه اوجوز معارفه کیم طالب اولماز ؟ مخابر حقیرده
بودار العرفانک علم اقتصاد درس لرینی تعقیب ایتدمدی .
معلم اک واضح ، اک صاحب وقوف اقتصاد یوندن بری
ایدی . بودرسلر بکا یک مفید کوروندی . مملکتتمز
ایچون ایشه یارار علومدن بریده علم اقتصاد در . عجبا
شوبجئی بوصحیفه لرده آهسته آهسته یوروته مز می یز ؟
انسان بر کره بومسائل اقتصادی بی ادراک ایدرسه غایت
جاذبه دار بولیور . سوزلر یتمزده ، موضوع عمزده نمکن
مرتبہ وضوح کوزتمک ایچون الدن کنی یاپارز . بر ماده
ایچون بحق تفصیلاته وسعتتمز یتمز ، یریمز قالمازسه (علم
ثروت ملل) . مراجعت ایلرز . بومجله جمیلہ لسانمزده

بو علم ایچون اول و آخردر . شو قدر که بو (اقتصاد اقدام)
 کبی مباحث ایله توسیع ، تفسیر اولونورسه بر درجه دها
 کسب قیمت ایله ، انتشار ایدر . مکتبلره منحصر قالماز .

*
* *

— برنجی درس : علم اقتصاد و شئونات وقایع —

۱ اقتصاد یونک سوء اشتیادی — کیمیا ، سیمیا — علم
 اقتصاد و شئونات و وقایع — ۲ اقتصاد بر علمدر — ۳
 (غورنهی) دستوری نتیجه تجربه در — ۴ اصول ، قاعده
 — (باستیا) — ۵ (مالتوس) قانونی و شئونات و وقایع —
 فرانسه ده و حکومت مجتمعه ده تزايد ثروت و ونفوس — ۶ .
 ارضک ایرادینه دائر (ریقاردو) قانونی — بوقانونک وقایع
 ایله تکذیبی .

۱ — اقتصاد یونک سوء اشتیادی صوک درجه ده در .
 بوکون هر هانکی بر مجلس عمومیده اولورسه اولسون
 بونلردن بر دلیل کتیرمک استخفافی موجبدر . فقط بو
 اعتیاد قدیمدر . کچن عصرک او اخرنده بر طرفدن قوانین
 و افکار اقتصادی پی در پی موقع تطبیقه وضع اولونیوردی ،
 دیگر جهتدن ینسه اقتصاد یون استهزایه آنیوردی .
 حقیقی ارباب اقتصاد ایچون بوتجاوزاتک اهمیتی یوقدر .
 وقتیه کیمیا کرلرده سیمیا کرلره قارشی بویه اولمادیلرمی ؟
 حالا بینه طلسم طائی آرامغله اوغراشانلر علم کیمیایی .

حقیر کورمه یورلرمی ؟ مواد اجتماعیه ده دخی بویله طلسم
تحریری ایدنلر چوقدر . اقتصاد یون بونلره دییورلر که :
« اویله طلسم فلان بیلمه یز ، لحظه ده جهانی بر سعادتگاه
دوندیرمه یز ، بوا دعه دکلز »

۲ — اقتصاد یونه اسناد اولونان قصورلرک بری
وقایعه ، شؤناته اهمیت ویرمه ملریدر . بر طرفدن بواسناد
عادی ورد زبان ایدیلیر ، دیگر جهتن اقتصاد بر علم دکلدیر ،
دینیر . (بونامی پریس) (اوقسفورد) دارالفنوننده
اقتصادی الی سنه تدریس ایتدکن صوکره خاتمه حیاتنده
بوتدریساتک اساساً اهمیتی اولمادیغنی بیان ایدیور . تحف
محویت که قوجه بر عمرک بوش یرمه کچدیکنی اعدادن عبارتدر .
بنجه حقیقت بویله دکلدیر . اقتصاد بر علمدر . چونکه
(هو قسلی) ک دیدیکی کبی : « هر نوع معلومات حقیقیه
علمدر . و هر ملاحظه صحیحیه ایسه ملاحظه علمیه دندر .
ملاحظه دن مقصودم تعقل ، محاکمه یعنی فرانسرجه
(رزونمان) در . »

۳ — حقوق مکتبنده تدریسات صر مسنده بیان
ایدلدی که علم اقتصاد وقایعه اهمیت ویرمه دی و (لسه فر ،
لسه پاسه) دستوری یعنی سربستی اعمال و سربستی
مبادلات قاعده لری بردستور هوائی ، عادی یعنی

(آمپریق) در . بوصوك تعمیری لسانزده شویله ایضاح
ایده بیلیرز : مثلا باشکز آغیریر . یابر طبییه مراجعت
ایدرسکز حریف سزی ایجه معاینه ایلر بو آغری نرمدن
کلیور : معدمدن می ، دماغدن می فنه کوره آز چوق
آراشدیریر ، سزه بردوا ویریر . یاخود بویله یاپماز .
دردیکزی یا آنسه کزه ، یاقادین ننه کزه آچارسکز .
اوزواللی ده تالیوندن ، قهوه دن شکریانیغنه قدر باشکزه
کلیشی کوزل برچوق علاجلر قویار . بوایکنجی تداوی
(آمپریق) درکه اکثریا فائده یرینه مضرت حاصل
ایدر . پک چوق اطبا بویله درلر . بویله قوجه قاری
واری اجرای طبابت ایدرلر . ایشته بعضلری ده (لسه فر ،
لسه پاسه) قاعده سنی بونوع بر دستور عد ایلهورلر ،
حال بوکه حقیقت برعکسدر . بوقاعده ، بودستور مجربدر ،
محققدر .

بونک واضعی (غورنه ی) درکه بوکشفی میدانه
قویدینی وقت فابریقه لر مفتشی ایدی . شو درت کله بی
تلفظ ایتشیدی ! « سربستی اعمال ، سربستی مبادلات »
بوندن بسیط . فقط بوندن معیندار بر دستور اولماز .

۴ — فی الحقیقه اقتصاد یون بالاخره بوقاعدی چوق
توسیع ایتدیلر . (باستیا) — آهنگ اقتصادنده بوکا

لزومندن زیاده وسعت ویردی . (باستیا) اثبات ایتک
ایسته‌دی که بوجهان صفاده هرواقع هر ماقوع رعنا ،
اعلادر ، هر طرفده ازلی بر آهنگ اقتصاد واردر .

بوادعا (پول و ویرژینی) مؤلفنک (آهنگ طبیعت) نی
وادی اقتصاد تطبیقندن عبارت ایدی .

بو نقطه نظر بکا خوش کلز . حتی مسامدر که
(باستیا) نک شو قاعده‌لرنده اولجه فکرده تقرر ایتمش
بر فلسفه ، بر ظن قوقولری وار . حال بوکه بز مادیاتندن ،
شؤ نادن ، حقائقندن آیرلما ملی یز ، اولیه تحسّسات و تفکرات
فلسفیه صاپما ملی یز .

کذا ینه ایکی بیوک قانون علم اقتصادک اساسی عد
اولوندی . حقیقتمده ایسه بوقانونلر اقتصاد نقطه نظرندن
موثوق دکلردی ، ناقص ایدیلر .

۵ — اول (مالتوس) قانونی : شو جهت محققدر که
هر نه قدر (مالتوس) بوقانونی بر چوق وقایعی تدقیق ایله
میدانه قویمش ایسه‌ده (مالتوس) قانونی وقوعات ایله
مجروحدر ، منقوضدر .

(مالتوس) قانونی شوایکی نقطه‌ده خلاصه اولونا

بیلیر :

« بر مملکتده اهالی ، نفوس حرب ، خسته‌لک کبی

بر مانع ايله سگته يه اوغرامازسه هر يکرمي بش سنه ده
 برتضاعف ايلر و دوردن دوره برتناسب هندسي ايله
 آرتار . »

مواد معيشت ، اسباب انفاقه ايسه صنايعه ال
 مساعد احوالده بيله ايتسه ايتسه انجق برتناسب عادي
 ايله تزايد ايديه بيلير « مثلاً ارضك حلاً نفوسى برملياردن
 عبارت اولسون ، بنى بشر شونسبت ايله تضاعف ايلر :
 ۱، ۲، ۴، ۸، ۱۶، ۳۲، ۶۴، ۱۲۸، ۲۵۶ . حال بوکه مواد معيشت ،
 مواد انفاقه شويله بيور : ۱، ۲، ۳، ۴، ۵، ۶، ۷، ۸، ۹ . بالاده
 عرض ايتديکمز يکرمي بش سنه نسبتنه کوره ايکي عصر
 نهايتنده اهالينک مواد انفاقه يه نسبتى (۲۵۶) نك
 (۹) . و اوچ عصر ختامنده ايسه (۴، ۰۹۶) نك (۱۳) .
 نسبتى کي اولور . ايکي بيک سنه صوکره بوفرق حسابيه
 صيغماز . بر درجه يه کليز . . . »

وقوعات ، شؤنات ، وقايع اثبات ايله دى که (ماتوس)
 قانونى غير صحيحدر . اوت ، اقوام وحشيه ده نفوس مواد
 انفاقه يه نسبتاً پک زياده چوغالسه کرکدر . بونکچون
 المزده حقيقى جداول يوق . نه قدر قوه استحصاله لرى
 وار ، بيلمه يورز . انجق بو قوملر واسع اراضيه
 مالکدرلر ، نفوس آده قليدرلر . بوجهتي بيلورز که بوده

قانون مسروده برنوع تضاد دیمکدر. چونکه (مالتوس) .
 کوره اراضی وسعتی عائب ایتلی ، نفوس بالعکس چوغالملی
 ایدی . مدنیات حاضره مزده ایسه (مالتوس) قانونی
 وقایع ایله صورت قطعیده جرح اولوندی .

اسباب انفاقیه دیدیکمز بتون اسباب اشتراک
 مرکبدر . مثلاً سز دمیر حصوله کتیریورسکز دگلی ؟
 اگر بودمیر ایله اکمک الدمه ایده بیلیرسه کز طبیعیدرکه
 بالذات اکمک استحصال ایدیورسکز ، دیمکدر . بونکتهیه
 دقت بیوراسون . بنابرین اگر ثروت نفوسدن اهاییدن
 دهها زیاده سرعتله ترقی ایدیورسه بوبر دلیلدرکه (مالتوس)
 قانونی موجود دکلدر . اوپلهیا ، ثروت اسباب انفاقیه نک
 هیئت عمومیه سندن ، یکنوندن عبارت اولیور . بویکون
 مقدار نفوسدن دهها سرعتله مترقی ایسه اوجانم (مالتوس)
 قانونی نرده قالیر ! اوقانون که نظریاتجه حقیقه دلفریب !
 فقط وادی اقتصادده بویله نظریه لرك حکمی یوق . ایش
 وقایعده در ، فعلیاتده در ، عملیاتده در . بوقانونک فعلاً ،
 ماده عدم حقیقتنه مثال اولارق اله بالفرض حکومات
 مجتمعه بی آلکنز . بو مملکتده تزايد نفوسه تولداتدن
 باشقه مهاجرت کبی بر سبب ، سائق دهها وارکه شو جهت
 بوقانونه یاردجی اولمق لازم کایر .

حکومات مجتمعه

سنه	نفوس	دولار حسابيله ثروت
۱۸۵۰	۲۳,۱۹۱,۰۰۰	۷,۱۳۵,۰۰۰,۰۰۰
۱۸۸۰	۵۰,۱۵۵,۰۰۰	۴۹,۶۴۲,۰۰۰,۰۰۰
۱۸۹۰	۶۲,۶۲۲,۰۰۰	۶۵,۰۳۵,۰۰۰,۰۰۰

ایشته وقوعاتدن ، شؤناتدن ، حقائقدن اخراج اولونان شوجدولدن عیاناً مستبان اولیورکه ثروتک یعنی اسباب انفاقیه نك ترایدی اها لینگکنه نسبة اتی دفعه دهها زیاده در . بونسبت فرانسه یه تطبیق اولونورسه ینه عین نتیجه دهها پارلاق صورتده حصوله کلیور . شمدی (مالتوس) قانونی ایله بو وقایعی ، بو حقائق قارشى قارشى به قوییکز . بو قانوندن اثر قالیرمی ؟ المانیان ، انکلتزهدن ده بودرجه واضح دلیلر ، مثالر کتیره بیلیرز . دیمک ثروت نفوسدن دهها زیاده سرعتله چوغالیور . استحصالاتک تناسب عادى ، اها لینگ ایسه تناسب هندسی ایله آرتدیغى صحیح دکلدر . عصریمزده کیفیت برعکسدر (مالتوس) قانونی آلت اوست اییدیور . بوقانون بر جودت فکریه دن نشانه ویردیکی ایچون بکا ایتدادن برى خوش کلیور دی ، حالاده اويله کلیور . فقط حقائقه تطبیق ایدیلنجه نیچون بویه بوش چیقیور ؟

بونك بعض اسبابى كتب اقتصادي ده كوستريلور .
 (مالتوس) تدقيقاتنده بعضا اصابت ايمه يور . مثلاً ترقیات
 زراعيه وصناعيه ي بحق نظر محاکمه دن کچيره ميور . حال -
 بوکه عصر يمز ماکنه لريله ، بخار لريله ، شمندو فرلريله بو
 جهتجه خارقه لر کوستردى . بويولده ده زياده ايضاحات
 آريانلر (پول له روو ابوليو) نك مجله کبيره سنه مراجعت
 ايتسونلر .

۶ — (ريقاردو) نك ايراد ارضه دائر قانونى

وقايه قارشى عين وضعيته در ، يعنى غير صحيحدر .
 بوقانونده شويله در : (ريقاردو) اول امرده شو
 فرضياتى ميدانه قوييـورکه ايلک آدم اک کوزل ارضى
 سچمش ، آلمشدر . مثلاً فرض ايدک که برقطعه کشف
 ايدى ، ياخاق اولوندى . اورايه برنجى دفعه اولارق سز
 آياق باصديکز . بالطبع اوککزده کى اراضيدن اک کوزلنى
 سچر ، آيرسکز . ديمک (ريقاردو) طوغرى سويله يور .
 خاير . نظرياتجه ، فرضياتجه بويله اولسه بيله فعلاً ، وقعه
 بويله دکل . بز شمدى ايلک آدملر نه ايديلر ، نه دن
 عبارت ايديلر ، بالقياس ، بيليورز . حتى (ريقاردو) نك
 زماننده بيله سواح مشهوره دن (قوق) ، (بوغويل)
 مدنيت ابتدائيه نك ماهيتنى کوسترمشاردى . بوسياحلك

تدقیقانه ، تجاربنه اهمیت ویرمده ركه ، (ريقاردو) عینیه
 (روسو) نك ظنی کبی بر آدم ابتدای امرده بر قطعیه
 کیرمش ؟ انده اك کوزل اراضی بی انتخاب ایله مش فرض
 ایله یور ، اندن سوکره کلنلر ایسه ایکنجی نوع ارضلری ،
 اوچنچی درجه ده کیلو ایسه اوچنچی نوع یرلری و قس
 علیه البواق انتخابه مضطر قالمشلر ، دییه فرضیاتی
 یوروتیور . بونکله ده ایراده دائر نظریاتی شو اساس
 اوزرینه قوریور : برنجی کلنلر طرفندن اول امرده
 اشغال اولونان اراضینک مصارف زرعیه سیله ایکنجی ،
 اوچنچی و دردنچیلرک عین نوع مصرفلری آراسنده کی
 فرق ارضک ایرادینی تشکیل ایلر . ایلك دفعه اوله رق
 اشغال ایدیان اراضینک ایرادیه بالاخره پی در پی اشغال
 ایدیلن ارضلرک ایرادی آراسنده کی اختلاف کیتدکجه
 بیوردیمکدر : پکی ، بویه اولسون ، نه اهمیتی وار ؟
 دینه مز (ريقاردو) بوقانونی حسن نیته مبنی میدانه
 قویمش . فقط حق ملکیتی ، باخصوص اراضیده کی حق
 ملکیتی طانیماق ایسته نلر بوندن ، بوقاعده دن مقصد
 مضمرلری ایچون بر سلاح ایدینیورلر . ایشته ارضده ،
 تارلاده بر ایراد وارکه نه سرمایه دن ، نه سعیدن ، نه ده
 هیچ بر امکدن ، حقندن متولد دکل . . شومهلك قانون

سیئہ سیلہ کندیلکندن متحصلا در ، اوحالده زید ، یاعمر ونه
 صلاحیتله بویله بر ایراده مالکیت ادعاسنده بولونیورلر ؟ .
 آرتق بوندن آقین آقین مسالک ومنازعات اجتماعیه
 میدانہ حیقیور .

فقط بوفرضیاتده ، بوقاعدهده بیولک بر نقصان ، بر قصور
 وار . ایلک اشغال ایدن ، ایلک اشغال ایدنلر دیور ،
 طورییورر . اگر وقوعات بووجه ایله کذران ایتدی
 ایسه برنجی متصرفک احفادی شمدی کوزه چارپمیلدر .
 چونکه نفوس بر نسیت کلیه ایله تضاعف ایلهدی ،
 (ریقاردو) نظریاتی صحیح اولدینی حالده کیتدجکه الک آز
 محصول ویرن یرلر بیلہ اشغال ایدلدی ، اوحالده برنجی
 ارضک ایرادی حسابہ صیغماز بر صورتده چوغالادی
 دیمکدر . بونک متصرف مسعودینی بر طرفده بولملی یزکه
 ایراد معظمیلہ ، بویله خارق العاده بر ارضیلہ بزی حیران
 ایتلی


حال بوکه حقیقتده بودرلو ایراد ویریر هیچ بر
 ارض یوق ، کیمسه بواقلمی کشف ایدمز ، چونکه
 اساساً مفقوددر . بونظریه ، بوقاعده حقائق الوقایع ایله
 مقایسه اولونورسه شونتیجه الده ایدیلیرکه بوفرضیاتی
 اورتایہ قویان خارق العاده بر ذکادر ، محاکمات فکریه

غایت میالدر ، مستعددر . فقط مادیانه : شئونه ، تدقیقات
 فعلیه درجۀ کفایهده اهمیت ویرمه‌یور .

بالعکس ، خاصۀ حکومت مجتمعهده (قاره‌ی)
 طرفندن بوخصوصه دائر یورودیلن تدقیقات (ریتار -
 دو) نك نظریاتی نقض ایله‌یور . مستملکات اتخاذ ایدیلن
 بتون ممالکده اصلاً ابتدای امرده اک محصولدار اراضی
 اشغال اولونمادی . زیرا اراضی منبتۀ نك قوۀ انباتیه‌سندن
 وهله اولاده انسان استفاده ایده مز . بویله یرلرده
 خدایی نابت اورمانلر ، اوتلر واردرکه اولا اورتادن
 قالدیرلملیدر ، اک محصولدار ارضلر (آلدیون) ارضلر -
 یدرکه ایصتمه ، حما ایله مالا مالدر . انکلرله طولودر .
 حیوانات وحشییه ، زواحفه ، سائر موانعه مقدردر .
 انسان ایلك نظرده بونلردن مباحدت ایدر .

حکومت مجتمعهده ، هندستانده حاصلی مستملکات
 اتخاذ ایدیلن هر طرفده کورلدی که ایلك کلنلر تبه‌لری ،
 اک آز منبت یرلری اشغال ایله‌یورلر ، چونکه بورالری
 چابوق اکمک ، بیچمک ممکندر . انسان بویرلرده اک آز
 اقدام ایله ، اک آز جهد ایله یاشار ، محصول وجوده
 کتیریر . زنکین ، اک محصولدار اراضی ایسه بالآخره

یعنی وسائط قويه اعمالیه ، آلات ، ادوات ، سرمایه‌لر
 الده ایدلدکدن ، عملیات لازمه تطهیریه ویا تجیرنه ایفا
 قیلنه رق بویرلر قابل استفاده برحاله قوندقدن صوکره
 اشغال اولوندی .



هفته . مکتوبلری

تجدد سال ، برتفلسف . — ییل باشی هدیه لری ، اویونچاقلر ،
چیچکار ، غراملر . — سال جدید مطبوعاتی ، ادبیات ، حکایه ،
تاریخ ، سیاسیات نقطه نظرندن سنه سابقه ...

بوکون ، بوهفته پارس عالمنه برکوز کز دیرسه ک
فنا اولماز . . برسنه جدیدیه کیردک . . برثانیه ده ،
بر لحظه ده ، آن واحده حیاتک بیوک برکچیدنن دها
کچدک . . اوت ، برسنه عمر بشرده بر فصل عظیمدر .
برسنه ده نه لر اولماز ، نه لر اولماز . . طالع جبهه دن جبهه یه
دوئر ، درلو درلو چین جبین کوسـتـیر . . اوح ، بعضاً
کولر ، کولومسر . . فقط پک آز ، آزدن آز . . حاصلی
بعضیلری ایچون برسنه بر عصر یرینه کچر ، بعض بچاره .
لرده برکون کبی کلیر ، ایشته بر فلسفه که حالا حل
اولونمادی . . زمان آهسته آهسته مرور ایدرسه می
کوزلدر ، خوشدر ، یوقسه بردن بره حیزله ، سرعتله
کچویریرسه می لطیفدر ؟ . . بنجه هرایکی صورت احواله ،

استعداده تابعدر . سزعت لطيفدر ، فقط آراده فورطنه
اولماملی . . آهسته یورو مک خوشدر ، لکن بطاأت
منزله سینه دوشمه ملی . . زماندن ، ثقلت زماندن تداوی
ایچون انسانه اک برنجی علاج سعی در . سعی اولنسیم نوینه
بکزه یورکه مرور ایامی باشند اشاغی اورتیور ، پنبه ،
نارین ، شوخ برتول کبی اورتیور ، عادتا برکلین کبی
تله یور ، پوللایور ، بزه خوش ، مطرا ، دلارا قیلیور .
(تولستوئی) ، بولجۀ غرابت ذکا ، بومحیط عجیب افکار
نه دیرسه دیسون ، سعی اخلاقه مضر کورسون ،
« برساعی یه باقیکز ، العیاذبالله ، او غرور نه در ؟ او عظمت
نه در ؟ سعیمله جهانی تذلیل ایتمک ایستر ، برفقیره ، بر
سفیله خوار بر نظر تحقیر عطف ایدر . او یله که نکاه
خشینله : « بنی کورسهک آ ، بکا باقسهک آ . . به حریف ،
بنم کبی چالیش ، چالیش ده فقر و سقالتدن قور تولسهک آ . .
آه بن ، بن ! . » معناسنی اطرافه صاچار . « دییه بر
قورقنج آواز ایله باغیرسون ، حاصلی نه یاپارسه یاپسون . .
بز بونوع فلاسفه یی هنوز آکلایامیز ، هنوز لطافت
سعیدن آیرلایز . . بوفطرت بزده ارثیدر ، جبلیدر .
بشریت بوخصلت ایله توأمدر . نه حاجت ! نفسکزه
مراجعت ایدیکز . . موازنۀ عقلیه کزی ، املکزی ،

عرفانکزی الدن قاجیر مادیکنزه کیجه لری یا باغه کیررکن
مطلق بیایر بیامز ، مختصر ، مفصل (فراقان) کی
برمعاینه وجدانیسه ده بولونورسکنز ، بولونورسکنزده
نئجه ده یا « اوح ! .. بوکونده سراپا مساعی ایله کچدی ،
چالیشدق . ساعتلرجه طور مادیق ، چالیشدق .. حیات
حقیقه قنادکل ، دیرسکنز دیمه سه کز بیله دیرکی اولورسکنز ،
اوحسله ، اوشطارتله یاتار ، اولهجه وارلغک اک قوف ،
اک قابا ، لیکن اک آسوده ، بلکه ده اک مزین بردمنه ، دم
اذعافریب نومه کیررسکنز ، یاخود : « اوت ! بوکونده
بوش بوشنه کچدی . هیچ برایش کورمه ده نه در بو حال ،
بو حال که حیاتی سراپا اضطراب ایله تولدیریور » دیه
برفلسفه مضطربانه یه قویولورسکنز .. دردیکنز کویا سببی
بولامازسکنز ، بیله مزسکنز قولاغکزه غیبدن : « بدبخت !
نه ایچون چالیشمادک ، نیچون لذائذ سعی ایله شیرینمذاق
اولمادک ، بوکللاک ، بومالاک ایشته آنک ایچوندیر ، کی
برسس یا صدا کایر اما دیکله مزسکنز ، دیکله سه کزده
اکلامازسکنز . چونکه اضطرابکنز سزی اوحاله قویارکه
شاعرک « اوماهی لر که دریا ابچره در دریایی بیلمزلر »
وصف حزینه تمامیه موصوف اولورسکنز .. سعی
بیوکدر ، « ایس الانسان ... » تجیلی قدر بیوکدر .

بشریتك اك صاف ، اك علوی برمرتیدر . شو حقائق
 مبتدل اما طوغریدر . بعضاً بویله برمعاینه وجدانیه
 برسنه دن اوبرسنه یه کچرکن ده اولیور ، اوزمان دهادرین ،
 دها سوزشناك اولیور . حاصلی برسنه سعیدن ، لطائف
 سعیدن ، نعم سعیدن محرومیتله کچدیسه بوخسار دهازیاده ،
 اوچ یوز آلتش آتی کره دهازیاده حزن ایله کوزه
 چارپار . پارسك بیوك جاده لرنده قوص قوجامان بر ساعت
 وار که سنه نك تبدلانی ده کوستریور . طقسان آلتیدن
 طقسان یدی یه کچور . دیگر سنه باشلارکن کیجه یاریسی
 تصادفاً بوساعتك اوکنده بولوندم ، اوزمان ، ایشته
 اوزمان بر آن غیر منقسمده بتون شو ملاحظات ، بومعاینه
 وار حزنیه ذهنمدن بر سرعت برقانه ایله کچدی . . سنه
 بوساعی ، یوق بوسعیپرست حقیر ایچون رعنا اولمادی .
 او قدر حسن نیتمه ، احترازیمه ، احتیاطمه رغماً کونلریمك ،
 هفته لریمك حتی آیلریمك چوغی زهراب هوایات ایله
 تلخ اولدی .

*

* *

کچن هفته بیل باشی اولدیغی پارسنده نه قدر بللی
 ایدی ! سوقاقلرده برهای وهودر کیدیور . مارین
 وعابزینك چهره لرنده برسکونت ، فقط اکثریا قولتو -
 قلرنده کوچك ، بیوك برپاكت واردی . هدیه لر ، فوج

فوج هديه لر . . چوجقلا ايچون ، بيوكلا ايچون ، خانلر ، خانلر
ايچون هديه لر . بيوك مغازه لر ، بوغرا نجانلر ، بوغرا نجانلر
بويولده امتعه ايله طولدى . اويونجاقلر ، تومن تومن ،
آقن آقن اويونجاقلر . بوواديدم چشيد چشيد اختراعات ،
ايشته بر شمندوفر ، بر لوقوموتيف كه يولى بخارى ،
هر شينى وار . . اعلا يوري-يور ، كوزل بر اويونجاقلر .
فقط اونه در ؟ يارى يولده عينيله بر قضايه اوغرا مش
كبي دور يليور . واغونلر ك بر ايكيلى پارچه لانيور .
اويونجاقلر اساساً بو صورتله ترتيب اولمش . . مقصد
چوجغه شمندوفرده قضايه صورتله اوليور ؟ ناصل
اوليور ؟ كوستر مكدور . ذاتاً قيريق دو كوك بالسسهوله
طوپلانيور . اويونجاقلر اسكى حالتى ينه بوليور . بونلر
چوجقلا ايچون بيوكلا ، خانلر ايچون چيچك : منكشه ،
كل ، زنباق . كانون ثانيدم چيچك ، زنباق ، كل ، منكشه ،
لطيف دكلى ؟ . باخصوص بونلر ك يوزده التمشى عشق
ايله ، غرام ايله مطرا اولورسه . . پارس صنايعك اك
روح پرور ، اك مزين ، بونكله برابر متين بر كوشه سنى
عرض ايدن خارق العاده ، حيرت آرا دمتلر ، سبتلر ،
دمت دمت ، سبت سبت ، چيچكلر بر طرفه طور سون ،
چونكه بونلرده اولطافت ، اوروائى ايله برابر برده كلى

بر ثروت ، بر غنا قوقولری وار که مشام صفوت و سادگی به
 يك خوش گلز . لیکن بری طرفیده بر کنج ، هنوز
 یکر میسنی بیتیرمش بر کنج . . . سیماجه صولوق ، بکنزجه
 اوچوق اولدینی ایچون بر پارچهده خزان یاپراغنی
 آندیران ، او یله طوران ، او یله تترمین ، برده ، شتایه ،
 حاصلی مزاحم زمانه ، زمان بی امانه ، آتی دینیان مجهوله ،
 معمایه قارشى تترمین برکنج النده اوفاق بر اکیلل . . .
 کلدن ، منکشدن ، یاسمندن براکیلل . . . اکیلل شکنده
 بردمت ، یاخود دمت شکنده براکیلل کیدیور ، هر حاله
 رغماً کیدیور ، یوریور . معشوقه سنی ، حزنیه ، قلیله ،
 آمالیه تماماً همحال معشوقه سنی بولیور ، مقدمه سنی عرض
 ایدیور . . . لسان حالیهده شوقیریق دوکوک سوزلری
 صاچیور : « روحم ، عمرم ، املم ، بوهدیة ناچیزی نبول
 ایت ، قبول ایت که جهانك اك بلند ذوتنی ، الذاذوانی
 صیرما صاچلریکه ابتلاده ، الا کوزلریکه پرستشده ،
 محبتکه ، غرامکه و نف حیاتهده بولمش بریچاره دندر . . .
 بز فقیرز ، هرایکیمزده باشقه باشقه صورتله پریشانز . . .
 فقط نه مزه کرك ! بوکون بر بریمزی سویور ، هر درلو
 آلامزی سودامزله تعدیل ایدیورز نحیفز ، ضعیفز . . .
 اوتدرکه ، آه بوضعف ، بونحافت آرامزه برکون بلکه

ابدی برسد چکر . . . لکن شوم سعادته بویله سیاه
 دوشونجه لره نه لزوم وار . . . اوح ، اوح . . . دوشونجه
 آرایورساق اشته چیچکلر ، کلر ، منکشلر . . . مع مافیه
 شکوفه جمالک قارشیده پارلار ، طوریرکن بونلره عطف
 لحاظه تفکره زمان یوق . . . مکرکه بولطافتلر هپ سندن
 نشان اولسون : ای نوردیدم ، ای ملک . . . کوردم
 بوکون برخوش چیچک . . . طوردم ، دیدم ویرسه
 کرک . . . چیچک سندن نشان . . . نه سویله یورم ؟ ناصل
 سویله نیورم ؟ بیلمه یورم ، هیچ بیلمه یورم . . . بریلدیکم
 وارسه اوده سنی سودیکمدر . بهارلردن ، بدیعهلردن ،
 چیچکلردن زیاده سودیکمدر ، عمرم ، املم ، روحم کی
 سودیکمدر . . . دگلی ؟ . . . »

بو حسب حال مونسدن ، بوسوزش لطیفدن صوکره ایکی
 سودازده تعطیلدن استفاده ایله قول قوله ، سینه سینه یه ،
 قلب قلبه مشجره لری ، مسیره لری ، اک آسوده ، اک
 هجری یرلری طولاشیرلر . . . اشته پارساک سوقاقلربی
 باشند باشه اشغال ایدن ، تولدیران بتون شوییل باشی
 هدیه لری ، چیچکلری ایچندن بنی اک زیاده دوشوندیرن
 شوکنج سودازده نك دمتی ، بونظر پیرا ، بو وجدانسوز ،
 بومعیدار دمتی اولدی .

*

* *

سنه باشی مطبوعاتده فیض تجدد ویردی . غرتة لرده
 شایان دقت مقالهلر اوقوندی ، بونلردن (غولوا)
 تحف بر اصول بولدی . مشاهیردن هر برینه مسلک لرینه
 کوره سنه ماضیه دائر سوأللر سوردی . مثلاً
 (زولا) یه : « ادبیات نقطه نظرندن سال سابق ناصل
 کوردیکز ! » دیدی . (روغون ماقار) مؤلفی بو آغیر
 سوآلی خفیف بر جواب ایله کچشدیریور . برسنه ظرفنده
 انتشار ایدن آناری اوقومق محالدر . فقط هیئت عمو -
 میه سیله سنه ادباً فنا کچمه مش اولسه کرک . . او یله
 آکلاشیلور . بر طرفدن (روما) نشر اولوندی که
 هر نه دینیرسه دینسون بلندانه ، مدققانه ، فاضلا نه ،
 متبحرانه بر اثر در ، بر حکایه در . بودور بالخاصه حکایه
 جهتیه پارلاقدر . (قومهدی فرانسه ز) مدیری (ژول
 قلاتی) ده یننه بومدت ظرفنده ، یننه بوزمینده
 (پریشانتو) دییه بر اثر نشر ایله دی که تیارو عالمی تیارو
 اویونجیلرینی بزه بالمله حقاً ثقیله کوستیریور . شاعر
 (قوبه) — مجرم — حکایه سیله شعردن فلسفه یه ، فلسفه
 اجتماعیه یه صیچرادی ، فرانسه یی اک چوق دوشوندیرن
 بر مسئله یی تبعدن کچزدی . پارسده کومه کومه چوجققلر
 وار که اون بش ، اون التی یاشنده زندانلری بویلا یورلر .

یکرمی به و ارمان مدھش بر حیدود اولیور لر . کچن کون
محکمہ لردن بری بولر دن یکر میسنی بردن محکوم
ایدیوردی . (قوپه) شو فلاکتک بر قسم کلی مسئولینی
حکامه عطف ایتک ایستہ یور . اولاد غیر مشروعه نک
تکثرینی ده بو خصوصده بر سائق اولارق کوستریور .
ینہ بوزمانک محصلولرندن (پول پورژہ) نک (بر
سرگذشت فجیع) ی وارکہ بو هفته تیاترویہ تحویل
اولوندی . (ژیناز) ده اوینانیور . بو حکایہ دن کچن یاز
بر مکتوبمده اوزون اوزادی به بحت ایتدمدی . ایکی
آرقاداش ، ایکی جانن ، جکردن آرقاداش آراسنده کی
اخوت حقیقیہ ایله رقابت عاشقانه نک مجادله سنی کورمک ،
باخصوص بویله دقیق ، موشکافہ ، خوش بر قلمله مصور
کورمک ایستہ ینلر بو اثری اوقومایدر . غریبدر ،
بو کوزل حکایہ تیاترویہ تحویل اولونجه بودرجه احتشامہ ،
تزیناته رغماً مظهر اعتبار اولمادی . بو خصوصی تیاترویہ
دائر بر (نقش بر آب) ده شرح ایلرز .

ینہ بوسنہ نک حکایہ لرنندن (بستان مخفی) وار .
(مارسل پرہوو) نک بواثرندن کچنلر ده بر نبذہ دم
اوردمدی . بستان مخفی برقادینک سرائر وجدانی دیمک
اولیور . نہ قدر عقیف اولورسه اولسون زوجہ نک

نه‌لری ، نه اسراری وارد رکه قوجه‌سندن کیزلیدر ، ناچار
 کیزلیدر . فرانسه مورخلری ایچنده اک چوق قدرت
 تاریخیه دکل ، فقط اک زیاده مزیت قلبیه کوسترن (میشله)
 « عشق » عنوانی کتابده دییورکه : برقادین ، برزوجه
 بعضاً وجدانی ، املی خلافتده ناچار برعشقه مبتلا اولور ،
 برارکیکی سورسه ، سومک فلاکتنه دوشرسه بو آفدن
 قورتولمق ایچون قوجه‌سنک قوجاغنه آتلملی ، آغلايه
 آغلايه اعتراف حسیات ایله‌ملی .

(مارسل پره‌وو) ایسه (بستان مخفی) ده برقادینه
 باشقه درلو احتیاسات ویریور ، بتون بوکوشه‌لری
 اسراره غرق ایلور : « بونلر قابل دکل افشا اولونماز ،
 هله بر قوجه‌یه هیچ افشا اولونماز » دییور . حاصلی
 بو حکایه نویسنه‌وانی بر جهتن غایت معصوم ،
 اودرجه‌ده که بر خطا ایشله‌سه بیله غیر مسؤل کوستریور ،
 قباحتی فطرته ، جمعیتیه عطف ایله‌یور . دیگر طرفدن
 اخلاقاً لطافت ، نحافت ، ضعف ایچنده عرض ایله‌یور :
 « ایلک اسن صر صر اغفال و افساده همان قاپیلرلر ،
 هر نه اولورسه اولسون قاپلمغه مهیادرلر . » دیمک
 ایسته‌یور... ارککلر ایچون خوش بر فلسفه اما قادینلردن

برچوغلنك ، بالخاصه رجاله هر خصوصجه طاش چيقارمق
ايسته ينلرك بلكه اعتراضه اوغرار . . .

حكايه ، ادبيات جهتي بويله . . . تاريخ نقطه نظرندن
ايسه اخيراً انجمن دانشه اعضا انتخاب اولونان (آلبر
واندال) اوفاق بر مطالعه يوروتيور : سنه تاريخه نك
اك كوزل محصولي (هانوتو) نك (قاردينالده رشايو)
اثيردر كه تدقيقات وانتقادات حقيقيه مستنددر . مورخلر
زمانزده بوجهته پك اهميت ويرديلر : هيچ عصر يمزك
تاريخي يازمق ايسه ين يوق . هپ عصر سابقه ، اعصار
قديمه يه ميل ايديلور چونكه بو عصر ك واقعه متعلق
منابعي ، مأخذلري تدقيق ، معاينه ايتك مشكل اندر
مشكلدر . بونلرك حد و حسابي يوقدر . بومشكلاتك
آلتندن قولاي قولاي قالمق ممكن اولماديني ايچون
مورخلر ، بيوك مورخلر بو عصر ك تاريخه دائر قلم
يوروتيه يورلر .

سنه سياسي يه ايسه (دوق ده برولي) محاكمه ايله يور .
طبيعي بوفصله ده فرانسه ايچون وقعه اساسيه چارك پارسه
زيارتي ، روسيه و فرانسه اتفاقي اوليور . (دوق ده برولي)
داخلاً فكر سياسي مستملكاته پك داغلامق ،
(ماداغاسقار) ايله ، (تونكن) ايله امثالي ايله اوغراشمق ،

قوای عسکریه بی اوروپاده، مرکز دن آیرماق، داغیتماق،
 حاصلی (آاساس لورن) ی دوشونمکدر . ایشته سنه
 باشنی ، شوفاتحه ، سال جدیدی پارس بویله کچیردی .
 کچن هفته پارس عالمی بویله ایدی .



مظنن بر جنازه آلاي ، كوچك (پيرو) ، بر قومك اخلاقه
ادبياتك تأثري ، (هوغو) لر ، (ميشالر) ، پارس حلقى ،
تخريبات كئول ، برخاطره ادبيه ،

بو هفته پارسده مظنن بر جنازه آلاي اولدى .
نابوت چيچكلر ، دمترل ايچنده ايدى . ارلك ، قادين ،
كبار ، فقير بر جم غفير طرفندن تعقيب اولونيـ ردى .
هر كسه ، هر طرفه بو آلاي ايچون دعوتنامه لر كيتدى .
هر جهتدن ، مبعوثلر ، مرخصلر كلدى . بتون بو آلاي ،
بودبدبه ميني ميني بر چوجق ، فقير ، بيكس ، بدبخت
بر چوجق ، پارسايلرك ديديكى كبي ، كوچك (پير)
ايچوندى .

(پير) بر بوياجينك اوغلى ايدى . حريف بوايكي
يچق ياشنده كي معصومي كونلرجه اشكنجهيه صوقدقدن
صوكره بر كيجه (وانو) سواقانده بر قالديرمك اوسته
ياره لر ، بره لر ايچنده براقيويردى . چوجق صباحي
بولمادى ، اولدى ، ضابطه جه تحقيقاتدى صوكره حقيقت
حال ميدانه چيقارق جريده لرله اشاعه اولونجه هر قلبدن

بر ندای مرحمت ، بو خان پدره قارشی هر آغزدن بر
 لغتدر قوپدی . بویله بر مجرمه کورک ، اعدام جزالرای
 خفیف کوریلوردی ، آغیر آغیر بند قانونی آرانیوردی .
 بوجهت محکمه جه تعقیب اولونا طورسون ، بری طرفده
 (پییر) ک ، بو کوچیجک میتک اطرافه بیوک بیوک
 حاکمردن ، افندیلردن مرکب هیئنلر طویلاندیلر .
 بومغدور ، بومعصوم ایچون یاپاققلرینی بیلمه دیلر .
 هییات ، اومینی مینی وجود جریحه داری موت قوروشمش ،
 دوداقلرینی صولدیرمش ، ایش ایشدن کچمشدی . انجق
 متوفانک روحنی ، روحنی شاد ایتک ایچون شریقلر ،
 الهیلر تنظیم ایتدیلر ، فلاکتی ، چکدکلرینی اوزون
 اوزادییه شرح ایله دیلر ، اولاد محبتی کوکلر . اعلا ایله
 ایله برابر بو مهملک بابایی یرک دینه باطیردیلر ، نهایت
 مظلومه شومطنطن جنازه آلاینی حاضرلادیلر .

بر آیدن بری پارسده نشر اولنان جرائد ، رسائل
 موقوته یه عطف نظر بیورلسون ، هپ چوجقلره ،
 چوجقلرک تجلنه ، تکریمنه ، محبت پدرانه نک قدسیته دائر
 بندلر ، مقاله لر کوریلیر . (پییر) ک پدری کبی خونه
 بر استنا عد ایدیلیر . فقط بنجه حقیقت بویله دکل . .

اوت ، علم ایله ، کمالات ایله تربیه افکار ایدنلر ،

بویولده آز، چوق بر غداي معنوی ایله تهذیب اخلاق
ایله ینلر شو وقعه خجیعه دن صوك درجه متأثر اولدیلر .
فرانسه خلقنده حسیات ایچون، تحسسات ایچون بر استعداد
وفیر وارکه بویله فرصتلر، محرکار، ساحه تجایار بولونجه
بر آلوکبی قاباریویریور .

گاه (دهبا) غزمه سنده، اکثریا (ره ووده دوموند) ده
مقاله لر، انتقادلر نشر ایدن کنج، کزیده بر منقد، (ره نه
دومیق) کچن سنه بر مباحثه ده محررین طبعیونی شدله
مواخذ ایدرکن بر قومک اخلاقه ادبیاتک صور تأثیرندن
بحث ایله یور، «بوتأثیرات انجق یکر می، اوتوز سنه ده
یوز کوستیرر . بوکون جمعیت مزده (ویقتور هوغو) نک،
(میشله) نک، (بالزاق) ک تأثیرلرینی دقتله آراسه ق
زمان زمان بولورز، (غونقورلر) ک نفوذینی ده عصر
آینک ایلک ربعدن صوکره مشاهده ایدرز، دیوردی .
بوسوز صرف حقیقت ایمش، ایشته شمدی پارسک
بر صنف خلقنده مشاهده ایلدی کمز شو اولاد محبتی، شو
صوك درجه، مرحمت حسی، بوتحسسات مفرطانه،
بوکوز یاشلری هپ (ویقتور هوغو) نک، هپ
(میشله) نک القما آتیدر . عصرک بواک بیوک شاعری
دکلیدرکه «وقتا که چوجق کورونور...» کی باشدن

باشه رفق واطافته مالی بر چوق بدایع شعریه دن ماعدا
تا (سفیللردن) اک اوفاق بر پارچه یه ، (کوچک پول)
حکایه سنه قدر ، اولاد ، عمومیتله چوجوق محبتی بر مرتبه
کزیده یه اعلا ایله دی . (کوچک پول) طبقی بوکون
حقیقتی کوردیکمز بو (کوچک پیر) کبی بر سرگذشت
حزیندر . ینه (ویقتور هوغو) درکه شفقت ، مرهمه ،
بشریتک بو احتساس لطیفه رنگ رنگ اشعار و آثار
علویه سیله باشقه بر تجلی ویردی . بوکون ، هیچ شبهه یوق ،
برچوق خلقدن بودرلو حسیاتی اویاندران بواثرلردر .
مثلا هانکی قلب صاحبی زنکین واردکه — شفقت —
منظومه سنی اوقودقدن صوکره النی جینه صوقاسون ،
معاونتنه شتاب ایچون فقرا آراماسون .

عصریمز ده سفیله لر ایچون بیوک بر حس ترحم
اوباندی . تا (لادام اوقاملیا) لردن (نانا) لره ، (آنا .
قاره نین) لره وارنجه یه قدر شویدبختلره هرکس آجیمغه
باشلادی . ایشته بواحتساسکده مبدعی ینه (سفیللر) ده کی
(قانتین) کبی تصاویری ایله (هوغو) اولدی ، بوفکر
مشفق (بر سفیله نک حسبجالی) ایله ادبیاتمزه قدر
یاییلدی .

(هوغو) بویله ، فقط (میشله) ، بومورخ لطیف

بواحتساسات مشفقانہ بی باشقہ وادیدن دها زیادہ اعلا
ایلہ دی . (میشلہ) قدر خلقت لطیفہ احبابی مؤلف ،
محرر آذر . یازدقلمی او قودقچہ بو آدمک طبیعتی بکا
صرف رفق و ملایمتلہ ، رحم و شفقتلہ مال کورونیور .
او قدرکہ بو ذات کین و غضب نہ در ، بی سلمہ یور . ابنای
نوعی ایچون بی انتها بر میل ، بر محبت بسلہ یور ، تاریخی
او قودیکز سہ البتہ کوردیکز ، ہر فرقہ ، ہر ملت ، ہر
قوم ایچون فکر خیر خواہی کوستریور ، فقط ملتی ،
ملیتی جانی کبی سویور . ذاتاً بو محبت دہ بر نوع نجات
حسیہ دن متولد در . (میشلہ) بالخاصہ معصومین خلایقہ ،
ضعفایہ علاقہ دار اولور . (چوجق) عنوانیلہ یازدینگی
کبی کتابدہ لطائف صبا بی ہر درلو مزیاسیلہ شرح ایلہ یور ،
جہانک اک بیوک اقبالی ، نشاطی صباوتدہ ، بوسعادتدہ
اولدینگی دلائل واضحہ و لطیفہ ایلہ اورتایہ قویہ یور .
بوندن سوکرہ (عشق) نامندہ کی اثرندہ قادینلری مدافعہ
ایدیور ، کوریایوریا ، ہپ آثار مرحمت ، ہپ آثار
شفقت . . . عشق ، صباوت ، سعادت . . . فقط (میشلہ)
بو قدرلہ قالمایور ، محبتی حیوانلرہ ، بالخاصہ حیوانلرک اک
ضعیفلرینہ قدر تشمیل ایلہ یور . (بوجک) دیہ برکات
یازیور . بوندہ زواحفہ میلندن ، ترچندن دم اوریور .

برزاحفه بی ضعیف ، نحیف ، هر طرفدن مردود ، هر
جهتجه منفور ، بونکچون پک شایان مرحمت ، پک
سویلی بولیور ، (چوجق ، عشق ، بوجک) هربری
اوچر یوز ، دردر یوز ، صحیفه دن مشکل برر اثر نفیس
درکه سوه سوه اوقونورلر . هله اسلوب کزین که صوک
تألیفده موضوعک محقریتنه رغماً تعالی ایله دجه ایله یور .
(میشله) بیوک برمورخ ، بر فیلسوف ، بلکه ده برشاعر
اولقله برابر اسلوب نقطه نظرندن ده بو عصرک اک
ممتازلرندن بریدر .

(غونقور) لرك (روزنامه) سنده (میشله) یه کوچک
بر زیارتلرینک تصویر حقیقیسی وارکه مورخی داخلاً
ماهیتله ، هویتله کوسترییور : عین علم وتواضع ، عین
رفق وملایمت ، حاصلی عینی (میشله) ...

*

* *

ایشته بوکون پارس خلقنده کوچیچک برمعصوم ، بر
مغدور ، برچوجق ایچون کوردیکمز شو فوران ترجم
(هوغو) ، (میشله) لرك آتارندن ، ادبیاتندن ،
تأثیراتندن برنشانه اواسه کرك . بویله اولورسه غایه
ادبیات آکلاشیلیور . بویله اولورسه ادبک برقومه فوادی
نهدر ، کوریلیور . بونقطه نظرندن ، بالخاصه بووادی

معصومانه دن بیوک برادیجز ، بر استادیمز برایکی خوش
تفکر میدانه قویدی . بونلر پک شخصی اولمقله برابر
لطیفدرلر ، انسانده احتیاسات نجیبه اویاندیریرلر . بونوع
خیره مصروف اولمادقن صوکره امکلر هبایه کیتمزمی ؟
افسوس یکی ، اسکی ادبیاتمзде قاج اثر واردرکه بویله
برفیض ، برفیض ابدییه مظهریت امیدنده بولونا بیلیرلر ؟
بودیاردده برصنف خلق ، یعنی شوکالات آرزو ، چوق ،
یقیندن ، اوزاقدن پروردهلری ، لطیف لطیف پدرلر ،
آننلر ، قاردشلر بودرلو هیجان و خلجان مشفقانهیه
دوشه دورسونلر ، برصنف دیگر مسلك مکر وهنده ، میل
مستکرنهده حالا ثبات ایدیور ، حالا یوارلانیور . دون
(سن) محکمه سنده یکر می یی متجاوز سرسری چوجقلرک
محاکمه لری اولدی ، بونلردن اون طوقوزی عائله لرندن
قبول ایدلمدکلری ایچون حبس خانه لره ، مستملکانه
کرندرلدی . . ایشته ینه عین اقلیمک والدملری که اوز
چوجقلرینی باشلرندن آتیورلر ، ایتیورلر ، بویله برلوحه یی
بو هفته بر (نقش بر آب) مزده مدار بحث ایله دیکمز
(ایکی چوجق) اویوننده سیر ایتلی : آننه ، بابا ، ایکی
مدهش کئولپرست . قادین ارککدن زیاده ایچیور ، هر
ایکیسی ده شراب فیچیسنه بکزم یورلر ، شیشیورلر ، اوילה

پارلایورلر . چوجقلرینی سرقته ، حیدودلغه سوق
ایله یورلر . شاید بوش عودت ایدرلرسه دوکیورلر ،
تپهله یورلر . بونلردن بری خسته اولیور . النده برشیشه
باق یاغی کلیور ، قاری مستکره ، او عیاش قاری بو
شیشه یی اوزاقدن کوریر کورمز شراب صانیور ، قاوریور ،
دیکور بوغازی یانجه حرصندن ، حدتندن چوجنی ضربه
قویولیور .

کوچک (پیر) ک جنازه سنی ، فلاکتی دوناتانلر ،
اعزاز ایدنلر حقیقی اولدیغی کبی شـولـو حده حقیقیدر .
برنجیلر آثار ادبیه ایله فیض بوله رق اوکالاته ایرمـشـلر
ایسه ایکنجیلرده زهر کئول ایله بومذله دوشمشلردر .
اوبرلرنده اولاد ، اطفال محبتی ، بونهال عصمت ولطافت
رنک رنک غنجه لر دوکه طورسون ، بریکیلر ده کین
وغضبندن ، حیوانیتدن ، بهمیتدن ماعدا برخاصه قالما یور .
فقط حیوانلرده ده چوق مزیت وار . بعض حیواناتک
یاورولرینه ارتباطی ، انجذابی ضرب مثلد . مخابر
حقیر وقعه آتیه یی کوزومله کوردم : برزمان المه اوجوز
بربدل ایله کوزل برعرب قیصراغی کچدی ایدی که جنسک
جنسی ایدی . یانه یاقلاشنجه ، اوزرینه ییننجه بنی
طانیردی ، سوردی . برسنه بهارده لطیف بریاوری

وجوده کتیردی . . ایکمزدہ سویندک ، ایکمزدہ
نوزادی نہ درلو تعزیز ایدہ جکمزی بیامہ دک . . ایلرجه
آرقه مزدہ طاشیدق . . یعنی بزداثما اوکدن یوریوردق .
او آرقه دن ، قوشه قوشه ، اوینایه اوینایه کلیور ، بعضآده
اوکمزہ صیچرایه صیچرایه کچیوردی ، برکره شوقدر شوخ ،
لطیف مخلوق آذرر . آت مراقیلیری بولطافتی اکالارلر .
برکون اوشاق غفلتدن قیصراغی یاوروسیله برابر بیوک
برمطبخک یاننده برچاییره باغلار ، زواللی طای برمعتاد
شدید برقوقو آلیر آماز خسته اولور ، اولور . کره لر ،
بولطیف ، بورقیق مخلوقلر اودرجه نازکدرکه بوده
لطاقتلرینه برضمیه در . یاورو اولدکدن صوکره آنه بی
کورملیدی . صباحلره قدر کیشنه یور ، آغلایوردی .
انجق بنمله برابر اولونجه برپارچه تسلی بولیوردی ، بوماتمک
ایلک کونلری بکا اوپله کلدی که حیوانجغزک کوزلرندن
یاش آقیوردی . آجی دملرمدن بری ده برکیجه یاتاغمده
اویقوسزلقله بریاندن بریانه یووارلانیر طوریرکن بو
قیصراغک صباحه قدر دیشاریدن ، اوزاقدن ، فقط
حزین حزین کلن کیشنه ملرینی ایشیتمک اولدی . حسیات
بعضاً بنده بومرتبه کسکین بروجہ آلیر .

حاصلی شوذکری کچن کئولپرست ، بی رحم وبی

مروت آنالر ، بابالر حیوانلردن دها آشاغیدر . بویله جه
 بشریتده عرفان ، صفوت ، مزیت اوزرینه مؤسس اولمق
 کنديا-کندن یکی یکی طبقه لر حصوله کليور ، جمعیت
 حاضرده بونلرک پک جلی مثاللری وارکه شو-کوچک
 (پیر) ک فلاکت حزن انکیزی کبی وقایع ایله درحال
 تظاهر ایدیور ، کوزلره چارپایور . .

* *

*
 بالاده (کره) لفظی کچدی بوکا دائر یادیله اوافق بر
 خاطره ادبیه کليور . . معلوم یا ، (کره) تشدید را ایله
 عریجه کوچوک طای معناسنه در . بیلدیکمز (کره) ،
 یووارلاق ایسه تشدید ایله دکل . . وقتيله شبان شعرا مزدن
 بری بر مجموعه موقوته ده اوزون اوزون بر توحید نشر
 ایله مشدی که معنی کزین اولمقله برابر لفظاً سراپا خطا
 آلود ایدی . برچوق اماله لری ، زحافلری ، حشولری ،
 غلطلری محتوی ایدی ، حتی بالا لزام محتوی ایدی .
 چونکه صاحب منظومه شعرده نقائص لفظیه جواز
 ویرنلردن ، همده زیاده سیله جواز ویرنلردن ایدی .

المده بر مجموعه موقوته واردی . فقط سرمایه یوقدی .
 کیجه لرحه مساعیه مقابل طبع خامدن بربرباد غزل ،
 برقوری ، بوش منظومه یاچیور ، پاچیم یوردی . بو


توحید پر قصوری کورور کورمز مال بولمش مغربیہ
 دوندم . . باشند اشاغی تنقید ایلہدم . ذاتا اودورده
 منقذلك پك قولایدی ، ترجماندن ، سعادتن ، استادلردن
 كوردك ایدی — (واپوردل) یورومز ، الفله نونه مد
 ویریلیور ، مد ویردی کمی الفله نونه . . بومالہیی ،
 اوزخانی عشق عسکری ، یاختم عجمی کوردی ده کولدی
 — کبی حقائق علویہ دن عبارت ایدی . شوانتقاد عاجزیہ
 آرقاداشلرده قلم قاریشدیردیئر ، قوص قوجه برسخیفہ
 اولدی . . ہپ بویله عادیا بکلردن ، عینی تکرملہلردن ،
 برچوق تکرارلردن مرکبیدی .

نہمہ کړك ، بیوك برتأثیر حصولہ کتیردی یا ، کافی . .
 برطرفدن صاحب توحید اوزون برجواب ایلہ بکا هجوم
 ایتدی ، بعض خطا الزندہ اصرار ایلہدی . . اك غریبی
 مقابلہ بالمثل اولق اوزرہ اشعار طفلانہ مدن بر چوغنی
 تنقیدہ آلدی . بتون بوولولہ علیہمدہ اولقلہ برابر طبع
 نوہوسانہمہ ، حرص متشاعرانہمہ خوش کلیوردی .
 ناجی افندی ایلہ طرافدارلری بنی عادتا آتیش لایورلر ،
 تشجیع اییدیور ، انتقاداتی پك محق ، پك مصیب ،
 حتی پك فاضلانہ بویورلردی . اوزمان بویله توجیہات
 بول ایدی .

ناظم توحيدك بشويله بر مصرعى واردى : « هم هر
بريسنده كره لر وار » بوراده (كره) كله سنى يو وارلاق
معناسنه اولدينى ايچون بلا تشديد قوللانلق لازم كليردى .
بو قصوره مبنى مصرع انتقاديمه اوغرايوردى . معلم بر
محاوره مزده تنقيديمك بونقطه سندن بحث ايله :

— (كره) ، بيليرسكز ، كوچك طاي معناسنه در ،
يازيكزده بوجهته بر تلمبىح ياپسه ايديكز خوش اولوردى .
ديدى ، (كره) نك بومعناسنى بيلمه ديكى جواباً
سويله دمسه ده قوجه رند عالى قدر كال نزاكتندن حالا
« يوق ، مطلق بيليرديكز ، فقط خاطريكزه كله مش »
ديه اصرار ايدىيور ، بنى بكا رغماً اسكات ايله يوردى .
بو ذات اشعارنده نه قدر متفاخر ، هله بعض آئارنده نه
درجه متجاوز ايسه محاوراتنده ، مكلماتنده او مرتبه
نازك ، حلیم ، محويتپرست ايدى . بوتضاد نره دن كليور ؟
(هم هر بريسنده كره لر وار) مصرعنده شمدى
ايكنجى بر قصور كوزيمه ايليشيور . (هر بريسنده) خطا
اولسه كرك . (هر برنده) ديملدر . (سى) فضله در .
طبقى اك بيوك بر اديمرك قول معروفى وجه ايله بعض
جاريه لرك (خاميسى) ديدكلرى كچى . يالكلز بويولده بر
خطامز واركه غلط مشهور اولمش ، لغت فصيحجه غلبه

چالمشدر ، اوده (هپسی) در . او قدرکه پك طوغری
اوله رق (هی) دین بعض روم ایلی خالقنی ناحق یر
موآخذه ایدیورز . فقط (هپسمز) دینلری هپمز
بردن تعیب ایله یورز . بوفقدان منطق نهدر ؟ حقیقت
بویله ایکن ادبامز ناصل : غواض بحار منطق اولدق ،
منطق منطق ، طق طق دییه بیلورلر . . لسان بحی ،
لسانمرك بحی بی ، هله بوصیره لرده پك اشغال ایله یور .



مصاحبه علميه

کچن مصاحبه مزده بر نبذه مدار بحث ايلدک ،
آلمانيایي آلمانیا ایدن تاريخ اولدی ، مورخلر اولدی .
عصر سابقده کی آلمانیایه باقیلسون ، برده بوکونکنه عطف
نظر ایدلسون . انسان آراده کی فرق عظیمه حیران
اولور . مزایاسنی شو صحیفه لرده برقاچ کره ذکر ایلهدیکمز
پروسیا باش وکیلی (اشتاین) بوائر عظیمک اک برنجی
بانیلرندندر . بونکچون شو قوجه باش وکیلی اک زیاده
مورخلرک ، تاریخک معاوتنه مراجعت ایلهدی . اول
قرون وسطی تاریخی اله آاندی . طقوزنجی عصر ،
اونجی عصر بیوک بیوک قلملرک همتهله اک اوافق مزایاسنه
قدر اورتایه قوندی ، کیت کیده ادوار سائره کچلدی .
نشریات تاریخیه ایچون قرق جمعیت تأسیس اولوندی .
فوج فرج مورخلر یتیشدی . بونلرک پیری ، همان اک
بیوک (رانکه) در . بو مورخلر آثاری بوکون الی
جلدی بولور .

اوروپا مکتبلرنده کوزل بر عادت وار : هر فصل ،
 هر درس ، هر ماده ، هر مقاله ایچون بر ترتیه رعایت
 اولونیور . کچن کون مستشرق کالاترور موسیو (شفر) ک
 مخدوملری (قریستیان شفر) علو سیاسیه مکتبنده
 تاریخ سیاسیه دائر بزه بر مصاحبه یوروتیورلردی .
 بر مذاکره ده بولونیورلردی . بعضیلریمزه سوالار
 صوریورلردی . اولابریمزه ۱۷۸۹ ده کی انکلتراهی
 سوال ایتدیلر . شا کرد کیف ما اتفاق جوابه باشلادی .
 فقط معلم همان بواسطه جالک اوکنی آلدی : « یوق ، بویله
 اولماز .. بر ترتیب یاییکیز .. انکلتراهی نه وجه ایله بزه
 اکلاته جقسکیز ، تقریریکیزی قاج فصله آیره جقسکیز ؟
 اول امر ده برر برر سویله ییکیز ، بونلری بکا قید
 ایتدیریکیز . بعده بو ترتیب موجبنجه بحثکزی یوروتیکیز »
 دیدی « صوکره (۱) انکلتراهنک جغرافیاسجه احوالی ،
 (۲) حکومتی ، بو حکومتک سیاست تمایلاتی ، (۳) دول
 اجنبیه ایله مناسباتی ... الی آخره دییه بر جدول یاپلیدی .
 تقریر بوکا کوره یورودی . حتی حین حاجتده بو فصولدن
 هر بری بویله ایکنیجی بر تقسیمه اوغرادی . شا کرد
 ایچون ده سهوات ، خواجه ایچون ده سهوات حصوله
 کلدی . ممارسه ، مذاکره بحق اولدی . شمدی بزده

بویله یاپملى يز . (رانكه) دن بحث ایدیورز ، دگلی ؟
 بومورخك اولا ترجمه حالى ، نانيا دستور تاريخیسنی ،
 نائماً فلسفه سنی ، رابعاده ممکن اولورسه آثارینی خلاصه .
 الخلاصه وصف وایضاح ایده جکمزى بیلدیرملى يز .
 تاكه یازیمزى تعقیبده قارئین کرامهده ، بزده قولایلق
 واقع اولسون .

*

* *

(رانكه) — ۱۷۹۵ — ده (ویهه) ده طوغیور .
 یدری دعوی وکیلی ایش . ابوینندن دیندارانه بر
 تربیه کورمش . ذاتاً عائله سنده حسیات دینه وفیر ایش .
 بر اثرنده احساسات صباوتی حکایه ایدیور : (اییه نا)
 انهمزاندن عودت ایدن پروسیا عسکرلرینی کورمش ،
 هیچ متأثیر اولمامش . ذاتاً خواجه لرندن هیچ بری
 بوتأثیری طویمامش . بوخاطره شایان دقتدر . چونکه
 حسیات ملیه نك بو دورده کی درجه فقدانی کوستریور .
 فقط یواش یواش ، (۱۸۰۸ — ۱۸۱۵) شمالی آلمانیا
 برنوع هیجانه دوشونجه (رانكه) ده اوپانمغه باشلایور .
 بوجهتجه اوچنجی (ناپولئرن) ده برنجی به تمامیه
 برخلف بولیور . بریکی آلمانیایی ایقظا ایتدی ،
 اوپانیدردی . اوبری بو اثری اکمال ایدرك شمیدیکی درجه به
 کتیردی .

(۱۸۱۵) محاربه لرنده (رانكه) عسكړه كيرميور ،
 سلاحه صارلمايور . بوندن ماعدا مورخلك ايچون ده اويله
 براستعداد ، بر ميل كوسترميور . (فراقفورت) ده بر
 مكاتبه خواجه اوليور ، آلتى سنه اوراده قاليور .
 تدریساتی بور حله ده ادبیات قدیمه دن عبارت ایدی .
 هفته ده ساده يونان ادبیاتی ايچون يکرمی بش ساعت
 درس ویردی . بویونان مؤلفارینی اوقویه اوقویه مورخ
 اولدی . روايته كوره نه اوكرندی ايسه عمرينك بو
 فصلنده اوكرندی . مورخين قدیمه دن بالخاصه (توسیدید)
 بدیعۀ آمالیدر . بوروايت ، هيچ شبهه يوق ، طوغریدر .
 هفته ده يکرمی بش ساعت درس ویرن وظیفه شناس بر
 خواجه ، ازيجق كوزینی ، ذكاسنی آچارسه بيوك بيوك
 استفاده لر ايدر . وقتيله بر مكاتب عالیده ايكن اصول مالیه
 خواجه مز اوچ درلو اصول تحصيل كوستريوردی :
 بونلردن برنجیسی ، اك بسیطی ، اك خفیفی كتابدن
 اوقومقدر ، اوكرنمكدر . ايكنجیسی معلمك تقريرلرینی
 ضبط ايدرك بالاخره قلمه آلمقدر ، بويله اوكرنمكدر .
 اوچنجیسی ده اصول تدریسدر ، درس ویره ویره ، تقرير
 ایده ایده اكال اكال ايله مكدر . . بو اوچنجی صورت
 مخبر حقيرك ده چوق امدادیمه يتشدی . بر زمان بر مكاتب

اعدادیده یکر می درت، یکر می بش ساعت درسم واردی .
 بر نقش بر آیده سویله دمدی یا ، عمریمک ، مساعیمک اک
 کوزل دوری بو خواجه لك زمانی ایدی . مع مافیله
 اومساعی نه قصیر ، نه محدود ، او عمر نه ساده ، نه سونو کدی !
 ارتق ، شاعرك دیدیکی کبی ، : وار قیاس ایت وسعت
 دریای رحمت نیدوکن . .

کچن کون (ژول له متر) نك مصاحبه سنده بر قطره ،
 ذاتاً شو (اوده ثون) مذاکره لرنده بورام بورام کوستر -
 دیکمز وجه ایله یونان ادبیاتی ، یونان ائاری بشریتک بر
 خزینه الغیب عرفانی اولدی . کالات عصریه مزدن نه یه ،
 نه درلو فکره ، نه چشید اثره ال اوزاتسه کز مطلق کوکنی
 آتنه ساحه لرنده بولور سه کز یونان تیاترولری زمانک
 منقذرلینی ، صحنه لرینی ، تماشا کرانی حالا اشغال ایله یور .
 یونان تاریخلری ایسه ایشه بویله (رانکه) لر ، بویله قطبلر
 یتشدییور .

(رانکه) بوملازمتدن صوکره مورخلکه بسمله
 کش ابتدا اولیور اولاون بشنجی ، اون آلتنجی عصره
 دائر اثر یازیور . ازمنه قدیمه یی تدقیق و نتبعدن صوکره
 ۱۴ ۱۵ ، ۱۶ نجی عصرلره کیریور . (۱۳۰۸) دن ،
 بیولک بر اثر ادیبدن ، یعنی (دانته) نك مضحکة الهیه -

سندن باشلار . (۱۶۱۰) ده ، دردنجی (هانری) نك ،
وفاتيله بىتر ، بوفصلده علوم ، فنون ، ادبیات ، حاصلی
بتون کالات بر فیض ترقییه مظهر اولیور . ادبیات قدیمه
نهدر ؟ ماهیتیه ، اطرافیه آکلاشیلیور . بوخوش تفهمله
ادبیات حاضره وجوده کتیریلیور . اصول طبعك اختراعی
فکره کیف مایشاء بر جولان ویریور ، (اسقولاستیک)
دیدکاری قرون وسطی یاوه لرینی عدم آباده صوقیور .
بر چوق نسخ قدیمه الله ایدیلیور ، تبحر جدی بر اساس
آلیور . هله صنایع نفیسه ، بالخاصه رسم ، هیکل تراشاق
بروجه طبیعی ، بر طرز دلارا بولیور . بو عصرک
لوحه لری ، تصویر لری ، هیکل لری بوکون بیله اک آثار
قیمتدار آثار مصنوعه دندر . مشهور انکلیز فیلسوفی
(باقون) یکی بر دستور فلسفه اورتایه قویور ، علوم
حاضره یه همان بر تمل آتیور ، شعبات سائرّه علمیه ده
بویله ایلریله یور . طب ، تشریح یکی یکی تعالیلر کوستریور .
(غایله) ، (قوپرنیق) انظار امعانی ماورای ارضه قدر
توجیه ایدیورلر ، ماهیت حقیقیّه عالمی کشف ایله یورلر .
نهایت (قریستوف قولومب) — سفینه نوحدن طوپراق
تخریسنه کیدن کوکرچین کی — برجدیده قونیور ،
جهانه برجهان دها علاوه ایدیور . دوشونملی که بوکون

آمریقاده اراضینک آرشونی قاچه در ؟ آه ، اراضی
 دوشونیورز . یا (فرانقان) لر ، یا (واشینگتون) لر ،
 (ادیسون) لر . . . فوج فوج ذکالر ، دهالر ، خارقلر . .
 تله فونلر ، فوتوغرافلر ، حاصلی تومن تومن بدیعهلر ،
 نعمتلر . .

دها بوفصلک آرانیرسه پک چوق محاسنی ، کمالاتی
 کوریلیر . فقط شمذیلک بوقدر یتیر .

*

* *

(رانکه) - Ranke - بویلک اثری اوزرینه برلین
 دارالفنوننه تاریخ معامی تعیین اولونور . بر آره لق
 (ویانه) یه برسیاحتده بولونور . بیوک بر مساعده یه
 مظهر اولور : اوستریا خزینه اوراقنی نظر معاینه دن
 کچیریر . بوصورتله برچوق حقائق تاریخیه الیه ایدرکه
 شو جهت پک شایان دقتدر . صوکره (ونذیک) خزینه
 اوراقنی معاینه ایلر . ایتالیایی باشند اشاغی پیش نتبع
 وتدقیقه آلیر . ظاهرده سطحی کورونن شوتفصیلاته دقت
 بیورملی . . . چونکه دستورینی ، فلسفه سنی تدقیق
 ایدرکن کورورز . بوسیاحتلر مورخک حیات کمالاتنده
 بیوک نقطه لر اشغال ایله یور . بعده (رانکه) آلمانیا یه ،
 (برلین) ه عودت ایدیور . قرق سنه مهادیا اورادم


قالیور . علمیه ، فضلیه ، کالیه پروسیاه پک چوق تاثیر
نفوذ ایدیور . سکسان یاشنده بر تاریخ عالم یازمغه باشلایور .
(رانکه) نک عمری اوج دوره تقسیم ایدم بیلیرز : مورخ
دور اولدم بوسبوتون تاریخک فلسفه جهته قویو لیور .
دور ثانیده منابعله ، داقاقله ، تدقیقات و تتبعات ایله
اوغراشیور . دور ثالثده وار قره عرفانی طوپلایور ،
اک بیوک ، اک صوک ، اک مهیکل اثرینی وجوده کتیریور .
(رانکه) انکلیز حکایه نویسانندن (والتراسقوت) ک
پک مفتونیدر ، غایت حیرانیدر . (والتراسقوت) کچن
عصرک او اخیرنه طوغری یتشمش اعظم دندر که
شاعرلکه اورتایه چیقیور ، بیویور ، فقط کید کیده
حکایه نویسلکده قرار بولیور ، بویله بر حکایه نویسه هر
قورمک ، باخصوص بزم پک احتیاجز وار . بوداهی اویله
سطحی ، بسیط حکایه دکل عادتاً بوسوه ایله بللی باشلی
تاریخ یازیور . بو حکایه لرك هر بری باشدن باشه بر چوق
مزایای مختوی برر دینه تاریخیه در . (رانکه) نک ده
حکایه نویسه مفتونیتی شونکته دن ایلری کلیور .
حکایات تاریخیه اولاری پک معتبر ایمش . . چونکه
خلق بو واسطه ایله عادتاً اکتساب عرفان ایله یورمش .
بالاخره مکتبلرك ، مطبوعات سائر نک تکرری غربده


بوجهته حاجت برامیور . مطالعات عاجزانه مدن اولمق
 اوزره خاطریمه (آکساندر دوما) دن (قرالیچه مارغو)
 کلیور . بوا یکی جلد حکایه فرانسه تاریخندن طوقوزنجی
 (شارل) ایله دردنجی (شارل) دورینی ، هله (سن
 بارتله می) فجیعہ سنی برچوق نکاتیلہ ، دقایقلہ ذهنمه نقش
 ایله دی . بالاآخرہ (اوده ٹون) تیاتروسندہ طوقوزنجی
 (شارل) ه، همان عین موضوعه دائر (ژوزف شہنیہ) نک
 براویوتی ده کوردمدی . آرتق بوفصل تاریخی بالجمله
 عنعنہ سیلہ ذهنمه کیردی . فی الحقیقہ بومعلوماتده ، بو
 اطلاعاتده یک چوق حشویات وار . مثلاً (قرالیچه
 مارغو) نک بعض صحیفه لری صرف ماصالدن عبارت ،
 فقط بویله اولمازسه اثر حکایه اولماز ، بوقدر قولایقلہ
 اوقونماز بوسبوتون تاریخ اولور . (ژوزف شہنیہ) نک
 طوقوزنجی (شارل) نده ، بومنظوم تیاتروسندہ ایسه
 اوقدر حشویوق . . مع مافیہ اودرجه لطافت یوق . ذاتاً
 انسان تیاترویہ ایسته دیکنی صوقاماز ، بووادیده غایت
 مدقق ، ، محترز اولور . کومزه لکدن ، زواندن ، فضلہ
 تفصیلاتدن چکینیر . کچن کون فرانسه مقدرلرندن بری
 بوخصوصہ ، یعنی تیاترو ایله کتاب آراسنده کی شوفرکه
 کوزل برسبب بولیور . برکتاب اوقورکن جانکز صیقیلیرصہ

قاپاییویریرسکیز ، اوقومازسکیز ، برطرفه آتارسکیز .
 بنا برین مؤلف لافز نلک ایتمشسه بیله بوندن پک ضرر
 کورمزسکیز . . حال بوکه برتیا تروپی تماشا ایدرکن بویله
 یاپامازسکیز . تماشایی تعویق ایده مزسکیز ، خاتمه یه طوغری
 بالضروره ایلر یلرسکیز ، یوریرسکیز ، یاری یولده طوراماز ،
 دیکله نه مزسکیز . بویله بر چوق زوانده مبنیدرکه بعض
 تیاترو آثاری سیرجیلری قیزدیریر ، دیکیر ایدر . شوبحث
 قلمک اوجنه کلدی . چونکه منقذک دقیق بر صورتده
 میدانه قویدینی شوفر ق (قرا ایچه مارغو) ایله (طوقوز-
 نجی شارل) آراسنده پک ظاهر در . بوصوک اثرک ایکنجی
 برقصوری ده منظوم اولمسیدر . موزون تیاترو یزا بیلیمک
 ایچون بویله ایکنجی درجه ده دکل ، فقط (راسین) لر ،
 (مولیه ر) لر ، (هوغو) لر کی برنجی درجه ده برشاعر
 اولمیدر . باخصوص (قومهدی فرانسه ز) . اثر قبول
 ایتدیره بیلیمیدر ، چونکه باشقه صحنه لرده بولطافت انشاد
 یوق ، بیتلر بویله انسجام ، بویله نظام ، نظام تام ایله
 تلفظ اولونمایور ، اولونمایور ، بزه (آلیکساندر دوما) دن
 زیاده (والتر اسقوت) طرزنده یازلمش حکایات تاریخیه
 کرکدر . تا که اطلاعات علمیه مز عین سعی ایله فلسفه ده
 توسع ایله سون . . ابتدای شبامده (لطائف روایات) دن

بر قاجانی سوء سوء او قودمدی ، چونکه بر نخبه تاریخیه
ایله آز ، چوق موشح بولدمدی ، مثلاً بونلردن بری
یکچریلردن ، بوعلمدن ، بوحیاتدن بر پارچه ، بر لوحه
کوستریوردی . شو اساس بهین ترقیات حاضره یه کوره
توسیع ایدیلیرسه بویولده تجارب جدیدیه بر نمونه اول-
بیلیر . حکایه وادیسنه دوکولمک ایستهین شبان ادبامن
نیچون بو طریق ده نه میورلر ، نه دن (والتراسقوت) ی
او قومایورلر ، تقلید ایتمه یورلر ؟ اوکجه بویله نویسلر
یتشدیرملی یزکه صوکره (رانکه) کبی مورخلریمز وجوده
کلسون ، اوت وجوده کلسون . . شو آلمان مورخلری
بوهفته بنی چوق دوشوندیردی . حریفلرده نه وسعت ،
نه قدرت نه احاطه وارمش . . نه درین تفکرلر میدانه
قویورلر ، نه یامان چارملر ، واسطه لر ، فکرلر بولیورلر ،
بتون بوعصر ظرفنده آلمانیا نکه هرجه تهجه اقبالنه مسعودانه
موفقانه چالیشیورلر ، بوعلمک اک عمیق نقطه لرینی کشف
ایله یورلر . . شو مقاله کوچک برمدخلدن عبارتدر . آتید
(رانکه) نکه دستورینی ، فلسفه سنی ، تلامیذنی واضع
کورونجه بو حقائقی حیرنله آکلار ، حیرتله تصدیق
ایدرز .







3 1761 06981571 0